







民國叢書

第二編

· 76 ·

歷史·地理類



中華民國開國前革命史 上編

馮自由著

中華民國開國前革命史 中編

馮自由著

中華民國開國前革命史續編 上卷 馮自由著

中國革命運動二十六年組織史

馮自由著

上海書店



馮自由著

中華民國開國前革命史

上編







孫中山肖像



楊 衛 雲 肖 像



黃 克 強 肖 像



章太炎肖像



著者肖像

中國革命同盟會總理孫文

特委托本會會員

馮君自由李君自重之人在香
港粵城澳門等地聯絡同志
二君熱心愛國誠實待人足堪
本會委托之任凡有志入盟者
由二君主盟收接特此通知仰祈
察照是荷


中國革命同盟會總理孫文



天運歲乙巳年八月十日發

狀任委之出發次一第後立成會盟同

照合單製配藥炸文德圖房樓署撫燬炸及模掌如堅史



影 攝 詞 供 如 堅 史




[illegible]

丙午丁未兩年之用革黨電報密碼
(潮惠欽廉鎮南關諸役所用)

頤	倫	俞	侈	伸	仗	亡	也	凡	丁	a
儼	儼	信	例	伺	付	亡	乾	凡	丁	t
儼	儼	修	侍	似	仙	交	亂	凡	丈	c
儼	儼	術	供	但	代	亥	了	丹	丈	d
儼	儼	俱	依	佈	令	亦	了	主	三	e
儼	儼	儼	侮	位	以	亨	予	下	上	f
儼	儼	儼	侯	低	仰	京	事	乃	下	g
儼	儼	儼	侵	住	仲	亭	乃	久	丑	h
儼	儼	儼	侵	住	份	老	二	之	且	i
儼	儼	儼	使	佑	仿	人	于	卡	五	j
儼	儼	儼	保	何	企	仁	云	乎	世	k
儼	儼	儼	促	余	伊	休	互	之	丙	l
儼	儼	儼	俄	余	伍	仇	五	之	丞	m
儼	儼	儼	俊	作	伏	今	井	乖	並	n
儼	儼	儼	俗	佩	伐	介	況	來	一	o
儼	儼	儼	悅	倅	休	仍	些	乙	个	p
儼	儼	儼	倅	倅	伯	仔	亞	乞	中	q
儼	儼	儼	倅	倅	你	仕	亟	乞	吊	r
儼	儼	儼	倅	倅	倅	他				s

碼密報電黨命革之用後以申戊
 (用所役諸岡花黃亥辛州廣戊庚及口河申戊)



(一) 券債軍元百文法英府政命革之行印年午丙



(二) 券債軍元百文法英府政命革之行印年午丙



(一) 券幣金元十國民華中之行印間亥辛戌庚



(二) 券幣金元十國民華中之行印間亥辛戌庚



徐 錫 麟 肖 像



秋瑾肖像



許雪秋肖像



倪映典肖像

章序

自亡清義和團之變。而革命黨始興。至武昌倡義凡十一年。自武昌倡義至於今又十七年。事狀紛拏。未嘗有信史。故舊或勸余爲之。余猶豫未下筆。蓋身不與其事者。非審問則不敢言。身與其事者。所見乾沒忤戾之事亦多矣。書其美不隱其惡。或不足以爲同志光寵。是以默而息也。南海馮自由。與同盟會最久。又嘗爲稽勳局長。以其所見。又徧訪故舊。而作民國開國前革命史。雖未周悉。然阿私之見少矣。其以開國前名者。以爲情有誠僞。事有輕重。事後之所爲者。不得與事前比。且將以前之艱難。曉示後進。使無敢侮者舊擅興作也。夫天下神器也。有異族逼處於此幾三百年。猝然欲還吾所固有者。此非一手一足之所勝任可知已。是故提倡之與實行。其功相衡。其人亦衆多莫適爲主。當提倡時。小小舉兵固有焉。而皆襲其邊垂。事不久長。及夫據形勢擣中堅。往往實行者自爲之。謂不在提倡者度中。誠不可。若乃起某時。攻某地。發令而告。剡日而會。則非提倡者所能與也。且事常有素所輕忽。或異同錯雜其間。而卒有成就者。斯固始慮所不及也。光復會比於同盟會。其名則隱。然安慶一擊。震動全國。立懦夫之志。而啓義軍之心。則徐錫麟爲之也。孫黃在同盟會。所見頗

時。異多謂黃迂闊不足應變。然廣州之役。震動倖于安慶。而爲武昌事先驅。則黃與趙聲爲之也。譚人鳳宋教仁素親黃興。廣州之役。則二子以爲輕舉。黃興亦不肯聽其言。然還入中原。引江上之勢。而合武昌之羣黨。未半歲遂以集事。則譚人鳳宋教仁爲之也。共進會出同盟會後。黃興在日本東京。聞之不怡。與其首領焦達豐爭辯。焦亦抗言不肯屈。然武昌之起。黃興所不與知也。譚宋雖和會其人。乃謂舉兵當俟三年後。及決策奮起。後引湘中。而前舉漢上。豪帥制兵。齊勢並舉。則焦達豐爲之。而自孫武以下。率兼入共進會者也。自徐錫麟死。光復會未有達者。李燮和乃流寓爪哇一教員耳。而能復振其業。返歸滬海。與湘軍東伐者相結。江南製造局之役。事敗氣燄。乃以數百人宵突其門而舉之。上海一下。江浙次第反正。則李燮和爲之也。徐錫麟趙聲最先死。達豐事成亦遽死。教仁與人鳳又次第死。而燮和乃陷入帝制。爲世詬病。故自民國九年以後。知當時實事者已少。夸誕之士。乃欲一切籠爲己有。亦曷足怪乎。且革命者。非常之事。固志士仁人之所慎也。開國以還。惟蔡錫起抗帝制。有恢復功。其餘或事易不足數。或其始頗循名義。而終自負其言。操之太蹙。則于國家人民。禍福未可知也。自由之爲此。蓋痛生民之無告。念亂流之不已。謂其本皆由不窺前事致之。亦可謂發憤有作者矣。余于開國前後諸大事。聞其謀與其役者頗衆。雖不敢謂有功。

自視亦庶幾無疚。獨民國二年。以宋教仁之死。同志發憤與中央政府抗。余亦頗與焉。稽之大法。蓋不可以爲至當矣。顧其時清故恭親王潛謀復辟。因緣張勳。與南方人士相聞。同志不深觀其利病。欲因勢就用之。余力言其非始已。不然。與宗社黨同污。所謂志士者竟安在耶。此猶可以自慊者也。綜觀開國以來十餘年中。贊帝制。背民國。延外患。參賄選。及諸背義賣友之事。革命黨之不肖者皆優爲之。獨復辟事不與。則事前訓練之功猶不可沒。此余所願舉以告天下者也。民國十有七年七月章炳麟序。

萱野長知致著者書

自由先生閣下。久違久違。想念之至。弟近亦脫離政界。不爲一切之競爭。現方從事礦山採掘。所說中華革命運動。革命黨從事于此。數十年於茲矣。而革命大業得以屹然於世界者。其經過歷史千頭萬緒。無一非諸同志慘憺經營斷頭流血之收穫物也。閣下夙與孫公中山同志首唱革命。南船北馬。三十餘年。民國前後革命之役。靡不參與其間。故於公祕事實均知之最稔。今有志編輯中華民國開國前革命史。在閣下確爲惟一之編輯適任者也。刻成之時。可以彰潛德之幽光。慰故人于泉下。而亞洲之紙價。必因之昂騰。可預決矣。但弟所希望者有三。(甲)毋偏于廣州及廣東人。(乙)毋誤第一次革命之真相。(丙)毋忘同盟會前後各省同志之苦心運動。如克強教仁人鳳諸兄之歷史及諸老同志之事實。另封寄呈寫真一枚。即弟于潮州失敗後。與許雪秋喬義生方漢城諸兄逃亡汕頭時攝影者。弟所藏一二三之三次革命紀念材料極多。現在整理中。大著出版時。請先惠一本。弟當亟行翻譯發表。以餉邦人。此候暑安

弟萱野長知， 七月三十一日

自序

中華民國成于革命黨之手。此世人所公認也。今距民國建元十有七年矣。爲問四萬萬人中能言民國創作之歷史者幾何人乎。環顧海內外。能答此問者。蓋寥落若晨星之可數焉。嗚呼。此真民國存亡之一大關鍵也。夫水有源。木有本。身爲民國國民。而于國家締造之艱難。乃茫然無所知。則欲其克盡國民之天職。相與愛護而光大之也。不亦難哉。由此可知近年共產邪說得以流毒于中土。而一般青年學子紛然爲赤俄作虎俚者。誠非無故矣。余維民國歷年肇亂之原因。由於國人愛國心之缺乏。而愛國心之缺乏。則由於革命開國史之未備。斯固革命黨後死者未了之責也。余革命黨之一員也。行年十四。（乙未）卽獲訂交孫逸仙陳少白兩先生於余父之文經商店。自與中會以迄同盟會大小數十役。什九與聞其事。且主持香港中國日報有年。民元長臨時稽勛局時。於各省革命事跡之調查。尤不遺餘力。故三十年來寶藏革命時代之各種筆記報章表冊等等。爲數至夥。宜乎可以從事於革命史之編輯矣。其所以遲遲未克藏事者。則以余於民二七月贛寧二次革命之役。嘗爲袁世凱逮捕繫獄。所存文卷。亦多隨稽勛局檔案而致散失。是以有願未逮。憾也何如。乃觀輓近人心變幻。與時俱進。禮義廉恥

自序

自序

蕩。然無存。益覺編輯革命史之舉爲刻不容緩。於是重行搜集舊稿。并廣徵故舊同志所經過之事實。筆之於書。凡三十餘萬言。題曰中華民國開國前革命史。所以定名開國前者。卽明示辛亥前後革命事跡之輕重大小爲不容混淆也。余不敢謂此書取材之豐富出於一切載籍之上。然自信此書實較出版以前之任何記載爲詳細確實。此余可以負責公言者也。又此書以急於付梓之故。未能向故舊同志一一探求事實。掛一漏萬。誠所不免。補苴罅漏。請俟異日。海內外諸同盟。其有短篇隻字。列舉所知。以匡余不逮者乎。余引領望之。民國十七年四月馮自由自序於上海。

本書大意

一本書定名開國前者。以民元南京參議院制定臨時稽勛局官制。有開國前及開國時之區別。著者前掌稽勛。即以此爲標準。規定乙未廣州失敗至辛亥八月武昌起義以前諸役爲開國前。從武昌起義至民元新正南京政府成立爲開國時。從南京政府成立至三月統一政府成立爲開國後。（例如辛亥八月前捐餉一元可抵南京政府成立前捐餉十元又可抵統一政府成立前捐餉百元）本書之編輯。亦從斯義。以武昌起義之日爲止。至於開國時記載。亦當另行徵集。繼續出版。

一本書以香港中國日報及著者歷年筆記民元臨時稽勛局調查表冊爲底本。著者于庚戌冬（清宣統二年）嘗彙集藏稿。撰一文曰中國革命之種種運動。載諸雲高華埠大漢日報及舊金山大同日報。約四五萬言。爲庚戌以前最翔實之革命記事。此稿不幸于民二七月袁世凱派兵大搜稽勛局時。同時散失。而求諸美洲二報。亦復無存。故本書之編輯。不得不另起爐竈。重行搜集材料。

一本書最有力之助者。爲老友陳君春生。陳君任中國日報筆政最久。生平有珍藏舊書報癖。著有滿清二百年來失地記、漢滿民族戰史、客民源出漢族論、諸書。皆極有價值之作。其

本書大意

人志節清高。不求聞達。民國以來。未列仕籍。近年竟致窮無立錫。求一噉飯地而不得。亦可慨矣。民八某月間著者有搜羅革命史料之志。乃舉其多年保存之中國報及各種書報盡以見惠。就中多屬碩果僅存之舊稿。彌足寶貴。匪獨令本書生色不少。他日正史有成。當亦拜其嘉賜也。

一 本書所載康有爲梁啓超徐勤諸人親筆函件。乃中山先生于壬寅年（清光緒二十八年）在橫濱付托著者保管之物。中有一函爲庚子（清光緒二十六年）亡友林君述唐致容君星橋述漢口運動情形約中山先生同時舉事者。原函亦遭稽助局之厄。不可復得。幸事前述唐之兄某曾借去拍照。其底本今或存在。容當探索補載。此外尚有數函。以無關緊要。故不錄。

一 中山先生自傳頗有錯漏。最著者。如甲辰（清光緒三十年）東京軍事學校之組織。丁未（清光緒三十三年）

汕尾運械之失敗。及乙巳（清光緒三十一年）著者被派赴香港辦理黨務軍務報務等事。均一字不載。

。又如丙午（清光緒三十二年）喬君義生偕法武官過南京。僅結識巡警局同志蔡某等數人。而自傳

謂趙伯先約營長以上皆往見。又戊申（清光緒三十四年）河口之役。黃君克強親入軍中。數日始出。

。人所共知。而自傳謂克強至半途即被法官扣留遣送。一似克強足跡並未履及河口也者。

凡此諸點。皆與事實不符。著者八年前已請中先山生據實修正。先生謂須俟修革命史時始

可詳細補入。且屬著者廣集史料。以資考證。今中山先生逝矣。修正之責。著者義不敢辭。一得之愚。想亦爲參與諸役同盟所樂聞也。

一本書材料搜集二十餘年。無一字無來歷。除著者躬親參與者外。如與中會事實。係得自中山先生及陳少白謝讚秦（著有英文中國革命秘史敘述與中會事詳願載香港南華早報另有單行本）尤烈諸君。華興會及同仇會事實。

係得自劉揆一君。歐洲同盟會事實。係得自賀之才史青朱和中諸君。防城鎮南關欽廉河口諸役事實。係得自黃克強王和順黃明堂諸君。武昌發難事實。係得自宋教仁譚人鳳孫武鄧玉麟吳醒漢潘公復諸君。其他諸役。或根據舊報筆記。或探詢關係人員。皆一一據實述載。無一毫私見存焉。

一本書所錄載各函件原文。均另印製電版。以明真相。其有不滿意個人之言論。著者概不負責。

一東京同盟會本部經過。以劉揆一何天炯二君知之最詳。而黨冊盟書則概存何君手。民十三何君有革命史衡之編纂。求助于著者。并以無赫齋主名義致函諸老友徵求革命事實。旋退處興寧鄉中。從事著述。乃所業未竟。而病死于鄉。故老凋謝。良可痛嘆。聞遺稿材料極富。著者已請何君介弟天瑞以其遺稿見贈。俟寄到時。即當另印專本。以餉同志。

本書大意

本書大意

一本書以同盟諸老友敦促出版。急於付梓。故未暇將原稿向每役關係者一一徵求意見。而每段敘述事實。往往雜亂無章。亦未能加以藻飾。掛一漏萬之嫌。疊床架屋之誚。自知不免。容俟續版時再行訂正。

中華民國開國前革命史上編圖像目錄

孫中山肖像

楊衢雲肖像

黃克強肖像

章太炎肖像

著者肖像

同盟會成立後第一次發出之委任狀攝影

史堅如掌模及炸燬撫署樓房圖德文炸藥配製單合影

史堅如供詞攝影

丙午丁未間用之革命黨電報密碼攝影

辛亥前用之革命黨電報密碼攝影

丙午年印行之革命政府英法文百元軍債券攝影（二幅）

辛亥前印行之中華民國十元金幣券攝影（二幅）

圖像目錄

少年時代之孫中山	頁數，三
香港輔仁文社會員楊衢雲等攝影	五
何啓律師	一一
楊衢雲致謝讚泰英文函攝影	一二
南非洲尊士尼堡埠與中會攝影	一四
南非洲彼得馬尼士堡埠與中會攝影	一五
童年時代之陸皓東	一九
馮紫珊致其姪自由函攝影	三一
中和堂首領尤烈	三四
徐勤致宮崎寅藏書攝影	四二
梁啓超致孫中山函攝影一	四五
梁啓超致孫中山函攝影二	四六
梁啓超致孫中山函攝影三	四七
梁啓超致孫眉函攝影一	四九

梁啓超致孫眉函攝影二

唐才常

容闕

黎科

傅慈祥

康有爲報告書攝影

庚子時代之孫中山

被刺前之楊衢雲

孫中山爲楊衢雲籌捐恤款函攝影

史堅如

少年時代之章太炎

洪全福

謝讚泰

鄒容

圖像目錄

五〇

六五

六八

七七

七八

八一

九一

九九

一〇〇

一〇三

一一二

一一八

一二九

一四二

圖像目錄

中國報前之陳少白	一七一
中國報時代之馮自由	二〇〇
吳樹	二〇五
吳樹遺書攝影	二〇八
陳天華	二〇二
革命方略原本第一篇攝影	二一四
劉道一	二四六
楊卓林	二七〇
甯調元	二七一
孫中山楊衢雲與日本志士合照	三〇四
宮崎寅藏	三一二

中華民國開國前革命史上編目錄

章序

萱野長知致著者書

自序

本書大意

第一章 中國革命之動機

頁數 一——一六

革命之趨勢 孫中山略歷 檀島華僑之資助 楊衢雲略歷

第二章 興中會

七——一六

孫楊之聯合 宣言書之頒佈 中外人之贊助 會長之選舉 革命方略之會議

失敗後之活動 孫楊之會長問題

第三章 乙未廣州之役

一七——二九

起事之籌備 失敗之原因 黨人之就義 黨人之出險 朱洪寶黨問題 譚鍾麟

之奏摺

目錄

目錄

第四章

橫濱興中會及中和堂

三〇——三五

中山到日情形 興中會與中和堂 大同學校與華僑學校

第五章

乙未孫中山歐美之遊

三六——三九

中山二次到檀 初次遊美之成績 倫敦使館之被囚 師友營救出險

第六章

革命保皇兩黨之衝突

四〇——五三

兩黨衝突之原因 橫濱兩派之盛衰 戊戌後康黨之氣燄 謝康之聯合運動 孫梁携手之經過 檀島保皇會之成立 日本志士之入獄 唐部對康梁之惡感 各地黨報之筆戰

第七章

東京留學界之革命潮

五四——五八

自動的革命思想 最初之出版物 勵志會與廣東獨立協會 學生會館與亡國紀念會 新年團拜之演說 拒俄義勇隊之成立 革命軍事學校之組織 革命書報之日盛 湘學生與華興會 陳天華議請立憲

第八章

庚子李鴻章之獨立運動

五九——六四

劉學詢之活動 香港總督之善意 兩廣獨立之失望

第九章 正氣會及自立會

六五——六九

唐才常與兩黨 留學生之參加 正氣會之成立 自立會與國會

第十章 庚子秦力山大通之役

七〇——七二

起事之籌備 大通之佔領 自立軍之失敗

第十一章 庚子唐才常漢口之役

七二——八九

起事之佈置 海外之匯款 擁張獨立之破裂 漢口機關之失敗 沈蕙新堤之失

敗 湖南之黨獄 黨人之出險 保皇會之報告書 張之洞之奏摺

第十二章 庚子惠州之役

九〇——一〇一

發動之籌備 中山入惠之被阻 三洲田之根據地 第一次之大捷 新安虎門之

停頓 第二次之大捷 博羅之響應 第三次之大捷 第四次之大捷 運械計畫

之頓挫 革命軍之解散 清吏之奏摺 楊衢雲之被害

第十三章 庚子史堅如謀炸德壽

一〇二——一一〇

史堅如略歷 入黨之決心 革命之運動 暗殺之佈置 被逮時情形 清吏之文

告

目錄

目錄

第十四章 王寅支那亡國紀念會

一一一——一二七

留學生與亡命客 章太炎略歷 紀念會之發起 紀念日之各地情形

第十五章 王寅洪全福廣州之役

一一八——一二五

洪全福略歷 謝讚泰與容閔 李紀堂之資助 外人之同情 起事之策略 事洩之原因 黨人之生死

第十六章 上海志士及蘇報案

一二六——一四二

新學書報之先河 經元善與唐才常 龔超之獄 作新社與大陸報 張園之拒俄大會 反對王之春之通電 教育會與愛國學社 四民公會與國民議政會 鄒容之革命軍 章太炎之駁康書 蘇報之歷史 清吏捕人之運動 蘇報案發生情形 會審公廨之審訊 章鄒案之原告問題 章鄒案之判決 國民警鐘二報之繼起

第十七章 癸卯周雲祥臨安之役

一四三——一四五

保溟會與周雲祥 清吏之激變 臨安之佔領 雲祥之抱負

第十八章 癸卯東京革命軍事學校

一四六——一四七

中山與留學界 日野與軍事學校 校內之規制及學科 解散之原因

第十九章 甲辰孫中山歐美之遊 一四九——一五五

檀島黨報之創辦 大同日報之改組 洪門總註冊之成績 中山之對外宣言

第二十章 革命黨與洪門會黨之關係 一五六——一六三

洪門之源流及派別 洪門之祕密記號 致公堂與保皇黨 革命黨與哥老會 致

公堂與孫中山 橫濱之三點會 加拿大致公堂之殊勛 與革命無關之洪門團體

第二十一章 甲辰馬福益長沙之役 一六四——一六七

禁止愛國之反感 黃濱與劉揆一 最初之籌備 華與會與同仇會 起事之策略

黨人之出險

第二十二章 甲辰萬福華鎗擊王之春 一六八——一七〇

萬福華略歷 鎗擊王之春情形 黃興等之被逮 審訊與判決

第二十三章 香港中國報及同盟會 一七一——一八五

革命報之元祖 鄭貫一與新聞界 陶模與洪全福 兩黨報之筆戰 粵路風潮與

禁報 同盟會之組織 黃克強與吳崑 康同壁之涉訟 三民主義之來源 同盟

會之活動 丁戊兩年之軍務 天討案與二辰丸案 民生書報社之發展 南方支

目錄

部與新軍之役 時事畫報之復活 馮自由之遊美 辛亥一年之活動 革命之三

時期

第二十四章 歐洲同盟會

一八六——一九三

湖北學生與留歐學生 留歐學生與孫中山 北京革命團體之組織 德法二國之
革命團體 中山之外交活動 王發科等之叛盟 新革命團體與公民黨 新世紀
報與無政府黨

第二十五章 中國同盟會及民報

一九四——二〇四

同盟會之成立 富士見樓之歡迎會 阪本邸之成立會 馮自由赴香港之任務
戊戌庚子紀念會 中山南遊之旅費 民報與取締學生規則 章太炎之歡迎會
民報一周紀念會 國旗方式之討論 清吏對學界之辣手 革命書報之紛起 中
山離日之黨潮 政聞社開幕之武劇 變節黨員之末路 民報封禁與復活 中山
到日之被拒

第二十六章 乙巳吳樾謀炸清五臣

二〇五——二二二

革命潮與偽立憲 實行前之著作 清五臣之炸傷 汪炳之被逮

第二十七章 革命方略

一一三——二四四

軍政府宣言 軍政府與各國民軍之關係條件 軍隊之編制 將官之等級 軍餉

戰士賞恤 軍律 略地規則 因糧規則 安民布告 對外宣言 招降滿洲將

士布告

第二十八章 丙午萍瀏之役

二四五——二六八

起事之地點 起事之原因 起事之聲勢 同盟會之接應 失敗之原因 宗旨之

複雜 失敗之情形 黨人之生死 清吏之文告

第二十九章 丙午南京之黨獄

二六九——二九一

江南新軍之革命潮 萍瀏革命軍之接應 楊卓林等之被逮 孫毓筠等之被逮

袁有升等之被逮 龔鎮鵬等之監禁

第三十章 日知會

二九二——二九五

日知會與耶教 日知會之勢力 日知會與華興會 日知會與同盟會 日知會與

法武官 武昌之黨獄

第三十一章 革命黨與歐美志士之關係

二九六——三〇二

目錄

目錄

革命黨與英國志士 革命黨與法國志士 喬義生之自述 革命黨與美國志士

第三十二章 革命黨與日本志士之關係 三〇三——三一〇

日志士與中山 日志士與康梁 日志士與大同學校 日志士與漢口之役 日志

士與星洲之獄 日志士與惠州之役 日志士與軍事學校 日志士與同盟會 日

志士與潮鎮二役 日志士與汕尾之役

第三十三章 革命黨與菲律賓志士之關係 三一一——三二二

中山與菲島獨立 布引丸之沈沒 中村彌六之騙案 頭山滿之斡旋 宮崎之報

告書

中華民國開國前革命史中編圖像目錄

徐錫麟肖像

秋瑾肖像

許雪秋肖像

倪映典肖像

秦力山致陳楚楠書之二攝影

丁未潮洲黃岡革命軍誓師討滿攝影

辛亥三月革命軍統籌部華僑捐款收據攝影

(一)域多利致公堂三萬元捐款收據

(二)杜朗度致公堂一萬元捐款收據

孫中山致陳楚楠書之一攝影

辛亥三月黃克強出險後左手寫報告書五幅

陶成章肖像

陳伯平肖像

圖像目錄

頁數

九

三六

圖像目錄

馬宗漢肖像

四一

劉思復肖像

八四

天南新報初版攝影

一〇四

陳楚楠肖像

一〇五

林義順肖像

一〇六

泰力山致陳楚楠書之一攝影

一〇八

丙午孫中山與新加坡同盟會幹事合照

一一〇

新加坡同盟會會所晚晴園攝影

一一一

孫中山致陳楚楠書之二攝影

一一五

陳白濁自由致南洋同志書攝影

一二七

香港同盟會致星洲同盟會書攝影

一二八

馮自由致南洋同志書攝影

一二九

中興報初版攝影

一二一

星洲書報社攝影

一二二

孫中山致林義順函攝影

一二八

趙聲致謝良牧書攝影

一四二

黃克強致謝逸橋書攝影

一四四

黃克強致謝良牧書攝影

一四五

池亨吉肖像

一四九

陳芸生肖像

一五二

戊申新加坡革命黨員歡迎黃岡革命軍首領攝影

一五六

黃岡革命軍首領余通之墓攝影

一七二

王和順肖像

一七四

許雪秋萱野長知合照

一八一

關仁甫肖像

一九一

熊成基肖像

二一八

汪精衛北上前致中山原函攝影

二二八

圖像目錄

中華民國開國前革命史中編目錄

本書中編大意

第三十四章 浙江志士與革命運動

頁數 一——一八

文字鼓吹與會黨運動 孫翼中與罪辯文案 蘇報與萃新報案 敖嘉熊與新山歌案 曹阿狗與猛回頭案 會黨之派別及源流 癸甲兩年之會黨運動 組織溫台處會館之計畫 甲辰起事計畫之頓挫 丙午杭州之查拿黨人 大通學校之繼起 丁未各地義師之失敗 戊申後黨人之活動 張恭之獄

第三十五章 光復會

一九——三三

光復會之起源 光復會與同盟會 大本營之設立 捐官之計畫 大通學校之風潮 安慶起事之失敗 浙省起事之失敗 黨人之生死 南洋之光復會 李柱中與光復會 上海之光復軍 光復會之結局

第三十六章 丁未安慶徐錫麟之役

三四——五九

徐錫麟略歷 革命之經營 軍政界之活動 先期發難之原因 起事之計畫
目錄

目錄

鎗擊恩銘時情形 拒戰及被擒情形 審訊及供詞 就義時情形 黨案之株連

光復軍告示 清吏之文電

第三十七章 丁未紹興秋瑾之役

六〇——八三

秋瑾略歷 革命之運動 起事之規畫 大通學校之搜捕 清吏之慘殺 黨案

之株連 各地義師之失敗 光復軍之文告 清吏之文電

第三十八章 丁未劉思復謀炸李準

八四——一〇一

劉思復略歷 謀炸李準之進行 實行機關之設置 製彈失慎之經過 張谷山

述炸彈案情形 陳逸川述炸彈案情形 出獄後之事業

第三十九章 南洋華僑與革命運動

一〇二——一四六

南洋革命黨之起源 楊衢雲與尤列 保皇會與天南新報 閩南報之發起 秦
力山之通信 同盟會之成立 孫中山之通信 馮自由之通信 南洋總匯報之
分裂 中興報之繼起 星洲晨報與書報社 振武善社之武劇 南洋支部之新
章 安置河口敗兵之困難 七洲府之黨務 緬甸之黨務 荷屬之黨務 越南
之黨務 暹羅之黨務 菲律賓之黨務 澳洲之黨務 英屬之書報社 荷屬之

書報社支部移庇能之經過 黃岡一役籌款之經過 黃與趙聲之通信 辛亥光復之助餉

第四十章 丁未潮州之役

一四七——一五一

許雪秋略歷 初次謀取潮城之失敗 二次謀取潮城之失敗 預備再舉之計畫

第四十一章 丁未黃岡之役

一五二——一五五

先期起事之原因 佔領黃岡之戰況 黨軍略地之佈置 粵閩兩省之出兵 汕

頭香港之接應 十五日之劇戰 黨軍解散情形 是役同志之調查 周馥之奏

摺 香港餉之失敗

第四十二章 丁未七女湖之役

一五六——一七〇

惠潮同舉之計畫 鄧子瑜之活動 七女湖之戰況 清軍之敗北 解散後情形

清吏之文電

第四十三章 香港余紀成之獄

一七一——一七三

被捕之原因 第一次之勝訴 第二次之勝訴 出獄後之脫險 香港政府之損

失

目錄

第四十四章 丁未防城之役

一七四——一八〇

官逼民變之慘狀 革黨在欽廉之勢力 王和順入欽情形 防城之佔領 襲取
欽州之失敗 進攻靈山之戰 黨軍解散後情形 清政府之文告

第四十五章 丁未汕尾之役

一八一——一九〇

運械地點之選擇 萱野在日之活動 接械起事之計畫 第一次失敗情形 第
二次失敗情形 幸運丸案餘聞 計取二辰丸械之中止 關於運械事件函牘

第四十六章 丁未鎮南關之役

一九一——二〇〇

關仁甫之活動 王和順之活動 鎮南關之佔領 孫黃同赴戰地 廿九日之炮
擊 陸榮廷之密使 中山回越之布置 革命軍之退却 清法之交涉 法文報
之記載 清政府之文告

第四十七章 戊申馬篤山之役

二〇一——二〇四

黃克強督師 小峯之戰 馬督山之戰 夜襲之大捷 解散之原因 清吏之文

電

第四十八章 戊申河口之役

二〇五——二二〇

河口之形勢 黎關等之被逮 攻佔砲台之劇戰 南溪之佔領 新街之佔領

黃克強赴前敵 黃克強返越被逐 清軍之戰略 糧耗之敗 襲取思茅之頓挫

移師桂邊情形 遣送新加坡情形 胡漢民之報告書 清政府之文電

第四十九章 戊申安慶熊成基之役

二二一——二二九

熊成基略歷 范傳甲與吳春陽 軍界之活動 起事之計畫 馬砲營之發難

兵敗之原因 黨人之生死 朱家寶之文電

第五十章 戊申汪黃謀炸清攝政王

二三〇——二五二

汪精衛之決心 暗殺團之組織 汪精衛之留別書 實行機關之設置 埋置炸

彈之失敗 炸彈案之破露 汪黃等被逮與供詞 三人之定罪 營救團之效果

黃復生之自述

第五十一章 己酉哈爾濱熊成基之獄

二五三——二六二

戊申後之行踪 密售軍書之交涉 謀刺載濤之告密 就義之壯烈 孫竹

丹被害始末

目錄

附本書上編正誤表

二六三——二六六

目次

張溥泉先生題署書面

蔣主席題辭

孫中山先生讀書圖 中國同盟會第一次發出委任狀攝影

但植之先生序文

本書大意

緒言

革命運動第一年（丙戌）之組織

廣州博濟醫院

革命運動第二年（丁亥）之組織

香港雅麗士醫學院 香港楊耀記商號

革命運動第四年（庚寅）之組織

香港輔仁文社

革命運動第六年（壬辰）之組織

澳門中西藥局

革命運動第七年（癸巳）之組織

廣州東西藥局 廣州聖教書樓 廣州廣雅書局抗風軒

革命運動第八年（甲午）之組織

上海名利棧機關 天津佛照樓機關 檀香山茂宜牧場 檀香山興中會 檀香山華僑兵操

隊

革命運動第九年（乙未）之組織

香港興中會總部 廣州興中會 廣州鹹蝦欄張公館 香港杏花樓 北江起義部隊 香山

起義部隊 橫濱文經印刷店 橫濱興中會

革命運動第十年（丙申）之組織

檀香山何寬住宅 南非洲杜蘭斯華興中會 舊金山興中會 倫敦葛蘭旅館 倫敦康德黎

醫生寓 橫濱三餘軒別墅 橫濱修竹寄廬

革命運動第十一年（丁酉）之組織

台北興中會 東京中山樵寓 橫濱衢雲英文學校

革命運動第十二年（戊戌）之組織

橫濱大同學校 橫濱華僑學校 橫濱中和堂 橫濱中山方 台灣台北日報

革命運動第十三年（己亥）之組織

東京高等大同學校 橫濱菲律賓代表寓 東京九段體育會 東京紅葉館送別會 香港中

國日報 橫濱清議報

革命運動第十四年（庚子）之組織

香港革命黨聯合總會 香港法國郵船會議 東京譯書彙編 衡州終南會 上海同文滬報

上海正氣會 上海國會 大通自立軍前軍 湖北自立軍本部 漢口自立軍分所 三洲田
革命軍 博羅革命軍別隊 廣州革命軍暗殺部 廣州西關長老會 廣州五仙門福堂 廣
州西城史公館 香港楊衢雲書館 橫濱開智錄 東京對陽館 九龍鄧三伯農牧場 東京
東亞商業學校 台灣台南日報 杭州浙會 蘇州東吳大學
革命運動第十五(辛丑)之組織

橫濱廣東獨立協會 東京國民報月刊 香港中國日報第三年 新加坡中和堂 舊金山大
同日報第一二年 上海大陸報

革命運動第十六(壬寅)之組織

東京支那亡國紀念會 橫濱支那亡國紀念會 東京青年會 橫濱新民叢報第一二年 橫
濱新小說月報 石岐演說社 武昌孫森茂花園機關 東京湖北學生界 東京湖南遊學譯
編 上海中國教育會 河內興中會 香港大明順天國和記棧 廣州大明順天國興漢軍
花埭信義公司 廣州繼業肥料公司 芳村繼業肥料公司

革命運動第十八年（癸卯）之組織

東京拒俄義勇隊 東京軍國民教育會 東京浙江潮月刊 東京江蘇月刊 杭州白話報
蒙自保滇會 上海拒俄大會 上海四民公會 上海愛國學社 上海愛國女學校 上海蘇
報 上海女蘇報 上海鏡今書局 上海東大陸圖書局 上海國學社 常熟塔後小學 同
里自治學社 華涇麗澤學堂 上海明華女學 蘇州吳中公學社 浙江杭州公學社 金華
萃新旬報 東浦熱誠公學 新加坡小桃園會所 香港世界公益報 東京革命軍事學校
橫濱振華商店 檀香山檀山新報 檀香山新興中會 希爐島興中會 上海國民日日報
上海對俄同志會 檀香山國安會館 上海中國白話報 舊金山致公總堂 上海俄事警聞
上海福建學生會 檀香山許直臣私塾

革命運動第十九年（甲辰）之組織

舊金山興中會籌餉團 舊金山大同日報 上海二十世紀大舞台雜誌 新加坡閩南日報
上海警鐘日報 香港廣東日報 武昌科學補習社 武昌日知會 長沙華興會 長沙明德

學堂 長沙東文講習所 醴陵瀟江學堂 長沙同仇會 長沙修業學堂 長沙經正學堂
長沙作民譯社 長沙聖公會 江西自強會 上海青年學社 紐約致公堂 波士頓致公堂
洛山磯致公堂 山爹古致公堂 紐柯連致公堂 美疎喇致公堂 亞蘭達致公堂 巴士
杰致公堂 橫濱三合會 嘉興溫台處會館 上海光復會 處州雙龍會

革命運動第二十年（乙巳）之組織

東京二十世紀之支那雜誌 貴陽樂羣小學 潮州第一次革命軍 暹羅華暹日報 比利士
國同盟會 德京同盟會 列日城同盟會 巴黎同盟會 東京中國同盟會本部 香港同盟
會 香港有所謂報 東京民報 東京高野方 新加坡南洋總匯報 西貢堤岸同盟會 香
港李陸格致書院 西貢彭西寓 紹興大通學堂 西貢李安利寓 緬甸仰光新報 香港光
漢學校 廣州采南歌劇團 廣州羣報 廣州時事畫報 仰光中華義學 干崖軍國民學校
仰光商務調查會月刊 北京桐城會館機關 桂林同盟會 東京羣智學社 新加坡同盟
會 台山聯志社

革命運動第二十年（丙午）之組織

吳淞中國公學 上海中國女報 上海健行公學 上海夏聽渠寓 上海競業旬報 新加坡
陳連才商號 新加坡星洲書報社 香港中國日報第八年 天津法國參謀部 小呂宋廣調
茂商號 溫高華華英日報 巴黎新世紀報 東京復報 湖北同盟會 香港少年報 香港
東方報 東京鵲聲月刊 東京雲南雜誌 東京洞庭波月刊 東京直言月刊 上海克復學
報 上海國粹學報 檀香山民生日報 東京四川月刊 檳榔嶼同盟會 檳榔嶼檳城書報
社 吉隆坡同盟會 河內同盟會 河內廣東會館 海防萬新樓 新加坡永新祥旅店 南
京珍珠橋營部 安慶安徽公學 堤岸廣逢泰商號 西貢法國銀行辦房 香山武峯閱報社
興寧興民學堂 東京明明社 東京東斌學校 合肥城西學堂 武昌安郡公益社 倫敦
曹亞伯寓 大連同盟會遼東支部 黃岡日新學社 福建同盟會 連江光復會 萍瀏醴洪
江會 萍鄉大漢光復軍 瀏陽新中華南部恢復軍 淮揚革命軍軍實行部 遼瀋聯莊會 長
沙同盟會 樂清明強女學校

革命運動二十二年（丁未）之組織

香港普慶招待所 汕頭鐵路公司 澳門樂羣書室 虎門陸軍講武堂 南甯法文書院 梧州文明閣 潮州第二次革命軍 潮州第三次革命軍 惠州七女湖革命軍 汕頭幸阪旅館 香港蘭桂坊許宅 廣州鳳翔書院 廣州張大夫第 廣州豪賢街朱宅 歸善廣榮商號 連州三江番攤公司 番禺大塘鄉萬馨茶樓 上海通運公司 漳州廣亨商號 東京河南月刊 東京中國新世界 上海神州日報 東京晉聲雜誌 東京漢幟社 東京醒獅雜誌 新加坡中興日報 開封大河書社 香港堅道招待所 九龍青山農場 香港馬禮遜山道招待所 廉州中學堂新軍營 廉州小學堂新軍營 黃埔陸軍小學 佛山黃照善書館 安慶光復軍 紹興光復軍 金華光復軍 台州光復軍 安慶岳王會 荷屬雙溪烈啓智學堂 檳港中華學堂 東京漢風雜誌 澳門優天影劇團 廣州美華書局 雲南體操學校 長崎寶屋旅館 防城革命軍 汕尾革命軍 上海世界社 柳州富貴陸旅館 柳州樟腦公司 東京天義報 鎮南關革命軍 東京大江報 貴陽自治學社 東京共進會 南洋怡保同盟會

芙蓉同盟會 爪勝卑那同盟會 金寶同盟會 林明同盟會 太平同盟會 式叻同盟會
麻坡同盟會 砂勝越同盟會 麻六甲同盟會 關丹同盟會 瀘州革命軍 上海慈溪趙
公館 東京政開社揭亂會

革命運動第二十三年（戊申）之組織

開封同盟會 新蔡劉芬佛私塾 法國輪船于愛 法國輪船河內 新加坡孫總理寓 新加
坡開明閱書報社 欽廉上思革命軍 老街革命軍機關 河口革命軍 香港皇后大道招待
所 新加坡振南街招待所 英屬蔡厝中興石山 武昌羣治學社 武昌白話報 澳洲墨爾
本警東新報 東京雲南獨立會 廣州國民日報 廣州南越報 荷屬泗水同盟會 吧城同
盟會 甲太同盟會 濱港同盟會 雙溪烈同盟會 勿里洋同盟會 嗎吃同盟會 武陵同
盟會 流石同盟會 棉蘭同盟會 坤甸同盟會 三寶壟同盟會 文島光復會 泗水光復
會 廣州守真書閣 香港振天聲劇團 紐絲侖同盟會 東京勤學社 緬甸同盟會 仰光
光華日報 仰光覺民書報社 新加坡振武善社 新加坡南洋支部 香港民生書報社 東

京尚志學社 青島振旦公學 檀香山自由新報 檀香山大聲報 貴陽黔報 日裏蘇門答
臘報 泗水民鐸報 泗水泗濱日報 東京日華新報 廣州梁煥真醫院 柳州蓮花橋機關
仰光第二光華報 汕頭長春堂 雲南永安革命軍 香港現身說法社 香港振南聲劇團
貴陽貧民工廠 西安健本學堂 西安馬安臣學塾 廣州保亞票會 騰越自治同志會
安慶革命軍 新加坡同文書報社 檳榔嶼益智書報社 吡叻蒲盧江秀覺民書報社 吡叻
安順培智書報社 吡叻端洛中興書報社 吡叻布先益智書報社 吡叻美羅萃羣書報社
六條石埠書報社 柔佛公民書報社 雪蘭峨士我月埠書報社 巴東色海東華書報社 檳
榔嶼大山脚華僑書報社 蔴楮巴轄益羣書報社 新加坡公益書報社 新加坡同德書報社
吡叻華僑書報社 吡叻沙叻培文書報社 吡叻拿吃興華書報社 吡叻萬里望民興書報
社 吡叻金寶開智書報社 宗溪詩佛文墨書報社 芙蓉書報社 麻六甲中華書報社 實
兆遠益智書報社 魯乃坡益民書報社 布知埠益智書報社 甲板埠同德書報社 吉礁雙
溪丹年新漢書報社 文丁埠華商書報社 古毛埠競明書報社 北般鳥山打根中華書報社

新馬嶺新華書報社 喃巴哇覺羣書報社 巴生港中國青年益賽會 巴格巴哈益羣書報社
 雪蘭峨巴雙中華書報社 巴雙埠華商公所 萬撓籲智書報社 隆邦書報社 知知埠
 華商書報社 高淵埠書報社 紅毛丹達材書報社 嘮哼文東書報社 萬撓育智書報社
 雪蘭峨介文書報社 嘮哼北千光漢書報社 甲洞開明書報社 安邦埠書報社 加蕉埠啓
 明書報社 加影文華書報社 納閩坡啓文書報社 巴里文礁新華書報社 砂勝越啓明書
 報社 朱毛埠啓智書報社 打吧埠益羣書報社 吡叻古樓南華書報社 巴生益智書報社
 金寶中國青年益賽會 吉隆坡中國青年益賽會 蔴坡啓智書報社 素哩哩開智書報社
 叻思埠公益書報社 雙文月埠斯文書報社 都嶺埠啓蒙書報社 關丹中華書報社 武
 來岸策羣書報社 雪蘭峨新街場埠光漢書報社 太平書報社 波賴進步書報社 荷屬巴
 達維亞華僑書報社 三寶壟樂羣書報社 巨港中華書報社 井帝汶同文書報社 西都文
 羅書報 文島雙溝烈中華書報社 巴眼亞比亞民德書報社 毛燕埠日新書報社 美崙埠
 公益書報社 東婆羅洲古達馬路中華書報社 亞齊爪勝新邦啓文書報社 泗水明新書報

社 大亞齊書報社 巴城老巴寒書報社 南榜書報社 文島檳港中華書報社 萬隆埠民
儀書報社 其沙蘭中華書報社 龍目安班瀾漢光書報社 波盧甘龍中華書報社 山口洋
民生書報社 坤甸圖存書報社 松柏港民羣書報社 坤甸白樹脚羣生書報社 文島如勿
士中華書報社 蘇門答臘巴東書報社 文島雙溝烈明德書報社 潘汶叻利覺羣書報社
日里民禮書報社 日里直名丁宜開智書報社 日里巴株巴勞中華書報社 日里武麗安中
華書報社 日里火水山中華書報社 日里龍葛中華書報社 日里棉蘭華崇書報社 日里
爪勝中華書報社 萬里望智羣書報社 勿里洞華僑書報社 監光登宜開智書報社 哥踏
丁疑覺羣書報社 覺厘洞岸黨書報社 日里爪勝新邦中華書報社 日里頓挽中華書報社
日里大棉中華書報社 日里勿叻灣中華書報社 日里瓦冷中華書報社 日里新邦知甲
中華書報社 日里頌牙埠華僑書報社 日里仙遠中華書報社 緬甸惹申亞沙漢維華書報
社 緬甸丹老埠新民書報社 緬甸摩洛棉漢聲書報社 緬甸瓦城振漢書報社 勃生埠漢
興書報社 勃臥埠培民書報社 洞遇益華書報社 木各具愛羣書報社 密沙興漢書報社

太柳巾演進書報社 望瀨啓智書報社 仁蘭姜協漢書報社 繞彬九振華書報社 知模
漢羣書報社 秉禮光智民書報社 土瓦務民書社 吉桃義民書報社 緬甸貓宇振民書報
社

革命運動第二十四年（己酉）之組織

上海民呼日報 上海民吁日報 上海中國公報 貴陽西南日報 南甯恆益水客店 上海
德福里機關 檳榔嶼南洋支部 九龍城孫壽屏宅 新加坡星洲晨報 檳角華益學堂 汕
頭中華新報 吉林長春日報 香港少年書報社 維多利擊楫學社 舊金山少年學社 香
港時事畫報復刊 北京帝國日報 香港黃泥涌黎宅 香港同盟會南方支部 香港東海旁
馮宅 香港中國日報第十一年 漢口大成印刷公司 東莞醒天夢劇團 貴陽國民捐會
貴陽公立法政學堂 漢口商務報 漢口共進會 北京守眞照相館 哈爾濱賓如棧 香港
金利源藥材行 紐約同盟會 芝城同盟會 廣州新軍聯絡部 廣州雅荷塘機關 廣州濂
泉寺機關 廣州宜安里黃寓 番禺大塘村機關

革命運動第二十五年（庚戌）之組織

廣州新軍革命軍 溫高華大漢日報 維多利致公總堂 漢高華致公堂 舊金山同盟會
北京東北園黎寓 檀香山同盟會 茂宜同盟會 希爐同盟會 檀島同盟會秘密團 檳榔
嶼光華報 仰光進化報 上海民聲叢報 澳洲雪梨民國報 武昌振武學社 上海民立日
報 檳榔嶼孫公館 九龍城黎寓 香港支那暗殺團 庇魯國利馬埠民醒報 舊金山少年
中國晨報 溫高華同盟會 委也基國漢族自由社 漢口大江報 美國葛倫埠同盟會 屋
崙埠同盟會 沙加緬都同盟會 士篤頓同盟會 斐市那同盟會 北架斐爾同盟會 洛山
磯同盟會 馬些埠同盟會 滑慎威利同盟會 山柯些同盟會 西雅圖同盟會 休倫埠同
盟會 的彩埠同盟會 委林麥同盟會 亨佛同盟會 波士頓同盟會 埃崙頓同盟會 費
城同盟會 美利賀同盟會 汪古魯同盟會 紐柯連同盟會 山爹古同盟會 山達巴巴同
盟會 古巴夏灣拿同盟會 介華連同盟會 雲丹拿同盟會 東京左仲遠寓 漢口雄風報
廣州灣三泰利號 仰光緬甸公報 柳州革命軍 舊金山金門學堂

革命運動第二十六年（辛亥）之組織

武昌文學社 香港振天聲白話劇社 北京國風日報 北京國光新聞 香港革命軍統籌部
溫高華洪門籌餉局 加拿大紐威明士達致公堂 多倫多致公堂 金巴倫致公堂 奶磨
埠致公堂 滿地可埠致公堂 魁北克致公堂 渥太華致公堂 坎文頓致公堂 卡忌利致
公堂 溫利辟致公堂 笠巴士篤致公堂 列必珠致公堂 雷振打致公堂 京士頓致公堂
山打允致公堂 把利佛致公堂 沙士加寸致公堂 那士比致公堂 蘭頓埠致公堂 漢
口廣惠公司 漢口長清里機關 武昌胭脂山機關 武昌同興酒店 武昌同興學社 長沙
天星閣機關 寶慶河街機關 廣州人權報 廣州平民報 廣州齊民報 廣州中原報 廣
州軍國民報 廣州可報 香港實行部機關 廣州革命軍司令部 廣州蓮塘街吳公館 廣
州蓮塘街頭髮店 廣州二牌樓機關 廣州嘉應會館 廣州芙蓉里第四號 廣州海旁西街
寶豐米店 廣州育賢坊米店 廣州始平書院機關 廣州粵成頭髮公司 廣州甘家巷機關
廣州萬福里羅宅 廣州廠後街李宅 廣州同福堂機關 廣州大石街機關 廣州司後街

陳公館 廣州粵秀里機關 廣州瓷器店 廣州容福里劉宅 廣州聯勝里機關 廣州天香街機關 廣州麗真照相館 廣州祥龍里陳宅 廣州謝恩里機關 廣州大塘街機關 廣州小南門機關 廣州觀音山脚機關 廣州炸粉街機關 廣州江家祠機關 廣州司後街機關 廣州牛巷機關 廣州泰泉里機關 廣州河南但公館 廣州九眼井機關 廣州大馬站機關 廣州溪峽徐公館 廣州市河水上機關 廣州巡警教練所 香港革命軍統籌部出納課 廣州革命軍出發隊 柳州華熙客棧 惠州別動隊 樂從墟別動隊 番禺別動隊 上海同盟會中部總會 上海楊譜生宅 舊金山新舞台 四川榮縣革命軍 小呂宋同盟會 小呂宋公理報 新加坡南僑日報 舊金山洪門籌餉局 墨西哥孖士打冷埠致公堂 榮苑埠致公堂 加蘭姐埠致公堂 威麻埠致公堂 扶朗姐致公堂 益美利致公堂 哥路拿致公堂 廣州支那暗殺團 廣州河南順和隆機器廠 上海天鐸報 桂林南風報 開封國是日報 檀香山華文學校 維多利同盟會 福州建言報 湖北文學社共進會聯合會 漢口寶善里機關 武昌孫堯卿宅 鄂省革命軍總機關 漢口漢興里機關 武昌雄楚樓 武昌中

和門雜貨店 漢口寶善里劉宅 武昌工程第八營 武昌塘角混成協轡重隊 武昌南湖第八標礮隊 武昌革命軍總指揮 漢口混成協部隊 湖北革命軍政府 天門鄂軍副都督 荆宜革命軍總司令 長沙革命黨總機關 長沙賈公祠體育學堂 長沙優級師範學堂 長沙實業學堂 長沙明德學堂 長沙高等學堂 長沙中路師範學堂 長沙邵陽中學 長沙陸軍小學 長沙警察局 長沙作民譯社 湖南革命軍政府 陝西復漢軍大統領 廣州成記暗殺機關 山西革命軍政府 九江革命軍政府 九江海關署機關 江西革命軍政府 滇西革命軍都督 雲南革命軍政府 資州三十一標反正軍 湖北戰時總司令官 順德樂從墟革命軍 惠州博羅歸善革命軍 上海革命軍敢死隊 上海革命軍政府 吳淞光復軍政府 香山前山反正軍 貴州革命軍政府 江蘇革命軍政府 浙江革命軍政府 石家莊吳祿貞司令部 廣西右江國民軍司令部 鎮江革命軍政府 廣西革命軍政府 廣東革命軍政府 江浙聯軍總司令 福建革命軍政府 新加坡閩粵保安籌餉局 汕頭南路光復軍 美國華僑革命飛機隊 長江海軍各艦敢死隊 安徽革命軍政府 京津同盟會 天津民

意日報 天津北方共和會 瀋州革命軍政府 上海各省都督代表聯合會 漢口各省代表
聯合會 重慶革命軍政府 成都革命軍政府 山東革命軍政府 烟台革命軍政府 遼寧
東三省保安會 河南革命總司令部 河南西路革命軍 河南南路革命軍 河南東路革命
軍 華僑革命黨歸國代表 南京各省代表聯合會 南京中華民國臨時政府 伊犁革命軍
政府 北京炸袁暗殺隊 北京北方暗殺部 河南革命威武軍 河南革命奮勇軍 南京臨
時參議院

中華民國開國前革命史續編目錄（上卷）

本書大意

第一章 孫總理始創檀香山興中會（補前書第一章）……………

興中會成立之經過 募集軍資之成績 興中會之原始章程 檀香山收入之會費及義捐

孫總理自述及分會組織

第二章 孫總理著倫敦被難記第一章之修正……………（一一）

總理對英人措辭之忌諱 孫文學說之第一次修正 中國革命史之第二次修正

第三章 孫總理在倫敦被難之清吏筆記……………（一八）

第四章 中華民國旗之歷史……………（二三）

興中會之青天白日旗 同盟會之紅藍白三色旗 潮惠革命軍之國旗 鎮南關砲台上之

革命旗 庚戌廣州新軍反正之紅旗 革命軍債券面之國旗 辛亥革命軍旗章之異同
孫總理對於國旗之新方案 青天白日用作海軍旗之原因 民元參議院折衷制定國旗之
經過 中華革命黨證之國旗 中華民國旗之確定

第五章 橫濱中和堂與南洋中和堂（補前書第四章）……（三一）

中和堂之起源 橫濱中和堂之沿革 南洋中和堂與圖南報 中和堂與同盟會 民國後
之中和堂 尤列逝世後之中和堂

第六章 革命保皇兩黨之關係（補前書第六章）……（四一）

戊戌前兩黨之關係 戊戌後兩黨之關係

第七章 東京留學界之革命潮（補前書第七章）……（四五）

壬寅東京青年會 癸卯拒俄義勇隊 軍國民教育會

第八章 吳敬恆述癸卯上海蘇報案（補前書第六章）……（五六）

第九章 癸卯後上海志士與革命運動……（六七）

華興會與萬福華刺王案 光復會之活動 上海及江蘇同盟會 競業旬報及神州報 陳其美之革命活動 民呼民吁民立三報之經過 中部同盟會及長江革命 上海光復及滬軍都督

第十章 癸卯檀香山興中會之復興（補前書第十九章）……（八三）

檀山新報之改組 希爐埠黨部之成立 孫總理之以保皇報文 入美手續之籌備

第十一章 甲辰孫總理之遊美籌餉（補前書第十九章）……（九四）

舊金山登陸時之被阻 基督教友及致公堂之助力 辦黨及籌餉之成績 洪門大同報之改組 洪門致公堂之淵源 致公堂之總註冊

第十二章 中國同盟會補述（補前書第二十五章）……（一二〇）

同盟會成立前之革命黨 惠州革命失敗後之孫總理 同盟會之第一次成立會 第二次之選舉大會 國內外支部及分會 丙午年會章之修正 同盟會機關之民報 民報出版後之經過 同盟會成立後之經過 乙丙丁三年會員人名冊

第十三章 香港廣東報紙與革命運動……………(一四八)

港粵報紙宣傳革命之成績 港粵革命報紙主事人名表

第十四章 廣東戲劇家與革命運動……………(一五四)

第十五章 丙午湖北日知會之獄……………(一六一)

日知會發起人劉貞一 同盟會運動之失敗 湖北之大黨獄 劉貞一之信道及逝世 劉貞一非劉家運之修正 張難先題劉貞一之墓碑

第十六章 丙午靖州禹之謨之獄……………(一七三)

第十七章 上海神州日報……………(一八三)

神州日報之創辦人 神州日報之內容 神州日報之中斷及復版 神州日報發刊辭

第十八章 西北志士與革命運動……………(一九一)

留東學界與西北革命 西北革命之動機 國風日報與北方革命 武昌舉義與秦軍響應

山西獨立與吳祿貞被刺 民元後之秦晉革命黨

第十九章 緬甸華僑之革命運動……………（一九九）

華僑教育與新舊思想 秦力山與仰光新報 緬甸黨人之不幸時期 同盟會及閱書報社
光華報及進化報 黨人之雲南革命運動 莊銀安與辛亥革命

第二十章 檀香山自由新報與同盟會……………（二一五）

自由新報前之黨報 自由新報發刊後之經過 同盟會成立後之經過

第二十一章 戊申廣州保亞票之革命運動……………（二二一）

保亞票成立之動機 保亞票以前之粵省軍界 保亞票之運動方法 是役失事之經過
諸烈士就義及審訊情形 保亞票黨人之生死 關於此役之清吏文電 葛謙事略 譚馥
事略 羅澍滄事略

第二十二章 庚戌新正廣州新軍反正之役……………（二四〇）

河口敗後之革命黨 倪映典略歷 新軍入黨之踴躍 各地響應之準備 籌款及運械情

形 除夕鬧事之真相 鬧事後之兵變 子彈缺乏之原因 東門之戰 倪映典之決心
新軍失敗後情形 諸烈士之供辭 事後新軍之影響 袁樹勛之奏摺

中華民國開國前革命史上編

馮自由著

第一章 中國革命之動機

革命之趨勢 孫中山略歷 檀島華僑之贊助 楊衢雲略歷

革命之趨勢 吾國自太平軍興以還。種族思潮。磅礴全國。滿虜二百數十年之基業不絕如縷。雖浜氏中道挫折。而反清復漢之思想。已深潛於秘密會黨之間。牢不可拔。其動機

殆成箭在弦上一觸即發之勢矣。及甲申清光緒十年甲午清光緒二十年二役之敗。割地喪師。民怨沸騰。

有識之士。漸知非變法不足以圖強。非革命不足以救國。於是有所謂革命維新之政治團體出

焉。主張驅除滿族創立民國之政治團體。曰興中會。其首領爲孫文楊飛鴻。主張保存清室變

法圖存之政治團體。曰強學會。其首領爲康有爲。孫楊康三氏皆粵人也。其初兩派對於國事

。宗旨均頗接近。孫於乙未清光緒二十一年廣州發難之先。嘗赴天津。上書李鴻章。條陳改革。而

康之弟廣仁及其徒何章陳千秋。於戊戌清光緒二十四年政變之前。亦嘗詣孫楊磋商合作。故當日兩

第一章 中國革命之動機

派如聯合謀國。原非不可能之事。顧孫以不見納於李鴻章，知清廷運大員不足與謀。遂與楊飛鴻同組織興中會。爲革命之原動力。康則於戊戌政變後。深感清帝知遇。創設保皇會以謁其犬馬戀主之誠。由是革命保皇兩黨。勢同水火。此四百餘州之革命大舞臺。遂由興中會領導前進焉。

孫中山略歷 興中會首領孫文。字逸仙。又號德明。粵之香山人也。乙未年亡命日本。嘗從東俗。自號中山樵。或稱高野。近人所稱中山。卽其留日時別號也。孫少有大志。廣交遊。居常最好搜索太平天國遺事。年二十。肄業於廣州博濟醫院。與同學鄭士良號弼臣者交最密。鄭爲三點會員。於祕密會黨中交遊頗衆。後此孫運動會黨起事。以鄭之力爲多也。翌年轉學於香港雅麗士醫院。每於學課餘暇。日以提倡排滿爲事。時聞而附和者。僅得陳白黃詠襄尤烈楊鶴齡陸皓東等數人而已。陳與孫同學。交誼最密。黃乃香港議政局議員黃勝之子。頗負時望。尤任香港華民政務司署書記。屬洪門黨籍。楊與孫同鄉。有先代遺業楊耀記商號在香港歌賦街。孫常假該店爲議論時政之所。陸爲上海歸客。與孫初交。一見如故。孫得此數同志爲輔。覺吾道不孤。鼓吹益力。癸巳年以全校第一名畢業醫學。遂懸壺於廣州澳門兩地。並創設二藥肆。在廣州洗基者名東西藥房。在澳門康公廟前者名中西藥房。時粵中

西醫極少。而孫獨以醫術顯名。尤精解剖術。就診者戶限爲穿。藥肆營業因而鼎盛。時尤烈



少年時代之孫中山

方任廣雅書局內之廣東輿圖局測繪生。因得借用該書局內南園之擴風軒爲秘密聚會所。孫尤與陸皓東魏友琴鄭士良程耀宸程奎光程璧光數人恆假其地談論國事。孫率先提議創設興中會爲進行機關。以驅除韃虜恢復華夏爲宗旨。衆贊成之。然是時會員寥寥。尙無如何具體之組織也。孫自是日與鄭士良尤

烈等聯絡會黨。交結官紳。藥肆資本及治病所得。均移作交遊之費。又以見嫉於澳門葡醫。竟爲葡官禁止在澳開業。而藥肆貿易遂以不支。孫丁此困厄。乃忽萌上書李鴻章條陳變法之

第一章 中國革命之動機

思想。自草底稿。就商於香港同志陳白等。時值甲午中東戰役。清軍連敗。全國震驚。孫乃偕陸皓東赴上海。謁王韜與商時政。王爲介紹於李鴻章幕府洋務文案羅豐祿。孫至天津。攜其改革時政意見書求謁。李拒絕不見。孫於是失望而有檀香山之行。

檀島華僑之贊助 檀香山又稱夏威夷羣島。華人稱其首都曰檀香山正埠。有華僑約四萬人。孫之兄眉。號德彰。在夏威夷羣島所屬之茂宜島營畜牧業數十年。有牛千數百頭。土人咸以茂宜王稱之。甲午年孫至檀香山。以反清復漢事商諸舊日親友。是時華僑風氣尙極閉塞。聞其言者多爲掩耳。居數月僅得同志數十人。第一次假卑涉銀行華經理何寬寓所開會。列席者有何寬李昌黃華恢劉祥劉壽劉卓曹彩黃亮鄧蔭南鄭金程蔚南鍾木賢李祿宋居仁等十餘人。卽由孫提議定名曰興中會。隨舉孫爲會長。永和泰號司事黃華恢爲司庫。李昌等爲幹事。并發起募捐起義軍債。規定成功日加倍償還。約得款數萬元。其兄德彰協助尤力。無何中東戰事告終。國人以馬關條約之恥辱。異常憤激。孫認爲有機可乘。乃偕鄧蔭南聯袂東返。舟過日本橫濱。藉船上售物商陳清之介紹。結識旅日僑商馮鏡如紫珊兄弟及譚發三人。付與興中討滿章程一大束。託其廣爲宣傳。馮氏兄弟願設立革命團體於橫濱。以爲祖國革命之聲援。孫離日未久。會所隨而成立。乙未廣州失敗後。革命黨員多借日本爲遁逃藪。卽濫觴於



庚寅年輔仁文社社員楊衢雲等攝影

此時。

楊衢雲略歷 興中會首領楊飛鴻。原名合吉。字肇春。又號衢雲。福建漳州府海澄縣三都鄉人也。生於辛酉年清咸豐十一年十一月十八日幼從父清水詣於鄉。年十四。投香港國家船廠學習機械。因失慎。斷右手中三指。於是轉習英文。卒業後任香港灣仔國家書院教授。旋充招商局書記長及新沙宣洋行船務副經理等職。其爲人仁厚和藹。急公好義。尤富於愛國思想。以性好任俠。嘗從拳師習技擊術。雅有心得。自甲申中法

第一章 中國革命之動機

戰役之敗。卽有志於反清復漢。嘗於粵中物色同志。無應之者。庚寅年

清光緒十六年

與友人謝讚泰

劉燕賓陳芬黃國瑜羅文玉周超岳溫宗堯胡幹之等十六人。發起輔仁文社於香港。以開通民智

爲宗旨。初假劉燕賓所辦之炳記船務公司爲會議所。至壬辰年二月十五日

清光緒十八年

始設機關於

百子里第一號二樓。楊被選爲會長。此會內容雖未含有政治上激烈之性質。然仍時不免香港

警察之窺伺也。謝讚泰字聖安。粵之開平縣人。其父日生爲澳洲著名僑商。屬洪門黨籍。時

以滿虜吞滅華夏之歷史訓迪其子讚泰讚葉二人。故讚泰幼承家訓。恆以繼承先志爲務。聞楊

有志反清。遂與訂交。輔仁文社之成。端賴其力。及乙未春間。中山自檀島返香港。欲聯合

各地同志。結合新團體。以經營粵事。知楊謝等有輔仁文社之設。因與商議組黨大計。楊謝

亦以勢力薄弱。非闢新途徑。無以伸張勢力。遂欣然從之。於是兩派合併。而有擴大興中會

之組織。

第二章 興中會

孫楊之聯合 宣言書之頒布 中外人之贊助 會長之選舉 革命

方略之會議 失敗後之活動 孫楊之會長問題

孫楊之聯合 甲午中山在檀島已極力籌餉爲革命進行之需。及歸香港。卽與鄭士良陸皓東黃詠襄陳白楊鶴齡尤烈諸人擬聯絡全省革命同志。擴大興中會之組織。以利進行。因聞楊衢雲謝讚泰等所設輔仁文社宗旨相同。遂與接洽組黨事件。楊謝及文社社員一部贊成之。且願取消舊社名義。爲新團體成立之表示。於是孫楊兩派遂於乙未正月廿七日合併爲一。仍定名曰興中會。設總機關於士丹頓街十三號。榜其名曰乾亨行。凡入會者須一律宣誓。其誓詞曰驅除韃虜。恢復中國。創立合衆政府。倘有貳心。神明鑒察。會所成立後。會衆遂分途活動。中山駐廣州專任軍事。楊衢雲駐香港專任後方接應及財政事務。黃詠襄復捐送蘇杭街大樓房一所爲黨中公費。售之得資八千餘元。乙未一役頗得其力。

宣言書之頒佈 興中會成立後。卽頒佈宣言書及章程十條。以資號召。因避清英二國官吏干涉。文中祇言救亡。仍未敢公然排滿及明示合衆政府之宗旨也。其文如下。

第二章 興中會

中國積弱。至今極矣。上則因循苟且。粉飾虛張。下則蒙昧無知。鮮能遠慮。堂堂華國。不齒於列強。濟濟衣裳。被輕於異族。有志之士。能不痛心。夫以四百兆人民之衆。數萬里土地之饒。本可發奮爲雄。無敵於天下。乃以政治不修。綱維敗壞。朝廷則鬻爵賣官。公行賄賂。官府則剝民刮地。暴過虎狼。盜賊橫行。饑饉交集。哀鴻遍野。民不聊生。嗚呼慘哉。方今強鄰環列。虎視鷹瞵。久垂涎我中華五金之富。物產之繁。蠶食鯨吞。已效於踵接。瓜分豆剖。實堪慮於目前。嗚呼危哉。有心人不禁大聲疾呼。亟拯斯民於水火。切扶大廈之將傾。庶我子子孫孫。或免奴隸他族。用特集志士以興中。協賢豪而共濟。仰諸同志。盍自勉旃。謹訂章程。臚列如左。

一 會名宜正也 本會名曰興中會。總會設在中國。分會散設各地。

二 本旨宜明也 本會之設。專爲聯絡中外有志華人講求富強之學。以振興中華。維持國體起見。蓋中國今日政治日非。綱維日壞。強鄰欺侮百姓。其原皆由衆心不一。祇圖目前之私。不顧長久大局。不思中國一旦爲人分裂。則子子孫孫世爲奴隸。身家性命且不保乎。急莫急於此。私莫私於此。而舉國憤憤。無人悟之。無人挽之。此禍豈能倖免。倘不及早維持。乘時奮發。則數千年聲名文物之邦。累世代冠裳禮義之族。從以

淪亡。由茲泯滅。是誰之咎。識時賢者。能無責乎。故特聯結四方賢才志士。切實講求。當今富國強兵之學。化民成俗之經。力爲推廣。曉諭愚蒙。務使舉國之人。皆能通曉。聯智愚爲一心。合遐邇爲一德。羣策羣力。投大遺艱。則中國雖危。無難救挽。所謂民爲邦本。本固邦甯也。

三 志向宜定也 本會擬辦之事務。須利國益民者方能行之。如設報館以開風氣。立學校以育人材。興大利以厚民生。除積弊以培國脈等事。皆當惟力是視。逐漸舉行。以期上匡國家。以臻隆治。下維黎庶。以絕苛殘。必使吾中國四百兆生民各得其所。方爲滿志。倘有藉端舞弊。結黨行私。或畛域互分。彼此歧視。皆非本會志向。宜痛絕之。以昭大公。而杜流弊。

四 人員宜得也 本會按年公舉辦理人員一次。務擇品學兼優才能通達者。推一人爲總辦。一人爲幫辦。一人爲管庫。一人爲華文文案。一人爲洋文文案。十人爲董事。以司會中事務。凡舉辦一事。必齊集會員五人。董事十人。公議妥善。然後施行。

五 交友宜擇也 本會收接會友。務要由舊會友二人薦引。經董事察其心地光明。確知大義。有心愛戴中國。肯爲其父母邦竭力。維持中國。以臻強盛之地。然後由董事

第二章 興中會

帶之入會。必要當衆自承其甘願入會。一心一德。矢信矢忠。共挽中國危局。親填名冊。並即繳會底銀五元。由總會發給憑照收執。以昭信守。是爲會友。若各處支會。則由該處會員暫發收條。俟將會底銀繳報總會討給憑照。然後換交。

六 支會宜廣也

四方有志之士。皆可仿照章程。隨處自行立會。惟不能在一處地方分立兩會。無論會友多至幾何。皆須合而爲一。又凡每處新立一會。至少須有會友十五人。方算成會。其成會之初。所有繳底領照各事。必須託附近老會代爲轉達總會。待總會結照認妥。然後該支會方能與總會互通消息。

七

人材宜集也

本會需材孔亟。會友散處四方。自當隨時隨地物色賢才。無論中外各國人士。倘有心益世。肯爲中國盡力。皆得收入會中。待將來用人。各會可修書薦至總會。以資臂助。故今日廣爲搜集。乃各會之職司也。

八

款項宜籌也

本會所辦各事。事體重大。需款浩繁。故特設銀會。以資鉅集。用濟公家之急。兼爲股友生財提徑。一舉兩得。誠善舉也。各會友好義急公。自能惟力是視。集腋成裘。以助一臂。茲將辦法節略於後。每股科銀十元。認一股至萬股。皆隨各便。所科股銀。由各處總辦管庫代收。發給收條爲據。將銀暫存銀行。待總會收股時

。卽彙寄至總會收入。給發銀會股票。由各處總辦換交各友收存。開會之日。每股可收回本利百元。此於公私皆有裨益。各友咸具愛國之誠。當踴躍從事。比之捐頂子。買翎枝。有去無還。洵隔天壤。且十可報百。萬可圖億。利莫大焉。機不可失也。

九 公所宜設也 各處支會當設一公所。爲會員辦公之處。及便各友時到敍談。講求興中良法。討論當今時事。考究各國政治。各抒己見。互勉進益。不得在此博弈遊戲。暨行一切無益之事。其經費由會友按數捐支。



何 啓 律 師

十 變通宜善也 以

上各款。爲本會開辦之大綱。各處支會自當仿爲辦理。至於詳細節目。各有所宜。各處支會可隨地變通。別立規條。務臻妥善。中外人之贊助 興中會之革命計劃。大得香港律師何啓及

Memorandum.

To

DAVID SANSON, SONS & CO.

SHIPPING

Hongkong, 27th August 1895

To

My dear Sir

I beg to inform you that we invite Mr. Ho Kai & Mr. J. H. Reid editor of *Shin Shin* to-day. Mr. J. H. Reid is going to give us some good advice. Please call on my office first before you go to Hong Kong. Mr. Ho Kai told us to invite Mr. J. H. Reid.

With compliments

Yours faithfully
George Shaw

第二章 與中會

楊 衢 雲 英 文 函

德臣西報記者黎德 Thomas H. Rui 士
茂西報記者鄧勤 Chesney Duncan 二英
人之助。兩報對於清朝政治之抨擊頗為
盡力。鄧勤曾因鼓吹華人反對政府。為
香港民政長官傳往告誡。何啓為吾國人
在英國畢業法律之老前輩。時任香港議
政局議員。常在中西各報發表中國改革
之政見。名重一時。對於孫楊等之進行
。當參預大計。惟祇允從中暗助。而不
願列名黨籍。與中會之英文對外宣言。
即推舉英人黎德及高文 F. Cowen 二人起
草。而由何啓謝讚泰修訂之。此乙未九
月廿一日 陽歷一八九五年十月九日 事也。附錄乙未七
月初十日楊衢雲致謝讚泰英文函如下。

謝續泰仁兄鑒。吾等擬今日往訪何啓博士及德臣西報記者黎德君。黎德君當能與吾等以良好之指導。請兄于赴杏花樓以前先到弟之事務所。何啓博士已語吾等同訪黎德君矣。

弟楊衢雲 一八九五年八月二十九號

會長及總統之選舉 興中會初成立時。衆以事屬草創。規模未備。故會中主要職員久未確定。然事實上已分配爲二大任務。關於廣州軍事之運動。中山任之。香港之接應及財政之調度。楊衢雲任之。至是年八月廿二日因廣州運動成熟。將次發難。衆乃投票選舉會長。名之曰伯理璽天德。此職即起事後之合衆政府大總統也。時會中分孫楊二派。競爭頗烈。中山不欲因此惹起黨內糾紛。表示退讓。結果楊衢雲當選。至廣州軍事。仍由中山主持一切。楊則在香港担任募集同志及接濟餉械等事。

革命方略之會議 是年二月間。孫楊諸人日在乾亨行商議攻取廣州計劃。二十日

陽歷三月十六日

開會。議決挑選健兒三千人。由香港乘船至廣州起事之方法。陸皓東提議用青天白日旗。以代滿清之黃龍旗。亦於是日通過。同時復有人報告。謂日本駐港領事言中國革命黨如果舉事。日政府可以暗助。至七月初八日。因省中籌備已竣。而乾亨行頗有偵探窺伺。遂宣佈將該行取消。初九日孫楊諸人假西營盤杏花樓開會。何啓及西報記者黎德亦在座。衆推何啓主席



南非洲尊尼士堡興中會攝影

。是日議決攻取方略甚詳。黎德允担任運動英國政府承認中國革命政府。不加干涉。

失敗後之活動 九月重陽日發難之舉既完全失敗。中山陳白鄭士良赴日本。旋設興中會於橫濱。楊衢雲則赴越南西貢。復漫遊新嘉坡墨特拉斯科倫布卡爾格達（印度）尊尼士堡及彼得馬尼士堡（南非洲）各埠。所至皆設興中分會。得同志黎民占霍汝丁等多人。成績頗優。丙申十月始由非洲東歸。旋復用中國合衆政府社會名義印發各種傳單分寄長江沿岸各省及海外各埠。以廣宣傳。



南非洲彼得馬尼士堡興中會攝影

孫楊之會長問題 興中會自乙未敗後數年。會長一職仍由楊衢雲肩任。並未改選。惟在楊南遊期間。與各省會黨及日本志士之交際。概由中山任之。故中山已不啻爲事實上之會長。及己亥冬。畢永年與哥老會龍頭李雲彪楊鴻鈞張堯卿辜天祐等有聯合各秘密會黨奉中山爲首領之議。遂有人諷楊辭職讓孫。期免黨內糾紛。適楊於是年十二月廿四日乘日輪鎌倉九至香港。遂以此徵求謝讚泰同意。謝亦贊同。楊於是提出辭職。並薦中山自代。未幾興中三合哥老三會代表在香港開會。同舉中山爲總會長。並特製總

第二章 興中會

會長印章。由日人宮崎寅藏賣往橫濱。上諸中山、其所以特稱總會長者。即明示中山之被舉。由於三會之公意。與普通會長不同也。及庚子三洲田義師失敗。楊亦被清吏刺殺。興中會自是停止軍事活動。無所發展。中山至乙巳始聯合各省同志另組中國同盟會。

第三章 乙未廣州之役

起事之籌備 失敗之原因 黨人之就義 黨人之出險 朱洪實黨

問題 譚鍾麟之奏摺

起事之籌備 興中會既成立。孫中山楊衢雲鄭士良黃詠襄陳少白陸皓東謝讚秦尤烈諸人遂決議着手革命運動。謀先襲取廣州爲根據地。由各人認定任務。分途進行。中山至羊城。初以醫術納交於軍政各界。督撫司道以其學術優越。咸器重之。中山因是得以高談時政。放言無忌。雖語涉排滿。而聞者僅目爲瘋狂。不以爲意。繼復假振興農務爲名。創設農學會爲起事機關。並設分機關於雙門底王家祠雲崗別墅及市門外鹹蝦欄張公館二處。政界要人不知底蘊。亦多列名贊助焉。籌備半載。漸臻成熟。遂定期九月重陽日發難。先由朱洪撰討滿檄文。何啓及英人鄧勤起草對外宣言。城中防營及水師泰半聯絡就範。附城各處綠林。如北江之大砲梁。香山隆都之李杞侯艾存等。均預約屆時集合。省河南北分設小機關數十處。并購小火輪二艘爲運輸用。其計畫擬在香港招集會黨三千人。初八晚乘河南輪船進省。並用木桶裝載短鎗。充作士敏土。購報稅關。初九早抵省垣時。齊用刀斧劈開木桶。取出鎗械。首先向

第三章 乙未廣州之役

城內各重要衙署進攻。同時埋伏水上及附城各處之會黨。則分爲北江順德香山潮州惠州數大隊。分路響應。更由陳清率領炸彈隊在各要區施放炸彈。以壯聲勢。預定以紅帶爲號。口號爲除暴安良四字。一切計畫。頗爲周密。

失敗之原因 時黨員朱淇之兄旌生向辦清平局事務。知其弟列名黨籍。恐被牽累。竟用朱淇名義。託該局勇目某將黨人舉動密稟緝捕委員李家焯。以期將功贖罪。李得報。一面派兵士監視中山行動。一面親赴督署稟報。是日中山方赴某大紳宴會。見有兵勇守伺左右。知事不妙。乃笑語座客曰。此輩其來捕余者乎。放言驚座。旁若無人。宴後歸寓。兵士皆熟視無覩焉。粵督譚鍾麟聞李家焯報告有人造反。急問何人。李以孫文對。譚大笑曰。孫乃狂士。焉能造反。堅不肯信。李失意而退。及初八日。楊衢雲在港以佈置尙未完備。邊通告延期二日。至初十晚派丘四朱貴全率領散處新安屬深圳鹽田沙頭各地集中九龍之會黨二百餘人。搭保安輪船晉省。然在此延豫期間。已爲駐港偵探韋寶珊所偵知。遂電告粵吏。使爲戒備。同時黨軍所私運短鎗六百餘桿亦爲海關發覺。譚督於初十日聞報。極形恐慌。急調駐長洲之營勇一千五百人回省防衛。並令李家焯率兵至王家祠鹹蝦欄等處搜獲黨人陸皓東程耀臣程懷劉次梁榮等五人。及軍器軍衣鐵釜等物。又命營官親捧王令。督同弁勇四出兜拿。就地斬首。

中山于是晨聞報事洩。卽急電香港楊衢雲以止辦二字。令阻止所派之二百人勿來。詎此電到達時。人及鎗枝均已下船。無從阻截。楊祇得復電以得接太遲貨已下船請接之十字。詎保安輪船由香港動輪後。黨人所備用之洋鎗七箱。偶因他故。船中貨物移易位置。七箱之上忽爲多數雜貨所積壓。臨時無法取用。黨人失此武器。如缺左右手。及該輪抵廣州時。南海縣令李徵庸已率兵在碼頭嚴密截緝。捕獲丘四朱貴全等四十餘人。餘黨知大事已去。一閔而散。譚督以事關重大。特令南番兩縣嚴刑審訊。欲藉此大興黨獄。

黨人之就義 黨人被逮後。均視死如歸。直認殺滿興漢不諱。尤以陸皓東供詞爲慷慨激昂。

。李令提訊時。叱陸使跪。陸不爲屈。

慨然索紙筆認供。振筆直書。其辭曰。

童 年 之 陸 皓 東

吾姓陸名中桂。號皓東。香山翠微鄉人。年二十九歲。向居外處。今始返粵。與同鄉孫文同憤異族政府之腐敗專制。官吏之貪污庸懦。外人之陰謀窺伺。憑弔中原。荊榛滿



第三章 乙未廣州之役

目。每一念及，真不知涕淚之何從也。居滬多年。碌碌無所就。乃由滬返粵。恰遇孫君。客寓過訪。遠別故人。風雨連床。暢談竟夕。吾方以外患之日迫。欲治其標。孫則主滿仇之必報。思治其本。連日辯駁。宗旨遂定。此爲孫君與吾倡行排滿之始。蓋務求警醒黃魂。光復漢族。無奈貪官污吏。劣紳腐儒。靦顏鮮恥。甘心事仇。不曰本朝深仁厚澤。卽曰我輩踐土食毛。詎知滿清以建州賊種。入主中國。奪我土地。殺我祖宗。擄我子女玉帛。試思誰食誰之毛。誰踐誰之土。楊州十日。嘉定三屠。與夫兩王入粵殘殺我漢人之歷史。猶多聞而知之。而謂此爲恩澤乎。要之今日非廢滅滿清。決不足以光復漢族。非誅除漢奸。又不足以廢滅滿清。故吾等尤欲誅一二狗官。以爲我漢人當頭一棒。今事雖不成。此心甚慰。但一我可殺。而繼我而起者不可盡殺。公羊既歿。九世含冤。異人歸楚。吾說自驗。吾言盡矣。請速行刑。

李令以陸措辭激烈。且不肯供開同黨。遂以非刑研訊。凡釘插手足鑿齒等刑次第施之。慘不忍言。死而復甦者數次。仍堅不肯供及黨人。且曰。汝雖嚴刑加諸我。但我肉痛心不痛。汝其奈我何。旋有美國領事親訪南海縣署。謂陸某乃電報繙譯生。絕非亂黨。伊可爲之保證。李令以供辭示之。美領無言而退。至九月二十一日譚督遂令營務處覈提陸皓東朱貴全丘四

三人至校場加害。李令頗敬陸爲人。特飭人衣以長衣。其曾任廣東水師統帶之程奎光一人在營務處受軍棍六百死。程耀宸禁大有倉後死。餘外六十餘人。一律指爲愚民被惑。每名發給川資一元。分別遣散。另懸重賞購拿黨首孫文楊衢雲等。其告示照錄如下

乙未九月南番兩縣告示

現有黨匪	名曰孫文	結有匪黨	曰楊衢雲	起義謀叛	擾亂省城	分遣黨羽
到處誘人	借口招勇	煽惑愚民	每人每日	十塊洋錢	鄉愚貪利	應募紛紛
數日之前	聽得風聲	嚴密查訪	派撥防營	果獲匪犯	朱丘陸程	經衆指證
供出反情	紅帶爲記	口號分明	鎗械旗幟	搜出爲憑	謀反叛逆	律有明刑
甘心從賊	厥罪維均	嚴拿重辦	決不從輕	城廂內外	兵勇如林	搜捕亂黨
決不饒人	惟彼鄉愚	想充勇丁	不知禍害	貪利忘身	一時迷惑	概予施恩
丟去紅帶	急早逃奔	回歸鄉里	安分偷生	免遭擒獲	身首兩分	特此告示
剴切簡明	去逆效順	其各凜遵				

乙未十月廣東按察使告示及賞格

欽命廣東等處提刑司按察使兼管全省驛傳事務加三級紀錄十次張爲懸賞購拿事。照得土

第 章 乙未廣州之役

匪孫文糾結夥黨。暗運軍火。約期在省城滋事一案。當經拿獲匪犯陸皓東等多名審辦。惟尚有首要各匪孫文等在逃未獲。亟應懸賞緝拿。合行出示曉諭。爲此示諭。屬軍民人等知悉。爾等如有拿獲後開賞格有名匪犯解案。一經訊明。定卽如數給予花紅銀兩。銀封存庫。犯到卽給。慎勿懷疑觀望。至此外案內被誘匪徒。准其改過自新。免予深究。如能拿獲後開首要各匪犯解案。仍一律給賞。各宜凜遵。毋違特示。

計開 賞格

孫文卽逸仙香山縣人花紅銀一千元

楊衢雲香山縣人本籍福建花紅銀一千元

朱浩清遠人湯亞才花縣人以上三百元

王質甫江西人陳煥洲南海縣人侯艾泉香山縣人劉秉祥清遠縣人李亞舉香山縣人吳子材潮

州人魏友琴歸善縣人李芝南海縣人以上二百元

夏亞伯新會縣人陳少白卽變石新會縣人莫亨順德縣人黃麗彬清遠縣人以上一百元

光緒二十一年十月 日示

黨人之出險 先是中山與鄭士良陳白歐鳳輝尤烈侯艾存等知事已洩。遂卽先後離省。其存

在羊城雙門底聖教書樓後福音堂之各種黨冊檄文及刀剪短鎗等物。概已投諸井中。鄭陳等同抵香港。以中山未到。疑爲被逮。中山於敗後三日。尙匿跡廣州城內。因搜索嚴密。未敢外出。十餘日後。始僱小穴輪從間道赴澳門。歐鳳墀朱淇同舟至港。時黨人多疑是役失敗由於朱淇告密所致。咸爲切齒。歐鳳墀乃舉朱兄銓生冒名舉發始末。代爲力辯。然黨人對朱終不能釋然。未幾。粵吏派遣委員赴香港要求英官引渡革黨。港督乃判令孫文楊衢雲陳白三人出境五年。於是中山偕陳白鄭士良東渡日本。楊衢雲則南遊印度及非洲各地。餘人皆匿居香港澳門。暫停活動。

朱淇賣黨問題 朱淇賣黨告密一事。黨人恨之徹骨。至民國元年香港中國日報已遷館廣州。嘗著有紀念九月九日一文。仍指朱爲賣黨罪魁。攻擊甚力。歐鳳墀時居香港。乃投書爲朱辯白。題曰乙未年廣州革命失敗說。中國報接語謂歐君力代其友辯白。洵不愧忠厚遺風。但朱淇既爲革命同志。而不能大義滅親。徇兄之志。而冒賣黨之大不韙。此心究何以大白于天下乎云云。朱于乙未後以爲黨人所不容。乃赴北京創設報館。卽北方著名之北京日報是也。照錄歐函全文如下。

天下有蒙不白之冤。欲辯之既無可辯。忍受之又不甘受。惟有負責引慝。任人吐罵者。

第三章 乙未廣州之役

其爲乙未年九月九日將革軍黨情密報前清兩廣總督之朱淇乎。蓋是役革軍之失敗也。莫不衆口一辭曰。西關清平局勇目某出朱淇親筆賣友書信。稟報緝捕委員李家焯。故初十日僞督譚鍾麟方下捕拿黨人之令。是以功敗垂成。陸君皓東等就義。程君曜臣瘐死獄中。黨人遠竄。波及妻孥。凡屬同志。皆切齒朱淇。以其甘爲漢奸。真狗彘不食其餘矣。此就事實上表面而觀。證據確鑿。朱淇縱有蘇秦之舌。亦不能自脫罪名。而孰知其中鉤心鬥角。有非外人所能洞悉者。余當日耳聞目見。知之獨詳。倘仍效金人之三緘。將無以大白於天下也。用敢和盤托出。以待秉持公道者之評議焉。

溯是年九月初十日午刻。羊城內梅關部黨人被拿數名之凶耗甫傳至河南。余驚聞之下。卽離寓所。偕尹壻文楷僱艇渡河。奔投博濟醫局。藉爲遁逃之藪。幸蒙嘉約翰先生念舊情殷。容余二人在局藏匿。終宵不能成寐。詰朝不敢步出局門。正在籌畫如何搬遷尹家眷口及二子一女前往香港避禍之際。忽見朱淇攜同一幼子踉蹌而來。備述昨日在城內機關部逃出情形。並謂於急遽中。僅將自撰討滿清檄文底稿焚毀。其餘黨人名冊無暇顧及。想此時已入清官手中。則彼此均大不了等語。談次。知余有香港之行。甚爲許可。匆匆別去。是晚余攜老少男女數口經附夜輪離鄉。獨留尹孀未行耳。翌日抵港。行裝甫卸。

。即探訪老友土君煜初於道濟會堂。瞥見座中有朱淇父子先在。因知其昨夜同船來港者。未幾聞港官有驅逐孫君逸仙陳君少白楊君衢雲出境之說。急偕朱淇馳赴孫君寓所。已不及見。蓋早經附火船往東洋而去矣。此後港中同志僅有朱淇一人。與余昕夕過從。遙探省城研訊黨人消息而已。望後數日。朱淇手持一信來告余曰。此胞兄自省寄來之家書也。其內容當爲先生陳之。緣家兄旌生向辦清平局事務。局內有勇目某素日遇事生風。不安本分。此次清官能知革命起事。皆由該勇目稟報者。家兄知我名列黨籍。舉家徬徨。將有封產業拘親屬之恐慌。故家兄窮思極想。設法解救。不得已僞托我名。致該勇目一信。係將革軍舉動機關部住址開出。着密稟緝捕局委員者。隨請其到家。許以厚謝。囑將此信補呈到官。並須稟稱若無朱淇此信通知在先。則大局不堪設想。朱淇雖屬黨人。不啻自行檢舉。亦可以將功贖罪等語。該勇目因貪重賄。一一照行。而李家焯竟一時被其瞞過。已將我名從黨冊剔除。且令我即日回省。不致令人疑及在逃。是爲至要云云。朱淇言竟。復對余曰。此計不過家兄爲身命起見。於同志絕無妨害。問心本無不安。但恐他日孫君等徒聽一方面之詞。直以此信爲實有之事。則雖剖心明志。亦不能邀見諒於吾黨矣。奈何奈何。久仰先生素見重於人。遇有機會。盡爲我證明之。感且不朽矣。

第三章

乙未廣州之役

第三章 乙未廣州之役

余思其兄陞生平日於官場最工運動。今爲營救骨肉之故。出此手段。當在意料之中。且木已成舟。不便多議。惟有唯唯諾諾。應允其所付託而已。以上所述情形。一字不虛。可知朱淇所作所爲。不特在可疑之列。且居然有墨信爲憑。又何怪人言嘖嘖。謂其爲賣友圖功破敗大事哉。然其鑄成此大錯者。本出自其兄陞生之詭謀。先在省組織完全。然後函使朱淇由港返省。面見李家焯。以實其事也。朱淇之罪在此。朱淇之冤亦在此矣。自是十餘年來。曾舉此事向同志中屢次力代申辯。無如聽者均以先入爲主。反有笑余受朱淇所愚者。噫。如果朱淇於初十之前已將黨情密報清官。何必十一日挈子到醫局見訪。又何必乘夜赴港避禍。更何必在港淹留數天。後至乃兄信來。始回省耶。明理君子。誠平心思之。當不至人云亦云。其置朱淇於無以自容之地也。昨閱中國報。有春醒先生所著紀念九月九日論說一段。痛擊朱淇。幾無完膚。余甚惜之。故追述當年真情。以代面告。至於能取信與否。非余所敢知。不過勉盡久要不忘之友道耳。

譚鍾麟之奏摺 是役也。粵督譚鍾麟以所轄省會地方發生重大變故。恐受清廷嚴厲處分。故案發多日。仍匿不上聞。詎粵籍京官聞之。竟據以入奏。清廷于十月十六日嚴諭譚督。令將首犯迅速捕拿。譚周章狠狠。乃諱稱黨人目的在劫奪開姓餉銀。並無大志。而將陸皓東等

倒滿興漢之供詞。一字不載。茲併照錄譚督覆奏廣州拿獲黨人情形摺原文如下。

奏爲覆陳九月間廣州拿獲土匪情形奏摺仰祈聖鑒事。竊臣准軍機大臣字寄。光緒二十一年十月十六日奉上諭有人奏廣東盜風日熾。請飭嚴緝一摺。據稱九月間香港保安輪船抵省。附有土匪四百餘名。潛謀不軌。經千總鄧惠良等探悉前往截捕。僅獲四十餘人。訊據供稱爲首孫文楊衢雲。共約有四五萬人潛來省城。尅期起事。現在孫楊首逆遠颺。黨類尙多。竊恐釀成巨患等語。著嚴密訪查。務將首犯迅速捕拏。以期消患未萌等因。欽此遵旨寄信前來。臣查粵俗好謠。每因小故。轉相附會。張大其詞。以搖惑人心。羣不逞之徒。乘機撞騙掠奪以取利。此他省所未有也。本年九月初。廣州謠傳高州惠州匪徒擊散後咸集香港。衆四五萬。將攻省城。人言藉藉。府縣營弁紛紛面稟。臣謂此等匪徒一擊卽散。首匪已誅。尙何能爲。高州距香港千里。惠州亦數百里。萬衆持械經過。各州縣關卡無一見者。香港一隅驟增數萬人。何處棲止。每日需米數百石。何人供給。鄉州又不聞有搶掠者。食從何來。此必有匪人欲煽惑居民遷徙。乘機搶奪之事。切宜鎮定。勿涉張皇。但嚴查保甲。稽查奸宄。多購眼線密訪。匪蹤終當敗露。省城巡防勇丁及城外兵丁。五六千人。尙復何慮。旋據管帶巡勇知縣李家焯率千總鄧惠良等於初十日在

第三章 乙未廣州之役

雙門底王家祠擊獲匪夥陸皓東程懷程次三名。又於鹹蝦欄屋內擊獲程耀臣梁榮二名。搜出洋斧一箱。共十五柄。十一日香港保安輪船搭載四百餘人抵省登岸。李家焯率把總曾瑞璠等往查獲朱桂銓邱四等四十五名。餘匪聞聲奔竄。經海關稅務司與釐廠委員於輪船起獲紅毛泥桶。內裝小洋鎗二百零五枝。子藥八十餘匣。當飭府縣提把隔別研訊。據陸皓東供香山縣人。與福建人在香港洋行打雜之楊衢雲交好。因聞閩姓廠在省城西關收武會試闖姓費數百萬。該處爲殷富聚居之區。欲謀劫搶。令楊衢雲在港招五百人乘輪來省。孫文在城賃屋三處。分住陸皓東等。經理分給紅帶洋槍等事。所購洋斧因西關柵欄堅固。用以劈開柵欄。即派人把守街口兩頭。拒絕兵勇。先雇商船在河邊等候。搶得洋銀。即上輪船駛赴香港。本定初九動手。因這人未齊。改爲十二。不料初十日巡勇訪擊破案。孫文即已潛逃。又提截獲之四十餘名分別審訊。據供皆在香港傭工度日。聞楊衢雲言省城現有招勇。每月給餉十圓。先給盤費附輪到省。各給紅帶一條爲號。不意上岸即被截住。實係爲招勇而來。並不知別事。反覆推詰。各供如前。復飭營務處覆審無異。臣查此案係孫文楊衢雲爲首。陸皓東邱處四朱桂銓知情同謀。潛備軍械。分給紅帶。煽惑愚民。罪無可逭。當於九月二十一日將陸皓東三犯即行正法。以定人心。仍嚴密購擊

孫文楊衢雲。務獲到案。其不知情各犯。飭府縣分別辦理。謠風頓息。四境晏然。所有辦理此案情形。遵旨據實陳覆。伏乞皇上聖鑒。謹奏。

第三章 乙未廣州之役

第四章 橫濱興中會及中和堂

中山到日情形 興中會與中和堂 大同學校與華僑學校

中山到日情形 乙未廣州一役敗後。中山偕鄭士良陳少白二人至日本橫濱。時該處已有革命團體之組織。馮鏡如馮紫珊譚奮初等遂召集同志僑商二十餘人開會歡迎。共商善後方法。決議正式成立興中分會。設會所於橫濱山下町一百七十五番。並選舉馮鏡如爲會長。趙明樂爲司庫。趙嶧琴爲書記。馮紫珊溫遇貴溫炳臣陳才鄭曉初陳和梁達卿黎煥堉等爲幹事。規模粗具。會務日有起色。是時中日和議告成。清政府新派公使領事將次入境。外間遂有日政府允許引渡革命黨之謠傳。中山亦以一時未能活動。乃與陳少白同斷髮改裝。決意遠遊美洲。向華僑籌募鉅資。爲捲土重來之計。因向華僑同志商借五百元充旅費。詎各同志多以有心無力對。僅由馮氏兄弟捐助五百元爲贈。中山得資。乃以百元給鄭士良回國。使收拾餘衆備圖再舉。另以百元給陳少白作易服費。然後隻身再渡檀島。關於中山初到日本情形。民國九年馮紫珊曾致函其姪自由。敘述其事頗詳。茲附錄如左。以資考證。

（前略）再者賢侄前與愚叔甚爲親愛。凡有要事亦到致生商酌。叔自有生以來。於兄弟

再者賢侄日前與愚叔也親受凡事之判致生向
船故自育生以來於兄弟叔侄之情最定或者因
見為嫌疑而向林未可料也愚叔雖老祇有國恥
絕不知羞見為何物也故因左故被日人投石親立
其辱也迫得向中山而抗國道是模稜與托陳請許
多傳單聲明準九九月起陳清請孫先生埋街
明之本旨要救清國之下即使陳清請孫先生埋街
層以取同本之情以陳清回教孫先生之期期不
可不於父而修養凡有同志可立可因激會可及
與會以作後援云云不料九月事敗中山少弱三
人逃往廣東幸此路尚無查亦同去相見其時方運動
時人趙明樂等財政機關書記物如幹事係父為議長
其時即溫溫黃公煥陳才陳和等以層成立
以在時不判日層對以馬肉和的已成飲差領事再取
中山向報陳及他三人至日本不便回他係國犯借飲差到任
以有權逐逐日政府將三人引渡要有連累者層更不便
之度務難若同志為之停此三人擇路而逃云云其期
時諸君同志商量必法不料若人清到查員的害於一
人於度如再三問之友人而相向斯時對對要於大
義責彼之今日孫先生滿腔熱血救國能於水火國家將
亡正夫有責於自己挺身去死今日孫先生是出因事不
成再登再登再勵手若先生有差待留於法之時以
言遍告翻亦如動呼通不借故情托出言大有
若位不允集腋成裘以救云是出因事不登一人出

第四章

橫濱與中會及中和堂

馮 紫 珊 致 其 姪 自 由 原 函

叔姪之情最愛。或者因黨見。
為嫌疑而間諒。未可料也。愚
叔雖蠢。祇知有國恥。絕不知
黨見為何物。叔因在橫濱被日
人投石。親受其辱。迫得聞中
山由檀歸國。道經橫濱。託陳
清帶許多傳單埋街。聲明準九
月起旗作反。殺滿洲佬。復明
之江山。愚叔得聞之下。即使
陳清請孫先生埋街一會。以敘
同志之情。後陳清回話。孫先
生云。船期出帆在即。不能久
留。囑各同志立即組織會所。
取名義與會。以作後援云云。

第四章 橫濱與中會及中和堂

不料九月事敗。中山少白弼臣三人逃往橫濱。寓五十二番。叔與奮初同去相見。斯時方運動同志二十餘人。趙明樂管財政。燁琴爲書記。叔爲幹事。汝父爲議長。其餘爲鄭曉初溫遇貴溫分煥埤達卿陳才陳和等。此會成立。設在一百七十五番。不料日清戰後。馬關和約已成。欽差領事再派。中山向叔陳及。他三人在日本不便。因他係國犯。倘欽差到任後。有權運動日政府將三人引渡。更有連累各會友不便之處。務須各同志籌五百元。俾他三人擇路而逃云云。叔斯時請各同志商量辦法。不料各人講到簽銀兩字。無一人答應。叔再三問之。各人面面相向。斯時激到愚叔大憤。用大義責彼云。今日孫先生滿腔熱血。救同胞於水火。國家將亡。匹夫有責。應該自己挺身去辦。況今日孫先生因事不成。仍望再接再厲乎。若先生有差池。誰能繼之。將此言遍告一番。亦無動聽。逼不得已。叔憤極出言大責。若各位不允集腋成裘。以救三先生出關者。就算我一人出之便是。即答應孫先生云。該五百元準明日十二點鐘送上。決不食言。以此語散會。叔初時以此五百元作國恥犧牲。不料中山迨後寄回。此乃中山之忠厚處也。在後楊衢雲被人行刺。孫先生念他剩落孤兒寡婦。養口無靠。開東簽題。先生着陳才拈東到叔處簽捐。各人所簽不過三五元八元十元而已。叔見他係爲國身亡。落筆簽八十元。後爲先生贊羨。

吩咐陳才叫我時常去傾談。自始以來。凡在火車與路上見面。無一不握手爲歡。絕無意見也。孫先生得五百元。一百交少白製衣轉裝。叔薦他在文經代汝父編輯字典。一百交弼臣回港。三百中山回棧使用。此事是否。問先生料必記憶矣。叔時常欲見先生一面。以全友道。多年舊雨。曾共一方。惟他現爲總統之貴。未知念及故友否。欲去而不敢。便中望賢姪代爲致候可也。不妨言及叔之現況。(下略)叔紫珊十二月十三

與中會與中和堂 中山雖日後。陳少白乃移居山下町五十三番文經商店。助馮鏡如編輯華英字典。由馮月酬筆資六十元。未幾楊衢雲尤烈先後東渡。中山在倫敦使館脫險。亦即來日。於是會務日盛。黨員漸衆。陳少白曾一度渡台灣。得同志馬文秀趙滿潮等數人。楊衢雲設帳授徒。藉資糊口。尤烈發起中和堂。專聯絡工界。從之者頗不乏人。丁酉^{清光緒二十三年}秋間。僑商集議於中華會館。提議組織學校。以振興華僑子弟教育。中山薦梁啟超爲掌教。康有爲以梁不能來。改薦徐勤承乏。徐勤既至。日爲康黨培植勢力。所聘教員如梁啟田湯覺頓陳蔭農盧湘父陳默庵鍾卓京林奎諸人。皆康門徒侶。大都出身科舉。長於文學。其交際手段遠在革命黨之上。大同學校董事原以與中會員居多數。至是日與徐勤等往還。耳濡目染。輒爲所化。及戊戌七月。清帝厲行變法。召用康梁。橫濱康徒莫不彈冠相慶。而僑商亦多趨炎附勢。

第四章 橫濱與中會及中和堂

第四章 橫濱與中會及中和堂

漸與與中會脫離關係。於是橫濱之與中會遂有江河日下之勢矣。惟中和堂以工界爲本會。位員多宗旨純一。淡于權勢。雖非與中會嫡系。而能屹然與保皇會相對抗。至民國成立後。猶

持久弗衰。有足多者。

其後尤烈在南洋新嘉坡檳榔嶼吉隆坡壠羅怡保芙蓉各埠。組織中和堂分部。在同盟會成立以前。南洋之革命團體當以中和堂爲最早。

大同學校與華僑學校

大同學校於戊戌後。

已成保皇會機關學校。

華僑子弟非隸保皇會籍者。輒被排擠。因是橫濱之與中會員及耶穌教徒三江幫各團體。乃合組一學校。顏曰華僑學校。先後延趙燁琴郭外茅翟美徒廖卓庵胡毅生等充校長教員等職。隱



中和堂首領尤烈

然與大同學校各樹一幟。此外神戶華僑所立學校。亦分兩派。此種界限至今日猶未能消除。

第四章

橫濱興中會及中和堂

第五章 丙申孫中山歐美之遊

中山再遊檀島 初次遊美之成績 倫敦使館之被囚 師友營救出險

中山二次到檀 中山於乙未失敗後避地日本。居橫濱未久。即有檀香山之行。檀島爲舊遊之地。親戚故舊既不乏人。且有與中會之設立。中山因欲擴張黨勢。並募款爲第二次之發動。然時當新敗。和者寥寥。居檀數月。遍遊夏威夷羣島，力勸僑胞資助革命。效果絕少。因聞旅美華僑人數較衆。大可聯絡爲助。遂於丙申^{清光緒二十二年}正月離檀赴美。

初次遊美之成績 美洲華僑風氣之蔽塞。較檀島尤甚。旅檀華僑以香山人爲多。粵人與外人交際。亦以香山人爲接近。故香山人實得外洋風氣之先。中山初次在檀籌款。泰半得自香山人。即因香山人較他處人爲開通也。美洲華僑以新甯新會開平恩平之四邑人佔大多數。其頑固守舊之習慣。及崇拜官僚之思想。遠過於內地。中山初到美時。在舊金山登陸後。乃乘火車橫過美洲大陸。以達太平洋西岸之紐約。沿途經沙加緬度芝加哥各城市。或留數日。或十數日。所至皆向華僑痛言革命救國之真理。欲其熱心時事。合力救亡。然言者諄諄。聽者

藐藐。且以中山爲謀反大逆。視同蛇蝎。其肯與往還者。僅耶穌教徒數人而已。又是時華僑所立會館堂號各種團體。星羅棋布。各以邑界姓界爲標幟。就中以洪門致公堂爲團體最大。會員最衆。其宗旨爲反清復明。即閩粵兩省所盛行之三合會支派也。中山以其宗旨相同。在粵時因與鄧士良等交遊。於該會內容亦知大概。故對於洪門人士。嘗苦心孤詣。勸其實行革命排滿之主張。與內地革命黨聯合進行。共舉大事。然致公堂會員對於洪門之本來面目。事不了解。所謂反清復明四字。僅於入闈洪門稱加門爲入闈時循例言之。彼等固亦不知何所取義。故中山叩以宗旨所在。彼等皆瞠然不能置答。惟彼等雖遺忘其政治之意義。而於手足相顧患難相扶之情誼。則敬謹遵守。歷久勿替。此其團體所以能擴大鞏固。屹然爲華僑各團體之冠也。中山居美四月。漸爲駐美清使館及領事署中人所悉。對中山行止。極爲注意。中山得友人報告。謂使館有不利於彼之消息。且以留美多時。無可活動。始決計赴英。

倫敦使館之被囚

八月廿五日

陽歷十月一日

抵倫敦。改名陳文。字載之。寓克賴旅館。知其師康

德黎 James Cantlie 及毛生 M'auson 兩醫士返英已久。乃往訪之。相見甚歡。康寓狄汪色街四十六號。鄰接中國使館。中山每日造康寓敘談。因於途上與使館隨員鄧琴齋邂逅。鄧與中山爲舊識。他鄉遇故。頗與往還。鄧之友人亦以鄉誼之故。漸相結識。但不知爲孫文耳。九

第五章 孫中山歐美之遊

月初五^{陽歷十月十一日}中山偶過使館門外。遇同鄉數人於道。各以粵語問訊。並邀中山入室。略敘鄉誼。中山從之。入門後。即被二人挾持登樓。禁諸室中。旋有使館顧問英人馬凱尼Halliday Mearney 入室。詢以是否爲孫文。中山應之。馬謂中國政府現欲得汝。予得駐美公使來電。知汝乘麥遮士狄輪船來英。故設法留汝於此。以待後命云云。中山被禁六日。屢設法求館中英人僕役通信於康德黎毛生兩醫士求救。均爲使館職員搜去。不得達。偵察愈嚴密。鄧琴齋亦託故入候。表示好感。然其用意在於查探中山之行動。非有所愛於中山也。時駐英公使龔照璦已得清廷許可。出資三十萬元租定克來公司輪船。因送中山回國獻功。出發有日。中山束手無策。偶與英僕名柯爾者閒談。語涉耶穌教。因思得一計。叩以嘗聞土耳其皇殺戮阿美尼亞耶穌教徒否。柯爾點頭。中山乃告以自身爲耶穌教徒。爲仇教之中國皇帝所嫉視。久欲捕而殺之。如土耳其皇之戮殺阿美尼亞人者然。今使館奉中國皇帝之命捕予。即欲解送本國。置諸死地。因英國政府素重人道。保護宗教。故將予祕密拘囚。不欲聞諸外間。致生阻力。閣下如能仗義解救。不獨爲中國之福。亦大足爲耶穌教徒及英政府之助。請三思之。柯爾聞言。首肯者再。且令作密函投諸煤簍中。乘間取去。

師友營救出險 柯爾夫婦持中山密函分謁康德黎毛生兩醫士。極爲盡力。康毛乃多方設法

。遍謁蘇格蘭場警長及外交部中人。請其援助。外警兩署初不信有此等事。於是更延私家偵探密查使館舉動。地球報聞之。即據實登載。並批評英政府外交之失體及中國使館之不法。於是英相沙士勃雷侯因此向中國公使大開交涉。其初馬凱尼堅不承認。龔使且謀在使館內掘地道。移中山於別處。繼以英外部確查中國使館有租克來公司輪船事。形勢愈趨嚴重。而倫敦市民對此事尤形鼓躁。至是遂不得不於九月十八日陽歷十月廿三日恢復中山之自由。以禮送其出館。當中山離使館時。館外羣衆萬頭簫動。咸欲瞻仰此中國革命黨首領之丰采。各報訪員爭相記載。得中山一言奉爲至寶。而中山之名亦以大顯。中山脫險後。遊歷德法比諸國。考察政治數月。旋返日本。

第五章

孫中山歐美之遊

第六章 革命保皇兩黨之衝突

兩黨衝突之原因 橫濱兩派之盛衰 戊戌後康黨之氣餒 謝康之
聯合運動 孫梁攜手之經過 檀島保皇會之成立 日本志士之入
獄 唐部對康梁之惡感 各地黨報之筆戰

兩黨衝突之原因 革命黨與保皇黨宗旨不合。盡人而知。惟保皇會首領康有爲梁啓超初亦以救國二字爲號召。戊戌以前。康創強學會於北京。梁辦時務報於上海。提倡新學。名動一時。於國內政治之革新及青年思想之進步。亦有相當之關係。斯固不可磨之事實也。故革命先進如孫中山楊衢雲陳少白章太炎等。於保皇會成立前。與康梁徒侶往還不絕。中山衢雲少白在香港澳門間。嘗與康廣仁何易一陳千秋商略革命。且薦梁啓超充橫濱華僑學校校長。太炎則與梁啓超同任時務報記者。後復助梁充上海廣智書局編纂。當時兩黨固非不可同治一爐。而致力於國事也。嗣保皇會成立。旋復改稱帝國憲政會。其保救清帝反對革命之言論。公言不諱。於是革命黨目康徒爲漢奸。斥之曰忘親事仇。殘同媚異。海內外兩黨機關報遂大開

論戰。勢同敵國。至辛亥民國告成。而猶未已。

橫濱兩派之盛衰 興中會在海外分會。除檀島外。卽以日本橫濱爲首屈一指。中山及陳少白楊衢雲于乙未失敗後。常逗留橫濱。假該處爲第二次活動之策源地。時橫濱會員百數十人。多屬著名僑商。丙申冬。鄺汝磐馮鏡如等有組織學校以教育華僑子弟之議。欲由祖國延聘新學之士爲教員。以此就商于中山。中山乃薦梁啓超充任。並代定名曰中西學校。蓋興中會員從事於教育界者絕少。而康有爲則講學廿年。徒侶廣衆。中山既與康同任國事。則辦學延師。自不能不假助於康也。鄭持中山介紹函赴上海。謁康於旅次。康以梁啓超方任時務報記者。薦徐勤爲代。並助以陳默庵陳蔭農湯覺頓。且謂中西二字不雅。更爲易名大同。親書大同學校四字門額爲贈。徐勤既抵日本。初與孫陳時相過從。引爲同志。然徐握教育權。與僑商朝夕酬酢。友誼日深。且有同學教員爲輔。交際漸廣。而在興中會方面。則中山奔走各埠。無暇專注橫濱。僅有陳少白楊衢雲一二人來往東京橫濱間。從事接洽。自不免有相形見絀之勢。故徐勤在日本年餘。而橫濱之孫康兩黨漸成反客爲主之局。

戊戌後康黨之氣燄 戊戌政變事起。康梁師徒亡命東京。中山陳少白以同屬通客。特親往慰問。並商以後合作問題。然康得清帝之眷顧。以帝師自居。目革命黨爲大逆不道。深恐爲

覆而再人猶復互相爭鬥以任其弱滅雖下愚之人不之若是 貴邦人咸其血誠乃心東亞特以七相規勸僕遂感慙不至而猶斥以自辨者若秋雪不白之冤而釋四方之疑也 先生人望所宗僕愧於僕故以此相告 先生事暇乞到學校一談康師早王二友寄託仁宇之下僕等他日尚以報之大同學校又蒙犬展先生為名譽學長危而復安而功德更不可言收專此致白 女 弟 徐勤叩 庚申年 田野松岡二氏在漢甚安

徐 勤 致 宮 崎 書

所牽累。故託事不見。是為兩黨日後軋轢之最大原因。未幾。橫濱有保皇分會之設。僑商之與中會員泰半加入。大同學校且有許孫文到校之標語。梁啟超發刊清議報於橫濱。大倡勤王之說。由是兩黨交惡日甚。當時徐勤曾致書日人宮崎。力辯無攻訐中山之事。錄其原函如下。

宮崎先生左右。睽別幾月。音問杳然。僕到港已得見貴領事。到澳得與田野氏晨夕接談。頃由粵返。學校事頗繁。未能親自來談。乞諒之。前聞田野氏云。貴邦人士咸疑僕大攻孫文。且疑天津國民報所刊中山樵傳。係出自僕手。聞言之下。殊堪驚異。僕與中山樵宗旨不同。言語不合。人人得而知之。至於攻訐陰私之事。令人無以自立。此皆無恥小人之所為。僕雖不德。何忍為之。而貴邦人所以致疑者。此必有一二人造為浮言。以惑貴邦人聽聞耳。僕實絕無此事也。今

支那之局。譬之海舟遇風。其勢將覆。而舟人猶復互相爭鬥。以任其溺滅。雖下愚之人。不致若是。貴邦人咸具血誠。乃心東亞。特以此相規勸。僕實感謝不止。而猶斤斤以自辯者。蓋欲洗不白之冤。而釋四方之疑也。先生人望所宗。惓惓於僕。故敢以此相告。先生事暇。乞到學校一談。康師梁王二友皆託仁宇之下。僕等他日何以報之。大同學校又蒙犬養先生爲名譽校長。危而復安。而功德更不可言狀。專此敬問大安。田野松岡二氏在澳甚安。弟徐勤叩稟。中歷卅日

謝康之聯合運動 丙申正月初九日。謝讚秦應陳錦濤梁瀾芬之宴。初識康有爲之弟廣仁於香港品芳酒樓。席間。謝痛言兩黨聯合救國之必要。廣仁極首肯。是年九月。謝與康有爲會晤於惠升茶行。所談不得要領。丁酉八月。謝約廣仁會於公園。廣仁謂其兄非忠心扶滿。不過欲以和平革命方法救國。現時大臣如張之洞等咸贊成其主張。故不便與革命黨公然往還。致招疑忌。孫文躁妄無謀。最易僨事。楊衢雲老成持重。大可合作。彼當力勸其兄與楊聯合救國等語。無何。廣仁死於戊戌八月之變。康有爲梁啓超同亡命日本。謝復致書康梁師徒。重申前議。並介紹楊衢雲與之接洽。康赴美洲後。楊于己亥四月廿八日。由馮鏡如介紹與梁啓超會談於橫濱山下町五十三番文經商店。事後楊馳函告謝。謂梁不願早事聯合。祇言各宜

第六章 革命保皇兩黨之衝突

先向自黨運動。以待時機。要之康黨素來夜郎自大。常卑視留學生及吾黨。且欲使吾黨仰其鼻息。究其實學。尙遠不如胡禮垣著之新政安衡。此種人非真愛國者。與之合作。實爲有害無利云云。謝初於運動兩黨聯合事。極爲熱心。嗣聞楊言。始意氣肅索。知難而退。

孫梁攜手之經過

康有爲離日赴美後，己亥

清光緒二十五年

夏秋間。梁啓超因與中山往還日密。

漸贊成革命。其同學韓文舉歐陽甲張智若梁子剛等主張尤形激烈。於是有孫康兩派合併之計劃。擬推中山爲會長，而梁副之。梁詰中山曰。如此則將置康先生於何地。中山曰。弟子爲會長。爲之師者。其地位豈不更尊。梁悅服。是年梁至香港。嘗訪陳少白。殷殷談兩黨合辦事。並推陳及徐勤起草聯合章程。獨徐勤麥孟華暗中反對甚力。移書康有爲告變。謂卓如漸入行者圈套。非速設法解救不可。時康在新嘉坡。得書大怒。立派葉覺邁攜款赴日。勒令梁即赴檀島辦理保皇會事務。不許稽延。梁不得已遵命赴檀。瀕行約中山共商國事。矢言合作到底。至死不渝。以檀島爲興中會發源地。力託中山爲介紹同志。中山坦然不疑。乃作書爲介紹於其兄德彰及諸友。

附錄當日梁啓超致中山函三通如左。

(其一)

捧讀來示。欣慰一切。弟自問前者狹隘之見。不免有之。若盈滿則未有也

捧讀未示啟意一切。自向
者談話之見不免有之。未及
滿則未有也。至於前之宗旨
數年來。正今未嘗稍變。惟
務求國之獨立而已。若此方
略。則施付交通。但足以救我
國。民者。則傾心助之。初無成心
也。若不能相見。數次。究未能
各傾肺腑。今已令其甚長。惟
現家狹隘。室中多為。在
未。若。不便。晤談。若
暫。於。下。札。三。日。三。點。鐘。到
上。野。精。養。軒。小。酌。敘。譚。為。盼。
此。致。大。安。

梁 啓 超 致 孫 中 山 函 一

。至於辦事宗旨。弟數年來。至今未嘗稍變。
惟務求國之獨立而已。若其方略。則隨時變通
。但可以救我國民者。則傾心助之。初無成心
也。與君雖相見數次。究未能各傾肺腑。今約
會晤。甚善甚善。惟弟現寓狹隘。室中前後左
右皆學生。不便暢談。若枉駕。祈於下禮拜三
日下午三點鐘到上野精養軒小酌敘譚為盼。此
請大安。

弟名心印 十八

（其二）逸仙仁兄鑒。前日承惠書。弟已入東
京。昨晚八點鐘始復來濱。知足下又枉駕報館
。失迎為罪。又承今日賜饌。本當趨陪。惟今
晚六點鐘有他友之約。三日前已應允之。不能
不往。尊席祇得恭辭。望見諒為盼。下午三點
鐘欲造尊寓。談近日之事。望足下在寓少待。

逸仙先生鑒前日承惠書已入京

京昨晚已歸鐘與後未復

日下又托駕報館失迎為罪不承今

日賜候本為望信於今晚六點鐘有

他友之約三日為已應允之不能不往

尊席品已奉辭中兄諒為盼下年五點

鐘就造尊家談近口之正望

星下至而少待能並仍楊君獨中回

淡力妙此

中

能並約楊君衡

雲同談尤妙。

此請大安。

梁 弟卓如

啓 (其三) 逸仙

超 仁兄足下。弟

致 於十二月三十

孫 一日抵檀。今

中 已十日。此間

山 同志大約皆已

函 會見。李昌兄

二 誠深沉可以共

大事者。黃亮

卓海何寬李祿

通他兄天下。前十二月廿一日。致梁金也。十日。同同志。李昌略述兄近日所布置各事。甚爲欣慰。令兄在他埠因此埠有疫症。彼此不許通往來。故至今尚未得見。然已彼此通信問候矣。弟此來不無從權辦理之事。但兄須諒弟所處之境遇。望勿怪之。要之我輩既已訂交。他日共天下事必無分歧之理。弟日夜無時不焦念此事。兄但假以時日。弟必有調停之善法也。匆匆白數語。餘容續布。此請大安。弟名心印 一月十一日

梁 啓 超 致 孫 中 山 函 三

檀島保皇會之成立 已亥十一月。梁啓超抵檀。持中山介紹書謁僑商李昌鄭金何寬卓海諸人。頗受歡迎。旋赴茂宜島。訪中山之兄德彰。德彰招待優渥。且令其子阿昌執弟子禮。隨梁赴日留學。梁居檀數月。漸以組織保皇會之說進。謂名爲保皇。實則革命。僑商不知其詐。多入彀中。捐助漢口起事軍餉逾華銀十萬元。中山聞之。謂梁失信背約。馳書責之。然已無及

第六章 革命保皇兩黨之衝突

。自是檀島與中會員多爲保皇會所用。與橫濱興中會員如出一轍。

附錄當日梁啓超致孫眉函二通如下

（其一）孫眉仁兄同志閣下。拜別以來。忽經旬日。每念厚誼。未嘗或忘。近日北京事益急。各國西報日日揚言必當救皇上。廢西后。而唐山來書。預備既足。亦指日起事。此誠今日最大機會也。弟因現時外交之事甚要。欲急往美。本擬十號搭阿士梯耶前往。因太急。不能得船位。而昨日多力船來。接有香港新嘉坡兩電。皆催弟即刻回唐。又別有一電催會項也。弟尚未定行止。然弟意究以往美爲要。因唐山事有弟不爲多。無弟不爲少。美國事則惟弟就近前往乃可也。故現時仍往美爲多。阿昌隨行之議既決。望閣下即遣其冠日前來大埠。以便同往。弟約在二十號之船。必啓行矣。今日得接嶧初兄來書。內附閣下所惠隆儀五十元。謝謝。閣下前爲公事。既已如此出力。復多所餽贈。於弟誠不敢當也。本月四號大埠本會請酒。集者百三十餘人。道咸值理數名皆到。是日共加捐六千餘金。今日鍾木賢黃亮又各加捐三千元。（四號之席兩位已各加捐千元）可謂踴躍之至。人心如此。大事何患不成。望告各同志即將會款迅速收集。急需匯歸。以應急需。是所切盼。弟啓超頓 七月七號 太夫人尊前望代弟請安。楊納兄譚允兄處望代

傳電問答。

孫君仁兄自國來報到。未定統句。每念
會館未嘗默念。近自改訂。不意之各國而報。

拂之者。故

自王麻。西后。唐山。東平。南。亦張備。況。七。指
日。此。誠。令。日。最。大。機。會。也。各。國。現。研。外。交。
已。甚。要。引。急。往。來。本。機。十。字。旗。所。在。柳。前。省
注。國。太。走。不。結。乃。船。往。而。歸。日。多。力。都。未。接。付
系。候。早。架。坡。如。電。塔。機。器。
北。平。中。止。於。中。生。家。以。修。長。為。世。因。唐。山。有。介
不。為。多。中。而。不。必。少。其。國。已。則。往。來。就。近。而。行
易。如。此。況。仍。清。某。為。多。阿。昌。施。行。清。況。決
望。

今日。接。此。知。足。未。盡。而。財
開。工。而。其。他。係。屬。中。元。謝。開。不。若。為。公。之。沈
已。如。此。出。而。流。為。所。網。於。手。不。被。家。數。可。也
拜。月。四。子。大。梓。君。令。清。師。集。者。有。三。十。餘。人。通。函
催。其。教。友。次。列。出。其。如。指。不。能。全。日。能
未。能。交。交。未。能。如。指。三。十。元。而。不。能。清。理。不。能
合。心。如。此。不。同。學。名。故。望。生。友。同。志。即。回。本。報
迅速。收。集。三。生。通。詳。不。定。三。而。其。後。即。財。
此。計。新。安。五。月。初。四。日。又。日。之。
太。大。人。尊。者。中。成。身。清。步。

楊。如。兄。京。漢。代。傳。電。同。候。

梁 啓 超 致 孫 眉 函 一

第六章 革命保皇兩黨之衝突

第六章 革命保皇兩黨之衝突

(其二) 孫眉仁兄同志。阿昌到埠。得接手書。欣慰一切。弟本擬搭二十號之船往金山。乃於本日唐山金山船同時到埠。接有新嘉坡電文兩封。上海香港日本信函多件。皆催

弟即日歸國辦事。不可少延貽誤。弟看此情形。必是起義在即。有用着弟之處。再四籌度。不能不改而東歸。決於明日搭日本丸東返矣。弟此行歸去。必見逸仙。隨機應變。務求其合。不令其分。弟自問必能做到也。至弟既東行。行蹤無定。所有阿昌相隨之義。似可作罷論。蓋東方無甚可開見識之事。而阿昌現當就學之年。似仍當令其入書館。勝於東歸也。此子循良。弟甚愛之。望其勉學成就。他日共事之日正長也。至於令姪各同志捐項。仍望趕收趕匯。因唐山急催弟歸。其事機之急可知。其需款之急更可知矣。匆匆手此告別。即頌義安。楊納譚允諸兄望打鋼線代弟問好告別。

梁啟超致孫眉函二

弟即日歸國辦事。不可少延貽誤。弟看此情形。必是起義在即。有用着弟之處。再四籌度。不能不改而東歸。決於明日搭日本丸東返矣。弟此行歸去。必見逸仙。隨機應變。務求其合。不令其分。弟自問必能做到也。至弟既東行。行蹤無定。所有阿昌相隨之義。似可作罷論。蓋東方無甚可開見識之事。而阿昌現當就學之年。似仍當令其入書館。勝於東歸也。此子循良。弟甚愛之。望其勉學成就。他日共事之日正長也。至於令姪各同志捐項。仍望趕收趕匯。因唐山急催弟歸。其事機之急可知。其需款之急更可知矣。匆匆手此告別。即頌義安。楊納譚允諸兄望打鋼線代弟問好告別。

弟啓超頓 七月十七日

日本志士之入獄 庚子某月。日人宮崎寅藏語中山。謂彼於康有爲有恩。聞康近到新嘉坡。擬親往遊說。使其拋棄保皇主義。聯合革命。中山以爲不易。宮崎固請。乃許之。香港康徒聞宮崎會赴粵謁李鴻章。遽電告康。謂宮崎奉李鴻章命來南洋行刺。請慎防。康以告新嘉坡英官。故宮崎至新埠二日。即被警察逮之入獄。中山到自越南。聞其事。乃親訪英總督說明底蘊。始獲釋放。自是日本志士所唱道孫康合作之議。始廢然拋棄。而兩黨更無合作之望矣。

唐部對康梁之惡感 庚子漢口一役。唐才常與林圭秦鼎彝等均與中山有合作之約。雖以勤王爲號召。實則利用康有爲在海外籌款而已。故漢口大通既先後蹉跌。秦鼎彝陳猶龍諸人以保皇會捐款用途不明。謂其阻誤義師。攻擊甚力。康梁師徒疑爲革命黨主使。銜恨益深。時梁啓超嘗有從此披髮入山之憤言。甲辰^{清光緒三十年}中山二次遊美。舊金山保皇會竟囑使美國海關譯員阻其登岸。即含一種報復性質。

各地黨報之筆戰 自是以後。海外各埠革命黨與保皇黨之衝突。日益劇烈。東京政聞社之開幕。及徐勤在小呂宋與新嘉坡之演說會。均被革命黨員搗亂破壞。兩黨機關報之大開筆戰

第六章 革命保皇兩黨之衝突

。尤無時無地無之。茲就雙方筆戰之海外各埠兩黨機關報。表列其報名地點年代當事人姓名如下。

革命黨	地點	年代	當事人	保皇黨	地點	年代	當事人
中國報	香港	辛丑	陳少白 黃世仲 陳思仲	嶺海報	廣州	辛丑	胡顯鶚
中國報	香港	乙巳以後	馮自由 陳春生 朱執信	商報	香港	乙巳以後	徐勤伍憲子
民生日報	檀香山	甲辰	程蔚南 張儒伯	新中國報	檀香山	甲辰	陳繼儼 梁文卿
大同報	舊金山	甲辰	唐瓊昌 劉成禺	文興報	舊金山	甲辰	梁朝杰 梁君可
民報	東京	丙午	章太炎 胡漢民 汪精衛 朱執信	新民叢報	橫濱	丙午	梁啟超
中興報	新嘉坡	丁未	田桐 周杜鵬 張紹軒 汪精衛	南洋總匯報	新嘉坡	丙午	徐勤 伍憲子

第六章

革命保皇兩黨之衝突

少年報	舊金山	庚戌	黃超五	黃芸蘇	世界報	舊金山	庚戌	梁朝杰	梁君可
大漢報	雲高華	庚戌	馮自由	日新報	雲高華	庚戌	梁文卿	何卓競	黃孔昭
華英報	雲高華	戊申	周天霖	日新報	雲高華	戊申	梁文卿	陳繼儼	梁文卿
自由新報	檀香山	丁未以後	盧信	溫雄飛	新中國報	檀香山	丁未以後	陳繼儼	梁文卿

第七章 東京留學界之革命潮

自動的革命思想 最初之出版物 勵志會與廣東獨立協會 學生會館與亡國紀念會 新年團拜之演說 拒俄義勇隊之成立 革命軍事學校之組織 革命書報之日盛 湘學生與華興會 陳天華議請立憲

自動的革命思想 留日學生之提倡革命。始於己亥庚子兩年。其時學生不滿百人。而主張根本改革之激烈論者。殆過半數。就中如戢翼翬（元丞）沈翔雲（虬齋）林圭秦鼎彝馮自由鄭貫一馮斯樂黎科傅慈祥蔡良寅（松波）李炳寰田邦璿蔡忠浩吳祿貞吳念慈劉道仁鄭葆丞蔡成煜等數十人。莫不高唱排滿之說。康有爲門下如梁啓超韓文舉張智若歐陽甲梁子剛羅伯雅等。亦爲思潮感化。時在橫濱清議報吐露其反對異族之意見。致遭其師函電切責。於此可見當日留學界之趨勢矣。大抵其時留學生之革命思想。純然出於自動。絕非受何方面宣傳之影響。蓋人人皆心醉自由平等天賦人權之學說。各以盧騷福祿特爾華盛頓丹頓羅伯斯比諸偉人

相期許。故庚子七月唐才常漢口之役。留學生參加其間者二十餘人。失敗之日。與唐同時殉難。是爲留學生爲國流血之始。

最初之出版物

己亥

清光緒二十五年

冬。留學界始發刊雜誌二種。一爲譯書彙編。江蘇人楊廷棟

楊蔭杭雷奮等主持之。所譯西籍。如盧騷之民約論。孟德斯鳩之萬法精理。約翰穆勒之自由原論諸書。皆於青年思想之進步。至有關係。二爲開智錄。粵人馮自由鄭貫一馮斯樂等主持之。此報爲旬刊。在橫濱出版。專發揮自由平等之學說。於南洋美洲各埠頗爲風行。鄭貫一時任清議報編輯。因發刊是報。爲梁啓超所逐。留學生之出版物。此二報實爲先河。及庚子冬。沈翔雲戡翼輩秦力山楊廷棟楊蔭杭雷奮王寵惠等更發刊國民報於東京。鼓吹民族主義最早。篇末附以英文論說。由王寵惠任之。

勵志會與廣東獨立協會

留學界之有團體的組織。以勵志會爲最早。此會之目的在聯絡情

感。策勵志節。對於國家別無政見。惟發刊譯書彙編及參加漢口發難諸人。多屬此會份子。

故於革命運動。不無關係。廣東獨立協會爲粵籍留學生鄭貫一李自重馮斯樂王寵惠馮自由梁

仲猷等所組織。成立於辛丑

清光緒二十七年

春間。主張廣東向清政府宣告獨立之說。留日華僑入會

者頗不乏人。中山時居橫濱。贊助頗力。粵籍留學生與中山發生關係自此始。

第七章 東京留學界之革命潮

學生會館與亡國紀念會 辛丑壬寅之間。各省留學生漸增至數千人。組織留學生會館於神田駿河台。開幕之日。吳祿貞演說。喻該會館爲美國費城之獨立廳。壬寅三月。章炳麟秦力山馮自由馬君武等發起支那亡國紀念會。被清公使蔡鈞要求日政府禁止開會。然屆期各省學生赴上野精養軒參加者。不絕於道。莫不廢然而返。未幾。吳敬恆奉粵督陶模命帶領速成師範生胡衍鴻等東渡。是年八月。留學界因反對取締學生事件。與蔡鈞大起衝突。吳敬恆在清使館抗爭最力。蔡乃請日政府以警察逐吳返國。吳被解時。憤然躍入城壕。賴日警援救。得不死。留學生因此事頗有歸國者。

新年團拜之演說

癸卯

清光緒二十九年

元旦

各省學生在駿河台留學生會館舉行新正團拜禮。到者千餘人。清公使蔡鈞亦到。時有廣西人馬君武湖北人劉成禺先後演說滿洲吞滅中國之歷史。主張非排除滿族專制。恢復漢人主權。不足以救中國。慷慨激昂。滿座鼓掌。滿宗室長福起而駁之。爲衆呵斥而止。事後劉成禺因此被開去成城學校學籍。不許入士官學校。長福由蔡鈞力保。得充橫濱領事。

拒俄義勇隊之成立 癸卯四月。留學界以俄人強佔東三省。發起拒俄義勇隊。旋改稱軍國民教育會。舉藍天蔚爲隊長。報名者逾千人。每日操演不懈。竟爲日政府禁止。衆推鈕永建

湯燦二人回國。謁直督袁世凱。請其出兵拒俄。留學生願作前鋒。効死力。袁不納。且有不利於二代表之意。鈕等狼狽離天津。留學界聞之。大憤。咸痛恨滿政府之甘心賣國。主張更形激烈。

革命軍事學校之組織 癸卯秋間。中山自南洋抵日。適上海發生蘇報案事件。陳範陳擷芬黃中央等先後東渡。留學生馮自由劉成禺楊度馬君武胡毅生李自重黎勇錫伍嘉杰桂少偉盧少岐李錫青程家樞諸人。均往還京滬。絡繹不絕。一時橫濱山下町之孫寓。頓呈活氣。是年冬。李自重黎勇錫胡毅生等十四人組織軍事學校於青山附近。革命黨自設軍事學校。此爲第一次。

革命書報之日盛 癸卯甲辰二年爲留學界革命書報最盛時期。劉成禺初由陳少白介紹。識中山於橫濱永樂樓。後乃函約中山會談於東京竹枝園。並邀程家樞李書城時功玖程明超吳炳縱等相敘。未幾遂有湖北學生界之出版。發行至第四號而至。旋改名漢聲繼續出版。於是蘇人秦毓璽張肇桐等發刊江蘇。浙人申江東蔣方震蔣尊簋等發刊浙江潮。湘人陳天華楊篤生梁煥彝樊鍾等發刊遊學譯編及新湖南。此外出版物如猛回頭，警世鐘，國民必讀，最近政見之評決，漢幟，太平天國戰史，二十世紀之支那等等。繽紛並起。盛極一時。

第七章 東京留學界之革命潮

湘學生與華興會 甲辰春。湘人黃軫劉揆一陳天華楊篤生等在東京發起華興會。爲湘省革命機關。湘省學生入會者。頗不乏人。旋又組織同仇會。爲聯絡會黨機關。黃劉陳楊等先後歸國。謀大舉。是年九月。以事洩失敗。再渡日本。十一月清廷令駐日公使楊樞密查學生組織同仇會內容。詳細報告。

陳天華議請立憲 乙巳

清光緒三十一年

春間。各國忽盛傳瓜分中國之說。學界中聞之極形恐慌。

陳天華提議由留學生全體選派代表歸國。向北京政府請願。立即頒布立憲。以救危亡。陳本革命黨員。至是忽萌立憲之想。聞者咸以爲異。然陳此舉固別有用意。同志多諒解之。各省同鄉會均開會討論可否問題。反對者佔大多數。陳議遂爾打消。其後陳與宋教仁發刊二十世紀之支那雜誌。以排日言論過激爲日政府禁止。

第八章 庚子李鴻章之獨立運動

劉學詢之活動 香港總督之善意 兩廣獨立之失望

劉學詢之活動 庚子某月。中山在日本得劉學詢書。謂粵督李鴻章因北方拳亂。欲以粵省獨立。思得足下爲助。請速來粵協同進行。中山在乙未廣州一役。早與劉發生關係。時方經營惠州義師。頗不信李鴻章能具此魄力。然此舉設使有成。亦大局之福。故亦不妨一試。遂偕楊衢雲日人宮崎平山等乘法輪烟狄斯赴香港。抵港之日。粵吏已派安瀾兵輪來迎。邀中山及楊衢雲二人過船開會。中山得香港同志報告。知李督尙無決心。其幕僚且有設阱逮捕孫楊之計畫。故不欲冒險赴粵。僅派宮崎乘兵輪晉省。代表接洽一切。而已則轉乘法郵船赴法屬西貢。宮崎至廣州。寓劉學詢宅。與劉密談一夜。劉述李督意。謂各國聯軍未攻陷北京前。不便有所表示。囑宮崎向中山轉達。宮崎以時機未至。遂返香港。

香港總督之善意 先是香港議政局議員何啓以中國時局危急。粵省如不急圖自保。決不足以圖存。因向興中會員陳少白獻策。主張革命黨與粵督李鴻章聯合救國。由李首向北京政府宣告兩廣自主。而中山率黨員佐之。其進行方法。則先由中國維新黨人聯名致書香港總督卜

第八章 庚子李鴻章之獨立運動

氏。請其勸告李鴻章以兩廣獨立。李如同意。卽由彼電邀中山回國組織新政府。此議經與中會員全體贊成。而事前已由何啓取得港督同意。遂由孫文楊衢雲鄭士良陳少白史堅如諸人署名致書港督。其文曰。

中國南方志士謹上書香港總督大人臺前。竊士等十數年來早慮滿政府庸懦失政。既害本國。延及友邦。倘仍安厥故常。呆守小節。禍恐靡既。用是不憚勞瘁。先事預籌。力謀變政。以杜後患。不期果有今日之禍。當此北方肇事。大局已搖。各省地方勢將糜爛。受其害者。不特華人也。天下安危。匹夫有責。先知先覺。義豈容辭。士等觀此時艱。亟思挽救。竊恐勢力微弱。奏效爲難。政府冥頑。轉圜不易。疆臣重吏。觀望依違。定亂蘇民。究將誰屬。深知貴國素敦友誼，保中爲心。且商務教堂。遍於內地。故士等不嫌越分。呈請助力。以襄厥成。願借殊勳。改造中國。則內無反側。外固邦交。受其利者。又不特華人已也。一害一利。相去如斯。望貴國其慎裁之。否則恐各省華人望治心切。過爲失望。勢將自謀。且禍變之來。殆難逆料。此固非士等所願。當亦非貴國之所願也。時不可失。合則有成。如謂滿政府雖失政於先。或補救於後。則請將其平素之積弊。及現在之兇頑。略爲陳之。朝廷要務決於滿臣。案政弄權。惟以貴選。是謂任私人

。文武兩途。專以賄進。能員循吏。轉在下僚。是謂屈俊傑。失勢則媚。得勢則驕。而從心違。交鄰慣技。是謂尙詐術。較量強弱。恩可爲仇。朝得新懽。夕忘舊好。是謂瀆邦交。外和內狠。慝怨計嫌。釀禍伏機。屢思報復。是謂嫉外人。上下交征。縱情濫耗。民膏民血。疊剝應需。是謂虐民庶。鍛鍊黨罪。殺戮忠臣。杜絕新機。閉塞言路。是謂仇志士。嚴刑取供。獄多瘦斃。甯枉毋縱。多殺示威。是謂尙殘刑。此積弊也。至於現在之兇頑。此後尙無涯涘。而就現在之已見者。則如妖言惑衆。煽亂危邦。釀禍奸民。褻以忠義。是謂誨民變。東亂既起。不卽剿平。又借元兇。命爲前導。是爲挑邊釁。教異理同。傳道何罪。唆聳民庶。屠戮遠人。是謂仇教士。通商有約。保護宜周。乃種禍根。蕩其物業。是謂害洋商。睦鄰遣使。國體攸關。移礮環攻。如待強敵。是謂戕使命。書未絕交。使猶滯境。困困使署。囚禁外臣。是謂背公法。平匪全交。乃爲至理。竟因忠諫。慘殺無辜。是謂戮忠臣。啓釁貪功。覬覦大位。不加誅伐。反授兵權。是謂用僨師。裂土瓜分。羣臣耽視。暗受調護。漠不知恩。是謂忘大德。民教失歡。原易排解。偏爲挑撥。遂啓禍端。是謂修小怨。凡此皆滿政府之的確罪狀。苟不反正。爲禍何極。我南人求治之忱。良爲此矣。士等深知今日爲中外安危之所關。滿漢存亡之所繫。是用

第八章 庚子李鴻章之獨立運動

力陳利弊。曲慰同人。南省亂萌。藉茲稍緩。事宜借力。謀戒輕心。上國遠圖。或蒙取錄。茲謹擬平治章程六則呈覽。懇貴國轉商同志之國。極力贊成。除去禍根。聿昭新治。事無偏益。利溥不同。惟是局勢機危。時刻可慮。望早賜覆。以定人心。不勝翹企待命之至。

計開

一遷都於適中之地。

如南京漢口等處。擇而都之。以便辦理交涉及各省往來。

二於都內立一中央政府。以總其成。於各省立一自治政府。以資分理。

所謂中央政府者。舉民望所歸之人爲之首。統轄水陸各軍。宰理交涉事務。惟其主權仍在憲法權限之內。設立議會。由各省貢士若干名。以充議員。以駐京公使爲暫時顧問局員。所謂自治政府者。由中央政府選派駐省總督一人。以爲一省之首。設立省議會。由各縣貢士若干名。以爲議員。所有該省之一切政治征收正供。皆有全權自理。不受中央政府遙制。惟於年中所入之款。按額撥解中央政府。以爲清洋債。供軍餉。及宮中府中費用。省內之民兵隊及警察部。俱歸自治政府節制。以本省人爲本省官。然必由省議會內

公舉。至於會內之代議士。本由民間選定。惟新定之始。法未大備。暫由自治政府擇之。俟至若干年。始歸民間選舉。以目前各國之總領事爲暫時顧問局員。

三公權利於天下

如關稅等類如有增改。必先與別國妥議而行。又如鐵路礦產船政工商各業。均宜分沾利權。教士旅店一體保護。

四增添文武官俸

內外各官廩祿從豐。自能廉潔持躬。公忠體國。其有及年致仕者。給以年俸。視在官之久暫。定恩額之多少。若爲國捐軀。則撫養其身後。

五平其政刑

大小訟務。仿歐美之法。立陪審人員。許律師代理。務爲平允。不以殘刑致死。不以拷打取供。

六變科舉爲專門之學

如文學科學律學等俱分門教授。學成之後。因材施教。毋雜毋濫。

書既上。復由何啓向港督代達一切。卜氏極表同情。因向李鴻章再三接洽。時清廷數電促李

第八章 庚子李鴻章之獨立運動

北上。與各國議和。李以北京未破。拳亂禍首勢焰正盛。遲遲未行。對卜氏提議。頗表示好感。斯時李果幡然變計。決心獨立。我國時局大有轉危爲安之望。

兩廣獨立之失望 未幾中山從南洋乘日輪佐渡丸返港。同行者有宮崎福本摩根諸人。抵港後。晤陳少白等。知李督因北京陷落。清帝母子出亡無恙。已決意北上。不再談據粵自主事。港督之意。欲扼之於香港。使與民黨合作。是日十一時約相會見。爲最後之勸告。倘彼能慨然應諾。則粵省可卽宣告獨立。港督可以特許中山登岸。以便取道入粵。中山謂李以八十老翁。本無遠大思想。今既取道北上。未必因外人之勸告。而中止其行。及李與港督會談。果不出所料。蓋李先後問劉學詢及港督之提議。未嘗無採納之意。惟其主見。以清帝后存亡爲斷。設使清帝后一日遇難。乃可以藉口獨立。及聞出亡無恙。君臣之見猶存。始毅然北上。中山以李事完全失望。亦卽赴日本。

第九章 正氣會及自立會

唐才常與兩黨 留學生之參加 正氣會之成立 自立會與國會

唐才常與兩黨 湖南瀏陽人唐才常號佛塵。少有改革之大志。與同邑譚嗣同長沙畢永年相

善。戊戌清光緒二十四年前嘗佐湘撫陳

寶箴辦時務學堂。聘上海時務報

記者梁啟超任教授。八月政變。

譚嗣同死之。時務學堂亦被解散

。唐憤極。遂萌舉兵除奸之想。

時畢永年已東渡日本。訂交于興

中會首領孫中山。及日本志士宮

崎寅藏平山周等。中山以畢熟悉



湘鄂會黨情形。亦與深相結納。且派平山隨畢赴湘。聯絡哥老會各首領。出入湘省者凡三次。唐才常至日本時。由畢介紹謁中山。籌商長江各省與閩粵合作事。然唐東渡之目的。在於

第九章 正氣會及自立會

會見康有爲梁啓超。有所計畫。時康梁師徒方在海外大倡保皇會。建議募款起兵勤王。其眼中之徐敬業。捨唐莫屬。而唐亦欲利用保皇會款爲起事之需。故不便與中會積極合作。其間由畢永年平山周多方斡旋。始訂殊途同歸之約。然光復勤王兩名義固根本不能相容。終不能無鴻溝之見存焉。

留學生之參加

己亥 清光緒二十五年

唐與梁啓超林圭秦鼎彝吳祿貞等決議在長江沿岸各省起兵。

謀運動會黨及防軍。先襲取武漢爲根據地。林毓述唐。湖南湘陰人。長沙時務學堂學生。居湘時。素以結納哥老會人物爲職志。因得訂交各頭目。己亥夏間赴日留學。肄業于東京牛込區東五軒町高等大同學校。同學者有湘人秦鼎彝（力山）蔡鍾浩蔡良寅（松波）范源濂田邦璇李炳寰李羣陳爲瑣唐才質粵人馮自由鄭貫一馮斯樂等二十餘人。日夕高談革命。留學界表同情者。有戡翼輩沈翔雲黎科傅慈祥吳祿貞劉伯剛吳念慈鄭葆晟蔡丞煜諸人。其時我國留日學生總數不過七八十人而已。唐既有志於湘鄂。以林與會黨素有關係。乃約林及秦蔡田李等回國大舉。復由林邀鄂人傅慈祥粵人黎科閩人鄭葆晟燕人蔡丞煜等相助。傅等欣然從之。出發之日。梁啓超沈翔雲戡翼輩等在紅葉館設筵祖餞。孫中山陳少白平山宮崎皆在座。各舉杯慶祝前途勝利。大有風蕭蕭兮易水寒之慨。林於行前。親詣中山請益。中山爲之介紹於漢口

某俄國商行買辦與中會員容星橋。其後林在漢口大得容助。中山介紹之力也。

正氣會之成立 唐林至上海。初以日人田野橋次名義組織東文學社。陰則發起正氣會爲運動機關。唐手訂正氣會章程二十餘條。其序文曰。

四郊多壘。卿士之羞。天下興亡。匹夫有責。憂宗周之隕。爲將及焉。與四方之瞻。蹙靡聘矣。昔者魯連下士。蹈海而擯強秦。包胥蒙臣。哭庭而存弱楚。蕞爾小國。尙挺英豪。詎以諸夏之大。人民之衆。神明之胄。禮樂之邦。文酣武嬉。蚩蚩無覩。方領矩步。奄奄欲絕。低首腥羶。自甘奴隸。將非江表王氣終於三百年乎。夫日月所照。莫不尊親。君臣之義。如何能廢。盤根所由別利器。板蕩始以識忠臣。是以甘陵黨部。范孟博志在澄清。宋室遺民。謝皋羽常聞痛哭。諸君子者。人懷偉抱。世篤忠貞。或功助餘裔。飄縷天閣之家。或詩禮傳人。領袖清流之望。當此楚氛甚惡。越甲常鳴。詎知酣寢積薪之上。孤立巖牆之下。長蛇薦食。騎虎勢成。將軍何以得故寵。彼皆收用其私人。有粟豈得而食諸。無家何以爲歸矣。束手待斃。噬臍何及。所願咸捐故態。同登正覺。卓犖爲絕。發憤爲雄。一鼓作氣。喁然嚮風。上切不共戴天之仇。下存何以爲家之思。庶竭一手一足之能。冀收羣策羣力之效。國於天地。必有興立。非我種類。其心必異。毋

第九章 正氣會及自立會

誘於勢利。毋溺於奇袤。共圖實際。勿盜虛聲。俾中外繫其安危。朝野倚爲輕重。勿使新亭名士。寄感慨於山河。故宮舊臣。瞻哀思於禾黍。幸甚幸甚。嗟乎。地有橫流之海。精衛思填。石當缺陷之天。女媧能補。任重道遠。晁勉以至。霜鐘頻警。輟筆悵然。

文中有「非我種族其心必異」及「君臣之義如何能廢」之二語。實爲自相矛盾。唐以周旋革命保皇兩派之間。不得不兼籌並顧。爲敷衍之計。因是大招畢永年章太炎之反對。畢力勸唐斷絕康有爲關係。唐利保皇會資。堅不肯從。相與辯論一日夜。失望而去。未幾畢所招致赴香港之哥老會頭目李雲彪楊鴻鈞張堯卿辜天佑李荃師襄諸人。以保皇會多資。亦棄興中會而



容 閔

投唐。畢受種種刺激，乃憤投普陀削髮爲僧。自是遂不聞其踪跡。章於國會開會之後。亦以言不見納。憤然剪除辮髮。拂袖離滬。

自立會與國會 唐旋易會名爲自立會。稱其軍爲自立軍。繼以會名近於激烈。未易普遍。乃於六月間。以挽救時局

爲辭。邀請滬上維新志士。開國會於張園。到者有容閣嚴復章太炎文廷式吳葆初葉浩吾宋恕沈蓋張通典龍澤厚等數百人。公推香山人容閣爲會長。侯官嚴復爲副會長。唐爲總幹事。林圭沈蓋狄葆元爲幹事。成立後。聲勢日盛。大招清吏之忌。同時日人田野發刊同文日報。鼓吹改革。不遺餘力。頗足爲唐等之助。林圭亦在漢口設軍事機關。慘憺經營。成效漸著。復仿照會黨頒發票布辦法。散放富有票。分地段以設旅館。爲會友往來寄宿之所。其在漢口者曰賓賢公。襄陽曰慶賢公。沙市曰制賢公。岳州曰益賢公。長沙曰招賢公。刊布會章。號稱新造自立之國。其規條有不認滿洲爲國家等語。林並作一長函。託容星橋函約中山同時大舉。林遺書原文皆存民元北京稽勛局。曾由林兄某拍照多份分贈友人。今或存也。

第十章 庚子秦力山大通之役

起事之籌備 大通之佔領 自立軍之失敗

起事之籌備 秦鼎彝號力山。長沙人。己酉夏間東渡留學。翌年偕林述唐歸國。同任自立軍重要職務。因與安徽撫署衛隊管帶孫道毅友善。故願獨担任池州大通發難之責。由唐才常委充自立軍前軍統領。及至大通。賴孫管帶密助以軍械。籌備漸熟。水師營弁亦多受約束。又由皖省哥老會頭目符煥章在大通蕪湖太平裕溪和悅洲等處散放富有票。招人入會。大通居民附和者充塞於途。秦方與漢上機關部約期七月十五日並舉。詎唐才常以待海外匯款。展期數次。秦以長江沿岸戒嚴。未得軍報。仍進行不輟。至七月十三日。事爲大通保甲局委員許鼎霖所聞。立督局勇拿獲黨人七名。銅陵縣魏令更電皖撫王之春告警。王先派武衛副前營傅永貴督勇一哨。附江輪前往彈壓。繼聞鹽局被據。乃續派武衛楚軍及定安軍七八百人赴援。並令沿江各地戒嚴。

大通之佔領 秦見事洩。遂令黨人於十五日立即起事。並張貼安民告示如下。

中國自立會會長爲討賊勤王事。照得戊戌政變以來。權臣秉國。逆后當朝。禍變之生。

慘無天日。至己亥十二月念四日下令立嗣僞詔。幾欲蔑棄祖制。大逞私謀。更有義和團以扶清滅洋爲名。賊臣載漪剛毅榮祿等陰助軍械。內圖篡弒。不得則公然與中立爲難。用敢廣集同志。大會江淮。以清君側。而謝萬國。傳檄遠近。咸使聞知。

（宗旨） 一保全中國自立之權。 二請光緒帝復辟 三無論何人。凡係有心保全中國者。准其入會。 四會中人必當禍福相依。患難相救。且當一律以待會外良民。

（法律） 一不准傷害人民生命財產。 二不准傷害西人生命財產。 三不准燒燬教堂。 殺害教民。 四不准擾害通商租界。 五不准姦淫。 六不准酗酒逞兇。 七不准用毒械殘待仇敵。 八凡捉獲頑固舊黨。應照文明公法辦理。不得妄行殺戮。 九保全善良。革除苛政。共進文明。而成一新政府。

是時水師參將張某聞變。派炮划四艘。率兵渡江防堵。詎所部多與黨通。甫至岸。卽與黨人聯合一氣。張參將竟投江而死。於是水師盡入秦掌握。隨以大砲轟督銷局。據之。局員錢綬甫逃。另有黨人蜂擁至貨厘局。釋放被逮者七名。駐大通防營管帶蕭鎮江守中立。

自立軍之失敗 王撫初派之傳管帶永貴見黨人勢盛。不敢渡江。旋復派省城防營管帶邱顯榮及蕪湖防營管帶李本欽。率兵會攻。仍未得利。被黨軍以大礮擊沉礮艇八艘。小火輪一艘。

第十章 庚子秦力山大通之役

。十七日蕪湖吳道續派衡字軍三營應援。清軍勢力頓加。秦揮兵搏鬥甚力。卒以兵少不敵。餘衆遁向九龍山一路而去。秦僅以身免。仍避地日本。後與沈翔雲等發刊國民報於東京。壬寅清光緒二十八年與章太炎馮自由諸人組織支那亡國紀念會。翌年自緬甸入雲南。欲運動滇邊土司刀沛生等起兵反清。丙午病死於滇。

第十一章 庚子唐才常漢口之役

起事之佈置 海外之匯款 擁張獨立之破裂 漢口機關之失敗

沈蕙新堤之失敗 湖南之黨獄 黨人之出險 保皇會之報告書

張之洞之奏摺

起事之佈置 唐才常林圭計畫分自立軍爲七軍。以大通爲前軍。秦力山統之。安慶爲後軍。田邦璿統之。常德爲左軍。陳猶龍統之。新堤爲右軍。沈蕙新統之。漢口爲中軍。林自統之。另置總會親軍及先鋒軍。唐則爲諸軍督辦。分途招募兵勇數十營。上游則界四川之宜昌。下游則界江西之武穴。南則界湘之荊州。北則界漢之襄陽隨州當陽應山麻城。中路則沔陽新隄沙洋嘉魚蒲圻崇陽監利皆其勢力所及。蓋自畢永年離鄂之後。哥老會各路頭目遂多受唐林部勒。林述唐於唐未至漢口之前。已與黎科戢元丞李炳寰蔡承煜鄭葆丞等詳訂自立軍會章三段。題曰自立軍現在之布置及其將來兵事。照錄如左。

(一)軍隊編制 一起發之初集兵二萬分七軍四十營 一置總會親軍十營 一置中左右前後五軍各五營 一置自立先鋒軍五營 一各軍統領由總會派營官由統領派哨弁哨長由

第十一章 庚子唐才常漢口之役

營官派：一各軍皆派統領一幫統一營官准營數哨官准哨數 一以親軍統領爲總統節制各軍 一發起之始日卽出示招募健兒三十營三日成軍 一加募之兵置自立全軍營務處十營置自立全軍糧臺處衛隊五營總會所衛隊十營軍械所守兵五營 一起發之後卽選派自立各軍路湖南湖北江西等處循長江一帶 一將弁薪俸額數及兵丁餉額數須於起發之處擬定一新募之兵卽用外國急用操法試練一俟鎗法嫺熟仍再募數十營隨時酌量策應各路

(二) 條教文牘 一國會自立檄文自立淺語傳單簡明條例 一國會自立告示及簡明斗方告示 一招募告示及其規例 一佈告各國照會國書 一招納各省同志豪傑傳單 一安撫百姓告示 一國債股票 一各項委簡及略地簡 一扎飭保護租界教堂專簡 一扎飭略地各弁收各州縣地丁征冊及各督銷稅局歷年簿據 一扎委權知各州縣事撫輯流散編練團軍 (三) 行兵條理 一置兵吏司司功過置軍政司司賞罰 一議訂軍官功過賞罰條例兵丁功過賞罰簡明條例 一行軍禁約淺語牌示 一行軍賞罰淺語牌示

對外之文告 自立軍於六月間已合併於中國國會。以香山容闕駐上海任外交事務。黎科駐漢口任租界交涉事務。山容闕起草英文對外宣言。大意如下。

中國自立會有鑒於端王榮祿剛毅等之頑固守舊。煽動義和團以敗國事也。決定不認滿洲

政府有統治清國之權。將欲更始以謀人民之樂利。因以伸張樂利於全世界。端在復起光緒帝。立二十世紀最文明之政治模範。以立憲自由之政治權與之人民。藉以驅除排外篡奪之妄舉。惟此事須與各國聯絡。凡租界教堂以及外人。並教會中之生命財產等。均須力爲保護。毋或侵害。又望諸君於起事時切勿驚惶。別有軍令八條如左。

第一條 勿侵害國民之生命財產

第二條 勿侵害外人之生命財產

第三條 勿焚燬寺院勿驚動教堂

第四條 保護租界

第五條 嚴禁姦淫竊盜及一切不法行爲

第六條 待遇擒獲敵人。禁用慘酷非刑。須照文明交戰條規處治之。

第七條 對敵時用殘酷待遇及猛毒武器。均所不禁。

第八條 所有清國專制法律。建設文明政府後一概廢除。

海外之匯款 唐林等所發富有票。藉哥老會之力。散放於湘鄂皖贛各府州縣。爲數甚夥。勢力日漸膨漲。諸事粗定。惟軍資尙虞不足。各路待款發動。均派代表駐漢滬二處坐催。唐

第十一章 庚子唐才常漢口之役

乃屢電海外。促康有爲梁啓超匯款接濟。僅由南洋邱菽園匯到若干。仍缺額甚鉅。以是黨人對康梁感情日惡。哥老會龍頭李雲彪楊鴻鈞等先離異。辜洪恩則發貲爲票。李和生則發回天票。各自爲謀。唐因是滯留上海。待款而行。

擁張獨立之破裂 時值北方拳亂變起。林圭認爲機不可失。促唐赴漢口謀速發難。唐至漢口。以北方無政府爲辭。藉日本人爲通殷勤於鄂督張之洞。願以自立軍將擁之挈兩湖宣布獨立。張猶疑莫決。然對於黨人之活動雖有所聞。未嘗予以發覺。似非全無好意者。唐設法促張自決多次。張無表示。唐以爲無望。乃揚言於外人曰。倘張之洞奉清廷之命以排外。吾必先殺之。以自任保護外人之事。張聞而恨之。是時唐已定期七月十五日各路同時大舉。以康梁匯款未至延期。秦力山在大通。因長江各口岸防範嚴密。未得展期軍報。及時起事。以後路不及響應。無援而潰。唐因經費不足。頻催海外保皇會款不來。於是數數展期。而二十五。而二十九。至二十七而事敗。

漢口機關之失敗 張之洞偵知唐等所爲與已絕反對。且將布告各國領事。據武昌獨立。決計先發制人。將黨人一網打盡。以絕禍根。適廿七日漢口泉隆巷某剃髮匠偵知同街唐姓形迹可疑。遽向都司陳士恆告變。陳跟蹤拿獲黨人四名。始悉黨人有大舉動。張之洞聞報。卽照

會租界各國領事。於廿八日清晨派兵圍搜英租界李順德堂。及寶順里自立軍機關部與輪船碼頭等處。先後逮捕唐林及李炳寰田邦璿卬河清向聯陞王天曙傅慈祥黎科黃自福鄭葆晟蔡承煜李虎生及日本人甲斐靖等二十餘人。同時圍搜某俄國商店。擬捕其買辦容星橋。容喬裝工人而逃。戡元承則避匿劉成禹家。



黎 科

唐等被擒後。司道府縣在營務處會訊。唐供辭謂因中國時事日壞。故效日本覆幕舉動。以保皇上復權。今既敗露。有死而已。餘人羣呼速殺。廿八夜二更乃押至大朝街溜陽湖畔加害。一時延頸就戮者共十一人。尚有日本人甲駐漢口鈇政局。形迹稍可疑者皆不免。約死百餘人。湖北殺人殆無虛日。特派謗軍營二百

第十一章 庚子唐才常漢口之役



傅 慈 祥

沈蓋新堤之失敗 右軍統領沈蓋
。長沙人。担任在新堤發難之責。
聞漢上以迂緩失事。亟率所部發難
。湖北之崇陽監利。湖南之臨湘沅
州湘潭等縣。紛起響應。時因中軍
已失。人心渙散。師遂潰。黨人黃
南陽李壽金曾廣文王昌年皆被執。
死之。沈走武昌。旋復北走燕京。

欲着手於中央活動。居二年。因在報上揭發清廷與俄人私訂密約。事為李蓮英慶寬告密。清
太后那拉命以非刑立斃杖下。中外譁然。時在丁未
清光緒三十三年 六月初八日。

湖南之黨獄 安徽人汪鎔幼從父宦遊湖南。自德據膠州。感於外患日亟。創設白話報於蕪
北。以開通民智自任。及拳匪亂作。大局益危。聞唐林等將有事於湖鄂。乃銳意結合湘中會
黨。以為發難地。大會于定王臺。以掣於經濟之缺乏。不能大有所設施。復赴漢約師期。時
主南路軍事者為清泉楊暨。主西路者為武陵何來保。均亟亟謀響應。未幾漢口事洩。湘撫俞

廉三承張之洞意旨。大興黨獄。全省騷然。先後被逮殉難者。有唐才中蔡鍾浩何來保方成祥徐德姚小琴李生芝汪楚珍李英徐崑陳保南易瑞林李廣順莫海樓仇長庚李如海沈竹亭李蓮航等百餘人。汪銘之兄鑑以縣佐候缺長沙。熱中干進。乃告密於劣紳王先謙。凡與銘有連者悉羅列無遺。先謙上之俞撫。乃緹騎四出。銘方自漢歸。始知爲兄所賣。仰藥死之。其次兄瑤下之獄。鑑敍功得保知縣。

黨人之出險 是役湘鄂黨人出險者。有陳猶龍朱濂溪龔超沈蓋辜仁傑辜洪恩張堯卿楊鴻鈞師襄諸人。龔超逃至上海。復爲清吏逮捕。以租界會審公廨認爲國事犯得釋。秦力山戡元丞陳猶龍朱濂溪等則亡命日本。是役康有爲假勤王名義向海外華僑募款。數逾百萬。僅電報一項耗費逾十萬元。而唐才常林圭竟以經費不足。遷延失事。因此秦力山陳桃癡等至日本。卽向梁啟超大開交涉。要求算賬。梁憤而有披髮入山之宣言。保皇會自此信用漸失。不復再談起兵勤王事。未幾易名帝國憲政會。

保皇會之報告書 保皇會向海外華僑募款函件。無遠弗屆。茲擇錄庚子六月六日康有爲致各埠公函一通如下。

各埠保皇會列位同志義兄公鑒。前致函牘列近情。並託三事。一曰有款卽用電匯而勿匯

第十一章 庚子唐才常漢口之役

寄。一曰已捐者加捐。一曰廣聯同志。三者皆今日最急切而不可一刻緩待之要務。想經大覽。誠以大舉在即。萬事交迫。餉械二事。尤爲浩繁。無餉不可以用人。無械不足以應敵。百函百電。日來催迫。旣已嘆大局之危亡。又深恐機緣之先喪。徘徊終夕。首疾爲加。惟諸君慷慨憂國。義憤填膺。痛此時艱。種族不續。必能相應以成大舉。明知諸君高義彌地塞天。屢電屢函。自形煩數。而以中國黃種之故。用敢流涕爲四萬萬同胞乞餉也。邱君菽園再捐十萬。共二十萬。毀家紓難。高誼可風。今請申明前義。務祈加捐。所捐有得。務祈即時電匯。軍務倥傯之時。彌東補西之苦。諸君諒之而勉助焉。所有近情。列於下幅。

一僞政府始以底拳匪爲得計。內謀篡弑。外戕西人。聲勢洶湧。一朝而橫行津沽。及至今日。拳匪勢日張。黨日衆。盤踞日固。僞府諸賊雖欲勦辦。已養虎自爲患矣。日來所出之僞諭。文句鄙俚。胆氣震懾。不稱團匪。而稱國民。不成國體。此自取覆亡之道。所謂天奪其魄也。

一各省督撫不奉僞諭。截糧備餉。自固疆圉。僞政府無如之何。而粵督李鴻章江督劉坤一抗拒尤甚。僞政府之傾。不待言矣。

一僞府既倒。新黨已於上海設立國會。預開新政府。爲南方立國基礎。將來迎上南遷。先布告各國。保護西人洋行教堂等事。義軍一赴。即與各國訂約通商。復我維新之治。

美國之派仇由中。皆之拒。拒不成。政府不。遂。皆外國之。兵。未。能。大。集。而。近。我。晚。再。近。一。月。而。兵。既。至。亡。而。起。是。而。得。不。我。新。黨。聚。斯。時。以。起。義。軍。直。至。南。方。圍。攻。劉。據。而。彼。多。以。外。中。進。搗。賊。穴。亦。以。破。而。我。自。據。和。而。兵。局。之。會。不。可。失。也。

我南方勤王義軍已分奉教諭不日收整成方面與外國訂約。西律西法。西兵北上勤王。外人攻圍。上。美。免。相。助。我。可。立。不。敗。之。地。彼。僞。府。已。倒。而。賊。官。皇。欲。手。指。免。免。多。可。微。之。餉。又。耳。可。調。之。兵。不。亡。之。得。我。聖。主。確。同。多。忠。所。有。電。報。諸。言。屢。信。凶。向。不。是。信。援。軍。心。惶。恐。日。夕。多。憂。慮。而。者。不。能。未。能。保。存。皆。據。電。報。想。皆。出。此。以。不。能。自。爲。自。救。請。有。爲。事。六月廿日

起而與之相抗。雖有名義之正。聞者風從。彼僞賊獲罪于天。必不久全。然耗力竭智。亦需時日。乃足破之。今則天奪其魄。鬼焚其穴。結匪自誅。激外自殺。始以彼以逸待

第十一章 庚子唐才常漢口之役

一此次諸賊之結拳匪。此殆康天亡之。以與我有新黨者。何爲以言之。僞府報諸賊盤踞北京告。根深蒂固。書擁兵甚衆。天下無事。金甌未缺。我一旦

第十一章 庚子唐才常漢口之役

我之勞。彼以整待我之亂。今也我以逸待彼之勞。我以整待彼之亂。卽論兵法。已無可勝。外結萬國之深仇。內生各督之抗拒。不成爲政府。不足爲朝廷。今幸外國之兵未能大集。苟延殘喘。再延一月。西兵既至。亡可翹足而待耳。我新黨乘斯時以起義軍。遠在南方。固成割據。而彼無如何。卽進搗賊穴。亦以疲弊而難自救。故曰天與之會。不可失也。

一我南方勤王義勇已分布數路。不日將起。旣成方面。可與外國訂約。行西律西法。一面分兵北上勤王。助外人攻圍匪以救上。英旣相助。則我可立不敗之地。彼僞匪已倒。諸賊倉皇。斂手待斃。旣無可徵之餉。又無可調之兵。不亡何待哉。聖主確聞無恙。所有電報謠言屢凶問。不足信據。軍事倥偬。日夕籌畫。所有各情。未能詳書。皆據電傳。想皆知悉。故不贅焉。匆匆敬請義安。有爲再上六月廿日

張之洞之奏摺 附錄鄂督張之洞向清廷奏報嚴辦兩湖會黨摺如下。

奏爲康黨謀逆。創設自立會。勾結長江兩湖會黨。同時作亂。先期破獲擒誅渠魁。現派營四路勦捕。飭令繳票解散。恭摺馳奏。仰祈聖鑒事。竊查自北方開戰以來。各省黨徒咸思蠢動。臣等欽遵諭旨。保守疆土。欲防外侮。必須先清內黨。當卽增募營勇分路籌

防。七月初間。湖北巴東長樂等縣。果有會黨糾衆豎旗起事。正在派兵勦辦。旋聞安徽大通已有大股會黨突起焚劫。其勢甚熾。湖北沔陽州之新堤。蒲圻縣之羊樓峒。湖南臨湘縣之灘頭。均有會黨接踵而起。民間大爲驚擾。荊州之沙市。以及嘉魚麻城等縣。均有會黨謀亂情事。各黨聚衆點名。打造刀械。造製號衣。儲備米糧。一似錢財甚爲充裕者。並聞有私運外洋軍火之說。當經遴派員弁營勇分路密查勦捕。以武穴向爲下游門戶。會黨之藪。並派營勇兵輪前赴該處查拿防遏。同時各省拿獲各黨。皆係領有富有票。此票乃仿照哥老會散放票布之辦法。其票係上海洋紙石印。寫刻篆印。皆極精工。上橫書富有二字。直書憑票發足典錢一串。文前有編號。後有年月。背有暗口號圖章二顆。用在湖北者。又鈐楚字圖章。其命名蓋暗寓富有四海之意。實屬悖妄已極。凡領票者均係勾串一氣。互爲聲援。據黨首散票者告人云。持有此票。即可向該黨首處領錢一千元。以後乘坐太古怡和輪船。不索船價。並云中國即將大亂。以後持票即可保家。以故各省黨首趨之若鶩。旋經查出。此乃大逆康有爲一人主使。調度其夥黨。分布各省。展轉煽惑。其巢穴卽在上海。於租界內設有國會。入會者亦不盡康黨。沿江沿海各省皆有國會分會。而分會中以漢口之分會爲最大。因武漢當南北適中之地。居長江之上游。而兩

第十一章 庚子唐才常漢口之役

湖會黨又最多。故先於武漢舉事。其會名曰自立會。其軍名曰自立軍。勾煽三江兩湖等處哥老會黨。糾衆謀逆。定期七月二十九日。武昌漢口漢陽三處同時起事。約定新隄蒲圻之黨。速起大股前來接應。岳州沙市之黨遙爲聲援。先於二十七日訪有端倪。密飭員弁在漢口地方李慎德堂及寶順里內拿獲兩湖分會總黨首唐才常黨首林圭李虎生等三十餘名。唐才常係督辦南部各省總會。又督辦南部各省軍務處。林圭係統帶國會中軍。李虎生係總窩戶。當時在唐才常寓所起獲軍械火藥偽黨偽札偽示及富有票多張。又入會各黨姓名簿。又購買洋槍刀械。用款雇募奸細。分往各城各營各局充當內應。月支薪水用款。招募偽黨。自稱發餉用款各項帳簿。又各省逆黨往來黨信。又洋文自立會辦事規條。皆在唐才常屋內搜獲。並同時在漢口漢陽獲拿同夥謀逆之哥老會黨首瞿河清向聯陞等。發交營務處司道武昌府江夏縣公同審訊。該等供認開設自立會。勾結哥老會。散放富有票。同夥謀逆不諱。當即將該黨首唐才常等二十名正法示儆。旋在嘉魚獲拿逆黨蔣綱才。搜獲富有票黃旗。及各號名單。及正副會長康梁偽諭。暨供出各黨姓名。續據湖南獲拿會黨頭李英譚翥等供稱。康有爲在上海開富有山。正龍頭係康有爲唐才常梁啟超李金彪楊鴻鈞師馬炳等。唐才常派爲上海總糧臺。聽說康有爲孫汝派人會合大刀會。孫汝已

到山東。此事是康有爲爲總。康有爲以唐才常爲總。唐才常以辜仁傑辜鴻恩師馬炳卽師襄爲總。湘省聞拿自盡之汪鎔。派爲長沙總糧臺。各糧臺之錢均是康有爲接濟等語。查蔣綱才單內係康有爲爲正龍頭。梁啓超爲副龍頭。並據唐才常供上海國會總會頭目係廣東人容榮。此外各處所獲哥老會黨供詞。供出康有爲唐才常爲首者。不計其數。查獲逆信僞札及各黨供。尙有沈克誠陳譚林杰卽邦威容榮李松芝蔡鍾浩汪楚珍張堯卿戴保廷均爲謀據兩湖之大頭目。秦俊傑卽秦立三。又名秦郵。卽大通滋事黨首。復經密札密咨鄂省各省查拿。並照會各國領事在案。並准大學士直隸總督臣李鴻章咨湖南巡撫臣俞廉三咨。查出訊出康有爲唐才常容榮等勾黨作亂。私運外洋軍火情形。大略相同。暨准兩江總督臣劉坤一安徽巡撫臣王之春咨。富有票黨擾亂長江。派兵勦捕。起獲僞票僞示。私運軍火各情形。與鄂省所查。皆相符合。查此項自立會黨唐才常。以康逆死黨窟穴上海。設立總會。自爲總糧臺。往來沿江沿海各處。廣散銀錢。購誘會黨。計謀凶狡。黨夥紛繁。其亂黨往來書信。大旨因北方有警。乘此煽動沿江沿海各省各種會黨。同時作亂。其同謀勾結之人。各省皆有。其購械募黨之款。查簿內存款計洋銀一萬五千餘元。用去已將及萬元。聞康有爲詐騙斂集之款。共有洋銀六十萬元。安排以二十萬元用之長江

第十一章 庚子唐才常漢口之役

。所散放之富有票。就兩湖地方查出供出者。已有兩萬餘張。事發後兩三日。尚有人向李慎德堂投遞黨逆信。經稅務司郵政局拿獲數起。其偽札有曰指定東南各行省爲新造自立之國。其華洋文規條。內有曰不認滿洲爲國家。其偽印文曰中國國會分會駐漢之印。又曰中國國會督辦南部各省總會之關防。又曰中國國會督辦南。各路軍務之關防。又曰統帶中國國會自立軍中左右前後等營各關防。其逆信內有言以湖北爲中軍。以安徽爲前軍。以湖南爲後軍。其唐才常身邊小篋內。搜出偽號令告示稿。有曰焚燬各衙署。佔奪槍炮廠。劫掠局庫。佔踞城池。焚燬三日。封刀安民。派將固守。再籌征進。其逆信有曰沿途亦可劫掠。其開用偽關防札文。內有曰業經報明滬會。篆刻關防一顆。內刻中國國會督辦南部各省總會字樣。於庚子年七月初八日開用等語。唐才常等到案一一供認不諱。至其造言捏誣。狂吠詆毀兩宮。悖逆兇悍。筆不忍書。令人髮指。該會黨等以自立爲名號。以焚戮劫掠爲條規。以富有票爲引誘。以哥老會紅教會及各省各種會黨爲羽翼。意欲使天下人心同時搖動。天下民生同時糜爛。實爲兇毒已極。又查偽札有云本國會深懷危亡等語。實屬狡詐膽妄。黨首倡爲國會。造此詭辭。冀以誑誘躁妄之文士。鼓動無知之愚民。尤爲可惡。惟目前時事雖棘。上下同心。力圖振作。尚可勉籌補救之方。

若該會黨各省蠶起。外人乘之。則中國真將有危亡之勢矣。今該黨既已自稱爲新造之國。公然自立。不認國家。是明言不爲我皇上之臣子矣。乃尙敢託保國之名。以逞其亂國之謀。不獨中國忠義臣民不受其欺。凡各國明理曉事之人。恐亦不受其欺也。近日鄂湘江皖各省滋事之黨。查其逆信票據供詞。皆係自立會黨之黨。皆係領富有票之人。其合夥約期。濟械助費。分據地方。安排接應。均經查有實據。查李慎德堂前門在英租界之內。當日查拿各黨之時。係由英領事簽字。派巡捕協同往拿。營場跟同起獲各種謀逆作亂器械憑據。華洋人等衆目共睹。因此各國領事皆深知此輩實係與哥老會合夥。必應查拿。以免擾害地方。除湖北湖南兩省隨時密查嚴拿外。此外沿江沿海各省皆有分拿。其往來於上海者尤多。應由各省自行查拿。已將先後迭次查出供出緊要各黨首姓名籍貫陸續開單分咨各省。一體嚴密懸賞查拿。務獲懲辦。以懲亂逆。而安大局。至唐才常供出同謀之人甚多。凡係查無實據者。概不株連。其軍民人等誤有富有票者。准其向官司營局團紳首士繳票銷燬。即免追究。予以自新。若觀望藏匿不繳者。查獲黨票。定行重辦。自漢口黨首伏誅後。各路黨徒聞之震懾奪氣。惟富有票放出太多。其悍黨徒首尚多漏網。現已訪知仍復潛蹤往來上海長江一帶。別設狡謀。力圖糾衆報復。沙市岳州常德豐

第十一章 庚子唐才常漢口之役

州一帶黨徒尙在煽惑窺視。新堤之黨竄擾湖南之臨湘巴陵監利朱河等處。其監利沙澤麻城嘉魚榮陽巴東長壽之黨。仍飭各營分投搜剿解散。其襄陽棗陽隨州應山等處界連豫邊。素多刀會。豫省年來旱荒。飢民頗衆。亦隨有會黨開堂放票者。自七月以來。藉鬧教爲名。嘯聚焚劫。勾結自立會黨滋事。復有某黨首潛往孝感應山河南信陽州一帶謀劫北上諸軍軍火。並煽誘河南飢民來漢滋事。現又訊出有黨目潛往襄樊一帶煽動刀黨。已添募馬步各營。沿邊防遏。入境卽擊。八月內四川巫山縣有黨千餘人滋事。亦經派營會合川軍相機勦捕。臣等伏查康逆近年遁逃海外。布散邪說。又思煽動奸人。擾亂中國。以逞其報復之志。茲因各國遭禍。中國兵威不振。以爲有機可乘。遂敢遣其黨羽分布沿江沿海各省。勾黨作亂。而湖北尤爲該黨注意所在。值此時局危急。一經煽動。立即四路響應。兩月來武漢商民惶擾遷徙。一夕數驚。幸仰賴朝廷威福。先期破獲。擒誅渠魁巨黨多名。各處聚集援應之黨。先後擊散。陸續擒斬黨目數十人。目前人心粗定。惟有仍一面督飭各軍各州各縣嚴防密拿。解散脅從。一面照會各國領事。布其逆亂罪狀。囑其轉告外部。勿爲所惑。目前據各領事言。從前謂康梁爲志士。今已知康梁爲黨徒。各國斷不幫助庇護。此實由該逆等稔惡窮兇。天討其魄。爲悖亂盜賊之事。布悖亂盜賊之言

。奸謀逆蹟。盡行敗露。從此爲各國所屏棄。誅殛之期。當不遠矣。惟有湖北數月以來。自北方有警。長江人心惶惑。各黨四起。陸續增募營勇數十營。上游則界川之宜昌。下游則界江西之武穴。南則界湘之湘州。北則界漢之襄陽隨州棗陽應山麻城。中路則沔陽新堤沙洋嘉魚蒲圻崇陽監利皆爲會黨出沒之所。皆須派營住守。隨時相機勦捕。並派營前赴湖南之岳州。河南之信陽州。越境剿捕巡防。以固藩籬。各屬請兵請械。應接不暇。羅掘多方。增兵既多。增餉尤鉅。種種艱難急迫。晝夜不遑。惟有竭力鎮撫。相機籌辦。隨時與湖南撫臣兩江江西安徽督撫臣互相知會。合力辦理。以維大局。至此次查獲擒獲自立會黨渠魁。既分路防勦捕獲頒放富有票逆黨首要各員弁。發奸弭亂。沿江沿海各省得以周知爲備。似尙有裨大局。合無仰懇天恩。俯准臣等查明奏請優褒。以示鼓勵。出自鴻慈。所有擒誅自立會黨總頭目查拿各黨目分路勦捕沿江沿邊會黨各情形。臣等謹合詞繕摺馳奏。伏祈皇太后皇上聖鑒。謹奏。

第十一章

庚子唐才常漢口之役

第十二章 庚子惠州之役

發動之籌備 中山入惠之被阻 三洲田之根據地 第一次之大捷

新安虎門之停頓 第二次之大捷 博羅之響應 第三次之大捷

第四次之大捷 運械計畫之頓挫 革命軍之解散 清吏之奏摺

楊衢雲之被害

發動之籌備 與中會在惠州起事之計畫。在己亥庚子間已漸告成熟。楊衢雲鄭士良等在香

港佈置既竣。而駐三洲田新安博羅等處之健兒。咸靜極思動。急欲一顯身手。楊衢雲乃於庚

子

清光緒二十六年

三月廿七日乘阿波丸赴日本。與中山商議大舉。適是時拳匪事起。全國震動。中

山認為時機可乘。遂於五月中旬。偕楊及日人宮崎寅藏平山周福本誠原口開一遠籐隆夫山下

稻伊東正基大崎伊藤岩崎等十餘人。乘法輪烟狄斯至香港。廿一日在船旁一小舟開軍事會議

。列席有孫楊及陳少白謝讚泰鄭士良史堅如鄧蔭南宮崎平山諸人。議定由鄭士良督率黃福黃

耀廷黃江喜等赴惠州。準備發動。史堅如鄧蔭南赴廣州。組織起事及暗殺機關。以資策應。



庚子時代之孫中山

楊衢雲陳少白李紀堂在港担任接濟餉械事務。日本諸同志則留港助楊陳李等辦事。自偕英人摩根乘原船赴越南西貢。宮崎則以運動孫康兩派合作往新加坡。竟被康徒控諸英警廳。謂其欲謀行刺康有爲。以是被逮下獄。中

山在西貢聞耗。即赴新加坡爲之營救省釋。事畢。同乘佐渡丸返港。

中山入惠之被阻 中山擬至香港。即偕日本志士入內地。親率鄭士良等發動。詎香港政府因新加坡宮崎事件。預派水警監視。不得登陸。六月廿一日中山召集中日同志在舟中開軍事會議。將惠州發難之責委之鄭士良。而以遠籐爲參謀。平山福本則助理民政事務。自折回日本。轉渡台灣。擬俟義師達相當地點。即由台灣設法潛渡內地。蓋是時台灣總督兒玉源太郎因中國已陷於無政府狀態。頗贊成中國革命。曾令民政長官伊藤新平與中山接洽。許以起事

第十二章 庚子惠州之役

之後。設法相助，故中山令鄭士良相機發動。並改原定計畫。不直逼廣州。而先佔領沿海一帶地點。俟中山來。乃大舉進取。

三洲田之根據地 惠州歸善縣屬之三洲田稔山等處。向爲會黨嘯聚之區。鄭士良奉命運動起事。卽以其地爲根據。時有健兒六百人。而洋槍僅三百桿。子彈各三十發。雖由附近清軍防營密購鎗械若干。但仍不敷所用。中山至香港時。因上陸計畫失敗。故傳令鄭暫勿發動。以待後命。鄭及黃福等靜候數月。糧食漸缺。乃令所部分居附近鄉村。僅以八十人留守大寨。因恐風聲外洩。凡近鄉樵牧入山寨者。皆拘留之。不許外出。以是謠言大起。紛傳內有亂黨數萬人揭竿起事。庚子閏八月上旬。粵督德壽據各方警報。乃令水師提督何長清抽撥新舊靖勇及虎門防軍四千餘人。於初十日進駐深洲。陸路提督鄧萬林率惠州防軍填紮淡水鎮隆。以塞三洲田之出路。何鄧聞黨軍勢大。不敢深入。鄭士良以戰機日迫。電台灣求中山速予接濟。中山初覆電。謂籌備未竣。令暫解散。然革命軍諸將領皆以爲敵軍不足慮。乃續電中山。謂當率兵向沿海岸東上。仍請設法趕速接濟。

第一次之大捷 中山第一次覆電未達三洲田司令部。而清將何長清已移前隊二百人駐新安縣屬之沙灣。哨騎及於黃岡。將進窺三洲田。革命軍思坐以待敵之不利。乃於是月十五晚。

由統將黃福率敢死士八十人襲清軍於沙灣。陣斬四十人。奪洋鎗四十桿。彈藥數箱。生擒三十餘人。皆令剪辮服役。清軍不知敵軍多寡。皆駭潰奔還。革命軍軍威爲之大振。

新安虎門之停頓 同時新安及虎門同志黃江喜等亦集合數千人。專候三洲田大軍之至。以共薄新安城。詎革命軍克沙灣後。方待天明乘勝進取。而鄭士良適自香港帶中山復電以至。乃集衆橫岡。改變軍令。取道東北。以向廈門。於是新安虎門之軍遂不及會合。而其勢一渙焉。

第二次之大捷 清軍既失利。何長清仍控衆三千。陣於淡水之上。革命軍擬向鎮隆前進。而清將鄧萬林率兵千餘堵截要道。革軍人數僅六百。諳軍事者不及半數。乃於平山龍岡間號召得千餘人。廿二日趨鎮隆。清兵已出佛子坳。扼險而陣。革軍令軍中無洋鎗者皆執戈矛在前。持鎗者分左右兩翼。乘敵軍不備。匍匐上山。薄壘大呼。敵復驚潰。殺傷甚衆。是役生擒歸善縣丞兼管帶杜鳳梧。及敵兵數十人。殺守備嚴某。奪洋鎗七百餘桿。彈五萬發。馬十二頭。旗幟袍褂翎頂等物不計其數。是夜革軍宿營於鎮隆。

博羅之響應 是時梁慕光江維善等亦率駐博羅附近之革軍別動隊。紛紛響應。廿一二等日聚衆千餘人。圍攻博羅縣城。另以一小隊進撲惠州府城。惠州知府沈傳義預將博羅至惠州之

第十二章 庚子惠州之役

浮橋截斷。以防偷渡。並募士勇二百名。極力守禦。粵督先後檄調提督馬維騏劉邦盛總兵黃金福鄭潤琦都司吳祥達莫善積等。各率所部馳往救援。迭在府城外白芒花平潭等處。與革軍接戰。互有勝負。革軍以衆寡不敵。遂分作多股。退駐鄉村間。城圍始解。自是清軍乃得注全力於三洲田之革命軍。

第三次之大捷 革軍大隊以新安博羅兩路均未得手。而清將劉邦盛馬維騏莫善積諸軍雲集。有衆萬餘。聲勢甚盛。乃計非出奇制勝不可。率隊望永湖而進。途中歷二一小戰。所向披靡。一路秋毫無犯。各處鄉民皆燃爆竹迎送。羣以酒食慰勞。各地同志來投者數千人。兵數大增。廿四日自永湖出發。未數里。卽遇自淡水退回及惠州派來之清軍大隊。約五六千人。革軍僅有洋鎗千餘。率先進攻。戰數時。清軍大敗。向惠州城淡水白芒花等處四散逃竄。鄧萬林中鎗墮馬。復逸。奪洋鎗五六百桿。彈數萬發。馬三十餘頭。生擒敵兵數百人。皆令去髮。是晚革軍派兵躡敵至白芒花。不見清軍殘衆隻影。乃收兵回。

第四次之大捷 廿六日。革命軍至崩岡墟。見隔河敵軍麕至。數約七千人。乃據高地以爲守。布陣接戰。入夜出小隊以襲敵。清軍稍却。次晨遂壓敵以爲陣。苦戰數時。清軍大潰。因彈藥不繼。未便窮追。是日進至黃沙洋。獲鄉民之爲清軍間牒者殺之。廿八日至三多祝。

四鄉同志來投者日益衆。前後二萬有餘。乃編列隊伍。厚集糧餉。以備三多。視至梅林間五日之程。是晚宿營於白沙。

運械計劃之頓挫 中山時在台灣。以革命軍連戰俱捷。乃致電宮崎。令將前向菲律賓獨立軍代表彭西 Ponce 預商借用之械。速送惠州沿海岸接濟。一面向台灣總督兒玉接洽。請其協助武器。詎日人中村彌六棍騙菲島軍械案竟因是敗露。而日本政府適於此時更換內閣。新首相伊藤博文對中國之外交政策。與前大異。禁止台灣總督。不許協助中國革命黨。又禁止武器出口。及不許日本武官投效革命軍。因是中山潛渡內地及接濟武器之計畫。完全失敗。乃派日本志士山田良政偕同志數人。從香港經海豐而達革命軍大營。傳令鄭士良等。謂政情忽變。外援難期。卽至廈門。亦無所得。軍中之事。請司令自決進止云云。山田後以歸途失路。爲清兵所害。

革命軍之解散 革軍在白沙得中山傳令。全軍二萬人皆慷慨激昂。呼聲振野。乃開軍事會議。解決進止。僉以廈門一路既不能行。不如沿海岸退出。渡海再返三洲田大寨。設法自香港購取彈藥。復會合新安虎門同志。以攻廣州。議定後。乃解散附從之同志。留洋鎗手千餘人。分水陸兩路回三洲田。時三洲田尚未入敵手。清將何長清已移駐深圳之軍於橫岡。衆乃

第十二章 庚子惠州之役

謀襲橫岡以擒之。然軍中餉彈兩乏。卒致解體。鄭士良黃福黃耀廷諸人先後抵香港。旋避地海外。計是役將領陣亡者僅四人。所耗軍費。除中山直接支付及撥給李紀堂二萬元令司度支外。餘額多由李解囊捐助云。

清吏之奏摺 附錄清粵督德壽奏報惠州革命黨起事摺如下。

竊照惠州會匪肆擾。欽奉電旨垂詢。經奴才將康孫各逆勾結土匪起事。及咨飭水陸各軍勦辦情形。於閏八月十八日先行電奏。茲將該土匪勾結起事。及調營勦辦詳細情形。謹縷晰陳之。本年閏八月初間。奴才訪聞歸善縣屬三洲田地方。有孫康逆黨勾結土匪起事。並在外洋私運軍火至隱僻海汊。轉入內地。當以逆黨主謀。意圖大舉。實非尋常土匪可比。且查三洲田地方。山深林密。路徑紆迴。南抵新安。緊逼九龍租界。西北與東莞縣接壤。北通府縣二城。均可竄出東江。直達省會。東南海豐毗連。亦係會黨出沒之處。非派營勇面顧到。難期迅速撲滅。爰咨水師提督何長清抽撥新舊靖勇及各台砲勇共足一千五百餘人。先由新安之深圳墟向北兜截。直搗三洲老巢。防擾租界。復派大小兵輪在洋面遊弋。冀善積率喜勇於閏八月初十馳抵歸善。維時匪黨未齊。猝聞兵到。遂定於十三日豎旗起事。先以數百人猛撲新安沙灣墟。欲擾租界。幸何長清靖勇已抵深圳。

乃回攻橫岡。連次接戰。互有勝敗。兇焰益張。警報日至。奴才以總兵黃金福所統信勇已撥兩營分駐東西兩路。因令再帶一營。由府城進剿。以壯聲援。此奴才添調營勇分投防剿之情形也。逆首孫汝伏處香港。時施詭計。而三洲田匪巢。則以鄭士良劉運榮等充僞軍師。蔡景福等充僞元帥。陳阿怡等充僞先鋒。何崇飄黃盲福黃耀庭等充僞元帥。黃楊充僞副元帥。旗幟僞書大秦國及日月等悖逆字樣。各匪頭纏紅巾。身穿白布。鑲紅號褂。甫於閏八月初八九日聚集。既踞龍崗。四出焚搶。附脅日聚。惠州府知府沈傳義募土勇二百名。委歸善縣縣丞杜鳳梧管帶二十二日會同喜哲各軍齊赴前敵。行至距城十餘里之平潭地方。賊隊麇至。莫善積奮勇當先。陣斬僞先鋒蔡阿牛陳阿福等。斃匪數十名。正期得手。距附近匪鄉糾約千餘人。各帶快鎗牌刀齊來助匪。分路包抄。我軍被困。陣亡勇丁數十人。縣丞杜鳳梧被擄。府縣兩城同時戒嚴。幸是日都司吳祥達帶哲字左營。由海豐來。橫瀝深柏洞圍練適又誘獲僞副元帥黃楊。訊明正法。兵氣稍振。此閏八月二十六日以前歸善匪勢之猖獗情形也。匪既不得竄出江面。乃折而向東。欲與海豐陸豐股匪爲一氣。匪廿六日進踞三多祝。廿七日黎明。自晨刻戰至日昃。槍炮齊施。匪不少却。吳祥達持鎗血薄。當場殺斃僞軍師劉運榮僞元帥何崇飄楊發等多名。匪勢漸覺披靡。

第十二章 庚子惠州之役

遂揮衆掩殺。斃匪五六百名。奪獲旗幟馬匹鎗炮無算。救拔縣丞杜鳳梧及被擄婦孺百人。乘勝克復三多祝黃沙洋兩處。查驗陣斬匪屍。內有一具係服外洋衣袴。詢之生擒各匪。均指爲僞軍師鄭士良。未知是否確實。此間八月廿七日勦辦歸善會匪獲勝之實在情形也。當歸善匪勢鴟張之日。間八月廿五夜匪攻河源縣城。經知縣唐鏡沅竭力抵禦。匪退黃沙磚瓦窰。廿七日黎明石玉山帶隊掩至。縱火圍攻。斬馘百餘。焚斃無算。和平本駐廣毅軍一哨。匪首曾金養率衆焚燒南門城樓。營勇兵團齊出力戰。陣斬匪首曾金養。生擒十數名。匪始潰散。此又惠州各屬會匪響應各營勇先後獲勝之實在情形也。奴才伏查逆首孫汶。以漏網餘兇。遊魂海外。乃敢潛回香港。勾結惠州會匪。潛謀不軌。軍伙購自外洋。煽誘徧及各屬。豎旗叛逆。先擾逼近租界之沙灣墟。意在挑啓中外衅端。從中取事。其兇險詭譎。實與康梁逆黨勾結長江兩湖會匪同時作亂情形。遙遙相應。雖官軍乘其未定。先已兜截。使兩路之匪不能聯合一氣。歸善之匪未能竄越一步。然猶豕突狼奔。橫厲無比。戕殺弁勇。擄提印官。各路會匪仍敢同時並舉。雲集響應。罪大惡極。無以逾此。幸仰仗朝廷威福。將士用命。旬日之間。羣兇授首。脅從遂漸解散。地方轉危爲安。城池租界均未擾及。不致貽外人口實。尤爲始料所不及。其僞軍師僞元帥等半

已伏誅。而首逆之孫文。與謀之康梁各黨。初則伏匿港澳。繼聞竄跡外洋。前已照會港澳各洋官密拿懲辦。即不能尅期就網。當亦不敢潛回云云。

楊衢雲之被害 楊衢雲自戊戌二月從南洋乘若狹丸至日本後。除與中山經營黨務之外。復



被刺之前楊衢雲

在橫濱山下町設校招生。教授英文。華僑子弟得其啓導者不少。已亥歲杪由日返港。雖提出辭職書。讓會長之位於中山。然從事革命運動。益加努力。迨庚子惠州義師失敗。粵督德壽指名懸賞通緝。同志多勸其出洋暫避。楊不以爲意。遂韶光欽采。設帳於結志街五十二號二樓。教授英文。以贍養妻子。各友咸以利害動之。楊慨然曰。男兒死則死矣。何避爲。吾寧授徒以養妻子。不忍侵蝕公款。俾立一好模範。爲同人先。其公而忘私。有如此者。是年十一月二十日。粵吏暗買兇徒陳林刺殺楊於教授室。時楊

第十二章 庚子惠州之役

康如仁兄三下聲名先友楊君在港遇害之事，得聞後，向同志團和各界，與各同志，皆深惋惜。悼之情，有非筆墨所能形容。是以庚子年正月，多蒙眾紅集，特為楊君舉哀，同志尤為起而演說，將楊君生平，與同志，永志不忘。深望傳現于諸紀念，俾同志永志不忘。深望傳現于顏色。此稿，乃出捐東，言明為楊君，除之用，眾皆踴躍，捐助，共起，銀數，約一千有餘。尤君之妻，由派代，楊君道謝。同志，厚情，在茲，日，感，話，無，以，盡，其，情。在，橫濱，舉，為，楊君，哀，事，手，通，其，情，可，也。至，于，捐，款，不，日，便，可，收，清，當，由，同志，中國，捐，銀，至，此，並，下，諸，君，為，之，鑒，正，直，原，記，院，中，各，為，其，事，未，完，捐，款，可，以，其，志，基，小，事，今，出，其，為，楊君，具，一，封，書，自，以，東，中，之，同志，或，咸，也，僅，由，其，寄，去，但，楊君，之，書，其，意，廣，也，下，不，能，盡，其，衷，情，特，此，自，不，言，而，其，情，已，付，工，二，百，餘，所，有，楊君，之，自，有，也，北，南，其，反，亦，不，能，清，其，並，下，作，主，化，等，為，望，書，難，盡，其，情，也。

庚子年十二月廿五日
庚子年十二月廿五日

孫中山為楊雲恤款函

正在授課。甫見兇徒入門舉鎗。即以手中書猛擲刺客。竟罹於難。謬同志葬楊於香港英國墳場第六千三百四十八號。陳林返粵復命。德壽賞銀三萬兩。官之以千總。旋因香港政府嚴重交涉。乃令李家焯假他事殺之以滅口。港商吳瑞生以刺楊嫌疑。被港政府驅逐出境。中山時寓橫濱前田橋一百二十一番館。聞楊遇害。乃於十二月初七晚召集同志開會追悼于永樂樓。並發起募捐。以恤其遺族。茲附錄庚子十二月廿五日中山由橫濱致謝讀秦函如左。

康如仁兄足下。啓者。先友楊君在港遇害之事。弟得接電音。卽向同志週知。弟與各同志皆深為惋惜。哀悼之情。有

非筆墨所能盡者矣。是以中歷本月初七夕邀衆聚集。特爲楊君舉哀。同志尤君起而演說。將楊君生平出處志氣大略表明衆聽。且爲之設論紀念。俾同志永遠不忘。衆皆傷悼。現於顏色。弟乘此機會。卽出捐柬。言明爲楊君善後之用。衆皆踴躍捐助。共題得銀數約一千有餘元。尤君又復當衆代楊宅道謝同志厚情。存歿均感之語。然後散衆。此則弟在橫濱埠爲楊君略盡手足之義之情形也。至於捐款。不日便可收清。當卽匯港中國報館交與足下諸君爲之安置。聞說港中亦籌善後。未審捐款可得若干。念甚念甚。弟今出名爲楊君具訃音。自日本以東各處之同志或戚友，經已由弟寄去。但楊君交遊甚廣。足下亦知之最深。哀悼之情。彼此自不言而喻。並將訃音付上二百份。所有楊君之友。自香港南北以及西方各路。請足下作主代寄爲望。書難盡言。伏維惠照不宣。弟孫文謹啓。西二月十三日。

星儔兄處已由弟付伊訃音一百份。駕往言之更妥。

第十二章

庚子惠州之役

第十三章 庚子史堅如謀炸德壽

史堅如略歷 入黨之決心 革命之運動 暗殺之布置 被逮時情形 清吏之文告

史堅如略歷 史堅如。粵之番禺人。其先本居浙之紹興山陰。以曾祖游幕東粵。遂占籍焉。堅如生七歲而孤。幼多病。體極羸弱。而天性肫篤。且沈潛聰穎。遇事有思想。家人咸憐愛之。母令就外傳。輒不屑。與羣兒戲。塾師本冬烘舍。高頭講章外。無他物。堅如雖穉。頗睥睨之。暇惟終日靜坐。間取筆畫爲花鳥人物。競工肖。且有奇氣。見者驚嘆。戲呼爲畫師。母以爲弱。不甚督令讀書。中更三四師。皆碌碌無所得。後從其戚某孝廉游。孝廉名下士。經學書法。素爲時流推重。堅如對於經籍不措意。而六書之學。極有心得。以其餘發爲篆隸。旁及金石。多古雅雄逸之致。稍長。以爲無用。一切棄去。惟好瀏覽古今史冊。講求經世之術。尤喜研究西政西藝兵法輿地等學。性最惡八股。與人談及。必痛詆之。甲午之役。中敗于日。師夷地割。堅如與人討論時局。恆憤形于色。立志欲爲世界第一等事業人物。願鋒穎太露。一日友人與論君臣大義。堅如正色曰。民主爲天下公理。君主專制必不能治。

卽治亦不足訓也。今日中國正如數千年來破屋。敗壞至不可收拾。非盡燬而更新之。不爲功。世之談變法者。粉飾支離。補苴罅漏。庸有濟乎。聞者以爲狂，其兄古愚懼其觸忌。誠令斂抑。堅如慨然曰。多言固足賈禍。但國家危辱如此。雖虛生世上。亦有何益耶。然自是遂



少與外人交際。惟在家兄弟相切磋。常夜坐園中大槐樹下。

史縱論一切。至漏下不休。曉則

堅相與馳馬郊原。負槍獵禽以爲

樂。戊戌八月政變。粵以初八

如日知之。古愚方午餐。堅如忽

促自外歸曰。天下事敗矣。此

老婦可殺也。備述其事。相與

嗟嘆。決意謀權陷廓清之舉動。願苦無同志。家財又不足召募豪傑。時粵中草野嘯聚。所在多有。堅如欲投身其中。借以爲資而起。後以此輩不足謀乃止。惟陰物色天下奇士。且每於儔輩中演說國民自立大義。中國危急情形。以冀警動。旣而羊垣美國人有格致書院之設。堅

第十三章 庚子史堅如謀炸德壽

如既不得志。姑就肄業焉。掌教尹士嘉以其穎異。彌愛重之。同學中亦有三數輩主張維新革命流血救世之說。互相策勵。應求漸廣。惟堅如少失怙。事母至孝。不欲以己志聞于高堂。己亥之歲。與兄古愚妹憬然奉母徙居澳門。

入黨之決心 時有日本人在粵立東亞同文會。會長爲高橋謙。堅如往訪之。意氣極相得。力勸東游。謂大可增長見識。物色豪傑。且中國革命黨領袖亦在日本。思往訪之。遂以高橋爲介。先晤港中同志陳少白楊衢雲諸人。并加入興中會焉。旋即東渡。路經滬上。暫作勾留。延攬人才。適遇湖南同志畢永年。遂偕往漢皋。游覽形勢。晤各會黨豪客。并湘鄂間志士。周旋之下。莫不傾結。及抵東洋。東邦人士見其少年英俊。交相引重。抵東京。訪中山。傾吐胸臆。指畫大計。經談經旬。日夜不厭。既而曰。天下多事。非吾輩安坐日也。遂握手慷慨相期許而別。既歸。益銳意圖大事。時督粵者爲譚鍾麟。昏瞶貪鄙。不孚民望。此時發難最有機緣。而苦無基礎。未可藉手。未幾。清政府以李鴻章來。李威望素著。兵備較完。謀事之間。難易頓判。然是時堅如已與同志微行山澤。聯絡會黨。經畫一切。漸有端倪。五六月間。義和團起。聯軍北上。堅如乃攘臂起。以爲時不可失。爰就同志鄧蔭南計事曰。昔者洪楊蹴踏半中國。其成敗至不足道。而用兵之次第。不無可取。吾欲收廣東爲根據地。

鼓行湘鄂。直討幽燕。有衆數萬。何慮不濟。惟發難伊始。宜多設條理。廣州。省之中堅。吾自當之。先搗庭穴。次第戡定。別約鄭士良以一偏師出循州。從間道來會。腹背夾擊。必勝之道也。衆唯唯受部署。而費用不足。堅如自東歸。卽謀盡售家中各田產。所得當約三四萬金。顧其家素豐。無嗜好。又未涉商務。一旦沽產甚急。但求速不計值。人多疑怪。反久不就。迨拳禍起。富戶咸自危。各謀挾資遁。更鮮過問。然衆勢已合。不可離散。而應接朋輩。往來港澳。日用度支。亦每不給。惟以借貸典質濟緩急。其辦事益仍棘手矣。堅如在平昔。體貌雖羸。而精神強固。至是心力交瘁。形神銳減。恆反覆往來中夜。忽忽仰天太息。籌款之說。既無可奈何。姑謀陰說平日相識中有力者。冀其感動。有所輸助。惟中有志銳而言疏者。平日守舊迂謬。與堅如不睦之徒聞之。遂從而忖測播揚。故所得有限。而外間反籍籍私議。謂孫文將奪據省垣。堅如實爲之前驅。省中諸父昆弟咸奔澳門。動色詬怨。謂大吏已懸千金相購。請速行。毋累宗族。

革命之運動 初堅如偵知廣州駐防人數。旗多於滿。而滿素抑旗。外人雖并視之。而實則平日積怨已久。遂倡聯旗滅滿之策。與旗人有勢力者稔密。因勢而利導之。旗人練達成頗具血氣。小有才。因祕授方略。令陰結羽翼。刺探機密。以供驅策。羊城各要隘。以東北爲建

第十三章 庚子史堅如謀炸德壽

餉。以西南爲犄角。潛師襲擊。分路並進。東西北三江如馬王海區新輩諸盜首。復各帥勇士數千人馳會應合。期七月某日起事。謀大定矣。會軍械逗撓弗至。事寢敗。堅如力斡旋之。改期八月某日。然鄭士良軍已先馳。不可復遏。三洲田等處義旗一出而窘。堅如思解惠州之阨。而廣州大舉初志。期緩莫濟。不得不行暗殺以盾其後。於是欲舉清吏之權位重大者。如督撫將軍輩殲之。使其餘恐怖惶恐。自顧不暇。則東江自立之勢成。而西北江之義師又起。大局不勞而定。時適售去一產約三千金。其田畝亦有人願出價一萬餘金。已有成。將交易矣。堅如以其緩。不能因私而誤公。遂棄不顧。時省中儕輩懼禍作。早星散。卽有未散者。亦以金齋發使他適。

暗殺之布置 撫署旁有甬道曰後樓房。第宅櫛比。堅如密僦宅。以友人宋少東姓氏榜諸門。旋由鄧蔭南黎禮二人密運到外洋炸藥二百磅并藥線各件。初運交西關榮華東街辦事機關。由練達成收藏。復由練密交五仙門福音堂黃守南代貯。及稅居後樓房。乃使宋少東夫婦居之。由劉錦洲蓋章擔保。炸藥則由溫玉山乘肩輿暗運入屋。是晚爲八月初五夕。堅如偕練等四人鑿錘並施。經營徹夜。至五鼓始竣事。掘地深五尺許。以大鐵桶滿實其中。藥線透達於外。熱香置其下。臨行反扃戶。約練等各散。期於香港相會。堅如由西門出。練等由南門出。沿

路不聞有動靜。比至相會舟中。彼此私議。疑怪莫名。堅如乃使其兄及練蘇等三人先發。自返後樓房覘之。啓戶察視。則香爐而藥不燃。時已近朝午。恐舉動不便。乃更留一晝夜。定於初六早再行燃放。惟時遍視室中。除昨晚遺下之洋火一盒外。已一無所有。又不敢再扇戶外出。以動鄰右之疑。於是此一日一夜間。堅如乃如蟻之旋磨。周行室中。粒水不得入口。直至天將達旦。乃復安置藥線。燃點既畢。潛行出戶。輕將門虛掩。欲出城。爲乘輪赴港計。既念一經下港。萬一輪已開行。而藥力仍如昨日之不炸發。此時已無人在省照管。豈不誤事。乃決計不復下輪。訪西關第一長老支會禮拜堂同志毛文明寓處。略爲休息。蓋堅如自運動此事後。由運藥入城。鋤掘坑坎。燃點藥線。辛苦經營。已數夕未嘗交睫矣。無何心事忐忑。輾轉反側。不能成寐。忽聞轟然一聲。比暴雨尤烈。然因堅如未深諳燃放炸彈之法。以二百磅之巨量。僅置雷管少許。故祇燒去藥之一部。收效甚微。時堅如變然而起。詐詢諸旁人曰。此何聲也。未幾里巷閨傳督署被轟事。堅如竊喜。以爲事已成矣。又未幾閨傳總督無恙。祇吃一驚。於夢中自牀墮地。抓出數尺以外。魄散魂飛。尙無性命之虞。祇署後圍牆等處坍塌十餘丈。附近民房坍塌數家。死傷各數人。堅如疑甚。以爲按藥力分量。督署當可焚燬一空。而德壽臥房曾用遠視測量法推測。則距離藏藥之所。不出十五丈以外。雖下有石壁

第十三章 庚子史堅如謀炸德壽

阻隔。然以如此重量之炸藥。不爆則已。爆則屋宇崩頽。德壽必無幸理。乃道路所言。皆云德壽未死。心乃大疑。遂僱肩輿。直抵炸藥爆發處所。以行其實地視察。胆亦豪矣。

被逮時情形 時爲九月初六日。亦爲星期日。輪船停駛。堅如深以一擊不中爲憾。思乘機再舉。乃往油欄門鴻興客棧訪同志胡心泉兄弟。胡苦勸其勿進老城。堅如恃識面者鮮。且無證佐。遂於次早直下輪返港。而介字營勇已伏伺要路。堅如至。爭前以肩輿舁之。前後列兵隊。沿途擁護。如臨大敵。指掌堅如者。實偵探郭堯階也。比至。德壽命押入南海縣署。搜索其身畔。得德文炸藥配製法單一紙。南令裴景福大喜。以兵勇數十日夜環守之。甘言美詞。相待極優禮。欲以言餌得情實。因羅織成大獄。堅如不受籠絡。惟嬉笑玩弄之。裴怒。且知其不可動也。遂以威力相脅。出一名單。上列四十餘人。皆新黨中有聲望者。迫令供狀。堅如悉不承。備受刑杖。慘酷無人理。始終惟怒目不答。傲睨自若。卒被定斬首之刑。死時年纔二十耳。時鍾榮光曾請美國牧師尹士嘉轉求美國領事營救。清吏以證供確鑿。拒之。就義之日。爲九月十八日。香港同志李紀堂預派同志蔡堯。于是晚三鼓。祕密將遺骸草草殮葬。碑誌暗號司馬氏云。其担保宋少東稅屋之劉錦洲亦被捕。堂訊時。口誦耶穌新約不已。官以其贗也。釋之。堅如之供詞掌模及全案。至辛亥光復時尙存南海縣署。爲毛文明所藏。

堅如有妹悍然。熱心革命。不讓乃兄。堅如奔走國事。深得其助。堅如就義之翌年。悍然亦
以疾死于廣州。

清吏之文告 附錄粵督德壽告示如下。

頭品頂戴兵部侍郎兩廣總督部堂德爲剴切曉諭事。照得逆匪史經如宋少東等在後樓房街
埋藏炸藥轟斃多命一案。昨經將史經如拿獲。訊認聽從楊衢雲起意設立興中會。招人拜
會。意圖滋事。並派伊爲城內總統。後樓房街炸藥卽係該犯與宋少東埋藏等情。當經照
例捉犯正法在案。查後樓房街鄰近府縣衙門。該匪胆敢潛藏炸藥。欲將該處全行轟燬。
藉端起事。實屬居心慘毒。罪大惡極。查該犯史經如出身士族。其初諒非甘心從逆。無
非因康梁孫汝各匪從中惑煽。致身罹大辟。貽羞宗族。如果父兄認真拘束。何致若是。
聞康梁孫汝各匪尙復四出煽惑。黨羽甚多。處處皆有。除供開省要各犯。飭屬嚴行查拿
。務獲懲辦。以儆亂黨。而安地方。其餘各黨。姑念或係被脅勉從。或爲匪徒所誘。本
兼署部堂概不株連。合行出示曉諭。嗣後紳民人等。務當隨時約束子弟。未與匪黨來往
者。固宜潔己自愛。莫爲匪誘。其已入匪黨者。卽宜痛改前非。勉爲良善。自此示諭之
後。爾等如再有不知檢束。則屬甘心從逆。本兼署部堂不時派員密查。一經獲案。不獨

第十三章 庚子史堅如謀炸德壽

罪其一身。並將不能約束之父兄。一併治罪。家產充公。決不姑寬。諒之。特示。光緒廿六年九月日示。

第十四章 壬寅支那亡國紀念會

留學生與亡命客 章太炎略歷 紀念會之發起 清日當局之禁止

紀念日之各地情形

留學生與亡命客 留日學界自經庚子漢口惠州兩役蹉跎之後。亡命客羣集東京。革命思潮。風起雲湧。秦力山朱菱溪陳猶龍等均已抵日。章太炎時任廣智書局修纂。此外馮自由馬君武周宏業諸人日倡排滿。設機關于牛込區榎本町。大爲清公使館注目。時孫中山方寓橫濱。每至東京。恆假對陽館爲會客之所。章太炎秦力山程家樺諸人常與往還。在義勇隊成立前。留學界高唱革命。以是時爲最盛。

章太炎略歷 章炳麟原名絳。字枚叔。又號太炎。浙江餘杭縣人也。少聰穎好學。經史子集。過目成誦。尤研精歷朝掌故及古文學。文筆高古。直逼周秦。時人稱爲顧炎武黃梨州後第一人焉。年十六。嘗一度考縣試。以病輟業。偶讀蔣良騏著東華錄。因悉雍正前滿虜虐遇漢人慘狀。民族觀念。油然而生。繼讀明季裨史。益蓄志排滿。遂絕意仕進。日從杭州沽經精舍山長俞曲園遊。專從事國學之研究。文名由是漸顯。歲甲午。中日構釁。時年二十七。聞俞

第十四章 壬寅支那亡國紀念會

曲園言康祖詒集公車上書。并設強學會于北京。詒爲奇士。無何。強學會章程紛投于各書院。徵求會友。章以該會宗旨在于富國強兵。乃納會費十六元。報名入會。歲丙申。夏曾佑汪康



少年時代之章太炎

鄂。章應召首途。頗蒙優遇。時張所撰勸學篇甫脫稿。上篇論教忠。下篇論工藝。因舉以請益。章于上篇不置一辭。獨謂下篇最合時勢。張聞言意大不懌。兩湖書院山長梁鼎芬一日語章。謂聞康祖詒欲作皇帝。詢以有所聞否。章答以祇聞康欲作教主。未聞欲作皇帝。實則人

年梁啓超發起時務報于上海。耳章名。特禮聘爲記者。章梁訂交卽在此時。章嘗叩梁以其師之宗旨。梁以變法維新及創立孔教對。章謂變法維新爲當世之急務。惟尊孔設教。有煽動教禍之虞。不能輕于附和。是卽章梁二人不能水乳之原因也。戊戌春間。鄂督張之洞以幕府夏曾佑錢恂二氏之推薦。專電聘章赴

有帝王思想。本不足異。惟欲作教主。則未免想入非非云云。梁大駭曰。吾輩食毛踐土二百餘年。何可出此狂語。怫然不悅。遂語張之洞。謂章某心術不正。時有欺君犯上之辭。不宜重用。張乃饋章以程儀五百兩。使夏曾佑錢恂諷其離鄂。章返滬數月。適汪康年與梁啟超爭管時務報。梁被擯。時務報遂由汪改稱爲昌言報。仍聘章主持筆政。嗣是年八月政變。黨獄大起。凡在時務報任筆政者均不免。汪康年至江甯。被清吏下令逮捕。狼狽逃滬。章亦自危。賴日本詩人山根虎雄介紹。赴台灣充台北日報記者。并爲台灣學務官館森鴻修訂文字。嘗著一文忠告康梁。勸其脫離清室。謂以少通洋務之孫文。尙知辨別種族。高談革命。君等列身士林。乃不辨順逆。甘事虜朝。殊爲可惜等語。已亥夏間。錢恂任留日學生監督。梁啟超時辦清議報。均有書約章赴日。章應其請。先後寄寓橫濱清議報及東京錢寓梁寓。由梁介紹。始識孫中山于橫濱旅次。相與談論排滿方略。極爲相得。庚子六月。唐才常邀請旅滬名流開國會于張園。蒞會者有容闈嚴復文廷式吳葆初葉浩吾狄葆元宋恕等數百人。章亦與焉。旋以唐于革命保皇二途趨向不明。且國會所撰對外宣言。既主張創造新國。復宣示勤王靖難。前後矛盾。尤爲不合。乃再三勸告。令唐勿爲康黨所用。唐不能從。章乃憤然剪除辮髮。以示決絕。拂袖歸鄉。未幾。唐失敗于漢口。死之。清吏對于列名國會者。一律懸賞通緝。章名亦

第十四章 壬寅支那亡國紀念會

在列。遂潛居上海租界。匿不敢出。旋由江標荐往蘇州東吳大學。充漢文教授。該校爲耶穌教會所設立。章蓋欲借耶教爲護符。藉以避免清吏搜索也。掌教將一載。時以種族大義訓迪諸生。收効甚巨。有一次所出論文題目爲李自成胡林翼論。聞者咸以爲異。事聞于蘇撫恩銘。乃派員謁該校西人校長。謂有亂黨章某借該校煽惑學生作亂。要求許予逮捕。章聞警。卽再避地日本。時梁啓超方集華僑資本。創設廣智書局。延請留學生翻譯東文書籍。至是遂聘章漢飾譯文焉。留學生之有志者。以章爲革命先進。一代文豪。咸推重之。

紀念會之發起

壬寅清光緒二十八年

三月。章太炎等爲鼓吹種族革命。振起歷史觀念起見。發起支

那亡國二百四十二年紀念會于東京。署名發起者。有章炳麟秦鼎彝馮自由朱菱溪馬周同宏業王家駒陳桃癡李羣等十人。由章氏手撰宣言書。其文曰。

支那亡國二百四十二年紀念會啓

夫建官命民。帝者所以類族。因不失親。天室由其無遠。故玄黃于野者。戰之疑也。異物來萃者。去之占也。維我皇祖。分北三苗。仍世四千九有九載。雖窮髮異族。或時干紀。而孝慈幹蠱。未墜厥宗。自永歷建元。窮于辛丑。明祚旣移。則炎黃姬漢之邦族。亦因以漸滅。迴望泉瀆。雲物如故。維茲元首。不知誰氏。支那之亡。旣二百四十二年矣。民

今方殆。寐而占夢。非我族類。而憂其不祀。覺寤思之。毀我室者。寧待歐美。自頃邦人諸友。愀然自謀。作書告哀。持之有故。有言君主立憲者矣。有言市府分治者矣。有言專制警保者矣。有言法治持護者矣。豈不以訐謔定命。國有與立。抑其第次。毋乃陵躐。衡陽王而農有言。民之初生。統建維君。義以自制其倫。仁以自愛其類。彊幹善輔。所以凝黃中之煙燭也。今族類之不能自固。而何他仁義之云云。悲夫。言固可以若是。故知一于化者。亦無往而不化也。貞夫觀者。非貞則無以觀也。且曼珠八部。不當數郡之衆。雕弓服矢。未若飛丸之烈。而薊丘大同。鞠爲茂草。江都番禺。屠割幾盡。端冕淪爲辮髮。坐論易以長跽。貞茲犬羊。安宅是處。哀我漢民。宜臺宜隸。鞭筆之不免。而欲參與政權。小醜之不制。而期扞禦哲族。不其忤乎。夫力不制。則役我者衆矣。莫之與。則傷之者至矣。豈無駿雄。憤發其所。而視聽素移。民無同德。恬爲胡象。相隨倒戈。故會朝清明者鮮觀。而乘馬班如者多有也。吾屬子遺。越在東海。念延平之所生長。瞻梨州之所乞師。穎然不怡。永懷疇昔。蓋望神叢喬木者。則興懷土之情。觀狐裘臺笠者。亦隆思古之痛。於是無所發舒。則春秋思王父之義息矣。昔希臘墮宗。卒用光復。波蘭分裂。民會未弛。以吾支那方幅之廣。生齒之繁。文教之盛。曾不逮是偏國寡民乎。

第十四章 壬寅支那亡國紀念會

。是用昭告於穆。類聚同氣。雪涕來會。以志亡國。凡百君子。嬋媿相屬。同茲恫瘝。願吾滇人。無忘李定國。願吾閩人。無忘鄭成功。願吾越人。無忘張煌言。願吾桂人。無忘瞿式耜。願吾楚人。無忘何騰蛟。願吾遼人。無忘李成梁。別生類以箴大同。察種源以簡蒙古。齊民德以哀同胤。鼓芳風以扇遊塵。庶幾陸沈之禍。不遠而復。王道清夷。威及無外。然則休戚之藪。悲欣之府。其在是矣。莊生云。舊國舊都。望之暢然。雖丘陵草木之繙。入之者十九。猶之暢然。况見見聞聞者耶。嗟乎。我生以來。華鬢未艾。上念陽九之運。去茲已遠。復逾數稔。逝者日往。焚巢餘痛。誰能撫摩。每念及此。彌以腐心流涕者也。君子。

章等發起斯會後。即將宣言書四處散佈。復郵寄橫濱清議報。託梁啓超代派送華僑。以廣宣傳。并徵求孫中山梁啓超二人同意。孫梁均復書願署名爲贊成人。惟梁則另函要求勿將其名公佈。是會定期是年三月十九日崇禎帝殉國忌日。在上野精養軒舉行紀念式。留學生報名赴會者達數百人。學界爲之振動。

清日當局之禁止 清公使蔡鈞聞留學界有此舉動。極形恐慌。乃親訪日外務省。要求將此會解散。以全清日兩國交誼。日政府徇其請。特令警視總監制止章等開會。故署名發起之十人

。於開會前一日。各接到牛込區警察署通知書。謂有要事待商。請於是日某時往該署一談。章等屆時偕行。既至神樂坂警署。警長首問章等爲清國何省人。章答曰。余等皆支那人。非清國人。警長大訝。繼問屬何階級。士族乎。抑平民乎。章答曰遺民。警長搖首者再。於是發言曰。諸君近在此創設支那亡國紀念會。大傷帝國與清國之邦交。余奉東京警視總監命。制止君等開會。明日精養軒之會著即停止云云。章等以爭之無益。無言而退。

紀念日之各地情形 及期。上野精養軒門前有無數日警監視。並禁止中國人開會。惟留學界多未知開會被阻事。是日不約而赴會者。有程家棧等數百人。均被日警勸告而散。孫中山亦自橫濱帶領華僑十餘人來會。及詢知情事。乃在精養軒聚餐。以避日警耳目。是日歸抵橫濱。即召集同志多人在永樂樓補行紀念式。香港中國日報得宣言書。即登載報端。以期普遍。及期。陳少白鄭貫公等舉行紀念式於永樂街報社。同志到者極形踴躍。香港及廣州澳門各地人士聞之。頗爲感奮云。

第十五章 壬寅洪全福廣州之役

洪全福略歷 謝讚泰與容閔 李紀堂之資助 外人之同情 起事之策略 事洩之原因 黨人之生死



洪 全 福

洪全福略歷 洪和原名春魁。一字梅生。後改名全福。太平天王洪秀全之從姪也。幼隨秀全於廣西。起義後。轉戰湘鄂皖浙諸省。晉封左天將。瑛王。三千歲。天國敗。逃香港。僱洋船爲庖丁。掛名于香港義和堂行船館。附籍東莞縣洪屋圍村。立室家焉。航行四十載。春秋已高。不克任勞。隱居香港。懸壺自贍。有謝日昌者。開平縣人。在澳洲經商數十年。三合會之前輩也。素抱種族思想。與洪爲舊友。昕夕往還。洪由是與謝之子續泰相識。續泰爲興中會員。少有奇志。自乙未失敗。久與撫牌之嘆。及己亥十月十七日。偶聞洪述太平天

國遺事。及其在洪門會黨之潛勢力。油然而神往。遂商諸其父。擬請洪担任第二次攻取廣州事。謝父極爲許可。惟以缺乏軍資。無從著手。囑令靜候時機。自是洪與謝父子三人常密商發難計畫。至辛丑八月。得李紀堂允助軍資。始定進行方針。

謝纘泰與容閔 纘泰字聖安。號康如。生長澳洲。長于英國文學。嘗于與中會成立前六年



謝 纘 泰

。與楊衢雲發起輔仁文社。爲吾國人組織新學團體之先河。與楊衢雲交最密。丁酉戊戌年間與康廣仁同倡各黨聯合救國之說。以康有爲師徒卑視他黨。運動無效。庚子正月上海電報局總辦經元善因與蔡元培等一千二百三十一人聯名通電反對清太后廢止光緒。爲清廷下令通緝。經逃至澳門。

。復爲清吏控以捲逃公帑之罪。下諸葡國監獄。謝與經素不相識。因聞其事于與中會員徐善

第十五章 壬寅洪全福廣州之役

亭。遂力托香港天足會長英婦黎脫爾夫人 Mrs Archibald Little 設法營救。黎復請香港總督卜力夫人 Mrs Henry Blake 相助。澳門葡督得港督電。立將經釋放。出獄。經得免于引渡清吏者。謝幹旋之力也。謝素推重老博士容闓。己亥庚子間與中會發生會長辭職問題。同時提倡各黨聯合之舉。永年日人宮崎平山等亦發生新黨會長人選問題。謝于兩方均提出容闓會長之議。謂以老成碩望如容者。出而領導羣倫。可免各種糾紛。惟其說卒不見納。庚子六月唐才常嚴復等開國會于張園。公推容爲會長。似與謝之建議。不無關係。容爲吾國提倡新學之先進。嘗上書太平天王洪秀全。請與各國通商。舉行新政。洪不能用。擬封以王爵。容拂袖而去。後復上書曾國藩李鴻章張之洞。條陳新政。清當局頗納其議。而不能盡用。今之江南製造局及招商局。即容於乙亥至丙子 清光緒元年
至六年 七年間之建議也。丙子間容受清廷命。派充駐美代理公使。與陳蘭彬聯袂渡美。後以清廷外交懦弱。憤而辭職。己亥自美歸國。頗有志于改革。旋被上海志士舉充國會會長。及庚子七月唐才常失敗。張之洞指名通緝。遂偕其姪星橋至香港。謝于己亥冬已介紹楊衢雲與容會晤。嗣楊爲清吏所害。遂有擁容爲首領之意。蓋謝於己亥楊衢雲勢迫辭職事件。意極不滿。至是乃向容歷陳與洪全福李紀堂謀在廣州發難之種種計畫。容極首肯。允至美後盡力相助。旋于是年十一月渡美。

李紀堂之贊助 李柏號紀堂。新會縣人。香港富商李陞之第三子也。庚子二月初五日。偶訪謝纘泰暢談時政。謝勸其入革命黨同任國事。李極贊同。遂于三月廿三日。由楊衢雲主盟。加入興中會。時惠州義師之籌備。將次成熟。中山于六月間偕楊衢雲至港。聞李已入會。大喜。乃給以二萬元。令充駐港會計主任。李于是役前後所耗不貲。中國報歷年經費尤賴其挹注。丙午以前。幾由李以獨力担負之也。李自其父逝世。分得遺產百萬。乃欲再圖大舉。一雪惠州失敗之恥。適洪全福謝纘泰父子方有所謀。特向李徵求同意。李欣然贊成。遂于辛丑清光緒三十七年八月十四日會商進行方法。洪提議籌餉五十萬元。召集省港洪門兄弟尅期大舉。謝提議推舉容閣老博士爲臨時政府大總統。李于二項提案均無異議。且允以個人之力担負軍餉全額。議既定。洪謝李諸人遂積極進行。尅期大舉。惟此次計畫。與中會幹部概未與聞。中山時在越南。僅由港友函告。略知大概。

外人之同情 外人贊助此舉者。有西報記者黎德及克銀漢 Alfred Cunningham 馬禮遜博士 Dr. G. E. Morrison 諸人。皆謝纘泰之友也。謝嘗持所草英文革命宣言書就正於馬博士。馬極稱許。復由克銀漢親自點石印刷。以守秘密。克嘗與英國武官格斯幹 Gascoigne 將軍及海軍司令接洽。請求相助。二氏口頭上均允盡力。及是役失敗。在港同志被英警逮捕者多人。

第十五章

壬寅洪全福廣州之役

第十五章 壬寅洪全福廣州之役

。賴克銀漢在西報提倡公道。并運動駐倫敦友人向殖民部設法。港督得殖民部保護國事犯之電。始將被拘黨人全數省釋。

起事之籌備 洪謝李等旋設總機關于香港德忌笠街二十號頂樓。顏曰和記棧。洪並改名全福。以示藉洪秀全福蔭之意。所有購械輸運佈置一切。多由李在港策畫。清光緒二十八年六月

。洪委任梁慕光李植生在廣州組織機關。又遣宋居仁馮通明在北方一帶聯絡會黨。以資響應。時李植生在下芳村德國教堂爲漢文總教習。在該堂側建築繼業公司製造肥料廠一所。李既受洪委任。遂將工人盡行辭退。以爲運動機關。貯積軍械軍服彈藥餅乾旗幟刀斧諸軍用品。備發難之需。梁慕光則在同興街開設信義洋貨店。又在河南開設繼業公司和記公司。均爲本部重要機關。此外城內尚有分機關二十餘所。

起事之策略 籌備既竣。遂定期十二月三十晚舉事。約以俟全城文武官吏齊到萬壽宮行禮時。放火爲號。即各路並起。炸萬壽宮。據軍裝庫。焚火藥局。然後佔領各衙署。宣佈共和政治。又遣人預約惠州同志同時起義。以牽制陸路提標。香山東莞同志則担任牽制水師提標。著名盜魁劉大燾則統其部衆。握省城北路。分本部爲五軍。一軍守東北門。以堵禦清兵。一軍奪增步製造廠。而攻西門。一軍扼惠愛五約等處。以堵旗兵。一軍攻萬壽宮。殺清吏。

一軍在新城爲各軍策應。并預備安民告示多種。多出香港中外新報記者洪孝聰手筆。其上均橫書公理既明漢裔可與八字。其辭曰。

大明順天國南粵興漢大將軍天賜爲安民告示。爾等宜知清朝無道。官吏貪私。荼毒天下。加稅加釐。抽捐重疊。竭盡民脂。爰動公憤。特舉義旗。除滿興漢。大公無私。保商保教。立太平基。弔民伐罪。順天應時。凡爾士庶。相安勿疑。

事洩之源因 十二月中旬。黨人紛紛入城準備發難。二十六日洪全福特僱小火輪。從香港往澳門。入香山布置一切。留三人守和記棧。以便交通。詎有奸人周某向香港警廳告密。引警察至和記棧查搜。連童僕五人悉被拘留。周某并將搜出之文件抄報粵督德壽。請派兵查搜各機關及輪船。同時李紀堂定購大批槍枝之沙面曹法洋行預收去定洋數萬元。屆期不能交貨。亦向捷字營管帶楊植生告密。於是事情暴露。洪全福等仍思用他法補救。特由澳門用舢板二艘。滿載槍械。覆以煤炭運省。詎駛至香山百口村。騎船人賴某竟通報該鄉人攔截。以致失敗。梁慕光復向沙面洋行密購快鎗二百桿。欲以小艇載往花埭大通烟雨涌內。不意事洩。駐沙面捷字營勇追至涌口截緝。梁拔鎗立斃一人。泗水而遁。槍械盡失。

黨人之生死 三十日。清吏既偵悉黨人機關地點。遂由楊植生會同南海緝捕及安勇等圍捕

第十五章 壬寅洪全福廣州之役

芳村河南兩繼業公司花埭信義公司同興街信義行等處。獲旗幟號衣刀斧食品無算。各黨人住宅悉被查封。并于省港澳輪船拿獲梁慕義等十餘人。由南海番禺兩縣捷字營管帶楊植生會同德國領事。將被拘之人逐一提訊。德商某洋行管棧員沈子銘以行賄三千元得釋。判死刑者爲梁慕義陳學靈葉昌劉玉岐何萌蘇居李秋帆等七人。監禁二十年者爲李偉慈卽李順龔超卽蘇子山梁綸初卽梁平等三人。在獄斃命者葉木容一人。其在香港被拘之黨人。雖經粵督派委員楊樞沈毓岱赴港要求引渡。港督乃電倫敦殖民部請示辦法。旋接覆電。謂此乃國事犯。不應拘留。於是被留諸人立得省釋。洪全福與謝子修喬裝出險。由澳門返香港。無何。假屍案發現。英清二國偵探尋洪者履趾相接。先是粵督德壽懸重賞購洪。生獲賞二萬元。官守備。死致賞一萬元。官千總。遂有張某在港鳩殺其義父。向清吏冒領賞格。此案發覺。港政府以清吏妨害港地治安。大爲不滿。李紀堂謝纘泰乃力助港官追兇嚴辦。至清吏不敢再行其主使暗殺之手段。洪因是改名浮萍。避地於新加坡。旋以病回港就醫。死於香港國家醫院。年六十有九。葬於香港英國墳場第六千七百八十一號墓。李植生梁慕光先後避地橫濱。李以教留學生製造炸彈火藥等法爲生活。梁則從事船上食品營業。至辛亥革命始聯袂歸國。謝日昌憤極成疾。癸卯二月逝於香港。年七十二。謝纘泰與克銀漢同發刊英文南華早報。專在言論上鼓吹

改革。不再預聞軍事。民十三嘗追述其革命見聞。筆之於書。題曰中華民國革命祕史。刊諸南華早報。惟無中文譯本。

第十五章

壬寅洪全福廣州之役

第十六章 上海志士及蘇報案

新學書報之先河 經元善與唐才常 龔超之獄 作新社與大陸報
張園之拒俄大會 反對王之春之通電 教育會與愛國學社 四
民公會與國民議政會 鄒容之革命軍 章太炎之駁康書 蘇報之
歷史 清吏捕人之運動 蘇報案發生情形 會審公廨之審訊 章
鄒案之原告問題 章鄒案之判決 各地學界之繼起 出版物與宣
傳家 國民日報與警鐘報

新學書報之先河 上海爲吾國之交通孔道。西歐之文化東漸。以此爲集合點。故獨得風氣之先。海禁開後。新譯東西書籍。汗牛充棟。英人李提摩太氏之廣學會。譯本最多。厥功尤偉。國人之談新學者。大都得力於譯本。甲午戰後。士大夫漸知維新變法之急務。多以發刊書報爲救時之良藥。丁酉間汪康年梁啓超夏曾佑章炳麟等創時務報於上海。提倡變法。轟動一世。吾國雜誌之唱道改革者。該報實爲嚆矢。未幾康廣仁徐勤吳介石等亦設知新報於澳門

。與時務報取同一論調。嗣戊戌八月政變禍作。黨獄大起。時務報雖已改組爲昌言報。亦不免於停版。是年冬。梁啟超發刊清議報於橫濱。高唱勤王之論。大抵自甲午以至戊戌之五年間。國中言新學者殆無革命保皇之分。及戊戌政變後。康梁師徒稱奉衣帶詔。以勤王除奸爲標幟。於是持民族主義者始漸闢其非。思有以救正之。尋而議論日激。界限日嚴。兩派主張終互相背馳而不可復合焉。

經元善與唐才常 已亥庚子間。滬上言愛國者多斷斷於清帝光緒之存廢問題。尙不知革命爲何物。故已亥十二月清廷有廢立之議。上海紳商學各界蔡元培黃炎培等一千二百三十一人推電報局總辦經元善領銜。聯電抗爭。清廷令捕元善。元善走澳門。庚子春。唐才常在滬設東文學社爲運動機關。其友日人田野橋次發刊同文滬報。日鼓吹改革。頗稱得力。唐旋發起正氣會。招集同志。計劃起兵於兩湖。後復改名自立會。至六月。以長江各省運動漸臻成熟。假保國救時名義。邀請在滬各省之維新志士。開國會於張園。蒞會者有當代名流容閎嚴復章炳麟宋恕吳葆初張通典馬湘伯戡元承文廷式沈蕙龍澤厚狄葆元等數百人。滬人之召集愛國會。此爲第一次。惟預會分子至爲複雜。其得參與自立軍祕密者。實極少數。除唐才常密友數人外。餘多震於國會民權之新說。乘興來會。非有如何確定之宗旨也。及八月漢口自立

第十六章 上海志士及蘇報案

軍頓挫。黨禍大興。江督劉坤一憑張之洞通緝富有票會黨咨文。指名查拿。國會要人姓名。多掛黨籍。由是人人自危。卽租界以內。亦風聲鶴唳。一日數驚。其因黨案避地海外。期免於禍者。實繁有徒。

龔超之獄 通緝唐才常黨羽一案。富有票會黨在上海被拿獲者數人。以龔超一案爲最令人注意。龔海南人。與唐才中何來保等謀在湘發難。失敗後由湘逃滬。欲赴日本留學。是年十一月初一日爲清總兵顏某派其兵弁驅往華界。卽被拘禁營中。二十二日龔之友探悉其事。卽密函報告租界工部局及英國領事。英官以清吏擅自誘拿租界內居民。於租界治安關係甚巨。遂在會審公廨提出抗議。由公廨要求將龔超提回租界審訊。是日會訊時。承審者爲清同知張某。陪審員爲英官梅爾斯。且有英解檢審官雷蒙賽及總包探機爾在座。研訊數次。清吏均諉其過於顏部下之兵弁。謂顏總兵並無捕龔之意。此乃顏部欲得千金賞格。故貪利爲之。顏絕不知情云云。英官以此舉關係租界主權。頗咎清吏之失當。結果遂將龔超釋放出獄。龔旋赴香港。壬寅十二月除夕。因與洪全福梁慕光等謀在廣州起義。在粵港輪船被捕繫獄。卽洪案改名蘇子山者是也。

作新社與大陸報 戡元丞於東京國民報停刊後。旋向日人下田歌子等募集股本。創設作新

社於上海。專以譯著新學書籍及販賣科學儀器爲宗旨。辛丑年復發刊大陸報月刊。鼓吹改革。排斥保皇。秦力山楊廷棟楊蔭杭雷奮陳冷等均任筆政。是時上海新學志士雖不乏人。而主張激烈論者。殆以作新社及大陸報諸人爲首屈一指。

張園之拒俄大會 癸卯四月。寓滬各省紳商志士因俄人要求改訂退兵條約事件。集議於張園。公議全國人民當拒而不認。并議決致電各國外交部。申明國民不認俄約之由。其致北京外務部電云。聞俄人立約數款。迫我簽允。此約如允。內失主權。外召大衅。我全國人民萬難承認。又致各國外交部電云。聞俄人強敵國立滿洲退兵新約數款。逼我簽允。現我國全國人民爲之震憤。即使政府承允。我全國國民萬不承認。倘從此民心激變。徧國之中。無論何地再見仇洋之事。皆係俄國所致。與我國無涉。幸垂意焉。同時留日學生亦組織拒俄義勇隊。派遣鈕永建湯類二代表回國。請袁世凱出師。學生願担任前敵。上海志士聞之。亦有編練義勇隊之議。時同文滬報等皆傳鈕湯在天津被殺之說。聞者異常激昂。嗣經鈕湯親屬電津探問。始知鈕湯往見袁世凱數次。均被閹人拒而不納。而鈕湯旋亦以消息極惡返滬。蓋是時袁世凱魏光燾端方均接駐日公使蔡鈞電。有「東京留學生結義勇隊。計有二百餘人。名爲拒俄。實則革命。現已奔赴內地。務飭各州縣嚴密查拿」之語。故袁魏端遂據爲義勇隊之鐵案。

第十六章 上海志士及蘇報案

鈕湯倖早逃脫。否則恐不免先沈蓋而流血也。時蘇報對於鈕湯之北上運動。譏爲不識時務。無端欲運動官場。是可見滬人議論之漸趨激烈矣。

反對王之春之通電 癸卯春。桂撫王之春有借法款假法兵以平亂之議。兩廣寓滬紳商學各界開大會於張園。到者四五百人。由龍積之提議致電政府抗爭。并請免王職以謝國人。衆贊成之。次日復在廣肇公所集議。公決通電各地請求援助。并主張罷市罷工。以阻止此約。務期達到驅逐王之春目的而後已。

教育會與愛國學社 上海中國教育會爲寓滬志士章炳麟蔡元培黃宗仰（烏目山僧）黃炎培等所創。地址在泥城橋福源里即今跑馬廳對面。發起於壬寅春。至秋冬之際始組織完備。初擬編輯教科書及刊行叢報。正進行間。而蔡鈞阻遏留學之風潮以起。於是乃謀自立學校。培植人才。適是時南洋公學學生不勝教習之虐待。相率出學。求濟於教育會。章蔡黃等允爲設法。復得羅迦陵女士等募捐巨款。而愛國學社始得成立。繼復容納南京陸師學堂退學生。聲勢益張。南洋公學學生退學之原因。由於教員之禁壓言論自由。及不許學生高談革命。故愛國學社成立後。一反其所爲。校內師生皆議論時政。放言無忌。南京退學生之有力者爲貝壽同穆湘瑤何廉施敖夢姜胡敦復曹梁廈俞子夷計烈公何震生等。而陸師退學生之有力者則爲章

士劍林蠟等。持論皆甚激烈。於是東南各省學界遂漸爲此種革命高潮所激盪。學生之趨向激烈論者。所在多有。其魔力不可謂不巨也。癸卯五月。愛國學社忽因微小意見。向教育會宣告分立。初由愛國學社社員以「敬謝教育會」之意見書登諸二十四日蘇報。雖經黃宗仰多方調停。因章太炎等主張對於退學生漸加以制裁。而吳敬恆則左袒學生。意見各殊。卒難復合。至閏五月初一日遂由宗仰以教育會會長名義。揭「賀愛國學社之獨立」一文於蘇報以答之。而教育會會員任教職者遂多謝去。是時女士陳擷芬等亦有愛國女學校及女蘇報之設。愛國女校附屬中國教育會。女學報則爲言女子革命者之大營壘。其功力不在愛國學社下也。

四民公會與國民議會 寓滬各界人士自於張園發起拒俄大會後。卽組織四民公會以資號召。繼復易名國民公會。初發起其事者爲馮鏡如龍澤厚吳敬恆鄒容陳範諸人。凡維新志士多列名焉。初無所謂派別也。至五月間。康徒龍澤厚再易名曰國民議政會。漸傾向請願清廷立憲之主張。於是馮鏡如首陳意見脫會。鄒容吳敬恆及愛國學社諸人皆表示不肯加入。而議政會遂成無形的解散。然是時清吏對於發起諸人。固一律目爲革命黨。並無急激平和之分。未幾遂有蘇報一案出現。

鄒容之革命軍 鄒容字尉丹。四川巴縣人也。壬寅之東京留學。肄業於同文學校。嘗持剪

第十六章 上海志士及蘇報案

刀強剪髮生監督姚某辮髮。懸諸留學生會館正樑。癸卯春以事返滬。適愛國學校成立。遂奔走其間。極爲盡力。因俄人強逼改約。而清政府甘心賣國。遂發憤草革命軍一書。凡七章。首緒論。次革命之原因。次革命之教育。次革命必剖清人種。次革命必先去奴隸之根性。次革命獨立之大義。次結論。約二萬言。章炳麟爲之序。由金天翮蔡寅陶賡熊等之資助。於是年五月在滬大同書局出版。五月十四日蘇報作『讀革命軍』一文。以闡揚之。並爲新書介紹一則。是爲章鄒與蘇報案牽合之點。章序云。

革命軍序

蜀鄒容爲革命軍方二萬言。示余曰。欲以立懦夫。定民志。故辭多咨肆。無所回避。然得無惡其不文耶。余曰。凡事之敗。在有其唱者。而莫與爲和。其攻擊者且千百輩。故仇敵之空言足以墮吾實事。夫中國吞噬於逆胡。已二百六十二年矣。宰割之酷。詐暴之工。人人所身受。常無不昌言革命。然自乾隆以往。尙有呂留良曾靜周華等。持正議以振輿俗。自爾遂寂泊無所聞。吾觀洪氏之舉義師。起而與爲敵者。曾李則柔煦小人。左宗棠喜功名。樂戰事。徒欲爲人策使。顧勿問其肆非枉直。斯固無足論者。乃如羅彭邵劉之倫。皆篤行有道士也。其所操持。不洛閩而金谿餘姚。衡陽之黃書日在几閣。孝弟

之行。華戎之辨。仇國之痛。作亂犯上之戒。宜一切習聞之。卒其行事。乃相繆戾如彼。材者張其角牙。以覆宗國。其次卽以身家殉滿州。樂文采者則相與鼓吹之。無佗。悖德逆倫。并爲一談。牢不可破。故雖有衡陽之書。而視之若無見也。然則洪氏之敗。不盡由計畫失所。正以空言足與爲難耳。今者風俗臭味。少變更矣。然其痛心疾首。懇懇必以逐漸爲職志者。慮不數人。數人有文墨議論。又往往務爲溫籍。不欲以跳踉搏躍言之。雖余亦不免是也。嗟乎。世皆闇昧。而不知話言。主文諷切。勿爲動容。不震以雷霆之聲。其能化者幾何。異時義師再舉。其必墮於衆口之不俚。概可知矣。今容爲是書。壹以叫咷恣言。發其慚恚。雖器味若羅彭諸子。誦之猶當流汗祇悔。以是爲義師先聲。庶幾民無異志。而材士亦知所返乎。若夫屠沽負販之徒。利其徑直易知。而能恢發智識。則其所化遠矣。藉非不文。何以致是也。抑吾聞之。同族相代。謂之革命。異族攘竊。謂之滅亡。改制同族。謂之革命。驅逐異族。謂之光復。今中國既滅亡於逆胡。所當謀者光復也。非革命云爾。容之署斯名何哉。諒以其所規畫。不僅驅除異族而已。雖政教學術。禮俗材性。猶有當革者焉。故大言之曰革命也。共和二千七百四十四年四月餘杭章炳麟序。

第十六章 上海志士及蘇報案

章大炎之駁康書 康有爲遊歐洲十七國後。歸而著書。顏曰「南海先生最近政見書」。抨擊革命排滿之說。無所不用其極。香港中國日報首先駁之。尋章太炎亦有「駁康有爲政見書」之作。出版未久。與革命軍同受社會熱烈之歡迎。鄒著文字顯淺。利於華僑。章著下筆高古。利於士紳。同爲革命時代最有價值之著作。

蘇報之歷史 蘇報初爲日本人所創辦。後湖南衡山人陳範號夢坡者。以江西知縣因教案落職。移居上海。憤官場之腐敗。思以清議救天下。遂承辦是報。主持四載。其主筆日追潮流而進步。陳善聽人言。由變法而保皇。由保皇而革命。其女公子擷芬亦擅長文學。倡辦愛國女校及女報。與父齊名。蘇報所延聘記者。有章行嚴汪文溥吳敬恆諸人。均論壇健將。有聲于時。其所以大張旗鼓。實始于壬寅之冬。蓋增入學界風潮一門。大爲東南學界所注目也。癸卯春。報務日益發達。而立論亦漸急激。大爲清吏所嫉視。至五月初旬。租界內已有照會拿人之風說。然蘇報不爲少屈。仍逐日高談殺滿仇滿。有加無已。未幾。遂有閏五月初六日封報捕人之事。

清吏捕人之運動 四五月間。清商約大臣呂海寰已函告蘇撫恩壽。謂上海租界有所謂熱心少年者。在張園聚衆議事。名爲拒法拒俄。實則希圖作亂。請即將爲首之人密拿嚴辦等語。

蘇撫立飭上海道向各國領事照會拿人。各領事業經簽名許可。而工部局獨不贊成。上海泰晤士報特著論嘉許工部局之能主持公道焉。查呂海寰第一次指名逮捕者。爲蔡元培吳敬恆鈕永建湯積四人。第二次爲蔡元培陳鑑馮鏡如章炳麟吳敬恆黃宗仰六人。其所以甘冒大不韙而爲之者。蓋受王之春之囑托。而王則痛恨屢次在張園開會反對王借法兵法款之愛國志士。藉此以爲報復也。字林西報對於此事。記載頗詳。因此被查拿者聞之。多向工部局報明姓名居址。工部局允予特別保護。

蘇報案發生情形 工部局初時對於清吏請求。雖不贊成。後以蘇撫上海道等稱奉清帝諭旨辦理。交涉甚力。卒徇其請。至閏五月初六日。遂由租界分派中西警探多名。赴愛國學社拘拿章炳麟鄒容蔡元培吳敬恆四人。祇捕去章一人。鄒蔡吳均不在校。復有警探一隊到蘇報館拘拿陳範。偵陳出外不獲。祇將司賬員程吉甫一名捕去。復到派克路第七百零二號女報館查探。又捕去陳範之子仲彝及女報辦事員錢允生二名。同時復在四馬路捕去龍積之一名。鄒容聞訊。自往租界捕房投到。陳範黃宗仰汪文溥走日本。蔡元培走柏林。吳敬恆走英倫。同時蘇報被封禁。愛國學社亦解散。當事人紛紛逃匿。

會審公廨之審訊 案發後數日。英租界會審公廨始將章鄒程錢陳龍六人提往審訊。承審員

第十六章 上海志士及蘇報案

爲清知府孫建臣上海縣汪瑤廷及英國副領事迪比南。清政府所延律師爲古柏及哈華托二人。章鄒等親友亦延律師博易及瓊司二人代爲抗辯。先由古律師聲稱蘇報館主陳範卽陳錫疇。爲現到案之陳仲彝生父。實主持該館筆政。程吉甫係司賬人。該報污蔑朝廷。大逆不道。其中有與滿人九世深仇。及保護中國不保護滿人之語。甚至本月初五日報中直呼清帝之名。指爲小醜。初十日論說有四萬萬同胞不共戴天。仇殺滿人及殺盡胡人方罷手等悖逆之詞。某日更謂以四萬萬人殺一人。其餘排滿滅清賊清胡牝之類。種種逆說。不可枚舉。茲陳範未到。應卽補提。鄒容係革命軍作者。該書主張革命排滿。煽動作亂。無所不至。章炳麟代革命軍作序。又著駁康有爲政見書。詆毀清帝聖諱。呼爲小醜。立心犯上。罪無可追。龍積之係漢口富有票案中要犯。應另案辦理云云。遂由清英職員一一向各人問供。程吉甫供原籍蘇州。向在蘇報館專管告白。並不與聞編輯事務。陳仲彝供蘇報乃公司。由其父陳範經理。總主筆爲吳稚暉。其父於事發之前。避赴東洋。職員問曰。爾能代父受罪否。答曰不能。錢允生供本名寶仁。在新馬路女學報館被獲。龍積之供年四十四歲。廣西桂林人。某科優貢。以知縣分發四川。曾領憑到省當差。漢口富口票一案並不知情。鄒容供四川巴縣人。年十九歲。初來滬入廣方言館。後至日本東京留學。因憤滿人專制。故有革命軍之作。今年四五月間請假來

泥。聞人言公堂出票拘我。故自到捕房投到。章供杭州人。先會讀書。後在報館充主筆。戊戌後赴台灣。後由日本赴上海。在亞東時報任筆政。復至誠正學堂當漢文教習。未及數月。又至蘇州東吳大學堂。前年再赴日本。去年回國。今年二月在愛國學社任教習。因見康有爲著書反對革命。袒護滿人。故我作書駁之。此書係托廣東人沙耳公帶往香港轉寄新加坡。未得其回信。所指書中載恬小醜四字觸犯清帝聖諱一語。我祇知清帝乃滿人。不知所謂聖諱。小醜兩字。本作類字或作小孩子解云云。清官因章爲名士。以爲必曾中式。問得自何科。章顧鄒微笑曰。我本滿天飛。何窠之有。蓋故意誤科名爲鳥窠也。會審公廨開訊此案多次。以章鄒二人問題太大。一時未易判決。乃先將無關緊要之陳仲彝程吉甫錢允生三人開釋。其餘龍積之一名。初擬解往湖北訊辦。後以拘押數月。英領事主張從寬辦理。遂准其交保具結釋放。

章鄒案之原告問題 當此案之起也。清政府初要求各國領事將章鄒等六人提歸內地辦理。將得而甘心焉。上海工部局力持反對。謂此租界事。當於租界治之。爲保障租界內居民之生命自由起見。決不可不維持吾外人之治外法權。清政府以交涉無効。乃轉求駐京各國公使。各公使謂此事領事主之。吾人不能侵其權限。亦却其請。於是此案遂歸會審公廨訊理。初訊時

第十六章 上海志士及蘇報案

。清政府律師古柏因此案原告人名義問題未解決。聲稱現有交涉事件未妥。請求延期。章鄒等律師博易反對之。謂古律師所求。不應照准。所云交涉事件。究與何人交涉。不妨指明。況公共租界章程。界內之事。應歸公廨訊理。現在原告究係何人。其爲北京政府耶。抑江蘇巡撫耶。上海道台耶。請明白宣示。職員孫建臣謂章鄒等犯係奉旨著江蘇巡撫飭令拘拿。本分府惟有遵奉上憲扎諭行事而已。遂將扎文出示。博律師乃得意言曰。以堂堂中國政府。乃訟私人於屬下之低級法庭。而受其裁判乎。孫職員不能答。博律師又稱政府律師如不能指出章鄒等人所犯何罪。又不能指明交涉之事。應請將此案立即註銷。古律師稱此案案由最爲明白。仍俟政府將交涉事件議妥。然後訂期會訊可也。中西官乃准其請。按此案之特點有二。一清帝爲此案之原告人。實爲朝廷與人民涉訟之始。二則政府降尊向所屬之下級法廷控告平民。均清朝以來所未有也。然工部局之能力拒清廷所求。則以租界事權操諸英人。英律保護政治犯最嚴。故爲維持其治外法權計。當然有此結果。否則雖有千百章鄒。恐皆不免膏於清吏斧鉞之下也。

章鄒案之判決 此案研訊多次。經雙方律師種種辯駁。遷延數月。中西職員均以關係重大。不敢判決。因將一切案由移交北京。由外務部與各國公使直接辦理。以區區一租界內之政

治犯事件。竟成國際上最重要之問題。亦異聞也。惟外務部與使館間亦延擱多日。迄未解決。於是被告方面乃聲稱章鄒等不得罪名。久繫囹圄。在法律及人道均屬不合。要求立將控案註銷。故是時滬上忽有釋放章鄒之風說。因是外務部深恐此案有勞無功。遂允採納英使館意見。從寬辦結。卒判決章監禁西牢三年。鄒監禁二年。由上海會審公廨宣告結果。此驚天動地之大案遂告一結束焉。鄒於出獄前一月病死。章在獄中常爲香港中國日報撰著論文。世人閱之如獲拱璧。至丙午年期滿出獄。同盟會派代表龔鍊百等迎至東京。爲民報主任。

各地學界之繼起 當中國教育會盛時。江蘇常熟及吳江之同里。均設有支部。常熟支部創辦塔後小學。主持者爲丁初我徐覺我殷次伊等。同里支部創辦自治學社。主持者爲金天翹等。及蘇報獄起。殷次伊憤激自殺。塔後小學即停頓。自治學社則延林蠡教授兵操。柳棄疾陶廣熊等皆參與其事。猶支持至三年之久然後改組焉。同時金天翹復組織明華女校。略仿愛國女校。成績頗著。愛國學社既解散。中國教育會乃遷其機關部於碩果僅存之愛國女學校。由四明鍾憲鬯吳縣王季烈武進蔣維喬諸人維持之。然後此亦不能有所活動。海上革命運動至是遂受一大頓挫。繼愛國學社而起者有麗澤學校。主持者爲上海劉季平（後更名劉三）劉東海（季平從兄）吳江費公熙無錫秦毓璣諸人。校址在上海華徑鄉。即劉季平所居宅也。尋以事

第十六章 上海志士及蘇報案

解散。其殘留之學生一部改組爲青年學社。校址在上海新開路。此甲辰年春間事也。此外異軍特起者。蘇州有吳中公學社。杭州有兩浙公學社。規模悉仿愛國。顧命運不長。旋起旋蹶。青年學社於萬福華行刺王之春一案橫被牽涉。卒被封閉。

出版物及宣傳家 癸卯甲辰乙巳三年間。留日學界之革命出版物風起雲湧。如江蘇浙江潮漢聲直言遊學譯篇聞聲醒獅二十世紀之支那等等。皆以上海爲尾閭。有志者競設書局。如鏡今書局東大陸圖書局國學社等均是也。而其中搖旗吶喊之宣傳家。則首推徐敬吾與其女寶娵。時人以徐嘗撰野雞花榜揭櫫小報。遂錫以野雞大王之徽號焉。徐專以出售革命書報爲業。每星期日常假味蕪園開會演說革命。海上耳目爲之震駭。章太炎嘗戲爲梁山點將錄。以鼓上蚤時遷目之。寶娵亦有辯才。徐之得力助手也。南洋公學退學生之組織愛國公學。亦以徐奔走之力爲多。以是大爲清吏所忌。卒被誘致江寧。欲藉以羅織黨獄。結果徐以立功自贖之名義釋放返滬。諸同志對之頗有戒心焉。然徐自後亦無如何特殊舉動也。其時上海各書局除代售留學界出版物外。頗多自行編印之著作。如黃帝魂。蘇報案紀事。國民日日報彙編。以及章士釗之蕩腐叢書（有孫逸仙沈蕙等書假名爲黃中黃作）。劉光漢之攘書。中國民族志。陳去病之清祕史。陸沈叢書。金天翮之女界鐘。自由血。三十三年落花夢。蘇元瑛之慘世界等

。不下百數十種。其以創辦書局而破產者。則有鏡今書局主人泰州陳競全。後抑鬱以死。與鄒容同葬華徑鄉。卽劉季平所捐地也。



鄒容

國民日報與警鐘報 蘇報被封後。上海志士章行嚴何廉施張繼盧和生等旋於癸卯年十月有國民日日報之組織。其宗旨與蘇報同。而規模則尤過之。出版未久。風行一時。旋以內部發生問題。竟致涉訟。該報遂亦停刊。香港中國日報總理陳少白因同黨內閥。有礙大局。特親至上海設法和解。復有葉瀾馮鏡如王慕陶連夢青諸人奔走調處。卒由雙方各允息事而止。然國民日日報自是竟無復版之望。次年冬俄滿風潮甚亟。時蔡元培已歸國。因與同志發起俄事

第十六章 上海志士及蘇報案

警聞。旋改爲警鐘日報。實繼承蘇報與國民日日報之統系。主筆政者爲儀徵劉師培（光漢）侯官林懈（白水）吳江陳去病（佩忍）及林懈女弟宗素等。林懈別創中國白話報。去病別創二十世紀大舞台雜誌。咸以鼓吹革命爲己任。至乙巳正月。警鐘報復被清吏封禁。青年學社大舞台雜誌中國白話報均先後不免。海上革命運動此爲第二頓挫。

第十七章 癸卯周雲祥臨安之役

保滇會與周雲祥 清吏之激變 臨安之佔領 雲祥之抱負

保滇會與周雲祥 雲南五金諸礦。遍地皆是。西通緬甸。鄰于英。南接越南。逼于法。自清政府與法立約。許不將雲南讓與他人。於是滇省遂爲法蘭西之勢力範圍。滇人之有志者恥之。恨清政府以土地許人。因而有逐漸自立。以保土地主權之志。一切預備已有年矣。自保滇會設立後。講求實學。士氣日昌。自立黨首領周雲祥。年二十有四。深通韜略。尤講求體育。身軀雄偉。膂力過人。其先世以礦業起家。基業既富。雲祥復善于經營。豪俠好義。有志之士多歸之。其所營錫礦。平時多購軍械。設義勇。以爲捍衛。雲祥陰蓄大志。久思利用之。故防衛頗稱鞏固。

清吏之激變 蒙自縣令孫某者。貧殘之民賊也。前曾擄富商楊士元。勒贖不遂。殺之。繼又欲逮捕周雲祥。以填其慾壑。癸卯

清光緒二十九年

四月十八日。會同防營督帶麥四率隊三百餘

人赴錫廠。以繳軍械爲名。思得雲祥而甘心。詎雲祥預得消息。設伏以待。孫麥甫到。義勇四起。轟斃清兵二百餘名。哨弁二名。麥四爲飛彈所中。受傷甚重。雲祥獲其快鎗百餘桿。

第十七章 癸卯周雲祥臨安之役

孫見勢不佳。急命軍士焚燒良民廬舍。乘勢鼠竄回縣。閉城堅守。旋電請巒耗緒備左翼軍黃鳳圖移兵赴援。復被義勇中途邀擊。斃清兵數十名。孫羞怒。乃電建水縣羅押雲祥之母以洩憤。

臨安之佔領 雲祥矢志復仇。更號召志士。共圖大學。本擬先取蒙自。以其地多外人居留。恐傷之。乃率所部義勇。用聲東擊西之法。名攻蒙自。暗襲臨安。陷之。知府黨蒙倉皇失措。自戕以徇。該府爲著名白銅礦地。黨軍與礦工聯絡一氣。卽以礦山爲大營。以礦產爲餉源。雲祥令其戚黃顯忠襲石屏州。清吏無備。唾手而得。卽分兵攻取阿迷州甯州各城。皆下之。黨軍乃向東進直達廣西邊境。所過秋毫無犯。四民樂業。商旅不驚。以故有某清軍開隊往攻。沿路良民數萬爲之呼冤。清軍竟不得行。時滇督丁振鐸有電清廷。謂臨安府最佔地利。曩日苗匪首領馬如倫率衆二十萬人圍攻。猶未被陷。今竟爲土匪渠魁周雲祥率衆攻陷。其勢之猖獗。從可推知等語。然義軍究因勢力薄弱。又孤立無援。以致終敗于清軍。城池次第收復。雲祥遂匿跡鄉間。韜晦以終。

雲祥之抱負 雲祥少有奇志。不求仕進。是年四月初旬。有革命黨員某到錫廠演說獨立自強之說。贈雲祥以革命新書多種。囑以外交歐美。內逐滿人。故其舉兵發難。一依文明軍律

。聞雲祥嘗讀新廣東一書畢。喟然笑曰。兩廣人羊質虎皮。焉能幹此偉大事業。揭獨立旗。擊自由鐘。當今之世。舍我其誰云云。其自負如此。戊申河口一役。駐越南革命黨機關部事前派員與之聯絡。約以在臨安附近響應。雲祥極力贊成。後以義師失敗。遂不克如期將動云。

第十七章

癸卯周雲祥臨安之役

第十八章 癸卯東京革命軍事學校

第十八章 癸卯東京革命軍事學校

中山與留學界 日野與軍事學校 校內之規制及學科 解散之原因

中山與留學界 癸卯年上海蘇報案發生後。中山自越南河內至日本橫濱。與商人廖翼朋同居。時馮自由任香港中國日報駐東記者。往還至密。湘人陳範陳擷芬蘇人黃中央（烏目山僧）均因蘇報案逃日。此外留學生馬君武劉成禺楊度程家樞李自重桂少偉盧少岐李錫青伍嘉杰楊守仁胡毅生葉瀾及僑商黎煥輝張果陳才等常來往東京橫濱間。日訪中山。高談革命。馮自由等更募資合印章炳麟駁康有為政見書鄒容革命十萬冊。分寄海內外各處。以廣宣傳。

日野與軍事學校 是時留學界有一至困難之問題。蓋駐日清公使曾向日政府交涉。凡留學生有抱革命排滿思想者。即革其官費。禁止學習陸軍。中國學生肄業兵事者。僅一振武學校。入校資格以官費學生為限。因是私費學生之有志兵事者。皆無從問津。各懷失望。以中山於日本軍界交遊至廣。因就商焉。中山有日友日野少佐者。有名之軍事學家也。於最新式之南非洲波亞人戰術。素有研究。曾發明日本式之盒子砲及木砲。極為日本軍界所推重。因與中山同研究波亞散兵戰術。遂成知己。中山乃與籌劃訓練中國同志以軍事教育之法。日野願悉力以助。且允約友人担任教師。中山大喜。遂組織革命軍軍事學校于東京青山附近。因防

日政府干涉。一切規制。概取祕密主義。

校內規制及學科 第一期報名入校者。得李錫青桂少偉李自重胡毅生伍嘉杰黎勇錫（仲實）郭健霄盧少岐盧牟泰區金鈞劉維燾饒景華雍浩鄭憲成等十四人。除雍鄭兩閩籍外。皆粵人也。諸生皆自費。獨桂胡二生由衆供給之。校長爲日野少佐。教務長爲小室上尉。卽後來專教留學生製造炸彈炸藥之小室也。規定學期八個月。學科有普通兵事學及製造盒子砲木砲各種火藥等門。尤注重波亞式散兵戰法。及以寡敵衆之夜襲法。入校時。諸生須宣誓服從革命黨首領及本校規則。尤須保守祕密。儀式異常鄭重。然不久漸爲外界所知。咸稱該校爲東京之梁山泊焉。

解散之原因 開校一月。中山旋有美洲之遊。校外事務概付託馮自由管理。諸生勤學好問。頗爲日教員所嘉許。及五月後。學生等各樹派別。風潮迭起。翁浩鄭憲成率先自行退學。無何。劉維燾饒景華亦退學。於是內鬩益甚。經中立者多方斡旋。卒無效果。不得已宣布解散。翁鄭歸閩。劉饒設法改入振武學校。盧少岐留學英倫。盧牟泰李自重郭健霄李錫青伍嘉杰桂少偉返粵。錫青嘉杰少偉先後去世。留日者惟劉饒及胡毅生區金鈞黎勇錫五人而已。時中山方遊美國。得馮自由詳報該校解散始末。爲之慨嘆不置。

第十九章 甲辰孫中山歐美之遊

第十九章 甲辰孫中山歐美之遊

檀島黨報之創辦 大同日報之改組 洪門總註冊之成績 中山之

對外宣言

檀島黨報之創辦 甲辰春中山作第二次歐美之遊。瀕行以駐日黨務托馮自由。家事托橫濱山下町九番法國郵船公司買辦黎煥輝。初抵檀香山正埠。該處本屬興中會之發源地。惟其時保皇會勢力方盛。唐徒陳繼儼在其機關之新中國報。排斥革命。異常劇烈。革命黨無如之何。時有舊式館名檀山新報者。又號隆記日報。原爲中山戚屬程蔚南所辦。以筆政乏人。毫無精彩。中山乃使改組黨報。親爲撰著論文。向保皇報大加撻伐。革黨陣壘爲之一新。同時復函托馮自由。使代聘香港中國日報記者陳詩仲赴檀主持筆政。由程蔚南匯給陳旅費四百元。陳以被阻於駐香港美國領事。卒不果行。其後檀山新報改組爲民生日報。聘張澤黎爲記者。與保皇報主筆陳繼儼梁文興大開筆戰。檀島之有革命黨機關報。蓋自此始。

大同日報之改組 中山鑒於保皇黨勢之日盛。自覺非聯絡洪門。不足以增加勢力。乃從其舅氏楊文納之勸告。毅然加入致公堂團體。及抵舊金山。保皇會果嗾使同黨之稅關譯員阻中

山登岸。被留烟治埃倫木屋者一日。幸賴美國致公總堂總理黃三德大同日報總理唐瓊昌之助。以五千元保出候訊。時主持大同日報筆政者爲唐徒歐集甲。因有反對中山之文字。爲致公堂所逐。中山乃薦馮自由任該報駐東記者。并托馮代物色主筆。馮初薦桂人馬君武。馬以事辭。繼聘鄂人劉成禺。劉瀕行。恐登岸時見阻於保皇會。乃求上海時報主人翟楚青向保皇會介紹接待。保皇會以劉持學生護照赴美。不之疑。劉遂得以安然上陸。大同日報自劉到後。革命橫議。鼓盪全美。華僑受其感化者日衆。

洪門總註冊之成績 當劉成禺至舊金山時。中山已偕黃三德出遊各埠。鼓吹洪門總註冊事。蓋美州華僑屬致公堂黨籍者佔十之九。除舊金山總堂外。各埠設立分堂者。尙有百數十處。惟各分堂對於總堂。向少聯絡。團體日渙。威信漸失。加以洪門重要職員多染康梁餘毒。渾忘却反清復明之本來面目。中山有鑒於此。以爲固結團體。非重新舉行登記不可。乃提倡洪門總註冊之議。并手訂致公堂新章規程八十條如左。

致公堂重訂新章要義

原夫致公堂之設。由來已久。本愛國保種之心。立興漢復仇之志。聯盟結義。聲應氣求。民族主義賴之而昌。祕密社會因之日盛。早已遍布於十八省與及五洲各國。凡華人所

第十九章 甲辰孫中山歐美之遊

到之地。莫不有之。而尤以美國爲隆盛。蓋居於平等自由之域。共和民政之邦。結會聯盟。皆無所禁。此洪門之發達。固其宜矣。惟是向章太舊。每多不合時宜。維持乏人。間有未愜衆意。故有散漫四方。未能聯絡一氣。以成一極強極大之團體。誠爲憾事。近且有背盟負義。趨入歧途。倒戈相向者。則更爲痛恨也。若不亟圖振作。發奮有爲。則洪門大義必將淪墮矣。有心人憂之。於是謀議改良。力圖進步。重訂新章。選舉賢能。以整頓堂務。而維繫人心。夫力分則弱。力合則強。衆志可以成城。此合羣團體之可貴也。我堂同人之在美國者。不下數萬餘人。向以散居各埠。人自爲謀。無所統一。故在平時則消息少通。有事則呼應不靈。以此之故。爲外人所輕藐所欺陵者。所在多有。此改良章程維持堂務所宜急也。且同人之旅居是邦。或工或商。各執其業。本可相安無事。但常以異鄉作客。人地生疎。言語不通。風俗不同。入國不知其禁。無心而偶干法紀者有之矣。又或天災橫禍。疾病顛連。無朋友親屬之可依。而流離失所者。亦有之矣。其餘種種意外危虞。筆難盡述。語有之曰。人無千日好。花無百日紅。若無同志來相維護。以相賙恤。一旦遇事。孤掌難鳴。束手無策。此時此境。情何以堪。此聯合大羣。團集大力。以裨禦禍害。賙恤同人。實爲本堂義務之不可缺者一也。本堂人數既爲美洲華

人社會之冠。則本堂之功業。亦當駕於羣衆。方足副本堂之名譽也。乃向皆泄泄沓沓。無大可爲。此又何也。以徒有可爲之資。而未有可爲之法。故雖欲振作而無由也。今幸遇愛國志士孫逸仙先生來遊美洲。本堂請同黃三德大德往遊各埠。演說洪門宗旨。發揮中國時事。各埠同人始如大夢初覺。因知中國前途。吾黨實有其責。先生更代訂立章程。指示辦法。以爲津導。我旅美同人可以乘時而興矣。況當今爲爭競生存之時代。天下列強高倡帝國主義。莫不以開疆闢土爲心。五洲土地已盡爲白種所併吞。今所存者。僅亞東之日本與清國耳。而清國則世人已目之爲病夫矣。其國勢積弱。疆宇日蹙。今滿洲爲其祖宗發祥之地。陵寢所在之鄉。猶不能自保。而謂其能長有我中國乎。此必無之理也。我漢族四萬萬人豈甘長受滿人之羈輓乎。今之時代。不競爭則無以生存。此安南印度之所以滅也。惟競爭獨立。此美國日本之所以興也。當此清運已終之時。正漢人光復之候。近來各省風潮日漲。革命志士日多。則天意人心之所向。吾黨以順天行道爲念。今當應時而作。不可失此千載一時之機也。此聯合大羣。團集大力。以圖光復祖國。拯救同胞。實爲本堂義務之不可缺者二也。中國之見滅于滿清。二百六十餘年。而莫能恢復者。初非滿人能滅之能有之也。因有漢奸以作虎倀。殘同胞而媚異種。始有吳三桂洪

第十九章

甲辰孫中山歐美之遊

第十九章 甲辰孫中山歐美之遊

承疇以作俑。繼有曾國藩左宗棠以爲厲。今又有所謂倡維新談立憲之漢奸。以推波助瀾。專奪滿人而抑漢族。假公濟私。騙財肥己。官爵也。銀行也。鐵路也。礦務也。商務也。學堂也。皆所以餌人之具。自欺欺人者也。本堂洞悉其隱。不肯附和。遂大觸彼黨之忌。今值本堂舉行聯絡之初。彼便百端誣謗。含血噴人。蓋恐本堂聯絡一成。則彼黨自然瓦解。而其所奉爲君父之滿賊。亦必然覆滅。則彼漢奸滿奴之職。無主可供也。其喪心病狂。罪大惡極。可勝誅哉。凡吾漢族同胞。非食其肉。寢其皮。何以伸此公憤。而挫茲敗類也。本堂雖疲驚。亦必當仁不讓。不使此謬種流傳。遺害於漢族也。此聯合大羣。團集大力。以先清內奸而後除異種。實爲本堂義務之不可缺者三也。今特聯絡團體。舉行新章。必當先行註冊。統計本堂人數之多少。以便公舉人員。接理堂務。必註冊者然後有公舉之權。有應享之利。此乃本堂苦心爲大衆謀公益起見。法至良。意至美。凡我同人。幸勿爲謠言所惑。遲疑觀望。自失其權利可也。今特將重訂新章。先行刊布。俾各埠週知參酌妥善。待至註冊告竣之日。然後隨各埠公舉議員。擇期在本大埠會議。決奪施行。望各埠堂友同心協力。踴躍向前。以成此舉。同人幸甚。漢人幸甚。

謹將重訂新章條款詳列呈覽

第一章綱領

一本堂名曰致公堂總堂。設在金山大埠。支堂分設各埠。前有名目不同者。今概改正。名曰致公堂。以昭劃一。

二本堂以驅除韃虜。恢復中華。創立民國。平均地權爲宗旨。

三本堂以協力助成祖國同志施行宗旨爲目的。

四凡國人所立各會黨。其宗旨與本堂相同者。本堂當認作益友。互相提攜。其宗旨與本堂相反者。本堂當視爲公敵。不得附和。

五凡各埠堂友須一律註冊報名於大埠總堂。方能享受總堂一切之權利。

六凡新進堂友須遵守洪門香主陳近南遺訓。行禮入闈。

七所有堂友無論新舊。其有才德出衆者。皆能受衆公舉。以當本堂各職。

八本堂公舉總理一名。協理一名。管銀一名。核數一名。議員若干名。（以上百人公舉一名）

九本堂設立華文書記若干名。西文書記若干名。委員若干名。幹事若干名。以上各人。皆由總理委任。悉歸總理節制。

第十九章 甲辰孫中山歐美之遊

十本堂設立公正判事員三名。公正陪審員廿名。皆由總理委任。但不受總理節制。

十一總理協理以四年爲一任。管銀核數一年爲一任。議員由初舉時執籌。分作三班。第一班一年爲一任。滿期照數選人補充。或再舉留任。第二班兩年爲一任。滿期選補。第三班三年爲一任。滿期補充。如是議員之中常有三分之二爲熟手之人。

十二判事員爲長久之任。若非失職及自行告退。不能易人。判事陪員分兩班。第一班一年爲一任。任滿由總理擇人充補。第二班兩年爲一任。滿期擇人充補如之。

十三各埠支堂當舉總理一名。書記一名。管銀一名。核數一名。值理若干名。皆由堂友公舉。呈名於總堂總理批准。方能任事。如所舉非人。總理有權廢之。堂友當另行再舉妥人。

十四各埠支堂堂友可隨地所宜議立專規。以維持堂務。然必當先呈總堂議員鑒定。總理批准。方得施行。

十五各埠新立香主。必經總堂議員議決。總理批准。方能領牌受職。該埠叔父職員等必先查明該新香主品行端正。堪爲表率者。方可聯保。至領牌受職之後。凡放新丁一名。須繳回本堂底票銀二元。如未經議准領牌。竟欲開檯。該處叔父職員等切勿徇庇。并帶新

丁入關。如有不守堂規。或不領牌。或不繳交底銀。一經查出。定將名號革除。并追回票牌等件。

十六凡公舉人員之期。皆以每年新正爲定。

十七議員議事必要人數若干。方爲足額。乃能決事。

(下略)

中山預計此新章如能實行。則凡洪門會員皆須一律繳納註冊費。全美致公堂會友逾十萬人。此項收入爲數不貲。大可供給內地革命軍之用。此議經舊金山總堂贊成。并推舉中山及黃三德遍游南北東西百數十埠。到處勸告洪門人士。實行反清復明之宗旨。并提倡總註冊之利益。然當時保皇分會林立於各埠。致公堂職員誤入歧途者。實繁有徒。中山雖苦心孤詣。舌敝唇焦。而各分堂對於總註冊事。大都陽奉陰違。延不舉辦。中山奔走數月。收效絕少。遂委其事于黃三德。而有歐洲之行。

中山之對外宣言 中山至紐約時。與留美學生王寵惠陳錦濤等數相過從。嘗自撰一告歐美人書。題曰中國問題之真解決。The true solution of Chinese question 此文之成。頗得王寵惠之助。東京日文革論及香港中國日報嘗譯載之。革命黨對外宣言之公佈。此爲第一次。

第二十章 革命黨與洪門會黨之關係

洪門之源流及派別 洪門之祕密記號 致公堂與保皇黨 革命黨
與哥老會 致公堂與孫中山 橫濱之三點會 加拿大致公堂之殊
勛 與革命無關之洪門團體

洪門之源流及派別 洪門即天地會。三合哥老兩會皆其支派。三合會又稱三點會。在海外或稱洪順堂及義興會。在美洲則通稱致公堂。檀香山菲律賓澳洲亦有稱致公堂者。是會始創於清初康熙時代。其時距明亡未久。明之忠臣烈士再三力圖匡復。誓不臣清。前仆後興。卒難挽回世運。二三遺老以清祚已固。興復大業。非一時所能收效。乃欲以種族思想流傳後人。特創設一種祕密團體。為傳播此種思想之導線。是即洪門團體之所由起也。其宗旨為反清復明。洪門人士將清字減去頭上之主字寫作羽。滿洲之滿字亦作滿。即為廢滅清主之表示。據洪門祕冊所載。始創天地會者。為朱洪竺陳近南萬大洪諸人。疑即鄭成功張煌言等之假托。其發源地為福建少林寺。所稱五祖之第一祖亦產於福建。則鄭張假托之說。當有可信。又祕冊所載少林寺僧奉清帝康熙命掛帥出征。戰勝回朝。為奸臣所害。清帝復派兵燬少林寺。

僧衆逃生者寥寥。遂由軍師陳近南創設天地會。潛植勢力。以謀復仇。分五路組織支會。是爲五祖云。似皆喻言也。

洪門之祕密記號 三合哥老雖同出一系。然其口號暗語各不相同。本書與哥老會關係尙淺。故所述僅以三合會爲限。三合會之口號暗語。多以鄙俚粗俗之言表之。如會長曰大佬。（猶哥老會之稱龍頭）主盟人曰老母。介紹人曰舅父。首領曰洪棍。參謀曰紙扇。幹事曰草鞋。祕冊曰衫仔（哥老會謂之海底）殺人曰洗身。洗澡曰冲涼。割耳曰取順風。發誓曰斬雞頭。偵探曰風仔。作奸細曰穿花紅鞋。（此與哥老會同）吃飯曰耕沙。皆最普通者也。其所以故作鄙俚之原因。實由于創設此種祕密團體之本意。專注重於中等以下之社會。蓋上等社會所謂士大夫之類。多與官吏接近。而官吏固無一不充滿族爪牙。而不利於漢人者。因是故作下流粗俗之口語。使一般士大夫聞而生厭。避之若俛。而後其根株乃能保存。而潛滋暗長於異族專制政府之下也。又拜會結盟號曰演戲。戲劇分桃園結義橋邊相會中堂教子斬奸定國四幕。祕冊所載戲劇及七言詩。一一由大佬先鋒等背誦無遺。琅琅可聽。斬奸又稱斬七。蓋少林寺之慘遭滿虜毒手。乃由奸人馬七之告密。故洪門最惡七字。凡遇七字皆以吉字代之。斬奸時預製一馬吉人形。各口出毒誓。以刀斬之。儀式莊嚴。令人不寒而慄。又其團體異常固

第二十章 革命黨與洪門會黨之關係

結 旨章以手足相顧。患難相扶爲要旨。凡屬同志皆稱手足。遇路人有相鬥者。每遇暗號。莫不爭先協助。惟恐不力。二百年來。種族思想之表現。漸漸有名無實。獨於患難相扶之義。則久而益彰。而海外華僑之加盟者。且較內地尤盛。殆亦團體觀念使然。

致公堂與保皇黨 旅美華僑之洪門團體號致公堂。總部設於舊金山大埠。他如紐約芝加哥波士頓聖雷士羅省費城砵倫舍路等百數十埠。皆設分堂。凡有華僑駐在之地。無處不有之。咸隸屬於舊金山。華僑列籍堂內者。佔十分之八九。其在大埠者。未入洪門尙可謀生。若在小埠。則非屬致公堂會員。輒受排擠。故勢力偉大。爲各團體冠。攷其歷史。最初由廣東三合會首領因避清廷摧殘。亡命海外。遂組織致公堂以資聯絡。其後太平天國失敗。洪秀全陳金剛諸部將亦多遠托美洲。重張旗鼓。然久而久之。故老凋謝。面目漸非。洪門人士能了解宗旨者。百不得一。此中山丙申年初次遊美。所以不能收寸效也。戊戌政變後。康有爲挾其衣帶詔之聲威。於己亥歲渡美。初發起保救大清光緒皇帝會於英屬加拿大。華僑以其身受清帝之殊寵。多豔羨之。由是保皇會所遍設於北美各埠。康徒徐勤梁啟田歐榘甲陳繼儼等知洪門大可利用。乃先後投身致公堂黨籍。以聯絡彼中之有力者。洪門中人不知其詐。多爲所愚。因此而跨入保皇會籍者。比比然也。其後歐榘甲更運動致公堂幹事唐瓊昌創設大同報於舊

金山。爲洪門黨報出版之嚆矢。歐初自號太平洋客。大倡廣東獨立及排滿之說。頗受世人歡迎。及爲康有爲痛責。乃論調一變。轉而歌頌天王聖明。排斥民族主義。以反清復明之洪門黨報。而作此矛盾之論調。亦異聞也。

革命黨與哥老會 興中會員與哥老會關係最深者爲湖南人畢永年。庚子漢口之役。哥老會諸頭目多爲唐才常林圭所用。畢介紹之力也。畢於己亥年嘗偕日人平山周漫遊漢口長沙瀏陽衡州各地。結識哥老會頭目李雲彪楊鴻鈞張堯卿李堃山辜天佑師襄諸人。發揮興中會之宗旨。及孫中山之生平。欲使哥老會與興中會聯合倒滿。李楊等頗爲所動。是年冬。畢偕哥老會頭目七人抵香港。實行興中三合哥老三會合併事。仍稱興中會。公推孫中山爲總會長。與議者有陳少白楊衢雲史堅如畢永年宮崎李雲彪楊鴻鈞辜鴻思張堯卿李堃山鄭士良等十餘人。議定綱領三則。歃血爲盟。鑄印章上諸中山。無何李雲彪等以興中會供給不周。未滿所欲。適康有爲自南洋至港。欲因以爲用。贈李等各百金。李等以康富有。遂與發生關係。畢責以大義。無效。乃憤然作厭世想。竟投浙江普陀。削髮爲僧。李等後助唐才常經營漢口發難事件。未幾亦以索資不遂。宣告分裂。此哥老會參加近年中國革命歷史之大略也。及甲辰年。黃興劉揆一在湘運動革命。以哥老會龍頭馬福益之力爲多。馬爲人忠誠好義。遠非李楊諸人所

第二十章

革命黨與洪門會黨之關係

第二十章 革命黨與洪門會黨之關係

及。甲辰敗後。次年祕密回湘。圖再舉。卒爲端方所害。哥老會員之能始終貫徹其宗旨者。馬可謂當之無愧。

致公堂與孫中山 洪門向稱黨外人爲風仔。凡非黨員。概以風馬牛視之。乙未以前興中會要人屬洪門黨籍者。僅鄭士良尤烈等一二人。己亥庚子間。三合哥老兩會首領雖有推尊中山爲總會長之舉。然僅屬洪門一部之特殊動作。究仍有涇渭之分。丙申中山初次渡美。洪門人士無助之者。卽以其非同盟手足也。甲辰中山至檀香山。知非列籍洪門。不足以聯絡多數之同志。始毅然加入致公堂。是日拜盟者六十餘人。由主盟員封中山爲洪棍焉。同年中山自檀渡美。舊金山稅關華人譯員多隸保皇會籍。銜黨首命。向美國稅關長搖舌。謂中山所持護照爲僞做。於是中山被阻於船上者一夜。次日移送安琪兒島之候審所。復被困於木屋者逾日。先是舊金山致公堂得檀香山致公堂電。謂孫大哥於某日搭某輪來美。囑鄭重接待。致公堂大佬黃三德及大同日報司理唐瓊昌等前往接船。知被保皇黨暗算。乃延律師那文。以五千元向稅關保出候訊。并致電華盛頓政府抗爭。中山既出木屋。大受洪門歡迎。蓋洪門例稱會起兵抗滿者爲大哥。中山既入其黨籍。則爲大哥者當然受此殊禮。與丙申年初次到美時情形大異矣。致公堂以保皇黨勾結關員。阻中山登岸。大爲憤激。適康集甲方主大同報筆政。亦有排

中山言論。黃三德唐瓊昌乃免除歐職。請中山薦同志承乏。中山薦馮自由爲該報駐日記者。并托馮物色總編輯一人。馮初薦馬君武。馬以事辭。乃改薦劉成禺。及劉抵美。而該報之旌旗一變。自是洪門之宗旨始得發揚於北美。大同報之力也。中山以旅美致公堂會員至衆。惟團體散渙。主張分歧。不能爲祖國革命之助。乃提出舉行洪門會員總註冊之議。并代撰致公堂新章規程八十條。此新章如能實行。則於革命實力之增加。非常偉大。蓋旅美華僑掛名致公堂者逾十萬人。以每人須繳納註冊費美金二元之數算之。總額可得華銀數十萬。革命黨得此巨資。則滿政府運命之危險。不待言矣。致公總堂職員對中山提議。極力贊成。遂推舉中山及黃三德二人遊埠演說。提倡註冊。于是中山等周遊美國南北百數十埠。歷時數閱月。各埠致公堂職員出而贊助者。有紐約之雷月池黃溪記。波士頓之梅宗炯。羅省之楊廷光呂統積。山的古之譚澄明。紐柯連之陳秋譜。美疏勒之黃煖家諸人。然是時保皇會所遍佈各地。洪門人士入其圈套者。實居多數。中山雖慘憺經營。煞費唇舌。而報名註冊者。寥寥無幾。僅爲他日再來時開一新途徑而已。

橫濱之三點會 此外革命黨員之列籍洪門者。亦不乏人。陳少白在香港入三點會。被封爲紙扇。林述唐黃克強在湘鄂入哥老會。被封爲龍頭。此其尤著者。甲辰某月略觀明梁慕光張

第二十章 革命黨與洪門會黨之關係

續等在日本橫濱發起三合會。留日學生加入者。絡繹不絕。第一次拜盟者。有馮自由胡毅生李自平陳湘芬廖翼朋五人。第二次有劉道一秋瑾劉復權彭春陽等二十餘人。蓋當時留學生多認聯絡會黨爲運動革命之捷徑也。

加拿大政公堂之殊助 庚戌廣州新軍一役失敗後。馮自由應英屬加拿大雲高華埠大漢日報之聘。主持筆政。革命黨到加拿大者。馮爲第一人。該報爲加屬政公堂之言論機關。馮以洪門黨員之資格。大受各埠華僑歡迎。是年冬。馮得中山電。令急籌餉備廣州舉事之需。乃周遊各埠演說募款。捐資者異常踴躍。域多利及都朗度兩埠致公堂慨然變產助餉。爲洪門空前之創舉。計是次捐款約七八萬元。佔黃花崗一役用款之半數。倘馮非隸洪門黨籍。決難收此良好之效果。蓋洪門人十門戶之見極嚴。其排滿之宗旨雖與同盟會相同。然常卑視洪門以外之革命黨爲後輩。馮深知彼中情形。故到加拿大後。絕不談同盟會組織事。以避猜忌。加屬各埠有致公堂數十處。域多利爲名義上總部。雲高華爲事實主總部。兩埠發生職權上之糾紛已久。賴馮從中排解。卒能消弭于無形。域埠致公堂後能變產助餉。實以此故。馮於將離加拿大時。始在雲高華域多利等處發起同盟會支部。

與革命無關之洪門團體 除美國及加拿大外。各地洪門團體曾爲革命盡力者。有檀香山墨

西哥澳洲等處之致公堂。澳洲雪梨金山致公堂有機關報曰民國報。提倡革命。頗著勞績。菲律賓亦有致公堂。但與革命黨向無關係。南洋英荷兩屬及越南暹羅緬甸等處之義興會團體。星羅棋布。會員較南北美尤盛。惟以地方政府取締過嚴。遂致全失本來面目。同盟會歷年運動。向以南洋爲大本營。獨不能得義興會之助。故謂南洋洪門團體與革命無關。亦無不可。

第二十章

革命黨與洪門會黨之關係

第二十一章 甲辰馬福益長沙之役

禁止愛國之反感 黃軫與劉揆一 最初之籌備 華興會與同仇會

起事之策略 黨人之出險

禁止愛國之反感 癸卯

光緒二十九年

四月。留日學生爲反抗俄人侵佔東三省事。組織軍國民教

育會于東京。以清政府懦弱無能。甘心賣國。乃派鈕永建湯精二人回國。謁直督袁世凱。請願出師拒俄。留學生願爲前驅。袁不納。且將不利于二代表。鈕等狼狽回日復命。留學生聞之。非常憤慨。前此希望清廷維新變法者。至是多萌革命之想。獨軍國民教育會幹事滿洲人長福湖北人王環芳。竟攜該會會員名冊詣北京向清政府告密。各得厚賞。由是凡列籍該會者。咸慄慄自危。革命思潮遂駸駸乎有一日千里之勢。

黃軫與劉揆一 是時留學界中有湖南善化人黃軫。號近午。後改名興。別字克強。湖北兩

湖書院學生。而梁鼎芬之高足弟子也。少有大志。以官費渡日。在宏文書院肄業速成師範。軍國民教育會成立時。爲會中發起人之一。聞清廷媚俄事敵。義憤填膺。遂聯絡同志回國大舉革命。初與同鄉劉揆一楊篤生徐佛蘇諸人。于甲辰春發起華興會。爲革命機關。湘籍留學

生加入者頗不乏人。其對於革命運動方法。仍取法唐才常林圭。擬專從聯絡哥老會入手。以劉揆一昔年在鄉。曾由哥老會行堂謝壽祺之介紹。獲交于大龍頭馬福益。故力邀劉回湘協同進行。劉衡山人。係宏文書院第二屆速成師範生。畢業後。遂與黃聯袂返國開始活動。

最初之籌備 當唐才常運動哥老會時代。哥老會最有力之大龍頭爲王四脚猪。又號王四爵主。其勢力由兩湖達于鎮江。王死于庚子一役。馬福益襲其位。劉揆一于東渡前曾一度解其危困。故與發生關係。黃劉返湘後。運動益力。同志陳天華章行嚴譚人鳳劉道一蕭望柳繼貞宋教仁胡瑛柳聘儂諸人各分途進行。黃設明德學堂于長沙北門正街。聘直隸人張繼福建人翁鞏江蘇人秦毓鎔爲教員。皆同志也。又設東文講習所于小吳門正街。爲運動總機關。定期每日上午九時諸同志齊到講集所。討論進行方法。劉揆一在醴陵縣充淥江學堂監督。經理各地發難事。楊篤生則駐上海。策應一切。

華興會與同仇會 華興會員先後加盟者四五百人。多屬學界分子。於聯絡秘密會黨。極不便利。黃劉等乃於華興會外。另設同仇會。專爲聯絡會黨機關。仿日本將佐尉軍制。編列各項組織。黃自任大將。兼會長職權。劉揆一任中將。掌理陸軍事務。馬福益任少將。掌理會黨事務。瀏陽普集市于每月某某等日。例開牛馬大會。屆期各鄉村羣以牛馬犬豕各種獸類赴

第二十一章 甲辰馬福益長沙之役

賽。蒞會者凡數萬人。爲湖南全省有名之墟集。與會羣衆秦半隸哥老會籍。故哥老會亦規定是日爲拜盟宣誓之佳節。同仇會卽于同日舉行馬福益之少將授與式。由劉揆一代表會長黃軫。親給馬以長槍二十挺。手槍四十挺。馬四十四匹。並監督宣誓。儀式莊嚴。觀者如堵。自是哥老會員相繼入會者不下十萬人。聲勢在庚子唐才常一役之上。

起事之策略 黃劉馬等之大計劃。預定于甲辰九月清太后萬壽節日。在長沙岳州衡州寶慶常德等處。分五路起事。先期在省城萬壽宮之皇殿下。預藏大炸彈一具。候全省文武官吏屆時到場行禮。卽行燃放。以期一網盡之。然後各路同時發動。一切布置。略已就緒。詎于萬壽節前十餘日。有會黨何少卿郭鶴卿二人以機事不密。在湘潭縣城被縣吏逮捕。其大體計劃亦被探悉。湘潭縣令卽飛報湘撫俞廉三告變。駐湘潭之哥老會行堂有號飛毛腿者。知事已洩。乃走報馬福益。馬時駐湘潭屬之茶園鋪礦場。距縣城五十里。得訊後。卽令飛毛腿馳赴省城。告黃劉使速戒備。省城距茶園鋪一百四十里。飛毛腿于一晝夜間竟能奔馳一百九十里。洵屬名不虛傳。

黨人之出險 黃近午寓明德學堂對門。劉揆一寓保甲局巷彭希民宅。得警後。以各處準備未竣。不得已匿跡他所。以避清吏搜索。未幾湘撫派兵查緝各黨人寓所。全城騷擾。黃乃避

居吉祥巷耶教聖公會。由牧師黃吉廷同志曹亞伯保護出險。劉亦繞道赴漢口。得免于難。馬福益則由湘潭逃往廣西。次年春由桂返湘。欲謀再舉。卒爲湘撫端方所擒殺。留東學界特開追悼大會以紀念之。計是役用費在五萬元以上。概由黃劉二人籌措。二人卽因此舉破家云。

第二十一章

甲辰馬福益長沙之役

第二十二章 甲辰萬福華鎗擊王之春

萬福華略歷 鎗擊王之春情形 黃興等之被逮 審訊與判決

萬福華略歷 萬福華。安徽壽州人也。性豪俠。少慕朱家郭解爲人。慨然有剪除奸佞之志。與同鄉吳春陽交最密。吳爲革命黨之急進者。萬日與遊。故亦醉心革命。居恆惟吳馬首是瞻。甲辰某月隨吳自皖蒞滬。由同鄉薦充某學校教員。是時黃克強劉揆一方自長沙脫險。先後行抵上海。遂與同志陳天華郭人漳張繼徐佛蘇章行嚴蘇鳳初夏時林萬里諸人組織秘密機關于新開路新馬路餘慶里。旅滬各省革命黨員常假該處爲議事所焉。萬因吳春陽之介紹。結識黃劉陳等。知彼等皆革命實行家。極致欽崇。亟欲立功以自見。未幾而有鎗擊王之春之事。

鎗擊王之春情形 桂撫王之春自癸卯年欲借法兵平亂。大受兩廣人士及京官之反對。卽已失職居滬。旋復有勾結俄人侵略東三省之舉動。國內志士聞警。異常悲憤。咸欲得其肉而甘心焉。萬其一人也。以此種國賊不速剪除。國將不國。遂決計行荊軻聶政之事。先向友人假得手鎗一挺。并探悉王住跑馬廳新馬路昌壽里。於是日伏王宅左右。謀伺隙誅之。詎王深居簡出。卽有時外出。亦以侍從頗衆。無從下手。乃于十月十三日冒王友趙某名義。派人持請客

單邀王會飲于四馬路金谷香西菜館。王不之疑。是日午後七句鐘乘馬車應招。至金谷香。即登樓。以主人未到。匆匆下。萬預在梯旁相候。見王下。急舉鎗擊之。同時大罵王之春賣國賊。吾代四萬萬同胞行誅。聲震四鄰。觀者如堵。時一彈掠王頭上過。王並未受創。迨萬再舉鎗時。則已爲王之差弁王清泉所擒。手鎗即被奪去。一時巡捕大集。而萬遂被拘入獄矣。黃興等之被逮 住居餘慶里之同志。聞萬入獄。乃派章行嚴赴西牢慰問。時捕房正多方偵查萬之同黨及居址。因章探問。遂得跟踪至新開路餘慶里。大事搜索。并將寓所居人全數逮捕。押至捕房候審所。計被捕者有黃克強陳天華張繼郭人漳章行嚴徐佛蘇夏時林萬里蘇鳳初朱啓陶等十餘人。獨劉揆一適以事外出得免。郭人漳爲現任道台。所交官紳。多屬政界權要。故郭等被繫未久。即有泰興縣令龍璋向會審公廨保釋。上海道袁海觀亦親訪英總領事要求釋放。故郭等十餘人遂得不問事由全數開釋。就中黃克強一人自長沙蒞滬。未及一月。湘省方縣巨賞緝之。此次被逮。乃用僞名虛報。故中西官吏無有知其爲著名革命黨者。黃及劉揆一陳天華張繼徐佛蘇諸人經此役後。遂皆避地日本。黃劉陳張等先後發起同盟會。徐佛蘇則與君憲派發生關係。日爲新民叢報作文。

審訊與判決 萬福華被捕後。旋在會審公廨開訊。承審員爲清同知黃耀宿及英國副領事德

爲門。律師雷滿代表原告王之春出庭主控。萬之親友亦延愛禮司代爲聲辯。時有王之差弁王清泉出而作證。謂十月十三日晚。王大人因有友邀往金谷香西菜館宴敘。即偕差弁及馬夫同至金谷香樓上十六號房。見祇有一東洋裝束之華人在座。不見主人。因即下樓。其人追至樓下。即將手舉一六門手鎗。向王大人欲擊。幸鎗爲衣袖所絆。彈未放出。差弁即上前擒住萬手。後經馬夫幫同拿獲。喚到華捕。拘入捕房。由捕頭在鎗內取出彈子五枚。當萬舉手欲擊時。口中大呼要打死賣國賊云云。復有華捕聲稱。萬被拘入捕房時。曾問以持鎗作何用。萬言欲擊王之春。因王前在桂撫任內欲借法兵平亂。故擬將伊處死等語。被告律師乃起言原告王之春不肯到堂。殊不合律。原告不到。則證人所言應作無效。原告律師駁之。此案開訊多次。卒由承審員宣告審判終結。隨下判辭曰。萬福華謀殺未成。自應照律懲辦。今當發往西牢監禁十年。並罰作苦工。萬聞之遽大呼曰。我之爲此。實爲國家大局起見。何罪我爲。求仁得仁。我得其所矣。於是昂然隨巡捕而去。萬居獄中。嘗與囚犯數人陰謀越獄不成。傷印度巡捕一名。會審公廨乃更增加監禁期限爲十五年。民國建元後。皖省革命黨員聯名請袁世凱向上海租界當局交涉釋萬。因萬曾越獄傷捕。租界當局引爲口實。久未開釋。後經交涉多次。萬始獲重見天日云。

第二十三章 香港中國報及同盟會

革命報之元祖 鄭貫一與新聞界 陶模與洪全福 兩黨報之筆戰

粵路風潮與禁報 同盟會之組織 黃克強與吳崑 康同壁之涉訟


三民主義之來源 同盟會之活動 丁戊兩年之軍務 天討案與二

辰丸案 民生書報社之發展 南方支部與新軍之役 時事書報之

復活 馮自由之遊美 辛亥一年之活動 革命之三時期

革命報之元祖 香港中國日報爲革命黨機關報之元祖。自己亥^{清光緒二十五年}以迄辛亥。此十三年

中。凡與中會及同盟會所經歷之黨務軍務。皆藉此報爲惟一之喉舌。中間遭遇無數之風潮及重大之阻力。均能獨立不撓。奮鬥不懈。清英二國政府終無如之何。致與中會最初宣傳品。祇有楊州十日記一種。己亥間嘗用中國合衆政府社會名義。頒發傳單分寄美洲及南洋各屬華僑。請其協助革命。此外見諸文字者。殊不多覩。自己乙未廣州一役失敗後。中山久在日本規畫粵事。重圖大舉。知創設宣傳機關之必要。始于己亥秋間派陳少白至香港籌辦黨報。兼爲



中國報前之陳少白

亥庚子間。黨人及日英志士奔走香港惠州日本南洋之間。至爲忙碌。大都由中國報招待供應。嗣惠州義師瓦解。報館之經濟能力亦受影響。殆有不支之勢。其賴以維持不墜者。則同志富商李紀堂之力爲多。

鄭貫一與新聞界 香山人鄭貫一向任橫濱清議報編輯。因與馮自由馮斯樂等創辦開智錄。鼓吹革命。遂爲梁啓超所逐。中山乃函薦鄭於中國報。辛丑光緒二十七年鄭歸自日本。發揮其新穎

一切黨務軍務之進行機關。是年冬。此報遂發刊于香港士丹利街門牌二十七號。即中國日報是也。出版後。陳自任總編輯。楊少歐等輔之。除日刊外。另發行中國旬報。卷末附以諷刺時事之歌謠諧文等類。曰鼓吹錄。其後海內外報章多增設諧部一欄。蓋濫觴于此。是報出版之初。所有經費皆仰給於中山。已

思想於陳舊之文字堆中。極受社會歡迎。實爲粵中報界放一異彩。鄭爲人豪邁不羈。任中國報筆政數月。卽辭職另創世界公益報。繼又棄公益報而另創廣東報。均無所憑藉而以獨力成之。兩報皆鼓吹革命。而投資者皆非革命黨人。特表同情於革命而已。是年中國報移於上環永樂街。中山於十二月初九日由日本乘日輪八幡丸至港。寓報館三樓。旋於十五日赴越南參觀河內博覽會。自乙未廣州一役後。港政府卽有禁止中山五年入境之令。期滿後。中山嘗於庚子年過港。仍禁止登陸。此次到港。雖未受港吏干涉。然雖港未久。港政府又復重申禁令。至辛亥反正始行撤消。

陶模與洪全福 中國報雖發刊於香港。而消場之暢旺。則有賴於廣州。蓋港中商人多缺乏政治思想。於偏重政治之報紙。絕不措意。故中國報出版數年。港人購閱者不滿千數。惟廣州之政學兩界。則已漸趨改革一途。其所持政見多視中國報爲正鵠。而尤以陶模督粵時代爲特盛。陶雅重新學。任吳敬恆鈕永建爲幕僚。其黜陟屬吏。恆以中國報之評判爲標準。故中國報在粵消場。以是時爲最佳。僅督署一處消售至二百餘份。清季督撫在粵政績。以陶爲差強人意。中國報與有力焉。陶去粵數月。卽有黨人洪全福李紀堂謝纘泰梁慕光李植生等謀於壬寅^{光緒二十八年}除夕在廣州發難。是役出資者爲李紀堂一人。中山少白均未預聞。事後廣州翳海


報記者胡顯鶚大放厥辭。痛斥排滿革命爲大逆不道。中國報記者陳詩仲黃世仲乃嚴辭關之。雙方筆戰逾月。於民族主義之闡發。收效非鮮。

兩黨報之筆戰 壬寅夏間。中國報以留日學界之革命思潮異常蓬勃。特聘馮自由爲駐東通信員。故留學界消息。以中國報記載爲最詳。甲辰年清光緒二十八年康有爲命徐勤發刊商報于香港。

大倡保皇扶滿主義。中國報乃向之痛下攻擊。康徒氣爲之懾。是時世界公益報廣東報有所謂報東方報少年報等先後出版。民黨在言論界遂漸佔勢力。惟中國報以維持困難。乃由容星橋介紹與文裕堂印務公司合併。遷于荷理活道。公司設總理三人。以李紀堂陳少白容星橋三人分任之。及乙巳抵制美約事起。廣州香港等處總商會各舉派代表磋商與美商會參訂修約問題。各代表乃公聘何啓陳少白二人爲顧問。遇事輒就報館請益焉。是爲革命黨與商界機關接近之嚆矢。

粵路風潮與禁報 乙巳冬。中國報復由荷理活道遷至上環德輔道。翌年春。粵督岑春萱決將粵漢鐵路收歸官辦。爲粵路股東黎國廉等所反對。遂捕黎繫獄。并禁止粵中各報登載反對言論。於是大股東陳席儒陳賡虞楊西岩等乃在香港組織粵路股東維護路權會。函電各方極力抗爭。中國報及港中各報均力助股東。攻擊岑春萱之違法佔權。異常激烈。岑于薙粵之初。

頗重視中國報。對於行政用人之批評。間有採納。及爲港報反對。遂下令禁止各報入境。中國報在粵之銷場。遂爲之大受打擊焉。雖其後多方設法。有時或可秘密運粵。然直至辛亥年反正以前。終未公然取消禁令。其關於主義上之損失。殊非淺鮮。陳楊等設會爭路數年。爲之謀主者卽爲中國報總理陳少白。粵路經此次風潮後。因官商衝突。爭端不息。路事卒無所成。岑春萱實尸其咎。



同盟會之組織 乙巳七

中國同盟會東京本部成立。中山以庚子後內外黨務久已停頓不振。遂于八月初十日特派馮自由李自重二人至香港。組織香港廣州澳門等處同盟分會。馮自由至港。卽與陳少白等籌備成立。雖與中會員亦須一

第二十三章 香港中國報及同盟會

律填寫誓書。衆舉陳少白爲會長。鄭貫一爲庶務。馮自由爲書記。是年先後加盟者有陳少白李紀堂容星橋鄭貫一李自重李樹芬黃世仲梁擴凡溫少雄盧信廖平庵陳樹人李孟哲李伯海諸人。時李自重與史古愚伍漢持陳典方崔通約等設光漢學校于九龍。提倡軍事教育。屢招港吏干涉。是年冬。中山偕黎仲實謝良牧胡毅生鄧慕韓等赴西貢。舟過香港。假法郵船。約諸同志開會討論黨務。適是時中國報與有所謂報因抵制美約事意見不合。互相攻擊。馮自由調處無效。中山乃約陳少白鄭貫一至法輪。勸令和解。陳鄭從之。未幾鄭死于疫。香港各界人士開追悼會于杏花樓。蒞會者千數百人。鄭之深得人望。可見一斑。

黃克強與吳崑 乙巳十一月。黃克強自日本至港。寓中國報。旋取道赴桂林。易名張守正。號愚臣。時郭人漳方任桂林巡防營統領。黃與彼爲舊盟。故欲說其舉兵反正。郭頗有意。以與陸軍小學監督蔡鏐不睦。慮爲所乘。卒不敢動。黃於蔡亦屬故交。嘗居間調處。令其合作。均不見聽。遂快快歸香港。尋赴新加坡。與中山籌商進行方法。及內午夏間。鄂同志吳崑奉日知會劉家運馮特民命至港。欲訪黃協議鄂省軍事。因黃未返。乃在中國報守候兩月。黃回。以餉項不足。令吳返鄂。傳語各同志靜候。復有同志梅霓仙自桂林來。謂郭人漳部待款而動。請黃接濟。黃亦遣其返桂。囑令聽候時機。

康同壁之涉訟 丙午七月。文裕堂以營業不佳。宣告破產。先是保皇會員葉惠伯代表康有爲之女同壁。在香港法院控中國報以譏謗名譽之罪。要求賠償損失五千元。此案涉訟經年。迄未解決。中國報搜羅康有爲師徒棍騙證據。極爲充足。頗有勝訴之望。惟英律凡被告無能力延律師抗辯。卽等于敗訴。訟費須由被告負擔。故文裕堂如破產。則所附屬之中國報亦須拍賣。以供訟費之需。馮自由以此舉于民黨名譽關係至巨。乃求助于其岳翁李煜堂。得其助力。事前以五千元向文裕堂購取中國報。始得免于拍賣。新股東爲李紀堂李煜堂李亦愚潘子東伍耀廷吳東啓伍于簪麥禮廷諸人。八月中國報遷于上環德輔道三〇一號。馮自由任社長兼總編輯。時中山對于康同壁訟案。主張繼續抗訴。特由南洋匯款三千元于陳少白。使延律師力爭。陳以訟事牽纏。費時失事。不欲再事興訟。故此案結果遂爲無形之失敗。

三民主義之來源 民族民權民生三大主義始見于中山所撰之民報發刊詞。惟從來未有簡稱爲三民主義者。有之自馮自由始。丙午春香港各界人士以陳天華爲反抗日本取締學生規則憤而投海自殺。特開追悼會于杏花樓。馮自由撰聯輓之曰。生平得愛友二人。星台天華殉國。近午克強何之。可嘆吾黨英才又弱一個。靈爽憑健兒五百。公武南洋同志通函向譚稱孫文二字曰公武鳴鐘。自由不死。誓將虜會政府。實踐三民。聯爲陳少白手書。自是三民主義四字遂常見于中國報論說

及代理民報之廣告。海內外各報亦漸有採用之者。惟乙巳冬馮自由有論文曰「民生主義與中國政治革命之前途」文長二萬餘言。其時尙未有三民二字出世也。胡漢民至己酉冬。尙語馮自由。譏三民二字之名詞爲不通。然今日已爲舉世所沿用矣。

同盟會之活動 丙午冬同盟會改選幹事。馮自由當選會長。黨務日漸發達。至丁未年而尤盛。是年爲同盟會在粵桂閩三省最活動時期。由香港派出代理主盟員多名。分赴各府縣收攬黨員。推廣勢力。許雪秋詹承波郭公接等赴潮汕。設通信處于汕頭至安鉄街路公司。鄧子瑜陳佐平溫子純周毅軍等赴惠州。設通信處于歸善水東街廣榮號。姚雨平張伯喬朱執信趙聲等赴廣州。設通信處于制台前張大夫第。張谷山蕭惠長等赴嘉應。設通信處于興甯城興民學堂。黃旭昇何克夫莫偉軍等赴北江。設通信處于連州三江墟兩等小學。劉古香張鉄臣章立權劉培嶽等赴廣西。設通信處于潯州大黃江埠廣亨號及柳州弓箭街富貴陸旅館梧州大南門外文明閣等處。此外赴澳門者爲劉樾杭。赴福建者爲黃乃裳林菊秋。就中尤以姚雨平張谷山之運動附城軍隊。及許雪秋鄧子瑜之運動惠潮會黨。爲成效最著。是時會所尙未設置。一切黨務皆在中國報處理之。及戊申正月改選幹事。馮自由仍任會長。黃世仲庶務。謝心準書記。乃新設會所于皇后大道馬伯良藥肆四樓。河口失敗一役。黨員黎仲實梁恩高德亮麥香泉姚章甫陳

義華關人甫等先後被越南政府遞解至港。均由會所招持一切。計丁戊兩年在香港加盟者。有張靜江黃伯淑倪映典方紫桢謝英伯林伍余丑余通盧岳生李是男李海雲周覺葛謙譚觀嚴國豐等二百餘人。獨張靜江宣誓時。要求減去誓約內當天二字。謂其篤信無政府主義。不信有天。因破格准之。

丁戊兩年之軍務 中山自庚子惠州一役失敗。從辛丑至丙午之六年間。革命軍務殆完全停頓。至同盟會成立。始復著手進行。丙午間。黃克強親入廣西。說郭人漳反正。劉道一孫毓筠楊卓林胡漢等先後赴湘鄂蘇揚各地。有所活動。均無所成。至丁未春。各地同志受萍瀏革命軍之感應。皆躍躍思動。適郭人漳奉粵督命。從桂林調駐廣東羅定。中山克強得馮自由電。認為絕好時機。即偕胡漢民汪精衛日人萱野長知池亨吉等南遊。二月初一日抵香港。克強精衛萱野留港。擬入肇慶。促郭人漳率兵反正。池亨吉則偕留學生方瑞麟方漢成喬義生等赴潮汕。助許雪秋起事。克強居松原旅館數日。張伯喬自廣州來。謂郭又調駐欽州。粵吏探悉克強由日抵港。已備文向港督要求引渡等語。而松原旅館亦忽有粵吏派來偵探窺伺其間。克強以郭已他調。留港無用。乃命胡毅生隨郭赴欽相機行事。自返日本。精衛則移居普慶坊機關部。與劉師復廖平子同寓。於是許雪秋鄧子瑜劉師復王和順諸人先後分赴廣州汕頭歸善欽

州各地極力進行。計丁未一年。許雪秋陳芸生等所經營者。有三月潮州城之役。四月黃岡之役。九月汕尾之役。鄧子瑜所經營者。有五月七女湖之役。王和順所經營者。有八月防城之役。而劉師復則以謀炸李準牽制清軍之故。于五月初一日因製彈失慎。炸去一臂。被逮繫獄。此外大事之可紀者。則有黃岡義師首領余紀成被清吏以強盜罪名控之香港法院一事。此案涉訟七月之久。至戊申正月始獲勝訴出獄。又十月田桐何克夫等自香港攜帶革命軍債券一箱赴越南。在海防被法人扣留。後由中山向越南總督交涉。始獲發還。時克強方計畫在欽州發動。其彈藥多由香港密購。運赴海防供應之。故自香港同盟會成立以來。是年實爲軍事上最活動之時期。及戊申四月河口義師失敗。黨人被逐至新加坡香港者至衆。新加坡河內香港三處機關部收容撫養之不暇。更無餘力爲再整旗鼓之計劃。故河口一役以後。黨中元氣大傷。對內軍務幾于完全停頓焉。

天討案與二辰九案 丁未六月。香港華民政務司以中國報經售民報特刊天討。附有清帝破頭插畫。謂爲煽動暗殺。欲提出控訴。馮自由力抗。卒以沒收所存天討了事。至八月。香港議政局通過禁止報章登載煽惑友邦作亂文字專律。然中國報言論不爲少屈。蓋英人祇禁談排滿革命。若易以民族主義及光復等名詞。非彼等所能了解也。戊申二月。澳門華商柯某租借

日輪二辰九私運軍械圖利。船至澳門海面卸械。被清軍艦捕獲。日葡二政府以清艦越界捕艦。各提出嚴重抗議。卒由粵督向日領謝罪釋船了結。粵中各界以外交失敗。大憤。羣主抵制日貨以懲之。獨中國報力排衆議。謂對於日本可以抵制之理由極多。不當借運械助黨一事爲口實。并詳舉國際公法以相質證。由是輿論漸爲轉移。蓋中國報認軍械能否入境爲革命黨之生死問題。凡有妨礙革命黨進行者。不得不悉力以排除之也。

民生書報社之發展 戊申以前。香港同盟會忙於軍事。不欲在港內大張旗鼓。招收黨員。

以避偵探耳目。自河口失敗。軍事停頓一年有餘。遂得專心黨務。改取開放主義。以廣收同志爲務。至己酉^{唐宣統元年}二月。乃遷會所于德輔道先施公司對門。仍因避免偵伺起見。榜其名

曰民生書報社。黨員日常開會討論進行。不復如前之祕密。在粵分機關。則由高劍父徐忠漢梁煥真潘達微等籌備成立。會務亦頗發達。是年粵港兩地加盟者。有劉一偉黃軒霄關非一陳元英胡津林巴澤憲馬達臣譚民三何劍士陳逸川何輯民陳自覺陸覺生梁藻如莫紀彭劉守初李文甫林直勉梁煥真潘達微羅道膺杜藥漢陳瑞雲朱述唐黃俠毅張志林陳哲梅李以衡馬小進黎德榮廖俠李昌漢陳俊朋李少穆洪承點陳炯明孫武等二千餘人。就中以倪映典所招致新軍兵士居多數。惟無冊籍可考。至十一月書報社以會所過狹。復遷于中環德輔道捷發四樓

第二十三章 香港中國報及同盟會

南方支部與新軍之役 己亥九月。香港同志以各地黨勢日盛。建議于香港分會外。添設南方支部。以擴大組織。遂推舉胡漢民爲支部長。汪精衛書記。林直勉會計。會所設于黃泥涌道。未幾倪映典自廣州來。報告運動新軍成績。約期反正。支部乃電邀黃克強譚人鳳趙聲等來港。共圖大舉。中山亦自美匯款接濟。籌備既竣。而新軍忽因口角小故。與警察鬧事。竟釀大變。倪映典以制止不及。遂臨時舉旗發難。事敗。死之。港同志乃開追悼會于黃泥涌道。以表哀思。是役同志傷亡頗衆。犧牲至巨。敗後七八月始復從事軍事上之活動。此一年中。各省同志來往香港者。陸續不絕。洪承點于安慶失敗後逃港。寓書報社。孫武自鄂赴汕頭。有所經營。過港時。馮自由宴之于陶陶仙館。始加盟于同盟會。河南人程克在日本謀殺滿清偵探。王金發在上海手誅勾結清吏陷害同志之變節黨員汪公權。均避匿至港。同寓灣仔東海旁機關部。

時事畫報之復活 廣州時事畫報爲鼓吹民族主義雜誌之一。創于乙巳年。出版一年而停刊。己酉秋間。謝英伯潘達微等以林直勉之助。重組該報于香港。林東莞人。與莫紀彭李文甫等。于己酉三四月入黨。因與其叔父爭產興訟。卽以所得資助時事畫報復活。并于中國日報股金及南方支部開辦費。均有所資助。時事畫報刊至十餘號而止。

馮自由之遊美 中國報自丙午以後。純屬商人資本。從未受黨部津貼。而于同志之接待供應。尤形繁劇。大有竭蹶之勢。馮自由乃遷報館于荷理活道二百三十一號。以圖節省。繼以支持不易。于庚戌春提出辭職。旋改就北美雲高華埠大漢日報之聘。自後中國報遂由南方支部以公款接辦。另派李以衡爲司理。香港分會亦改選謝英伯爲會長。馮于離港前。始將歷年所藏入黨盟書千數百紙繳存南方支部。然已破裂不全。蓋馮爲避免港探搜查。密將各盟書藏于睡枕之內。枕爲綠豆壳製。幾經摩擦。遂成片段。此項盟書于辛亥反正後尙存貯廣東國民黨支部。至民二八月龍濟光入粵。始付一炬。今馮自由尙有副本存也。又馮于丁戊二年料理軍務收支賬目。計收入四萬八千六百九十二元一角七分。支出四萬九千二百三十四元六角九分。除付查野軍械費旅費一萬二千元。許雪秋兩次起事費約七千元。余紀成案訟費約六千元。余紹卿起事費一千五百元。黃耀廷起事費一千二百元。鄧子瑜起事費三千一百元。曾儀興等起事費六百元。鄧蔭南五百元。電匯黃克強一千元。匯宮崎寅藏三百元。池亨吉取九百五十元。電匯中山四千三百元。代購運赴海防毛瑟鎗彈及製彈機九百五十元。等項之外。其餘皆屬諸同志舟車旅館租金給養撫恤郵電購物各種費用之需。比對收支兩項。不足五百四十二元五角二分。係由中國報墊付。此項總賬細目。亦于馮離港前列表向中山呈報。

辛亥一年之活動 庚戌新軍一役敗後。黃克強趙百先等頗形懷喪。南方軍務停頓者幾及一年。黃趙同赴南洋。擬棄粵而圖滇。中山及謝逸橋良牧兄弟乃約黃趙會于檳榔嶼。決議再集巨款經營粵事。黃趙乃先後返香港。重圖大舉。即辛亥三月廿九之役是也。是役耗款十七八萬元。革命軍統籌部迭接華僑匯款。異常活動。海外各埠及內地各省同志來港效力者。絡繹于道。港中設招待機關數十處。投效人數之充斥。及運械事件之忙迫。自有革命史以來所未有也。及義師失敗。人心振奮。香港居民心理對于革命黨向不重視。至是亦爲大義所感。同情于革命黨者。比比皆是。而中國報銷場亦大爲增加。時保皇黨之商報復乘機排斥革命。鼓吹立憲。中國報乃根據法理事實嚴詞闢之。文多出朱執信手筆。是年五月。盧信歸自檀島。南方支部以管理報務諸形棘手。乃委中國報于盧。令集資接辦。及九月廣州光復。盧始移報館于廣州。

革命之三時期 按香港革命黨及中國報之歷史。可類別爲三時期。從己亥至乙巳之七年。與中會及中國報事務由陳少白主持之。是爲第一期。在此期間。中國報經費多由李紀堂擔任。從丙午至己酉之四年。同盟會及中國報事務由馮自由主持之。是爲第二期。中國報經費則多由李煜堂補充。從庚戌至辛亥之二年。爲第三期。時同盟會已分爲南方支部及香港分會之

機關。支部專理軍務。由黃克強趙百先胡漢民管理。分會專辦地方黨務。由謝英伯主任。中國報則自馮自由退後。卽由南方支部以公款維持。然仍有賴于李煜堂之贊助也。至辛亥五月。復由盧信向同志商人措資接辦。九月移于廣州。及癸卯八月。陳炯明以粵省獨立失敗。中國報遂被龍濟光封禁出版。

第二十三章

香港中國報及同盟會

第二十四章 歐洲同盟會

湖北學界與留歐學生 留歐學生與孫中山 北京革命團體之組織

德法二國之革命團體 中山之外交活動 王發科等之叛盟 新

革命團體與公民黨 新世紀與無政府黨

湖北學界與留歐學生 吾國留歐學生以鄂籍佔大多數。蓋湖北興學最早。學生多富于感情衝動性。第一批留日學生戡翼輩傅良弼吳祿貞劉成禺等首先主張革命。又值三十三年落花夢新民叢報（壬寅以前）中國魂諸書暢銷內地。一時學者靡然從風。會俄人逼改新約。留東學生藍天蔚等有拒俄義勇隊之組織。武昌學界大憤。乘機集會於曾公祠。爲極激烈之演說。武漢人心大震。尋爲當道禁阻。然自是湖北學生界遂暗中成一革命團體矣。其中堅分子爲李書城時功玖賀之才胡秉柯朱和中孔庚史青曹亞伯魏宸組耿觀文馮特民時功璧陳同如諸人。李書城祕密聯絡軍隊。孔庚密爲代派新民叢報。曹亞伯藉教會爲護符。以日知會爲宣傳機關。時鄒容以革命軍案被錮西獄。賀之才乃間道赴上海。密攜革命軍數百冊回鄂。散布鼓吹。幾罹不測。鄂當道以學界趨向革命。時思有以遠之。乃於癸卯冬擇其中好事者數十人。遣派東西

洋留學。於是朱和中等被派赴德。賀之才史青魏宸組胡秉柯等被派赴比。未幾李書城耿觀文時功玖孔庚等亦被派赴日。計湖北學生先後被派赴德法比各國者百數十人。留歐學生十九屬鄂籍者以此。

留歐學生與孫中山賀之才等赴歐前。適劉成禺自日本至上海取遊美護照。語賀等曰。中山方由美赴英。兄等此行。可與之會晤。共商大計。因作函爲賀史胡魏四人介紹。賀等抵比後。被清使楊某禁之一室。如待小學生然。抗爭數月。始獲自由。因以劉之介紹函寄倫敦荷蘭公園英人摩根家。約中山來歐。時中山尚未離美。賀等數月後始得覆音。云正欲赴比一游。惟缺少川資云云。而劉成禺亦有函賀等。告以中山困狀。囑爲設法。賀等乃召集同學釀資援助。是時比國留學生不過三十餘人。德國二十餘人。法國二十餘人。於是盡力湊集。比國得四千餘佛郎。德國得二千餘馬克。法國得千餘佛郎。即由賀電匯中山。并電邀朱和中赴比。中山得款。遂兼程渡歐。賀之才與胡秉柯並親至比國東海岸之哦斯丹埠相迎。

比京革命團體之組織 中山既至比京。寓史青家中。與賀魏朱胡等暢談數日夜。所言皆革命進行方略及建設事業。朱和中以向新軍運動爲入手之方。并歷述吳祿貞等歷年在鄂運動之成績。中山則以改良會黨爲入手之方。并列舉事實爲證。辯論多次。雙方漸接近。認爲有雙

第二十四章 歐洲同盟會

管齊下之必要。賀等旋又介紹喻毓西孔慶叡陳寬沆劉蔭蕘李藩昌李仁炳胡錚王治輝程光鑫等相見。彼此極爲融洽。中山因提議組織革命團體。衆皆贊同。惟朱和中對於中山所擬誓約稿之天運紀年。魏宸組對於當天發誓一層。略有詰辯。中山多方解釋。認宣誓手續爲非常重要。衆始無異議。遂次第親書筆據。其文曰。

具願書人○○○當天發誓驅除韃虜恢復中華創立民國平均地權矢信矢忠有始有卒倘有食

言任衆處罰

天運 年 月 日

某某押（指印）

主盟人孫文

誓畢。中山乃與在場十餘人一一握手。欣然道喜曰。爲君道喜。君已非清朝人矣。同時中山

亦親書同式誓文一紙交賀等收執。

按此紙至今尚存史書處

並授與同盟晤面時各種祕密手式口號。如問君從

何處來。答從南方來。問向何處去。答向北方去。問貴友爲誰。答陸皓東史堅如二人云云。

是時會名尙未確定。但通稱革命黨三字。直至乙巳年冬。得東京同盟會本部來函。謂已確定會名爲中國同盟會。於是德法比三處始一律通用同盟會名號。

德法二國之革命團體 中山旋偕朱和中赴德國。由朱介紹入黨者。有劉家佺陳匡時周澤春

馬德潤王發科王相楚諸人。

一說謂德潤始終不肯發誓立據

由德返英。入黨者僅有孫鴻哲一人。轉道赴法。由

陳寬沅先期介紹唐豸。復由唐介紹湯薌銘向國華等加盟。由是德法二京均有革命團體之繼起。而黨人之氣勢爲之一振。

中山之外交活動 中山在巴黎時。欲與法國軍政當局有所接洽。以旅囊空空。不得已再求助於留歐同志。於是各黨員乃再發起籌款。供中山國際酬酢之需。計巴黎得千餘佛郎。柏林千餘馬克。比京二千餘佛郎。於是中山始得專心辦理外交。尤以對法國參謀部之交涉爲最得手。丙午年法國參謀部嘗派武官多人。偕中國革命黨員視察各省。欲對中國革命有所協助。卽中山是時駐法交際之力也。

王發科等之叛盟 中山以留歐革命團體已告成立。而駐日同志頻函促歸。遂擬由巴黎取道日本。行有日矣。會新任安南總督韜美Doutre與中山有舊。素贊助中國革命。中山因與法國殖民大臣有所接洽。尙未得要領。乃暫寓利倭尼街之瓦克拉旅館。坐待好音。一日外出歸寓。忽發覺被盜。其貯藏物事之小革囊被刀割一大洞。所有黨員入會誓書及與安南有關之重要文件均被竊去。中山大驚。急電比京告賀等以狀。賀等乃公推胡秉柯赴法。謀善後策。始查悉爲留德學生王發科王相楚等所爲。發科爲人最怕事。而又最好名。因是時學生風氣以加入

第二十四章 歐洲同盟會

革命黨爲榮。故亦毅然隨衆受盟。既入黨。又恐將來不能歸國。出仕清朝。因是萬分懷悔。時思設計擺脫。適是時相楚與同省人周澤春不睦。互以匿名函相攻擊。輒以盟事爲題。因問計於發科。發科素懼禍。乃與相楚陳康時同謀叛盟。遂相偕赴法。巧言說唐豸。唐不爲動。繼乃與湯薌銘向國華合謀訪中山。其本意擬向中山哀求發還誓書。值中山外出不遇。而見其惟一小革囊在焉。遂萌祛篋之念。以小刀割之。盡攫所有急攜赴清使孫寶琦處。叩頭哭訴。備言悔狀。寶琦不欲遽興大獄。命吳宗濂及二王將各盟書發還本人。或云寶琦之所以不加追究者。蓋張人傑夏循垵二人進言之力。夏與寶琦爲戚屬。而張則方爲使署商務隨員也。時寶琦且斥發科等曰。爾等加入革命黨。是叛清朝也。又來首告。是又叛革命黨也。且陷害同學。人格何在。良心何存。隨令侍役將二王逐出。寶琦於查察此項文件時。發現中山與法政府交涉關於安南之重要函牘。大爲驚異。遂急赴法外部破壞其事。并據以入奏。清廷以寶琦爲能。而慶王且與聯姻焉。是則二王之盜案。固大有造於寶琦也。事後中山語賀胡等。謂被竊後惶急之狀。爲倫敦使署被困以來所未有。一則數十同志之生命攸關。二則恐因此遂失却聯絡知識階級之機會。三則安南事件爲所破壞。深爲可惜云云。方二王盜得盟書以歸柏林。轉以迫挾朱和中諸人。時朱已得法比二國學生報告。正開會討論。而二王突至。朱乃暗令衆人

歸功於二人。而轉爲二王危。謂上不得信用於清朝。下又結怨於革命黨。將來必難免禍。二王大懼。轉問計焉。朱乃令交出盟書。而願以一身代爲負責。二王從之。乃共繕一函致中山。譏罪於朱一人。以不知中山住所。仍挽朱代表。朱火之。陰結未叛之同志補寫誓約。此事始告終結。其後王相楚陳康時二人回國後。卽已匿跡銷聲。惟發科後更名王翥。在四川某軍爲將官云。

新革命團體與公民黨 當盟書被竊之消息傳至北京。賀之才史青等急召集同志。提議重書誓文事。與會者一致贊同。惟此後選擇黨員。異常鄭重。品行有虧及信仰不堅者。概從淘汰。計在北京重具願書者。初僅有史青賀之才魏宸組胡秉柯喻毓西劉蔭蓊李藩昌李仁炳程光鑫陳寬沅十人。在法者僅有唐豸一人。在德之朱和中周澤春錢匯春三人。於事後特至比國。與賀史等協商重組團體。遂亦加入。改組既定。衆以中山東歸在即。遂三次籌款爲中山旅費之需。其後規定革命工作數事。一黨員每月各捐其學費十分之二。存儲生息。以備革命之用。中山以後復渡歐二次。卽賴此款爲供給。二每月聚會二次。研究革命方法及建設事業。三設編譯部。專司報紙上之宣傳。使外人漸明瞭中國革命之宗旨。及中山抵日。同盟會東京本部宣告成立。賀之才史青等鑒於王發科事件。乃於同盟會外。更另發起一公民黨。爲同盟會之

第二十四章 歐洲同盟會

過渡機關。其宗旨爲驅除韃虜恢復中華創立民國三項。而平均地權不與焉。此黨專爲訓練及聯絡同學中之有志者。以爲加入同盟會之預備。公民黨之中堅分子。爲王鴻猷高魯石瑛黃大偉石鴻翥諸人。其餘黨員則湖北四川籍之學生佔多數。厥後王鴻猷石瑛黃大偉楊循祖卽均由公民黨而轉入同盟會者。

新世紀與無政府黨 丙午丁未間留法學生李石曾褚民誼及留英學生吳敬恆等有新世紀報之發刊。專提倡廢政府廢宗教廢家庭之學說。爲近代吾國人提倡無政府主義之鼻祖。奇談快論。震動一世。而此報經濟上之惟一供給者。則巴黎清使館商務隨員張人傑也。張與李褚吳等均無政府主義信徒。李褚吳三人在歐入同盟會。張則至丙午秋間。始在香港加入。張於乙巳年嘗隨孫寶琦參觀比國烈日城大博覽會。逢人必談革命。駐比黨員以其供職使署。頗有疑之者。丙午冬間。中山時方從南洋至東京。以經濟困乏。與黃克強等束手無策。一日語克強曰。吾昔在巴黎邂逅一張姓友人。其人乃供職清使館。而兼營古董業者。嘗謂尙余至急需款時。可隨時致彼一電。彼當悉力以應。今姑發電一試。克強聞爲使館人員。頗滋疑慮。然中山去電不過數日。而日金約九千元之匯款卽由巴黎電來（似是三萬佛郎）。一時東京本部爲之頓呈活氣。是卽張人傑第一次助餉革命之歷史也。新世紀報內附設華文印刷所。出版品有世界

大事世界六十名人鳴不平夜未央新世紀叢書等等。均屬開發民智提倡人道之作。六十名人之印刷。尤極精美。滬上至今無此佳品也。

第二十四章

歐洲同盟會

第二十五章 中國同盟會及民報

同盟會之成立 富士見樓之歡迎會 阪本邸之成立會 馮自中赴香港之任務 戊戌庚子紀念會 中山南遊之旅費 民報與取締學生規則 章太炎之歡迎會 民報一週紀念會 國旗方式之討論 清吏對學界之辣手 革命書報之紛起 中山離日之黨潮 政聞社開幕之武劇 變節黨員之末路 民報封禁與復版 中山到日之被拒

同盟會之成立 中國同盟會始創於歐洲德法比三國。而正式成立。則在日本東京。其時爲乙巳年清光緒三十一年七月。正當留學界革命思潮最蓬勃時代。是年秋間。中山自歐洲歸抵橫濱。各省學生從東京來訪者。不絕于途。黃興陳天華馮自由張繼宋教仁宮崎寅藏等更日夕往還。籌策國事。僉以爲非聯合各省革命黨員組織一大團體。決不足以推翻滿清。各省學生之有志者皆贊成之。由各省學生之熱心者轉相號召。遂於七月某日假東京赤阪區虎之門黑龍會爲會

場。召集各省同志開一籌備會。討論進行方法。是日蒞會者有中山及黃興張繼陳天華馮自由梁慕光吳春陽程家槐黎勇錫胡毅生朱少穆但燾時功玖田桐曹亞伯馬君武董修武鄧家彥張我華何天炯康寶忠謝良牧劉道一蔣尊簋張伯喬汪兆銘朱大符古應芬金章杜之秋姚粟若宮崎寅藏內田良平等五十餘人。除甘肅一省外。餘十七省人皆有到者。首由中山說明開會理由。并提議定名為中國革命同盟會。因本會為祕密組織。恐為實行之阻礙。卒以討論結果。簡稱中國同盟會。時有主張對滿同盟會者。中山謂革命黨宗旨不專在排滿。當與廢除專制創造共和並行不悖。衆贊成。次提議以驅除鞑虜恢復中華創立民國平均地權十六字為誓辭。某某數人於平均地權有疑義。要求取消。中山乃起而詳細解釋。卒以大多數通過。次由黃興提議。請贊成者書立誓約。於是會衆由中山執行舉手宣誓式。盟誓原文如左。

聯盟人 省 府 縣人口口口當

天發誓驅除鞑虜恢復中華創立民國平均地權矢信矢忠有始有卒如或渝此任衆處罰

天運乙巳年七月 日

中國同盟會會員口口口

宣誓之外。中山並授以祕密口號「漢人」「中國物」「天下事」三事。隨與各會員一一行新

第二十五章 中國同盟會及民報

握手禮。繼復由衆公議各會員盟書於幹事部未成立前。暫付托中山保管。而中山盟書則衆推黃興保管。將散會時。室之後部以會場人衆。坐席卒然坍倒。中山謂此乃顛覆滿清之兆。衆大鼓掌歡呼。繼以會已成立。當有憲章。乃推舉馬君武汪兆銘陳天華等爲會章起草員。約於下次開會時提出。此同盟會成立第一日情形也。

富士見樓之歡迎會 是年七月十三日 陽曆八月十三 留學界開大會歡迎中山於麴町區富士見樓。蒞會者千三百人。座無隙地。後至者多不得入。中山演說詞詳載民報第一號。留學界公然開大會歡迎革命黨魁。此爲第一次。

阪本邸之成立會 同盟會復假赤阪區霞關子爵阪本金彌邸開第二次成立會。會場與清公使館密邇。會員多有誤投使館者。是日通過會章後。投票選舉中山爲總理。黃興爲庶務。陳天華爲書記。宋教仁程家棟等爲交際。謝良牧爲會計。鄧家彥爲執法部長。馮自由汪兆銘等爲評議員。曹亞伯胡毅生等爲各省主盟員。復提議發刊黨報事。宋教仁以所辦二十世紀之支那雜誌適被日政府禁止出版。願改爲黨報。衆贊成。議定每會員須捐助出版費五元。卽民報是也。

馮自由赴香港之任務 八月十日。中山以廣東爲革命策源地。特派馮自由李自重二人赴香

港組織香港澳門廣州等處同盟會分部。以擴張革命勢力。并令馮主持香港中國日報編輯事務。是爲同盟會派員回國之始。時李自重方任香港九龍光漢學校兵式體操教員。馮受任。卽於是月搭蒙古輪赴港。其委任狀原文如左。

中國革命同盟會總理孫文特委托本會會員馮君自由李君自重二人在香港粵城澳門等地聯合同志二君熱心愛國誠實待人足堪本會委托之任凡有志入盟者可由二君主盟收接特此通知仰祈察照是荷

中國革命同盟會總理孫文押印

天運歲乙巳年八月十日發

戊戌庚子紀念會 九日八日。留學界一部開戊戌庚子死事諸人紀念會。粵人到者僅胡衍鴻等數人。胡演說歷述康有爲欺騙譚嗣同唐才常及華僑之歷史。如數家珍。發言一小時半之久。聽者大爲感動。一闕而散。演說詞載民報第一號。

中山南游之旅費 是年冬。中山以赴南洋運動需款。乃向學界籌措旅費三千元。由何斌兄弟謝良牧朱少穆數人捐助足數。遂偕謝良牧胡毅生黎勇錫鄧慕韓四人乘法輪赴越南。未幾黃克強亦赴香港

第二十五章 中國同盟會及民報

民報與取締學生規則 民報第一號於是年十月廿一日

陽歷十一月念六日

在東京牛込區新小川町二丁

目八番地出版。先後充編輯者爲陳天華汪精衛胡漢民朱大符章太炎但懋汪東黃侃湯增璧劉光漢諸人。出版未一月。值日本文部省頒佈取締留學生規則。留學界大爲憤激。陳天華於十一月十三日憤投大森海灣自殺。於是同盟會員對於此事分爲兩派。一派主張全體歸國。另在上海辦學。以洗日人取締之恥辱。易本義秋瑾田桐胡瑛等主之。一派主張求學宜忍辱負重。不可輕率廢學歸國。汪精衛胡漢民朱大符等主之。兩派互相駁論。如臨大敵。秋瑾易本義等以是歸國。結果卒爲後說所勝。民報因學潮延期一月。第二號至十二月廿五日

陽歷一九〇六年一月念二日始繼續出版。

章太炎之歡迎會

章炳麟因蘇報案被判監禁三年。

光緒三十二年

六月廿九日期滿出獄。

同盟會預派龔練白時功玖等到上海歡迎赴日。七月十五日留學界在神田錦輝館開會歡迎。到者二千餘人。民報自第六號起。改推章擔任編輯。

民報一週紀念會

民報於丙午年十月十二日

陽歷十二月二日

在錦輝館開一週紀念會。到者六千人

。爲留學界空前之盛會。黃克強主席。章太炎讀祝詞。其辭曰。

我漢族昆弟所作民報。倣載至今。適盈一歲。以皇祖軒轅之靈。洋溢八表。方行無闕。

自茲以後。惟不懈益厲。爲民斗杓。以起征胡之饒吹。流大漢之天聲。白日有滅。星球有盡。種族神靈。遠大無極。敢昭告於爾丕顯皇祖軒轅烈祖金天高陽高辛陶唐有虞夏商周秦漢新魏晉宋齊梁陳隋唐梁周宋明延平太平之明王聖帝。相我子孫。宣揚國光。昭徹民聽。俾我四百兆昆弟同心戮力。以底虜酋愛親覺羅氏之命。掃除腥羶。建立民國。家給人壽。四裔來享。嗚呼。發揚蹈厲之音作。而民興起。我先皇亦永有依歸。

民報萬歲

漢族萬歲

中華民國萬歲

祝詞莊肅悲壯。人人感動。於是中山太炎宮崎寅藏平山周萱野長知田桐喬義生覃振劉揆一等二十餘人次第演說。從晨八時至午後二時。衆無倦容。散會時。各餽民報紀念特刊「天討」券一枚。是日中山演說詞始談民生主義及五權憲法。梁啓超因此在新民叢報對民生主義大加非難。民報與之筆戰經年。至十九號而止。

國旗方式之討論 丙午冬。同盟會本部討論中華民國國旗方式問題。中山主張沿用興中會之青天白日旗。謂乃陸皓東所發明。興中會諸先烈爲此旗流血。不可不留作紀念。各黨員亦

提出他種方式。有提議用井字式。以表示井田之義者。有提議用金瓜斧鉞式。以發揚漢族之精神者。有提議用十八星式。以代表十八行省者。有提議用五色式。以順中國歷史上之習慣者。黃克強對於青天白日頗有疑義。謂形式不美。且與日本旭旗相近。中山爭之甚力。且增加紅色於上。改作紅藍白三色。以符世界上自由平等博愛之真義。仍因意見紛歧。迄未解決。後經章太炎劉揆一設法調解。暫擱其議。於是各種方式仍存庶務劉揆一處。作為懸案。然自潮惠欽廉諸役舉義以來。事實上皆用青天白日滿地紅之三色旗為革命標幟。克強於欽廉鎮南關河口廣州諸役均為主帥。從無反對之表示。故在革命歷史上。青天白日旗之為中華民國國徽。已成確定不易。及辛亥革命。共進會在鄂用十八星旗。陳炯明在惠州用井字旗。宋教仁陳其美在甯滬用五色旗。皆不出同盟會舊存諸方式之一種。蓋同盟會討論旗式時。各省代表均一律列席。後以懸案未決。遂於辛亥光復之際。逞奇立異。各樹一幟。如井字旗本為廖仲凱所提議。陳炯明與廖仲凱同屬惠州。後有所聞。乃於惠州發難時改懸井旗。即其一例也。著者按現時坊間書報所載青天白日旗之歷史一節。即著者辛亥年在美國舊金山大同日報舊作。可供參攷。

清吏對學界之辣手 同年十二月。清江督端方因萍鄉瀏陽等處有日本留學生從中主持。特

僱用留學生多人在東京偵探革命黨舉動。駐日清使楊樞亦派員二十名分往各學校偵察學生之高談革命者。故丁未清光緒三十三年正月間。早稻田大學斥退中國學生十九人。中央大學斥退二十人。徇楊樞請也。

革命書報之紛起 丙午丁未戊申清光緒三十三年

四十六年

三年間。留學界革命書報隨民報而興者。有田

桐雷鐵崖高天梅等之復報。寧調元等之洞庭波。董修武李肇甫等之鵲聲。呂天民楊秋帆等之雲南。景定成谷思慎劉樸忱等之漢幟。夏重民等之日華新報。但蠹等之漢風。程克等之河南。盧信黃增者之大江報。劉光漢何殷振等之天義報等等。此外關於革命排滿之出版物。無慮百數十種。就中天義報爲提倡極端社會主義之機關。吾國雜誌之鼓吹社會主義者。以該報爲濫觴。

中山離日之黨潮 丁未正月二十日。日政府徇清公使楊樞之求。令中山出境。同時饋中山

以贖儀數千元。東京股票買賣商鈴木久五郎聞之。亦慨然贈送一萬元。

按鈴木後任衆議院議員現已破產

中山遂

赴南洋籌畫惠潮軍事。瀕行留給民報維持費二千元。同盟會會員章太炎張繼宋教仁譚人鳳白逾桓日人平山周等。對於中山受日人贖金事。大起非議。及潮惠欽廉軍事相繼失利。反對者日衆。章等復有革除中山總理之提案。獨庶務幹事劉揆一力排衆議。嘗因此事與張繼互相毆

打。其後劉光漢復提議改組本部案。日本社會黨員北輝次郎和田三郎等主張尤力。故光漢等會極力援引北輝和田二人充任同盟會幹事。亦以劉揆一反對而止。同盟會本部事例。總理外出時。向由庶務幹事代行職權。故



陳 天 華

中山初次離日。黃克強代之。克強離日。張繼代之。張離日。朱炳麟孫毓筠劉揆一先後代之。時劉以黨內糾紛日甚。乃移函馮自由胡漢民。請勸告中山。使向東京本部引咎謝罪。以平衆憤。且引萬方有罪罪在一人之古語爲譬。馮胡亦然其議。詎中山復書謂黨內糾紛。惟事實足以解決。無引咎之理由可言。未幾鎮南關河口相繼發難。東京黨員紛紛歸國。反對之聲始漸沈寂。

政聞社開幕之武劇

丁未六月初八日

陽曆七月十七日

立憲黨人梁啓超蔣智由楊度陳景仁等開政聞

社成立大會於錦輝館。革命黨員張繼金剛陶成章夏重民等號召同志多人。謀到場破壞其事。是日會衆約千二百人。政聞社員約百人。中立派約百人。革命黨員逾千人。大有反客爲主之勢。日本名士犬養毅等十餘人亦被邀赴會。蔣智由先知有變不至。梁啓超預僱日本力士保護。登臺演說。一語未畢。張繼厲聲斥之曰。馬鹿馬鹿。於是金剛陶成章夏重民馬伯援等四百餘人齊聲喝打。嗾擁向前。梁啓超跳自樓曲旋轉而墮。或以木屐擲之。中頗。張繼金剛等遂跳上演壇。衆大歡呼。政聞社員皆去赤帶徽章以自明。陸續引去。張繼於是大演說革命。場中形勢一變。鼓掌而散。自是政聞社員紛紛回國請願立憲。康有爲梁啓超亦假此名義向海外華僑募款。至戊申六月廿七日。清政府竟下令將政聞社員法部主事陳景仁革職看管。七月復諭各省督撫將政聞社員一律嚴加緝捕。毋任漏網。

變節黨員之末路 戊申已酉間。安徽黨員程家樞受清肅王善耆鐵良等運動。欲以三萬金收買革命黨員若干。使供清廷之用。程告劉揆一。謂不妨受金。而勿爲所用。革命黨得此巨資。大有所利於軍事進行。劉以不飲盜泉拒之。程自是爲同志所厭棄。竟赴北京向善耆討生活。同時劉光漢何殷振夫婦及汪公權三人亦受端方厚賄。相率叛黨而降清。汪於戊申冬返上海。充清吏偵探。陷害同志張恭陳陶怡。大動長江沿岸黨員公憤。卒爲同志俠客王金發所戮。又

第二十五章 中國同盟會及民報

有安徽黨員孫祝丹。因于戊申間有陷害熊承基之嫌疑。被江蘇人方潛等暗殺於東京。剖割其屍體。投之於河。日警無知之者。

民報封禁與復版 民報出版至第二十四號時。適清政府派唐紹儀爲中美聯盟專使。唐過日本。遭民報攻擊。清使館乃向日政府交涉。以封禁民報爲請。日本慮中美同盟之成。足以妨害已國權利也。竟從清吏所求以媚之。時黃克強方由南洋至日未久。與章太炎宋教仁謀。擬將民報遷往美國出版。黃章宋三人 赴美護照已由美人宣教師某設法取得。旋因有他項計畫。終不果行。民報停刊後二年。汪精衛於己酉清宣統元年十二月廿二日陽歷二月一日以法國巴黎濮侶街

四號總發行所名義繼續出版。實則仍在日本印刷。僅出兩期。至第二十六號而止。

中山到日之被拒 庚戌春間。中山自美至日。爲清代理公使吳振麟所知。因請日政府拒絕中山入境。故中山到東數日。日政府即下逐客令。中山不得已仍赴南洋。

第二十六章 乙巳吳樾謀炸清五臣

革命潮與僞立憲 實行前之著作 清五臣之炸傷 汪斡之被逮

革命潮與僞立憲 清季革命潮流。汎濫各省。滿清政府鑒於內憂外患。亟思所以消弭之法

。駐法公使孫寶琦首以立憲爲請。

各督撫中亦有主張者。諸王公大臣

略爲所動。乃於乙巳清光緒三十一年六月

吳。命鎮國公載澤戶部侍郎戴鴻慈兵

部侍郎徐世昌湖南巡撫端方分赴東

西洋各國。攷察憲政。藉以掩飾中

外耳目。收攬人心。詔旣下。立憲

黨人謂此爲實行立憲之先聲。莫不

額手稱慶。歌頌聖明。康有爲且令



樾

保皇會易名帝國憲政會焉。

第二十六章

乙巳吳樾謀炸清五臣

第二十六章 乙巳吳樾謀炸清五臣

誅奸之決心 安徽人吳樾。號孟俠。銅城名家子。少有救世之志。及長。遍讀革命排滿書籍。乃醉心民族主義。極慕孫逸仙章太炎爲人。思欲結交而未得門徑。癸卯歲。萬福華狙擊王之春於上海。吳聞之精神勃發。謂對付賣國賊。自當用暗殺手段。但製倣賣國賊者爲滿洲政府。擒賊擒王。不可不殲厥渠魁。以警餘衆。王之春特一小卒。無狙擊之價值。如此大才小用。未免可惜云云。未幾清戶部侍郎鐵良南下。搜括民財。急於星火。東南各省元氣大損。怨聲載道。有志士王漢謀狙擊之於順德府。願以警衛森嚴。無從下手。憤而自殺。吳聞訊。益爲痛恨。慨然以後起自任。正在籌備間。而清廷忽有派遣五大臣出洋考察憲政之報。吳恐立憲告成。益不利于漢族。乃決以炸鐵良之計畫。轉而施諸考察憲政之五大臣。初從日本購得短槍。繼念短槍之効力不大。殊不足以盡殲載澤諸人。遂從友人學習製造炸彈及配置炸藥方法。學成後。卽束裝北上。伺機而動。

實行前之著作 吳既立志行炸滿奴。乃以所抱志願詳告其未婚妻。有願子爲羅蘭夫人。及欲子他年與吾並立銅像之語。復于北上時。以其所見筆之于書。題曰暗殺時代。文長萬餘言。詳見民報特刊天討號。又於行事前十日。先後郵寄兩書於其未婚妻。其後書發揮反對滿洲立憲之意見。尤爲透闢。茲錄其遺著原序如下。

予生八年卽失母。惟二兄撫養之。數年兄亡。予父棄官爲賈。至是迫於家計。不得安居。復奔走風塵間。集所得以爲予弟兄教養之用。予年十三。遂募科名。歲歲疲於童試。年二十。始不復以八股爲事。日惟誦古文辭。有勸予應試者。輒拒之。年二十三。自念親老家貧。里處終無所事。乃飄然遊吳。不遇。遂北上。斯時所與交遊者。非官卽幕。自不免怵怵然動功名之念矣。逾年因同鄉某君之勸。考入學堂肄業。於是得出身派教習之思想。時往來於胸中。豈復知朝廷爲異族。而此身日在奴隸叢中耶。又逾年秋。友人某君授予以革命軍一書。三讀不置。適是時奉天被佔。各報傳驚。至時而知國家危亡之在邇。舉昔卑污之思想一變而新之。然於朝廷之爲異族與否。仍不在意中也。逾時某君又假予以清議報。閱未終編。而作者之主義卽化爲我之主義矣。日日言立憲。日日望立憲。向人則曰西后之誤國。今皇之聖明。人有非康梁者。則排斥之。卽自問亦信梁氏之說之登我於彼岸也。又逾時。得閱中國白話報警鐘報自由血孫逸仙新廣東新湖南廣長舌攘書警世鐘近世中國祕史黃帝魂等書。於是思想又一變。而主義隨之。乃知前次梁氏之說幾誤我矣。夫梁氏之爲滿脅遊說。有革命之思想者皆能詳言之。無俟我曉曉矣。然予復恨梁氏之說之幾以誤我者。其誤我同胞。當不止千萬也。予願同胞甯爲夢夢不醒之

第二十六章

乙巳吳樾謀炸清五臣

之手段亦甚多。雖此輩為大害者也。滿苗生奴隸者
 也不清。又深而飽。又烏乎。予于是冬在排。夫排
 滿之道有二。一曰暗殺。一曰革命。暗殺為因。革命為果。暗殺
 革命人而革命。革命非革命。今日之時代非革命之
 時代。安暗殺之時代也。予遍求滿苗中而得其巨魁二人
 則奴隸族者一則亡漢族者奴隸族者在今日亡漢族身
 將來奴隸族者非耶。拉漢族而何亡漢族者非鐵良也。
 而何哉。耶。拉漢族難殺鐵良送賊易殺耶。拉漢族其利在
 今日殺鐵良送賊其利在將來殺耶。拉漢族去其主動
 力殺鐵良送賊去其主動力主動力既盡而助動力尤
 盡。予于是冬乃在殺鐵良也。此其第一手也。結手無具
 何勢不得。不稍俟時日。適時有苗。苗王之去之案

漢族愚民。而不爲半睡半醒之滿洲走狗。蓋夢夢不醒之愚民。其天良未泯。雖認賊作父。亦苦於不自知。一旦夢醒。究未有不欲殺盡逆賊而復九世之仇也。若半睡半醒之滿奴。名則以瑪志尼加富爾自居。實則吳三桂洪承疇之不若。甚至欲遂一己之利。甘作同胞之公敵。有告以宗旨之不正。而行事之皆私者。彼則積羞怒而成仇。遂不惜強詞以奪理。昌言曰。國朝之制。滿漢平等。又曰滿洲之政治爲大地萬國所未有。又曰今皇仁聖。不惜犧牲已位。以立憲政。此等云云。蓋欲斷送漢族於無自立之一日。而爲滿洲謀其子孫帝王萬世之業也。予於是念念欲殺盡此輩。而此輩皆漢人也。皆漢人而爲滿酋之奴隸也。滿酋之使此輩爲奴爲隸。甘害同胞。以利異族。則滿酋之手段不亦其毒矣。雖然。此輩爲奴隸者也。滿酋做奴隸者也。不清其源。而絕其流。又烏乎可。予于是念念在排滿。夫排滿之道有二。一曰暗殺。一曰革命。暗殺爲因。革命爲果。暗殺雖個人而可爲。革命非羣力即不效。今日之時代。非革命之時代。實暗殺之時代也。予遍求滿酋中而得其巨魁二人。一則奴漢族者。一則亡漢族者。奴漢族者在今日。亡漢族者在將來。奴漢族者非那拉淫婦而何。亡漢族者非鉄良逆賊而何。殺那拉淫婦難。殺鉄良逆賊易。殺那拉淫婦其利在今日。殺鉄良逆賊。其利在將來。殺那拉淫婦。去其主動力。殺鉄良逆

第二十六章 乙巳吳樾謀炸清五臣

賊。去其助動力。主動力無盡。而助動力有盡。予于是念念在殺鐵良。然此念雖立。其如徒手無具何。勢不得不稍俟時日。逾時有萬福華刺王之春案出。又逾時忽有刺客某刺鐵良逆賊未成而遁。並有王漢謀刺鐵良逆賊未遂。而先自盡報。之三子者。其志可嘉。其風可慕。然予不能不爲之抱憾者。蓋以萬子之刺術固疎。而所指之事亦不過曰聯俄之主義而已。夫以聯俄之主義爲非。則所是者必在聯日。聯俄主之滿洲。聯日亦主之滿洲。滿洲既不可恃。日人又安可恃乎。試問今日我同胞其不欲自去奴隸之籍則已。苟欲去之。則必先事排滿。而排外非所計也。若刺客某。則又不免失之于怯。雖其目的較萬子爲善。而于生死關頭又不若萬子之分明矣。若王子則心有餘而智不足。雖其一死足以加勉他人。而于事實上不免失之一籌。使于順德失望時。卽起身來京。或者卒成其志。究未可知。卽不遇。亦可將鐵良同類之人一刺之。以爲代價。則王子不虛死矣。雖然。王子之死。非勉他人。乃勉我耳。予之存此志。已有數月。（此志偶于友人某君前言之。計在萬福華以前數月）王子復先我而行之。雖其不成。亦足見王子之志與我同也。王子有靈。當不使我復蹈萬子之轍。今者予之槍具已自日本購來。其遲遲吾行者。一因此身之事務未清。二因其人受再次之驚。家居多所防備。擬緩數月。觀其動靜。然後就道。

斯時友人某君知予之志。遂勸予筆之於書。以遺後世。以釋人惑。予自維素不能文。卽強爲之。焉能言之成理。足以動人觀聽。且以我心之所求者在實事。而不在虛文。使來者皆事虛文。恐實事終無可成之日。予願予死後。化一我而爲千萬。我前仆而後者起。不殺不休。不盡不止。則予之死爲有濟也。然一念萬王二子之後。竟未聞有接踵而興者。則予當此發軔之始。似不宜不有所觀感於同胞矣。今則邇來之所見。並信札之有關切於此者。亦連類及之。綴爲若干篇。名曰暗殺時代。是爲序。

清五臣被炸之倖免 乙巳八月二十六日。清五大臣載澤等自北京赴天津。擬取道放洋。當其至前門車站登車時。京中王公大臣送行者極形擠擁。吳樾預偕山東人張榕。僞飾僕人裝。攜炸彈登車。準備拋擲。詎列車與機關車相拍合之際。車身卒然後退。來客爲之傾側。吳之炸彈爲撞針式。其針受此打擊。未及拋擲。已自爆裂。轟然一聲。鐵片四散。吳下身先震碎。卽重傷死。車旁傷斃三人。載澤紹英同受微傷。伍廷芳時在車站送行。兩耳亦被震傷。張榕以立處距離尙遠。未罹於難。事變後。清廷大震。有詔令將所有外城工巡局委員及南營參將鐵路車站委員等從嚴究辦。徐世昌紹英遇炸後不果行。九月清廷改派山東布政使尙其享順天府丞李盛鐸代之。

第二十六章 乙巳吳樾謀炸清五臣

汪斡之被逮 吳殉義後。清政府迄不知刺客爲何人。雖嚴督步軍統領順天府尹限期破獲。久無消息。至十月。天津警察憑線在北京桐城會館捕獲吳之同黨汪斡。始悉刺客爲桐城人吳樾。而吳名乃大顯於世。

第二十七章 革命方略

軍政府宣言 軍政府與各國民軍之關係條件 軍隊之編制 將官之等級 軍餉 戰士賞恤 軍律 略地規則 因糧規則 安民布告 對外宣言 招降滿洲將士布告 掃除滿洲租稅釐捐布告

革命方略乃丙午年東京同盟會本部所編制。爲一種之油印品。丁未潮州黃岡及惠州七女湖二役。皆嘗用之。及中山自日本赴越南。革命軍之大本營遂移于東京河內。同時復將原稿重行修訂焉。自是防城馬篤山鎮南關河口廣州諸役所有一切規制組織文告等等皆沿用勿替。茲編所載。卽河內機關部修訂之油印品也。照錄全文如左。

(一) 軍政府宣言

天運歲次 年 月 日中華國民軍 軍都督 奉軍政府命。以軍政府之宗旨及條理布告國民。今者國民軍起。立軍政府。滌二百六十年之羶腥。復四千年之祖國。謀四萬萬人之福祉。此不獨軍政府責無旁貸。凡我國民皆當引爲己責者也。維我中國開國以來。以中國人治中國。雖間有異族篡據。我祖我宗常能驅除光復。以貽後人。今漢人倡率義師。殄除胡虜。

第二十七章 革命方略

此爲上繼先人遺烈。大義所在。凡我漢人。當無不曉然。惟前代革命。如有明及太平天國。祇以驅除光復自任。此外無所轉移。我等今日與前代殊。於驅除鞑虜恢復中華之外。國體民

軍政府宣言

天運歲次戊申年。月。日。中華民國軍政府。軍部督。奉軍政府命。以軍政府之宗旨及修理。布告國民。今者國民軍。起立軍政府。將二百六十年之遺孽。復四十年之祖國。謀四萬。萬人之福祉。此不獨軍政府責無旁貸。凡我國民。皆當引爲己。責。也。我中國開國以來。以中國人治中國。雖間有異族篡。據。然其能驅除先王。以貶後人。今漢人當無不曉然。惟。前代革命。如有明及太平天國。祇以驅除光復自任。此外無所。轉移。我等今日與前代殊。於驅除鞑虜恢復中華之外。國體民。生尙當與民變革。雖經緯萬端。要其一貫之精神。則爲自由平等。博愛。故前代爲英雄革命。今日爲國民革命。所謂國民革命者。一國之人皆有自由平等博愛之精神。即皆負革命之責任。軍政府特爲其樞機而已。自今以往。國民之責任。即軍政府之責任。軍政府之功。

革命方略原第一篇攝影

。雖經緯萬端。要其一貫之精神。則爲自由平等。博愛。故前代爲英雄革命。今日爲國民革命。所謂國民革命者。一國之人皆有自由平等博愛之精神。即皆負革命

之責任。軍政府特爲其樞機而已。自今以往。國民之責任。即軍政府之責任。軍政府之功。

卽國民之功。軍政府與國民同心戮力。以盡責任。用特披露腹心。以今日革命之經綸。暨將來治國之大本。布告天下。

(一) 驅除韃虜 今日之滿洲。本塞外東胡。昔在明朝。屢爲邊患。後乘中國多事。長驅入關。滅我中國。據我政府。迫我漢人爲其奴隸。有不從者。殺戮億萬。我漢人爲亡國之民者。二百六十年於斯。滿洲政府窮兇極惡。今已貫盈。義師所指。覆彼政府。還我主權。其滿洲漢軍人等如悔悟來降者。免其罪。敢有抵抗。殺無赦。漢人有爲滿奴以作漢奸者。亦如之。

(二) 恢復中華 中國者。中國人之中國。中國之政治。中國人任之。驅除韃虜之後。光復我民族的國家。敢有爲石敬瑭吳三桂之所爲者。天下共擊之。

(三) 建立民國 今者由平民革命以建國民政府。凡爲國民皆平等以有參政權。大總統由國民共舉。議會以國民共舉之。議員構成之。制定中華民國憲法。人人共守。敢有帝制自爲者。天下共擊之。

(四) 平均地權 文明之福祉。國民平等以享之。當改良社會經濟組織。核定天下地價。其現有之地值。仍屬原主所有。其革命後社會改良進步之增價。則歸于國家。爲國民所

共享。肇造社會的國家。俾家給人足。四海之內。無一夫不獲其所。敢有壟斷以制國民之生命者。與衆棄之。

右四綱。其措施之序則分三期。第一期爲軍法之治。義師既起。各地反正。土地人民新脫滿洲之羈絆。臨敵者宜同仇敵愾。內輯族人。外禦寇讎。軍隊與人民同受治於軍法之下。軍隊爲人民戮力破敵。人民供軍隊之需要。及不妨其安甯。既破敵者及未破敵者。地方行政。軍政府總攝之。以次掃除積弊。政治之害。如政府之壓制。官吏之貪婪。差役之勒索。刑罰之殘酷。抽捐之橫暴。辮髮之屈辱。與滿洲勢力同時斬絕。風俗之害。如奴婢之蓄養。纏足之殘忍。鴉片之流毒。風水之阻害。亦一切禁止。每一縣以三年爲限。其未及三年已有成效者。皆解軍法。布約法。第二期爲約法之治。每一縣既解軍法之後。軍政府以地方自治權歸之其地之人民。地方議會議員及地方行政官。皆由人民選舉。凡軍政府對於人民之權利義務。及人民對於軍政府之權利義務。悉規定於約法。軍政府與地方議會及人民各循守之。有違法者負其責任。以天下平定後六年爲限。始解約法。布憲法。第三期爲憲法之治。全國行約法六年後。制定憲法。軍政府解兵權行政權。國民公舉大總統及公舉議員。以組織國會。一國之政事。依於憲法以行之。此三期。第一期爲軍政府督率國民掃除舊污之時代。第二期爲軍

政府授地方自治權於人民。而自總攬國事之時代。第三期爲軍政府解除權柄。憲法上國家機關分掌國事之時代。俾我國民循序以進。養成自由平等之資格。中華民國之根本。胥於是乎在焉。

以上爲綱有四。其序有三。軍政府爲國戮力。失信矢忠。終始不渝。尤深信我國民必能踴厲堅忍。共成大業。漢族神靈。久焜耀於四海。比遭邦家多難。困苦百折。今際光復時代。其人各發揚其精色。我漢人同爲軒轅之子孫。國人相視皆伯叔兄弟諸姑姊妹。一切平等。無有貴賤之差。貧富之別。休戚與共。患難相救。同心同德。以衛國保種自任。戰士不愛其命。閭閻不惜其力。則革命可成。民政可立。願我四萬萬人共勉之。

(二) 軍政府與各國民軍之關係條件

- (一) 各處國民軍每軍立一都督。以起義之首領任之。
- (二) 軍都督有全權掌理軍務便宜之事。
- (三) 關於重大之外交。軍都督當受命於軍政府。
- (四) 關於國體之制定。軍都督當受命於軍政府。
- (五) 國旗。軍政府宣言。安民布告。對外宣言。軍都督當依軍政府所定。不得變更。

第二十七章 革命方略

(六) 略地因糧等規則。軍都督當依軍政府所定。惟參酌機宜。得變通辦理。

(七) 以上各條。爲軍政府與軍都督未交通前之關係條件。其既交通後。別設規則以處理之。

(三) 軍隊之編制

步兵

(一) 以八人爲一排。於八人中設排長一人。副排長一人。共八人。

(二) 以三排爲一列。外列長一人。共二十五人。

(三) 以四列爲一隊。外隊長一人。副隊長二人。號旗手二人。號筒手二人。共一百零七人。

(四) 以四隊爲一營。營長一人。副營長二人。鼓樂手八人。營旗手三人。主計一人。書記

一人。共四百四十四人。排夫伙夫別計。

(五) 以四營爲一標。外設標統一人。副標統二人。參謀六人。傳令十二人。主計一人。書

記二人。共一千八百人。砲隊一。工隊一。醫隊一。輜重隊一。

騎兵砲兵輜重隊醫隊之編制。軍政府未制定以前。標統定。旅團以上。將來軍政府定之。

(四) 將官之等級

第一級 第二級 第三級

都 督 副 督 參 督

第四級 第五級 第六級

都 尉 副 尉 參 尉

第七級 第八級 第九級

都 校 副 校 參 校

(五)軍 餉

步 兵 每月餉銀〇〇元

副 排 長 〇〇元

排 長 〇〇元

每隊號旗手號筒手 〇〇元

每營鼓樂手營旗手 〇〇元

列 長 〇〇元

副 隊 長 〇〇元

隊 長 〇〇元

第二十七章 革命方略

第二十七章 革命方略

營主計書記 ○○元

副營長 ○○元

營長 ○○元

標傳令 ○○元

標主計書記 ○○元

參謀 ○○元

副標統 ○○元

標統 ○○元

騎兵隊砲兵隊醫隊輜重隊及排夫伙夫等月餉。軍政府未發布以前。由其標統自定。旅團長以上俸銀。將來由政府定之。

(六) 戰士賞恤

第一賞典

一，記大功者

(甲) 率先起義者 按其招集人數之多寡以定次數。

(乙) 攻克城鎮鄉村者。按其占領地方之險夷廣狹。及戶口之多寡。以定次數。

(丙) 勦破敵軍者。按其破壞敵軍武力之大小。以定次數。

(丁) 降服城鎮鄉村及降服敵軍者。與乙丙同。

(戊) 以城鎮鄉村軍隊反正來歸者。與乙丙同。

(己) 防守城鎮鄉村力却敵軍者。與乙丙同。

二、記功者

(甲) 殺敵數人其功昭著者。按敵人之職分及數之多寡以定次數。

(乙) 俘獲敵軍者。與甲同。

(丙) 奪得敵軍糧食器械馬匹者。按其品質數量。以定次數。

(丁) 探報敵情冒險得實者。按其關係之輕重以定次數。

(戊) 交戰出力者。

(己) 救援本軍將士出險者。

(庚) 在營一年。能守紀律者。記功一次。每多一年。則多一次。以上記大功及記功者。

由軍政府議定行賞。

第二十七章 革命方略

爲鼓勵戰士起見。軍都督有隨時行賞之權。

第二 恤 典

(一) 凡交戰受傷。以致殘疾不能任職者。其退伍後。照本人現俸現餉賞給終身。

(二) 凡在軍身故者。無論將校兵士。均查明本人之父母妻子女。每月給養贍費。父母妻養至終身。子女養至二十歲。所給之費。兵士視其立功多寡。將校視其官職高下。

(七) 軍 律

(一) 不聽號令者殺

(二) 反奸者殺

(三) 降敵被獲者殺

(四) 私通軍情於敵者殺

(五) 洩漏軍情者殺

(六) 臨陣退縮者殺

(七) 臨陣洩潰者殺

(八) 造謠者殺

- (九) 私逃者殺
- (十) 任意擄掠者殺
- (十一) 強姦婦女者殺
- (十二) 焚殺良民者殺
- (十三) 殺外國人焚拆教堂者殺
- (十四) 勒索強買者論情抵罪
- (十五) 私鬪殺傷者論情抵罪
- (十六) 遺失軍械資糧者論情抵罪
- (十七) 獲敵資糧軍械藏匿不報者罰
- (十八) 私入良民家宅者罰
- (十九) 盜竊者罰
- (二十) 賭博者罰
- (廿一) 喫鴉片者罰
- (廿二) 縱酒行兇者罰

第二十七章 革命方略

(八) 略地規則

略地者。謂略定其地。上而省會。下而州縣。凡前者滿洲勢力所及。使由此歸屬於我軍政府權力之下也。

第一 略地之分別

其分別有三。(甲)就於我軍攻取而得者。(乙)就於義民響應者。(丙)就於敵之文武官反正來附者。其略地之辦法各稍有不同。分類說明如下。

第二 略地之辦法

(甲) 就於我軍攻取而得者

(一) 樹立國旗 就其所得城鎮營壘。樹立國旗。宣揚國威。

(二) 暫禁居民來往 於入城鎮之始。下令暫時禁止居民來往。派兵士守視通衢。俟一二日後安民局設立。按戶發給執照後。始許通行。

(說明) 此因入城之始。人心未定。暫禁其來往。一以便軍隊行動布置。二以免奸民乘機搶掠也。

(三) 繳收敵人軍器糧食 所有清兵軍器概要繳交。其營中所積聚之糧食。亦要繳出。然後

聽憑我軍安置之。

(說明) 此時清兵已失戰鬥之力。然慮其藏匿軍器糧食。仍然爲患。故必嚴令繳出。
(四) 收取官印文憑及其文書冊籍。封府庫官業。官印文書等恐其散失。宜收取之。交安民局保存。其府庫官業。則交因糧局點收。

(五) 破監獄釋囚徒。破監獄盡釋囚徒。諭以義師所至。滿洲殘刑苛法一切掃除。諸囚中無事被禍者。皆復其自由。有罪者亦令自新。俾人民永不受苛法之苦。

(六) 設安民局。每縣設一安民局。立局長一人。局員十人。顧問員十人。局員擇用營中人或地方紳士。顧問員則皆以地方紳士充之。均聽命於局長。

局中得雇用巡查若干名。其人數視地方之大小定之。安民局之事務。其急要者如下。

(一) 發布告。印刷安民布告。分貼當衆之地。使人民曉知我軍隊之大義。

(二) 編門牌。循街之方向。由東至西。由南至北。按門發牌。宜左單右雙。每街分左右統計其戶數。

(三) 付通行照。每戶發通行照一紙。每紙止許一人執用來往。夜出者。必攜街燈。其執某戶之照出街。犯事惟該戶是問。

第二十七章 革命方略

(四) 查戶口 由安民局派員偕同地方甲長街正人等清查戶口。每戶要實核其現在住居之人口。編載冊籍。

(五) 撫瘡痍 其居民有因兵事受傷損者。或破壞家屋物業者。賑恤之。

(六) 定流亡 居民有因兵事流離失所者。設法安置之。

(七) 詰奸宄 如查有爲滿洲作奸細。及爲妨害我軍隊之行爲者。捕獲送軍前究辦。查有強盜匪徒擾害居民者。捕獲之後。重則送於軍前。輕則由局究辦。

(八) 防火害 命巡查周視。以防火警。其有存惹火之物者。尤要注意。

(七) 設因糧局 別有因糧局規則參照。

(八) 分別處官吏 凡軍到卽降之官吏。保護其身家。願留營者量才器使。願還鄉者厚給資斧。護送歸家。其抗拒至力盡始降之官吏。則僅予免死。

(九) 招集地方精壯編入軍隊 按照軍隊編制之法辦理。

(十) 相機防守 察看地方險隘。分別駐兵防守。

(十一) 通報軍政府或就近大軍。候派員受理。以布新政。

(乙) 就於義民響應者

凡義民響應者。必將該處地方官誅戮。或捕送至軍隊之前。始爲響應之實據。凡義民響應投到。軍隊卽派兵隨往。辦理之法如下。

(一) 樹立國旗 辦法詳上

(二) 點收官印文憑及一切官業 辦法詳上

(三) 設安民局 所有安民要務八項悉如上辦法

(四) 設因糧局

(五) 將義民編入軍隊與義軍一體優待

(六) 相機防守 詳上

(七) 通報大營 詳上

(丙) 就於敵之文武官反正來附者

凡反正之官。必將其官印文書及具有永遠降服誓表送至軍隊之前。始爲反正之確據。

凡有反正者。該文武官投到軍隊。卽由軍隊派員與該地方官協同權理政事。以待軍政府接收後改布新政。

該反正之文武官。照現在之廉俸倍給之。至於終身。如其才可用。別有任使者。其所得官俸

第二十七章 革命方略

不在此限。

(九) 因糧規則

第一 因糧局

(一) 每軍設因糧局專司因糧之事。

(二) 因糧局因糧之標準。須每日以十人養一兵。凡軍行所至之地。因人民之多寡。以定駐軍之多少。

(三) 因糧局須設充公冊，收買冊，債券冊，收捐冊。除充公冊外。皆須用三聯單分類處理。

第二 因糧之法

(甲) 充公

(一) 一切官業。

(二) 反抗軍政府之滿洲官吏家產。

(三) 反抗軍政府之人民家產。

(四) 以上三種由因糧局立冊。將所充公產物之文契數量分類登記。

(乙) 收買

(一) 將境內一切可應軍用之貨物給價收買貯存。以便隨時之用。

(二) 收買貨物。若現銀不足。可先給軍中憑票。記載價額。及結價日期。由因糧局支給。若過期不能支給。則從此起計五厘週息。

(三) 凡收貨物。物主不得抗違。違者處罰。

(丙) 借債及捐輸

(一) 凡軍隊所至。得與境內人民有家產者借用現銀。以供軍需。借款後。由因糧局發還債券。記載債主姓名籍貫住所及其數目鈐印為據。交債主收執。自給債券之日起。至遲以六個月。由因糧局償還。若滿六個月限不償還。則自滿限以後起。給二厘週息。

(二) 凡境內人民家產過一萬元以上者。由因糧局令捐十分之一。以供軍需。五萬元以上者捐十分之二。十萬元以上者捐十分之三。五十萬元以上者捐十分之四。百萬元以上者捐十分之五。千萬以上者與百萬元者同。

(三) 凡因糧局認定當借債及捐輸者。不得有違。違者處罰。

(丁) 軍事用票

(一) 設軍事用票發行局。附屬於因糧局。

第二十七章 革命方略

(二) 每軍得度其收入財產之數。撥歸軍事用票發行局作按。發行軍事用票。

(三) 發行軍事用票之數。以倍於作按之數爲限。

(說明) 例如軍中收入財產共值銀十萬元。以之作按。發行軍事用票二十萬元。則軍需可裕。所以發行之數限於二十萬元者。因止有十萬元者作按。如發票過二十萬元以上。則不足以代表實銀。而票之信用失。價值跌。或爲空頭票。發行愈多。此弊愈大。軍隊非惟不能多得一錢之用。反將可以發行無弊之二十萬元票。亦失其用而至於坐弊也。

(四) 軍事用票發行局得設發行員五人以上。由軍都督指任之。

(五) 軍事用票發行局設監查員十人以上。以債主捐主之負擔最巨者任之。

(六) 發行員專管局中一切發行對換之事。

(七) 發行軍事用票之先。發行員須通知監查員開會決議。監查員須查明軍事用票之數。是否照第三條之規定如數相符。則要認可發行。如有違額濫發。不得認可。

(說明) 濫發之弊。前已言之。然當軍需孔亟時。往往不免。故發行局制度不可不精密。發行員外。更設監查員。此監查員須於本地方利害最有關係者。因軍隊之財取諸地方。而發行軍事用票。尤於地方財政有大關係也。債主捐主皆曾負擔軍餉者。倘再遇濫發


。則受累更甚。故擇其負擔最巨者爲監查員。凡發行軍事用票。必須得其許可。如票數止較作按之數加一倍。則尙足以資對換周轉。濫發則軍隊人民立受其害。宜阻止之。

(八) 發行員未經監查會之認可。不得發行軍事用票。

(九) 凡經監查員開會決議反對達額濫發軍事用票。軍都督不得強行之。

(十) 軍事用票每張銀額最多不得過百元。最少不得過一元。

(十一) 軍事用票之形式如左。


軍 事 用 票
某軍軍事用票發行局
△ 圓 正
年 月 日 押

(十二) 軍事用票須照每張定額使用。不得跌價。

(十三) 發行軍事用票之後。俟將來軍政府與該軍會合時。由軍政府調查該局發行票數。如與第三條定額相符。軍政府下令將發行之票對換收還。

第二十七章 革命方略

(說明)軍事用票發行之後。流通市面。與實銀同一使用。然其本體無真價。不過代表實銀。不能永久。必須有收還之法。惟軍需浩繁。軍事用票止能行用於軍隊權力所及之地。其與外國交涉。仍須用實銀。故頗難常儲實銀。以備與人民對換。必俟與軍政府會合之後。始由軍政府之力以收回之也。惟必須所發之票。不逾第三條之定額。即有十萬元之作按。始發行二十萬元之票始能收還。否則軍政府亦不能填濫發之壑。故濫發之弊。足使財政紛亂。不可不慎。

(十四)軍政府下令後。人民得憑軍事用票換回相當之實銀。其詳細規則。由軍政帝臨時定之。

(十五)軍隊所到之地。凡平日清政府所發行之紙幣鈔紙概作為廢紙。

(十六)凡軍中捐輸。該捐主必須將軍事用票繳交因糧局。不得以現銀繳交。

(說明)軍事用票欲其流通市面。必須設此法。例如捐主捐十萬元。繳納時必須軍事用票。則不得不將現銀兌換軍事用票。始能繳納。則是軍事用票有不能不流通之勢。否則發行局自發行。人民自不使用。軍事用票失其效力矣。

(十)安民布告

天運歲次 年 月 日中華國民軍 軍都督 奉軍政府命布告安民。軍政府今日始能與我國伯叔兄弟諸姑姊妹相見於光天化日之下。爲二百六十年來我漢人未有之快樂。未有之慶幸。軍政府所以有此力量。能打破滿洲政府。悉由我漢族列祖列宗神靈默佑相助。使恢復我中華祖國。以有今日。軍政府宗旨。第一是爲民除害四字。大害不去。則小利不興。故目前尤以除害爲急務。我國民要脫滿洲政府束縛。要將滿洲政府所有壓制人民之手段。專制不平之政治。暴虐殘忍之刑罰。勒派加抽之苛捐。與及滿洲政府所縱容虎狼官吏。一切掃除。不容再有羶腥餘毒存留在我中華民國之內。此種思想。爲我中華四萬萬國民所同具。軍政府首先起義。效力驅除。以爲我國民發表此思想。所以稱爲中華民國軍政府。國民責任即軍政府責任。軍政府功勞。不外國民功勞。軍政府願與國民同心協力。始終不變。故軍政府行動一切俱有紀律。軍隊所過地方。對於國民決不侵害。我國民不必猜疑驚恐。爲士者照常求學。爲農者照常耕種。爲工者照常工作。爲商者照常買賣。老少男女照常安樂居家。如果軍隊中有不法之人侵害我國民。即爲賊害同胞。受害之人民。儘可控告到軍隊前。軍政府必盡法懲治。如果國民中有不肖之人私通滿洲。或作奸細。或作有害軍隊之行爲。亦是賊害同胞。軍政府查出實情。亦必盡法懲治。總之軍政府爲同胞出力。斷無損我國民之理。國民既明白軍政府

第二十七章 革命方略

宗旨。亦當安堵無恐。今日爲軍政府與國民相見之始。爲此布告我親愛之同胞知之。

(十一) 對外宣言

中華民國軍奉命驅除異族專制政府。建立民國。同時對於友邦各國。益敦睦誼。以期維持世界之和平。增進人類之福祉。所有國民軍對外之行動宣言如下。

一所有中國前此與各國締結之條約皆繼續有效。

一償款外債照舊擔認。仍由各省洋關如數攤還。

一所有外人之既得權利。一體保護。

一保護外國留居軍政府占領之域內人民財產。

一所有清政府與各國所立條約所許各國權利。及與各國所借國債。其事件成立於此宣言之後者。軍政府概不承認。

一外人有加助清政府以妨害國民軍政府者。概以敵視。

一外人如有接濟清政府。以可爲戰爭用之物品。一概搜獲沒收。

(十二) 招降滿洲將士報告

天運 年 月 日中華民國軍 軍都督 奉軍政府命。布告於我國民之爲滿洲政府逼迫以爲

其軍之將校及兵士者。我輩皆中國人也。今則一爲中華民國軍之將士。一爲滿洲政府之將士。論情義則爲兄弟。論地位則爲仇讎。論心事則同是受滿洲政府之壓制。特一則奮激而起。一則隱忍未發。是我輩雖立於反對之地位。然情義具在。心事又未嘗不相合也。然則今日以後。或斷兄弟之情誼。而變爲仇讎。或雖仇讎之地位。而復爲兄弟。亦惟我國民之爲滿洲將士者自擇之而已。自國民軍起。移檄天下。民族主義。國民主義。炳然如日月。凡爲國民。無不激昂慷慨。敵愾同仇。誠以國民軍者。以國民組織而成。發表國民之心理。肩荷國民之責任。以主義集合。非以私人號召。故民之歸之。如水之就下也。我國民之爲滿洲將士者。非其本欲。特爲滿洲所迫。不得已而爲之。此時滿洲政府方又出其以漢人殺漢人之手段。驅之與國民軍爲敵。願我國民思之。本中國人。而當滿洲兵。以殺中國人爲職。撫心自問。甯能不動乎。我國民勿謂爲滿洲盡力乃所以報國也。中國亡於滿洲已二百六十餘年。我國民而有愛國心者。必當撲滅滿洲。以恢復祖國。倘反爲滿洲盡力。是甘事仇讎。而與祖國爲敵也。其身分爲奴隸。其用心爲梟獍。豈有人心者所忍爲乎。我國民又勿謂既食滿洲之祿。當忠於所事也。須知中國者。中國人之中國。及爲滿洲所奪。收中國人之財賦。以買中國人之死力。中國人效力滿洲。而食其祿者。譬此家財既爲強盜所奪。復爲強盜服役。以求得儲值。

境遇既慘。行爲尤賤矣。是故我國民之爲滿洲將士者。須以大義自持。知託身滿洲政府之下。乃由一時之束縛。常懷脫離獨立之志。際此國民軍大起之日。正當倒戈以向滿洲政府。而與國民軍合爲一體。方不失國民之本分也。彼滿洲以五百萬民族。陵制四萬萬漢人。而能安臥至二百六十年者。豈彼之力足以致之。徒以中國人不知大義。爲之効力。自戕同種。故漢人得以肆志耳。試觀滿洲入關以來。每遇漢人起義。輒用漢人剿平。殺人盈野。流血成河。皆漢人自相屠戮。而於滿人無所損。舉其大者。如嘉慶年間。漢人王三槐等舉義。四川湖南湖北陝西諸省相繼響應。滿洲政府勢垂危矣。八旗之兵望風奔潰。禁旅駐防。皆不可用。乃重用綠營。招募鄉勇。於是漢人楊遇春楊芳等爲之効力。屠戮同胞。死者億萬。川湖陝諸省遂復歸於滿洲主權之下。又如咸豐年間。太平天國起自廣西。東南諸省指顧而定。西北則張樂行等風馳雲捲。天下已非滿洲所有。其督師大臣如賽尙阿和春一敗塗地。事無可爲。及漢人曾國藩胡林翼左宗棠李鴻章等練湘軍淮軍。以與太平天國相殺。前後十二年。漢人相屠殆盡。滿人復安坐以有中國。凡此皆百年來事。我父老子弟耳熟能詳者也。漢人不起義則已。苟其起義。必非滿人所能敵。亦至明矣。所最可恨者。同是漢人。同處滿洲政府之下。同爲亡國之民。乃不念國恥。爲人爪牙。自殘骨肉。彼楊曾胡左李諸人是何心肝。必欲使其祖國

。既將自由而復爲奴乎。自經諸役以後。滿人習知以漢人殺漢人最爲上策。故近來懷於革命之禍。日謀收天下之兵權。以滿人任統御。以漢人供驅役。一旦有事。則披堅執銳。冒矢石。當前敵。斷脰流血者。皆漢人也。而策殊助。受上賞者。則滿洲人也。我國民之爲滿洲將士者。苟一念及身爲中國之人。當知助異族。殺同胞。爲天地所不容。可無待躊躇而斷然決心者。且我國民苟助滿洲。豈止爲國家之罪人而已。卽爲一身計。亦無所利。蓋滿洲之待漢人。不過視同奴隸。卽爲之盡死。亦毫不愛惜。嘉慶年間。川湖陝之役。綠營鄉勇立功最多。事後八旗受上賞。綠營諸將僅沾餘唾。至於鄉勇。解散之後窮困無聊。半世當兵。戰功盡爲八旗所冒。口糧復爲上官剋扣。出營之後。工商諸業久已荒疎。無以謀衣食。窮而爲盜。則被殺戮。於是蒲大芳等怨望作亂。楊芳楊遇春念其戰功。誘以甘言。使之降服。而滿洲政府震怒。黜楊芳使率蒲大芳等遠戍伊犁。其後密使人盡殺蒲大芳等數百人。無一得脫者。咸豐同治間。湘軍遍於十八行省。所至戮力破敵。敵軍既盡。湘軍解散。剋控口糧。饑寒不免。其至豐者。不過給三月口糧。不敷歸家盤費。因此流離他省。父母妻子終身不復相見。而他省之人。以其當兵殺人。畏之如蛇蝎。視之爲仇讎。見其落拓。則又斥爲流氓。窮無所歸。乃相結會。以相依賴。而滿洲惡其結黨。捕拿殺戮。不可數計。是故川湖陝之氛告盡。

第二十七章 革命方略

而鄉勇失所。太平天國既覆。而湘軍無歸。乃知滿洲政府之用漢人也。猶農夫之用牛也。既盡其力。則殺而烹之。無一毫人心相待。此其故何也。蓋以同胞殺同胞。實爲天下至賤之事。不惟爲萬國所鄙笑。同胞所切齒。卽滿洲人亦未嘗不存輕賤之心。以爲漢人相殺。乃其種性。宜其甘爲奴隸。萬劫不復。故既存輕賤之心。而對待之手段刻薄如此。卽使身居重鎮。屢立戰功者。而偶違廷旨。緹騎立至。其他將校。受文官呵叱驅使。甚於僕隸。至于兵士所發口糧。不敷餬口。而一有戰事。卽責其死敵。是視之如蟲蟻耳。世人見滿洲刻薄寡恩。不弔軍人。皆知歎息痛恨。豈知歐美日本各國所以尊重軍人者。以其爲國戮力。倚若長城。故軍人之名譽。軍人之身份。皆爲社會所矜式。至於滿洲用中國人當兵。非以爲國家之干城。不過專防家賊。故其軍人以擁護仇讎爲天職。以屠戮同種爲立功。禽獸之行。宜爲世界所不齒。我國民之爲滿洲將士者。苦猶有人心。當不待勸告。而決然倒戈反正。惟恐不速也。何用遲回審顧爲。意者或誤會國民軍之旨。以爲國民軍既與滿洲政府爲敵。則凡滿洲之將士皆所不容。雖欲反正。而無路可投乎。然同是漢人。地位雖殊。情義固在。且國民軍當未起義以前。屈於滿洲政府之下。與我國民之爲滿洲將士者。固無所差別也。宗國之亡久矣。舉我同胞悉隸於異族之下。不能互相庇翼。而使寄食於仇讎。又不能速拯之於水火。斯已大負國

民矣。何忍復校量前往。自相携貳乎。爲此佈告天下。凡我國民之爲滿洲將士者。若能顧念大義。翻然來歸。軍政府必推誠相與。視爲一體。其以城鎮鄉村或軍旅反正者。及剿除敵軍心腹將校來歸者。暨以糧食器械來歸者。皆爲國立功之人。當受上賞。其軍至卽降者。亦予優待。此皆賞典恤典略地規則等所一一規定者。其各激發忠義。以滌舊污。以建新猷。若猶有包藏禍心。怙惡不悛。甘爲國民軍之誣賊者。則是自絕於中國。罪不赦。方今民族主義國民主義磅礴人心。舉國之人。皆知明理守節。固非若昔日人心否塞之世。軍政府提挈義師。肅將天討。期將四百兆人平等。以盡國民之責。亦與昔之英雄割據有別。固將使禹域之內。無復漢奸之迹。其滿洲將士敢有奮其螳臂。以相抵抗者。必盡翦除。毋俾漏網。特慮其中容有心懷反正。而遲疑未決者。亦有身擁兵權。心懷助順。而觀望取巧。思徐覘國民軍之強弱。以爲進退者。凡此皆不勝其禍福之見。故就義不勇。今開誠布公。明示是非順逆之辨。其各自擇。毋得徘徊。如律令檄。

附條件

一，以城鎮鄉村或軍隊反正來歸者。按除賞典論功行賞外。並照現任廉俸加倍賞給。至於終身。如其才可用。別有任使者。其所得官俸不在此限。

二，軍到卽降者。保護其身家。願留營者。量其才器使。願還鄉者。厚給資斧。護送還鄉。

三，力盡始降者。僅予免死。以俘虜處分之。

四，不降者。殺無赦。

（十三）掃除滿洲租稅釐捐布告

天運 年 月 日 中華民國軍 軍都督 奉軍政府令。以掃除滿洲租稅釐捐之事。布告國民。自滿洲篡國。生民無依。憔悴于虐政之下。滿朝知滿漢不並立。猶水火不相容。故其倡言謂漢人強則滿洲亡。漢人疲則滿洲肥。處心積慮。謀絕漢人之生計。以制漢人之死命。漢人皆貧。則滿人可以獨富。漢人皆死。則滿人可以獨生。於是橫征暴斂。窮民之力。逼之以嚴刑峻法。使我漢人非唯無以謀生。且無以逃死。昔者康熙年間。曾定永不加賦之制。其名甚美。欲以愚弄漢人。然所謂永不加賦。不過專指正額。於正額之外。悉收州縣耗羨。以爲己有。而令州縣恣取平餘。其數五六倍於正額。且額外之征。罔知紀極。又於徵糧之際。多立名目。每糧一石。加派之銀至二三兩。此外貪官污吏。私自加派狼差狗弁。從中漁利者。不可勝數。故康熙年間。廷臣已言私派過於官徵。雜項浮於正額。分外誅求。民不堪命。當時初

行此制。弊已如此。何況後日。名爲永不加賦。實則賦外加賦。其絕漢人生計者一也。滿洲入關之初。強侵漢人土地。圈給滿人。室廬墳墓。在滿人所圈地內者。悉爲滿人所有。漢人不惟失田喪業。無以糊口。且令祖宗暴骨。妻子流離。虜之雖德。從古所無。其絕漢人生計者二也。八旗人衆。計口給糧。不事營生。不納租稅。錦衣足食。皆取之漢人。我漢人無異爲其牛馬。辛苦所得者。盡以輸納。猶以爲未足。勞力既盡。性命隨之。其絕漢人生計者三也。既據北京。徵固本京餉。以爲首邱之計。又歲括金銀億萬。密藏諸陵墓中。自順治至今。爲數無算。以四海有限之財。填諸虜無底之壑。致令貨幣不能流通。財政日匱。其絕漢人生計者四也。自康熙朝定制永不加賦。其子孫託言恪守祖制。而於征賦之外。暴斂無算。乾隆朝縱容各省督撫。恣爲貪殃。殃民取財。剝膚吸髓。概置不問。伺其宦囊既富。則借事治罪。籍沒家產。盡入內府。謂之宰肥鴨。遂貪詐成風。內自朝廷。以至奄豎。外自督撫。以至胥吏。皆以貪賦爲能。以害民爲事。乾隆末年。嬖臣和坤一人之家產至數萬萬。民窮財盡。四海騷然。其絕漢人生計者五也。自太平天國起義東南。虜率其賊臣死相抵抗。軍興費無所出。遂創釐金之法。一物之微。莫不有稅。商賈困憊。物價騰貴。當時宣言事平裁撤。乃事平之後。非惟不撤。且益增加。政府視爲利藪。官吏視爲肥差。騷擾搜括。民無寧日。商

第二十七章 革命方略

務不振。交通阻隔。其絕漢人生計者六也。自與萬國交通以來。不知外交。屢召戰禍。喪師辱國。於棄民割地之外。益以賠款。甲午之役。賠款連息四萬萬。庚子之役。賠款連息九萬萬。政府無力。則令各省攤賠。於是各省督撫借此爲名。舉行雜捐。剝民自肥。自柴米油鹽。以至糖酒諸雜項。皆科重稅。居陸則有房租。居水則有船捐。民不堪其苦。屢屢激變。則輒調兵勇。肆意焚殺。洗村割地。以爲立威之計。思之傷心。言之髮指。其絕漢人生計者七也。廣借外債。浪費無紀。息浮於本。積重如山。猶不知警懼。任令疆臣各自募借。其所開銷。復無清算。收入愈多。虧空愈大。試觀歐洲日本各國何嘗無國債。然經理得宜。利多弊少。未有若虜臣之紊亂者。循此以往。國力將弊。其絕漢人生計者八也。羅掘之術既窮。遂不顧廉恥。公然欺騙。造昭信股票。誘民出資。既而勒令報効。不踐前言。反覆無信。詐欺取財。行同無賴。其絕漢人生計者九也。四海之內。人民流離失所。輾轉溝壑。而深宮之內。窮奢極欲。日甚一日。據最近調查。自乙未至庚子。頤和園續修工程。每年三百餘萬兩。廢太后萬年吉地工程。每年百餘萬兩。戊戌秋間。廢太后欲往天津閱操。令榮祿修行宮。提昭信股票款六百餘萬兩。辛丑回京費二千餘萬兩。辛丑後興修佛照樓五百萬兩。廢太后七旬慶典一千二百萬兩。另各省大員報效一千三百萬兩。共計此數年之內。廢太后一人所用。已

盈九千餘萬兩。辛丑至今。又閱數年。其費用可比例而知。所飲食者。漢人之脂血也。所寢處者。漢人之皮革也。漢人家散人亡。老弱填溝壑。丁壯死桎梏者。皆斷送在深宮歌舞中耳。其絕漢人生計者十也。凡此十者。皆瑩瑩大端。人所共見。其他苛細及緣附而生者。尙不悉計。乃知虜之貪殘無道。實爲古今所未有。二百六十年中異族陵踐之慘。暴君專制之毒。令我漢人刻骨難忍。九世不亡。虜之待我漢人。無異豺虎食人。肉盡則咀其骨。必使其無子遺而後快。我漢人處於水深火熱之中者。其可矜孰甚焉。今軍政府與我國民驅除韃虜。恢復中華。大兵所至。舉滿洲政府不平等之政治。摧廓振盪。無俾遺孽。凡租稅釐捐一切不便於民者。悉掃除之。俾我國民得怡然於光天化日之下。俟天下大定。當制定中華民國之憲法。與民共守。其與虜朝相異之處。可預與國民言之。在昔虜朝貴滿而賤漢。滿人坐食。漢人納糧。民國則以四萬萬人一切平等。國民之權利義務。無有貴賤之差。貧富之別。輕重厚薄。無稍不均。是爲國民平等之制。在昔虜朝行虐。暴君專制之政。以國家爲君主一人之私產。人民爲其僕隸。身家性命悉在君主之手。故君主雖窮民之力。民不敢不從。民國則以國家爲人民公產。凡國家之事。人民公理之。由人民選舉議員。以開國會。代表人民。議定租稅。編爲法律。政府每年豫算國用。須得國會許可。依之而行。復以決算報告國會。待其監查。

第二十七章 革命方略

以昭信實。如是則國家之財政實爲國民所自理。國會代表人民之公意。而政府執行之。譬如家人既理家事。必備家用。輕重緩急。參酌得宜。較之虐君專制。橫徵暴斂。民不堪命者。真有主僕之分。天壤之別。是爲國民參政之制。是故民國既立。則四萬萬人無一不得其所。非惟除滿洲二百六十年之苛政。且舉中國數千年來君主專制之治。一掃空之。斯誠國家之光榮。人民之幸福也。願我國民各殫乃心。勉成大業。布告天下。俾咸知斯意。

第二十八章 丙午萍瀏之役

起事之地點 起事之原因 起事之聲勢 同盟會之接應 失敗之

原因 宗旨之複雜 失敗之情形 黨人之生死 清吏之文告

起事之地點 湖南之醴陵瀏陽。江西之萍鄉萬載等縣。向爲湘贛兩省哥老會黨聚合之淵藪。甲寅九月馬福益黃克強劉揆一等謀起事于長沙。卽以該數縣會黨爲憑藉。馬爲哥老會大龍頭。素受會黨所宗仰。自是役失敗後。該處會黨油然而萌革命排滿之思想。乙巳冬。馬潛由廣西返湘。欲在瀏陽再圖大舉。事洩爲端方所捕。施以酷刑。然後殺之。各地會黨聞之大憤。留日學界且大開追悼會於東京。并刊布馬所規定之革命軍紀十餘條。以繼承先志爲務。至丙午而有萍瀏之役。

起事之原因

丙午

清光緒三十三年

吾國中部凶荒。江西南部湖北西部湖南北部四川東南部。皆陷饑

饉。尤以湘贛兩省接壤之萍醴瀏數縣爲甚。該處工人因受米貴減工之打擊。對於地方官吏深懷不滿。洪江會黨頭目李金其蕭克昌姜守日龔春台王勝諸人向受馬福益之指導。久有揭竿之志。馬殉難後。進行仍不少懈。是年九月間。有留學生蔡紹南劉道一等自日本回國。在瀏陽醴

第二十八章 丙午萍瀏之役

陵衡山等處鼓吹革命。李蕭等聞之。志益堅決。至是以爲有機可乘。遂運動萍鄉礦工率先發難。爲各縣倡。萍鄉縣大安里本爲昔年哥老會鄧海山起義之所。事平後。經前贛撫德氏令萍



劉道一

鄉縣令每年按季親往偏僻村莊巡視一次。爲思患預防之計。詎日久玩生。任該縣者視同具文。李金其遂在該縣麻石一帶。聚集洪江會黨數千人。約期十二月大舉。乃于事前失慎。卒被清吏追捕。在醴陵屬之白鷺潭溺斃。蕭克昌亦被清吏設阱誘殺。姜守日龔春台等迫不及待。遂突然先期發難。

起事之聲勢 是年十月十九二十等日。黨人先在湖南瀏南縣屬之高家頭金剛頭江西萍鄉縣屬之高家亭等處。聚衆起事。二十一日攻佔萍鄉縣屬之上栗市。二十二日復佔宜春縣屬之慈化。焚黃岡司署。贛軍巡防左隊胡管帶應龍與戰。大敗。全軍潰散。不數日醴陵瀏陽等縣紛

紛響應。該黨分爲三股。在萍鄉起事者多煤礦工匠。在醴陵起事者多防營兵士。在瀏陽起事者多洪福齋天黨。即洪江會每股約萬人。以瀏陽一股爲主力。其旗幟均稱革命軍。各兵士頭紮白巾。手持白旗。聲勢浩大。在瀏陽督師者爲龔春台。其檄文曰。

黃帝紀元四千六百零四年歲次丙午十月吉日。中華民國軍南軍革命先鋒隊都督龔。奉中華民國政府命。照得韃虜原係東胡異族。遊牧賤種。自漢隋唐宋以來。久爲我中華漢族之寇仇。有明末造。韃虜逞其兇殘悍惡之性。屠殺我漢族二百餘萬。據我中華。竊我神器。奴淪我同胞。我黃帝神明之冑。四百兆之衆。隸於奴界。已二百六十年于茲。漢族爲亡國之民。中華隸犬羊之宇。凡我叔伯昆仲諸姑姊妹。曷任傷心。太平天國起義師于廣西。誓必驅逐韃虜。恢復中華。以雪滅國之恥。乃曾國藩胡林翼等不明大義。罔識種界。認盜爲父。呼賊作君。竭湘軍全力。自戕同種。致使漢族得恢而復湮。胡氛將滅而又振。湘人之罪。涸洞庭之水。不能洗其污。擬衡嶽之崇。不能比其惡。凡我湘人。實無以對於天下。今者劃清種界。特興討罪之師。率三湘子弟爲天下先。冀雪前恥。用効先驅。特數韃虜十大罪惡。昭告天下。以申撻伐。

韃虜逞其兇殘。屠殺我漢族二百餘萬。竊據中華。一大罪也。

第二十八章 丙午萍瀏之役

韃虜以野蠻遊牧之劣種。蹂躪我四千年文明之祖國。致列強不視爲同等。二大罪也。

韃虜五百餘萬之衆。不農不工。不商不賈。坐食我漢人之膏血。三大罪也。

韃虜妄自尊大。自謂天女所生。東方貴冑。不與漢人以平等之利益。防戎爲賊。視我爲奴。四大罪也。

韃虜挾漢人強滿人亡之謬見。凡可以殺漢人之勢。制漢人之死命者。無所不爲。五大罪也。

韃虜久失威信于外人。致列國乘機侵佔要區。六大罪也。

韃虜爲藉外人保護虜廷起見。每以漢人之權利贈給外人。且謂與其給之家奴。不若贈之隣封。七大罪也。

韃虜政以賄成。官以金賣。致政治紊亂。民生塗炭。八大罪也。

韃虜于國中應舉要政。動以無款中止。而宮中宴飲。頤和園戲曲。動費數百萬金。九大罪也。

韃虜假頒立憲之文。實行中央集權之策。以削漢人之勢力。鞏固虜廷萬世帝王之業。十大罪也。

其餘種種罪惡。不能盡書。特舉大略。以昭天討。凡我漢族同胞。無論老少男女農工商兵等。皆有殄滅韃虜之責任。務各盡爾力。各抒爾能。以速成掃除醜夷恢復漢家之鴻業。至現在爲虜廷官吏者。宜革面反正。出郊相迎。若仍出曾胡之故智。爲虜出力者。以韃虜視之。殲殺無赦。現在爲虜廷將弁營勇者。宜聞風響應。倒戈相向。若仍湘軍之故智。死力相抗者。以韃虜視之。殲殺無赦。本督師建立義旗。專以驅逐韃虜。收回主權爲目的。凡本督師所到之處。卽漢族恢復之處。農工商賈。各安其業。不稍有犯。外國人之生命財產。竭力保護。不稍有犯。教堂教民。各安其堵。不稍有犯。當知本督師祇爲同胞謀幸福起見。毫無帝王思想存於其間。非中國歷朝來之草昧英雄。以國家爲一己之私產者所比。本督師於將來之建設。不但驅逐韃虜。不使少數之異族專其利權。且必破除數千年之專制政體。不使君主一人獨享特權於上。必建立共和國。與四萬萬同胞享平等之利益。獲自由之幸福。而社會問題。尤當研究新法。使地權與民平均。不致富者愈富。成不平等之社會。此等幸福。不但在韃虜宇下者所未夢見。卽歐美現在人民。亦未曾完全享受。凡我同胞急宜竭力。以掃除腥羶。建立樂國。須知中國者。中國人之中國。漢族者。世界最碩大最優美之民族。被韃虜奴隸之。宰割之。天下之恥。孰有過于

第二十八章 丙午萍瀏之役

此者。况韃虜用意險惡。自咸同以來。利用以漢人殺漢人之手段。當鋒刃禦砲彈者。漢人。論功行賞。握要權執大政者。則仍滿人。我漢人何罪。當爲滿奴。漢人何劣。當被韃虜食其肉而吸其血。故韃虜一日不殲滅。卽主權一日不收回。漢族一日不存活。今政府已立。大漢卽興。韃虜罪惡貫盈。天所不佑。凡我漢族。宜各盡天職。各勉爾力。以速底韃虜之命。而贊中華民國之成功。用申大義。布告同胞。急急如律令檄。

瀏陽黨軍于二十二三等日。在文家市牛石嶺紅綾鋪永和市官莊等處同時發難。迭佔據南街市西鄉潭塘高址官眼大光洞各地。與萍鄉上栗市及案山關黨軍相呼應。駐萍鄉瀏陽醴陵數縣湘軍各路統領梁國楨吳廷瑞崔朝俊趙春廷等。屢爲所敗。於是蔓延至於醴陵九溪衡山宜春萬載各地。湘鄂贛蘇各省督撫大爲震動。清軍最先往攻者。爲袁州府統領袁坦所部之兵一萬六千人。袁州城幾爲一空。江督端方復派統制徐紹楨統兵赴援。計有步兵一聯隊。砲工各一隊。馬兵輜各一小隊。鄂督張之洞派第八鎮十五協協統王得勝。率二十九標三十二標砲隊二隊。合湘贛兩省防軍。總數不下四五萬人。分赴萍瀏醴數縣圍攻。自洪楊以來。清軍出兵之衆。以是役爲最。

同盟會之接應 是役萍瀏黨軍之倉卒舉事。原非接受同盟會東京本部之命令而發動。卽劉

道一蔡紹南之回湘鼓吹革命。亦祇出于個人熱心。非有一定之具體的計畫。故中山克強得訊後。始先後派遣甯調元胡瑛楊卓林孫毓筠段書雲權道涵廖德璠李發根諸人分赴湘鄂蘇皖贛各省。聯絡軍隊。急圖響應。劉道一在衡山鄉中。聞萍瀏起事。始赴長沙有所計劃。爲撫署遊擊熊得壽逮捕繫獄。清吏用酷刑訊供不得。遂以劉佩章所鑄鋤非二字定獄。旋加害于瀏陽門外。禹之謨甯調元亦在湘被逮。禹被害。甯判監禁終身。胡瑛在鄂被逮。監禁終身。楊卓林在楊州被逮。直供革命黨不諱。卽加害。孫毓筠段書雲權道涵等在南京被逮。李發根廖德璠在楊州被逮。均監禁終身。此外派回者多未能達目的地。萍瀏黨軍因此缺乏知兵善謀之人爲之指導。卒難與清軍抗衡。殊可惜也。

失敗之原因 先是黨軍首領原擬分三路進兵。一據瀏陽醴陵。一進窺長沙。一據萍鄉之安源礦路爲根據地。一由宜春萬載東出瑞昌南昌諸郡。以攻略蘇皖。及萍鄉一軍先期發難。瀏醴繼之。其指揮者皆會黨首領。素乏軍事學識。故起事後。雖屢敗清軍。然終不能佔領縣城。且隊伍凌亂。人自爲戰。殊非新練清軍之敵。徐紹楨所統江南新軍中多革命分子。趙聲倪映典亦在軍中。擬相機爲黨軍効力。詎黨軍未經訓練。散漫無常。雖欲互通消息。亦苦無門徑可尋。卒致愛莫能助。事後。趙倪諸人莫不引爲憾事。

第二十八章 丙午萍瀏之役

宗旨之複雜 萍瀏黨軍雖號稱革命。而內部異常複雜。姜守旦龔春台之檄文。稱奉中華民國軍政府命。惟另有一部。則自稱為新中華大帝國南部起義恢復軍。一稱民國。一稱帝國。雖同以排滿為號召。而其宗旨及名義。亦各不同。是役之不能一致拒敵。以圖進取。殆非無因。茲并錄當時新中華大帝國恢復軍檄文如下。

新中華大帝國南部起義恢復軍布告天下檄文

自明室不競。漢統中斬。犬羊竊據禹鼎。腥氈彌漫中原。四百餘州。胥遭屠毒之禍。二百餘載。不覩日月之光。雖然。夷狄猾夏。何代蔑有。罪大惡極。窮兇極暴。上千天心。下悖人道。為天誅天討所必加。九征九伐所不赦者。未有如現世覺羅滿清之甚者也。昔在胡元將亡。中原豪傑四起。我大明太祖高皇帝。揚三尺之劍。奮七尺之軀。以淮右布衣。赴義淮上。遂能掃盪胡虜。復我冠裳。洵所謂志繼虞夏功邁陶唐者也。今滿虜之罪。浮於胡元。中原人心。嚮於明祖。誠英雄豪傑建功立業之候。志士仁人奮迹雪恥之秋也。至今歲洪水橫流。滔滔皆是。我同胞因之喪家失業轉徙溝壑者。北踰兗豫。南及江淮。哭聲震於郊原。餓殍載于道路。使聞者酸心。見者墮淚。皆莫非天厭胡運。降此厲災。以示洗污除舊之徵。惟是非常之舉。賢者慕之。愚者惑焉。况滿賊竊據已久。

鬼域日深。慣用以漢殺漢之毒技。坐收漁人兩獲之功。故前人有格言曰。漢人作官。謂之太平鬼。漢人當兵。謂之替死鬼。茲即徵之目前天下共見共聞之事。問庚子以來。爲彼滿賊出死力。保殘局。內得罪於同胞。外見忌於暴鄰。有如袁世凱岑春萱諸人者乎。今卽免死狗烹。鳥盡弓藏。非我輩舉義湘南。彼等今已不知竄流何所。遑云稍留體面。聊保閑散之聲也哉。今徵調兵勇。日有所聞矣。然亦不過曰湖北出兵幾何。江蘇出兵幾何。江西湖南出兵幾何而已。而荊州南京之駐防。不聞出隻人匹馬者何也。夫我輩之起。志在驅滿賊耳。今彼乃捨最近之荊州南京駐防。而必以我兵敵我恢復軍者。其居心何等。不問可知也。然則我同胞亦可以自反矣。昔宋祖黃袍加身。實當出征之際。大丈夫生逢亂世。攀龍鱗。附鳳翼。圖像凌烟閣上。列坐凱旋門前。亦云得時則駕棄逆效順而已矣。至豪邁公子。豁達少年。亦當知唐室龍飛晉陽。蓋以太宗爲嗣子。漢家崛起豐沛。畢有大造於太公。化家成國。達權卽所以守經。因禍得福。致人不爲人所致。勿自委於無寸尺柄。明祖亦徒步布衣。勿畏胡虜毒饑凶張。胡元實跨歐兼惡。夫中國者中國人之中國。而非夷虜之中國也。今與我四萬萬同胞約。有能起兵恢復一邑者。來日卽推爲縣公。恢復一府者。來日卽推爲郡主。至外而督撫。內而公卿。有能首倡大義志切同胞

第二十八章 丙午萍瀏之役

者。則我四萬萬同胞歡迎愛戴。如手足之衛腹心。來日不惜萬世一系神聖不侵子子孫孫世襲中華大皇帝之權利。以爲酬報。勿狃於立憲專制共和之成說。但得我漢族爲天子。卽稍形專制。亦如我家中祖父。雖略示尊嚴。其榮幸猶爲我所得與。或時以鞭扑相加。叱責相遇。亦不過望我輩之肯構肯堂。而非有奴隸犬馬之心。我同胞卽納血稅。充苦役。猶當仰天三呼萬歲。以表惻怛愛戴之念。竊惟我三湘風氣剛勁。人知禮節。意必有衡嶽降生拯濟同胞以驅除胡虜其人者。南達潯桂。西通巫峽。糾合同志。北定神州。戮爲虎作倀煮豆燃箕之梟獍。拔面奉心。圖欲取姑與之英傑。待舟楫一備。糧械已整。出東路者。由巴陵以洗荊州之狐穴。然後通徐沛。一過開洛。搗幽燕以繫單于之頸。責彼償我楊州嘉定千百萬之生命。平朔漠而擒頡利之渠。責其償彼坐食安享數百年之奉養。明祖下燕之檄曰。爲我者永安於中華。背我者自陷于夷狄。今日之事。內地之駐防。必誅戮淨盡。以絕_紅日夷狄窺伺覬覦之心。塞外之孽。宜略從寬大。以示中華天地覆載生成之量。檄到之地。我同胞其投袂而起。共復中原。用成我新中華大帝國。不亦庶乎

失敗之情形 黨軍起事之初。不數日集衆至數萬人。佔據三四縣。聲勢之大。爲歷次義師所未有。是時喧傳佔領長沙之說。內外黨人莫不額手相慶。十月廿七日。清廷更下旨特派江

西臬司秦炳直節制三省各軍。馳往擾亂地方相機勦辦。乃黨軍得地後。惟困守萍瀏醴三縣。並不向外發展。人數雖衆。而所持槍械。僅由各地方團防局奪獲二三千桿。餘衆多以木竿及舊式刀槍爲武器。以區區二三千鎗而敵四省節制之師。相持匝月。交戰二十餘次。雖失敗猶有餘榮。萍瀏醴各縣被清軍合圍聚攻後。黨首蕭克昌龔奉台蔡紹南等。或陣亡。或擒殺。黨軍由是解體。清軍乃大舉清鄉。殺戮平民萬數千人。向清廷虛報邀賞。然革命風潮自是汎濫于長江沿岸各省。有一日千里之勢。清廷雖迭興黨獄。終無如之何也。

黨人之生死 此役起事之範圍。關連湘鄂贛蘇四省。故黨人先後犧牲者極衆。據事後調查。在贛被擒加害者。有蕭克昌蔡紹南陳年苟胡友堂田永山葉其意李明生熊明珠王長發王景賢曾勇發鄧廷保劉治昌王靄亭沈益古魏輝月鄭琨鍾壽山廖甲鳳馬月卿沈嗣訓陳長友鄧連發劉麻子劉家有胡文煥張明才吳盛發袁連珍劉德華黃月譜張觀蘭何思明池茂才林秋牙賴家通周元祥劉子賓梁本山王新古張大响祝厚維李淮卿歐陽滿榮清松歐陽培植曾祿藻廖淑保姜守正譚狗仔張本裕房興全歐陽景言李棠彬等。在湘爲龔奉台劉道一王永求陳顯龍鄧王林張四皮禹之謨李世億瞿光文彭茂春汪月波陳壽山錢星保等。在蘇爲楊卓林江佑泉龍見田曾斌袁有升等。監禁者在贛爲李昌年等。在湘爲甯調元任智誠陶承祉胡春李福齋王易張寶卿宋運漢凌瑞勤張近維

第二十八章 丙午萍瀏之役

張近雲張近棠張近洗張承湖黎春煥盧心漸魏中友鄧三劉洪彬劉雲棠春樹漢僧同學劉其仁魏永秋吳發湧秦增壽袁籃亭李金友孫鴻均孫家惠孫家文譚松亭羅如嵩李棟彬陳維煊賴家新僧正侃魏新發李喜發等。在鄂爲朱子龍劉家運胡瑛梁鍾漢曹玉英謝九吳子銓殷子珩劉貞一等。在蘇爲孫毓筠廖德璠李發根權道涵段雲書傅義成趙太周江載春黎貴和黎貴蘭徐福榮等。此外各省懸想通緝者爲姜守旦龍定陳紹莊王勝陳金宗黃度武柳際貞劉林生鄭先聲李燮和盧金標劉震黎兆梅喻桂林諸人。

清吏之文告 附錄清吏關於萍瀏起事各項文告如下。

（其一）贛撫吳重熹致湘撫岑春煢報告軍事電

宥二電悉。昨電想亦達。均係實情。現兩奉嚴旨詰責。飭將吉匪黨合力擒拿。殲除淨盡。倘有貽誤。惟該督撫是問。湘軍已到四營云。而贛軍不及。若再專顧安源。勢愈蔓延。幸胡朱兩管帶廿五赴上栗市一帶迎剿。兩次擊斃匪二百餘名。餘匪潰逃。兵單未敢窮追。並聞瀏城南五里。湘軍亦斃二百餘匪。匪勢稍衰。醴陵令又來函。約與湘軍會剿。因有湘軍兩營直趨麻石。約廿六可到。是以袁統領又帶團勇六十人赴前敵助剿。現計在前敵者爲前營一半。後營一哨。及昨日到吉安防營兩哨。袁州協標兵六十人。此外調撥

袁州之後營兩哨。因聞匪竄宜春慈化瑞金等處。又爲該縣帶團防剿。尙有吉安防營四哨。日內當可到。省軍已電帶沿途飭催。再支持數日。省軍一到。即可分撥。刻又遵旨派秦臬司再帶常備軍三百名明日馳往督辦。熹。念八日。

(其二) 江督端方奏報出兵電

承准念六日電。奉旨江西湖南交界地方匪黨聲勢猖獗。着端方張之洞岑春煊速派得力營隊。飛飭會剿等因。欽此。查萍醴匪徒倡亂。迭接該處路礦局派湘贛來電。即經電商吳撫。岑撫。厚集兵力會同剿辦。電商張之洞。由鄂派兵援力。兼顧路礦。一面已飭江南三十四標全隊整裝以待。並電告吳撫。務多派得力之營。合圍拿滅。免釀燎原。贛省兵力不敷。立行拔隊往援。欽奉前因。即飭將業經戒備之第九鎮第三十四標步隊三營。炮工各一隊。馬隊輜重各一排。混成一枝隊。即於今夜開拔。分三起上駛。在九江換船進湖口。至南昌遵陸前進。三十四標操練較久。標統艾忠琦人亦穩練。第九鎮統制官徐紹貞曾在江西統兵。於萍鄉袁州一帶情形較熟。派令督率前往。相機堵剿。兼可與贛軍協商合力。妥爲布置。鄂軍由岳州至湘潭。道取萍醴鐵路。甯軍由南昌袁州。以達萍鄉。兩路夾進。庶期尅日肅事。仍當與張督吳岑二撫斟酌機宜。妥籌辦理。仰副朝廷慎固南

第二十八章 丙午萍瀏之役

陞至意。謹請代奏。端方。念八日。

（其三）湘撫岑春煊奏報軍事電

瀏陽醴陵二縣會匪滋事。前月廿八日續將布置剿捕情形電請代奏在案。茲恭閱電傳初一日奉旨。張之洞電奏悉。據稱湘撫及萍體來電匪勢倍熾等語。著岑春煊遵前旨。嚴飭各軍趕緊力辦等因。欽此。伏查湖廣總督電奏。即係指春煊前奏瀏陽之永和市牛石嶺竄匪更多。經梁國楨率隊進剿。槍斃三百餘名一節而言。前於電奏後。醴陵官寮之匪。當被管帶吳廷瑞督隊剿散。其踞麻石者。亦爲崔朝俊所部擊退。該匪率衆千餘。復趨官莊。潭塘亦有竄匪八九百人。趙春廷一軍分頭迎擊。在距官莊數里之蘆婆嶺接仗。轟斃甚多。先後擒獲匪目楊幫豐等四名正法。餘由縣審辦。該縣出示解散繳票。首悔者七百餘人。瀏陽匪徒自念三夜在南街市繫退後。與羊鬆造另股。均竄聚西鄉。彌沈光約千餘人。經梁國貞所部蔣溫二弁督飭什勇。從高嶺攀援而上。槍斃悍匪十餘人。匪即奔退。廿七日徐振岱所部胡梁二弁探知高址聚匪亦多。前經剿捕。斃六十餘名。是日東秩小源大聖廟亦有匪盤踞搶掠。經梁營易楊二弁率隊截擊。斃匪十八名。匪首姜守旦即萬飛鵬。與其黨共二千餘人。聚於大旗山寨。山上設有偽將臺一座。借毛氏祠內藏儲火藥軍械。

該處山嶺千尋。地勢極險。念九日經易李二弁率隊。由旁包抄而上。直入匪窩。將祠屋偽臺焚燬。擊斃數十名。該黨等復竄永和市。三十初一等日。由易弁與常備軍隊官王正宇夏占魁分路合剿。死傷各百餘人。姜守旦率黨逃往官眼大光洞等處。現在跟蹤追剿。統計前後共斃匪目士綏乾等四名。餘黨二百餘人。擒獲張積總等十二名。正法。奪獲馬二。刀械無數。脅從解散二百餘人。我軍陣亡什長翟洪勝等三人。受傷八人等情稟報前來。春冀查瀏醴二縣會匪。迭經官軍進剿。擊斃甚多。惟該二縣山深樹密。道路紛歧。而瀏陽通省要隘尤多。省城重地。關係緊要。湘省兵力本單。即應兼顧省防。又須保護路礦。及駐紮瀏陽近省各路。以爲屏蔽。節節分布。勢難全行調赴前敵。是以匪徒不免此擊彼竄。鄂省初派三營二隊。現均到湘。開赴醴萍。路礦更足資守護。所有續隊三營。均與湖廣總督電商。即以馳赴瀏陽會剿。庶可一鼓而除。以杜分竄。現在長善二縣各鄉民情。均屬安謐。省城防務已悉心籌布。並將各營出力弁勇分別賞給銀兩。俾資激勵。除仍嚴飭各將弁督率什勇。趕緊分投剿捕。期早撲滅。請代表奏。

（其四）鄂督張之洞懸賞緝黨扎文

鄂督張扎臬司文。爲扎飭懸賞嚴拿會匪事。照得近來長江一帶。亂黨滋多。前承准軍機

第二十八章 丙午萍瀏之役

處電傳欽奉諭旨。嚴拿會匪黨羽。當經通飭欽遵在案。上月江西萍鄉湖南瀏陽醴陵各處會匪起事。其頭目卽係該匪一黨。現已派撥大兵馳往剿辦。疊接北洋大臣袁湖南撫院岑先後函電。訪聞會匪黨羽潛布長江一帶。意圖勾結逆黨起事。近有大頭目王勝陳金等匪。由湘潛來鄂境。請嚴防密捕等因。准此。該匪等糾黨倡亂。實屬罪不容誅。亟應嚴拿重辦。以正國法。而遏亂萌。合亟札行出示曉諭。懸賞嚴拿。並詳列該匪姓名蹤跡。分別賞格。如有將後開真正匪首擒獲送轅者。立卽照格賞發。其知風報信因而拿獲者。照原開賞格減半發給。本部堂儲款以待。決不食言。爲此札行該司。卽便飭屬遵照。切切此札。

計開賞格

王勝（係湖南大頭目。年三十六七歲。長沙人。身中面圓。無鬚。假辮。）陳金（與王勝同。行年三十三歲。湘潭人。身矮。面胖。無鬚。假辮。）姜守旦（卽萬飛鵬（年約五十餘歲。係瀏陽東鄉人。瘦有鬚。）陳紹莊（年約五十餘歲。亦係瀏陽一帶人。身高大無鬚。像極兇惡。）拿獲以上各匪者各賞銀一千兩。

宗黃又名夏靈。（年四十歲。係長沙富商。爲黑幫頭目。）劉家運。（係湖北省會首

。曹玉英（年廿九歲。係沙市油皮富商。爲沙市會首。）黃度武柳際貞劉林生（以上三名係湖南匪目。）鄭先聲李燮和朱子龍蕭克昌盧金標（以上五名係長江一帶之匪目。）拿獲以上各匪者各賞銀五百兩。

（其五）湘撫岑春煊奏獲革命黨劉道一電

湖廣總督咨直隸總督函。查得逆首孫汝謀爲不軌。其黨爲黃近午柳際負劉林生諸人。當分飭地方文武嚴密防緝。旋據撫標右營游擊熊得壽緝獲劉道一。卽炳生。又號鋤非。解由臬司督同長沙府審訊。據供劉林生名揆一。又名棣華。是其胞兄。該匪均係游學日本官費生。林生與孫汝曾商議革命。孫汝到日本開會。該匪慕孫名亦往。遂與黃近午柳聘儂及湖南人萬飛鵬廣東人馮自由湖北人劉家運日本人白浪滔天及不知姓名四五十人。均入會爲革命。其會名曰中國同盟會。辦法以廣收黨羽爲要。孫汝爲會長。黃近午爲副會長。并擔任爲南洋羣島中國人開學堂。藉以誘令入黨。預備籌款。購辦槍礮。湖南人王延祉甯調元陳方度均在其內。柳聘儂與章炳麟同辦民報。以冀蠱惑人心。孫汝現在日本東京牛込區民報社左近地方。並據供稱取漢書非種必鋤之意。故號鋤非等情。不諱。查該犯所供。逆跡昭著。卽飭就地正法。用昭儆戒。此等匪黨行蹤詭密。到處勾結煽惑。

第二十八章 丙午萍瀏之役

潛圖不軌。實爲大局之患。民報湘省早經查禁。劉林生已電駐日楊使勒令退學。並確查黃近午等如尙留學東京。均令退學。電飭滬道截拿。並電咨沿江沿海各省一體嚴緝。即飭各關認真密查。以期消息未萌。刻下瀏醴股匪業經一律擊散。可無他虞。現欽遵迭次諭旨。嚴飭各軍隊。搜捕著名匪黨。實行清鄉。俟辦理就緒。即另行恭摺奏報。所有拿獲謀逆學生正法緣由。謹祈代奏。岑春煊叩。丙十二月十七

(其六) 江督韓撫會奏萍鄉革命軍起事情形摺

光緒三十二年十月間。萍鄉縣境與湘省各界地方。突有匪徒蠢動。及宜春萬載等縣。勢甚猖獗。經前撫臣吳重熹節次調兵往剿。並奴才端方遵旨派兵。與鄂軍分投赴援。暨奴才瑞良抵任後。督飭搜剿續辦各匪。以及舉辦清鄉一切事宜。疊經奴才等撮要隨時電奏在案。現在匪患已平。人心大定。謹將辦理情形縷晰陳之。伏查湘贛連界各屬。近年會米糧昂貴。生計維艱。人心不免浮動。而游勇痞棍時復往來其間。習知長江一帶洪江會匪歌訣。即立爲會名。散賣票布。誘惑鄉愚。以爲誑騙錢財之計。其無知良民誤爲入會可保身家。亦不免投身入黨。湖南醴陵匪首有李經其者。爲奴才端方向在湖南巡撫任內掣獲正法之馬福益死黨。常游蕩於瀏陽醴陵等處。曾與萍鄉上粟市之匪首饒有壽龍人傑

萬載之龍定往還。糾合姜守日龔春台沈益古胡有堂呂光華廖淑保等。欲爲馬福益報仇。適有游學日本暑假回籍之蔡紹南。乘間以革命演說。李經其等遂假以爲名。自稱爲革命軍。原約上年十二月間起事。軍分三股。一踞瀏陽以進窺長沙。一踞萍鄉之安源礦路以爲根據之地。一由萬載東竄瑞州南昌諸郡。援應長江。以軍械無多。未敢遽然發事。爲瀏陽縣知縣所聞。會營追捕。李經其落水溺死。其黨羽饒有壽等乃促令姜龔兩匪先期竊發。曾函致安源著匪首蕭克昌率令工黨六千人以應。蕭以動非其時。未之允許。而湘贛邊境羣不逞之徒。乃叫號附和。一時湘贛接壤之境。徧地皆匪。遠近相傳。動稱數萬。此該匪起事之情形也。其時贛邊營勇僅有紮上粟市者兩哨。湘邊瀏陽醴陵兩境防營。亦未調齊。匪卽先擾瀏陽之麻石文家市金剛頭。繼擾萍鄉之高家臺上粟市桐木。後竄入宜春之慈化等處。適吉安巡防隊左軍統領袁坦巡察玉屏鄉。經前撫臣吳重熹電飭督率原駐萍鄉安源之巡防左軍前營管帶胡應龍迎剿。調撥駐袁州之巡防左軍後營管帶朱鼎炎帶隊馳往會剿。兼飭該縣會紳多招團練。以資保衛。並由省派常備軍一標第二營管帶劉清泰率全營兵隊。取道臨江。袁州原駐新昌縣之常備軍一標第二營管帶董作泉率隊二百人。取道瑞州上高萬載。分途趨程前赴萍鄉。特委巡防內河水師右軍統領候補道張季煜督辦防

第二十八章

丙午萍瀏之役

第二十八章 丙午萍瀏之役

剿。派出各軍。均歸節制。俾一事權。一面電飭駐吉安之中左各營。拔駐袁州。聽候調遣。並電商湖南撫臣岑春煊派軍乘輪舟至醴陵瀏陽會剿。當匪踞各處之初。並未肆行劫掠。所至祇索軍械糧食白布等。所劫裏頭白布白旗號衣。書革命軍先鋒後營軍前營等字樣。旗書革命軍及洪福齊天等字樣。匪械有刀。有小手槍。有檯槍鳥槍。間有來福毛瑟等洋槍。內有游勇。陣隊亦倣洋操。到處張貼偽示。糾人入會。語甚悖逆。正剿辦間。接奉電旨。飭臬司秦炳直前往萍鄉堵剿。遵飭該司帶常備軍一標第二營三百人。卽以該標統劉槐森領之。於十月初七日行抵萍鄉駐紮籌辦。此前撫臣征調布置及匪黨竄擾之情形也。該匪初起。勢甚猖獗。所到之處。脅民爲匪。雲集響應。未至之處。謠言四布。人心惶惶。尤慮勾引安源礦工。聯絡聲勢。十月二十一日有匪三千餘人聚上粟市。該處防營以半營抵禦。斃匪二名。衆寡不敵。兵力少挫。厥後匪之竄入慈化者。焚燬黃圃巡檢衙署。經駐瑞金巡防左軍後營趙春芳帶隊迎剿。斃匪數十名。擒獲李明生熊明球二名正法。匪始退入桐木。又經由吉安調駐之右營管帶許登雲率帶兵隊。在宜春縣屬瑞金慈化一帶進剿。斃匪多名。其在上粟市者。經巡防隊左軍前後兩營合力攻擊。歷兩時之久。斃匪二百餘名。奪獲匪械旗幟甚多。匪勢爲之一挫。又在普安山桐木兩次合剿。匪益

不支。全將裏頭白布拉去。充作民人。或竄匿山谷之中。或回瀏陽境內。羣集於中山嶺紅綾鋪等處。湘軍亦屢次得捷。而匪之聚於文家永和等市者。餒猶未息。探知萍鄉有備。遂并力以圖萬載。賴有前撥新昌防營二百人。秦炳直所帶劉槐森部下兵三百人。均從此路同赴前敵。得以遏其來路。時奴才端方遵旨派陸軍步隊三營。馬隊輜重各一隊。礮隊工程隊各一隊。共二千餘人。委第九鎮統制徐紹楨爲司令官。率同標統艾忠琦乘輪赴九江。易舟至省。其第一隊。由南昌先行進發。民間爭傳大兵將到。羣匪震懼。遂竄伏於瀏陽一隅。經長沙總到常備軍兩營搜剿。匪乃靡然而散。其潰匪有竄入義寧州銅鼓廳一帶者。由該州縣會同巡防隊左營李國斌。並調派該處防堵之常備軍二標二營袁楚英截獲二十餘名。於是贛境已無成股之匪。此迭次剿辦之實在情形也。方匪勢之正熾也。偵探匪情頗注意於安源煤礦。袁坦督巡防隊前營。分一半至案山關搜剿。以一半留駐礦地。勢雖岌岌。而逐日工作未停。湖南撫臣岑春煊就近派管帶李振鴻帶隊九十人來駐安源保礦。而湖南督臣張之洞派第八鎮協統王得勝標統李襄鄰。率步隊三營。礮隊一隊。先於十一月初三日抵萍。另派步礮隊各一隊。專駐安源。合之甯軍之陸續到萍者。兵力頗厚。先是前撫臣吳重熹接直隸總督臣袁世凱密函。謂蕭克昌爲匪中頭目。近投安源營中充

第二十八章 丙午萍瀏之役

線。黨羽甚多。以該匪既與礦工聲氣相通。辦理稍有不密。必至有礙礦務。牽動全局。遂密告臬司秦炳直。相機拏辦。迨甯鄂軍到。足資鎮懾。該臬司卽密商礦務局員林志熙。會同王得勝李襄鄰。並督飭胡應龍設法捕獲蕭克昌。斬之。去一渠魁。人心大定。復將礦工人切實稽查。各具保結。無保者退百餘人。分別送回原籍。以杜後患。又據獲匪供稱。該匪自接仗敗後。巨目爲陳紹莊。以傷重擡回。不知存亡。先後拿獲之贛匪大頭目。如饒有壽龍人傑沈益古胡有堂廖淑保魏宗全等二十餘名。皆起肇亂。抗拒官兵。罪惡昭著。訊據供認不諱。均於軍前正法。其小頭目及得受僞職各匪。訊明伏法者。約近百餘人。其情罪較輕分別予限監禁者。亦八十餘人。雖姜守旦等因追捕嚴緊。竄往平江逸去。現仍飭令嚴密購緝。並將演說革命之蔡紹南一體嚴拿。而數月以來。鄂軍紮湘之邊境。甯軍紮贛之邊境。深得協同搜捕之力。此安礦保護無恙疊獲諸匪之各情形也。惟是匪雖潰散。其零星之匪。潛匿他邑。深恐死灰復燃。十一月初十日。徐紹楨到贛。吳重熹以南昌九江營伍抽調過多。形甚空虛。商留甯軍一營駐省。以資兼顧。並囑撥兵分隊至義甯州銅鼓廳。查有匪蹤。卽行會剿。其開赴匪鄉之兵隊。隨時與贛軍實力搜捕。曾由甯軍拿獲著名會黨陳祥友劉先張珍紹王俊騏李昌谷李昌年等。分別懲辦。當秦炳直

未到萍鄉之際。由張季煜分飭各管帶連合鄉團。嚴拿匪首。免治脅從。遇有聚集之區。立即痛剿。並親率兩隊出案山關。沿途搜索。又由袁坦分飭前營回駐安源。分防蘆溪一帶。後營駐桐木。分防秋江楊岐山黃土。左營駐上栗市。分防案山關。中營兩哨分防清溪瑠江。袁坦親駐上栗市。相機策應。秦炳直以萍地兵力已厚。慮萬載兵單。爲匪所乘。調派劉槐森前往株潭黃茅堵剿。兼派董作泉分紮黃茅慈化等處。購線緝匪。所有袁州府屬之萍鄉宜春萬載等縣。均與瀏陽接壤。該地方文武各官。悉與湘省營縣商同剿辦。以防此拿彼竄。此各軍分股防堵搜剿之情形也。至秦炳直駐萍鄉搜剿以來。體察地方情形。匪已潰散。謂治亂之道宜寬嚴互用。一以查拿解散爲主因。剴切曉諭。將匪徒區分三等。凡勾引拜會焚掠劫殺者爲頭等。罪在不赦。特懸重賞緝拿。其一時附和。而平日非甘心從逆者爲次等。准其引拿首要立功贖罪。無立功仍按律嚴辦。若僅被誘脅入會。並未爲匪者爲三等。准其繳銷票布。禱神誓悔。取其團旗保結。給予護照回家安業。並卽酌定清鄉章程及嚴禁煙賭等條例。發各營縣紳耆等。飭令切實遵辦。一面知會湖南醴陵瀏陽等縣。同時並舉。各清各鄉。張季煜卽駐萍鄉宜春萬載三縣適中之地。訪查糾察。俾該員等不得操切以圖功。亦不許因循而貽患。歷三閱月而清鄉始竣。其間徐紹楨於上

第二十八章 丙午萍瀏之役

年十二月。因甯軍各營有需商辦整頓之事。經奴才端方飭先回甯。其督率軍隊及協同清鄉等事。卽責成標統艾忠琦接辦。嗣因清鄉大致就緒。戶冊亦將造成。臬司秦炳直以省署積牘已多。亟待清理。經奴才等於正月十八日據情電陳。欽奉電旨。准其回省。仍留張季煜駐萍料理。現在各處清鄉一律辦竣。民情安堵。各軍陸續撤回。張季煜攜帶清鄉冊籍業經回省。鄂軍尙有一營暫駐安源礦地。亦極安靜。此辦理善後之情形也。伏思此次匪亂。凶燄鴟張。逆謀狡譎。始者頗思一逞。雖尙無深固巢穴。快利槍械。惟軍以革命爲名。意圖煽惑響應。去冬奴才端方拿獲匪黨袁有升楊卓林等。訊據供稱係由逆匪孫汝暗中勾結。倘或日久未平。潛濟精械。後患何甚設想。仰賴聖上威福。各軍將士效命。得以指日撲滅。掃蕩妖氛。所有在事出力文武各員。不無微勞足錄。合仰懇天恩。准其分別保獎之處。出自逾格鴻施。謹奏。奉硃批准其擇優酌保。毋許冒濫云云。

第二十九章 丙午南京之黨獄

江南新軍之革命潮 萍瀏革命軍之接應 楊卓林等之被逮 孫毓

筠等之被逮 袁有升等之被逮 龔鎮鵬等之監禁

江南新軍之革命潮 江南新軍自癸卯留日義勇隊成立及蘇報案發生後。即有愛國志士投身軍隊中。宣傳革命排滿之說。士卒從而附和者頗不乏人。及乙巳東京同盟會成立。上海旋亦組織分會。益派同志多人。分赴江南各地。從事軍界之運動。新軍將弁如趙聲倪映典林述慶柏文蔚冷適楊希說諸人。均先後入黨。在江南軍界佔有一部份勢力。趙任管帶時。日在珍珠橋營部高談革命。軍學兩界同志恆假其地爲宣傳機關。及擢任標統。從者益衆。事爲滿將舒清阿等所知。乃嗾使江督端方將趙等一一撤差查究。趙倪失職後。赴粵供職。復被端方電告粵中防範。卒致不安于位。柏文蔚則以東走滿洲得免。蓋江南新軍革黨將領之見疑。其大原因在于丙午中山派喬義生偕法國武官巡遊長江各省調查軍隊勢力一事。喬等至南京時。嘗訪問軍警界同志接洽一切。以是爲督署密探所悉。故端方得以從容防範。使革黨在江南數年不能有所措施。與湖北日知會之橫被摧殘。同出一轍。

第二十九章 丙午南京之黨獄

萍瀏革命軍之接應 丙午十月萍瀏一役。本無謀定後動之具體組織。故革命黨東京本部事前並未與聞。及既發動。本部始先後派孫毓筠楊卓林權道涵段漢廖德福李發根胡瑛甯調元等分赴蘇皖浙湘鄂各省運動起事。爲萍瀏義軍之聲援。而上海黨員劉震黎兆梅滕元壽等復聯絡



長江一帶會黨袁有升江佑泉龍見田傅義成趙太周江載春楊黎貴和徐福榮曾斌諸人。密謀在南京起事。詎機事不密。各種計畫均爲虜督端方所林破。除劉道一甯調元胡瑛等在湘鄂被逮之外。孫楊權段諸人相繼就擒。鮮有倖免者。端方初疑江南軍界與革命黨相通。及獲孫楊等。復有所聞。遂對於軍界多方設法防範。第九鎮新軍營弁因此受嫌撤職者頗衆。

楊卓林等之被逮 楊恢號卓林。偕李發根廖子良三人由日本回滬。擬運動蘇浙兩省及會黨

起事。因與駐吳淞標統周維藩爲舊交。親往遊說。使之反正。周允贊助革命。而不願担任發難。楊失意返滬。旋謀結識江督密探蕭亮劉炎二人。蕭劉向奉端方命。專在滬查探革命黨。冒認會黨頭目。佯投入會。故設陷阱。使人入彀。楊等不知其詐。被誘至楊州。在某茶樓遇



捕。旋在客店搜出炸彈八枚。製造炸彈藥料多件。及楊代撰孫文致南洋淮楊等處革命軍都督劉及總執法兼參議事蕭等照會數通。其文云。

元 建立中華共和國革命軍大

總統孫爲照會事。照得本

總統自提倡大義以來。專

以驅除胡虜恢復中華建立民國平均地權爲宗旨。幸我海內外同胞咸知滿人爲我漢族不共戴天之讎。各抱熱誠。共張撻伐。或同盟起義。或歆血誓師。如風之行。如響斯應。本年十月南軍樹幟。率三湘子弟爲天下先。大兵所至。箠食盡漿。具徵人心思漢。天意厭

第二十九章 丙午南京之黨獄

胡。凡我同胞。際此尤爲千載一時之機。會本總統歷年奔走歐美諸洲。運動聯合現今如英法德日美等國。上自政府。下至人民。均極傾心贊助。願進東亞文明之幸福。而保全世界公共之平和。故本總統對於內地各同志會黨。已具有實力者。一律照會通知。發給關防。以期義旗共舉。本總統得調查部報告。聞貴軍精養有素。蹈厲無前。如長江大河。必有一瀉千里之勢。本總統具大期望於貴軍。貴軍亦卽負大責任於中國。替天行化神武不殺之謂仁。伐罪吊民溫肅並行之謂道。凡大軍所到之處。嚴禁侵犯姦淫。俾農工商賈各安其業。更嚴禁妨害外國人之生命財產教堂商埠等。俾外人不得乘機至內地。學堂工廠。尤必極力保護。以應民心。軍中人等。應知此舉專以驅逐胡虜。收回主權。爲同胞謀幸福起見。非以國家爲一己私產者所比。爲此合行照會貴軍。厲兵秣馬。速舉義師。其應用軍械。本總統自當源源接濟。不至有匱。並給軍事關防。以資信守。務期同心同德。以戡胡虜之命。而贊中華民國之功成。用伸大義。布告同胞。須至照會者。

右 照會

南洋淮楊等處革命軍總執法兼參議事蕭

計開

軍事關防一件

黃帝紀元四千六百零四年歲丙午十一月二十六日行

另有照會南洋淮楊等處革命軍都督劉公文一件。文與前同。不重錄。

楊廖李三人被逮後。經端方派員嚴訊。三人各有供詞。據清吏所發表者照錄如下。

(其一) 楊卓林供詞

國民楊卓林。我是孫文之副將軍。楊卓林。革命黨。從政治革命閱歐史。法國盧梭云不自由無甯死。佛家云衆生一日不出地獄。卽余一日不出地獄。白種迫我黃種。卓心存保黃種之議。俟百年史家評論。廖子良李發康兩人乃我騙來造教習的。受我之害。拖累無辜。懇各位審判官保全二人生命。製造棉花火藥之硝酸酒精各藥水。是我同蕭劉買的。

十二月十六夜楊卓林供

(其二) 廖子良供詞

學生廖德磻。號子良。年二十二歲。湖南醴陵人。住居西鄉石亭。自去年八月十五往日本。到東京時。楊卓林卽來迎接。學生並不認識。繼又與學生同寓。常言道人生在世。總要仁義二字。果然平常錢米不稍吝惜。至九月間夜在學生房中。道伊是革命黨中之最

第二十九章 丙午南京之黨獄

有勢力的人物。並道伊先未讀書時。在外遊蕩。得晤長江一帶會黨的總頭目。一年四季。無一時不是有大錢用。無一日不有大塊肉大碗酒吃。此次出洋。特爲會孫文的。孫文果識人才。卽授我以副將之職。學生初聞之大爲驚駭。久而久之。屢有所聞。故不覺成爲習慣。十一月間。日本取締事出。同鄉卽議抵制不成全體歸國。學生故於二十與同邑四人回國。當臨行時。作林卽到橫濱學炸藥。至如何學法。學生不得而知。學生今年在中國公學肄業。四月間楊作林卽回申。到公學會學生。迫學生入會。學生當時畏之未應。既又運動馬君武勸學生。至於再三。學生方允之。學生允後。作林卽往南京各軍隊內演說運動。九月間又到河南天津北京等處運動。後又到浙江江蘇等處運動。後卽到滬寓法界鼎吉里夏寓總機關部。住有數天。得萍醴起事的消息。孫文卽有信與作林。使往廣東起事響應。以牽制官軍。作林以無經濟不果。後聞萍醴事敗。到粵之舉。擬作爲罷論。正思議間。適蕭亮劉炎二人來投孫文。而孫文在東京。劉蕭二人卽欲往見。作林卽止之。蕭劉卽索得投孫文的憑據。作林卽代給蕭劉趙三人照會與關防各二件。於是議往楊州。作林卽力勸學生同往。學生以事有關身家。不敢應之。後學堂放年假。學生欲歸家省親。以家鄉禍起。家中信息毫無。屢次寄音。有如泥牛入海。消息毫無。因此之故。

學生亦不敢回家矣。奈何財囊告罄。欲守株不能。作林遂以三十元之金接濟。

十二月十一在總機關部。作林持一個鐵球與學生視。學生即問爲何物。作林隨答之曰。鵝蛋子。再問之。始曰是炸彈殼。學生又問此係何人的。作林曰係蕭劉在上海機器局所買者。以上所述。皆可執證楊作林。據作林說。伊十五歲出身當兵。十八九歲始讀書進學堂。稍染有一點新學派的氣息。倡言種族革命。故孫逸仙封他爲副將。伊就詡詡然自鳴得意。今歲又牽引學生入革命黨。

此次萍醴事起。皆係孫逸仙之原動力。當起事時。孫即派某某等爲上海之總機關部。又派有朱容卿（廣東人）文秀華（福建人）劉鏡堂（湖南瀏陽人）甯文昭（湖北襄陽人）到萍醴主謀。作林本係孫逸仙派他到廣東起事。作林因萍醴事敗。遂止之。後蕭亮劉炎二人來申。決意來投孫逸仙。作林即爲之主。刻有印信三顆。一南洋淮楊等處革命軍總參議趙（紳士）之關防。二南洋淮楊等處革命軍總執法兼參議事蕭之關防。三南洋淮楊等處革命軍都督劉之關防。擬在長江一帶起事。（由瓜州出江）乘南京之虛。湖南之黨已成流寇。難以撲滅。若長江事起。廣東響應。湖南之黨又可復興矣。

由九江至萍鄉一帶。皆係洪江會之藪。他如曹州之馬賊。嘉應之幫黨。東三省之鬍子。

第二十九章 丙午南京之黨獄

皆係聯絡一起。淮楊黨起。必先取楊州之糧。然後從瓜州出江。某某乃革命黨之執法部。聞作林所言製炸藥之種類甚多。略舉如左。

銀入硝酸。或水銀入硝酸。或木棉入硝酸。或酒精入硝酸。

聞楊作林之言。吳樾之事未成。伊必成之。

炸彈之事。學生實未得其詳。不過十一日下午。在作林寓看見如鷄蛋形之鉄球一個。學生即詢其何物。作林隨應之曰。蛋子。學生求其實。作林始曰。炸彈殼。學生又詢其內裝何物。作林答曰此非爾所知。學生即究其故。伊曰。此物最危險。非經試驗者不可輕使。後伊復出一張字紙與學生看。乃製炸藥之一種。大概是用水銀溶解於硫酸。澆乾即得。以之如何用法。學生未曾過問。

此回到楊州。學生有十分之八九不願。因李發羣怕作林荒唐。不敢獨隨。故竭力挽學生同行一往。至於到楊州爲何事。則曰聘學生等當教員開辦學堂。繼則曰爲遊歷起見。不意禍從天降。學生等坐甕不知。時也命也。及到楊州落客棧。學生等與劉炎到酒樓用餐。斟酒未乾。巡警將學生等三人縛束矣。

（其三）李發根供詞

李發根字芋禪。籍隸湖南省長沙府醴陵縣東鄉。年三十歲。家居東鄉醴江境。父親李青蕃。由拔貢中舉。殿試考取景山官學教習。現在雲南知縣。學生向來在家讀書。於去年八月間東渡日京。肄業宏文理化。夜班東京實科學校。日班理化專科。楊卓林向不認識。到東京後始面識。於十一月中旬到上海。適楊卓林在滬。這楊卓林係孫文黨。伊在橫濱學習英文。又開學炸藥。學生未得實在。伊自東京回。在上海組織革命機關部。孫文賞伊陸軍大將。與蕭劉扎委一通。並有印信三隻交蕭劉趙收用。至於長江會匪多少。學生不得實情。但有欲響應萍醴之事。嗣因萍醴事敗。又無軍裝火藥。以致未動。此係聞楊卓林之實在情形也。學生與廖梓梁此次到楊州。作林謂到蕭劉處過年。踏看該地情形。以見其勢力。爲日後之豫備。（謂該處係一村落。有數十人家。無一不與同類。並各有土鎗兵器）該處離楊州八十里。學生不知其地名。據楊卓林說。該處伊亦未到過。聞蕭劉二人說。平常有數千人在外搶劫。懸在離楊州二百里之外。所以該處數十年來。未曾犯案。學生在東京聽柳頌雲說孫黨之好。以愛國保種平均地權爲宗旨。故學生亦入之。現在帶來之炸彈殼模樣。聞蕭子翼與楊卓林說在上海某鐵店中做成。嘗聞楊卓林說。此樣不好。要桶杯形方合用。其中安銀爆藥。先須以膠水調藥入之。方保危險。不然。身

第二十九章 丙午南京之黨獄

邊不可帶也。其銀爆藥有將水銀與硝酸合成者。柳頌雲在東京正則英文學校。

法蘭西租界鼎吉里第七號王寓。楊作林常住此處。又英租界留學生招待所張保卿處。作林亦常往。

上海機關部任事者爲朱光環張保卿朱保康高某蔣保勳。

李發根謹狀

楊等訊供後。端方判稱楊恢于三十一年遊學日本。投入孫黨。授爲僞副將軍。令往各處運動。李發根廖子良遊學日本。喜談政治革命。被楊煽誘入會。未授僞職。楊卽就地正法。李廖各予監禁五年等語。楊竟就義於此役。

孫毓筠等之被逮 孫毓筠於黃克強離日時。曾代理同盟會本部庶務幹事職。丙午冬僭權道涵段澤二人回國。時中山嘗在牛込區寓所爲孫設筵祖餞。孫等歸抵上海。旋赴南京。欲於軍界有所活動。抵甯未久。卽被警察跟蹤拿獲。端方以孫曾捐道員。且屬大學士孫家鼐之姪。與有世誼。故待遇較他犯略優。且有意爲之開脫。以是研訊之結果。從犯之權道涵段澤判處永遠監禁。首犯之孫毓筠反得從輕監禁五年。謂其主張政治革命。並未爲匪。俟限滿察看。再行酌核辦理云云。照錄清吏所發表之三人供詞如左。

(其一) 孫毓筠供詞

孫毓筠號少侯。年三十八歲。安徽壽州人。向住壽州城內郝家巷。父於辛卯年故。母庚子年故。去年九月妻汪攜帶兩兒赴日本留學。長兒十五歲。次兒十三歲。均在曉星中學校肄業。汪珏在奎文女子美術學校習造花編物專科。毓筠今年三月始赴東。擬入早稻田大學文科。在校外預備英文日本文。須兩年工夫始能入校。幼時承父教訓。年十五入學。報捐同知。分省試用。（在正陽鹽票減成案內報捐）。後又託人在天津捐局加捐道員。因款未繳齊。核准與否。尙不可知。弱冠後隨堂叔少鼎比部。（名傳爽去年秋間已故）講習陽明之學。年二十三。父歿。居喪時讀楞嚴圓覺等經。飯向佛法。二十五歲冬間大病。遂閉門遍覽大藏時法相宗各經論。新由日本取回。（五代之亂。中國經論遺失者數十種。法相內如成唯識論述記因明疏唯識樞要等皆遺失無存。）專心研究相宗。兼習華嚴。承楊仁山居士認可。丁酉歲決意出家。楊居士聞之。致書毓筠。謂如果發願度生。即在家亦可。何必定在沙門。毓筠得書後遂止。壬寅歲與族人共建藏書樓。備人閱看。甲辰年創辦小學。歲捐款數百金。至去年九月。因經費竭蹶。遂歸併壽州中學。今年十月安徽提學使赴東。邀毓筠回國。在安慶建立佛學堂。此次同伴祇有權段程三人。擬在甯勾留數日。即往安慶。與沈學使商辦佛學堂事。因途中感寒病作。尙未起身。今

第二十九章 丙午南京之黨獄

晚遽被逮捕。所供是實。

日本外部告楊使曰。貴國革命黨購買日本軍火。（已購軍火價值十四萬金）係由商人經手。政府不能干涉。但貴國海關可於此時嚴密搜查。勿令入境。軍火係日本人包送。大約總由上海。南洋則由新加坡爪哇。孫逸仙自往運動。法國軍火輸入。大半由瓊州。如何運法及運至何處。尙不得其詳細。香港運送不便。凡非鄙人所明曉者。不敢妄對。瓊州一路輸入之軍火。大半在潮州。惟潮州何地收藏。何人經營。不得而知。

凡有虛言及知之而不肯盡言者。定遭天殛。非孫氏子孫也。

口口口號口口。沉潛好學。辦事切實可用。此人並非孫文黨羽。今歲隨李木齋星使出洋考察政治。

江南始終必有事變。但不知何時耳。

孫逸仙住橫濱山下町百〇〇番地。現在改住東京牛込區筑土町租屋。黨羽約萬餘人。多上中社會。孫文此次本欲聯絡饑民。以圖內應。但事機遲。不能如志。因此事早未預備。故措手不及耳。

秋操起事之說。（卽鎮江哥老會長）是哥老會故造謠言。欲圖騙錢。（騙孫文之錢）

前紙答語。直抒胸臆。毫無所隱。午帥憐才。有意保全。身非木石。甯不知感。不肖之志。惟在救國。不論用何手段。但能有利於國。雖艱難險阻。亦所不辭。但數十年來目擊官場情形。腐敗不堪。雖有絕大本領。一入其中。卽棘地荆天。無所措手。觀此次改革官制之難。可以概見。況能力薄弱如毓筠者。何能有所裨助。不肖之意。以爲午帥果有保全之意。但願披緇入山。從此不與聞世事。無論何黨何派皆一概斷絕關係。不肖弱冠時。卽有出家之志。雖爲塵網所擾。一時未能驟脫。此志終未遷改。黑暗世界。厭棄已極。妻子財產。毫無留戀。區區之心。尙求鑒察。毓筠謹狀。

第二次供云。道員係前年托人在北洋報捐。指分直隸。未繳捐。免保舉。尙未核准。自吳樾死後。年少之士欽慕吳之大名。欲步後塵者日多一日。此種人較空談革命者更爲激烈。愈殺愈多。俄國虛無黨之風。行將大盛于中國。此亦專制政體所養成者。憲政一日不實行。此事卽一日不絕。况銑寶臣輩實行排斥漢人政策。官制改革新案出現以後。形迹昭著。有目皆知。年少之士。見滿漢終無平等之望。激烈之氣更加十倍。其心但求能去滿洲一二當大位者。至於其人如何。果與銑帥同志與否。不暇問也。

據何道傳述。午帥意甚憐才。欲利用以達立憲目的。而解散革命黨羽云云。不肖深感高

第二十九章 丙午南京之黨獄

誼。但平日所挾之主義。非有意與朝廷爲難。祇求以激烈手段。要求政府能得真正立憲。俾四萬萬人同享幸福。不致如印度朝鮮爲人奴隸。萬古不復。此目的能達。雖粉身碎骨。亦所不悔。不然。世受國恩如不肖者。豈肯甘冒不韙。居亂臣賊子之名而不辭哉。此次到甯所謀之事。既已敗露。日前已據實直供。甘伏國法。如此而死。可謂得所。尙復何言。但與不肖同志者。已徧海內。誅不勝誅。前者雖仆。後者仍繼。朝廷所以制馭人民者。不過能生死人。至於熱心國事。愍不畏死。雖有嚴刑重法。亦何所用。不過結怨愈深。爲叢驅爵。使天下有志之士盡入於革命暗殺之一途。將來之禍。更有不忍言者。惟望午帥祇誅渠魁。其餘概不株連。勿爲一網打盡之計。否則愈殺愈多。豈能盡人而誅之乎。不肖此生已矣。所不瞑目者。國家基礎未固。真正憲法不知何日能以成立。滿漢交訐於內。列強將乘隙奪我國權。不至滅亡不止。此恨雖歷萬古。豈能填哉。死期將至。言盡於此。伏希鑒察。孫毓筠謹狀。

第三次供云。鐵良良弼舒清阿。此三人爲保皇革命兩黨所最忌者。目的皆在此三人。實行部長孫文。副部長黃興。暗殺目的注於午帥者。實孫文與黃興兩人。而黃爲尤甚。暗殺主義者。卽所謂個人主義。凡實行此主義者。非如革命黨必須有大團體。卽如去秋

吳樾之事。知之者不過一二人。（指實行部而言）蓋此事一經多人共謀。必至漏洩也。海軍公所炮彈之事。（實係有放炸藥者）究係何人所爲。至今尙未調查得實。不敢妄舉以對。

暗殺團體分三部。一籌款部。一造藥部。一實行部。

三部中人。姓名各不相知。實行部臨時由會長命令指派。三部皆係上中社會人。造藥部須研究理化數年。實驗既久。然後能勝任。實行部皆少年氣盛。迷信海蓋爾巴枯甯哲學。或崇拜荊軻聶政諸人。不惜犧牲身命。以殉名譽。若年長閱歷稍深，即不能任此事。故實行部中人皆年在二十五前後者。

此次同來之段權兩君。皆係擔任實行部者。（此次並未帶炸彈來。）此兩人尙求午帥羈縻之。

凡陸軍中人。苟非有大過犯。不可輕於撤退。彼居職時尙希望遷陞。雖有異志。不敢輕舉妄動。若一經撤退。希望頓絕。即不免怨望。此後陸軍中人。望午帥加意羈縻。推誠相待。可免將來禍亂。

不論保皇黨革命黨。（政治革命種族革命）皆以暗殺（爆裂彈）爲手段。

第二十九章 丙午南京之黨獄

政治革命者。不論政府爲滿爲漢。但其政治不能改良。國民不能自由。即要將政府推倒。變置政府。種族革命者。但以滿政府爲目的。(滿政府而衰。固要革。滿政府而善。亦要革。)孫文主之最力。黃興原名軫。去秋放炸彈者爲吳樾。字孟俠。此次立憲改制。盡屬一篇空文。海內人心均大失望。即向持中和主義之人。亦大半傾向於革命一邊。總之不得真正立憲。人心萬不能平。即革命之禍終不能免。

馮自由在香港主持粵省一切事務。

能任臨時實行部之人。湖南安徽兩省人最多。余非此道中人。權道涵王延旨(湖南人現在東京)段雲柳聘儂(湖南人住東京牛込區築土八幡町三番)

金旭(安徽人)陶茂宗(安徽人)

黃贊亭(湖南人)稽亭(湖南人)現已監禁等皆是。

現在警察亦在危險地位。彼等目的所注者。能免暗殺與否尙未可知。凡在陸軍爲孫文暗中招致黨羽者。大半皆係東京士官學校畢業生。聞有五十餘人。但姓名不能記憶清楚。

(其二) 權道涵供詞

道涵等此次歸來。係黃興代籌百念元。

孫文之黨。在上中社會者。不過千人。下等社會則不知有若干人。此上中社會之人並非孫文死黨。實行部有炸鐵良語。前云下關搜查甚嚴。何以此次我來。並未搜查。城門關閉。止須小洋二角。即可開門放入。深爲詫異。

所有暗殺實行部中人相片。我來時均已付之一炬。

口口爲人學識俱優。熱心任事。現在東京組織一黨。發行機關報。（名曰口口口口）提倡要求立憲主義。

炸彈係購自日人名小室者。此人住東京牛込區。現價十個。須三百元方購得來。因無錢故取不來也。

黃翼無此人。（凡與此字同音皆無）此間真無炸彈。

實行部中人。非三年不盡知道。涵所知者。潘贊化傅家珍（在成城學校）鄧瑞黃近午即黃興（與孫文同住）張繼易義谷甯調元。

所謂實行部中人者。非人人足能放炸彈。蓋血氣未定之人多故也。

本意初七日即歸家省親。

孫文如歸國。必先回廣東。因別處無渠心腹之人。一旦歸來。恐有不測。如廣東事已起

第二十九章 丙午南京之黨獄

。得勝之後。方來長江。此係道涵意想。亦渠所必然。

在東京時。聞人說孫文發十餘封英文信。係給何處何人。則不知也。蓋渠與心腹人通信。大抵以英文。防外人耳目。

廣東起事在何時則不知。

吾等能否助渠。渠亦不問。渠自有辦理此事之心腹人。大都在兩廣及南洋羣島。

籌款及軍火非在東京革命黨所得知。即渠之來東京。不過以一片激烈之談動人聽聞耳。吾等此次乘海輪時。曾遇爪哇一中國商人。係到日本遊歷者。彼大罵孫文爲不真實之人。想是保皇黨一派。

孫文心腹之人在東京者姓鄧。忘其名。

權道涵謹狀

（其三）段雲書供詞

段雲書字子翔。二十三歲。安徽壽州人。住城南孟家崗坊之石家集。家有老母及兄嫂。並無弟妹。家世經商。於三十一年游學日本之同文書院。後爲經濟所窘。遂於九月間歸國。今年十一月復往東京。住二日而返。與孫少侯偕行至南京。住長安棧。於十二月初六夜九時被逮。

實行部雲實不知。雲不過一普通會員耳。前日有所不言者。以有應守秘密之義務也。雲如有虛言欺枉閣下。蒼天殛余以雷霆。豕生狗養。非人類也。

雲（癸卯）二十始知有革命之事。自聞此論。心頗厭之。蓋以大丈夫不能留芳百世。亦當遺臭萬年。余好身手。絕不欲以庸庸終也。但此時徒有空談家。並無所謂革命結社者在何處也。然欲一見革命黨人。不啻大旱之望霖雨也。年二十一。（甲辰）於自由平等之說益迷信。而家庭之革命遂起。蓋余家人及老母皆愛余。余欲出而求學。藉以物色一革命英雄而與之游。家人不余許。余終奮迹以出。而至安慶。欲入武備練軍。造一軍人之資格。此余家庭革命之歷史也。

入武備練軍不果。遂變計而爲日本之游。遂于乙巳年之三月。得孫君少侯助余百金。而東渡焉。四月初抵日本。見留學界之腐敗。並無所謂英雄豪傑者遇於余前。蓋舉目皆勢利小人苟且儉安者流也。某月孫君逸仙至日本。學界歡迎大會。余亦在焉。是時余尚在革命範圍之外。越數日。得入中國同盟會。而爲革命黨人矣。九月底。余挾炸裂彈（計六枚）返上海。寓新大方棧。蓋欲步北京車棧之後塵。然而無機可乘。住數日。遂寄炸藥於黃仁（浙江人此人已到溫州）之處而返里。時則臘月上旬矣。此入革命黨後之一段

第二十九章 丙午南京之黨獄

歷史也。（去年曾經孫少侯帶來一枚。到此地試放。據云不行。現尙存五枚。）

今年丙午正月間於上元之次日出。老母及家人皆下淚。余亦耿耿。然而大丈夫雄心萬斛。未嘗少作兒女態也。至上海晤孫君少侯。言此刻無計可展。祇有暫時蟄居。以俟機會。而孫君赴日本。余遂隱於蕪湖之安徽公學。名段昭焉。以後無所事事。得藉暇晷涉獵中國書籍。於靜安文集最好之。而於世情少冷淡矣。曾有浪淘沙調云。

措大坐堂廡。遊神尙古。大地週圍乾淨土。無論生草又生人。相將口口。放眼不堪觀。塵沙莽莽。口河山破碎無裨補。怕聽寒夜月三更。嗚呼杜宇。

余所以起此觀念者。大半自閱靜安集後。世情已冷。以爲世界種種事體。皆係人盲目之運動。

使世界一日有人類。卽一日不得和平。然每一觸不平之事。卽又爲之傷心。蓋出世之心。尙未十分解決也。故此次來甯之心。不過如御長風。以消遣胸懷。假使能有萬一成功之日。使吾民稍脫困苦之日。使余目不覩傷心之事。且不聞受屈之言。然後抱一二卷殘書以慰藉天年。留些許言語。使後人知所脫離困苦。則於願足矣。

雲至今日。可以誓終身不與世事。卽欲多生一日者。亦只欲求一宗學問以貺後人。

閣下若能使雲達其目的則萬幸。不然惟視死如歸耳。閣下之爲人。可爲吾國宦途人首屈一指。眞所謂鶴立雞羣者也。雲眼孔之小。猶足見閣下高明。有以知天下之佩公欽公者多多也。囹圄中燃無玻璃罩之煤油燈。於衛生上最有妨礙。倘能永遠改良。亦閣下功德無涯也。自新所雲雖未曾入視。想亦用此項燈油。亦乞一律改良。是所至禱至祝。

南京此時無炸藥。可斷言者。雲所攜之炸裂彈。盡在溫州。他處若有。雲不知。既在溫州。上海卽無此物。故此大來甯。未曾攜來。對午帥感情最壞者。大約爲湖南人。雲故不注意。雲抱此志最單純。故注意之人甚少。惟鉄良良弼而已。

著者按各供詞係當日上海各報轉載南京照片全稿。據云字句行款。一依原本。故頗有不可解處。閱者諒之。

袁有升等之被逮 萍瀏義軍發動後。尙有留日學生劉震黎、兆梅、滕元壽等同國運動哥老會頭目袁有升、江佑泉、龍見田、曾斌、傅義成、趙太周、江載春、黎貴和、徐福榮等在蘇省發難一事。袁有升等九人於十月一日間先後在南京被逮。主謀之劉黎、滕三人幸皆知風逃避得免。端方派甯垣巡警中路某區長研訊。均供認存有票布兩箱。交通孫黨不諱。隨判將袁、江、龍、傅四人就地加害。傅、趙、江、黎、徐六名分別監禁。事後曾呈請軍機處代奏。文云。

第二十九章 丙午南京之黨獄

近因萍鄉醴陵匪徒倡亂。長江一帶伏莽素多。尤慮乘機勾結。密圖應附。昨經方密飭員弁。拿獲票匪袁有升江佑泉龍見田傅義成趙太周江載春黎貴和徐福榮九名。起獲票布偽印。訊據供該匪正龍頭爲東洋士官學校自費學生劉震即劉春江。副龍頭爲黎兆梅即黎肅清。該匪袁有升爲會辦。江佑泉爲執堂元帥。龍見田爲聖賢。傅義成爲盟證。會中經費按年由孫文接濟。今在沿江各處煽惑。旋又拿獲票布曾斌一名。據供在會爲坐堂大爺。其票係孫逆黨羽滕元壽散給各等語。查該匪等一係孫逆夥黨。一係孫逆黨羽滕元壽主使。領受票布。希圖煽亂。實屬悖逆不法。袁有升江佑泉龍見田曾斌四犯名目較大。罪不容誅。已飭就地正法。以靖人心。並將傅義成監禁。俟拿獲黎兆梅時備質。餘犯趙太周江載春黎貴和黎蘭徐福榮等五名情節較輕。分別監禁。遞籍管束。劉震現在東洋留學。已電楊使查明。該犯如果尚在士官學校。即令退學。兆梅湖南甯鄉人。據傅義成等供。現回湖南運動。已電岑撫密拿務獲。滕元壽係東洋裝。曾自稱已入洋籍。現回日本。已派得力員弁追拿。誠恐聞風在東洋避匿。不易就獲。此外逆黨頭目。不止一起。踪跡詭秘。偵探甚難。業經密電湘鄂贛皖督撫協商密捕。務期淨絕根株。用抒宸廑。謹請代奏。

龔鎮鵬等之監禁 丁未南京將弁學堂學生安徽龔鎮鵬江北王庸湖南王南福。因在校內高談革命。被監督繆永山告發。江督周馥親訊。初判監禁十年。後由南洋官報局總辦張通典從中設法。改爲監禁六月。

第二十九章

丙午南京之黨獄

第三十章 日知會

日知會與耶教 日知會之勢力 日知會與華興會 日知會與同盟

會 日知會與法武官 武昌之黨獄

日知會與耶教 庚子唐才常敗後之第四年歲次癸卯。湘鄂兩省之革命志士復組織日知會爲運動機關。初主其事者爲耶蘇教牧師胡蘭亭黃吉亭等。時武昌漢口長沙等處均有聖公會爲耶教宣講所。武昌聖公會設于高家巷。胡蘭亭主之。長沙聖公會設于吉祥巷。黃吉亭主之。而革命團體之日知會即附設其內。蓋是時清吏畏歐美及外教如虎。革命黨鑒于前次唐才常之失敗。不得不利用外教爲護符。以向各方面宣傳運動焉。

日知會之勢力 胡黃兩牧師藉說教之機會。日向紳商軍學各界鼓吹其革命排滿之思想。收效甚巨。一時兩省志士。如鄂之劉家運馮特民曹亞伯吳貢三朱子龍季雨霖殷子衡李亞東梁鍾漢石志泉吳崑。湘之黃興劉揆一禹之謨胡瑛宋教仁易本義陳天華諸人。皆陸續入會。至爲踴躍。就中劉家運馮特民二人主持武昌漢口兩處會務。尤爲得力。清軍統制張彪部下之兵弁入會受教者頗衆。

日知會與華興會 甲辰間。黃興劉揆一爲聯絡耳老會之故。另組華興會及同仇會爲起事機關。會中首領頗多日知會人物。九月事敗。黃興潛避於長沙吉長巷聖公會。賴同志黃吉亭曹亞伯之助。間關出險。日知會之力爲多。

日知會與同盟會 乙巳八月。東京同盟會成立。日知會會員爲全國革命黨大團結起見。一律加入。兩會遂合併爲一。湘鄂兩省之日知會會所亦即同盟會機關。黨員較前益盛。丙午夏間。劉家運馮特民以聯絡軍界。漸臻成熟。特派同志吳崑赴香港訪黃興商議發難事。黃適往南洋。馮自由乃款吳於中國報。令候黃回取進止。兩月後。黃自新家坡返。乃授吳以方略。使回鄂積極籌備。候華僑款集。即可大舉。鄂省同志聞吳回報。非常鼓舞。詎因法國武官演說事。大起當局之疑。卒致數載經營。盡付水泡。殊可惜也。

日知會與法武官 在萍劉起事之前數月。孫中山因法國政府有意協助中國革命。特商由法參謀部派遣武官多人。偕中國革命黨員巡遊長江沿岸及粵桂湘鄂滇蜀各省。調查革命黨實力。以便相機協助。時被派隨法武官歐極樂巡遊長江各省者爲山西人喬義生。喬等到鄂省時。劉家運等在武昌聖公會開會歡迎。法武官演說革命。異常激昂。黨員聞法政府有心協助。莫不興高采烈。座中軍界同志到者極衆。清將張彪聞亦變裝雜羣衆中刺探消息。尋以當日開會

第三十章 日知會

情形密告鄂督張之洞。張以事涉法人及耶教。未敢遽下毒手。祇派稅關洋員某英人隨法武官行蹤。在津滬航程中竊取其旅行筆記及報告書。爲對外交涉之證據。適萍瀏黨軍大起。遂乘勢大興黨獄。而日知會自是不復存在。

武昌之黨獄 張之洞既偵悉日知會爲革命黨機關。乃出示嚴禁日知會。并懸賞通緝劉家運。指爲湖北全省黨首。劉號傲安。向主持日知會閱書報社。曾在某統領營中辦文案。識者頗衆。惟不知卽爲家運。故無有疑之者。迨直督據稅關洋員某英人報告。偵知日知會辦事人及地址。迅電張之洞嚴行查緝。張卽派督捕營弁馮少竹在聖公會會堂對門售玉器之張瞎子家中。將劉之父與父弟一並拿交江夏縣監禁。並照會美國領事。于十一月二十九日由張彪馮少竹率營兵四五百人圍困聖公會堂。將劉搜獲。并檢出名冊四巨本。多係軍學界中人。同時復先後逮捕朱子龍梁鍾漢胡瑛季雨霖李亞東孫鴻鈞吳貢三殷子衡等多人。朱原名成。字松平。沙市人。梁號鎮堂。漢川人。胡字經武。又號精一。湖南人。均日知會主要分子也。獨馮特民于事前赴新疆得免。劉等被逮後。張之洞派武昌府趙楚江督署委員鄭保琛及江夏縣夏口廳等在武昌府衙門五福堂嚴刑取供。以劉爲領袖。用刑多次。均供認實行革命不諱。張以清廷將行立憲。欲博時譽。從寬定罪爲永遠監禁。劉家運朱子龍二人竟瘐死獄中。胡瑛等至辛亥武

昌起義。始獲重見天日。經此役後。日知會在鄂機關遂被摧殘殆盡。鄂中革命黨員於是另起爐灶。從新組織共進會及文學社。以爲革命機關云。

第三十章

日知會

第三十一章 革命黨與歐美志士之關係

革命黨與英國志士 革命黨與法國志士 喬義生之自述 革命黨
與美國志士

革命黨與英國志士 中國革命黨在歷史上與外國志士之關係。以日本爲多。歐美人士之協助中國革命。如法人那非易之助美。美人白齊文之助太平天國。殊不多觀。攷外人之對于中國革命。有所盡力。以乙未廣州一役爲始。其時參與廣州起義計劃者。有香港德臣西報記者黎德及士蔑西報記者鄧勤。均英人也。是役所撰英文對外宣言。卽黎德及高文二氏起草。及丙申年中山至倫敦。被囚于駐英清國公使館。賴其師康德黎之援助。得以出險。康氏之仗義。雖純然出于師生之誼。然于中國革命亦恩人之一也。其時中山在倫敦識一英國少年名摩根者。頗有志于東亞維新事業。中山約其赴華。摩根慨然允之。至己亥庚子間遂來華訪中山。中山命陳少白李紀堂招待之于香港。庚子中山來往日本香港南洋之間。摩常追隨左右。頗得其力。其後摩以革命黨經濟漸困。供給不周。頗有去志。香港保皇黨員聞之。陰助以旅費。摩遂與康徒發生關係。然未幾康徒供給亦斷。摩於是悵然歸國。乙巳春初中山自美渡英。亦

嘗寓于其家。其後遂無所聞。壬寅洪全福廣州一役。英人之預聞其事者。有香港每日西報記者克銀漢。是役之英文宣言書即由克氏親手點石印版。及洪氏失敗。在港黨人被英警逮捕者頗衆。後由英京殖民部電令港督釋放。克氏與有力焉。

革命黨與法國志士 革命黨與各國當道發生關係。以法國爲最。壬寅法屬安南總督杜美托駐日法使招中山往見。中山以事未往。是年冬。河內開設博覽會。中山因往一行。并約陳少白會于河內。以中山款綽。特求助于李紀堂。李慨然助款一萬元。中山到越時。適杜美已離任回國。囑其祕書長哈德安招待甚殷。乙巳中山自英至巴黎。謁杜美。商協助中國革命事。杜美爲介紹于法京政黨要人。頗爲得力。當時留歐學生賀之才魏宸組胡秉柯史青等嘗捐資充中山之外交酬酢費。故革命黨對法外交之得手。留歐學生與有力焉。丙午中山自南洋赴日本。舟泊吳淞。法國駐華武官布加卑預奉巴黎陸軍大臣命赴法輪求見。傳達法政府贊助中國革命之好意。叩中山以各省革命之實力。及軍隊聯絡之成績。中山告以大略。并請其派員相助。以辦調查聯絡之事。布氏乃于駐天津法國參謀部。派定武官七人歸中山調遣。中山于是命廖仲愷駐天津。助布氏調查中國革命實力及翻譯各報所載革命消息。黎勇錫（仲實）與某武官調查兩廣。胡毅生與某武官調查川滇。喬義生與某武官調查長江沿岸各省。廖仲愷居天津

第三十一章 革命黨與歐美志士之關係

數月。以其婦何氏電招。遂歸東京。不再預聞同盟會事。已酉至北京應試。得授法科舉人。旋赴吉林。在吉撫陳昭常署內供職。辛亥復至北京殿試。得授七品小京官。分發學部。即榜上列名廖恩煦者是也。黎仲實偕法武官入桂。在桂林晤黃克強郭人漳蔡鐸。在龍州晤鈕永建。互有接洽。喬義生於乙巳年結識中山於倫敦。返國後任武昌三十一標軍醫長。時得中山電。令引導法武官歐極樂調查長江沿岸各省革命黨實力。及法武官抵武昌。喬與劉家運等假高家巷聖公會之日知會閱書報社開會歡迎。武昌軍界中同志到者。座爲之滿。法武官演說革命。非常激烈。喬爲通譯。蒞會者頗有一二偵探混入人叢中。一說謂新軍統制張彪亦變裝入座。以是盡得其實。劉家運朱子龍季雨霖梁鍾漢胡瑛等即以見疑被捕。其後喬隨法武官漫游長沙沙市九江南昌南京上海廈門福州各地。備受當地同志歡迎。歸途聞武昌日知會運動失敗。始避往日本。時鄂督張之洞因有所聞。特派海關洋員英人某尾法武官歐極樂之行踪。在津滬舟中與之納交。歐不之疑。所藏革命黨調查記事錄竟被某英人竊取以去。張之洞遂據以入奏清廷。其中所言雖不盡實。然革命黨在南方各省軍隊之潛勢力。不免爲之受一極大打擊焉。清廷得報。乃向駐北京法使大開交涉。法使於事前本無所知。乃請命於巴黎謂何以處分布加卑等。法政府令勿過問。清廷無如之何。未幾法政府更迭。新內閣不贊成此種政策。乃取消

天津參謀部。而召回布加卑等。此事始告終結。又中山於丙午二月

陽歷一九〇六年一月一日

曾印刷革命軍

債券一萬枚。此項債券祇有百元一種。乃用英法二國文印製。丁未秋間中山在河內開法商允代銷售。乃電香港馮自由令派人送赴海防。馮乃托田桐柳聘譚劍英等携往越南。至海防時。竟爲法國稅關扣留。中山於是派員謁越總督。告以此物乃彼所有。越督立下令放行。其時河內法商頗有營中國革命之投機事業者。鎮南關之役。有法商担任發行革命公債二十萬元。惟約定第一期款須于佔領龍州時過付。迨革命軍失敗。此事遂成水泡。是役從軍者。有法國退閒武官狄氏。亦義士也。河口之役。法商底波洋行亦有如得蒙自則軍械軍餉皆可接濟之言。要之法人協助他國革命之義舉。誠爲英美人所不及。徵諸歷史。固斑斑可考也。

喬義生之自述 與法武官同遊南方各省之黨員三人。以山西人喬義生爲最有關係。據其自述遊歷各地情形頗詳。錄之如左。

一九零四年冬。余在英京識孫先生。當時余正畢業英京醫科大學。因聞孫先生提倡中國革命。遂立志加入革命黨焉。三月後。余奉孫先生命歸國。就湖北武昌卅一標軍醫長。（黎元洪爲協統）在軍中代售民報猛回頭警世鐘等書。以期發揮革命大義於軍人中。又發起每星期二五演講會於各營中。復興劉貞一季雨霖蔡濟民等創辦日知會。附設于武昌

第三十一章 革命黨與歐美志士之關係

聖公會。另辦留日預備學校。不及半載。凡軍官及軍佐入會者已逾二百餘人。一九零六年六月。余接孫先生一電云。有同志法國軍人歐極樂(Captain Ozel)來武漢調查革命黨情形。請妥爲招待等語。余乃偕吳崐劉貞一張佩紳諸同志在漢口極力招待。並在武昌聖公會內開歡迎大會。歐君用英語演講革命爲救國之良策。余爲翻譯。聽講者有各界人士四百餘人。中有清吏偵探在焉。未幾即將開會及演講各情報告于鄂督張之洞矣。次日余偕歐君赴長沙。有同志周震鱗多人招待。遂開會演講三日。旋赴沙市。有同志朱松萍招待。半夜招集各同志在一廟內開演講及歡迎大會。數日後復回漢口。及再渡江至武昌。始知日知會被封。一切同志不知下落。兩日後余偕歐君至南昌。有蔡公時同志等十餘人招待。由南昌到九江。則有馬丁二同志招待。三日後赴南京。有警界中蔡同志等數人招待。後由南京赴上海。有法租界工部局局長馬勒特(Captain Mallet)招待。并有朱少屏同志介紹各同志。一星期後余復偕歐君赴福州。有該地電報局張同志招待。開歡迎會并介紹各同志。及赴廈門。有廈門日報林同志招待。後余偕君歐乘船過返上海。歐君回天津。余本擬再返武昌。及閱報乃知張之洞已下令將余通緝。其文曰查有喬義生勾通法人。私運軍火。圖謀不軌。着各地嚴拿。賞格五千兩云云。又聞劉貞一已被拿捕入獄。各機

關均被官府封閉。於是余不得不避往日本。抵東京後。承北方諸同志優待。余得以無旅費告乏之憂。時余由東京致函天津法國同志歐君。述余不能返鄂之故。歐君復函。囑余速往天津。因廖仲愷東渡不來云云。余乃以赴津事告孫先生。孫先生極為贊成。余正準備動身。忽接歐君來電。令暫緩行。並云事已洩露。隨接歐君函云。伊自南返津時。北京政府因得張之洞之報告。即派英人偵探。每日不分晝夜。偵伺左右。後竟賄通隨歐君南下之廚役。某晚歐君雖辦公室時。忘關鎖室門。次日發覺一切南方通信皆被人偷去等語。不久北京政府忽致電法國政府嚴重交涉。大意謂貴國不應派人干涉我國內亂。而歐君即因此事被調往安南。迨歐戰發生。歐君慷慨從戎。卒捐軀報國。余每念及歐君對於吾國革命之熱誠。不勝欽佩之至。以上所述。爲余投身革命之實地工作。其間約二年餘。其後孫先生語余。謂北方及長江各省皆不可去。旋派余及方君漢城赴廣東汕頭。與潮州許雪秋同志等同謀起事。意欲先佔潮州及汕頭等處。時在一九零七年也。

革命黨與美國志士 辛亥前中山數度遊美。嘗有向美人籌借革命軍債之計劃。然此輩美人大都爲一種投機之捐客。並無真實資本。中山與之接洽多次。絕無成效可言。當美洲保皇會最盛時。美人頗有贊成中國維新事業者。壬寅年梁啓超作新大陸旅行。鮑熾爲之通譯。極力

第三十一章 革命黨與歐美志士之關係

向美人鼓吹代清廷招兵保救光緒皇帝之說。有三藩市退職武官福近卜者竟爲所動。遽向保皇會報名投効。梁啓超乃用中國內閣總理大臣名義。封福爲中國維新軍大元帥。及至羅省技利埠。復有在野軍事批評家堪馬利求謁。梁驚其盛名。亦以維新軍大元帥封之。事爲福近卜所聞。以一職不容有二。遂向梁嚴辭詰責。由是福堪二氏各登報相罵。竟成一齣取帥印之活劇。福乃將梁所給委任狀印版登報。下有梁啓超親筆署名。舊金山大同日報及香港中國日報皆轉載之。辛亥中山渡美。堪馬利以保皇會欺詐迭出。不足共事。乃求謁中山。願爲中國革命之助。時堪所著美日戰爭未來記一書出版未久。風行一時。中山亦深重其人。適武昌革命軍起。中山遂邀其聯袂回國。元年南京總統府成立。時有外國高等顧問堪馬利者。卽其人也。又中山于甲辰年渡美時嘗見厄于保皇黨關員。被留于天使島木屋者一日。舊金山致公堂黃三德唐瓊昌乃延律師那文向美政府抗議。得以五千金保出候訊。那文與華僑感情素洽。與致公堂尤有關係。民國成立後。民黨更得其助力不少。

第三十二章 革命黨與日本志士之關係

日志士與中山 日志士與康梁 日志士與大同學校 日志士與漢

口之役 日志士與星洲之獄 日志士與惠洲之役 日志士與軍事

學校 日志士與同盟會 日志士與潮鎮二役 日志士與汕尾之役

日志士與中山 吾國革命黨於革命運動時代。得外國志士之助。爲力不少。日本志士其最著者也。初中山於乙未前在檀香山納交於日本耶教牧師菅原傳。及廣州失敗東渡。乃介紹菅原於陳少白。陳寓橫濱山下町五十三番文經商店。取名服部次郎。漸與日人有志者相往還。先由菅原介紹識曾根俊虎。曾根爲日人中最有心中國事者。自稱原籍山東。爲先儒曾子後裔。著有太平天國戰記一書。篇末載太平天王洪秀全遺言。謂余志雖不成。然不出五十年。必有大英雄出自東方。繼吾志而驅逐滿族。恢復故土等語。觀此可知曾根對中國之抱負矣。陳復由曾根而識宮崎彌藏寅藏兄弟。未幾中山自倫敦至日本。時宮崎平山周可兒長一三人曾於丙申年以犬養毅之推薦。被派赴中國調查各省民黨情形。剛事畢歸國。遂訪中山於橫濱。握手言歡。共商大計。旋約中山同居於東京麴町區。因其時日本尙爲租界制度。不許外人雜居



戊戌年孫中山楊衢雲與日本志士合影

內地。三人乃求助於犬養平岡二氏。以聘用華語教習爲名。得免警察干涉。後復遷至早稻田。中山於是漸與彼都人士相結納。如東亞同文會副會長副島種臣進步黨首領大隈重信犬養毅尾崎行雄大石正己及頭山滿秋山定輔內田良平伊東正基末永節副島義一寺尾亨戶水寬人福本誠山田良政山田純三郎原口聞一遠藤隆夫山下稻清藤幸七郎島田經一萱野長知池亨吉中野鈴木安川犬塚久原諸人。均先後訂交。直接間接。頗得其助。宮崎平山於丁酉秋間。以欲連絡中國各省志士。再遊中國。中山復遷橫濱。

日志士與康梁 宮崎平山既到上海。

乃分道而行。平山向北京。宮崎向香港。平山在烟台與畢永年相遇。因同船至天津。偕赴北京。未幾戊戌政變事起。康有爲自北京遁香港。梁啓超逃入日本公使館。平山聞訊。乃使梁喬裝日人。偕同志山田良政小村俊三郎野口多內等挈之出險。同至天津。投日輪東渡。抵日本五日。宮崎亦偕康有爲從香港來。於是康梁師徒皆賴日人之力得免於難。平山宮崎因中山及康梁對於國事意見。未能一致。乃欲居間調停。使兩派聯合謀國。中山曾偕宮崎訪康。康匿不見。陳少白亦訪康。徐勤代康謝客。適梁啓超自外返寓。竟導陳入見。時康有爲稱奉清帝衣帶詔。以帝王師自命。意氣甚盛。視中山一派爲叛徒。隱存羞與爲伍之見。以是日人斡旋之善意。終無從著手。

日志士與大同學校 日本政黨之標榜支那親善政策者。爲進步黨。而黨中諸首領則以大養毅爲主張最力。犬養對於革命保皇兩派。皆目爲新黨。一視同仁。始終取調停主義。中山自橫濱遷居東京。犬養實爲東道主。徐勤任大同學校校長。因與興中會派不愜。該校董事多懷退志。幾致解體。乃推犬養爲名譽校長。以維繫人心。犬養亦徇其請。戊戌秋間。兩派意見日深。勢同水火。犬養乃親至橫濱作和事老。無功而同。己亥梁啓超賴華僑鄭席儒曾卓軒等資助。創高等大同學校於東京。任校長者爲柏原文太郎。犬養之左右手也。庚子漢口一役。

殉義者三十餘人。該校學生實居多數。就中如林述唐秦力山尤堅持民族主義。不得謂其與保皇黨有關。卽遽指爲非革命黨也。故犬養對於中國革命事業。直接間接。恆發生關係。可稱爲中國民黨之益友。

日志士與漢口之役 己亥春。畢永年唐才常先後至日本。康有爲命唐回國運動哥老會起兵勤王。唐溯行。告平山曰。湖南哥老會有起事之兆。因接急電故歸。初不言其實。平山則以爲革命軍欲起事。必四方同時並舉。令敵應接不暇。始爲有力。今各處未準備。獨湖南一隅舉兵必不利。因與同志議。謀欲緩其事。遂偕畢永年赴上海。旣乃查悉唐與保皇會有關。頗懷不滿。適是時林述唐秦力山亦由日返國。經營長江軍事。平山與畢同赴湖南。欲聯絡哥老會。遇林述唐於漢口。乃偕遊長沙瀏陽衡州各地。晤哥老會頭目李雲彪楊鴻鈞李堃山張堯卿辜鴻恩諸人。卽爲言與中會之宗旨及孫逸仙之生平。並約雲彪等同赴香港商議大計。次年畢偕哥老會頭目七人至港。開與中三合哥老三黨首領聯合會。平山與有力焉。唐才常初至上海。假日人田野橘次郎教授日文名義。創設東文社。實則爲自立會之運動機關。田野初任橫濱大同學校日文教員。後在澳門充知新報譯員。日人之助康梁者。以田野爲最。在上海出版之同文滬報。亦田野所創。未幾病終於上海。時才常尙未失敗也。與才常在漢口同時被逮者。

有日人甲斐靖一人。後由鄂吏解送駐漢日領事開釋。

日志士與星洲之獄 庚子二月。菲律賓獨立軍起。中山欲率黨員及日本同志至岷尼刺助之。因購軍械事被騙於日人中村彌六。卒無所成。時惠州義師將次發動。中山乃偕宮崎平山遠藤福本原口山下伊東大崎岩崎伊藤諸人先後至香港。欲乘香港警廳戒備稍懈時密入內地。指揮起事。乃因宮崎在新加坡被康有爲疑爲刺客一事。香港政府下令嚴防中山登岸。中山及宮崎諸人因是折回日本。先是宮崎主張孫康兩派合作之說甚力。得中山同意。乃偕清藤親赴新加坡訪康有爲。欲以詞動之。詎香港康徒聞宮崎曾到廣州訪劉學詢。疑與粵督李鴻章有所結托。遽以電康。謂宮崎奉李鴻章命來新行刺。康乃求當地英官保護。宮崎清藤甫入境。即被警察逮捕入獄。數日後中山自西貢馳至。遂向英官設法保釋。聯袂赴港。自是日本志士皆稱康有爲爲無情漢。無復有唱道孫康合併之說者。

日志士與惠州之役 中山宮崎等至日本。旋平山自上海來。報告長江活動情形。遂偕平山再赴上海。欲使長江沿岸會黨與惠州一軍同時發動。以分清軍之勢。詎到滬一日。適值唐才在漢口事洩被執。長江一帶加緊戒嚴。無可著手。遂又折回日本。抵長崎後。因聞台灣總督兒玉源太郎有協助中國革命之意。乃轉渡台灣。與平山同寓台北新起街。兒玉密令民政長

第三十二章 革命黨與日本志士之關係

官後藤新平與中山接洽。許以起事後設法暗助。中山乃急電鄭士良。令即發難。并率兵從東江沿岸取道向廈門前進。以便由台灣接濟軍械。不料惠州義師發動旬日。日本政府忽告更迭。新內閣總理伊藤博文對華方針與前內閣大異。竟禁止兒玉與中國革命黨接洽。且不許武器出口。中山以一切計畫盡成泡影。不得已離台灣他適。同時派山田良政赴惠州鄭營報告軍事。山田入惠後。因失路爲清兵所害。日人殉義于中國革命戰者。山田爲第一人。

日志士與軍事學校 癸卯中山自南洋至日本。因留學界同志欲入東京士官學校而未能。乃就商於日野大尉。日野爲日本陸軍後起之秀。於最新式之波亞戰法極有心得。且能倣德廠方法製倣駁壳十響連發槍及木砲種種。日人之能製駁壳鎗者。以日野爲始。中山平日最留心研究波亞戰法。故與日野尤爲志同道合。聞中山言。願力助革命黨組織軍事學校。并引其友小室爲輔。是即青山附近所設軍事學校所由起也。惜乎學生十四人中各樹派別。開辦數月。內訌迭起。卒致中道解散。今日野大爲失望。否則革命黨有此軍事訓練機關。人才輩出。進步更未可限量。

日志士與同盟會 乙巳秋。中山從歐洲東返。宮崎出迎於橫濱。旋組織同盟會于東京。宮崎內田同爲第一日之發起人。第一次會場之赤阪區黑龍會及第二次會場之子爵阪本金彌邸。皆

宮崎假自日人也。其後平山萱野及社會黨員和田北輝等次第入會。宮崎平山旋因日政府贖金中山事不睦。和田北輝黨於劉光漢。謀入同盟會本部爲幹事。以劉揆一不贊成而止。

日志士與潮鎮二役 同盟會成立後 日人從中山克強奔走國事者。祇有萱野長知池亨吉二人。丁未潮州黃岡之役前後。二人居香港清風樓甚久。池且偕喬義生赴汕頭。寓幸阪旅館逾月。時因革命黨經費困乏。供給不周。竟至鬻所攜英文書以自給。是年五月。池有至友某日人律師在台灣爲本地巨富林某之財產管理人。謂可代籌巨款。以助中國革命。池得書。由港赴基隆。旋電約胡漢民赴台取款。胡乃變名應召。詎至基隆。赴郵便局楠瀨方訪池時。則事機已洩。無功而回。池復應中山之招赴越南東京。充英文祕書。其人於英國文學極爲深造。嘗却其戚伊藤朝鮮統監之聘。而從中山。革命方略所擬之英文對外宣言。卽出其手筆。鎮南關之戰。池隨中山克強歷險登山。失敗後歸國。著有支那革命實見記一書。與宮崎所著三十年落花夢同爲中國革命史料不朽之作。

日志士與汕尾之役 萱野居香港時。賴有舊友垣內在灣仔業醫。每遇困厄。恆得其助。欽廉之役。馮自由派同志赴欽州。向垣內假得日人護照。爲出入關津之護符。攜護照者不知如何失落。輾轉入粵吏之手。粵吏遂藉此向廣州及香港日領事大起交涉。日領向垣內追索究竟。垣

第三十二章 革命黨與日本志士之關係

內大困。卒以詭言被盜塞貢。萱野於丁未五月奉中山命回國購械。爲欽廉義師之需。以欽州白龍港接械不便。乃變更計畫。擬尅期運至惠州汕尾港。接濟許雪秋起事。詎因清艦戒備嚴密。不如所願。不得已折回日本。是役中山僅由馮自由手匯給日金一萬元。而萱野及日本同志定平伍一前田九二四郎金子克已三原千尋松木壽彥望月三郎等押運之械。爲新式村田槍二千桿。彈藥一百二十萬發。手鎗三十枝。爲中國革命史從來未有之利器。載械之輪船幸運丸乃神戶航業商三上豐夷向友人借用。爲此役損失不貲。三上爲萱野摯友。亦有心人也。萱野面多麻痺。自號鳳梨。自言日俄之役。奉彼國參謀部命赴東三省專聯絡馬賊。以擾亂俄軍後方。每於戰敗時。恆以易經及春畫二物自娛。大足振作其勇氣云。

第三十三章 革命黨與菲律賓志士之關係

中山與菲島獨立 布引丸之沉沒 中村彌六之騙案 頭山滿之幹

旋 宮崎之報告書

中山與菲島獨立 戊戌陽歷一八九八年某月。美國對西班牙宣戰。以海陸軍攻擊西屬之菲律賓羣島及古巴羣島。菲島獨立黨首領阿坤鴉度與美人約。率其部下舉兵叛西。而美人則助菲人獨立。及西軍敗績。美人竟悔約。據菲島爲己有焉。菲人大憤。轉以拒西之師拒美。因武器缺乏。竟爲所屈。繼乃密派彭西 H. P. 爲代表。赴日本購取軍械。希圖再舉。彭西知中山與日本民黨素有關係。遂由香港友人介紹於中山。商議購械方法。且托以全權。中山時以規畫軍事。多不如意。聞之大喜。乃提議率黨員至菲島。投獨立軍助其成功。事成後。由菲人協助中國革命。以爲報酬。菲代表及中日同志咸贊成之。於是派宮崎以購械事就商於犬養毅。犬養曰。凡私運軍火者。必備警吏之耳目。吾與汝非其才。商人又貪利而忘義。宜擇友人中誠實而具商人之手腕者任之。沈思良久。復曰。使中村彌六當之如何。彼近屢對余言菲島事。或有意於此。往說之。宮崎從其言。中村慨然允諾。於是購械及租船事皆由中村負責辦理。

第三十三章 革命黨與菲律賓志士之關係

而中山與中村之間。則以宮崎平山二人爲傳達機關。中村爲現任進步黨幹事。兼衆議院議員。亦日本名士之一。衆咸以爲付託得人矣。

布引丸之沈沒 庚子某月。中村由大倉會社購得軍械。復向三井會社僱一輪船曰布引丸。



宮崎 載運赴小呂宋埠。有日人同志高野及林二人乘船率之。詎是船駛至浙江海面。忽以沈沒聞。高林二氏死焉。日人之有志赴菲從軍者。尙有平山及現職武官遠藤等七人。幸未遇險。菲代表彭西及中山諸人聞船械俱失。極形懊喪。中村謂可以再試。務求達目的而後已。中山仍

托以重任。迨軍械二次購得。則以日本政府監視嚴密。無法輸運。至菲島獨立軍一蹶不振。此物尙存貯大倉商店。竟無所用。中山乃商諸彭西。欲借該械供中國革命之需。菲代表欣然贊許。

中村彌六之騙案 惠州革命軍起。中山自台灣電宮崎。令將菲島獨立軍所購軍械。火速設

法運至戰地。宮崎乃派遠藤向中村交涉軍械事。中村托故他適。而使遠藤自赴大倉商店取械。大倉直告以此物盡屬廢鐵。祇可售給外國以求利。絕不能施諸實用。遠藤至是始覺察中村之詐。遂以告犬養宮崎。於是購械之黑幕頓然暴露。衆皆習矢于中村焉。中山自台灣返日。始知其事。乃要求大倉給還械值六萬五千元。以期甯人息事。大倉謂中村得利甚巨。祇允出價一萬二千五百元取回原物。犬養宮崎遠藤諸人皆以中村見利忘義。攻擊益力。旋又發見中村偽做函件印章等事。尤勦公憤。事爲萬朝報所聞。遽將中村之欺詐行爲盡情披露。舉國爲之騷然。犬養以此事于進步黨名譽有關。派人諷中村自行脫黨。中村不允。犬養遂以總務委員之權力。強將中村開除黨籍。

頭山滿之幹旋 中山以中村拒絕償款。乃延辯護士三善梅井二人。欲向日本法庭起訴。後經詳細研究。乃知此案關繫中日菲德四國。將釀成極大之外交問題。非一朝一夕可以解決。適頭山滿出而幹旋。不欲此案擴大。以致振動一世觀聽。中山從之。遂允收回中村償款一萬三千元。草草了事。一場風波。遂爾停息。然宮崎因此事竟爲日本諸同志所責難。惡聲四起。犬養特設宴爲之調解。席間宮崎與內田大閑。各拔刃惡鬥。宮崎額爲所傷。經旬始愈。菲代表彭西于獨立軍頓挫後。移居越南西貢。與中山仍往還不絕。

第三十三章 革命黨與菲律賓志士之關係

宮崎之報告書 宮崎因此次購械事見疑于其國同志。特致函中山詳細解釋。照錄如左。逸仙先生足下。辱交於茲。已四年矣。以大君子之容人。而效奔走於三色旗之下。謀事不成。屢遭蹉跌。然不足以灰僕之心也。乃者纔口中傷。惡聲四出。以先生知僕之明。本不待乎陳辯。第吾二人心性尙未至乎至聖靈通拈花微笑之境。距離又遠。難保無風雲阻隔。故謹述中六事件之經過于左右。表明心事。先生若有疑乎。願得此以解之。無則笑而棄之。

方先生在臺而電促軍器也。僕與遠藤木翁豫想方法。皆知急送之難。然其始中六實以全權獨當交涉之衝。末由窺其機奧。適中六有巡遊某地之說。遠藤遂詰以準備而止其行。否則請代理人而當此事。彼不得已而囑遠藤以委任狀。此遠藤出中六而與小倉相接之原因也。

遠藤訪小倉要求彈丸授受之事。彼曰時有不利。故不能引渡。遠藤曰。今當急送之時。豈費代價而無權催送。彼曰品物雖屬於君。然定運送之機。我權內之事也。是在與中六所契約之箇條中。遠藤聞之。且驚且怪。強求檢查實品。彼曰。此品今在□□□倉庫。雖吾不能易見。且二百五十萬品如何檢查。遠藤曰。吾奉職陸軍。略諳此道。可以方法

鑑定之。彼悄然曰。此品原廢物。不如輸國外。以占巨利。此中六所貽與君等之利益也。遠藤聞言。益驚且怪。蓋小倉之意。誤以遠藤爲與中六同臭之人。於是馳告木翁。又以電話招僕。至是而中六之非行明矣。

小倉與中六既肥私而誤公。則彈丸之運送如何乎。乃電告先生。而先生復命曰。急送代金。至是木翁乃親訪小倉。彼曰以一萬二千五百金買返可也。翁曰。對於六萬五千而所償不及五分之一。未免太酷。彼急遮之曰。否。吾所受者五萬金。而此五萬中之利潤猶多歸中六。與夫關於中六方面之人。於是知中六之所私實不少。乃強請出三萬金。彼乞暫緩回答。繼請再獻二千五百。卒許以一萬五千金而買返此丸。

木翁謂余曰。中六之罪不可追矣。雖罪而責之何益。若設法使彼以所肥者仍獻於公。合之小倉之一萬五千金。以應前敵之急。然彼常貌爲貧而介。苟直接交涉而使償金者。決裂之事也。故宜示意小倉。使中六與彼爲表面之談。冀小倉或有勸告。藉小倉之名而出金。其如何。

方惠州之軍報起。僕與遠藤早至橫濱。既屢聞勝利之電。魂飛肉躍。實恨不能飛渡支那海。而奔走麾下。雖夢中絃索。如聞大軍凱歌之聲。而所以絆此軀者。實中六之事也。中

第三十三章 革命黨與菲律賓志士之關係

六歸而僕往見。依木翁之意而演謎語。實則要其所肥之一萬五千金也。彼似略有覺悟。允與小倉談判。

次日復訪中六。未得要領。而木翁以電話招余。則遠藤亦在。於是中六之馳驟乃與吾輩日遠。

遠藤報告曰。吾面中六。適彼訪小倉而歸。見余憤然曰。木翁不義無情之僧。至小倉而詈吾者何事乎。吾與彼爲政友。而視之曾商人之不若。言次殆如狂人。窺其意。蓋彼至小倉而勸出金。而小倉亦以彼所行之非爲勸。於是不得不取證木翁之言。（即五萬金與六萬五千金之別）彼自知衆口不理。狼狽周章。而演此狂劇。然而此一事也。事之外猶有事。則私書私印之僞做是也。翌日僕訪中六。而遠藤先至。僞爲不知。而問小倉之返答。彼強言厲色曰。吾自後不與彈丸之事。僕問以故。彼復罵木翁。僕曉之曰。事非木翁而歸孫君。非孫君一人之私。而天下之公義也。君與木翁有爭。異日可也。今奈何以私憤棄天下之公義。而不速了此事。彼復如狂劇者。揭無條理之言。僕遂怒之。與遠藤怒罵而出。於是第一平和之手段破。

中六既不可理喻。而小倉亦非願捨其資者。但事前與小倉及德商之間所換之品物交換書。

又不能不煩中六。於是日北任其勞。由中六之手。而得德商之書。以了結小倉之方面。中六既奮自棄之勇。而張背水之軍。與木翁爲敵。乃游說黨之一角曰。木翁之傷吾。欲摧舊革進黨之勢力也。此時木翁猶祕中六之非。而世皆知木翁與中六不善。且有詰問事實者。漸爲黨中之一問題。而木翁猶不輕發。惟密告黨之二三領袖。時則先生已從臺灣歸。而揭發私印私書之僞倣。

一日有小島君忽然來訪僕。謂僕曰。昨日中六求會見於吾。吾不見中六久矣。其必關於君等事件者。訪之如何。此日木翁出遊仙臺。不在。僕往勸歸。告曰。中六外強而中乾。其意欲應機。使吾當調停之役。翁聞言甚喜。於是復從事於平和之落着。

既而中六托小島君來。求會見於木翁。翁答曰。會見可也。然吾與中六不單見。須有一二友人之臨席。就麻翁奠北岡浩中選之。會見之地亦於三人之家。乃定奠北家中。而請麻翁之臨。至期。翁使僕作僞造書之寫本。懷之而臨會場。歸報曰。中六之演說甚長。其巧辯足以飾非。說畢。余無言。惟出二僞書示之。彼不能禦。遂服罪。

此會爲祕密之會見也。素不發表於人。亦爲中六守祕密之德義。况中六既服其罪而願償。則一縷之希望又自此生矣。何圖朝報偶揭中六之非。將驅逐於名譽之世界。而絕政治。

的生命。其狼狽無論。又偶有更石君求會見於彼。君以膽力鳴。彼有罪惡而恐怖也固矣。中六之意。以爲是木翁所教。翁欲自明。惟有乞記事之中止。且寬期面會。而朝報竟不止其銳鋒。並僞做書而亦暴露。此非對於中六死刑之宣告乎。於是彼益採毒血之決心。而第二平和之手段亦破。

中六之方面如此。而木翁之方面又有新生之問題。則於黨內之處分中六事也。自僞做書一顯於紙上。向翁而促此處分者極衆。翁亦無由曲庇。竊勸告以退黨之事。中六不允。乃以總務委員之權力而除之。

平和手段既破。所存者最後之一策耳。起訴是也。而中六屢對木翁而言償。故先生携書而訪中六。而中六之答如彼。先生怒之而欲起訴。乃托法律之事於三善君。復以更石所薦無報酬之梅井君爲副。此僕與先生共歷之事也。

僕等既採最後之決心。以對中六之毒血。而却以二木君之一言而轉向者。此不得不述於先生者也。二木君者僕之親戚也。送書招余時。富井君亦在座。二木君曰。君之意欲陷中六於死地乎。曰否。然則木翁如何。曰與僕同意。彼掉頭曰。木翁之窮追中六。實過酷矣。曰新聞。曰除名。以此二事。天下既目木翁爲無淚無血之人。今又聞起訴中六。

是豈欲斬中六而反自傷乎。僕隨辯事之經過。而曰。木翁豈不知一身之利害。但思對於孫君。而克盡自己之責任。不得已而出於此。彼甚有解色。忽一變其語調曰。然乎。是實君所以酬木翁知遇之時矣。僕問其故。彼答曰。吾悉木翁之心事較他人爲多。然居外部而觀。則多疑木翁爲無情。且中六鬼蜮之技。雖不可遁。然君非曾一信賴而依托以大事者乎。彼有罪。君等不明之責。自在其中。何不大大君心胸。以迎中六。且使木翁脫世人之疑。僕聞言心動。然知中六奸智。能對敵情而弄緩急。故所言終無濟也。臨去。彼云中六今日來乞調停。

既而木翁電招僕。言麻翁來訪。力言窮追之非。吾反駁其言。彼去。使吾傳言會君於紅葉館。此日蓋與先生一會於小島之寓。訪辯護士三善而不值者也。麻翁之言。略如二木。僕略述其事之不得已。翁曰。事情吾知之。但我木翁之良友也。想君亦然。而君孫君之至友也。君與木翁致力於異鄉亡命之士之高義。吾甚感動。但中六與木翁亦爲多年政友。如爲活孫君而殺中六。是豈仁者之所爲乎。木翁云吾弄奸智。而啜亡命志士之膏血。不有可洒之淚。是理也。理雖有理。然人間之淚不洒於理。而流於情。君等若強遂行其決意。則世人之同情寧傾於中六。却上木翁以無淚無血之徽號。夫何不勒馬懸崖。以

第三十三章 革命黨與菲律賓志士之關係

保全木翁之譽。而遂孫君之事。倘君有是心。吾請當中六方面。願君不言額之多寡。以便取償。余諾之。此實平和之着之再起者也。

麻翁又曰。君若容我之請。則中止起訴。僕曰非也。余等約三善之會談。猶餘二日。想君與中六之談。一席可決。僕又曰。吾甚疏於金錢之事。願得好顧問。乃推小島君。二日後。僕與先生往訪三善。乃知對於中六之罪雖有定法。然事涉隱謀。關於日清菲德四國問題。關係之人又不可不受多次之訊問。至於終局。約費數年。故先生之意亦動。又恐爲中六所知。乃故示麻翁以進行起訴之狀。終以中六之一萬三千金來。草草結局。此又僕與先生共歷之事也。

事實如前所陳。今請括言其要。則不殺中六。而立義於先生者。木翁最初之希望也。寧殺中六受無淚無血之嘲。而立義於先生者。木翁最後之決心也。而救中六於九死。復欲自出千金以補中六。而先生不受者。麻翁之至情也。僕不幸而承乏於其間。又不幸而洞察兩翁之心事。又能知先生之狀況。故毅然願當其衝。絕不感覺如何之困苦也。

僕言盡於此矣。中六之起訴不成。而僕反若起訴於先生者。知先生之笑其愚也。然使僕至於此愚者。誰乎。陳其情於左右。希與先生之交情完於萬世也。先生其鑒之。幸甚。

著者按宮崎原書所舉姓名。多用隱語。以著者所知。中六卽中村彌六。木翁卽犬養毅。麻翁卽頭山滿。小倉卽大倉。更石爲內田良平。日北爲福本誠。尙有數名待查。

第三十三章

革命黨與菲律賓志士之關係

第三十三章

革命黨與菲律賓志士之關係

中華民國開國前革命史上編終

馮自由著

中華民國開國前革命史

中編

本書中編大意

一本書原分上下二編。嗣以下編字數太多。卷帙過厚。故將下編分爲中下二冊。分二次出版。

一本書大體脫稿已久。以尙須向參與諸役各老友徵求材料。藉資攷證。往往因一二事實或地方年月日小故。稽延時日。加以著者數年來忙於商業。無暇執筆。僅能于持籌握算之餘。稍事文字生活。近年所接海內外同志催促全書出版之函。不下千數。尙祈諒之。

一本書所載光復會及丁未安慶紹興二役紀事。多取材于戊申年陶君成章所著浙案紀略。此文初登諸緬甸仰光光華日報。繼復轉載于新加坡中興日報。兩報皆同盟會機關報也。陶君爲光復會主要人物。所述自較他人爲特詳。著者不敢掠美。

一沈鈞業君爲徐錫麟君高足。亦安慶黨案極有關係之人物。嘗語著者。謂其家寶藏徐君遺稿至夥。足供史料之助。允于歸鄉時檢出見寄。惟著者候之經年。迄無消息。他日如承沈君見寄時。容于下編補述之。

一近人著中國國民黨史稿所載丁未七月汕尾運械事件。謂「萱野運械失敗遂運往台灣寄存後由二辰丸運往香山是爲二辰丸之交涉案」云云。殊屬失實。此役爲著者躬親參與。所有香

本書中編大意

港隨款派人各事皆曾一手經理。故知之最詳。當日運載革命黨軍械失敗之日輪幸運九歸抵長崎。即受日政府嚴重監視。所載軍械亦被扣押。二辰丸軍械查係澳門奸商柯某私運營利之物。與革命黨實風馬牛不相及。不可不辯。又是役在汕尾担任用帆船接械者爲許雪秋君。史稿誤作鄧慕韓君。亦宜更正。

一辛亥八月防城一役。革命軍進至靈山即失敗解散。並未到達廣西境界。丁未九月二日孫中山君致南洋同志函。見近人所編總理全集第三集一一五頁有八月初五六兩日連破橫州永淳兩縣等語。實屬傳聞之誤。蓋當時最初揭載此項消息者爲上海各報專電。香港中國日報即據爲宣傳資料。及後始知爲絕非事實。此係著者在中國日報編輯任內之事。應負責更正。以符史義。

一查乙未廣州一役捐助巨款者。尙有香港富商余育之君。時國人視謀反作亂甚于蛇蝎。而余君獨能釀資萬數千元。尤屬難能可貴。當時掌理與中會財政者爲楊衢雲君。後人以余君義捐非孫中山君經手。遂未爲之表彰。殊欠公允。余君破產已二十餘年。現充上海冠生園招待員。世人誰復知此老爲三十年前富甲香港之革命黨老前輩耶。近人言黨統者多持門戶之戶。甚或數典忘祖。以曾出大力之與中會員如余君者。尙且湮沒無聞。則慨助徐錫麟君以巨資之許仲卿君。更無論矣。此種褊狹之見解。著者殊不敢從同。容俟本書上編修訂時。

更補叙余君醺款事。以彰義舉。

一孫中山君于乙巳同盟會成立後。是年冬曾遊歐洲一次。至丙午三月始由法國馬賽港首途東歸。有陳楚楠君所藏著者致南洋同志書可證。見本書中編第三十九章第二七頁本書上編漏載此事。容後補叙。

一本書中編卷首所載各種銅版。如黃克強君三月廿九出險後左手寫報告書。及黃花岡一役美洲華僑捐餉收據等件。原應印載下編。以下編應刊銅版材料過多。故移載中編。

一書中所載各銅版原函。黃克強君之左手寫報告書係謝良牧君所藏。黃花岡一役美洲華僑孫款收據二件。一係域多利致公堂所藏。一係著者所藏。秦力山君致南洋同志函二件。及孫中山君致南洋同志函三件。香港同盟會致南洋同志函三件。係陳楚楠林義順二君所藏。黃克強趙聲二君致謝逸橋謝良牧二君函三件係謝良牧君所藏。汪精衛君北上前留別孫中山君書係著者所藏。


本書中編大意

楚楠先生鑒望佳歲至港派同常祝有
 恩州少主者非常候常奉令春通過早加
 垂憐起種明此件再三言
 公見我角為嶠必春酒再致書乃兄伯耀亦
 能不料救星渡難困病發涕牛喘月餘症未
 瘳方門只以言語不通 已即名遠保病瘳後
 每下略但一書至郵通款堪心幸
 此數年之病一失則生不救則中是致得/今至後得
 答慰不行旋南赴漢中與林兄述居創當獨一
 肉於虎乘袖帥策旗直進與諸將戰三次累收
 捷而漢而至歷歷甚年六月內區區焉已旋極而亦
 主大軍機局鳴點事個個順直通未暇聞更即今
 家始知如燕步操歸乃旋去又已自平定如生牛犢
 割以少身由團練以壯士梁中不數月而旋至其
 西至去年往襄陽三戰胎月者省機密金銀錢糧
 今年歲款不報國公金銀君保主
 而美陳有欲撤由陸門所謀數事與得十分頭
 諸將美辭往與否汝數月後知和了近以港力到
 閱閱思為於仲難過一故難過訪仲本和為難
 於間品壯大雄筆故身立降服心主老抱與致請數談
 不列保堂談此相懷唐履毒酸久心煙膏子
 此大為慷慨著情心多易聽所報來盡原
 初如報來當與此書若生來報重於生報來報談
 得盟卿書何何滿刺故卒送入大州也
 書既于十二日(才)才於可路程不及(才)才
 至春特至已為有暇先採與蔡汝汝謝而兄
 因即書往事渡寧西云理故不得已而分此
 書中致法康定一書甚多不一覽且根欲能詳
 伯耀此中不達了故託

本意力山

中月二十一日
 德書述心也茲再信之西月送是編約相仿元
 惟才已東歸向來理早已完矣
 天之行止于三三各各心處去無多受上志
 數日前事也所擇也
 期見而一見也

秦 力 山 致 陳 楚 楠 書 之 二



影攝滿討師督軍命革岡黃州潮月四未丁

執收

各同志

今收到

捐款

由國庫

正給此存據

統籌部出納課

三月十五日

李海雲

給

執收

致公堂

今收到

捐款

由國庫

正給此存據

統籌部出納課

辛亥年貳月初一日

李海雲

給

據收捐款僑華部籌統軍命革九十二月三亥辛

據收元萬三款捐堂公致利多域(一)

據收元萬一款捐堂公致度朗杜(二)

楚楠記云大人坐卜星洲一會吃慰生手惜為時過急不能暢叙二切羞憾弟今不傳西貢直往日本先查探東方機以定方針方針一定再來南地以協同志合成大團以圖早日發動今日時機已熟若再不發動時不我待則千古一時之會恐不再來也日前所言井氏之親戚祈將其姓氏佳地詳聞寄我以得有便或請他來或派人傳見他以聯合閩廣而共大事有信寄橫濱如左之佳地便云

西重公心事大開已有同志欲創一報館於此以聯僑各埠之聲惟
不知加法及金之費身今特助補此兩缺點大約二三個月後由東
南面則此事可以成矣此亦一可喜事也如不厭僻俟再報
此致即復
大安第一 各位同志此間好否弟中山權於七月七日

一之書楠楚陳致山中孫

臣在死中歸來何面目見公等惟以此
 之失敗也此中不能不舉紀生而平二人之
 紀生所主張開辦製公司之海鏡城現
 在事案雖已（公註）回抵已載有用險裝運在
 彈（現）陳案為大偵探也（此省時）紀生即之派
 自公堂充之（哨）年紀是以不敢言（實）
 子彈取大計以改臨時（多）子彈（和）其已（儲）
 於（省）時（去）其（身）又（順）生（與）相（云）有（望）至（一）箱（個）
 取（出）子（彈）兩（千）政（府）中（有）拾（五）彈（一）能（出）家（而）
 清（案）案（案）同（共）自（相）自（張）子（同）位（云）張（羅）其（取）
 入（一）個（打）中（心）心（不）中（仗）經（以）出（多）音（亮）司（司）後（街）
 小（未）當（運）經（街）一（帶）至（七）九（五）必（注）安（整）時（人）自（由）
 在（去）時（據）他（不）查（同）有（次）者（有）機（炸）亦（入）庫（財）事（）
 忘（主）主（中）國（生）案（自）相（據）此（物）想（又）是（那）若（而）此
 則（高）棚（有）（又）廿（之）期（亦）教（兩）張（及）身（別）有
 公（注）廿（九）即（案）案（案）部（品）從（見）指（主）廟（路）其（中）
 運（訪）覈（存）執（信）控（執）從（期）候（保）亦（憂）不（敵）賢
 同（年）設（法）而（主）利（甚）及（時）政（期）伊（亦）當（於）數（在）五
 乃（自）此（及）久（及）此（刻）控（所）到（者）不（過）七（十）餘（支）而（成）
 不（知）而（亦）取（出）不（敵）水（必）好（之）數（是）有（五）十（餘）支（而）成
 少（及）多（部）則（此）所（據）政（期）亦（完）解（數）而（已）片（之）痛
 心（何）有（以）此（以）背（心）決（心）能（以）一（或）將（事）畢
 謝（海）外（疏）款（一）女（同）能（亦）令（各）部（即）逐（將）

[illegible]

三之書告報寫手左後險出強克黃九十二月三亥辛

其初定時刻深破此等內設率係三十人字
 大南門一設自之持鼓級指去信身都大主樣
 教士不何往是當時自自不出多信身十餘
 大列殄賊風多戰全都擊出城外上未不知
 中里及此大嘆教士之長)概奇計不能去別
 勝往計中必不設防何雖奇計未始往作
 勝士上設即星石黑教士不亦必鳴呼問太暗十
 餘八月中十人戰時自不以上一箭不掃時陳只在
 而後州(香城街)時是音門被圍置炸彈各彈火
 而乘此至不教士人能者其勇壯)事勢中報
 者
 一先清源中檢記餘事勝則高記多
 另整洞內信身任奔大南門中其信通大以內衣首
 先用槍擊死有年並傷多量則於南門內記身
 村逢見其尸前與肩不和果身身底命受以元
 古以提王布寸二人不知拋擲炸彈之地信兄之妻被
 麻亦被炸死其妻未底受命未受盡共敵聖戰身
 除人尽被其焚死此步身村喻允受身世人
 朱拋往元事以整者有身受身死非卒以反的
 之態在督署三門內方以列保整身信身居際當
 時頭上地未受傷故身信身死身信身死則立起
 以許其身信身以信身往來南門內身信身死

四之書告報寫手左後險出強克黃九十二月三亥辛

中華民國開國前革命史中編

馮自由著

第三十四章 浙江志士與革命運動

文學鼓吹與會黨運動 孫翼中與罪辯文案 蘇報與萃新報案 敖
嘉熊與新山歌案 曹阿狗與猛回頭案 會黨之派別及源流 癸甲
兩年之會黨運動 組織溫台處會館之計畫 甲辰起事計畫之頓挫
丙午杭州之查拿黨人 大通學校之繼起 丁未各地義師之失敗
戊申後黨人之活動 張恭之獄

文學鼓吹與會黨運動 甲午中日戰後。浙江風氣大開。杭城諸士子日受外來思潮所刺激。漸知以辦學設報爲務。自餘杭章炳麟迭主時務昌言亞東各報筆政。省中士紳以章氏遽于國學。多爲感動。由是提倡設立學校研究中西科學者。頗不乏人。庚子拳禍既息。浙人以官私費

第三十四章 浙江志士與革命運動

赴日本留學者。相望于道。時支那亡國紀念會青年會軍國民教育會諸愛國團體續紛並起。留學界主張革命者日見其盛。湖北湖南江蘇數省學生各用本省名義發刊雜誌。咸以民族主義相號召。同時浙籍學生孫翼中王嘉梁蔣智由陳梈蔣方震等亦有浙江潮月刊之組織。持論激昂。不讓他省。而主持上海愛國學校者復多浙人。及章氏駁康有為政見書出。蘇報案隨之。革命言論轟動一世。民族思潮亦大澎湃于浙省各府縣。言新學者遂多傾向革命一途。癸卯壬寅之間。尤為特盛。是時革命志士已漸由言論而趨于事實。孫翼中龔寶銓陶成章張恭敖嘉熊魏蘭徐錫麟秋瑾諸人以浙省會黨林立。大可為軍事進行之助。遂深入內地。從事聯絡。雖其時會黨派別繁多。且各立門戶。不相統屬。而源流皆出洪門。咸具反清復漢思想。嗣經諸志士勉以大義。莫不翕然從風。願作革命軍馬前卒。自是各屬會黨咸勃勃思動。自辛丑白布會濮振聲之鬧教。以迄戊申梟黨余孟廷之發難。浙省會黨揭竿起事者。時有所聞。即諸志士奔走鼓吹之力也。故言浙省革命事業。可分為文字鼓吹及會黨運動之二途徑。茲分別述之。

孫翼中與罪辯文案 清季浙省文字獄。以求是書院之罪辯文案為最早。求是書院創于辛丑年。乃杭城士紳所倡建。院中國民第四班教員孫翼中。字耦耕。別號江東。杭縣人。生平主張排滿最力。暑假時四五兩班學生合組一作文會。翼中出一題。名曰罪辯文。內有一篇中有

本朝字樣。有一學生史某改爲賊清。翼中不置可否。事聞于劣紳勞乃宣及駐防旗滿學生申權瓜爾佳金梁諸人。金梁乃進稟浙撫。控告教員孫翼中陳漢第輕蔑朝廷。浙撫下令查究。漢第乃用反攻計。謂旗人出稟撫院。有干例禁。且又無憑據。妄陷多人。理當反坐。浙撫以事關旗人。乃與將軍商議。將軍以金梁妄違例禁。遂薄懲之。事遂止。此案結後。翼中雖得無事。然不能居杭。乃就紹紳陶澐宣之聘。主講席于東湖通藝學校。革命思潮因之以傳入紹興。未幾偕友數人留學日本。值青年會組織伊始。高樹民族主義之標幟。翼中以同鄉王嘉桀之介紹。入爲會員。旋與蔣智由王嘉桀蔣方震諸人發刊浙江潮雜誌。風行一時。癸卯夏返國。主持杭州白話報事。益爲清吏所忌。丁未誣以他故。欲繫之於獄。踉蹌逃走得免。

蘇報與萃新報案 蘇報案事起。章炳麟入獄。章之文章學問素爲浙人所崇拜。故此案之風潮影響于青年思想。至巨且速。金華志士張恭劉琨盛俊等亦倡辦一旬報。以開通民智爲務。名曰萃新報。嚴州知府錫綸。滿洲人也。以該報譏刺時政。乃進稟浙撫。謂該報出語狂悖。請封禁以正士習。浙撫下令封禁該報。張恭等事前得杭城同志報告。預將該報門面改易。得免于難。恭字伯謙。別號同伯。曾應試中癸卯舉人。少有志革命。恒以聯絡會黨爲職志。特投身終南會爲會友。尋在會中漸得勢力。乃與同志沈榮卿周華昌等另創一山堂。定名曰龍華。

第三十四章 浙江志士與革命運動

會。其後革命黨人聯絡會黨。成效日著。張恭之力爲多焉。

放嘉熊與新山歌案 諸志士鼓吹革命之方法。在乎多運革命排滿書籍散佈內地。文言與白話並進。文言體則有駁康有爲政見書牘書革命軍湖北學生界新廣東新湖南浙江潮江蘇等。白話體則有猛回頭警世鐘黑龍江新山歌孔夫子之心肝等。新山歌爲放嘉熊所編。嘉熊字夢姜。一字咸愚。平湖人。少負奇氣。戊戌政變後以時局日危。與王嘉渠蔣方震等十餘人倡一時事研究會。名浙會。庚子拳禍起。國勢岌岌。嘉熊自平湖遷嘉興。以改良農業振興教育爲己任。遂與唐成卿祝心如諸人創辦學稼公社及竹林小學校。壬寅始著手于革命運動。癸卯正月至上海入愛國學社。極爲諸同志推重。愛國學社解散後。嘉熊歸嘉興。倡設演說教育二會。暗鼓吹革命。復用白話文體編著新山歌一書。爲運動下級社會之需。士商會黨多爲感化。丙午四月嘉熊友陳夢熊組織明強女學校于樂清縣。夢熊亦革命黨人。因在校演說革命。并散佈新山歌。爲劣紳胡倬章指控于知縣。謂夢熊乃哥老會匪。在嘉興與敖姓結黨謀亂。事敗逃歸。在女學校布散邪說。卽以新山歌爲證。何令遂派差弁往拿夢熊。而夢熊已聞風避去。此案牽連及于嘉熊。藩司寶芬溫州知府錫綸均滿人。更欲因之以興大獄。夢熊在日本聞之。恐累及嘉熊及他友。自到杭城投案。適寶芬調任山西藩司。溫州著紳孫貽讓等爲夢熊力保。嘉興著

紳陶葆廉等亦爲嘉熊剖白。巡撫張曾敷探知胡倬章平日聲明惡劣。因坐倬章以誣告之罪。革去職員。何令亦撤任。此案起于丙午四月。至丁未三月始結。

曹阿狗與猛回頭案 革命書籍之散佈內地者。以陳天華所著猛回頭爲最盛。外間輸入不足。內地亦往往有自行翻刊私相分送者。甲辰後農工平民亦多心醉革命真理。丙午六月有金華人曹阿狗者。素性任俠。聞革命之說而悅之。求入龍華會爲會員。副會主張恭與以猛回頭一冊。亞狗得之。諷誦不輟。因到各處演說。爲仇家所聞。控之于金華縣。縣令某不欲深咎。知府滿人嵩連聞之。索阿狗于縣署。親自提訊。欲窮其源。以絕根株。嚴刑拷掠。體無完膚。阿狗不屈。嵩連無法。乃僅殺阿狗以結此案。復廣出告示。嚴禁逆書猛回頭。閱者殺不赦。以阿狗爲例。因而索觀此逆書之人益衆。鄉人多輾轉向上海購閱云。

會黨之派別及源流 浙江秘密會黨之盛。不讓閩粵湘鄂諸省。而其派別名色之多。則又過之。溯其源流。遠在清初。當康熙初葉及中葉之時。浙東沿海義師抗拒最烈。張煌言歿後。有一念和尚者。明之遺民也。別名張念一。嘗創設一秘密會。謀反清復明。以浙東之大嵐山爲根據地。更聯絡浙西之天目山。江西鄱陽湖之戈陳。江蘇太湖之鹽梟。其勢力所及遠達于山東曹袁二府。授太倉王某爲兵備副使。奉朱三太子爲元帥。不幸突遭破敗。齋志以沒。顧

第三十四章 浙江志士與革命運動

其部將仍以繼承先志爲務。二百年來。日在浙省各府縣組織勢力。潛滋暗長。派別繁多。惟宗旨漸晦。鮮有遠大之計畫以企圖恢復者。及太平天國之師入浙。黨人反清復明之思想因而復活。自後揭竿起事。高唱排滿者。時有所聞。然各分門別戶。不相團結。故旋起旋仆。成效不著。至戊戌庚子二次變亂之後。遂有革命志士乘時奮興。日以聯絡會黨爲事。由是諸會黨乃漸浸染民族民權兩種思想。而滿清末祚從此多事矣。今略舉諸會黨之名色派別及歷史如下。

(一)終南會 終南會亦名終南山。由湖南傳入江西。由江西傳入浙江衢州與福建建甯。其勢力最盛。庚子衢州起事之劉家福。卽會中之第三級職員也。凡萬雲龍華伏虎玉泉關帝諸會咸爲其分系流派也。

(二)雙龍會 雙龍本名萬雲會。亦曰萬雲山。其所以稱雙龍者。因票布上畫有二龍故。其本部在處州。會主爲一拳教師。名曰王金寶。青田人。甲辰十月金寶死難。其師弟吳應龍麗水人代統其衆。

(三)白布會 當太平天國興兵時。溫州平陽人蔡某謀反清獨立倡建一會。名曰金錢會。瑞安大紳孫衣言亦隱具獨立思想。以倡辦團練爲名。又組織一秘密會。名曰白布會。後以清

將左宗棠佔領杭城。衣言知時機已去。乃解散其會。嚴禁屬下不許在溫州傳佈。於是其屬下隱改其傳佈之方向。流而入于嚴處二府。壬寅年間起事失敗之聲振聲。卽此會首領。

(四)伏虎會 此會爲終南會之別支。亦曰伏虎山。總部設于台州。會首曰王錫彤。爲甯海縣附生。初以排外爲宗旨。於庚子辛丑之際屢鬧教案。清吏曾懸賞至八千金捕之。癸卯以後受革命黨人之陶鎔。乃易排外而爲排滿。尙有別部在甯波奉化。由其友楊某主持之。甲辰冬附入于龍華會爲其分部。

(五)龍華會 龍華會亦稱龍華山。其本部設于金華。爲終南會之別支。先是終南會正會主曰何步鴻。副會主曰朱武。本湘勇營官。以罷職而寄寓金華者。永康沈榮卿與金華張恭縉雲周華昌皆入其會。庚子春恭與其友蘭溪蔣樂山至杭州讀書于紫陽書院。適唐才常之弟才中自湖南來。與恭及樂山相遇。因以富有票授之。二人受票歸。將放行。而漢口之變聞。遂置富有票不發。仍理終南舊業。其後步鴻卒于永康。朱武亦離浙江。於是榮卿與恭華昌等遂自開一山堂。定名曰龍華會。先是金華有謠曰。若要天下真太平。除非龍華會上人。三人之以龍華名其會。實欲以應謠也。榮卿爲正會主。恭與華昌爲副會主。金華八縣咸有分部。命紅旗管理其事。用五言四八句爲字號次第。而以中間一字爲總紅旗。督理一縣黨

第三十四章 浙江志士與革命運動

軍事宜。餘四字分作東南西北四區爲散紅旗。分頭理事。如另有事故。則特派親信幹員以統理數縣事宜。事平則去之。黨徒號稱五萬人。實則三萬數千人。其別部之在台州者。仙居則有應師傑。天台則有陸顯元。均各領有五六百人。號稱精銳。在處州縉雲則有呂嘉益。徒屬凡三千餘人。其他紹興之諸暨嵊縣青田溫州等縣亦有分部。但其勢力甚微。不能自樹一幟也。會中規例。若有別部山堂來歸附者。均以藩屬之禮遇之。不直接統轄。其黨自壬寅後屢起風潮。屹然不動。秋瑾之所恃以爲大本營者卽此會。及丁未五月紹興之敗。遂成一不可收拾之局矣。

(六)平陽黨 平陽黨本名平洋黨。其黨魁曰竺紹康。竺字酌仙。爲嵊縣文生。因與本地土豪蔡老虎有殺父仇。特組織此會以圖報復。其本部在紹興嵊縣。徒屬之數號稱萬人。其別支主任者曰王金發。王字季高。亦嵊縣武生。乃紹康友。在日本大森體育會卒業歸鄉後。謀創辦團練。以圖起革命軍者也。

(七)私販黨 以上各黨均出自天地會。號稱洪門。又曰洪家。亦稱洪幫。俗訛作紅幫。此外另有一派私販在蘇松常太甯廣鎮杭嘉湖之間。卽所謂鹽梟也。其一切組織法及口號暗號咸與洪門異。號稱潘門。亦曰潘家。又別稱慶幫。俗訛作青幫。蓋由其渠魁潘慶得名。內

分三派。一曰主幫。係浙東溫台人。一曰客幫。係皖北江北人。又別號巢湖幫。以別于溫台幫。凡江南皖南浙西之流氓光蛋咸屬此流派。丁未之冬。戊申之春。與清兵相角逐之余孟庭夏竹林等。皆此私販黨也。潘慶本爲販買私鹽之首。其源亦出洪門。因與專捕私鹽之哥老會徒湘勇立于反對地位。故別樹一幟。然猶未盡忘其本本水源之意。故凡潘門兄弟遇見洪門兄弟。其開口語必曰。潘洪原是一家云。



陶 成 章

癸卯兩年之會黨運動 革命志士之
著手會黨運動。始于癸卯甲辰二年。

而運動之主要人物。則有孫翼中龔寶
銓陶成章敖嘉熊魏蘭數人。成章其最
著者也。成章字煥卿。會稽人。素志
中央革命。庚子入滿洲。壬寅居北京
。屢謀入陸軍學校。以鼓舞軍界。均

不獲如願。乃轉而從事于會黨運動。癸卯歸浙江。赴台州訪伏虎會首王錫彤不遇。冬十二月
魏蘭歸自日本。蘭字石山。雲和人。亦有志于光復事。由平陽人陳蔚業介紹與成章結識。遂

第三十四章 浙江志士與革命運動

聯袂至杭州。寓于下城頭白話報館。是時主白話報筆政者即爲孫翼中。與監禁在仁和縣署之白布會首領濮振聲素有交誼。陶魏由翼中介紹往見振聲。相談頗洽。振聲爲成章出介紹函數通。名片數十紙。謂之曰。持予名片至新城臨安富陽於潛昌化分水桐廬等處。沿途均有照料。此癸卯十二月二十九日事也。翌年甲辰正月。成章闌歷遊富陽桐廬分水建德壽昌湯溪龍游遂昌松陽各地。以至雲和。詳探各種秘密社會之內狀。且遍謁白布會諸頭目。闌至家倡辦先志學校。聘成章爲教員。成章居雲和兩月。遂與闌之堂姪毓祥及其友關石原由麗水青田至溫州府城。先是龔寶銓偕其友陳大齊亦至溫州活動。寓于平陽古鰲頭之小城學校。旣與成章遇。遂相偕至上海。旋赴嘉興訪敖嘉熊。陶敖締交亦卽在此時。魏闌于成章去後。赴處州府城運動吳應龍。偕應龍至北鄉訪雙龍曾首王金寶。並在府城遇縉雲人丁鏢。得聞龍華會沈榮卿周華昌等之義俠。遂偕鏢至縉雲縣城聯結李造鍾等。旋復結伴至壺鎮拜訪呂熊祥呂嘉益等。所到之區。爾皆演說人種之分民族之說。聽者莫不感動。熊祥字逢原。別號東升。其家開一小雜店。名呂萬盛。性好交遊。熟識秘密社會情形。其族姪嘉益尤喜抑強扶弱。與永康沈榮卿武義周華昌爲莫逆交。爾因加益之介紹。遂赴永康得交于沈榮卿而返。秋八月。爾偕其姪毓祥赴上海。道經處州府城。遇陳夢熊馮豹。陳馮亦受敖嘉熊托至處有所活動。於是同會集

於沈榮卿家。榮卿名樂年。一名瑛。榮卿其字也。其徒屬尊之曰榮哥。清吏誤哥作古。遂卽以榮古之名行文通緝也。榮卿爲本地富戶。納粟入監。喜交結。其始結有百子會。後入終南會。遞升至會副。後與友張恭周華昌另開一山堂。名曰龍華會，勢力日盛。而家道亦漸中落。其人性情豪邁。能得士心。有心腹曰呂阿榮。其在東陽諸縣事宜。則以陳魁鰲趙永景任之。其在武義諸縣事宜。則以周華昌等任之。華昌外號金海。仗義疏財。深爲會友愛戴。所辦會務。條理整然。榮卿尙有一重要機關所曰胡鹿竿雜貨店。魏蘭旣納交于榮卿。更由榮卿介紹入金華見張恭于永慶班中。恭初設千人會。後入終南會。復與榮卿華昌共發起龍華會。其信用之人。則有吳琳謙劉永昌徐順達。而以順達爲最。恭之機關所有二。曰金阿狗茶店。曰永慶戲班。未幾蘭等邀恭共至杭城。再由杭趨嘉。以訪龔寶銓。因與敖嘉熊相識。尋至上海招成章。時成章方在溫州。聞信過上海。共商金衢嚴處溫台六府會黨聯合大舉之策。自是六府會黨咸盤馬彎弓待時而動矣。

組織溫台處會館之計畫 癸卯上海愛國學社解散後。敖嘉熊歸嘉興。尋赴溫州。歷台州甯波以歸。謀握地方上財兵二權。以次組成獨立之軍。且以交通浙東西之各秘密會黨。遂有溫台處會館之設立。先是浙東溫台處三府主客鄉民。因納糧置產事。屢起事端。清吏復以客民

第三十四章 浙江志士與革命運動

爲可欺。橫徵暴斂。無所不至。嘉熊以諸府田地。客民殆居半數。而溫臺之人又素以強悍著名。欲因是以倡辦團練。設計握地方上兵權。統其事于溫台處會館。復可由溫台處會館出面。爲客民代輸租稅。客民畏官吏侵陵。必樂歸賦稅于會館。使爲代納。則又可因是以漸握地方上財權。一旦有事。即用所辦團練以衛鄉里。而以所收入賦稅充兵餉。是不煩一甲。不費一文。安坐而致獨立之形勢也。設謀既定。遂以甯輯主客鄉民及安置客民使無失所之詞。遊說清吏及溫臺處紳董。官紳咸贊成其議。嘉熊因使溫台處紳董連名具稟清吏爲會館立案。己爲先出資以助成之。方集議時。陶成章自上海訪龔寶銓。寶銓引之見嘉熊。因與籌商浙江獨立軍事。意見相同。僉謂浙江非可自守地。欲在浙舉義。非先注意南京不可。而安徽又居南京上游。上接南湖。下通江浙。又不可不先有以佈置之。於是嘉熊又欲於嘉興溫台處會館成立後。再設立分會館三處。一建于松江。而以蘇州松江常州太倉之祕密黨會附入焉。一建于湖州。而以甯國廣德嚴州衢州之祕密黨會附入焉。一建于杭州。而以于潛昌化新城臨安之祕密黨會附入焉。復擬以別策招致鎮江臬黨。以窺南京。右翼集廣德甯國洪軍以窺南京。左翼更用衢處之祕密軍隊。預備出江西以上隔兩湖。屆時義旗一指。四省感應。則南京勢成孤注矣。又用暗殺以擾亂之。是可不戰而降焉。溫台處會館發議爲甲辰六月。其成立則在是年九

十月間。所有執事人員皆聘同志任之。推魏蘭爲總理。毓祥丁鑠陶成章呂熊祥趙卓陳乃新魏毓祥魏仲麟馮豹陳夢熊等爲執事員。名爲溫台處會館。實則一純粹之革命機關部也。嘉熊思欲團結人心莫若宗教。乃更立一祖宗教。作福書禱詞及各種秘密暗號。爲瑞安人沈梧齋藉端挾制。魏蘭出爲調解。馮豹以劍劫梧齋而取其憑據。事乃已。其後梧齋自往湖州放票。爲清吏所掩執。供詞連嘉熊。清吏不欲深究。僅收禁梧齋友于獄而罷。乙巳四月。嘉熊迭遭家難。商業亦復虧折。溫台處會館因之不能維持。乃盡出其妻簪珥等物以濟之。復無濟于事。於是辦事諸人逐漸走散。豹夢熊歸鄉。魏蘭赴爪哇。成章寶銓熊祥諸人入紹興。助徐錫麟設立大通學校。而溫台處會館事業遂空。丙午二月。夢熊新山歌案發。事連嘉熊。賴著紳陶葆廉力救。得泯其事。丁未五六月安慶紹興二案先後發。清吏咸注目嘉熊。倖不逮及。浙路借款風潮起。嘉熊以聲望見推爲商會理案董事。惟以歷年奔走革命及辦理社會事業。素爲清吏及劣紳所忌。屢謀傾陷之。不得。乃改用暗殺之計。戊申二月初九日。嘉熊以事晚出不歸。十六日其屍見于嘉興府城北烏橋港。年僅三十五。嘉熊死而浙西江南一帶之革命事業爲之大受打擊。其友瑞安人徐象黼竟仰藥以殉。

甲辰起事計畫之頓挫 甲辰秋湖南黃軫劉揆一楊守仁等謀在長沙起事。期爲十月初十日。

第三十四章 浙江志士與革命運動

預告蔡元培。欲浙江協約共起。元培以告陶成章。成章即偕魏蘭魏毓祥等赴嘉興晤龔寶銓范拱徵等商進行方略。議既定。復至杭州。趨蘭溪。入金華佈置一切。擬後長沙期約三日起事。先以計襲取金衢嚴三府。然後由嚴州出安徽以扼南京。由衢州出江西以應長沙。而用金華之師以堵塞杭城之來兵。且分道以擾紹興甯波湖州各縣。以震撼蘇杭。籌備略竣。而長沙之消息無聞。成章大疑。遂疾趨杭城刺探。始悉長沙事已於九月二十六日敗露。乃急訪金華以按祕其事。然其時龍華會主沈榮卿已以其謀告諸雙龍會山主王金寶。且勸以處州應之。偕衢州之師以共出江西。金寶遂令部將管馬德約各黨徒預備發動。又傳檄遂昌管事周某。使率其屬先取遂昌。預備出江西以爲各路義師之前導。周某又出示曉諭遂昌清吏。令籌辦歡迎酒席。縣令飛報浙撫。杭城下戒嚴令。值黨人宣布起義停頓。金寶始解散其屬。然清吏已懸賞金二千購之。其友程象明貪利忘義。甘爲眼線。密報清吏。獲金寶于桐廬。遂于十月某日加害于處州城。黨人在處州之經營爲之一挫。成章魏蘭等事定後。仍進行不懈。分頭入永康麗水東陽魏山玉山尖夏家菴天台平鎮黃巖海門各地聯絡當地會黨。先是浙東屢鬧教案。自黨人灌輸以革命思想。遂易其排外之心爲排滿。至丙午以後。清吏始漸警覺。然大勢已去。防不勝防。未幾遂有丁未六月紹興秋瑾之役。

丙午杭州之查拿黨人 陶成章于丙午年春在東京入同盟會。旋被推爲民報社編輯兼發行人。是年五月返國。偕龔寶銓同寓西湖白雲菴。至九月初旬再來。則下榻于杭州城內白話報館。時杭城忽風傳成章等已召集上八府義士三千。將于十二日襲取省城。滿藩司寶芬以浙江黨人遍地。屢欲借故以興大獄。旣聞此事。卽下密札于杭州知府三多。令速究辦。警察總辦某道謁浙張撫請示。張撫畏事。不欲深咎。卽由幕中人傳言。囑成章等他適。成章等越二日始離杭。自是黨人機謀漸露。不若以前之活動。十月初旬徐錫麟亦來杭謁撫院。張撫拒不見。蓋疑之也。

大通學校之繼起 自溫台處會館無形解散後。浙省黨人之革命機關部遂移于紹興大通學校。其主動人曰徐錫麟。而龔寶銓陶成章陳則軍呂熊祥趙卓陳伯平竺紹康等咸爲之助。此校發議于乙巳三月。而開學則在八月二十五日。其學科首重兵式體操。特設體操專修科。凡有志者均可入學。期以六月畢業。開學後。寶銓成章等乃遍招各縣會黨頭目入校練習兵操。爲軍事進行之預備。金華處州紹興三府之黨會頭目多負笈來學。爲一時之盛。吾國各省秘密會黨之能受正式軍事教育。蓋自此始。丙午三月。錫麟爲實行捐官計畫。親入北京大事活動。離紹興時。以校務託之曹欽熙呂熊祥二人。後欽熙辭職。余靜夫姚定生先後任總理。至丁未七

第三十四章 浙江志士與革命運動

月。諸辦事人請秋瑾主持校事。瑾既就職。規模一新。蓋曹余姚等均不諳會黨情形。窮于應付。瑾則果斷有爲。不獨多招會黨六百餘人來習兵操。且令女學生亦受軍事教育。號稱女國民軍。以是大招清吏疑忌。丙午三月。杭城大吏假盤察倉穀之名。派委員至紹興密查。諸辦事人幸事前得報。預將武器移藏他處得免。瑾經此事後。益復召集各處會黨至紹興計事。并與安慶徐錫麟相約尅期大舉。於是大通學校更成爲革命軍之大本營矣。會錫麟在安慶失敗。瑾亦以屢改師期爲虜所乘。卒及於難。大通學校被清吏封禁後。諸辦事人或逃或匿。幸開會之初及舉行畢業式時。本城官紳均到校拍照紀念。故舊日入校之學生得免波及。

丁未各地義師之失敗 丁未五月初五日秋瑾既在紹興就義。其相約舉事之各地黨人亦先後失敗。嵊縣軍務由竺紹康王金發裘文高等主持。是年三月間裘文高不待紹康通告。遽召台州義勇。由東陽至嵊縣紮營於西鄉廿八都村。樹革命軍旗幟。殺死清軍哨官李逢春等數名。兵士數十名。杭城清吏派兵來援。文高乃率衆退入東陽而去。於是清吏始懸重賞以購紹康金發。而紹康金發遊行自如。清吏無如之何也。武義縣黨軍督辦員爲劉耀勳。因五月二十六日舉事之約期洩露於外。縣令錢寶鎔急電杭城請兵。省吏派參將沈棋山捕拿黨人。耀勳一無預備。二十二日爲清軍所擒。遂及於難。黨人死者三十餘人。金華軍務先由秋瑾派徐買兒辦理。

買兒事前因與人爭田產事入獄。及舉事有期。買兒友倪金欲劫牢以出之。不戒於言。爲清吏所聞。被執戮死。而金華之師遂不能起。是爲五月二十三及二十四日事。蘭溪黨人開紹興師期。謀集衆襲破縣城。以接應金華之師。適安慶事發。金華已布戒嚴令。乃皆散走。清吏因之分頭搜鄉。並涉及各寺院。湯溪浦江各縣亦大受騷擾。縉雲黨人于大通學校遭難後即揭竿而起。清軍屢爲所敗。其首領呂熊祥以孤軍不能久持。乃命其徒屬退居於仙居鄉落。暫得保全實力。經此役後。浙江會黨元氣大傷。就中龍華會受摧殘最甚。伏虎白布雙龍諸會團體尙存。然其勢已漸渙散。平陽私販二黨屢傷首要。亦一蹶不振。

戊申後黨人之活動 戊申春夏間。浙江革命黨人欲聯合江浙皖贛閩五省各秘密會黨結一大團體。定其名曰革命協會。因各派意見不一。久未就緒。是年冬清帝后死。黨人謀乘機起事。因絀於經費而止。翌年春雲和人張偉文與麗水人關麟書欲聯絡會黨大舉。偉文至樂清運動黃飛龍。在永嘉之南溪爲溫防統領梅占魁所捕。送之杭城下獄。麟書亦因書信牽涉。被繫仁和獄中。時當道視處州人盡革命黨。凡寓杭城旅館之處州人多被拿捕。其後麟書以無確證。庚戌年始保釋出獄。偉文則至辛亥光復始行開釋。

張恭之獄 己酉年夏。黨人陳其美張恭王金發周淡游褚輔成等在上海有所計畫。事爲劉光

第三十四章 浙江志士與革命運動

漢汪公權所聞。光漢鼓吹排滿有年。爲有名之文學家。時任民報撰述。以爲其婦何振所挾持。且與章炳麟陶成章意見不合。遂變節歸上海。密充江督端方偵探。至是乃以所得報告端方。端向英租界當局交涉。派巡捕查抄黨人機關。捕去張恭一人。周淡游褚輔成以變服工人得免。王金發怒挾鎗見光漢。將殺之。光漢懼。許以必爲保全張恭。恭因不死。光漢由是不敢再至上海。汪公權以爲無慮。仍至上海偵探黨人舉動。卒爲金發槍斃。聞者快之。

第三十五章 光復會

光復會之起源 光復會與同盟會 大本營之設立 捐官之計畫

大通學校之風潮 安慶起事之失敗 浙省起事之失敗 黨人之

生死 南洋之光復會 李柱中與光復會 上海之光復軍 光復

會之結局

光復會之起源 光復會成于前清甲辰清光緒二十九年之冬。而源流則出自癸卯清光緒十八年留日學生所

設軍國民教育會。先是章炳麟奏力山等所發起之支那亡國紀念會既遭日本政府解散。留日學生董鴻緯葉瀾周宏業秦毓璽王嘉樂謝曉石胡景伊薩端馮自由蘇子毅諸人乃創設青年會。以爲之繼。留學團體之揭發民族主義爲宗旨者。青年會實爲濫觴。及癸卯春。俄人迫清廷締結滿洲條約。留學界大憤。有志者遂倡議組織義勇隊。自行赴滿拒敵。學生多簽名贊成之。青年會爲謀擴張其黨勢。咸入義勇隊爲幹事。後以日政府不許別國人在其國有軍事行動。乃改義勇隊名目爲軍國民教育會。旋聞清廷欲逮捕學生請願代表。各會員以滿虜甘心賣國。非從事

根本改革。決難自保。於是紛紛歸國。企圖軍事進行。其中有一部組織暗殺團。欲先狙擊二三重要滿大臣。以爲軍事進行之聲援。所訂規章。極爲嚴密。浙江留學生之爲團員者數人。龔寶銓其一也。寶銓既返國。遂在滬招集同志組織機關部。時中國教育會會長蔡元培方從青島歸上海。覘知其事。乃求入其會。願與合作。團員非常歡迎。於是更將規章詳加修訂。定名曰光復會。又曰復古會。并推舉元培爲會長。壁壘爲之一新。適陶成章自內地再渡日本。道經上海。寶銓與成章爲莫逆交。且頻年運動會黨。咸與共事。元培亦知聯絡會黨非成章莫屬。因同約成章入會。成章從之。由是紹興商學界及各屬會黨頭目相與訂盟者。大不乏人。元培以敖嘉熊素負重望。親至嘉興邀之訂盟。嘉熊許其有事相助。而不入其會。成章嘗介紹魏蘭入會。因事不果。徐錫麟于是年冬至上海。見元培于愛國女學校。遂亦入會。秋瑾則于丙午冬爲反對日政府取締留學生規則事歸國。始由錫麟介紹入會。此光復會成立初期之大概情形也。

光復會與同盟會 當光復會成立之時。正爲萬福華鎗擊王之春之時。黃興劉揆一等因謀在長沙起事失敗。時亦遁走上海。謀另組新黨。爲捲土重來之計。會王之春案起。牽涉新聞路餘慶里機關部。黃劉等遂俱匿跡日本。以避其鋒。光復會既成立。與會者獨浙皖兩省志士

。而仙省不與焉。會長蔡元培聞望素隆。而短于策略。又好學。不耐人事煩擾。故經營數月。會務無大進展。加以敖嘉熊所創設溫台處會館成立未久。浙東各府志士咸薈萃于是。隱然奉嘉熊爲領袖。嘉熊既不入光復會。則溫台處會館一日存在。光復會即不能大有施爲。勢使然也。乙巳四月後嘉熊迭遭家難。所營商業亦復虧折。其創設溫台處會館之原定計畫。悉成泡影。而維持經費亦無以爲繼。因之此會館遂成無形的解散。陶成章龔寶銓乃入紹興。佐徐錫麟倡辦大通學校。呂熊祥趙卓等亦隨之行。錫麟素有大志。且勇敢沈毅。爲同志所欽仰。其組織大通學校也。即欲利用爲起事機關。及既成立。而浙江革命軍之大本營遂由溫台處會館而移于大通學校。即光復會本部之事權亦已由上海而移于紹興焉。是時留日十七省革命志士在東京發起中國同盟會已歷數月。浙江人入會者有蔣尊簋秋瑾數人。成章于丙午東渡。旋即加入。且見推爲民報之發行人。元培于同盟會成立之初。已由本部指定爲上海分部創辦員。因是光復會員泰半入同盟會籍。獨錫麟志大心雄。不欲依人成事。且因指官辦學二事與成章意見不洽。故卒未入會。秋瑾于乙巳七月由馮自由介紹入同盟會。且被推爲浙省主盟員。爲浙人入同盟會之第二人。是年冬由日返國。復由錫麟介紹入光復會。因與錫麟訂約合作。故一切進行規畫。咸以光復會名義行之。然于丙午冬萍瀏一役前後。同盟會本部派遣歸國運

第三十五章 光復會

動湘鄂蘇各省起事之劉道一楊卓林孫毓筠胡瑛諸人。瑾皆與之約期同舉。亦概用同盟會章制。則可知是時革命黨員對於光復同盟之名義。固無畛域之見也。及萍瀏革命軍失敗。徐秋二人遂協議決用光復軍名義在浙皖二省企圖大舉。不及半載而有安慶紹興之二役。

大本營之設立 光復會之大本營即紹興大通學校是也。先是徐錫麟嘗于癸卯春赴日本觀大阪博覽會。與陶成章相識。歸國後復與嵎縣平陽黨會首徐紹康相結。尋復入光復會爲會員。錫麟所居里曰東浦。其鄉人倡辦一小學校。名曰熱誠。於各普通學科均不甚研究。特注重於兵式體操。錫麟偕其友陳志軍親自督率以訓練之。又從南京兵輪上僱一軍樂家來教授軍樂。鄉人因之發生謠諑。錫麟父鳴鳳聞而惡之。然本學校係紳士公立。無術可以解散。且又以學生年紀尙小。故暫置之。乙巳三月蔡元培族弟元康自上海至紹興。告同志以劫錢莊助軍需之法。同志均以爲然。錫麟聞而識之心中。即向同志許仲卿借銀五千元。至上海購買後膛九響鎗五十桿。子彈二萬顆。聲言鎗二百桿。子彈二十萬。其購此鎗也。先向知府熊起蟠領取公文。言明係各學校體操所用。明目張胆僱挑夫十餘名。直過杭城。警吏皆不過問。既至紹興乃寄存于府學校。復往嵎縣請竺紹康選同志中之強有力者二十人。派赴紹興。每人給費二十元。遂回東浦與志軍等商議。欲立一學校以爲此二十人容身之所。且爲藏匿之地。就商於東

浦附近大通橋旁大通寺方丈。借其屋宇數間以爲開辦學校之用。事爲錫麟父所聞。卽言於該寺方丈。不許借屋宇以與其子。正徘徊間。而陶成章襲寶銓自嘉興來。乃共同商議至府城謁豫倉董事徐詒孫。商借豫倉空屋數間。爲開辦學校之用。詒孫從之。錫麟父聞而莫如之何。遂將存寄于府學校鎗桿盡數移至豫倉。紹康偕其徒二十人。如約而至。擇日開辦學校。資由許仲卿出。仍其舊名曰大通學校。是時放嘉熊所辦溫台處會館經費支絀。勢將停頓。成章乃招呂熊祥趙卓等先後入紹興襄理大通學校事。於八月二十五日開學。會稽平水人陳伯平新自福建還。聞其事亦來入學。錫麟開辦大通學校之本意。原爲刦錢莊助軍需匿伏藏獲之所。嗣以同志中無能通駕駛術者。遂罷其事。錫麟又欲於開學日集紹興城大小清吏盡殺之。因以起義。請成章以告各府黨人咸爲同時響應。成章以浙江非衝要地。欲在浙江起事。非先上通安徽。并以暗殺擾亂南京不可。因力勸之而止。成章主議改成師範學校。設體操專修科。不論其爲何府何縣人。皆可入學。因親至杭州學務處遞稟。請其轉達三司。謂東西洋各國盡徵民兵。號曰國民軍。然皆係中學校及高等小學校卒業者。兵式體操習之有素。故一行號召。卽能成軍。照我國目前情形。不能不行徵兵之制。然市民村鄉罔識步伐。據生等意。以謂徵行徵兵。須先倡團練以爲基礎。今特設立大通師範學校。內設體操專修科。凡有志者均可入學。

第三十五章 光復會

。六月畢業。卽行各歸本鄉倡辦團練。以爲徵兵預備。清吏信爲然。可其請。成章寶銓熊祥三人復遍遊諸暨永康縉雲金華富陽各縣。邀諸會黨頭目至大通學堂學習兵操。於是金處紹三府會黨到大通受兵式教練者。絡繹不絕。成章乃又爲釐定規約數條。凡本學堂卒業者卽受本校辦事人之節制。本學校學生咸爲光復會會員。凡黨人來者僅習兵式體操專修科。均以六月畢業。文憑由紹興發給。面上蓋有紹府及山陰會稽兩縣印。又蓋大通學校圖章于末。背面則記以祕密暗號。其開校及卒業時。悉請本城官吏及各有名士紳到校行開學及卒業式。設燕饗之禮。官紳學生同照一相。送府縣及各學校留紀念。凡所以挾制官場士紳學界之法。無不詳細周到。故是時同鄉士紳雖有竊竊私議者。然皆不敢直言招禍。其後本校發生各種之風潮。皆能屹不爲動。亦卽因是之故。至皖案發後。學校隨之破壞。而舊日入學之學生亦緣是關係。不致橫被株連。

捐官之計畫 大通學校成立後數月。成章見紹興同志中頗有資本家。復提議捐官學習陸軍。謀握軍權。出清政府不意行中央革命及襲取重鎮二法。以爲擣穴覆巢之計。錫麟偉其說。相約五人捐官學陸軍。五人者何。卽徐錫麟陶成章龔寶銓陳志軍陳德毅也。以年齒高下。錫麟爲長。成章次之。志軍德毅又次之。寶銓居末。由錫麟運動許仲卿出資。遂往湖北謁其戚

原任湖南巡撫俞廉三。是時廉三正欲得浙江鐵路總理之職。又素以頑固爲人所唾棄。思欲一雪其恥。錫麟知其隱衷。卽以此兩端餌之。廉三中其說。因爲代納粟捐官。復致函介紹於署浙撫滿將軍壽山。錫麟既歸浙江。遂造撫院謁壽山。覘知其愚而貪。乘其言詞吞吐之際。卽絡賄三千金。壽山囑幕友批准五人學習陸軍之稟。復爲致一函于駐日公使楊樞。新浙撫張曾敫從湖北起轅時。廉三復再三重托之。謂錫麟係其表姪。餘人則均爲其好友。錫麟等遂先後至日本。同行者除其妻振漢外。有陳伯平馬宗漢等十三人。既抵東京。錫麟以短視不合軍人資格見拒。乃改謀入陸軍經理學校。復不得。遂又擬學習警政。并謀陸軍學校及軍正司令等差使。成章謂非直接統軍不能行事。否則結合暗殺團。以擾亂北京。亦是一計。議久不治。先是錫麟等離紹興時。以校內經理事宜托之曹欽熙。照料金處兩府學生事宜托之呂熊祥。原約六月畢業後。體操班卽行停止。屆期諸生成如約歸里。或辦體育會。或開團練局。成章欲乘時閉歇。以免日後之破露。因是與錫麟等意見又不洽。紹康熊祥卓等亦欲藉此多製造軍事人材。均不願停辦。於是再由紹康等各自轉招其徒黨到大通學校開體操班。一仍前日之舊。是爲丙午三四月間事。未幾成章以疾偕寶銓歸國。養疴于西湖之白雲菴。熊祥自紹興來見。成章力言欲興革命軍。非可以學校爲大本營。學校不過爲造就人材計。今人材已足。不若歸

第三十五章 光復會

鄉倡辦團練。然熊祥等均不能用其言也。是時錫麟已先回上海。至湖北見廉三。又歸浙江見壽山。壽山又爲之介紹於其岳慶親王奔助。廉三又爲錫麟言之于張之洞。之洞亦爲介紹于袁世凱。世凱疑之。拒不見。本欲需次湖北。因安徽巡撫恩銘在山西爲知撫時。頗得廉三青目。相結爲師生。又係奔助之婿。與壽山爲連襟。故遂改省分發安徽。引見後。特至滿州見使客馮麟閣。尋歸浙江見張曾敷。曾敷亦已疑之。不之見。乃往安徽候補。藉廉三力荐力。因得武備學校副總辦差。是時已爲丙午之冬間矣。

大通學校之風潮 大通學校初建時。徐錫麟陶成章等料理內外一切事務。規則極爲整肅。紳學兩界均無間然。及諸人赴日本。錫麟以校事託之曹欽熙。欽熙一老書生。不識黨會情形。未能處理之。然諸人之遺規猶存。故延至第一班學生畢業時。尙不至大起風潮。及第一班學生畢業後。復由竺紹康呂熊祥趙卓諸人另招各府生徒來入學。紹康熊祥本非郡城人士。因與本地學界不甚和洽。其校內學生亦漸生主客之嫌。欽熙辭職。余靜夫爲總理。靜夫局外人。校中黨人以爲不便而攻去之。旋由紹康介紹其友姚定生來代靜夫爲總理。定生於會黨情形亦不熟悉。由是學校內風潮洶湧。學生分兩派。一派袒定生。一派攻定生。其始僅口舌相爭。爭之不已。竟至執刀械鬪。繼乃持刀出校橫行街市。各自尋仇鬪毆。官紳學生咸莫敢過問。

。尋有人爲之調解。定生辭去總理。其事始平。職是之故。外人咸目之曰強盜學堂。是爲丙午九月間事。丁未正月諸辦事人請秋瑾主持校事。瑾乃設體育會。欲令女學生皆習兵式體操。已爲督率。編成女國民軍。紳學兩界皆反對之。女學生亦無至者。瑾不得已乃多招金處紹三府黨會頭目數十人來體育會學習兵操。學生羣至野外練習開鎗。於是二萬之子彈驟減至六七千粒。瑾亦自著男子體操軍衣。乘馬出入城中。士紳咸不悅瑾所爲。羣起而與之爲難。瑾有衆學生後援。與諸士紳力爭。士紳雖不能敵。而其恨益滋矣。當錫麟等赴日之後。校中師生與光復會之關係日漸疏遠。嗣秋瑾來主是校。亟亟以發展黨勢爲務。而其勢始一振。丁未三月。清吏聞有革命黨人嘯聚于大通學校。乃假盤察倉穀之名至紹興密訪。辦事諸人聞信。即將一切機密文件及鎗械移至他處。清吏盤察一無所得。徒手而歸。於是秋瑾更得從容布置爲所欲爲矣。

安慶起事之失敗 徐錫麟蒞皖後。以見知于恩銘。迭獲軍警要差。方謂權勢日重。大有可爲。然轉不能見諒于光復會各同志。蓋陶成章龔寶銓等以錫麟求進太速。疑爲功名心重。宗旨不定。漸非議之。而成章反對尤力。錫麟不爲少動。仍進行不輟。是時皖省尙無光復會之組織。軍學界中贊成革命者。寥寥可數。獨蕪湖有安徽公學。始創于甲辰年冬。劉光漢陶成

第三十五章 光復會

章龔寶銓張通典段昭柏文蔚陳由已諸人先後講學其間。提倡民族主義。不遺餘力。皖人之傾向革命。實以該校爲最早。錫麟蒞皖時。張通典方任蕪湖中學監督。皖中黨員咸假該校爲活動機關。以故錫麟在安慶進行諸事亦大得其力。又有湘人張伯寅者。世居安慶。與錫麟爲莫逆交。有大宅在城內。錫麟每次開會。常假張宅爲會場。皖省同志如兵備處提調胡維棟馬營排長常恒芳督練公所學員龔鎮鵬兵弁孫希武諸人。皆與往還。惟錫麟作事深沈。機不外露。以同志陶成章等之見疑。益滋戒懼。居皖半年。對於光復會事務從未實行推廣。會友之投皖相助者。亦祇陳伯平馬宗漢二人。每值星期日雖常召集巡警學堂教員學生于講堂爲愛國之演說。然其意在灌輸最新智識。以激盪思潮。而於種族之大義特隱隱流露于詞氣之間而已。校中生徒聞其縱談時事。莫不奮發。然亦多莫明其宗旨之所在。蓋錫麟辦事與秋瑾不同。秋瑾性情豪邁。不畏人言。主持大通學校不過數月。而校中生徒及所聯絡之會黨頭目。皆令一律入光復會。故會務進步極速。而革命之風聲大露。錫麟則條理細密。措施審慎。其初對于安慶軍學界中同志。以關係尙淺。既不敢與商機密。即在光復會舊友。除在浙之秋瑾等數人外。亦鮮與聯絡。及改任巡警處會辦事及巡警學堂堂長。恩銘且爲之奏請加二品銜。始漸著手于實行工作。時江督端方防範革黨至嚴。屢電皖撫。使協同購緝。錫麟忍日久生變。乃密約

瑾赴期舉事。且邀浙滬及僑日光復會員之健者迅速赴浙相助爲理。期五月二十八日。是日爲省中大小官吏齊集警察學堂觀畢業式之期。預期可以一網打盡。詎恩銘忽下令改期二十六日。錫麟慮事洩。乃不待各地同志集合。卽皖城軍界同志亦未與聞。遽與陳伯平馬宗漢倉卒發難。于行禮時鎗擊恩銘于講堂。死之。遂率學生佔領軍械局。以彈缺援絕被逮。爲清吏所殺。伯平宗漢亦同殉焉。說者謂設使恩銘不改期。則各地同志可依時集合。爲錫麟助。觀禮時大可一網盡之。無或幸免。如是則全城無主。錫麟可以發號施令。爲所欲爲。其成效當不止此。理或然歟。

浙省起事之失敗 秋瑾以丙午年十二月十九日偕王文慶到金華蘭溪見蔣樂山。是爲運動祕密會黨之始。翌年丁未正月復任大通學堂總理。遂再事祕密會黨運動。由諸暨道義烏至金華府城見徐貫兒徐順達。復欲見張恭。不果而去。三月初旬復出諸暨道東陽。過永康。以入縉雲。尋歸紹城。以函召金處各會黨頭目入紹興計事。并令加入光復會爲會員。初欲于四月間起兵。尋改五月初旬。復親至杭城運動軍學兩界。使爲內應預備。未幾。復又改師期爲五月二十六日。且另訂戰時軍隊規則。未及頒布。而難已作矣。事詳瑾本傳。此外嵒縣武義金華蘭溪各地亦先後失敗。清吏大索首要。株連極衆。各地會黨頭目殉難者大不乏人。其倖免者

第三十五章 光復會

。亦多遠遊海外。暫避兇鋒。光復會經此一役。元氣大喪。殆呈一蹶不振之象。

黨人之生死 皖浙兩案事發。清廷震恐。各疆吏於是大興黨獄。緹騎四出。黨人先後殉難者。指不勝屈。最著者。則有徐錫麟陳伯平馬宗漢秋瑾劉耀勳徐順達張篆飛裘文高大開鼎李唐倪金高達高達呂觀興邵榮王汝槐裘小高張岳雲余孟亭夏竹林張蓬萊等百餘人。前後戰死者幾達千人。而被累死者不計焉。皖案各處購拿者。在長江上下諸省。則有徐振漢

即徐王氏錫麟之妻

業方世鈞陶成章陳志軍陳德毅龔味蓀等七人。浙案浙東各府查拿者。則有張恭沈榮古周金海倪國圻阿根施炳奎李買兒金阿秋徐順年陳錫銓徐大買兒阿牛呂阿榮章鈺昌水木獺子方汝林趙密甫鄒克寬等十八人。金華處州三府特別購拿者七人。竺紹康王金發呂逢樵趙密甫裘文高張岳雲陶成章等。南京特電上海嚴拿者二人。陶成章龔味蓀。戊申十二月南京特電各省查拿者四人。張恭王金發竺紹康陶成章。

南洋之光復會 皖浙兩案起于中國同盟會成立後第三年。時章炳麟已出獄東渡。陶成章亦在日本。二人均任同盟會及民報重要職務。故民報載徐錫麟秋瑾起義事獨詳。而光復會員亦多隸于同盟會藉。丁未以後。陶成章王文慶沈鈞業魏蘭諸人以黨禍先後避南洋。成章迭任新加坡中興報仰光光華報記者。文慶鈞業蘭等亦任荷屬學校教員。成章因與中山意見不洽。乃

重組光復會于南洋英荷兩屬。各省同盟會員之失意者紛然和之。於是各埠分部陸續成立。新加坡有許雪秋陳芸生。泗水有沈鈞業王文慶及蔣報和報禮昆仲。文島檳港有李柱中曾連慶李天鄰。尤以潮嘉兩府人物爲特盛。蓋潮州人許雪秋等於潮汕失敗後羣聚南洋。對於中山左右頗多非議。會其時陶成章組織光復會。以反對同盟會幹部爲號召。雪秋芸生等深表同情。由是光復會勢力爲之一振。戊申河口之役。中山嘗派汪精衛鄧子瑜二人至荷屬文島籌款接濟。大受當地光復會員排擊。收效甚微。精衛所以憤然入京躬行暗殺。卽受是役刺激所致云。

李柱中與光復會 李柱中號變和。湖南同盟會員之健者也。甲辰長沙之役及丙午萍瀏之役。均參與其事。清吏嘗懸賞緝之。丁未春間自日本至香港訪黃克強。有所計畫。旋應荷屬文島檳港中華學校之聘。充教員數載。深得華僑信仰。陶成章在南洋發起光復會。大得其力。庚戌秋間黃克強南遊。力勸柱中及文島諸同志消除意見。爲國合作。柱中等素敬仰克強。從之。故辛亥三月廿九之役。荷屬華僑亦慨助巨款。柱中與有力焉。柱中旋偕陳方度諸人至廣州謀炸巡警道王秉恩。以響應義師。因舉事延期而止。後由同鄉張通典援助出險。

上海之光復軍 辛亥九月十三日上海反正之役。陳其美與李柱中同爲主動。柱中運動湘籍防軍。尤爲得力。其美先率民軍敢隊死冒險攻江南製造局。爲清軍所擒。柱中聞警。乃令預

第三十五章 光復會

約之防軍立即反正。出陳于險。事定後。其美被推爲滬軍都督。駐吳淞粵軍濟字營與柱中早有聯絡。亦同日反正。推柱中爲吳淞軍政分府。稱光復軍。即以光復會統系得名。

光復會之結局 辛亥革命軍起。光復會員在各省統領軍隊者。浙江有浙軍總司令朱瑞。江蘇有吳淞光復軍司令李柱中。廣東有汕頭民軍司令許雪秋陳芸生。自陶成章在上海被刺。遂喪失其主腦。勢漸瓦解。朱瑞旋任浙江都督。以疾去世。李柱中解職閒居。後爲洪憲請願帝制六君子之一。許雪秋陳芸生在汕頭。與同盟會員之領軍者不合。勢成水火。時中山嘗一度致電粵督陳炯明爲之排解。其後雪秋芸生卒不免爲清總兵吳祥達所殺。茲附錄民元南京政府爲排解同盟光復兩會爭端事致粵督及同盟會電如下。

廣東陳競存都督及中國同盟會公鑒。近聞在嶺東之同盟會光復會不能調和。日生軋轢。按同盟光復二會在昔同爲革命黨之團體。光復會初設實在上海。無過四五十人。其後同盟會興於東京。光復會亦漸渙散。二黨宗旨初無大異。特民生主義之說稍殊耳。最後同盟會行及嶺外。外暨南洋。光復會亦繼續前迹。以南部爲根基。推東京爲主幹。當其初興。入會者本無爭競。不意推行嶺表。漸有差池。蓋不圖其實際。惟以名號爲爭端。則二會之公咎也。同盟會實行革命之歷史。粵人知之較詳。不待論述。光復會有徐錫麟之

穀恩銘。熊成基之襲安慶。近者攻上海。復浙江。下金陵。則尤復會新舊部人皆與有力。其功表見於天下。兩會欣戴宗國。同仇建虜。非祇良友。有如弟昆。縱前茲一二首領政見稍殊。初無關於全體。今茲民國新立。建屬未平。正宜協力同心。以達共同之目的。豈有猜貳而生閥牆。爲此馳電傳知。應隨時由貴部督解釋調處。同盟光復二會會員尤宜共知此義。雖或有少數人之衝突。亦不可不慎其微漸。以免黨見橫生。而負一般社會之期許。切切。總統孫文。正月三十日

第三十六章 丁未安慶徐錫麟之役

第三十六章 丁未安慶徐錫麟之役

徐錫麟略歷 革命之經營 軍政界之活動 先期發難之原因 鎗

擊恩銘時情形 拒戰及被擒情形 審訊及供辭 就義時情形 黨

案之株連 光復軍告示 清吏之文電

徐錫麟略歷 徐錫麟字伯蓀。浙江會稽東浦鄉人也。幼矯虔器。過手輒毀。父憎之。年十二挺走錢塘爲沙門。家人蹤跡得之以歸。讀書慧。善算術。尤明天官。中夜常危視列宿。所圖天象甚衆。又自爲渾天儀。徑三尺。及所造學校地勢圖。然未嘗從師受也。稍長習田農事。聞崐山多墻土。欲往開治不果。旋以諸生中副榜。既復悔之。乃專從事教育。尤熱心桑梓公益。創辦之始。邑人嘖有煩言。久之漸欽其識。庚子夏。義和拳起於北方。錫麟在鄉謀辦團練。爲人所忌中止。辛丑九月。錫麟見舉爲紹興府學校算學講師。知府熊起蟠敬重錫麟學問。招爲門下。任之甚專。錫麟由是得發揮其才。尋轉副監督。在校四年。弟子益親如家人。曾乘間至日本考察大阪博覽會。順道遊東京。是時正值俄約問題興起。留學生自編義勇隊。受日政府干涉。改名軍國民教育會。浙江學生因章炳麟言革命入獄事。開會於牛込區赤城

元町清風亭。錫麟出資贊助其事。會所中遇陶成章龔寶銓。相談頗洽。散會後即偕其徒張某訪成章於駒込追分町浪花館。成章導之以見松江鈕永建。相談字內之大勢。錫麟大悅。頗覆清政府之念由此益專。遂購圖書刀劍以歸。歸益盡力公事。與同志數人建蒙學於東浦。名曰熱誠。又規建越羣公學。復設一書局。遍置各種書籍。號曰特別書局。欲以其所出書強售各學校。爲人所擠。退副監督任。錫麟嘗置一短銃。行動與俱。俄人既寇遼東。錫麟聞之慟哭。畫俄人爲的。自注丸射之。一日輒試銃數十次。由是鎗術至精。彈無虛發。其狙擊國仇之素志。蓋非一朝一夕矣。

革命之經營 甲辰冬。錫麟以事過上海。寓於五馬路周昌記。因至虹口愛國女學校訪蔡元培。陶成章亦在焉。時元培與皖甯諸志士組織一祕密會。名曰光復。邀錫麟入會。從之。成章因盡以已所經營者告之。錫麟歸紹興。乃從事於會黨之聯絡。盡交其酋豪。旁及金華諸府。由是草澤間往往知其名。次年正月與弟子數人遊行諸暨嵊縣義烏東陽四縣。自東陽至縉雲。畫行百里。夜止叢社。幾及二月。多交其地奇才力士。歸語人曰。遊歷數縣得俊民數十。知中國尙可爲也。初紹興城中有大善寺。天主教會欲得之。陰構諸無賴。脅寺僧署質券。爲賃於教會者。紹興士大夫皆怒弗敢言。錫麟憤而登壇宣說抵拒狀。衆歡踴。卒毀券。教會謀

第三十六章 丁未安慶徐錫麟之役

益衰。錫麟念士氣孱弱。倡體育會。月聚諸校弟子數百人習手臂注射。復以浙省會黨知識淺闇。非加之教練。以兵法部勒。不能爲用。乃與成章寶銓等建立大通師範學校於紹興。於普通科目外。尤重兵式體操。六閱月而課畢。由是綠林豪傑麇集其間。而勢力亦益盛。官吏莫之知也。



軍政界之活動 大通學校成立後一年。陶成章提議捐官圖得政權之策。

陳謂不入虎穴。焉得虎子。錫麟寶銓咸贊成之。因向富戶許仲卿假資。前後得金五萬元。錫麟捐納道員。成章寶銓及陳志軍陳德毅等亦各獲知府同知等職。錫麟遂偕馬宗漢等十三人赴日

本。因外務省通商局長石井菊次郎之紹介。求入聯隊。不許。欲入振武學校。以短視不及格。居數月歸國。是時章炳麟繫上海獄二載。將屆期滿。風傳清吏將行賄獄卒毒殺之。錫麟爲之奔走調護。設百計以謀出之。不得。復東渡日本。與成章陳伯平等謁入陸軍經理學校又不

成。時囑其友某學造紙幣。曰軍興餉匱。勢將鈔略。鈔略則病民。亦自敗。洪秀全事可鑒也。今計莫如散軍用票。事成以次收之。然軍用票易作僞。宜習其彫文纖鑲。令難作易辨。子勉學之。議既成。遂與陳伯平馬宗漢歸國。旋偕曹欽熙北上。出山海關。遍走遼東吉林諸部。至輒覽其山川形勢。見俠客馮麟閣。與語甚洽。是歲淮安徐海大飢。錫麟援例加納捐資。以道員赴安徽試用。錫麟志在攫得政權。傾覆滿虜。故初得道員。對於各省督撫無所不遊說。自袁世凱張之洞及浙江巡撫張曾敫湖南巡撫俞廉三皆中其說。爲通關節書。鎮浙將軍滿人壽山亦受錫麟倭刀。爲其用。乙巳冬到安徽。歲暮卽主陸軍中學。逾年移主巡警學校。日中戎服自督課。暮卽置酒請諸軍將士。又買衣服給彈丸。諸生益尊崇錫麟。雖軍士亦多欲附者矣。安徽巡撫恩銘謂錫麟能。奏請加二品銜。然聞人言日本學生多隱謀。稍忌之。先是錫麟初至安慶。所得武備學校差使。每月所入不過數十金。不敷所用。乃遣其妻歸鄉。又以未嫻官場陋儀。屢爲同僚所竊笑。欲聯結兵營。則又口操紹興土音。事多隔閡。鬱鬱不自得。屢欲掉首返浙。同鄉僚屬勸留之。錫麟亦以與浙撫張曾敫交涉已稍有破裂。恐歸杭城。亦復難收效果。正在徘徊觀望間。俞廉三又以函囑恩銘。稱錫麟有才。務加重用。恩銘答廉三。以門生正欲重用之。毋勞老師懸念等語。遂卽改徐爲警察會辦。所入較多。錫麟因得稍行佈置。

第三十六章 丁未安慶徐錫麟之役

第三十六章 丁未安慶徐錫麟之役

。尋恩銘又加授錫麟以陸軍學校監督之職。因其行爲奇特。爲收支委員顧松所疑。讒之恩銘。恩銘不信。召錫麟戲之曰。人言汝革命黨。汝其好自爲之。錫麟答曰。大帥明鑒。自是錫麟內不自安。而急欲發動之心與時俱進矣。

先期發難之原因 錫麟與秋瑾原有皖浙二省同時起事之約。時秋瑾在浙運動已告成熟。遂派陳伯平數數往來浙皖之間。約錫麟尅日大舉。五月初旬。伯平偕馬宗漢同至安慶。寓於錫麟公館。日夜謀起革命軍。尙未有成議。十二日伯平宗漢至滬。瑾自紹興來。告伯平以危機已露。并訂五月二十六日師期。伯平卽以函告錫麟。未幾遂與宗漢乘輪返安慶。錫麟先接伯平信。知事已露。不能中止。然欲後浙江師期二日舉事。因恩銘欲赴其幕友張次山母八旬壽辰。而張母生日適爲五月二十八日。錫麟不得已乃改爲二十六日。錫麟之不能稍忍須臾以待時機者。非僅爲浙江師期之約故也。先是滬上偵探捕獲黨人葉仰高。仰高景甯人。呂熊祥之同鄉也。因與熊祥有交。得路識光復會祕密內情。既爲偵探所獲。遞解至南京。端方派員訊問。仰高將所知者姓名供出。且言已入官場。然仰高之所供。又非其人之眞名。乃係會友函件往來及外人交涉所假定之別號。是爲店名。並非人名。然又取其與人名相近似者。端方不知其故。卽將此等名姓電告恩銘。囑其嚴拿。恩銘以錫麟爲警察會辦。召與商議。卽以端方

之電文示錫麟。而不知其間之一人。即係錫麟之別號。乃佯爲不知。即辭恩銘歸堂。召巡警數名。授以恩銘所授人名一紙。使其細爲察訪。於是面覆恩銘云。職道已派人查拿去矣。恩銘信之不疑。錫麟知事機已迫。稍一退步。前功盡棄。屢欲乘機起事。既聞浙江之約。乃決計先殺恩銘。以求一逞。又以其時皖省雖有常備軍兩標。其第一標方從事於操練。未發鎗械。第二標又悉新徵之兵。不諳操法。緝捕巡防各隊兵單人少。其餘綠營則行伍空虛。未經訓練。無事坐食而已。故在此時發難。亦爲機不可失。於是陰約各機關速爲準備。訂期五月二十八日同舉。

起事之計畫

二十八日本爲巡警學堂兵生班舉行畢業式之期。連日校中致試將竣。照常應由巡撫親臨大致。以便撥充站崗。爲東西兩區巡警地步。徐錫麟即欲於是日盡殺恩銘及諸滿員。此外文武各官可以不鞭而驅。不策而馳。事定即溯江直下。襲取南京爲根據地。會恩銘以二十八日須祝幕府張次山母壽。令改期二十六日。錫麟力言爲期太促。趕辦不及。恩銘傳收支員顧松問之。松唯唯從命。錫麟慮堅持則謀將洩。而從之則後援尙未至。顧業已無可如何。不如先發以待天命。遂從之。期近。日召諸生演說時事。慷慨激昂。繼之涕泣。惟以時日太促。所約他處同志多未至。而皖中同志某某等則以關係尙淺。未敢預約。與密謀者

第三十六章 丁未安慶徐錫麟之役

僅伯平宗漢數人而已。二十六日晨。錫麟早起。偕伯平宗漢到巡警學校。召集學生演說。謂我此次來安慶。專爲救國。并非爲功名富貴到此。諸位也總不要忘救國二字。行止坐臥咸不可忘。如忘救國二字。便不成人格。反覆數千言。淋漓痛快。聞者悚然。然衆學生咸不察其命意之所在。既而又曰。余自到校以來。爲日未久。與諸君相處。感情可謂和洽。余於救國二字不敢自處於安全之地位。故有特別意見。再有特別辦法。擬從今日實行。諸君當諒余心。務祈有以佐余而量力行之。是余所仰望於諸君子也。語畢而退。

鎗擊恩銘時情形 是日晨八時。恩銘卽到校。爲時特早。未幾三司道府縣各印委人員五十餘先後至。九時恩銘將降座閣外場操演。錫麟請先致內場勸課。恩銘率司道等入第三進禮堂。錫麟戎服立階上。伯平宗漢立堂側。先由官生等列隊行鞠躬禮。恩銘甫回答畢。兵生正擬行禮。錫麟遽向前行舉手禮。隨呈學生名冊於案上。卽云回大帥。今日有革命黨起事。蓋與伯平宗漢二人預約之暗號也。恩銘方愕然。詢曰。徐會辦從何得此信。語未畢。伯平上前猛向恩銘擲一炸彈。不爆發。恩銘驚起。錫麟曰。大帥勿驚。這個革命黨。職道終當爲大帥拿到。恩銘曰何人。錫麟卽俯首向靴統內拔出手槍兩枝。握左右手向恩銘施放。曰。卽職道也。恩銘驚駭問曰。會辦持鎗何用。豈要呈驗乎。語未畢。而子彈已至。文武兩巡捕搖手阻止。

之。而彈亦至。錫麟之本意欲以一槍擊死恩銘。當即轉向左以擊藩司。復向右以擊臬司。而令伯平宗漢分擊兩傍侍立之各道府州縣官。不料其眼近視。不能識其命中與否。遂向恩銘亂放。伯平宗漢亦隨之而亂放。恩銘身中七鎗。一中唇。二穿左手掌心。三中左腰際。餘中左



右腿。皆非致命傷也。文巡捕陸永頤武

巡捕車德文擁衛恩銘不去。錫麟用槍擊

馬恩銘時。永頤以身翼之。身受五槍。均

中要害。德文亦受重傷。彈盡。錫麟歸

室內裝彈。恩銘左右背負恩銘將逸出。

伯平自後追放一槍。由尾閭上穿心際。

藩司馮煦命戈什背負恩銘入轎中。兩足

拖於轎外。狼狽抬回撫署。恩銘猶能大呼務將錫麟拿獲收監。司監文武各官。道員巢鳳儀傷腿。首府裴鎮湘傷背。餘皆乘機潰走。或由後院折牆而出。或由前門逸去。錫麟先命門者關門。門者不從命。致諸官得以逃走。錫麟怒擊殺門者。顧松已逃至門外。由宗漢捉回。叱令跪。松叩頭乞命。錫麟叱爲奸細。連劈數刀不死。由宗漢用鎗斃之。恩銘既回署。立延教會

第三十六章 丁未安慶徐錫麟之役

同仁醫院英醫生戴璜。命取出子彈。戴璜答以非剖腹不能出之。恩銘時已不能言。惟以手指腹。促其速剖。乃一剖再剖。不見彈之所在。未幾遂死。

拒戰及被擒情形 當變起時。人情恐慌特甚。錫麟手握雙槍。從容施放。口中猶稱大帥放心。故禮堂以外。皆不知槍聲所自起。一聞刺客二字。各官乃鳥獸散。多不知是錫麟所爲也。恩銘既逸出。錫麟即拔刀臨禮堂。拍案大呼曰。撫臺已被刺。我們去捉奸細。快從我革命。諸生驚愕不知所爲。錫麟率伯平宗漢二人。左執刀。右持槍。橫目視諸生。大呼立正。向左轉。開步走。各學生從錫麟出校。欲先至撫署。聞已有備。乃折回至軍械所。錫麟領前。宗漢居中。伯平殿後。其在錫麟後之學生均棄槍逸去。從入軍械所者三十餘人。軍械局提調候補道周家煜投庫鑰溝中而逃。錫麟入據後。命伯平守前門。宗漢守後門。將護勇盡行殺死。令學生取局中所存新舊各槍砲試用。皆不得手。復命開倉取槍桿子彈。以覓匙不得。莫能爲用。僅將巨砲五門運出裝子彈。亦缺去機鐵一塊。遍尋無着。時藩臬各司購捕錫麟。懸賞至三千金。頃之又加至七千金。錫麟因虛有槍砲。無所用之。正躁急間。清兵已至。初至者爲新軍。其隊官與錫麟頗有交誼。與錫麟部各舉槍行禮。殊無敵意。繼至者爲巡防營。統兵者縣捕營管帶杜春林中軍兼巡防營標統劉貞等。向錫麟部取攻勢。錫麟督學生拒戰。自十二

點鐘起直至四點鐘止。伯平死。宗漢謂錫麟曰。事已無成。不若焚去此軍械局與清兵同燼。錫麟曰。我輩所欲殺者滿人。若焚去軍械局。即是不辨黑白。全城俱燼矣。遂不許。未幾清兵破牆而入。緝捕營勇死者三名。傷者數十人。學生死者一名。傷者數人。軍械所庫房堅固。未易攻破。清兵多不敢上前。藩司馮煦派遣員黃潤九邑令勞文琦前往督催。依然不進。馮煦乃出示。獲錫麟者賞萬金。於是各告奮勇。將軍械所打開。竟無一人在內。但見錫麟軍帽戎衣而已。知已改裝出走。報至撫署。清吏各相顧失色。尋爲哨弁杜某弋獲於軍械第三重室內。宗漢去半道亦被逮。先後捕繫學生及役夫二十一人。復於巡警學堂錫麟寢室內起出光復軍大旗一面。上書四言韻語。寓光復起義之意。子彈四箱。槍械多枝。刀三十把。討虜大元帥印一顆。光復會軍政府告示百餘張。并黨人書信八件。又在錫麟公館搜獲炸彈數枚。書信多件。中以沈鈞業及其弟偉函件爲最多。是役也。清吏死者卽爲恩銘顧松陸永頤諸人。受傷者有巢鳳儀龔鎮湘諸人。學生死者三人。死者數人。清兵死者百餘人。革命黨人之死者僅有三人。卽錫麟伯平宗漢是也。

審訊及供詞 錫麟解至督練所。卽由撫幕張次山藩司馮煦臬司聯裕同訊。聯令錫麟跪。錫麟曰。爾還在洋洋得意。若慢走一刻卽被余殺。馮煦曰。中丞爲汝之恩師。汝何無心肝乃爾

第三十六章 丁未安慶徐錫麟之役

錫麟曰。彼待我誠厚。然私惠也。我之刺彼。乃天下之公憤也。煦又問曰。爾究係孫文之黨否。曰。孫文不足以指揮我。此事僅我與我友宗漢子光復子所爲。其隨攻軍械所之學生實不知情。當時我以槍迫之。不得已而隨行。我之罪。我一人當之。寸磔我身可矣。幸毋累他人。因問曰。新甫(恩銘字)死未。臬司聯裕詰之曰。未也。僅受微傷耳。經醫診治已全愈。明日當親自訊爾。錫麟聞言。垂首不語。聯裕又曰。爾知罪否。明日當剖爾心肝矣。錫麟悟而大笑曰。然則新甫死矣。新甫死。我志愜。我志既愜。即碎我身爲千萬片。亦所不惜。區區心肝。何屑顧及。且指聯裕曰。爾幸不死。聯裕大震幾踣。既而曰。殺爾固無濟。即不濟。爾庸何傷。我本擬先殺恩銘。次端方。次鐵良良弼。馮煦曰。爾平日常謁見撫臺。而不擊之於私室。乃至今日始擊之何也。曰。署中私室。學堂公地。大丈夫作事須令衆目昭彰。又問其同黨共有若干。堅不答。更問教習中有同謀者否。曰。此輩爲衣食起見。無一足與謀者。因授以紙筆。謂曰。請自書數語備作供辭可乎。曰可。其供辭經清吏發表如左。

我本革命黨首領。以道員就官安徽。專爲排滿而來。投身政界。使人無可防覺。滿人虜我漢族將近三百年矣。觀其表面立憲。不過平籠天下人心。實主中央集權。可以膨脹權勢。然實滿人之妄想。以爲一立憲即不能革命。殊不知中國人程度不够立憲。以我理想

立憲是萬萬做不到。若以中央集權爲立憲。越立憲。我漢人越死得快。我祇拿定革命宗旨。一旦乘時而起。殺盡滿人。自然漢人強盛。再圖立憲不遲。我奮志排滿已十餘年矣。今日始達目的。本擬殺恩銘。再殺端方鐵良良弼。爲漢人復仇。乃竟於殺恩銘後。卽被拿獲。實難滿意。我今日之意。僅欲殺恩銘與毓鍾山（名秀）耳。恩銘已擊死。可惜便宜毓鍾山。此外各員均係誤傷。惟顧松係漢奸。他說會辦謀反。所以將他殺死。趙廷璽他要拿我。故我亦欲擊之。惜彼走脫耳。爾等言撫台是好官。待我甚厚。誠然。但我旣以排滿爲宗旨。卽不能問滿人作官之好壞。至於撫台厚我。係屬個人私惠。我殺撫台乃是排滿公理。此舉本擬緩圖。因撫台近日稽查革命黨甚嚴。又當面囑我拿革命黨首領。恐遭其害。故先發以制之。且欲當衆將他殺死。此外文武官吏不能不服從我。直下南京。可以勢如破竹。我從此可享大名。此實我最得意之事。爾等再三言我密友二人。現已一併拿獲。均不肯供出姓名。將來不能與我大名並垂不朽。未免可惜。所論亦是。但此二人實有學問。在日本均知名。以我所聞。在軍械所擊死者爲光復子陳伯平。此實我之良友。被獲者或係我友宗漢子。向以別號稱。并無真姓名。若爾所說已獲之黃復雖係浙人。我不相識。衆學生程度太低。無一可用之人。均不知情。爾等殺我。剝我兩手兩

第三十六章 丁未安慶徐錫麟之役

足。將我全身砍碎均可。不要冤殺學生。彼等皆是爲我誘逼使然。革命黨雖多。在安慶者實我一人爲排滿事欲創光復軍。助我者僅光復子宗漢子二人。不可拖累無辜。我與孫文宗旨不合。他也不配使我行刺。我自知即死。將我宗旨大要親書數語。使天下後世皆知我名。不勝榮幸之至。

供畢。清吏復訊馬宗漢。宗漢不屈。後經審問多次。乃供云。

馬宗漢字子畦。年二十四歲。浙江餘姚縣人。胞伯叔馬斌係兩榜進士。補廣東德慶州署鶴山縣殉難。祖名道傳。祖母徐氏。父名雲驤。曾入學。母陸氏。祖父已故。父母俱存。娶妻岑氏。兄弟二人。兄名宗周。我二十一歲蒙陳學台考取入學。我三十一年歲底出洋。到東京進早稻田大學預備科。去歲三月因接家書祖母病重。即乘輪回浙。與同里的陳伯平結伴。同坐三等艙。陳伯平又名淵。字墨峯。現改名陳澄。字伯平。適徐錫麟亦坐該船頭等艙。錫麟向與伯平相好。我由伯平介紹始認識錫麟。彼此交談。他主革命爲漢族復仇。勸我亦持此主旨。我面允而心未許。至上海寓周昌記棧。次日我先由甬回家。他們說欲回紹。以後未曾會面。至上年歲底。徐錫麟來一函云。會辦陸軍小學堂。叫我即來皖。我未答。今歲四月初七日我至上海。應浙江鐵路公司股東會。又遇陳伯平。

說徐錫麟現在會辦警察。有函叫他去以襄警務。約我同去。我說未習警務。去有何用。他說徐錫麟在皖聲名頗著。恩撫亦重之。即非警察。亦有別事可執。我遂同陳忞平於五月初三日到皖。寓於徐錫麟公館內。徐錫麟與陳伯平密說。不過說革命而已。十二日徐錫麟叫陳伯平往上海購物。我因在此無事。即與陳伯平同往。仍寓周昌記棧。有一天陳伯平叫我同去買印字機。至念一夜間。我回棧見陳伯平適藏手槍。我問何用。他說衛身必須。遂收藏衣箱內。念五日午前到皖。逕至徐公館。陳伯平着人至學堂請徐錫麟回。密語多時。徐錫麟說明恩撫台至學堂看操。可開槍打死他。就起革命軍。我說怕不能。他說都佈派好了。你不要怕。你到此地。不由你不答應。並說打死撫台後。他就是撫台。逼他們投順。他們亦不得不服從他。他又說打恩撫台後。可占軍械所電報局製造局督練公所。他們無兵符。無軍械。無路可通。及南京得知。我已早到南京矣。所懼者。打死恩撫台後。學生逃散矣。我祇要將門口斷住。不許他們走散。就可成事。排滿告示是陳伯平做的。殺律是徐錫麟擬的。告示先印一張。嫌字小。錯字亦多。又由陳伯平改作的。每件印刊四五十張。我亦幫同印的。陳伯平與徐錫麟拿出五枝小槍。約六七寸長。每槍裝子五粒。陳伯平拿一枝槍。將子安放好。遞給我藏在身上。又將槍子一盒。其餘

第三十六章 丁未安慶徐錫麟之役

第三十六章 丁未安慶徐錫麟之役

四枝槍是徐錫麟陳伯平分帶身上。徐錫麟夜半回學堂宿。陳伯平與我在徐錫麟公館宿。念六日九點鐘時陳伯平約我同到學堂。先到潘教習房。潘因天熱。叫我們脫大衫。我們恐露出褲袋內手槍。說要見會辦。不肯脫。復到石教習房。石也叫我脫衣。我們也不脫。坐談一會。並吃點心。那時恩撫台就到了。徐錫麟叫我同陳伯平到東邊房內。恩撫台到堂上來。我合陳伯平站在房門外。聞有槍聲。知是錫麟開放。陳伯平拖我衣。令我跟他一同出來。陳伯平也把槍開放。我害怕不敢開放。此時恩撫台已被打倒。只見跌跌倒倒。紛紛亂跑。徐錫麟向大眾說。不要怕。他即將那戴金頂的人罰跪。說他是奸細。並拿出幾封信。說是害恩撫的憑據。旋由陳伯平收納懷中。學生們問此人是那樣。徐錫麟說他是刺客打恩撫台的。遂拿出洋刀將此人砍傷。陳伯平又打一槍。登時死了。徐錫麟就喚學生們跟他來聽他號令。到大堂拿出槍來。每學生給槍子一把。先喚他們歸隊。學生們不願去。復使陳伯平手拿雙槍。把學生們趕來。纔有四五十人。也有拿槍沒領子的。也有幾人沒持槍的。徐錫麟言我們警察有保護治安責任。喚學生們跟他去。不能私逃。逃者即殺。徐錫麟手持洋槍在前督隊。我在中間與學生們同走。陳伯平在後押隊。同到軍械所。除沿途私逃。約剩學生二三十人。錫麟言守住軍械所。事即可成。即派幾個

學生拿槍守住大門。不准人出入。陳伯平在前門。因我膽小。令與無子彈學生守後門。復聞開槍聲。我出視外面兵到。知不能敵。見學生們皆有怨言。旋皆踰牆而走。我也害怕。亦踰牆跑去。被兵役拿獲。約在一點多鐘時候。以後徐錫麟陳伯平我均不知。念八日大帥命我至軍械所認屍。始知陳伯平已經被兵丁打死了。又知徐錫麟已正法了。我被執時改名黃福者。自知罪大。恐累及家族耳。及認屍時先言馬子畦者。希望不再追究馬子畦耳。至於徐錫麟革命同黨光復會名目。我均不知情。現獲之徐偉盧宗嶽。我皆在日本會過的。徐偉是徐錫麟胞弟。盧宗嶽是錫麟作紹郡學堂堂教習門生。於五月初十日間錫麟發電喚來。爲謀警察差事。我亦知道的。今蒙嚴訊。所供是實。

就義時情形 時各司道聚議。欲援張汝祥刺馬新貽例剖心致祭。聯裕毓秀皆主先挖心後斬首之說。勞文綺附和之。馮煦力持不可。曰斬首國法也。挖心私刑也。不得以私廢公。然卒不能阻之。遂定斬首後再挖心。當晚由宋芳賓勞文綺監斬於東門轅下。時年三十五也。復將心挖出。置碟內供於恩銘屍前。衛隊某並取其肝烹而食之。謂味既美。三司幕友皆紹興人。爲錫麟同鄉。聞有剖心義說。先將錫麟之陰囊擊碎。故割頭剖心之時。錫麟已賓天久矣。其屍旋用四塊板封釘。置於露地。大雨傾盤。一日夜不止。二十七日午前始掩埋於北門外。錫

第三十六章 丁未安慶徐錫麟之役

麟臨刑前。先拍小影。而神色自若曰。功名富貴。非所快意。今日得此。死且不憾矣。馬宗漢繫獄五十日。清吏窮問黨羽。拷掠楚毒。均所供如前。卒未供開一人。至七月十六日。清吏殺之於安慶獄前。

黨案之株連 清吏既殺錫麟。遂嚴究同黨。大興黨獄。從錫麟書箱檢出書信多件。中以沈鈞業及其弟偉函件爲最多。鈞業本錫麟學生。師生交情甚密。錫麟與之謀事者。偉係錫麟母弟。與其兄不和。嗣因見乃兄爲道員。始與通信。然信內言非關革命事宜。不過措辭曖昧。遂爲清吏所疑及之耳。未幾清吏獲一盧宗嶽。宗嶽亦錫麟之門徒。其來皖城。實由錫麟招之勸辦警務。不期適逢其會。遂遭拿問。宗嶽與偉同來。偉實見俞廉三於湖北。求爲介紹於端方。欲謀出身之路。舟至大通。聞錫麟鬧事。過安慶不登岸而去。被獲於九江後。宗嶽以無罪省釋。偉深以此事恨其兄。乃更遷怒其嫂。供稱其嫂王氏與秋瑾同主張革命。且供出錫麟同事人陶成章龔味蓀陳志軍陳德毅沈鈞業及秋瑾諸人。繼又牽及錫麟有交之紳學界數十人。清吏據其供辭。遂電浙撫請搜查大通學堂。及查拿陶陳龔沈秋等。而紹興之獄以起。徐妻王振漢以留學日本得免。江督端方猶亟亟捕徐父。馮煦力持異議。據其諭子書有忠君愛國之語爭之。得免。端方對於此案力主嚴辦。馮煦陞授皖撫後。意主寬大。不欲多所株連。人心稍

安。徐偉繫獄數月。旋亦釋放。茲附錄徐偉供詞如下。

徐偉年三十二歲。浙江山陰縣人。住東浦。祖父已故。祖母易氏。年八十五歲。父親鳳鳴。字梅生。別號雙呆主人。年五十三歲。兄弟七人。長兄錫麟。號伯蓀。癸卯本省鄉試副榜。生員行二。號仲蓀。已亥年蒙文學憲考取入學。娶妻陳氏。生有一子。年尙幼穉。三弟錫麒。號叔蓀。娶妻湯氏。四弟錫驥。號季蓀。娶妻潘氏。五弟號培生。六弟號蓀生。七弟叫念一。均年幼。有四妹。僅二妹出嫁於張姓。大嫂是同縣柯橋王倍卿之女。曾往出洋。改名振漢。生員家有田地一百畝。值錢七八十千文。又在紹興開設天生綢莊。資本約六七千銀子。是生員家獨開的。錫麟用錢過多。父親把他分出。餘產未分。錫麟於癸卯年同紹興府學堂東文教員日本人名平賀深造到日本大阪赴博覽會。纔認識陶煥卿龔味蓀。回國後即放言無忌。父親屢次教訓他不聽。所以把他分出。因錫麟曾出繼於已故伯父爲嗣也。乙巳年錫麟先辦體育會及紹興學堂。每月會操一切。錫麟又辦大通師範學堂。陶煥卿龔味蓀同任大通學堂。沈鈞業即馥生。任教科。有會稽人陳子英出資開辦。陳淑南亦從中襄助。生員見其時時演習兵式體操。心竊危之。錫麟常開演說會。主張民權。那年夏間。生員因科舉已停。游學日本法政大學。錫麟與陶煥卿陳子英龔

第三十六章 丁未安慶徐錫麟之役

味孫陳淑南陳墨峯即陳淵到日本。初想進聯隊。不得進去。後想進振武。因體格不合。又未得進去。纔倡革命排滿等邪說。陶煥卿曾習日本催眠術。作有中國民族消長史。在各書坊銷售。與龔味孫陳子英陳淑南陳墨峯並錫麟散佈邪說。盡人皆知。生員因宗旨不合。屢勸錫麟不聽。錫麟自日本回國後。曾到東三省一次。至其所謀何事。及光復會情形。生員實在不知。陶煥卿龔味孫陳子英陳淑南四人諒無不知。此四人與錫麟交甚密。以革命爲口頭禪。按照革命拿辦。明正典刑。決不冤枉。現在錫麟已誅。將來拿獲陶煥卿等。若供有生員同謀入會事。情願甘伏法無怨。大嫂徐王氏到日本後。改名振漢。與女學生秋瑾爲友。秋瑾屢次演說。以革命排滿爲宗旨。振漢遂爲所惑。亦主革命。上年三月間。大嫂同錫麟回國。錫麟纔以道員分發安徽。屢次致書生員。皆有中國腐敗須整頓等語。生員屢次勸他切勿鹵莽疎略。實因在此。在日本時與沈馥生即沈鈞業會過。他談起錫麟信言。錫麟在東三省親見滿漢不平。可以運動馬賊應援等事。所以生員致錫麟信內。勸其與馥生通信尤要留意等語。總以爲空發狂論。竟不料作此亂臣賊子之事。牽累父母。萬死不足蔽辜。生員委實無同謀知情等事。錫麟又有信云。安徽軍界學界無可整頓。想回浙江辦學堂。可以自由。生員信內所稱浙皖辦事兄自酌定。生員不敢操末議

數語。即指軍界學界而言。實未預知謀爲叛亂等事。生員於今年五月十九日到神戶。坐神戶神奈川丸船二十三日到上海。與盧鐘嶽會遇。說接錫麟電即來皖。他想來安省圖一警察差事。生員本想往武昌見表伯俞廉三。托其於畢業後謀一効力地步。帶有水晶圖章等物致送表伯。因便道安慶看望錫麟。纔邀盧鐘嶽到周昌記棧房同住。以便結伴到皖。因盧鐘嶽無錢。生員幫他同寫船票。二十七坐新豐二號官艙。上船時即見新聞報內載安撫於二十六日看操。被槍擊傷。生員以爲學生放槍誤傷。船到大通停泊。聽聞撫台被人謀害。兇手係道員徐。並說兇手已被拿獲正法。生員知道必是錫麟鬧事。恐被連累。遂不敢到安慶。問盧鐘嶽可上岸否。他說既到此。只可上岸往看友人。生員知道他無錢。遂借洋五十元備作回浙盤川。生員遂改買漢口船票上行。路過九江。經警局查拿解到安徽的。聽說生員父母因錫麟事受累。如果蒙網開一面。生員願以父母之罪加於生員之身。雖死不辭。至現獲之馬子畦。在日本見過幾次。他到安慶先不知道。是到案後見面纔曉得的。錫麟信內提及陳墨峯要到安徽。生員因墨峯素有多學名譽。故在錫麟信內提及的。墨峯本名淵。及生員到安徽。始知改名澄字伯平。女學生秋瑾。紹興人。前在紹興府演說。主張民權。不願立憲。並與陶煥卿等時相來往。是曉得的。若現在紹興起事。

第三十六章 丁未安慶徐錫麟之役

第三十六章 丁未安慶徐錫麟之復

實不知情。今蒙嚴審。生員歷次親書供單。均照此供。實不知錫麟光復會名目。並沒預聞謀爲叛逆及知情不發情事。家中們父母也不曉得錫麟所做事情。求恩典。再陶煥卿龔味蓀陳子英陳淑南沈鈞業陳墨峯等是錫麟革命同黨。生員是知道的。將來拿獲。可以對質。此外同學同鄉不是革命黨。不敢妄指。所供是實。

光復軍告示 清吏搜獲錫麟所製光復軍告示多件。錄其原文如左。

爲曉諭大衆翦滅滿夷除暴安民事。維我民族立國千年。文明首出。維古舊邦。乃自滿夷入關。中原塗炭。衣冠掃地。文憲無遺。二百餘年偷生姑息虐政之下。種種難堪。數不可罄。近則名爲立憲。實乃集權中央。玩我股掌。禁止自由。殺虐志士。苛虐無道。暴政橫生。天下擾擾。民無所依。強鄰日逼。不可終日。推厥種種罪由。何莫非滿政府愚黔首虐漢族所致。以是予等懷抱公憤。共起義師。與我同胞共復舊業。誓掃妖氛。重建新國。圖共和之幸福。報往日之深仇。義兵所臨。秋毫無犯。各安舊業。我漢族諸父兄子弟各安生業。無庸驚疑。如本軍軍士有來侵犯者。可首告軍前。本 當治以應得之罪。勿稍寬縱。至若有不肖匪徒妄譏義師。結衆抗衡。是甘爲化外。自取罪戾。當表示天下。與吾漢族諸父兄子弟共誅之。此諭。共和二千七百五十二年 月 日給

一滿人不降者殺

一反抗本軍者殺

一乘機打掠者殺

一造謠生事妨害治安者殺

一仍爲漢奸者殺

清吏之文電 彙錄是役清吏往來電文如下。

(其一)恩銘遺摺

竊奴才以庸愚之質。迭荷聖恩。擢膺疆寄。自上年三月底抵任後。深維時艱孔亟。非奮發不足圖強。故將興學練兵巡警實業諸要政同時並舉。業經迭次奏陳。適值晉北水災。籌賑籌捐。辛苦經營。十閱月甫能告竣。本年沿江一帶。梟曾各匪徧地充斥。加以孫黨勾結。時虞蠢動。奴才迭派員弁四出偵緝。五月望後探得孫黨密運軍火。經由江浙皖南各處。當經電知督臣端方一體嚴緝。奴才特派專員。按照所由道路密爲搜捕。并面諭文武各員嚴加防範。諄告會辦巡警處試用道徐錫麟。令其緝拿革命黨。詎本月二十六日巡警學堂甲班學生畢業之期。奴才於辰刻率同司道親往考驗。方整齊行列之際。突見徐錫

第三十六章 丁未安慶徐錫麟之役

麟率領外來死黨數人。皆手持雙槍。向奴才連環轟擊。相距不及五尺。聲稱今日起革命軍。奴才受傷甚多。隨同之文武員弁死傷各數人。奴才當即回署。仍示以鎮靜。以安民心。一面諭飭各營隊分途嚴防。詎徐錫麟遁入軍械所。又復添隊圍攻。業將大概情形電奏。奴才受傷雖重。而神志頗清。語音亦朗。猶冀不至於死。乃經西醫啓視。除左手右腿腹部三傷外。左右膀首及下部復有槍傷四五處。皆已前洞後穿。而腹部一傷。槍子未出。奴才自覺子往上行。將攻心際。西醫云非剖開不能取出。奴才今年六十有二矣。奏刀之際。生死尙不可知。特令奴才之子咸麟至前。口授此摺。奴才死不足惜。顧念當此世變方多人心不靖之時。不得不竭盡心力。以報國恩。奴才實不瞑目。徐錫麟係曾經出洋分發道員。思以其係前任湖南撫臣俞廉三之表姪。奴才坦然用之而不疑。任此差甫兩月。勤奮異常。而不謂包藏禍心。身爲黨首。欲圖革命。故意捐官。非惟奴才所不防。抑亦人人所不料。惟是仕途龐雜。流弊滋多。出洋之學生良莠不齊。奴才復願我皇上進用之時慎選之也。奴才身受其禍。或足以啓發聖明。至於奴才在安徽所辦各事宜。法政師範各學堂次第畢業。所練混成一協步隊。編成騎礮工輜各營隊。亦尅期可以就緒。軍械馬匹尙須添購。奴才又訂造兵輪一艘。正在估價繪圖。犁牧樹藝及丈量沙地兩事。大

利所在。已有端倪。繼奴才任者當能匡所不逮。無俟奴才贅言。奴才自在山西行在獲覲兩宮。仰承聖訓。自後迭蒙遷擢。均未召令來見。犬馬念主。從此更無重見天日之期。望闕長辭。此恨何極。伏枕哀鳴。不勝哽咽悽愴之至。謹奏。

(其二) 藩司馮煦致清政府電

北京外務部軍機處鈞鑒。安撫恩銘晨被巡察學堂會辦徐錫麟率外來死黨轟擊數傷。延至未刻出缺。徐錫麟拒捕已就獲。據供係革命黨首。蓄志十餘年。先殺恩銘。後殺端方。良弼。並無別語。徐錫麟未便久稽顯戮。立即在轅門前正法。援張汝祥刺馬新貽辦法。剖心致祭。恩銘口授遺摺。另摺代呈。除將印信封存外。所有安徽巡撫因傷出缺。應請速賜簡放。請代奏。安徽布政司馮煦宥。

(其三) 藩司馮煦再致政府電

北京外務部軍機處鈞鑒。昨以撫臣爲徐匪槍傷出缺。當將徐逆拿獲正法電請代奏在案。查昨日在場被擊殞命者。文巡捕陸永頤。巡察收支委員顧松二人。被傷者有候補道巢鳳儀。安慶府興湖武巡捕車德文三人。各官隨從人役亦多有受傷者。巡兵爲徐匪脅往軍械所者。不過三四十人。省城人心洶洶。徐匪正法後。隨即安貼。現張告示專辦罪首。不

第三十六章 丁未安慶徐錫麟之役

牽涉旁人。學界軍界均尙安靜。似可保安。請代奏。安徽布政司馮煦叩沁。

(其四)江督皖撫會奏電

北京軍機處鈞鑒。辰密。承准鈞電開。奉上諭安徽匪黨滋事。著端方等督率派往各員妥爲布置。散脅擒渠。所擒餘黨。迅卽訊明奏辦等因。欽此。查徐匪係浙江山陰縣人。去歲報捐道員到省。本年二月委巡警處會辦。五月二十六日學生畢業。恩撫蒞堂大考。徐匪徧請司道府等至堂宴會。擬先宴會後行畢業禮。飲酒時閉門。爲一網打盡之計。恩撫不准。自疑謀敗。卽放炸彈不燃。旋與其黨陳伯平各持槍向恩撫猛擊。恩撫身被數傷。同時救護恩撫者。文巡捕陸永頤受傷身斃。武巡捕車德文受傷。候補道巢鳳儀安慶府甕鎮湘各受傷而不甚重。煦與司道等護恩撫回院。尙大聲飭令速捕徐錫麟。因受傷甚重。卽於是日未刻出缺。徐匪旋又擊斃巡警處處收支委員顧松。指爲奸細。迫害學生往軍械所。煦與司道所派之緝捕巡防各隊。將軍械所圍住。拿獲徐匪。自供蓄志排滿等情不諱。立即正法。旋在該匪寓搜出僞示及誓單。語大悖逆。匪黨陳伯平在軍械所擊斃。馬子畦當場緝獲。除當場格殺外。先後拿獲學生及夫役二十一名。提訊內有學生四名夫役三名誤拿。已開釋。餘犯分別禁押候訊。二十八日於下午水輪船碼頭搜得火藥六十七斤。匪

未獲。各局所均派營隊守護。地方安靜如常。除添派安徽候補道許鼎霖會同皖省司道及朱道恩紱提犯審辦。務得確實供據電奏外。所有續辦情形謹請代奏。端方馮煦冬印。

第三十六章 丁未安慶徐錫麟之役

第三十七章 丁未紹興秋瑾之役

第三十七章 丁未紹興秋瑾之役

秋瑾略歷 革命之運動 起事之規畫 大通學校之搜捕 清吏之慘殺 黨案之株連 各地義師之失敗 光復軍之文告 清史之文電

秋瑾略歷 秋瑾字璿卿。別號競雄。又稱鑑湖女俠。浙江會稽人。隸籍山陰。幼隨其父宦于閩。旋復隨父入湘。年十八。嫁湘人王延鈞。延鈞入資爲部郎。需次北京。瑾與之俱。生有子女。因賦性豪俠。篤信新學。與延鈞意見不合。經同鄉戚屬陶大鈞陳靜齋爲之和解。不得。乃與延鈞定約分家產。瑾得萬金。卽以之經商。所托非人。盡耗其資。乃盡以所有首飾託大鈞妾荻意爲變賣集資。東渡日本留學。甲辰三月至東京。初入留學生會館日語講習所學習日語。繼肄業于青山實踐女學校。漸與留東之革命黨員相往還。因與湘人劉道一劉復權仇亮王時澤蜀人彭春陽贛人曾某等十人相結爲祕密會。以反抗清廷恢復中原爲宗旨。聞馮自由梁慕光在橫濱組織三合會分部。遂與劉彭諸人報名加入。受封爲白紙扇之職。卽俗所謂軍師也。是年冬。陶成章以事赴日。瑾由其戚陳某介紹。識之于旅次。知成章與敖嘉熊龔寶鎰等

運動浙省會黨有年。因叩以所運動事。成章盡以其所歷告之。并爲介紹同志機關二處。一函致上海蔡元培。一函致紹興徐錫麟。乙巳春間。瑾回國省親。遂謁元培于愛國女學校。旋往南京。欲運動資本家某某之子漢無効。乃復歸滬。由滬旋紹。見錫麟于熱誠小學校。瑾之歸里。本爲籌學費計。既抵家。求給于母。母家固不中贊。勉爲籌數百金付之。瑾得資。復至日。時湘人陳範以蘇報案關係避居橫濱。其二妾湘芬信芳均浙藉。系出故家。瑾以其有玷同鄉名譽。乃使脫離陳氏範圍。并勸同鄉學生助以學費。其天性義俠略見一斑。未幾徐錫麟攜其妻王振漢東渡留學。瑾爲之照拂一切。錫麟歸國。振漢仍留日。

革命之運動 乙巳七月東京同盟會成立。瑾由馮自由紹介入黨。浙人入同盟會者。以蔣尊簋爲最早。瑾其第二人也。是年冬日本文部省頒布取締中國留學生規則。湘人陳天華蹈海死。各省學生多倡歸國之說。瑾主張尤力。遂偕易本義等相率返國。旋倡設中國公學于上海。藉以安置歸國學生。復與放嘉熊呂榮祥丁鐸諸人相交。由嘉熊薦充滄溪女學校教員。因與女學生感情不洽辭去。復由徐錫麟之介紹。乃入光復會。時董鴻禕方在南洋爪哇辦學。屢招同志前往相助。王嘉猷湯調鼎陳華等先後就聘。瑾亦有行意。陶成章龔寶銓力止之。瑾乃倡設中國女報于上海。又與中國公學教員陳伯平等租屋于虹口祥慶里爲運動機關。因製炸藥失慎

第三十七章 丁未紹興秋瑾之役

伯平傷目。瑾傷手。是爲丙午八月間事。是年冬。萍瀏革命軍起。各省革命黨集議上海。欲起兵爲援。瑾與議焉。瑾以浙事自任。乃還紹興。入居大通學校。大通學校爲金處紹三府會黨人薈萃之所。瑾時與各會黨首領約。俟湘人舉事後。卽出爲應援。謀既定。乃偕王文慶赴諸暨義烏金華蘭溪各地爲號召。十二月十九日至金華。寓於金阿狗家。并訪會首蔣樂山有所計畫。未幾歸紹興。聞劉道一楊卓林胡瑛甯調元諸同志相繼失敗。非死卽囚。接應之舉。頓成瓦解。遂益憤恨。決計不假外助。獨行舉事。而運動益力。

起事之規畫 丁未正月。紹興大通學校因辦事乏人。衆舉秋瑾爲督辦。開學之日。知府貴福及山會兩邑令皆蒞堂致頌詞。貴福并贈瑾對聯一聯。曰競爭世界。雄冠全球。瑾於是益得暢所欲言。正二月間。瑾屢往來杭滬運動軍學兩界。其方法不外藉會黨之聲氣。以鼓舞軍學界。復以軍學界之名義。歡動會黨。而以大通學校爲其中樞。三月間。瑾又親歷金處諸邑兩次。既歸大通。復函召金處各屬會黨入紹興計事。并令在體育會學習兵操。前後相繼至者凡百餘人。瑾所最信任之會首爲義烏吳琳謙及金華徐買兒武昌周華昌。卒得三人之力。因之呼吸靈便。籌備略竣。乃改約束。頒號令。分充復會職員爲十六級。以七絕詩一首爲表記。詩曰。黃禍源溯浙江潮。爲我中原漢族豪。不使滿胡留片甲。軒轅依舊是天驕。凡從黃字起

訖于使字。皆有表記。例如黃字爲首領。首領五人。卽以推徐錫麟等。禍字爲協領。無定員。瑾自居協領。源字爲分統。以洪門首領任之。溯字爲參謀。以洪門紅旗等任之。浙字以下爲部長副部長等職。各職員均以金指環爲記。指環文字卽以已職銜之代名詞符入之。或以 A B C 等英文字母代之。其勢力所及。上達處州之縉雲巨金華全府。而下及于紹興之嵊縣。金華府之金華蘭溪武義永康浦江等縣實爲其中心。是月之末。風潮起于縉雲武義永康之間。瑾命大通學校職員趙卓復至武義一帶運動。卽推舉本城紳士劉耀勳督辦黨軍。四月初。瑾復編制各洪門部下爲八軍。用光復漢族大振國權八字爲八軍記號。因與諸同事定議。先由金華起事。處州應之。俟杭州清兵出攻金處。卽以紹興黨軍渡江。以襲省城。軍學界爲內應。若攻杭城不拔。則返紹興。入金華道處州。出江西。以通安慶。旣謀而行。定期以五月二十六日。未幾易爲六月初十日。金華諸處仍爲二十六日之期。五月初。紹興黨人裘文高遽召台州黨軍由東陽至嵊縣。紮營西鄉。樹革命軍旗幟。二十一日武義黨案發。二十三金華黨案又發。當風潮急時。瑾使陳伯平赴安慶告錫麟。錫麟知事急。乃於五月二十六日乘機殺恩銘。清廷震駭。大索黨人。於是大通學校遂陷于四面楚歌之下。岌岌不可終日矣。

大通學校之搜捕 安慶之師旣敗。瑾于六月初一日閱上海各報始悉其事。於是執報紙坐泣

第三十七章 丁未紹興秋瑾之役

于內室。不食亦不語。又不發一令。有勸之走者。不問其爲誰何。皆大詬之。是時金華府之黨軍已盡破壞。而處州府之消息未來。嵊縣黨軍則又別成一旅。校中諸學生相議早日舉事。先殺貴福。佔領紹城。而後再圖其餘。尤勝于束手待斃。瑾則力主必待嵊縣之兵來然後舉事。且分遣體育學生二十餘人往杭城分頭埋伏。以爲內應。於是藩籬盡撤。而其勢益孤。先是紹興士紳胡道南等與瑾平日有夙怨。風聞瑾有交結平洋會黨謀亂情事。遂乘機向貴福告變。貴福亦早有所聞。因未知其確。不能發難。至是遂微服宵行上省請兵。浙撫張曾敕據報。立派巡防營統領李益智率第一標兵渡江。赴紹興圍捕。當拔隊時。李將各兵身上及隨身各物件皆搜索無遺。恐其有通黨軍也。以故兵營中極形騷擾。事爲武備學生所聞。遣使飛報于瑾。瑾于初三日得是信。乃率諸學生將鎗械藏過。初四日上午九時王金發自嵊縣來。與瑾商酌十日舉事之約。午膳畢。從容而去。未幾卽有黨軍偵探隊歸報。言清兵已來。瑾使再探。回報往東浦。瑾信爲然。衆學生咸勸瑾出奔。瑾不答。學生於是散去者數十人。時蔣紀適從蘭溪來。見狀大驚。乃牽瑾裙向之索川資。瑾無以應。正紛擾間。而清兵已到門矣。

清吏之慘殺 清兵既至學堂前。不敢遽進。又有學生勸瑾向後門乘船渡河走者。瑾不應。瑾令諸學生及辦事人先走。於是有出前門衝敵而去者。有自後門渡河而逸者。清兵攻入前門

。不意爲學生擊死者數人。傷者數人。學生死者二人。瑾居內舍爲清兵所執。同時被捕者有教員程毅來賓蔣紀學生徐頌揚錢應仁呂植松王植槐等六人。貴福使山陰令李宗嶽訊瑾。瑾不作一語。遂于翌晨四時就義于軒亭口下。蓋貴福畏之。不敢稍留片時也。貴福遂又用嚴刑提訊程毅。毅不屈。定監禁三年。蔣紀願作奸細贖罪。清吏不可。乃解回原籍。定監禁一年。其餘諸人各定監禁二三年不等。程毅河南修武人。已酉夏卒于獄。屍出。鱗傷遍體。見者莫不酸鼻。瑾既被害。暴屍道路無敢收葬者。其女友徐寄塵吳芝瑛等。收其遺骸葬之西湖。清吏惡之。滿御史常徵上疏請夷其塚。清吏恐激民變。乃陰囑其兄桐出名遷柩。以還紹興。已酉冬。其子自湖南來。遷瑾柩歸湖南。與其夫延鈞合葬焉。瑾死時年三十一。

黨案之株連 是役株連者衆。以學界爲尤甚。大通學校前任監督孫德清久拘不釋。勒捐洋五千元。得出獄。富紳許仲清被拿在押。亦捐洋十萬元乃免。復捕繁同仁學堂學生八人。戲捐公所及附設之學堂幹事員與學生亦捕去八人。毓秀震旦各學校皆追令解散。而貴福之刑幕陳某山陰知縣李鍾嶽均以爭此案不平。被撤逐。及省委道員陳翼棟至。查閱案件。亦有責言。並調查嵎縣無亂耗。請撤兵。貴福承張撫旨。持不允。於是浙人大譁。張撫不自安。遂求調。乃移撫江蘇。蘇人拒之。更調山西。晉人又拒之。張知不見容于世。乃乞病居鄂。

張乃
鄂督

第三十七章 丁未紹興秋瑾之役

之洞之貴福亦援例求調。乃移守安徽之甯國。甯國人亦循例拒之。遂不知所終。胡道南旋爲人所殺。李益智焚死于粵之大沙頭花艇中。

各路義師之失敗 各地會黨與秋瑾約期舉事者。有嵊縣竺紹康王金發台州裘文高武義劉耀勳處州呂熊祥金華張恭蔣慕飛高達高遠倪國圻徐買兒徐順達諸人。紹康金發本約秋瑾以六月初十日統軍入紹興。未及期而案破。乃避往台州。裘文高因假其名揭竿而起。清軍屢爲所敗。黨軍支持數月。十月十六日文高率台州義勇數百人。大敗清將劉慶林之師於白竹村。獲劉慶林斬之以徇。杭城大震。浙撫派一標三營管帶張某一標二營馬志勛督軍赴援。文高拒戰不利。復由嵊縣退軍至東陽。入仙居而散。武義自五月間已紛傳黨人起事之說。縣令錢寶銘聞信。急電杭城請兵。浙撫命己革參將沈棋山統兵赴之。黨軍督辦員劉耀勳一無預備。遂及于難。鄉民無辜被清軍殺戮者三十餘人。是爲五月二十二日事。金華黨軍因徐順達徐賣兒事前以他事入獄。其友倪金欲劫牢以出之。事洩爲清吏擒捕。志士死者數十人。及七月以後。蔣慕飛高達高遠等聚衆于馬陵山。謀復仇之法。遂遣使結嚴衢二府之白布會終南會。約與共起。浙撫聞訊大驚。急調沈棋山兵自東陽往攻。慕飛達遠擊破之。棋山僅以身免。尋杭城增派新軍赴援。慕飛達遠以餉械俱窮。苦戰不得出。相將死焉。處州府屬縉雲黨軍屆期亦舉事。

呂熊祥以各地相繼失敗。恐不能大有爲。乃命其徒屬退入仙居。徐圖後舉。

光復軍之文告 是役秋瑾手撰光復軍軍制願論文及普告同胞檄各一通。錄之如左。

(其一)光復軍軍制願論文

芸芸衆生。孰不愛生。愛生之極。進而愛羣。蓋種族之不保。則個人隨亡。此固大義瞭然。毋庸多贅者也。然試叩我同胞以今爲何時。則莫不曰種族存亡之樞紐也。再請而叩以何以可以免此存亡之問題。則又瞭然莫對。否即以政治改革爲極端之造化矣。嗟夫。歐風美雨。咄咄逼人。推原禍始。是誰之咎。雖滅滿奴之種。亦不足以蔽其辜矣。夫漢族沈淪二百有餘年矣。婢膝奴顏。脅肩他人之字下。有土地而自不知守。有財賦而自不知用。戴醜夷以爲主。而自奴之。彼固倘來之物。初何愛于我輩。所難堪者。我父老子弟耳。生於斯。居於斯。聚族而安處。一旦瓜分實見。彼即退處於藩服之列。固猶勝始起遊牧之族。奈何我父老子弟乃聽之而不聞也。年來防家賊之計算。著著進步。美其詞曰立憲。而殺戮之報。不絕於書。大其題曰集權。而漢人失勢。滿族梟張。嗚呼。人非木石。孰不愛生而愛羣。逼於不獲己。則祇能守一族之利益矣。彼既棄我種族。置之不問之列。則返報之道。亦所當爲。奈何我父老子弟見之不早也。某等菲薄。不敢自居先

第三十七章 丁未紹興秋瑾之役

知。然而當仁不讓。固亦嘗以此自勵。今時勢阡危。確見其有不容已者。於是大舉報復。先以雪我二百餘年滿族奴隸之恥。後以啓我二兆方里天府之新帝國。宗旨務光明而不涉於曖昧。行軍務單簡而不蹈於瑣細。幸叨黃帝祖宗之靈。得以光復舊族。與衆更始。是我漢族自當共表同情也。

北路總元帥統轄各部 北路第一師團司令長 第一第二第三 中路總元帥統轄各部 中路第四師團長司令長 第五第六第七 南路總元帥統轄各部 南路第八師團司令長 第九師團司令長 軍職等級分八軍。用光復漢族大握國權八字以編制之。

統帶光字軍大將 統帶光字副將 行軍參謀 行軍副參謀 光字中軍 光字左軍 光字

右軍 光字中佐 光字左佐 光字右佐 光字中尉 光字左尉 光字右尉 復 同上

漢 同上 族 同上 大 同上 振 同上 國 同上 權 同上

肩章白月。中書左右字樣。并書號碼 自大將以至佐尉等皆用胸帶。如西洋懸掛寶星之

斜。胸帶以顏色分別等差。黃色爲首。白次之。紅又次之。淺藍又次之。

旗用白色。中大書黑色漢字。

順旗 小三角形 內書復漢二字。黃地黑字并蓋圖印。

鉛記長方形。暫作木。

令 用竹牌計八支。面寫光復等八字之合同。兩支合寫。一支由統帶執守。一支由本營執守。以證傳令者之真僞。

文書 用暗碼。緊要事用電碼。加五十號防洩漏。

(其二) 普告同胞檄

嗟乎。我父老子弟其亦知今日之時勢爲如何之時勢乎。其亦知今日之時勢有不容不革命者乎。歐風美雨。澎湃齊來。滿賊漢奸。網羅交至。我同胞處於四面楚歌聲裏。猶不自知。此某等爲大義之故。不得不剴切勸諭者也。夫魚遊釜底。燕處焚巢。旦夕偷安。不自知其瀕于危殆。我同胞其何以異是耶。財政則婪索無厭。雖負盡納稅義務。而不與人以參政之權。民生則道路流離。而彼方昇平歌舞。侈言立憲。而專制乃得實行。名爲集權。則漢人盡遭剝削。南北兵權統操于滿奴之手。天下財賦又欲集之一隅。練兵也。加賦也。種種剝奪。括以一言。制我漢族之死命而已。夫閉關之世猶不容一族偏枯之勢。況四隣逼處。彼乃舉其防家賊媚異族之手段。送我大好河山。嗟呼。我父老子弟盍亦一念祖宗基業之艱難。子孫立足之無所。而深思於滿奴之政策耶。某等眷懷祖國之前程。

第三十七章 丁未紹興秋瑾之役

默察天下之大勢。知有不容己於革命。用是張我旗鼓。殲彼醜奴。爲天下創。義旗指處。是我漢族應表同情也。

清吏之文電 皖浙黨軍先後失敗。其事先由浙起。及後乃由皖及浙。而黨禍之株連。則浙較皖爲尤慘酷。今彙錄是役清吏往來文電如下。

(其一) 浙撫致貴福電

准江督電。大通學堂徐匪死黨必多。祈卽掩捕。徐偉已在九江拿獲。電到卽行拿匪查堂。搜起證據。

(其二) 浙撫再致貴福電

該堂主持竺姓及王金發。校長秋姓。均應查拿。

(其三) 浙撫三致貴福電

准安慶電。據徐偉供。錫麟同黨陶煥卿陳志軍陳德穀臧味蓀沈鈞業徐振漢。與秋瑾同主革命。均應查拿。

(其四) 浙撫四致貴福電

據金華嵩守電稱。武義獲匪品李唐等供出黨羽甚衆。內有趙密甫縉雲人。在大通學堂司

帳。勾通大通學堂黨羽。希圖接應起事。請飭查拿。

(其五) 金華府致處州府電

武邑匪擾。獲犯供出周今海卽周華昌。趙密甫卽趙卓。均貴屬籍雲人。趙在紹郡體育會司帳。勾通起事。請飭密拿。

(其六) 貴福致浙撫電

撫藩臬憲鈞鑒。越密。茲據胡道南等面稱。大通體育會女教員革命黨秋瑾及呂鳳樞紹康等謀于六月初十日起事。號酌仙。平陽黨首領。羽黨萬人。近已往嵗縣糾約來郡。請預防等語。

(其七) 貴福再致浙撫電

卑府星夜請兵。蒙派到郡。今日申刻往大通學堂及嵗縣公所起軍火。該匪等開鎗拒捕。兵隊還擊。斃兩匪。並獲秋瑾及餘匪六人。起出後膛鎗二十五桿。子彈數百枝。奪獲秋瑾六門手鎗一支。探得該匪等因徐匪刺皖撫後。謀俟竺匪糾黨到開會追悼。卽行起事。知其事者驚惶萬狀。現訊秋瑾供。堅不吐實。查看該匪親筆講義。斥本朝爲異族。證據確。餘黨程毅亦供秋瑾爲首。惟尙無起事准期。若竺匪一到。恐有他變。懇請將秋瑾先

第三十七章 丁未紹興秋瑾之役

行正法。餘匪訊有實據。再行電稟。又供大通學生全體赴杭。請戒備。福徽

(其八)浙撫致處州府電

徐錫麟在紹郡所辦大通體育學堂學生。衢處爲多。平日四出勾結爲亂。現在查辦。勢必散走衢處。應密告鎮守。卽飭查拿首要。無忽。

(其九)處州府覆浙撫電

電敬悉。遵卽密告鎮縣查拿。卑府四月杪奉臬憲密扎。卽募警兵三十名。在紹郡一帶偵獲。惟卑屬地廣。無一防勇。擬懇撥勇一隊備調。以資震懾。卽賜電覆。

(其十)金華府再致處州府電

金屬匪徒滋事。獲匪供出舉人張恭。卽伯謙。散票結黨。現聞逃匿貴屬宣平紹興嵊縣等處。請飭縣密拿。

(其十一)紹興府致處州府電

敵郡女匪秋瑾勾結紹興嵊縣匪徒酌仙。卽紹康王金發及縉雲人呂鳳樵。謀在郡起事。已獲秋瑾正法。竺王呂尙未獲。請飭縣嚴緝各匪。務獲究辦。至禱。

(其十二)處州府復紹興府電

夜電敬悉。已飭宗令密拿。務獲解究。嗣後如有指拿縉雲匪徒。祈逕飭宗令免洩密。機事重要。特此密佈。

(其十三) 處州府致浙撫電

初十投遞請兵。計邀嚆核。匪黨蹤跡無定。蒙諭調溫勇。頃李管帶在青田撥三棚。一棚留郡。餘往縉雲。自是無勇敷調。卑府擬募五百。求發後膛鎗百桿。并予月餉。乞電示遵。俾弁飛領。以安人心。

(其十四) 浙撫再致處州府電

據紹守稟。匪首竺紹康又戕斃哨官。革匪裘文高張岳雲改扮學生。逃匿處州。大通武備學堂分校。係呂逢樵所辦。速即飭查的確。掩捕各匪。并察訪有無藏匿軍火。仍委委員赴縉雲嚴密查拿。又前電趙宏甫一名已否拿獲。均覆。頃又電溫州王管帶撥隊赴處矣。

(其十五) 處州府復浙撫電

號電敬悉。查卑府並無大通學堂。縉雲壺鎮體育會半日學堂。一係呂習常。一係呂熊祥。即逢樵。於四月開辦。卑郡自月杪奉臬道密扎府縣認真查訪。凡有形跡可疑者。無不細加盤詰。所有府城體育會及私立之警察學堂。縉邑之體育二處。及呂逢樵所設之半日

第三十七章 丁未紹興秋瑾之役

學堂。均于五月二十日勒令停止外入寄宿。李管帶率勇到郡。麗水由黃令。縉雲由宗令。會同嚴密查拿。惟各匪及趙宏甫均先遠颺。至裘張二革匪亦經四處線緝。獲卽鎖解。卑府決不敢養癰貽患。壺鎮素稱匪藪。防隊擬請永駐。合併附陳。

(其十六) 閩督松壽浙撫張曾敷奏報秋案摺

竊查浙省會匪向有九雙雙龍等項名目。迭經拿辦。迄未盡根絕株。其黨散布各處。而以金華府屬之武義永康東陽等縣。台州府屬之仙居。紹興府之嵊縣。處州府屬之縉雲青田松陽宣平等縣爲最多。近來風氣日壞。竟有士流敗類。與學界中之倡言革命者聯合肇亂。由是匪勢益盛。臣密飭所屬查拿。迭據金華府縣稟報。查得該匪黨羽甚衆。其號召頭目如徐買兒品李唐王汝槐呂觀興張岳雲等均極獷悍。並有學界中人。如竺紹康呂鳳樵趙宏富沈榮古許道亨等。及舉人張恭廩貢生劉耀勳廩生王金發武生倪經等。皆以士流而爲黨目。是股匪徒皆穿學堂體操黑衣。肩章綴有漢字。又據署武義縣錢寶銘衛防統領已革廣東補用副將儘先參將沈棋山會同親督弁勇擊獲匪目品李唐劉耀勳等。訊認與紹興大通學堂體育會勾結謀亂。搜獲旗幟票布號衣軍械革命告條等件。查大通學堂係逆匪徐錫麟所辦。體育會附設該堂之內。卽經電飭紹興府確查。隨據該守貴福來省面稟。據紳士察

報。大通體育會女教員革命黨秋瑾及竺紹康呂奉樞等約期起事。竺紹康回嵊糾黨來郡等情。復接安徽撫臣馮煦來電。緝獲徐錫麟之弟徐偉。據供錫麟妻王氏遊學東洋。改名徐振漢。與秋瑾同立革命等語。查核皖省犯供。與本省獲犯所供紳士所報。均屬相符。適先所派軍隊到紹會府查辦。旋據該府督同山陰會稽二縣帶隊前往大通學堂及縣警局搜查。該匪膽敢開槍拒捕。兵勇還槍擊傷數人。拿獲秋瑾及程毅等六人。當場搜捕悖逆字據。起出洋槍藥彈多件。查閱秋瑾各字據。內有革命論說小說詩稿偽檄文偽軍制。所編八軍以光復漢族大振國權爲號。該府縣親提秋瑾查訊。詰以匪黨共有幾人。堅不吐實。惟稱論說稿是我所做。日記手摺亦是我物。革命黨之事不必多問等語。訊之程毅等。亦供係秋瑾爲首。當場將秋瑾正法。其金華各屬匪徒。並據沈棋山續獲要匪二十餘人。金華永康等縣亦擒獲匪目倪經徐買兒王汝魁呂觀興等多人。訊明稟請就地正法。餘匪解散。由臣先行摘要電奏在案。嵊縣匪徒拒敵官軍。致戕哨長把總李逢春。兵勇亦有傷亡。經該縣拿獲匪首張岳雲等多名。訊認與革命黨勾結不諱。稟由臣電飭正法。臣維浙東地勢深阻。伏莽向多。秋瑾意在劫掠。非有逆謀。卽革命黨邪說各處流行。然亦但有空言。未敢顯然謀叛。此次秋瑾等乃以學界女子。於國家預備立憲時代。提倡革命。借體育

第三十七章 丁未紹興秋瑾之役

會聚衆謀亂。私蓄軍火馬匹。勾結土匪同時滋事。金華武義永康等屬。以及紹興之嵊縣各處。響應拒捕戕弁。又分遣竺紹康王金發等赴嵊糾匪謀劫郡城。其意固不專在擄搶。猶幸武義獲匪供出實情。秋匪現誅。餘黨解散。得以迅速肅事。不致燎原。在事之員辦理尙屬得手。現在地方安謐。人心亦靖。仍督飭各府縣嚴緝逸匪究辦。不得稍涉疏懈。亦不得妄事株連。其被脅被誘並非甘心從逆者。如能呈繳匪票。咸予自新。再能指出首要各犯。及其軍火所在。拿獲起出。仍行給賞。一面諭飭官紳速辦團防。清查內匪。以杜窩匪。而資保衛。此次該匪等倡言革命。約期起事。非尋常盜賊可比。經沈棋山督隊剿捕。排長藍翎拔補千總黃福星武義汛把總陳桂林首先拿獲匪目。聶李唐劉耀勳究出大通體育會勾結情形。逆謀盡露。排長拔把總補劉壽崐隨同剿匪。擒斬最多。均不無微勞足錄。黃福星擬請免補千總。以守備儘先補用。陳桂林擬請在任以千總儘補用。劉壽崐擬請免補把總。以千總補用。以示鼓勵。此外出力稍次員弁。由臣酌給外獎。陣亡弁勇應請飭部照例分別議卹。程毅徐頌揚蔣繼雲訊非同謀。惟交結匪類。素不安分。程毅飭縣監禁三年。徐頌揚蔣繼雲各監禁一年。限滿交保約束。應錢仁凱係被誘。受傷未愈。呂植松年輕無知。王植槐係屬誤拿。飭縣分別遞回省釋。至臣前次電奏兵隊擊斃數匪。

現據紹興府會委查明係格傷數人。其一因拒捕被格。受傷甚重。不能取供。旋即身死。報由山陰縣驗明棺殮。至今尙無屍屬出認。其一係石寶煦。取保調醫。業已平復。其一卽應錢仁。應請更正。謹奏。

（其十七）紹興府暨山會兩縣會稟浙撫文

敬稟者。案照卑府奉飭督同卑山會兩縣會營查拿卑郡大通學堂附設體育會女教員革命黨匪秋瑾訊明懲辦一案。曾將辦理情形摺補稟憲鑒。並聲明程毅等俟訊明稟辦在案。旋因卑前山陰縣李令鍾嶽奉飭卸事。未及隨同訊辦。卑職允貞抵任。卽經卑府督同卑職允貞瑞年等飭提程毅等六人到府。當飭卑山陰邑忤作驗明應錢仁合面不致命。右後肘有槍彈傷一處。由骨縫進子穿透不致命。左肘骨縫彈子已出。有藥敷蓋。未便揭念墳單飭醫。餘均提驗面臂週身。均無拷痕刺跡。隨提犯悉心隔別研訊。程毅卽翹軒徐頌揚蔣繼雲卽子雨應錢仁呂植松分隸河南修武並岢縣金華縉雲縣等。五品軍功王植槐係警察畢業。現充杭州正警捕兼管拘留所差。因請假來紹探友。致被誤拿。程毅於光緒二十八年科試。蒙河南學憲林考取入學。旋因科舉停止。在河南省城高等學堂肄業。三十一年九月後到上海投考中國公學。取入普通科肄業。蔣繼雲於光緒十年在廣東省捐納監生。至於何案

第三十七章 丁未紹興秋瑾之役

內報捐。記不清楚。旋經由粵游幕後。遂轉回原籍。在於杭州省城閒住。與縉雲人呂鳳樵認識婦人秋瑾。即王秋氏。先經遊學日本國。遂在東洋糾合同志創立革命黨。回華後在上海開設女報館。邀陳伯平即陳墨峯爲主筆。陳墨峯能製炸藥。程毅將縉雲各在杭滬與秋瑾先後相識。三十二年間秋瑾又在上海借中國公學之名創設學會。藉以勾煽同志。結爲黨援。因無經費。擬赴湖南省勸捐。適呂鳳樵於五月間爲蔣繼雲函荐秋瑾處襄理。先給盤川十元。蔣繼雲隨赴上海祥昇公客棧秋瑾寓所投遞荐函。秋瑾接見後。交出中國公學捐簿一本。囑其同往湖南等省勸捐。必須用強硬手段向紳商捐足銀數萬兩。方足敷辦學之用。蔣繼雲因見秋瑾行爲巨測。且同寓均係西裝留學生。時露破壞主義。遂即措辭回杭。在本省鐵路公司內充當彈壓江干工人員。旋因患病告退。後聞秋瑾係邀嵊縣人竺紹康即酌仙又名牛大王同去辦捐。得錢不少。且又聞秋瑾已糾合同黨五六千人。內多有錢之人。秋瑾有一種手段最爲兇狠。每於無意之中將人拉作朋友。稍一莫逆。伊將其黨中革命悖逆論說詩詞等件托人抄寫。秋瑾即得了憑據。人均不敢不依。其黨內各省均派有大頭目。陳伯平係黨內大頭目。最熱心而怕死。浙省頭目即係秋瑾。金華舉人張恭伯謙亦係內地頭目。各頭目均有金印戒一個。上鑿英文爲暗記。秋瑾之金印戒曾爲蔣

繼雲見過。惟英文何字不能認識。又有湖南張兆卿。本領最高。能製炸彈。並深知孫汝踪跡底細。北洋軍駐炸彈案秋瑾亦係同謀。其同黨以東洋留學生爲多。杭州均寓榮華客棧。別處亦有分寓。上年秋瑾在諸暨冊局設立體育會。兼充教習。延杭州人張乾即剛忱爲體操教員。縉雲人趙洪富即趙卓爲司帳。兼充學監。科目專尙體操。會同學生共六十人。以嵒縣及金處一帶之人爲多。均由呂鳳樵竺紹康王金發等運動而來。操衣褲均用黑色。遂有徐頌楊應錢仁呂植松等先後到紹入會肄業。程毅於五月初一日上海公學放暑假後即行動身。至初三日到紹。詣大通學堂探訪總辦孫秉彝。卽德卿。卽被挽留。暫寓該堂。二十日秋瑾將體育會移入大通學堂附設。秋瑾因其黨內羽翼已衆。本擬五月起事。因須等東洋留學生暑假回華方能定局。是以改於七月間在杭州起事。並約各府黨人同時擾亂。經趙洪富屢以前言向程毅運動。並勸其入黨。程毅因素持改良社會主義。宗旨不同。卽向覆絕。嗣因趙洪富於二十四日回家。托程毅暫代學監。程毅情不可却。勉強應承。張乾亦卽回杭。竺紹康王金發時常來堂。秋瑾悖逆詩稿等件曾爲程毅所經見。又因秋瑾有暴動情形。經程毅再三向勸改正。秋瑾不但不聽。反斥程毅不知公理。至五月底。程毅見報載有安徽徐錫麟暴動之事。因知大通爲徐某所辦。恐被牽連。決意返滬。經

第三十七章 丁未紹興秋瑾之役

秋瑾再三挽留。以時值暑假無事。又因盤川無著。無奈逗留。時有嵊縣學生徐興鳳。並不知姓之光朝。聞知秋瑾有七月起事之說。即約逃走。秋瑾查知。即囑大通司帳之黃介卿函知竺紹康。將徐興鳳等尋獲處死。並告知堂內各人。此後如再有逃走及洩漏秘密言語。定將此人治死除患。以故學生聞言害怕。相約緘口。六月初三日。王金發到堂探望。遂即他往。初四日秋瑾聞省兵到紹。令嵊縣仙巖人鄢發先將堂內洋槍子彈全行藏匿。學生亦紛紛各散。其時適有蔣繼雲王植槐先後由杭甯分路到紹訪友未遇。遂同至該堂探望。秋瑾即留吃午飯。其時尚有學生三棹。由學生來堂通知營兵前來搜查軍火。秋瑾得信。即攜去六門手槍放入衣袋。備好皮包。正擬逃去。爲蔣繼雲向其商借盤川纏住。經卑府等先行訪問。稟請擬兵來郡。督飭卑職等會同徐管帶率隊詣堂搜查。詎堂內不知何人開槍拒捕。標兵不得不開槍還擊。當場擊斃一名。受傷數名。拿獲女匪秋瑾一名。奪獲秋瑾六門手槍一桿。及搜出手摺並悖逆字據。暨獲程毅等六名。餘由後門逃逸。又在堂內夾弄屋頂等處先後搜出洋槍子彈皮馬匹。一併由徐管帶同犯押解到府。當經卑府督同卑前山陰縣李令暨卑職瑞年提訊。秋瑾供認蓄意革命不諱。即經電稟請示。奉飭先行正法。經轉飭李令鍾嶽遵辦。並將辦理情形稟報憲鑒。茲卑職允貞抵任。經卑府督同允

貞瑞年等。復提程毅等六名隔別研訊。得悉前情。再三研詰。該犯等僉稱或因暑假遊歷到紹。以致逗留。或因謀事未成。覓友借錢而來。不期而遇。委實不知情。亦無入黨同謀助勢情事。連日熟審。反覆開導。堅供如前。證以到紹日期。及質之徐頌揚等。供亦相符。似尙可信。伏查生員程毅雖訊止到紹訪友被留。暫寓大通學堂。且到堂未及一月。秋瑾之謀爲不軌。先不知情。亦無同謀助勢情事。迨趙洪富向其運動入黨。是秋瑾逆謀已露。既謂宗旨不同。不允入黨。自應即行離堂。乃竟不知遠嫌。爲趙洪富暫代學監。因循逗留。顯係甘心與匪爲伍。實屬罪無可辭。本應從重懲辦。惟既奉憲台札飭。凡誤入會黨自行投首繳出槍枝證據者。概予從寬。卽首要各犯能自首願充眼線另拿巨魁者。亦得寬免等因。自應將該犯稍從寬典。應請將生員程毅衣衿轉請撫憲咨請湖南撫憲轉飭提學司查明通詳擬革。飭發山陰縣監禁五年。期滿察看能否改悔。再行核辦。徐頌揚雖訊不知情。第與匪人王金發等往來有素。又被招入該會肄習體操。其非安分之徒。甘入匪藪。已可概見。蔣繼雲深知秋瑾等謀逆內容。其與該女匪往來已非一日。不問可知。惟該監生甫經到堂卽被拿獲。先不知秋瑾有起事逆謀。其供無同謀助勢情事。似尙可信。且一經提訊。卽將秋瑾隱情據實供明。究非始終隱匿。情尙可原。自應量從寬減。

第三十七章 丁未紹興秋瑾之役

應請將蔣繼雲監生先行斥革。與徐頌揚各發回原縣監禁三年。限滿察看核辦。惟念蔣繼雲甫於是日到紹訪友未遇。轉至該堂借錢。致被拿獲。且秋瑾信息靈通。若非該監生借錢纏住。早經免脫。難以弋獲。又據供出該黨中首要姓名住址暗記。得以按指查拿。而該監生又自願充作眼線指拿餘黨贖罪。其情不無可原。可否將該監生免予治罪。取具的實妥保。充作眼線。隨同指拿首要。以贖前愆之處。出自憲裁。應錢仁鄉愚被誘。受傷頗重。呂植松年幼無知。其來會演習體操。無非爲學業起見。並無他意。秋瑾如何謀爲。均審不知情。自應從寬免其治罪。由縣趕將應錢仁傷痕醫痊。分別遞回原籍取保釋放。五品軍功正警捕王植槐先由卑府開釋。以省拖累。所有在大通學堂及體育會搜出洋槍子彈。併孫秉彝呈繳洋槍子彈。卑府現擬籌募巡勇。應請暫行留郡配用。俟將來巡勇裁撤再行呈繳。抑卑府更有請者。前次拿辦秋瑾。供證確實。毫無疑義。祇以謠言不一。各報館據以登載。致起浮議。經卑府將秋瑾罪狀剴切曉諭。搜獲證據。刊刻傳單。明白宣佈。謠言漸息。現今審辦程毅等。雖已供證確鑿。然擬罪之允當與否。不得不慎益加慎之。以免枉縱。而昭核實。可否仰乞憲台批飭該犯等解省聽候提勘覆核。抑或派委大員來紹提犯復鞠明確。再行定議。以昭詳慎之處。聽候憲裁。除將當場擊斃一名由卑職

允貞趕將相驗緣由填格通詳。並將受傷之石寶煦飭保醫治傷症。審明保釋。一面仍會營懸賞購線嚴密緝拿逸匪竺紹康等。務獲究報外。合將督審擬議緣由開摺錄供。暨搜獲槍彈清摺肅錄稟呈。仰祈察核。俯賜批示祇遵。實爲公便云云。

第三十八章 丁未劉思復謀炸李準

第三十八章 丁未劉思復謀炸李準

劉思復略歷 謀炸李準之進行 實行機關之設置 製彈失慎之經過 炸彈案之牽連 張谷山述炸彈案情形 陳逸川述炸彈案情形 出獄後之事業



劉 思 復

劉思復略歷 劉思復廣東香山縣人。少有大志。好學能文。十五歲應童子試。補博士弟

子員。旋拋棄舉業。專研究科學及算

術。饒有心得。壬寅年清光緒二十八年與同邑

志士徐桂等創設演說社于石岐城。鼓

吹改革。邑中士子多為感動。復倡辦

女學校一所。不顧舊紳士之劇烈反抗

。毅然以改良社會振興女學為已任。

甲辰年清光緒三十年赴日本留學。漸與留東革

命黨人相往還。益有志于光復事業。乙巳秋。東京同盟會成立。遂亦列名冊籍。丙午夏秋間。同盟會決議在粵大舉。留東粵籍學生紛紛回國從事革命運動。劉亦其中之一人。初至香港主持東方報筆政。旋與安懷學校教員丁湘田訂立婚約。丁未春。汪精衛自日本至香港。與馮自由李紀堂等設機關于香港普慶坊。劉亦移寓其內。相與研究實行方法。未幾遂有丁未五月初一日廣州鳳翔書院之爆炸事件。

謀炸李準之進行

丙午清光緒三十二年

三三月間。香港同盟會機關部以同志郭人漳已奉清吏命調

駐欽廉。同志趙聲亦由江南來粵担任新軍重要任務。而許雪秋鄧子瑜等更積極進行惠潮兩府發難事宜。不日可以大舉。惟聞清廷新任粵督之岑春萱行將蒞粵。水師提督李準日以拿捕黨人爲能事。此二人均爲黨人大敵。非去其一。不足以消滅阻力。而張革命黨之聲勢。因有選擇實行委員。專任此項任務之議。劉思復久有是志。居日本時。嘗苦心研究製造爆藥之學。至是遂毅然自薦。引爲已任。馮自由汪精衛等咸贊成之。劉受任後。初在中國日報四樓密製炸藥。繼以試驗不便。乃移至寶慶坊機關部。偶因試驗失慎。爲水銀炸藥擊傷臉部。遂往澳門就醫。而謀炸計畫一時爲之停頓。迨臉傷既愈。乃偕李紀堂赴屯門青山實行擲彈試驗。實行機關之設置。劉最初之實行計畫。原定于惠潮兩地軍事發動期間同時著手。嗣因臉

第三十八章 丁未劉思復謀炸李準

傷未愈。延至四月下旬。始赴廣州覓地佈置一切。先由香港機關部派張谷山張伯喬朱執信胡毅生諸人助劉進行。張谷山字如川。五華縣人。向在嘉應州充當教員。提倡革命最力。是時方在廣州租定城內舊倉巷鳳翔書院。組織一長樂留學公所爲運動學生軍隊之樞紐。因設置實行機關事。偕張伯喬至香港。與劉會商進行方法。與議者有馮自由胡漢民李紀堂劉樹杭（思復族兄）諸人。決議李準方由汕頭班師回粵未久。應即行誅以示威。使張谷山担任在鳳翔書院附近覓一僻靜地所。以爲實行機關之出發點。張伯喬朱執信則担任偵查李準每日來往必經之要路。以便相機行事。於是二張于四月二十六日遄返廣州。旋劉又得張伯喬報告。探悉李準于每月朔望二日清晨恒赴總督衙門參謁。每行必乘怒馬疾馳。大可邀之于道等語。遂不待張谷山回報。廿九日逕乘輪至省。由谷山就鳳翔書院中擇一靜密之房舍居之。復親往踏查制台衙門水師行臺二處之來往街巷道路。以便著手。又與伯喬相約。如于五月初一早親見李準已赴督轅參謁。即到鳳翔書院門外報劉以暗號。而劉即可密伺李于要道而截擊之。蓋伯喬所居即在制台前張大夫第。李之來去行踪均不能逃過其耳目也。

製彈失慎之經過 劉所用炸藥及鐵彈均由香港製就。分別攜至廣州。炸藥有銀粉水銀粉二種。鐵彈則爲螺旋式。用時始用砂粒混合。然後配以鐵壳。五月初一早。劉先裝成炸彈一

具。及配置第二具時。鐵殼之螺絲邊因有餘藥散落紋上。稍遇摩擦。立行轟炸。劉被爆傷面部及左手下部。五指全廢。谷山聞聲往視。則見劉尙挺然矗立。身首足皆鮮血狼藉。乃搖手語劉。使勿出聲。自往隣近之圖強醫院。求醫生伍漢持速往診視。繼復趨回書院。擬代劉收拾餘物。免被軍警搜獲。是時劉已橫臥床上。榻畔洋毡角上尙置有已配成之炸彈一具。見谷山復來。乃命其將炸彈貯入室外之便溺缸。谷山依言行事。未幾。同寓之學生工人聞聲大集。附近之站崗警察亦來。伍漢持則挈醫學生陳逸川周演明黃又夔數人匆匆而至。見劉傷狀。初以爲被人用鉛擊傷。並未疑及炸彈爆裂所致。劉自稱三水人李德山。及伍問以如何致傷。則瞑目不答。在旁之警官謂非通報警局查驗不可。谷山知事趨嚴重。遂托辭外出。馳赴朱執信宅報警。圖強醫院學生陳逸川等察視傷者時。見床邊籐籃內貯有鉄彈二枚。知爲黨人所爲。因見牀蓆下露出書信數件。卽收入衣袋內藏之。忙亂良久。警察因發見鉄彈。漸疑傷者爲革命黨人。巡警道覬心滿令暫昇傷者入韜美醫院療治。俟傷愈然後審訊究辦。劉入院後。法國醫士恐傷勢延及全體。乃將其左手下部全行割去。清吏審訊數次。均自稱三水人李德山。因試驗化學受創。絕不肯供招眞姓名。其後因劉之聘妻丁湘田自香港到院探病。粵中各報相率揭載。世人始知所謂李德山者卽爲劉思復。

第三十八章 丁未劉思復謀炸李準

炸彈案之牽連 與此案有關係諸人。張谷山逃至朱執信宅。割鬚易服後。卽繞道佛山。然後乘輪赴香港。到中國日報告變。獨自由開訊。乃派黨員數人至粵。聯絡稻美醫院侍役。謀乘間援劉由醫院後門水道出險。卒以警察防範嚴密而止。粵吏初嚴緝谷山。李準風聞此案以己爲目標。主張從嚴究辦尤力。因谷山無法弋獲。遂疑與圖強學校有關。特派軍警大搜該校宿舍。無所得。僅檢獲美州雲高華埠華英日報記者崔通約致校長伍漢持函一件。中有「今日欲謀革命非革命思想普遍人心不可」一語。指爲與革命黨人來往之證據。卽將伍漢持拘去。伍時在法政學校肄業。法政學校校長夏同龢及教員杜之杖等聞之。乃聯名具函爲伍保釋。而伍獄始解。劉全愈後。粵吏研訊多次。均無左證。遂判令解回香山原籍監禁焉。

張谷山述炸彈案經過 民國二年粵省舉行國會選舉。伍漢持當選爲衆議院議員。時有人以丁未鳳翔書院炸彈案伍有意陷害劉思復爲詞。登報攻擊。張谷山聞之。乃將此案始末詳細補述。以釋謠誣。照錄如下。

前閱報載本會部長胡漢民先生告白一則。曰頃有自稱旅港同志電掣會員伍漢持君謀陷劉思復事。早經劉思復君登報辯明。又曰。如同志中古應芬葉夏聲譚民三杜之杖劉一偉諸君均知其詳各等因 是則伍漢持並無謀陷劉思復事。當可見信於各同志矣。雖然。事關

六七年之久。直至今日猶有疑伍君爲謀陷者。猶有待於支部長登報辯明。是必猶有人未釋然于心者。蓋亦由于此一段信史未嘗一大白於天下故也。願欲徵此一段信史。不可不將本案關係人逐一證明。並本案之前因後果一一表暴于天下。按茲事主動機關爲馮自由汪精衛胡漢民諸君。省中暗爲照料者則爲張伯喬朱執信胡毅生諸君。失敗後從中維持調護則爲杜之秋古應芬葉夏聲譚民三劉一偉諸君。從中奔走營救者則爲謝英伯及某女士諸君。然彼時精衛往外埠。漢民自由亦在港。卽伯喬執信毅生因事起倉卒。當時亦未在場。至古葉譚杜劉諸君。則屬於事後營救。是諸君於當日事起之實際實況。均屬未甚明瞭。卽反問之劉思復君。時在痛苦之際。亦未能知其因由也。然則欲知當日之實際實況及伍漢持有無謀陷劉思復事。是不能不證之當日在場同人。及與劉伍之雙方關係人也。當時在場同事與劉伍二君雙方關係若張伯喬者。其人已死。今已無從跟究。惟其人尙存而能以口筆將本案前後始末逐一證明之者。其人爲何。曰張谷山氏。谷山固當日在場同事與劉伍二君雙方關係人也。今日將不厭煩瑣。舉此一段信史。爲諸君一一詳告可乎。劉思復炸案發生爲丁未年五月初一日晨六句鐘事也。

著者按谷山所述炸案時刻。似與事實未付。因谷山到國強醫院延醫時。伍漢持方與生聚集早膳。粵俗早膳固無在六時左右者。據陳逸川所述。謂早膳在八時左右。以著者推測當以陳說爲適合。又據張伯喬

第三十八章 丁未劉思復謀炸李準

事後親語著者。謂是早思復起床稍晏。彼過鳳翔書院門外報信時。不見思復。直至李準由督署返寓。思復仍未出。故是日邀擊李準之機會經已錯過云云。則炸時決非六句鐘又一實證。茲事雖小。其連帶關係影響極大。竊自孫中山先生於乙巳之秋組織中國同盟會于日本。閱一年丙午秋冬之間。黨勢已徧及全國。以民報鼓吹于前。以日本留學生諸同志相繼歸國實踐于後。蓋自丙午秋冬間即漸入實踐時代矣。時則汪胡二君回港駐辦進行各事。此外留學諸同志亦皆聯翩歸國。分道揚鑣。劉思復君者。日本留學回國實踐之一人也。谷山於乙巳冬加盟入會。丙午在嘉應教習師範。專爲運動會員與鼓吹三民主義起見。至冬間。適潮州許雪秋氏等以中山函令擬在潮舉事。專員通知嘉應各同志。谷山因同謝良牧李詩唐到汕。意在察看情勢相機進上。嗣因實力未充。兼之許部徒黨頗難約束。因相率到港。於中國日報社開秘密會議。議者多主張急進。而谷山尙意不謂然。因是同潮謀事自爲一路。而谷山則入省運動新軍。又自爲一路。抵省。軍學各界接見。異常懷洽。知天下事大有可爲。遂數數往來省港間。嗣由精衛漢民自由執信毅生諸君決定以谷山駐省垣爲秘密運動之機關部。然是時但可爲秘密運動。而表面上不能不另組一正當之名義。以掩清吏之耳目。因與軍學各界商定。組織一長樂留學公所。訂定章程辦法。以谷山爲之長。租定舊倉巷鳳翔書院第三棟。是爲長樂留學公所設置之原因。丁未正月初旬。潮州饒平等處事

機敗露。同志多走避在港。趙伯先君由江南改調來粵。初任督練公所提調。正月間改任燕塘新軍標統。伯喬執信毅生諸君介紹谷山與伯先接洽。並在三元宮置酒歡會。商議新軍辦法。谷山以爲新軍界皆熱血。氣盛可用。伯先日。新軍官長陸軍各學生必使到標部接見。聯爲一氣。然後有議論。其徒然自稱同宗旨者。均不可靠。必先令加盟入會。始得認爲真正同志。由是如姚雨平林震張我權何克夫張謙村劉古香以及在營在堂各軍官學生皆相繼加盟入會。又未幾而潮州黃岡再舉。而欽廉劉思裕亦起。時毅生運動廣府屬內會黨頗爲純熟。清督調李準偕伯先往潮州。經伯喬毅生與伯先商定相機援助。又未幾調西路巡防郭人漳往欽廉。郭固同志。與伯先尤爲密切交者。自西路回省。即由伯喬與郭商定。以爲黃岡事已消滅。可以改調伯先一併往欽廉。如機會成熟。即合兵自西省出發。進窺中原。郭因商由谷山處調集諳練軍事同志。如姚雨平何克夫等一同前往。以備分派。此爲以留學公所實司秘密機關之原因。當是時如廣府屬縣。如東西北三江。如潮汕。如欽廉各屬。皆有黨員分頭運動。郭部六營爲新練軍。伯先部新軍一標。內一營爲開花砲隊。吾黨實力漸充。粵大吏尸居不足爲慮。與吾黨反對者。厥爲僞提督李準。日以捕黨人爲邀功名。其部下楊某且來往香港偵探吾黨舉動。聲息靈通。爲心腹之患。岑春

第三十八章 丁未劉思復謀炸李準

營奉僞朝命實授粵督。六月時行抵上海。自由精衛漢民諸同志在港密謀。若岑春萱與李準二者得炸其一。於粵省政界軍界必有影響。彼時或即起兵進據廣東。或各路蠢起。或吾黨如郭趙二君得握最高兵權。天下事成敗在此一舉。議決。適思復在港製備炸藥彈。

曾在九龍山試驗有效。遂毅然獨任其役。而以谷山爲之居停主人。時港中預此事者爲精衛漢民自由紀堂及思復族人。忘其名。

著者按即思復族兄劉杭

漢民夫人亦知之。省中預此事者爲伯

喬執信毅生諸人。議決後。谷山先回省。時爲四月二十六日。相約謂學公所之雜。應另覓一附近僻靜館地。以便裝置炸藥彈及其附屬品。覓定後函知。即行來省。正在尋覓舖地租賃間。廿九早思復遽搭輪來省。攜行李一夾包。一藤籃。直入谷山臥房。即呼谷山起。一面飭伙夫備早餐。一面攜谷山偕往督府水師行台二處之前後左右及來往之街巷道路。蓋是時岑春萱尙未到粵。目的單純屬李準。察看來往必經之要路。以便相機行事也。並乘便告知伯喬。又至豪賢街告知執信。乃相攜回寓草草早膳。膳畢。思復自藤籃內取出五加皮酒罐二。玻璃管一。及隔漏紙竹筍磁盆若干件。乃將酒罐內以水浸濕之藥粉倒入隔漏筍內。隔去水質停乾。以紙醺藥（實不見有藥）用火試驗。裂炸甚猛。並將彈壳四個拾出驗視。其二如牛奶盒形。其二如雞蛋形。隨遣伙夫覓砂少許速回備用。先是谷

山因學生及秘密機關往來人雜。同房不使。已改用與廳相對之房居之。當時因專意于秘密舉動。同住如張伯倫鍾麟五等。已先令其回籍。祇一陳敏孫同寓。住房則與思復相連。然敏孫亦就體育專修學校。每日黎明即須上課。所餘祇一伙夫張標而已。鳳翔書院房舍至多。前二棟及左廂與本廳樓上。均有各地不同志之學生寄宿。亦多未從中接洽。惟在書院範圍以內尙屬不擾。是日伯喬執信均到所說機密。晚膳前後谷山尙與思復言。此舉可在省住定。從容佈置。不必過于焦急也。又向思復曰。獨自一人爲之乎。抑尙須他人幫助乎。思復曰。獨任之。非他人所能助力也。又問曰。自身尙期保全否乎。思復曰。犧牲之。何可望保全也。谷山察其志決計定。純一不二。以爲必成功無疑。詎翌早黎明六句鐘時。轟然一聲。非常猛烈。谷山甫從睡夢醒覺。噤啞一聲。知事壞了。即披衛生衣。穿鞋躍出房門。而思復大聲疾呼。連呼數句。視其房門則衝斜驟不克啓。然已斜開見面。則思復尙挺然矗立。身首足皆鮮血淋漓。左手下垂。爛碎不見掌。谷山固向爲同事人所許爲胆大如斗從容鎮定者。是時搖手告思復曰。不要出聲。我即叫醫生來。一語。即呼同寓敏孫。則已鎖門上課去矣。呼伙夫張標。則出街買菜未回。倉卒飛跑至圖強醫院。直入內廳。則見伍漢持君正在餐台早膳。蓋伍君每日早餐後即往法政學校上課。

第三十八章 丁未劉思復謀炸李準

也。谷山以極迫切之形狀語告伍曰。汝不要食飯。卽攜救急鎗傷火藥傷之藥料前去我寓所救急。彼欲再問。而已馳回。同時鳳翔書院之公共伙夫亦往伍處請速救護。而我固不能與伍君多問客數句者。一因寓所伙夫外出。同事均不在寓。而門戶洞開。二因炸藥彈尙未收拾停妥。懼有疏虞。三因樓上及左廂及下二棟寄宿多人。懼因轟聲驚動。滋擾紛聚。四因炸聲震動甚遠。且非尋常聲浪可比。懼站崗警察查視詰問。有此種因由。所以不及與伍君多言。遽行馳歸。急切用力移動思復房門。始獲開視木柵。房間牀上地下皆鮮血狼藉不堪。時則思復已橫臥在床。余見其神氣尙清。亟問曰。醫生卽來。所有應拾襲之物件卽聲明拾襲。思復曰。床頭尙有一件東西至要緊。余視之。則在毡角面上已裝好一鷄蛋形之彈炸也。余曰。怕其炸否。思復曰。碰硬則炸。入水則不炸。可輕輕拈至便溺處所輕輕放下。則不炸矣。余拈至左廂便溺缸處。乃甫倒去之缸。絕無半點餘溺。又從左廂繞至右廂視便溺缸。是爲半缸以上。乃將炸彈連手輕輕放落缸底。尙有少許停積溺澤。知甚停妥。至廳事。已擠擁多人。一爲寄宿書院學生。二爲書院伙夫工人。三爲自外撞入貪看新聞之閒雜。四爲站崗警察。亦卽雜入三四名在內。而伍漢持亦已至。卽由余引伍在房門察看。伍見狀頗爲駭異。余倉卒問曰。怕死否。能卽利用藥否。伍曰

。似此何能醫治。必死矣。伍即問思復曰。爾何許人。曰我三水人。又問曰。甚麼姓名。曰我李德山。又問曰。是槍傷是藥傷。因何受傷。怎麼利害鬧到這個樣子。而思復則瞑目不置答矣。伍曰。這般救麼。究竟被人打傷。抑自己誤傷。事關人命。非同小可。在旁警察曰。報局。余即接口曰。余將親自往警局請驗。爾等警兵無庸在此紛擾也。是時伍已在房查驗各種什物。谷山入已房內。忖事不了。而房內尚有二大箱書。均屬革命書類。皮箱內尚存有盟單十餘紙。更爲危險。先將盟單檢齊藏在裏衣。並有港紙十餘元。毫銀七八元。拾藏衣袋。告知各人。着即聽候我往警局帶委員即來相驗。彼時陳敏孫未回。張標回至門口。我飭其回所。謂所內有事。爾不必慌張。凡事可推在我身上。爾伙夫無干也。但須看守我各物。出門後即繞道走豪賢街執信住家處。一婦人應門。囑執信起。有緊急說話。執信見面。余即告曰。思復誤事矣。首身足俱傷。左手且全炸去。執信曰何以會誤事。余曰。大約係裝置炸藥。不覺一觸即炸裂誤事耳。執信曰。死否。余曰。現未死。大約必死無疑。執信曰。警察知否。余曰。有警察在旁。已擬報局。醫生伍漢持在。伍以爲必死。故我亦托辭報警察。乘機繞道過來也。因搜盟單十餘紙交執信暫存。執信曰。焚去。勢至如此。以暫避爲佳。我說現港輪已開。惟有先走佛山耳。

第三十八章 丁未劉思復謀炸李準

執信曰。走佛山。是用轎直到黃沙過艇落車。余卽飭役僱轎。繼思我中裝有鬚。穿短衛生衫。穿鞋又不穿襪。不免令人起疑。乃向執信討長衫一件。執信曰。高短肥瘦不倫。雖有長衫。何能穿得。余曰。不如將鬚剃去。乃將案頭紙刀及水池之水草草剃鬚。剃畢轎至。卽入轎放簾。繞小東門走黃沙。賞轎夫銀二兩。過艇入佛山火車。坐定覺腹餓。出錢買香蕉二條暫充饑腹。至佛山到盛記生號時已十二點鐘矣。鄭雲棠出招待。見余去鬚。且未剃淨。鄭機警曰。要打辯剃頭否。余曰。一面呼髮匠。一面備餐可也。剃鬚及餐畢。攜鄭登樓密語以炸彈誤事情形。並飭傳吉照軒來。議定以吉送信及銀到省接濟陳敏孫與張標伙夫。及善後辦法。鄭卽護送我再往省搭輪往港。是晚由佛山搭車復回省。用艇趕程登輪卽開。至港機關。則執信先到。在座。漢民自由紀堂及漢民夫人均在。詳告以誤事情形。翌日卽由自由另派專員到省照料。以上卽爲谷山身親境地之情形也。又翌日接省友報告書。謂余走後。該警兵亦到局報告。尋有警兵十餘人到所監視。並一面轉報總局。時則伙夫張標回寓。警兵卽將伊扣留。未幾敏孫亦上課歸。敏孫固不知此中情形者。見狀錯愕。不知所措。警兵再三盤詰。委實茫然。而張標亦卽乘機逃去。又未幾。警察總局專員督兵多人前來。一面將思復送往韜美醫院。將陳與書院司事伙夫及伍

君一并留住帶回警局審訊。關於炸彈物品及余之相片來往信函。暨公所章程簿冊等等。概起回總局。此外服物。則派兵看管。並令警兵云。有人再到者即行拘留。其意蓋尙以爲我乘機再回。是時省吏震恐。下令通緝我。翌日各車站輪渡均已分佈偵探。而不知我已在港也。時重要機密必由李準主持。聞李與伍漢持君先有嫌疑者。是夜派兵即圍圍強醫院。窮搜證據。適自箱內起出一自美洲某君寄來之信。措詞激烈。李準即擬以此函加罪。將伍收押。尋又圍搜舊倉巷某店。如何情形。以無關係未詳。當審訊陳敏孫時。斤斤以我相片相窮詰。因相片中有題詞。語涉激烈。旁紀年以黃帝。而不清帝。題詞者爲陳培琛。即敏孫兄弟。並非同盟會人。而清吏又欲因陳而加敏孫罪也。詞曰。廿紀新潮怒警。何來珠劍氣。亭亭玉樹。八尺鬚眉千丈氣。擊得自由鐘住。更獨立精神尙武。拋却巾衿披白氍。便屠龍。更便聞鷄舞。我自恨。儒冠誤。人因積毀才方著。慨頻年。同羣鳥獸豸狼當。骨傲公卿才玩世。一掃臂肝虫鼠。且仔細商量出處。北望神州東望嶠。趁華年。向海天翔翥。掉頭去。莫回顧。

陳逸川述炸彈案經過 關於此案經過。尙有當日圖強書院學生陳逸川所述。足資參攷。照錄如左。

第三十八章 丁未劉思復謀炸李準

廣州舊倉巷圖強西醫學校爲伍漢持所創辦。丁未五月初一日上午約八時左右。學生適吃早膳。突來一濃眉廣額。口上有髭。身長六尺之偉丈夫。操嘉應州音。大聲曰。鄉巷青雲里學生宿舍有一學生玩弄手鎗。自傷甚危。請速往救。言畢而去。此偉丈夫前曾數次來校診病。學生有認識之者。於是伍漢持卽挈余及學生數人攜藥具出門。至則見傷者橫臥床上。房中置木桌一。桌上滿置化學器具。如隔水紙安士杯磁石藥舂等等。四圍門扇板壁皆有鐵片穿過或嵌入。與來報者所云玩弄手鎗自傷者不符。殊爲可異。該校學生中有革命思想者。祇余與周演明黃又夔三人。先年余在香港唯一趣報。曾與劉思復會過數面。時余見傷者滿面爲血所染。模糊莫辨其爲何人。予甫入門。傷者見余連點首。予不以爲意。但見情形如此。則已猜定爲黨人製造無疑。予卽與周演明面請伍漢持趁警察未知。卽昇回學校醫治。伍云。事關學生謀殺案。須先報警。然後昇回學校。方合法律手續。蓋伍時未見桌上各種化學儀器。疑爲謀殺。故發是言也。余等時尚年少。識見幼稚。鑒別力亦甚薄弱。亦以爲謀殺案。不敢與伍執拗。予于是再入傷者之房察視。見傷者左手五指已斷。復見床邊籐籃內貯有鐵彈二枝。則益信爲黨人所爲。旋偶于牀蓆下檢得書信數件。乃卽收入衣袋內。奔回校中私室展讀。一致其妹者。一致其弟者。一致

法政學校杜實石及某樾者。致弟妹二函。除永別之言外。均有于某日決心殲彼羣賊之語。致杜樾二人之函。則托將其寄存之書籍衣箱轉交其弟妹者。予閱畢。卽密藏于地。再往鳳翔書院。則見警察數名已入傷者之房搜查。似已知爲黨人所爲。遂問傷者姓名。傷者答云李德山。時傷者傷勢雖重。尙覺清醒。一若欲言而不敢言也者。爲狀滋苦。無何。巡官警長先後到。并奉巡警道龔心湛令。暫昇傷者入韜美醫院醫治。待稍愈。然後審訊究辦。故當時各報皆載云有黨人李德山製造炸彈圖謀不軌。不知所云李德山卽劉思復也。其籐籃內之炸彈。則由兩名警察用一長五丈之竹竿貫而抬之。戰慄而無人色。自此案發生後。社會紛傳不一。有疑與圖強學校有關係者。有謂李德山係圖強學校學生者。是晚八時卽有警局委員帶兵十數名來校。遍搜教員學生宿舍。然皆無實據。獨於伍漢持書案內搜出美洲崔某寄伍函。有「今日欲謀革命非革命思想普遍人心不可」一語。遂指爲與革命黨人來往之憑據。竟將伍拘去。是夜學生驚恐異常。多不敢返校。獨予則終夜將劉思復遺書用羅馬字拼音譯出。以備將來發表。而原函則焚去。不敢藏。恐再來搜查也。至翌日。學校忽接署名黃谷山者送來一函。字用鉛筆寫。內云「鳳翔書院巷內之溺缸下有炸彈二枚請急取去免傷害他人」等語。予疑此函。必係來校報傷之偉丈夫所發。

第三十八章 丁未劉思復謀炸李準

然予輩每有舉動。尙在警察監視之中。故置諸不理。劉入韜美醫院後。經審訊數次。不肯供招真姓名。無何其未婚妻丁湘田到院探病。世八始知李德山卽劉思復。劉旣全愈。當道因無左證。飭令解回香山原籍監禁。伍漢持則由法政學校校長教員聯名稟保。始獲開釋。劉至己酉年秋間。由陳景華設法營救。得以出獄。旋赴香港。港中同盟會同志馮自由謝英伯等開會歡迎于愉園。予適與會。因詳詢劉以當日情形。始明真象。蓋劉蓄志暗殺已久。是日實欲伺李準回天香街公館。路必經舊倉巷。乘間轟炸之。其炸彈所以失手。係因已製成一枚置于床畔牆角上。尙有一枚于炸藥傾入彈內之後。一時不慎。偶有少許藥粉散落彈口螺紋上。于旋轉裝置時。因受摩擦。故突然轟炸也。予後聞謝良牧言。所述偉丈夫其人者。係廣東五華縣人。姓張名谷山。面貌魁梧。豪俠好義。好讀書。曾補廩。平時熱心革命。創設學校于嘉應府城。特編輯種族歷史。親授學生。藉以灌漑革命思想于學生腦中。嘉屬革命黨之多。張與有力焉。其後由謝逸橋介紹入同盟會。進行益力。旋至廣州。與姚雨平謀商革命進行。寄宿鳳翔書院。將有所圖。因劉案發生。被當局通緝。遂回鄉暫避。辛亥歲粵省光復。惠州嘉應各屬先後爲黨人佔領。張之力爲多云。

焉。

出獄後之事業 劉繫香山縣城監獄者兩載。已酉夏陳景華自暹羅歸香港。馮自由知陳與豪紳江孔殷有舊。乃托陳爲劉設法營救。江孔殷受陳托。因向當道說項。而出劉于獄。劉至香港。同盟會諸同志開會于愉園以歡迎之。辛亥八月武漢起義。粵中黨人亟謀響應。劉與莫紀彭林君復等首先運動駐香山前山鎮之新軍反正。自稱香軍。旋率兵向廣州。聞張鳴岐出走。胡漢民已任都督。遂放棄兵權。不問政事。隱居于西湖白雲菴者逾月。復鑒于舊時同志之熱中權利。乃發憤宣傳無政府主義。以爲敵徼功名之倡。初創設晦鳴學社發佈各種宣傳品。繼又組織心社于廣州。實行（一）不食肉（二）不飲酒（三）不吸煙（四）不用僕役（五）不婚姻（六）不稱族姓（七）不作官吏（八）不坐轎及人力車（九）不作議員（十）不入政黨（十一）不作海陸軍人（十二）不奉宗教之十二戒約。癸丑八月龍濟光入粵。晦鳴學社被封。劉乃移居上海。編印民聲雜誌。專提倡無政府主義及世界語。甲寅民國四年三月以積勞成肺疾。卒于醫院。時年三十有一。民聲社諸同志特爲營構墓于西湖烟霞洞旁。

第三十九章 南洋華僑與革命運動

南洋革命黨之起源 楊衢雲與尤列 保皇會與天南新報 圖南報之發起 秦力山之通信 同盟會之成立 孫中山之通信 馮自由之通信 南洋總匯報之分裂 中興報之繼起 星洲晨報與書報社 振武善社之武劇 南洋支部之新章 安南河口敗兵之困難 七洲府之黨務 緬甸之黨務 荷屬之黨務 越南之黨務 暹羅之黨務 菲律賓之黨務 澳洲之黨務 英屬之書報社 荷屬之書報社 支部移庇能之經過 黃花岡一役籌款之經過 黃興趙聲之通信 辛亥光復之助餉

南洋革命黨之起源 南洋二字之界說。解釋各有不同。從狹義言之。則專限于英荷二國屬地之南洋羣島。從廣義及通俗言之。則此二字之範圍至廣。凡英荷二屬羣島，菲律賓羣島，大洋洲羣島，以及越南暹羅緬甸印度諸國。皆可統稱之曰南洋。本書所載革命黨之南洋運動

。即從廣義及通俗而言也。攷我國革命黨之初到南洋英荷兩屬。實在明末清初。其時明之君臣及鄭成功父子先後失敗于閩粵台灣各地。其遺臣義士遂多亡命于馬來由半島及爪哇羣島。此輩足跡所及。輒組織祕密社會。以散播其反清復明之種子。即所謂洪門之三合會或義興會是也。嗣太平天國失敗。洪楊部將咸借南洋爲遁逃藪。於是黨勢日盛。凡有華僑所到之地。莫不有義興會所之設立。會員達數百萬人。惟人數既衆。流品日雜。所謂斬奸救國之誓詞。僅成聯盟拜會之口頭禪。而好勇鬥狠之事。所在多有。甚至各立門戶。有同敵國。仇殺械鬥。報不絕書。因之遂爲當地政府下令解散團體。并沒收其公積金。新加坡埠（又稱星洲或叻埠）義興福興等會嘗存貯公積金百萬以上。即以聚衆械鬥案爲當地政府所沒收焉。自是各地政府咸懸爲禁令。不許義興會公然設立會所。然此輩仍巧立名目。密設各種機關。尤以農工二界爲盛。其不忘宗國者。則仍與閩之漳泉粵之惠潮嘉等處黨人互通消息。時時助以軍械及餉項。清末光宣之間。閩南粵東各縣時有會黨揭竿起事。實以南洋黨人接濟之力爲多。又各埠義興會產業未遭當地政府查抄者。祇有柔佛一處。所值約數十萬元。曾由陳楚楠等勸其撥充革命軍用。因其辦事人之愛國心。故運動無效云。

楊衢雲與尤列 乙未與中會在廣州起義失敗。其首領楊衢雲于是年十一月從香港至南非洲

第三十九章 南洋華僑與革命運動

。沿途經西貢新加坡麥特拉斯科倫布各商埠。交結其地義興會會員。勸令加入興中會。時義興會員附從者頗不乏人。南非洲之尊尼士堡及彼得馬尼士堡等處且有興中分會之建設。然自



天南新報初版攝影

丙申十月楊離南非赴日本之後。

各地黨務以乏人主持。陸續解散

。庚子六月孫中山因日本同志宮

崎寅藏爲康有爲構陷入獄。特由

西貢至新加坡營救。賴醫學博士

林文慶代向英吏說項。得以無事

出境。中山昔年曾在倫敦與林訂

交。故是役大得其助。然其時林

固非黨員也。庚子閏八月惠州革

命軍失敗。其將領黃福黃耀廷鄧

子瑜等均逃至星洲。與中會員尤列亦跟踪而至。旋在牛車水單邊街懸壺問世。華僑佩其醫術。多稱道之。尤漸向義興會團體及農工二界鼓吹革命排滿。聞者多爲感動。旋發起中和堂于

叻埠爲進行機關。分會遍設吉隆坡怡保檳羅庇能各埠。從者日衆。保皇會機關之天南新報記者黃世仲黃伯耀康蔭田等亦加入中和堂爲會員。世仲且投函香港中國報自薦。遂由中國報延任筆政。中和堂會所所懸之旗幟卽爲惠州革命軍所用之青天白日旗。吾國人所設公共團體。公然以青天白日爲國徽者。當以中和堂爲最早。



保皇會與天南新報 戊戌政變後。

陳 康有爲首倡保皇會于北美。復親至新
楚 加坡組織分會。富商邱菽園率先從之
楠 遊。且饋資鉅萬。爲起兵勤王之需。
肖 梁啓田歐榘甲梁啓超湯覺頓葉覺邁等
像 先後至南洋相助爲理。其發行書報則

等。故僑商是時加入保皇黨者頗衆。及漢口勤王軍敗。邱菽園以華僑義捐用途不明。漸起非議。唐才常諸友如秦力山朱菱溪陳桃癡等咸至星洲向康有爲算賬。康無以應。而保皇會之騙局乃益暴露。僑商之入彀者。至是始漸脫離康黨關係。而改趨革命一途。

第三十九章 南洋華僑與革命運動

圖南報之發起 新加坡富商陳楚楠別號思明州之少年。閩之同安縣廈門人也。有商店曰合春號。營木廠及罐菓業。與其友潮州饒平人新長美布疋店主人張永福。及張之外甥林義順。咸具革命思想。初納交于邱菽園。得閱清議報開智錄新民叢報等書報。漸醉心新學。癸卯閏



五月上海蘇報案起。楚楠永福義順等激于義憤。因與所設小桃源俱樂部諸友聯名致電駐滬英領事。請援保護國事犯條例。勿引渡章鄒。是爲南洋華僑同情革命之第一聲。其後復集資翻印革命軍五千冊。改名圖存篇。設法輸入漳泉潮梅各鄉鎮。分送

士商各界。收效甚著。繼以提倡革命。非創設報館不可。乃由陳張二人出資組織圖南日報。爲言論機關。初由天南新報記者黃伯耀介紹陳張于尤列。復由尤薦引香港鄭貫一爲該報主筆。鄭以方籌辦廣東報辭。乃改聘中國報記者陳詩仲承乏。黃伯耀康蔭田等均任編輯。該報籌辦于癸卯秋冬間。至甲辰春始出版。其報社設于福建街二十一號。第一日由尤列作發刊詞。署名吳興季子。初以風氣未開。頗惹各商

店反對。僅銷售三十餘份。尋人心日漸歸附。乃遞增至二千數百份。乙巳冬。圖南報辦事人爲華僑謁夏威身殉美約事。發起追悼會于仁濟醫院。先期預請當地華民政務司批准開會。英官謂必須尤列不到會始可照准。楚楠等許之。尤聞之大憤。及期先到會場。登壇演說。痛言遷就外人之非。聞者大鼓掌。英吏無如之何也。時有英船載運政府定購之美貨至叻埠。碼頭苦力激于愛國大義。咸拒絕起運。華民政務司乃商諸譯員何式寬。何曰。若得陳楚楠張永福二君代向碼頭工人疏通。當易爲力。英吏遂延陳張至署。請其設法勸告各工人勿抵制美貨。陳張嚴詞謝絕。英吏謂祇須君等具名解釋英輪所載美貨乃政府先期定購之用品。與尋常商貨不同。卽生效力。不必爲勸告工人語亦可。陳張勉爲署名。此項公告張貼後。不及半日。英輪之貨完全卸陸。英吏聞之。始知圖南報對于社會之勢力。咸爲詫異不置。

秦力山之通信 湘人秦力山于庚子大通起事兵敗後。再渡日本。乙巳春藉中國報記者黃世仲之介紹。欲到新加坡訪陳楚楠。抵坡後。因病不果。及痊愈。卽匆匆赴緬甸。瀕行留書楚楠道歉。是年六月間復由滇邊致函詳述往事。前後兩函均有史料之價值。附錄如左。二函均陳楚楠藏

(其二)楚楠智者大鑒。久耳公名。頗深渴慕。(自港來時黃君世仲以函介紹見君)茲以事過星坡。初以爲識思明州之少年同志矣。然微聞內地志士南來。志存運動者不鮮。以是

林之樞智者大鑒名耳

自漢書時黃居地仲山正合於只居
公名頌你渴慕熱心手過星坡初以為

所以識思明州之少年全委矣然微處而地之
南來志士運動者不鮮以是為援及公

以情趣珍珠園人一元而以為扶有同等一

的来也故元复再来兄

公之諒鄙意表母以鄙乃佐傲則年美胡不

惡故國之事鮮有快意而為書於茲于今日

途經壹加納留此以候一面順安

彭子年稿

壬戌年秋
 筆黃
 印
 山

(其二)楚楠先生俠盜。往歲在港滬間。嘗聞

(其二)楚楠先生俠鑒。往歲在港滬間。嘗聞有思明州少年者。非常傾慕。今春道過星洲。在港起程時。世仲再三言公見義勇爲。囑必奉訪。并致書乃兄伯耀介紹。不料抵星後

。驟因病發。滯仁濟月餘。從未嘗出門。又因言語不通。公邸復遠。俟病瘥後。匆匆下。

船。但以一書交郵道歉。想已達覽矣。交臂之失。罪在不赦。（是日已與公相見。公在仁


濟抱少君就診。至去後始爲告知。鄙人以己亥秋間東渡讀書。明年北行運動拳匪不行。旋

一之書楠楚陳致山力秦

多擾及公。弟以旨趣略殊。恐人一見而以爲挾有同等之目的來也。故不復再來見公。公可諒鄙衷。毋以鄙爲倨傲。則幸矣。胡氛甚惡。故國之事鮮有快意可爲告者。茲于本日首途往孟加納。留以當一面。順問起居萬福。

弟輩黃卽秦力山頓

南赴漢中。與林君述唐創富有一局。秋間率偏師舉旗大通。與滿師轉戰三次。尋敗。繼而漢局全變。其年九月以逼處不得已。燒彼南京之大軍械局。（馬鞍山）是時網羅日逼。遂來星埠見聖人于庇能。始知其為拐騙。乃絕交去。又至日本居兩年半歸。再創設少年中國報。以短于資本。不數月罷去。遂往來長江兩年。去年往來廣東三次。臘月在省城被李準搜索。（疑為保黨之所為）行時又僅存一人。所有行李淨盡。今年原欲入龍州。因友人梁君鎮堂二月初四被捕。所謀成水泡。遂來滇省。頃擬由陸入川。所謀數事。未得十分頭緒。將來能往與否。須數月後始知之。近得港中新聞。閱悉為詩仲辯誣一段中國報所載者。詩仲弟向不見面。秋間叻報大肆簧鼓。弟在坡時。已在貴報與駁詰數次。不料保黨復以相陷。康徒毒餒久已燎原。弟於此尤為深恨。頃著有說革命。已寄贈仰報。貴處原有仰報。故未寄來。（仰報但銷數千份）此書若在貴報重登。仰報無版權係弟贈與者或得照鄰書一例。能鐫刻成本送人尤妙也。共有六七萬字惟此書成于十二日之內。（以弟先欲入川恐趕不及）多有理論未完全之處。將來公如肯俯就一災叢黎。望囑詩耀兩兄為之校斧。或于同胞之理論與條理。均不無小補。弟因鄰書徒事謾罵而不言理。故不得已而有此作也。書中駁詰康黨之處甚多。可一懲其煩餒。餘詳伯耀函中。不縷不縷。敬請教安。弟秦力山



丙午孫中山與新加坡同盟會幹事合照

張秉庚 林義順

黃耀廷 劉金聲

鄧子瑜 尤列

陳和 孫中山

張繼 陳楚楠

張華丹 張永福

吳悟叟 林幹廷

頓中六月二十一

日自雲南邊界

孫君逸仙自巴黎

來信。言六月過

星。約相待一見

。惜弟已來緬甸

矣。想足下已見

之矣。又弟以行

止未定。前途茫


杳。如承復書。

竟無可達之處。

如目的已達。即

將由滇而蜀。復

自長江東下。否



新加坡同盟會會所晚晴園攝影

則將來或有見面之日也。

同盟會之成立 甲辰中山在美獲讀圖南日報。知革命種子已傳播于南洋羣島。特移書尤烈。查詢爲何人所設辦。乙巳六月由歐洲取道赴日。途中自利命布致電尤烈。囑介紹圖南報諸同志相見。迨船抵星埠。尤引楚楠永福義順諸人登輪求謁。并歡迎上陸共商國事。中山以當地政府五年不許入境禁令尙未期滿辭之。并謂在歐時。德法比諸國留學生已成立革命黨團體。此次到日本。即當組織革命黨總部。南洋各埠可設分會。不日當由日本寄來章程及辦法。囑各人預爲籌備。楚楠等從之。中山抵日。遂于是年七月與黃克強馮自由等發起中國同盟會于東京。是年冬復偕胡毅生黎仲實鄧慕韓等取道赴越南西貢。旋至星洲。適是時五年不得入境之期已滿。諸同志遂歡迎登陸。尋倡設同

第三十九章 南洋華僑與革命運動

盟分會。爲南洋英荷兩屬之革命總機關部。假晚晴園爲會所。初次開會加盟者。有陳楚楠張永福林義順許子麟劉金聲黃耀廷鄭子瑜等十二人。公舉楚楠爲會長。永福副之。許子麟爲會記。林義順爲交際。於是規模漸具。會員日衆。更逐漸增設分會于英荷二屬各埠。而革命思潮遂瀾漫于南洋羣島矣。查同盟會員在新加坡入會及註冊者。前後實不滿五百人。今就所知者。錄列其姓名于左。

新加坡中國同盟會會員姓名表

陳楚楠	趙金鼎	李肇基	李曉生	張玉清	蔡漢亮	劉任臣	張永福
趙金生	吳海塗	詹承坡	丘得松	陳逸叟	許夢芝	林義順	陳競儔
陳梅坡	黎仲西	王金鍊	洪芋蛋	陳子纓	許子麟	鄭聘廷	符養華
楊振文	張振東	吳灶安	陳秋圃	鄧子瑜	趙鈞溪	鄧毅	張慎初
陳照和	吳業琛	盧禮朋	劉金聲	蔣玉田	杜輝漢	王寸丹	符天一
余既成	唐璧初	黃耀庭	謝坤林	張欣然	黃崇享	丘煥文	余通
陳夢梅	吳悟叟	留鴻石	王竹三	陳天成	張盛忠	李春榮	符日明
林幹廷	盧耀堂	符開祥	盧蕙航	謝儀仲	吳金彪	王華廷	謝心準

葉玉桑	李子偉	杜之華	邵南棠	葉心齋	胡少翰	何心田	葉耀庭
吳一鳴	梁允祺	蘇漢忠	陳湧波	符益華	何德如	柯蘆生	陳文乾
梁允煊	呂子英	許駿聲	陳松江	劉乚輝	鄧提摩太	陳翼扶	陳裕光
何沛霖	蘇彬廷	郭奇嘉	林受之	孫辛友	李玉塔	張志華	李凌溪
汪聲晉	陳金寺	陳夢桃	李幼樵	許子偉	劉伯浚	李聲餘	蕭竹漪
陳笑	黃乃裳	吳逢超	郭純卿	藍來喜	黃康衢	郭俊人	沈子琴
陳子麥	鄧古悅	何子因	柯西成	黃清讀	丘宗岱	周紀明	許雪秋
陳長生	楊蕃史	黃甘松	鄧祝三	余岱宗	林立宗	魏謂同	劉凌蒼
沈聯芳	丘繼顯	林希俠	劉婉娘	杜棠	陳武烈	陳芸生	符愛周
李思明	周獻瑞	符兆光	郭民波	陳禎祥	葉敦仁	王士先	辜景雲
許雲德	王漢光	黃景瓜	林銳秋	張連士	張仁南	李鏡仁	林文慶
余天中	石養性	許伯軒	陳信藩	胡雲舫	李普仁	陳嘉庚	楊柳堂
杜青藜	林航葦	丘醒虎	方瑞麟	潘兆鵬	丘國瓦	黃廷光	吳炳光
郭淵谷	李爾梓	蘇珊玉	蕭百川	李光墉	陳雪軒	李光前	黃吉宸

第三十九章

南洋華僑與革命運動


第三十九章 南洋華僑與革命運動

蔡蘭谷	蘇聯	吳逸亭	林芳亭	柯漢臣	莊碧峯	陳先進	陳詠商
姚頌民	趙克庵	鄭金	陳書臣	曾紀德	胡伯驥	沈飛龍	陳毓卿
周如切	林裕成	周升翹	徐雪濤	朱觀捷	鄭子輝	藍禹甸	黃甘禮
蔣德九	王漢忠	盧榮宗	褚民誼	王雨若	吳應培	謝已原	陳裕義
王漢天	余御言	陸秋露	周之貞	蕭子璇	吳熾寰	陳文俊	王裔
陳天一	李竹癡	李漢卿	何海星	蘇德天	沈文光	沈德龍	楊俠生
鄭愛	張是富	何仲英	康蔭田	胡亭川	李燦	何達基	李炳輝
李文楷	黃鶴鳴	杜鳳書	勞培	羅幹	周華	羅仲霍	方漢成
劉克明	劉靜山	湯秀山	楊阿洛	楊烏龍	楊國民	譚少軍	陳寬押
方雲藻	徐統雄						

孫中山之通信 中山與新加坡同志發生關係。實在乙巳年六月。其時中山自歐洲乘法國郵船東返。過星時曾約尤列陳楚楠張永福林義順登輪一見。及船過西貢。復致書楚楠報告情形。自後彼此通訊不絕。而南洋黨務遂益發達。楚楠等現藏中山函牘多件。茲擇錄二通如左。

(其一) 乙巳年七月七日函

孫中山致陳楚楠書之二



楚楠仁兄大人足下。星洲一會。欣慰生平。惜爲時匆匆。不能暢叙一切。爲憾。弟今不停西貢。直往日本。先查探東方機局。以定方針。方針一定。再來南地。以招集同志。合成大團。以圖早日發動。今日時機已熟。若不再發。恐時不我待。則千古一時之會恐不再來也。日前所言林氏之親戚。祈將其姓名住址詳開寄我。以得有便。或請他來。今或派人往見他。以聯合閩廣。而共大事。有信寄橫濱如左之住址便妥。

日本橫濱郵箱二百六十一號黎炳垣先生轉交孫逸仙醫生

西貢人心亦大開。已有同志欲創一報館於此。以聯絡各埠之聲氣。惟不知辦法及欠人員。弟今許助補此兩缺點。大約二三個月後由東京南回。則此事可以成矣。此亦一可喜之

第三十九章 南洋華僑與革命運動

事也。匆匆不盡。餘俟再報。此致即候大安不一。各位同志統此問好不另。

弟中山謹啓。七月七號西貢發

(其二)丙午十一月二十二日函

楚楠仁兄大人足下。寄來兩函並巴黎電報。妥收。幸勿爲念。以後寄信仍寄至民報編輯部便妥。有急電可寄東京民報。如此便能交到。且可省電費也。此間現擬設一大事務所。在東京。爲各省會員交通之地。每月經費數百元。皆由會員担任。可見人心之踴躍也。民報于下月二號開一年紀元祝典。租一大會堂爲慶祝所。想到時來會者當有數千人也。李竹癭兄近已回星洲否。前彼約在西貢打票五百元。以邱八兄而取此項。由西貢寄來日本。今到此已月餘。尙未見此款寄到。又不見竹兄有信來。未知邱兄有應其票否。祈爲詢之。復示爲望。吉隆檳城兩地之票有沽去否。弟已發信着他即行止絕。將來沽之票盡行寄回足下代收。如有寄到。務望收存爲荷。其數幾何。祈爲示知。以待發落可也。又兩地如已沽去若干。其錢務代催他盡數寄來日本弟收可也。到日本以來。已謀得數路有可籌款之望。惟何日可以到手。仍未能決。此事一得。便可大開拳。清庭現在恐慌非常。到處戒嚴。然斷無如吾人何也。領事之如此干涉吾黨之事。固爲歐賊(按即歐架甲)所慫

動。而亦爲清政府之號令也。各省督撫亦如是。由北京以去其位。現近日恐無從得其機。然想彼等亦不能爲吾人之大礙也。若能去歐賊。諸事無妨矣。弟離貴地以後。同志進步如何。外間輿論如何。甚念。務望時時示悉。所詢章程批好否。當查幹事。另當公函復答也。此致卽候大安不一。 弟高野謹啓十一月廿二日 各同志統此間候不另

楚楠

永福

諸同志

志下

茲有

東來本會庶務長張君溥泉及會

員曹君亞伯同赴叻單張君擬往他往曹君擬往英國留學

到華時祈善爲招待一切是所切禱東來近狀悶兩君復

悉也中山君已於西三月四日在嘉應發程此函到時大約

亦將抵叻請留張君在此稍待以便會商一切要務至要前

寄上數要並担保者二年常考一切諸情藏留交中山君轉

叻時閱者爲要請常通信並海報處看以賊入寇恨極

并候

二月廿六日

弟陳

自由

由函牘多件。茲擇錄三通如左。

(其一)丙午二月廿六日函

楚楠永福諸同志足下。茲有本會庶務長張君溥泉及會員曹君亞伯同赴叻埠。張君擬往爪

第三十九章 南洋華僑與革命運動

陳白馮自由致南洋同志書

馮自由之通信 新加坡埠與香港交

通最便。故南洋黨務與香港中國報及同盟會關係亦最密。甲辰開辦圖南報。及丙午開辦中興報。均委托中國報以購辦印刷機件及延聘記者等事。卽英荷兩屬各學堂之聘用教習。亦多由馮自由代聘之也。陳楚楠等現藏馮自

第三十九章 南洋華僑與革命運動

哇。曹君擬往英國留學。到埠時祈善爲招待一切。是所切禱。東京近狀聞兩君便悉也。星洲同盟會列位義兄鑒。公武會長業于本月廿四日早抵港相見甚歡。即于廿四日早動程往日本。預計期大約兩月後仍到。貴華希垂察所經營各事。然後前往河內。再會之期亦不遠矣。刻下所策畫諸事前途甚有結果。諸公等努力擴張以爲吾黨最大目的之預備。中國幸甚。吾黨幸甚。

前得楚柳兄函催寄報紙。茲查已於三月初一起寄并寄住世土紙付上以昭信。安今後當益加整頓。爲望代爲擴張。並要中國報局有所謂轉稿一事。公武抵港時於廿三晚的少白。書一世界及第四人等衆言。明不得爲等報之文件及影射諸事。乃廿四日早有所謂報仍舊故神。安局寒期今已移書責之。倘東不悔改則中國報決不任其放縱。其究不在少白而在子鄭贊一也。公等試以此兩報多能辨之。謝元心學爲未由。卿未境。東京李金虎裕長爲朱君炳麟。民報庶務長則爲谷君思慎。各職員若有移動。者華國均有推廣。書乞明見。告并候。華安。

三月廿五日

書記馮自由上

香港中國同盟會公啟

抵港。相見甚歡。即于廿四日動程往日本矣。計期大約兩月後仍到貴埠布置吾黨所經營

香港同盟會致星洲同盟會書

中山君已於西三月四號在馬些發程。此函到時。大約亦將抵叻。請留張君在此稍待。以便會商一切。實爲至要。前寄上數要函。担保者二。平常者一。均請慎藏。留交中山。俟抵叻時開看爲要。請常通信。總匯報竟爲歐賊入寇。恨極恨極。并候義安。

二月廿六日弟陳白馮自由

(其二)丙午三月廿五日函

星洲同盟會列位義兄鑒。公武

黨員向稱中山爲公武。會長業于本月廿三日早

各事。然後前往河內。再會之期。亦不遠矣。刻下所策畫諸事。前途甚有成效。請公等努力擴張。以爲吾黨最大目的之預備。中國幸甚。吾黨幸甚。前得楚楠兄函催寄中國報紙。茲查已于三月初一起寄。并將寄地址之紙付上。以昭信實。今後當益加整頓。尙望代爲擴張爲要。中國報與有所謂轆轤一事。公武抵港時。於廿三晚約少白貫一世仲及弟

諸同志見大鑒
余前在廣州時
由支松堂承領以來股份至今尚未抵足財政之困難可久收至
本月初更達至極點難收亦分此些項則實難支惟在同志
款項等項皆已去年報據代支諸事分給各人收訖而西外
而欠HONOR此乃代支之款業非帳項可比前已此項而時款惟生
今亦見款皆理應入今并推借于公同理不意不能不再而
中若已將各同志之款亦在推借之情形即日收訖下不將扣者
此乃報據據中各同志之款亦在推借之情形即日收訖下不將扣者
即才亦在推借之情形即日收訖下不將扣者

馮自致南洋同志書

四人。當衆言明此後不得爲類于筆戰之文件及影射誣謗各事。乃廿四日早有所謂報仍舊放肆。實爲寒盟。今已移書責之。倘更不悔改。則中國報決不任其放縱。其咎不在少白。而在于鄭貫一也。公等試比對兩報當能辨之。謝君心準尙未由鄉來港。東京本會

庶務長爲朱君炳麟。民報庶務長則爲谷君思慎。各職員略有移動。貴埠團體有推廣否。乞順見告。并候革安。

第三十九章 南洋華僑與革命運動

三月廿五日香港中國同盟會公啓書記馮自由

第三十九章 南洋華僑與革命運動

(其三)戊申西三月九號函

楚楠永福義順諸同志兄大鑒。余君記成前日搭麗生船赴叻。想已平安抵埗矣。各地同志大有進步。良堪告慰。茲有請者。敝報自由文裕堂承頂以來。股份至今尚未招足。財政之困。莫可言狀。至本月則更達于頂點。非收齊各處賬項。則究難支持。屬在同志。故敢直言奉告也。去年敝報代貴報所辦鉛字各物。除已來款四百元外。尙欠一百九十一元八毛九仙。此乃代支之款。實非賬項可比。前已陸續函請歸款。惟至今未見裁答。殊足悶人。今本報陷于萬分困難之危象。不能再函申告。乞俯念同志之誼。及本報困難之情形。即日將款寄下。不勝切禱。此乃敝報圍城中告急公文。千萬注意可也。又田恨海及劉李二君日間即可來叻。并此奉告。此候候安。弟馮自由上 西三月九號

南洋總匯報之分裂 圖南報出版後。南洋各埠保皇會日漸衰退。加以陳楚楠所設之合春號及許子麟所設振源棧。各担任推銷革命書報。如中國報浙江潮湖北學生界江蘇民報洞庭波鳴聲革命先鋒楊州十日記嘉定屠城記亡國慘記等等。均爭相購讀。風行一時。華僑知識遂益進步不已。惟圖南報資本向爲陳張二人所担負。開辦之初。所耗已逾萬金。及添設印務。虧負益多。維持二年。支出不下三萬元。卒以周轉不靈而致停版。圖南報既歇業。陳張復于乙巳秋間

聯絡許子麟沈聯芳陳雲秋諸人創設南洋總匯報。以爲之繼。東京民報且爲之登報介紹焉。是報爲革命派及商人派資本各半。雲秋素主中立。胆小如鼷。力誠辦事人不得登載激烈文字。而編輯人不之恤。仍高談革命如故。至丙午春。雲秋遂提出拆股承讓之議。後乃改爲抽籤。即由抽得者接受報業。結果爲雲秋一派所得。雲秋復約保皇會員朱子佩加股合辦。而總匯報遂成



中興報初版攝影

保皇會一純粹機關報矣。其後康徒歐樂甲徐勤伍憲子等即憑藉此報與革命黨爲敵。


中興報之繼起 中興報發刊于丁未七月

十二日。發起人爲陳楚楠張永福林義順許子麟陳先進鄧子瑜沈聯芳等。初由馮自由代聘中國報記者何子耀司理筆政。何以事辭職。乃改延田桐王斧承乏。出版未久。

即與總匯報爲革命論與立憲論之大筆戰。先後主筆政者。尙有居正陶成章胡漢民林時堧汪精衛方瑞麟林希俠張西林周杜鵬何德如胡伯驥諸人。任事者則有林義順鄧慕韓蕭百川湯百令吳悟叟周華羅仲霍諸人。當兩報筆戰時。中山適由越南移居星洲。寓東陵東明律一一一號。民報

第三十九章 南洋華僑與革命運動

諸記者亦聯翩而至。一齊加入戰線。故是時論壇爭辯之劇。殊不讓于香港中國報與商報及東京民報與新民叢報之激戰也。時中興報銷數達四千餘份。各埠僑民直接受其感化。實非淺鮮。及已酉中山離星赴歐。陳楚楠以歷年爲革命耗資。發生兄弟爭產涉訟事。無力兼顧黨務。張永福亦因商務虧折。幾致破產。中興報負債纍纍。屢次招股。均隨手輒盡。無法抵欠。遂于庚戌夏間停版歇業。聞者惜之。



星洲書報社攝影

星洲晨報與書報社 繼中興報而起者爲星洲晨報。亦同盟會員周之貞謝心準所辦。未及一年卽已停版。更有星洲書報社者。成立于壬寅年。其倡辦人爲鄭聘廷。社址初設于吉甯街。乙巳年乃遷至丹絨巴葛禮拜堂樓上。

社中陳列各種書報。任人瀏覽。中以革命書報爲多。亦宣傳革命機關之一也。戊申黨員何心田何德如胡兆鵬胡亭川等更創設開明演說閱報社。按期敦請民黨名流演說革命真理。實開南洋風氣之先。更有郭淵谷康蔭田何蘆生謝坤林沈飛龍周獻瑞陳鉄漢何心田何柏軒吳逢超何海

星陳毓卿何海塗諸人組織演講隊。每星期日在各通衢爲露天演說。慷慨激昂。聞者感動。辛亥春趙鈞溪潘兆鵬張仁南劉七輝劉凌蒼劉任臣郭淵谷許伯軒謝坤林鄭子輝吳一鳴許夢芝等復發起同德書報社于亞來良街。嗣後南洋各埠書報社相繼成立。均與革命黨員有直接間接之關係。是年夏間黃吉辰盧耀堂等發刊南僑日報爲中興報之後繼。時在武昌起義前數月云。

振武善社之武劇 振武善社爲勸導戒煙之團體。會員不分黨派。一慈善性質之公共機關也。

戊申某月。保皇會員徐勤伍憲子等假座該社開設星洲政聞分社成立會。革命黨員知之。遂有孫眉田桐鄧子瑜等數十人先到會場。謀破壞其事。開會時。徐勤首先報告清廷預備立憲。及該社設立理由。發言未畢。孫田鄧等即大聲喝打。一擁而登講壇。向徐勤亂毆。徐略受傷。狼狽逃下。會場遂一洶而散。經此役後。保皇會遂不敢再有公然開會情事。是年十一月清帝后逝世。保皇黨開會追悼。清領事亦通告各商店。令休業一天。以誌哀感。革命黨員所設商店咸一笑置之。遂有保皇黨人以賄賂使無賴多人。向何心田藥店擲石行兇。卒爲警察干涉制止。而致涉訟。後由英吏判令無賴輩罰款謝罪。而何氏已損失不貲矣。當事起時。有華僑多人以保皇會商家主使暴動。咸欲乘機報復。聲勢洶洶。英輔政司恐釀事端。乃請中山彈壓所部。毋許生事。中山於是印刷告示多張。由警察代爲張貼。事乃平息。清領事及保皇黨人咸

第三十九章 南洋華僑與革命運動

爲駭然。

南洋支部之新章 自星洲同盟會成立後。英荷二屬各地陸續組織分會或通信處者。有百數十埠。概歸星洲統轄。及戊申某月中山自河內移居星洲。更設立南洋支部。特派胡漢民爲支部長。另訂中國同盟會分會總章十六條及通信辦法三條。通告各處團體一律遵守。茲附錄南洋支部通告及同盟分會總章如左。

啓者。近年以來。南洋各處同志日多。各就所處結合團體。以實行宗旨。發展勢力。真有蒸蒸日上之勢。殊可慶慰。今在星加坡設立南洋支部。欲使南洋各處團體，互相聯絡。以成統一。夫欲聯絡情誼。必以消息相通爲主。消息通則情誼洽。情誼洽。則協力相扶。同心共濟。而黨力滋偉。成事可望。故特定通信辦法三條如左。

(一) 今將各處團體通信住址開單寄覽。以後至少每二個月互相通信一次。

(二) 各處團體通信地址有移換時。須即通知南洋支部

(三) 以後如續有新立團體。即由南洋支部(支部長胡漢民)發信通知。各處接信後即寄書新立之團體。賀其成立。且勉勵之。

以上三條望留心照辦。以團結同志之精神。廣通各處之情誼。是所至囑。此致

各埠同志兄鑒

孫文謹啓

中國同盟分會總章

一，本會定名爲中國同盟會。直接受支部之統轄。

一，本會以實行贊助中國革命事業爲職志。

一，本會會員須謹奉宗旨。親寫盟書。當天宣誓。以表其誠。

一，本會公舉如下職員。以司理會中事務。

正會長一名 中文書記 名 理財 名 調查員 名

副會長一名 英文書記一名 核數一名 幹事員 名

一，本會職員定例每年選舉一次。并每會員增至一倍時選舉一次。

一，本會員皆有選舉權及被選舉權。

一，當地會所及一切經費由會員均分担任。

一，凡會員皆有介紹同志入會之權。

一，凡會員能解釋宗旨明白者。皆可任爲主盟人。隨時隨地收接同志入會。

一，凡主盟人收接同志入會後。須將盟書繳交書記註冊。由書記彙交支部收存。發給底

第三十九章 南洋華僑與革命運動

號收執爲據。

一，凡會員既完盡一己之義務。領有底號者。至革命成功之日。得列名爲中華民國創建員。以垂青史。而永誌念。

一，凡會員能介紹及主盟新同志十人者。記功一次。百人者記大功一次。至歲終計功。由會長宣勞嘉獎。並由支部代請本部總理給功牌表誌。至革命成功之日。得與軍士一體論功行賞。

一，本會欲使會衆團體密切。聲氣靈通。特仿革命軍隊編制之法。以組織會衆。其峽如左。（此條請卽施之實事）

以八人爲一排 內自舉排長一人 共八人

以三排爲一列 外自舉列長一人 共二十五人

以四列爲一隊 外自舉隊長一人 共一百零一人

以四隊爲一營 外自舉營長一人 共四百零五人

一，以各列長隊長營長等人員爲會衆之代表人

一，本會辦事各種詳細規則並特別專條。可隨時由職員招集各代表會議訂立。

一，本會各等規則專條。總以不違背支部號令及本會章程爲範圍。

（注意）組織會衆爲營爲隊爲列爲排一條爲極緊要。有此則會員之感情乃能密切。團體乃長堅固。不致如散沙。會中有事由職員通傳於各營長或各隊長。各轉傳於其所屬之隊或列長。則一人不過走報四人知。列長不過報四個排長。排長則報七人知。如此工夫易做。若收月費。會員交于排長。排長交于列長。列長交與理財員。亦事簡而效大也。若不行此法。則他日每埠人多至一千或數千。則無人能遍識會員。而分會機關之職員。亦無從遍知各人之住址行踪也。故必當爲排列。一排長識其所交好之七人不爲難。一列長識三個排長更易。由營而隊而列。猶身之使臂。臂之使指。節節腦筋相連靈活也。

安置河口敗兵之困難 戊申河口革命軍失敗後。所有退入越南境內之將士關仁甫韋雲卿李祐卿關玉山等六百餘人概由法官撥送新加坡。抵坡時。英官初視爲亂民。不許登陸。後經越南總督致電坡督。聲明彼等係革命黨。應作國事犯看待。坡督始准上岸。惟仍押禁于拘留所。中山乃使中興報董事張永福延律師向英吏保釋。并派人招待一切。於是陳楚楠林受之許雪秋沈聯芳等屋宇及在振南街招待所皆收容幾滿。而給養尤形困難。敗兵中有索資返香港者。有病不能起者。有鬧事殺人而招警吏干涉者。有羣聚中興報及中山寓所討伙食者。尤列且因

漢以好言安慰。並交銀心田發給伙食。始得平靜數日。今早已有數人來此。自後必日日有人來滋擾。彼等將以施之中興報者（此計或心田教之）對待弟處矣。如此之事。弟實所難堪。足下愛我特厚。想必聽弟之求。而速行設法開設石山之局。以使他等安身。弟實感恩不淺也。特此懇求。不勝愧慄。並望諒之。此致即候大安不一。

弟孫文謹啓西十月十一日早

七洲府之黨務

七洲府即英屬海峽殖民地之俗稱。凡新加坡庇能吉隆坡怡保吡叻檳榔嶼大小各埠均屬之。丙午中山派陳楚楠林義順至庇能

又檳嶼

設立同盟分會。先後加盟者有吳世榮黃

金慶辜立亭林志誠陳新政丘明昶薛木本陳民情徐洋溢呂毓甫王壽蘭丘有美林福全林如福丘文紹潘奔源丘能言鄭玉指徐宗漢陳璧君王德清鍾樂臣諸人。公舉吳世榮爲正會長。黃金慶爲副會長。翌年世榮等更發刊光華日報。延方次石周杜鵑熊越珊等爲記者。提倡革命之功。不亞于中興報。而毅力且有過之。又有檳城書報社。設在甘菜園九十四號。亦爲金慶等所組織。條理整然。足爲南洋各埠書報社之模範。此外各埠分會。在吉隆坡則有陳占梅阮英舫阮卿雲阮德三王清江劉襟陸秋傑陸秋泰丘怡領王君贊陳秀蓮杜棠等。在怡保則有區慎剛李源水李孝章湯伯令鄭螺生梁榮楠劉業興黃怡益等。在芙蓉則有黃心持譚容蔡熾三朱赤霓伍熹石等。在

第三十九章 南洋華僑與革命運動

瓜勝卑那則有鄧澤如等。在麻六甲則有李月池沈鴻柏等。在關丹則有陸秋露等。在金寶則有楊朝棟等。在林明則有馮子芸等。在太平則有陸文輝陳志安等。在式叻則有鄧清泉等。在麻坡則有湯壽山劉靜山等。在砂朥越則有羅從諫蕭春生李振殿等。於是凡華僑所到之地。幾莫不有同盟會員之足跡。

緬甸之黨務 保皇會在緬甸仰光埠設有分會。其會長爲閩省富商莊銀安。甲辰年發刊仰光新報。主張立憲。與新加坡之天南新報互相呼應。乙巳春。秦力山至緬謁銀安。痛言康梁棍騙華僑及保皇立憲之非。銀安豁然覺悟。而仰光新報之論調亦一變。力山復撰說革命一文登諸仰報。洋洋六七萬言。異常透闢。其後力山赴滇邊運動土司刀沛生等起兵反清。各土司頗爲所動。未幾力山以染瘴得病身死。所謀事遂成水泡。丁未中興日報派林義順許子麟至緬招股。略有所得。越年戊申中山派汪精衛吳應培在仰光設立同盟分會。先後加盟者有莊銀安張永福^{非新加坡之張永福}楊昭誥陳金在徐贊周陳春源周卓林陳鍾靈饒潛川周希堯黃子瑞李德成李慶標李宜琳諸人。舉銀安爲會長。時仰光日報已停辦。乃由銀安等集資開辦光華日報。由呂志伊居正楊振鴻陶成章等迭任筆政。發揮民族民權民生三大主義。甚爲華僑歡迎。旋因事改組。易名進化報。消路不減于前。此外緬屬各埠團體。仰光有覺民書報社。瓦城有振漢書報社。惹新

亞沙漢埠有維華書報社。勃生埠有漢興書報社。勃臥埠有培民書報社。且老埠有新民書報社。靡洛棉埠有漢聲書報社。均爲同盟會員所組織。

荷屬之黨務 荷屬各地同盟會初爲謝良牧李柱中李天隣曾連慶陳方度梁墨荃等所組織。因避荷官干涉。多稱書報社。或稱學堂。各地主持黨務者。泗水有劉亞泗。巴城有梁墨荃李天隣。八打威甲太有許金璋。文島板港有溫慶武李柱中曾連慶。雙溪烈有黃慶元。勿里洋有伍連忠。勿里洞嗎吃埠有歐陽福成。武陵埠有徐雲興。流石埠有藍瑞元。日裏棉蘭有梁瑞祥歐水應李增輝。坤甸有沈復權。三寶龍有李載霖。此外各埠所設書報社百數十處。其著名者。則有蘇門答臘亞齊埠書報社坤甸圖存書報社泗水書報社三寶龍樂羣書報社老巴剎埠書報社野橫埠書報社巴城書報社日裏棉蘭華崇書報社日裏民裏中華書報社等等。又各埠黨員開設之報館。泗水有泗濱日報。及民鐸報。日裏棉蘭有蘇門答臘報。田桐曾任泗濱日報主筆。因著南國篇。涉及荷屬政治。竟爲爪哇政府勒令出境。丁未秋冬間。陶成章遍遊荷屬羣島。大倡光復會。李柱中曾連慶許雪秋陳芸生王文慶等助之。泗水富商蔣報和蔣報禮兄弟亦入其會。故勢力日盛。駁駁有取同盟會而代之勢。戊申河口革命軍起事。汪精衛鄧子瑜奉中山命往荷屬籌餉。至文島時。大受光復會員反對。故收效甚微。庚戌冬。黃克強至南洋籌措廣州起義

第三十九章 南洋華僑與革命運動

軍餉。力勸李柱中陳方度等捐除意見。合力籌款。并派謝良牧曾伯諤劉芷芬等分頭募集。李陳等咸從其言。是役荷屬共募款三萬餘元。而同盟會已散渙之勢爲之一振。

越南之黨務 中山于壬寅河內博覽會開設時。曾至河內與法國當局有所協商。遂于是時結識華商楊壽彭黃隆生甄吉廷張奐池吳梓生諸人。及乙巳東京同盟會成立。河內海防西貢各地先後設置分會。河內料理黨務及傳達內外消息者爲廣東會館書記張奐池。來往同志多由其招待引導。丁未春中山自日本至河內。設總機關部于甘必達街六十一號。經營粵桂滇三省軍事。旅越僑商募捐餉項。爲數不貲。河內同志楊壽彭黃隆生梁秋甄吉廷等。及海防同志劉岐山甄壁等。西貢同志曾錫周馬培生李竹癡等。堤岸同志李曉初李卓峯黃景南劉易初李亦愚顏太恨關唐等。均先後釀助巨款。爲他處僑商所不及。就中以西貢法國銀行買辦曾錫周馬培生所捐爲最巨。中山及汪精衛等數次到西貢。錫周有求輒應。毫無吝色。黃景南開設賣豆芽小店。市人稱之曰牙菜祥。每日輒以營業所得投入撲滿中。貯爲捐助革命之需。時人聞而義之。楊壽彭黃隆生甄吉廷劉岐山等于欽廉鎮南關河口諸役。因供給軍械糧食事爲法官遞解出境。暹羅之黨務 廣西貴縣知縣陳景華因得罪粵督岑春萱亡命暹羅。遂于丙午年與僑商蕭佛成沈荇思等發刊華暹日報于檳角京城。漸主張革命。與香港中國報互通聲氣。先後任筆政者有

康蔭田王斧盧伯琅毅生等。僑商之同情革命者。則有王杏洲陳美堂何少禧陳載之朱廣利馬興順梁挺英等。戊申冬。中山偕胡漢民何克夫胡毅生盧伯琅數人至暹。僑商設歡迎會于中華會所。到會者數百人。越日暹政府即來干涉。限中山于一星期離境。并不許談政治問題。駐暹美國公使聞之出而爲中山助。因得稍延數日。中山遂不再赴會演說。惟祕密組織同盟分會。華僑入會者頗不乏人。舉蕭佛成爲會長。陳景華爲書記。中山居暹十日即返新加坡。留胡毅生盧伯琅二人勸理華暹報編輯事務。已酉馬興順因事回國。暹中保皇會員以馬爲華暹報大股東。特致電粵督。控以附逆黨惡罪名。馬旋在潮州原籍被清吏逮捕監禁。陳景華因之自暹至香港設法營救。卒賴粵紳江孔殷之斡旋。保釋出獄。而馬已奄奄一息矣。

菲律濱之黨務 菲濱律羣島距香港雖一衣帶水。然以美屬入境禁例之故。吾國人來往不易。而革命黨在其地活動亦較他處爲稍遲。甲辰乙巳間。旅菲華僑漸傾心革命。喜閱香港中國公益二報。鄭漢淇歐陽鴻鈞楊豪侶林日安等實爲之倡。乙巳冬更有對美拒約會之設。粵僑捐資以助廣州拒約團體者。絡繹不絕。丙午保皇黨徐勤在小呂宋廣東會館演說立憲。欲乘機開設帝國憲政會。爲楊豪侶等所破壞。卒無所成。辛亥春李其自香港至小呂宋。始設立同盟分會。入會者有鄭漢淇黃三記黃漢傑王忠誠諸人。旋發刊公理報。以鄭漢淇爲總理。是爲旅菲

三十九章 南洋華僑與革命運動

華僑設報之嚆矢。

澳洲之黨務 澳洲各地向屬康黨之勢力範圍。自辛丑梁啓超親遊其地。保皇分會遂林立於雪梨金山美利賓以至紐絲命等處。其時著名僑商殆無不入保皇會藉者。其言論機關曰東華新報。由梁啓超薦唐才常之弟才質主任筆政。丁未徐勤主使何其武暗殺劉士驥事起。保皇會以是分裂。旅澳華僑漸知康梁斂財之真相。多登報脫黨。因與香港中國報發生關係。丙午美利賓埠華僑創設警東新報于羅索爾街一百八十九號。始提倡革命。庚戌雪梨埠致公堂有民國日報之發刊。致公堂爲三點會所組織。其宗旨曰反清復明。故民國日報亦以民族主義爲號召。辛亥三月廿九一役。雪梨美利賓二埠華僑捐資數百磅助餉。均寄雲高華大漢日報馮自由代收。此外紐絲倫島威靈頓埠華僑呂傑朱楷黃國民等亦熱心革命。呂傑曾致書馮自由求入革命黨。馮許其自行填寫盟書郵寄香港。同盟會定例。須主盟人在場始許加盟。呂傑郵遞盟書。實爲創舉。

英屬之書報社 乙巳以後英屬大小各埠相繼設立書報社。其中有純粹爲同盟分會者。有附設于學堂者。有因當地商會或中華會館向爲守舊派或保皇黨所把持。故另創新團體以樹對抗者。此類書報社成立于民元以前者有百數十處。茲就調查所得。錄其地名社名如次。

新加坡公益書報社

新加坡星洲書報社

新加坡同德書報社

新加坡同文書報社

庇能檳城書報社

庇能益智書報社

吡叻華僑書報社

吡叻蒲蘆江秀覺民書報社

吡叻沙叻培文書報會

吡叻安順培智書報社

吡叻拿吃興華書報社

吡叻端洛中興書報社

吡叻萬里望民興書報社

吡叻布先益智書報社

吡叻金寶開智書報社

吡叻美羅萃羣書報社

宋溪詩佛文墨書報社

六條石埠書報社

芙蓉書報社

柔佛公民書報社

麻六甲中華書報社

雪蘭峨士我月埠書報社

實兆遠益智書報社

巴東色海東華書報社

魯乃坡益民書報社

檳榔嶼大山腳華僑書報社

布知埠益智書報社

蔴株巴轄益羣書報社

第三十九章 南洋華僑與革命運動

隆邦書報社

砂勝越啓明書報社

知知埠華商書報社

朱毛埠啓智書報社

高淵埠書報社

打吧埠益羣書報社

紅毛丹達材書報社

吡叻古樓南華書報社

嘮嘮文東書報社

巴生羣智書報社

萬撓育智書報社

金寶中國青年益賽會

雪蘭峨介文書報社

吉隆坡中國青年益賽會

嘮嘮北千光漢書報社

麻坡啓智書報社

甲洞開明書報社

素哩哩開智書報社

安邦埠書報社

叻思埠公益書報社

加蕉埠啓明書報社

雙文丹埠斯文書報社

加影文華書報社

都攏啓蒙書報社

納閩坡啓文書報社

關丹中華書報社

巴里文礁新華書報社

武來岸策羣書報

北般烏山打根中華書報社

甲板埠同德書報社

新馬璽新華書報社

吉礁雙溪丹年新漢書報社

喃巴哇覺羣書報社

文丁埠華商書報社

巴生港中國青年益賽會

古毛埠競明書報社

巴楮巴哈益羣書報社

緬甸仰光覺民書報社

緬甸瓦城振漢書報社

緬甸惹申亞沙漠維華書報社

緬甸勃生埠漢興書報社

緬甸丹老埠新民書報社

緬甸勃臥埠培民書報社

緬甸摩洛棉漢聲書報社

荷屬之書報社 荷屬羣島書報社之多不亞于英屬。多數附屬於學堂之內。故其名即以所屬學堂之名冠之。乙巳丙午間。新加坡中興公司主人張誠忠受荷屬文島各埠華僑之托。欲聘用教員多人。張商諸陳楚楠。陳爲介紹于香港馮自由。於是馮乃分函東京漢口安慶廣州各處機關。請推薦同志赴海外爲教員。是時應聘者有易本義張繼李柱中時功璧陳方度等二十餘人。此外各埠延致之教員。尙有董鴻禕王嘉榘王文慶沈鈞業魏蘭等。均屬留日學生而有心革命者。董鴻禕乃東京早稻田大學所推薦。就聘時尙未畢業。該大學特爲提前考試。用壯行色。荷

第三十九章 南洋華僑與革命運動

屬各校自董易張王李陳時沈魏等設教以來。革命學說遂灌輸于學生及其家長。多在校內附設書報社。以開通民智提倡民權爲務。而書報社遂成革命機關之變相焉。茲就調查所得。凡書報社成立在民元以前者。錄其地方及團體名目如次。

巴達維亞華僑書報社

泗水明新書報社

三寶瓏樂羣書報社

大亞齊書報社

巨港中華書報社

巴城老巴剎書報社

井帝汶同文書報社

南榜書報社

西都文羅書報社

文島板港中華書報社

文島雙溝烈中華書報社

萬隆埠民儀書報社

巴眼亞比亞民德書報社

其沙蘭中華書報社

毛燕埠日新書報社

龍目安班瀾漢光書報社

美崙埠公益書報社

浮盧甘罷中華書報社

東婆羅洲古達馬路中華書報社

山口洋民生書報社

亞齊瓜勝新邦啓文書報社

坤甸圖存書報社

松柏港民萃書報社

萬里望智萃書報社

坤甸白樹脚羣生書報社

締汶叻覺羣書報社

文島如勿士中華書報社

勿里洞華僑書報社

蘇門答臘巴東書報社

監光登宜開智書報社

文島雙溝烈明德書報社

哥踏丁疑覺羣書報社

締汶叻利覺羣書報社

覺厘洞岸黨書報社

日里民禮書報社

日里瓜勝新邦中華書報社

日里直名丁宜開智書報社

日里頓挽中華書報社

日里巴株巴勞中華書報社

日里大棉中華書報社

日里武麗安中華書報社

日里勿叻灣中華書報社

日里火水山中華書報社

日里瓦冷中華書報社

日里籠葛中華書報社

日里新邦知甲中華書報社

日里棉蘭華崇書報社

日里直名丁宜開智書報社

日里瓜勝中華書報社

日里仙遠中華書報社

第三十九章 南洋華僑與革命運動

第三十九章 南洋華僑與革命運動

日里昔冷中華書報社

亞齊士吉利中華書報社

支部移庇能之經過 戊申後南洋黨務雖日發達。然新加坡黨員對於歷年維持中興報及供應各地失敗同志等費。已覺精疲力竭。加以從越南來之河口敗兵。分子複雜。良莠不齊。時有妨害地方治安之行動。于蔡厝港中興石山開設後。尙有搶掠嫌疑案發生。致被警吏拘去石山工人二十一人。經中山多方設法。始獲開釋。時清領事復藉端要求英吏干涉革命黨行動。故黨務進行愈形困難。於是中山決意將南洋支部移至庇能。已酉三月中山首途赴歐洲。而支部亦同時遷地。及庚戌七月中山從日本再來南洋。即挈眷移居庇能柑仔園。是年冬中山復遊歐美。其眷屬仍居庇能。家費則由庇能吡叻吉隆芙蓉四處黨員分任供給。當中山居庇能時。曾通告南洋各埠。令倣美洲黨員新例。將盟書內中國同盟會會員字樣改爲中華革命黨黨員。然爲日無多。事實上未易實行。是時支部既設于庇能。其地黨員黃金慶吳世榮陳新政等奔走甚力。汪精衛在北京謀炸載灃失敗後。暗殺團員陳璧君黎德榮等先後至南洋籌款營救。庇能黨員吳世榮黃金慶陳新政及新加坡黨員陳武烈林義順林禎祥諸人共出資數千元爲營救之需云。

黃花岡一役籌款之經過 庚戌廣州新軍一役失敗後半載。中山從美洲至庇能。黃克強趙聲孫眉胡漢民何克夫謝逸橋謝良牧亦先後至。時黃以粵中黨人元氣大傷。再舉不易。擬改從緬

旬入雲南聯絡滇省軍隊起義。趙聲等亦別有所圖。惟中山力主再謀廣州大舉之議。黃趙均慮籌餉困難。謂非有款十萬以上。不易進行。中山謂財用一層吾可担任。遂約各埠黨員于十月十二日到底能開會商議籌款方法。與議者有黃克強謝逸橋胡漢民謝良牧何克夫熊越珊趙聲庇能黨員吳世榮林世安黃金慶芙蓉代表鄧澤如怡保代表李孝章諸人。中山發言謂現在國內時機已熟。吾人決意在廣州起義。以順人心。請各同志刻即担任籌款。衆咸贊成。議定募足十萬元。便可著手大舉。預計英屬荷屬各籌十萬元。暹羅越南三萬元。美洲在外。即席捐得八千餘元。其餘由各黨員分頭募集。并擬分發捐冊。概以中國教育義捐爲名。免居留政府之干涉。議既定。黃克強謝良牧鄧澤如胡漢民等遂赴各埠從事募款。中山因在清風閣演說革命。爲當地政府所知。遂被限令一星期離境。因有美洲之行。漢民澤如等到星洲。于十月二十四日在晚晴園開會。黨員到者有周之貞沈聯芳盧禮明李孝章陸秋露等百餘人。合得捐款三千元。中以沈聯芳首捐一千元爲最巨。黃胡鄧等復遍歷英屬十餘埠。歷時一月僅得萬餘元。與預算額相差尙遠。克強大爲失望。因力言英屬如不能得五萬元。事必不行。彼惟有仍實行個人主義。向一二權要滿奴拚身一擲而已。各黨員聞之大爲感憤。鄭螺生李源水李貴子黃怡益譚德棟朱赤霓黃心持伍熹石林作舟蔡質三容祝三黃克陳序機李雄章鄧培生陸秋傑郭應章陳增坡王

第三十九章 南洋華僑與革命運動

鏡波陸文輝胡榮寶李夢生劉靜山湯壽山曾德水崔文燦陳占梅李月池陳志安劉植芝蔡卓南張錫銘王月洲曾榮祥曾國樑彭維綱王書仰鄧星南林金福李佐漢葉競爭李耀南李定山羅剗胡葉飛龍黃梓堂古生植楊復漢陳守一楊朝棟鄭有芳張碧天諸人均甚踴躍。前已捐者亦多加捐。漸足五

良牧哥卷在檳城行時得聞 公電

欣慰 尤量因艱需已買不能再得一

明帳若約決之件 弱後從速當

携至若則即時便之籌措一切 港

未均云機合日有進步甘霖一雨 後

泉斯湧不勝仰企之至又謹此不

日未星可占面商一切更 稍存即

步 步 步 步 步 步 步 步 步 步

趙聲致謝良牧書

香港。荷屬担任籌餉者。有

謝良牧劉芷芬黃甲元古亮初

梁紐若鍾幼珊古質山曾伯譚

李柱中陳方度李篤彬吳偉康

陳句士陳伯鵬藍銘三伍連忠

梁瑞祥溫慶武陳玉如藍耀諸

人。越南担任籌餉者。有曾

錫周馬培生李卓峯黃景南劉

易初諸人。暹羅担任籌餉者。有蕭佛成梁挺英朱廣利何少禧沈荇思諸人。統計是役南洋各埠募集所得經革命軍統籌部收到者。英屬共四萬七千六百餘元。荷屬共三萬二千五百餘元。又

辛亥三月鎗殺滿將軍孚琦之溫生財。及是役殉難七十二中之羅仲霍陳文褒李雁南李炳輝李晚周華郭繼枚余東雄黃鶴鳴杜鳳書林修明。辛亥閏六月炸傷滿清提督李準之陳敬岳等。均屬南洋革命黨員。

黃興趙聲之通信 辛亥三月廿九一役以前。黃克強趙聲于離南洋歸香港時。曾分函致各埠黨員催促籌餉。茲擇錄所致謝良牧謝逸橋函三通如左。三函均謝良牧藏

(其一) 趙聲致謝良牧函

良牧哥鑒。在檳臨行時。得閱兄電。欣慰無量。因船票已買。不能再得一晤。悵甚。約認之件。務請從速籌攜至香港。則即時便可籌措一切。港來函均云機會日有進步。廿霖一沛。源泉斯湧。不勝仰企之至。又漢民不日來星。可與面商一切。匆匆留字。即頌

俠安 弟聲頓 初二日

(其二) 黃克強致逸橋函

乙橋我兄大鑒。怡保手上一函。想已入覽矣。今英屬之款大致已有眉目。惟與十萬之數所差甚遠。而前途待辦之事。有如星火。不可遲以分秒。望兄前許之件。速速決心。實行馳赴港部辦事。弟昨由芙蓉出星。擬附日郵(十二日開行)內渡。時期逼迫。無緣來

口稱我為大望。怡保手上一面粗已入
 德矣。今英盾之款大改已有眉目。惟
 共十萬之數。所差甚遠。而前途待辦
 之事。有以星火不可遲以分秒。此
 以前許之件。達。決心實行。地
 港部辦事。弟昨由芙蓉出星。接
 附日郵。內渡時期。遙通無緣。來
 尊處。略商。至為感仄。良牧兄。款事
 小望。詳述。收齊。借其。管理。人。返
 港。切盼。伯先兄。昨亦有函。來。催
 貴。昆仲。意。至。懇。切。因。此。函。上。展。事
 兄。所。商。了。多。故。未。呈。上。當。此。片。請
 籌。思
 良牧兄。統此。未。另。以。弟。與。兄。

黃克強致謝逸橋書

尊處晤商。至為歡仄
 良牧兄。款事。亦望。趕速。收
 齊。借其。管理人。返港。
 切盼。切盼。伯先兄。昨亦
 有函。來。催。貴。昆仲。意。至
 懇切。因此。函。與。展。兄。所
 商。事。多。（展。堂。現。在。西
 貢。須。將。此。函。彙。寄。去）
 故。未。呈。上。當。此。即。請
 鑒。安。

良牧兄統此不另 弟與頓

（其三）黃克強致謝良

牧函

良牧我兄鑒。弟由怡保

自牧我元望，多由收保上一自牧。

貴昆仲已入晚笑，昨又上一函請。

兩列連々決行，以踐前約。弟此以於四州。

府所籌之項，雖稍有眉目，然不敷已甚。

昨序，兄提荷為之，決難開辦。伯先兄。

屬有函來催，兄提荷并約其管人。

四港，蓋因清吏欲移社室於高州，而此即。

實地也。有此一節，昨述者不可。昨夜同。

兄今日未得欣慰，無極及船而不可。

兄來定，另有他故差池耶。乙橋之所。

謀之事，亦無位其速行。無係說說。我。

四軍今日為此最慢，一舉必得決力完。

全，預備方無失，然昨日抵港，兄先電知。

弟今日附日郵行，笑不及相候，悵悵無。

似為此作請。

大弟。

弟黃興

二十日

黃克強致謝良牧書

上一函於貴昆仲。想已入覽矣。昨又上一函請兩兄速速決行。以踐前約。弟此次於四洲府所籌之款，雖稍有眉目。然不敷已甚。非得兄提荷屬之款，決難開辦。伯先兄屢有函來催兄提款。并約其管理人回港。蓋因清吏欲移新軍于高州。明正即實行也。有此一節。非速著手不可。昨夜聞兄今日來埠。欣慰無極。及船到。而不見兄來。豈另有他故差池耶。乙橋兄所謀之事。亦乞促其速行。

第三十九章 南洋華僑與革命運動

無俟觀望。我輩今日爲此最後之一舉。必多得資以爲完全之預備。方免失敗。何日抵港。乞先電知。弟今日附日郵行矣。不及相候。悵惘無似。留此卽請

大安

弟黃興頓 十二午刻

辛亥光復之助餉 辛亥八月武昌起義。閩粵二省先後響應。時星洲黨員發起籌辦廣東救濟保安捐。假總商會爲會所。舉羅卓甫爲總理。廖正興副之。沈聯芳陳楚楠張永福趙克菴岑侶豪湯湘霖黃甫田陳競疇葉耀庭周升翹趙鈞溪許柏軒劉七輝吳勝鵬吳世勝符養華陳毓卿陳梅坡潘兆鵬沈子琴陳保三潘春陽黃澤輝黃有淵藍森堂陳翼扶等各任幹事。總計籌款二十餘萬元。繼復發起福建保安捐。先由張永福陳楚楠張順善陳嘉庚洪福彰陳武烈設法向福建平糶局撥款二萬元電匯福州黃乃裳應急。旋在天福宮畫一軒開會。舉陳嘉庚爲總理。陳順善副之。陳先進張永福陳楚楠葉敦仁陳禎祥陳武烈留鴻石洪福彰薛武院陳子纓李浚源殷雪村謝有祥等爲幹事。亦陸續籌匯二十餘萬元云。

第四十章 丁未潮州之役

許雪秋略歷 初次謀取潮城之失敗 二次謀取潮城之失敗

預備再舉之計畫

許雪秋略歷 許雪秋。潮州宏安鄉人。父經商南洋致富。爲僑界巨擘。許幼隨父往星洲從事商業。性慷慨。任俠好客。縉紳士夫江湖俠客咸樂與之遊。有小孟嘗之稱。其父故後。許得遺資。以好交遊。隨手輒盡。壬寅癸卯^{清光緒二十七年}間。福州人黃乃裳漫遊南洋馬來半島。鼓吹種族革命。閩粵僑民多爲感動。許以黃年高志壯。異常傾倒。遂納交焉。是時保皇黨所設星洲天南新報早已閉歇。與中會員尤列組織中和堂。僑商陳楚楠張永福許子麟等倡辦圖南日報。均屬宣傳革命機關。故南洋各埠華僑之民族思想日漸蓬勃。許目擊祖國時局之艱危。慨然有實行革命捨我其誰之志。遂邀黃乃裳陳宏生諸人聯袂返國。企圖大舉。甲辰年^{清光緒二十九年}九月至汕頭。即約合同志陳芸生吳金銘李杏波吳東昇等。于是月十九晚在宏安鄉故居寄雲深處立壇開會。宣誓傾覆滿清。相約分途担任招攬同志及籌劃軍餉二事。是爲許從事革命運動之開始。

第四十章 丁未潮州之役

第四十章 丁未潮州之役

初次謀取潮城之失敗 許經營數月。成效漸著。得同志吳金銘蕭竹荷李子偉吳金彪余丑余通陳湧波林鶴松劉龍蒼林蒼龍黃得勝林惠卿謝明星薛金福劉榮華羅木斗等數十人。勢力日盛。

。遂于乙巳年

清光緒三十年

正月十二夜召集諸同志在寄雲深處開會討論起事方略。推定雪秋任革命

軍司令。統領一切職權。陳芸生任閩粵度支部長。吳金銘任參謀長。李杏坡任書記。李子偉任會計。吳東昇任交際。吳金彪蕭竹荷任稽查。并議派陳宏生赴福州謁黃乃裳商議閩省響應事。李杏坡担任聯絡學界事。吳東昇担任聯絡各省同志事。吳金銘担任聯絡黃岡余通余丑陳湧波等合作事。於是各事進行粗具端倪。許更設法向潮汕鐵路當局運動取得承辦鐵路建築工程之特權。密派余丑余通陳湧波等爲築路工頭。使招集同志七百人充鐵路工人。復由吳金銘以紳士名義稟請道府鎮台。准在潮安上七都祠招募團練四百名。亦以同志充之。均約定三月十五日同時起事。詎因李杏坡用人不慎。其部下在華美鄉運動事洩。被總鎮黃金福偵知。遂派哨官梁棟元將杏坡拿獲斬首。杏坡既遇害。吳金銘同時被捕。劉龍蒼乃約邑紳郭竹君等聯名保釋。旋復有人告發。謂吳劉俱革命黨。辭連許雪秋。道府派委員陸桂元劉英生密查。許聞之。乃身懷手鎗。隻身向潮州道署自投。侃侃抗辯。道員某以許曾捐納道台銜。係地方大紳。且屬舊識。遂不深究。併吳劉二人釋之。許經此次蹉跌。乃自赴南洋募集經費。企圖再

舉。

二次謀取潮城之失敗 丙午春間。中山自日本至新加坡。許雪秋素慕中山名。挽張永福爲之介紹。并加入同盟會焉。時中山方有志圖粵。以許在潮州各屬極有勢力。遂引爲左右手。立委任爲中華民國軍東軍都督。使在潮嘉等處相機發難。是年冬。許自汕頭至香港謁馮自由。



謂事機漸熟。請電東京本部派同志回國相助。中山乃派留學生喬義生方漢成方瑞麟李思唐郭公接張煊方次石及日人營野長知池亨吉等先後赴香港。抵港後吉。方瑞麟方次石張煊郭公接先至汕頭訪許雪秋。遂約各路主任在宏安鄉許宅大會。決議定期丁末年清光緒三十三年正月初七

日大舉發難。派定蔡乾初担任籌款。薛金福偕喬義生李思唐張煊郭公接往饒平浮山埠布置一切。屆期率衆于夜間進攻潮州府城。黃偉齋率潮城內十八館各同志爲內應。余丑余通陳湧波蔡德吳煥章偕方漢成赴黃岡。羅飛雁赴揭陽。黃得勝赴惠來。謝良牧謝逸橋吳東昇李子偉等

第四十章 丁未潮州之役

暗率同志多人藏匿於潮汕車站蔡家祠敵山台潮安內城各處。均預備分頭響應。陳芸生蕭竹荷担任運動揭陽砲台兵弁反正。一切籌劃均已就緒。及期。許與謝良牧方瑞麟李次溫等策馬馳往潮城。在湘子橋下之小舟守候。將馬拴于東門外之舖欄。專候各地同志來會。以便率領進攻。詎是夜春雨淋漓。黃偉齋先引同志數百人自浮山行至澄福舖。忽然風雨大作。不利行軍。各鄉同志來會者。亦以集合不便。旋聚旋散。黃偉齋薛金福等恐首尾隔閡。往來傳達消息者數次。至東方發白。尙無動作。許知事已中變。始囑黃偉齋通知各地同志暫行分散。又以一時不易繼起。更下令各路主任取一致態度。暫停動作。以待後命。

預備再舉之計劃 許雪秋經此挫折。乃赴香港報告起事中變情形。並電告中山。旋得中山復電。謂起事時期須與惠州欽廉相同。以便牽制清軍。萬勿孟浪從事。致傷元氣。於是衆議暫緩進行。專候惠州欽廉消息。以定進止。并擬設法由日本購械運至黃岡埤洲港起陸。然後舉事。許雪秋謝良牧李思唐方瑞麟等同寓香港蘭桂坊聽候電音。喬義生池亨吉駐汕頭幸阪旅館。担任接洽同志傳達消息等事。方漢成方次石駐黃岡籌備發動。迨三月下旬。余丑陳湧波到港。報告黃岡同志被清吏捕去二人。各同志極形憤激。擬先行舉事。以便營救。獨自由胡漢民以與原定計劃不符。再三勸阻。囑其務以大局爲重。暫候中山命令。余陳等均以無法制

止爲請。馮等乃令其回黃岡與諸同志磋商。如可稍候。則可候至中山命令到時。與惠州欽廉同時發動。倘必不能制止。則宜先行電知。以便準備一切。并交余陳帶去電稿一紙。惟余陳去後。消息杳然。至四月十一日而黃岡舉兵之事起。

第四十章 丁未潮州之役

第四十一章 丁未黃岡之役

第四十一章 丁未黃岡之役

先期起事之原因 佔領黃岡之戰況 黨軍略地之布置 粵閩兩
省之出兵 汕頭香港之接應 十五日之劇戰 黨軍解散情形
是役同志之調查 周馥之奏摺 香港籌餉之失敗



陳雲肖像

先期起事之原因 潮州饒平縣屬黃岡爲三點會最盛之區。余丑余通實爲之首。許雪秋夙與
聯絡。丙午冬嘗偕二余赴香港謁馮自
由。紹介入同盟會。丁未正月初旬。
余奉許命。在饒平屬浮山墟聚衆千餘
人。預備發難。因布置不及而止。當
時饒平知縣鄭瑞麟聞警。會稟潮州道
府請防患未然。道府即派委員往查。
而委員竟以所稟不實報。嗣後余等運
動益力。專候香港機關部命令發動。四月初旬。黃岡都司隆啓同知謝蘭馨偵悉所屬有黨人聚

衆開會。形迹可疑。稟請潮州鎮總兵黃金福。多派井勇緝捕。黃鎮乃于初十日派守備蔡河宗帶兵四十名前往。既至。紮于城內關爺宮。適是晚北門外頂橫街鄉民演劇。防兵因在臺前調戲婦女爲羣衆攻擊。遂回營報告蔡弁下令拿人。旋被捕去余姓二人。指爲黨徒之父兄。帶交協署究辦。

佔領黃岡之戰況 先是黨軍久欲乘間起事。因械缺遲遲未發。迨聞同志二人被捕。余丑陳湧波等即集合同志于城外連厝墓。商議營救二人之策。僉謂非速攻擊蔡弁。二人必不能生還。於是聚衆千餘。于十一晚九時往撲協署。與蔡軍劇戰。由戌至寅。勝負未分。陳湧波主張分兵攻城內各衙署。以孤虜勢。於是一面與蔡相持。一面往攻各署。須臾各署清吏或逃或死或被執。而黨軍亦將協署頭門焚燬。蔡軍失其屏障遂降。黨軍復入拓林司署。擒其司官巡檢王繩武及城守把總許登科。均以抗命行誅。都司隆啓軀幹肥碩。則加以大枷。囚諸別室。惟黃岡同知謝蘭馨逸去。是役黨軍陣亡二人。傷者十餘人。十二日事也。

黨軍略地之布置 黃岡既克。黨軍遂依革命方略所規定布告安民。令各行店照常交易。剷除一切苛捐。人民悅服。同時收各衙署之械。計得土鎗千餘。多殘缺不可用。衆以火器不利。且香港汕頭方面主要人員未來。遂未進兵。時有人主張速攻潮郡及分攻詔安二策。因部署

第四十一章 丁未黃岡之役

未定。卒不見用。


粵閩兩省之出兵 清兵備道沈傳義懾于黨軍聲勢。挈眷逃至汕頭。數電粵督周馥告急。周督乃令統帶胡宜率第十二營。水師提督李準率親軍三營續備隊一營。迅往救援。并電商閩督請派漳州鎮馬某督帶福毅常備軍赴詔安堵截會攻。另電痛責總兵黃金福立功自贖。黃鎮不得已率其部下往扼汫洲要道。於是有十五日之戰。

汕頭香港之接應 是役之發動。事起倉卒。許雪秋雖掛銜東軍都督。遠在香港未來。遂由余丑暫主其事。十四日方漢城陳宏生從汕頭趕至。衆以陳爲許之助手。暫推爲臨時司令長。而以孫文名義布告一切。合邑翕然。是日蔡德在外孚山市捕獲潮郡巡警總局督帶邱焯及偵探林清等數人。械而誅之。香港機關部至十三日始知黃岡事已發動。是早各報電報略有登載。方次石因在廈布鄉製炸彈失慎受傷。由汕頭至港。卽偕許雪秋謁馮自由胡漢民等報告各事。十四日許率同志十餘人赴汕。李思唐自攜炸彈七枚登岸。其餘同志則分赴各地催促響應。就中有黃二者。因欲搭車赴潮州府城。在車站被捕。清吏嚴刑訊之不屈。遂以身殉。

十五日之劇戰 十四晚黨軍探報黃金福駐兵汫洲。該處濱海。離黃岡僅廿餘里。衆議往攻。推陳湧波率隊往。黎明始至。爲邏卒所覺。遂接戰。先是汫洲林姓時與港西各姓械鬪。林

姓用石建築砲台。以避彈丸。兩軍對壘時。該台早被清軍據爲屏障。陳湧波卽分黨軍爲二。猛勇進攻。然地形險峻。而土砲不敵洋鎗。至午遂北。傷數十人。死十餘人。陳湧波旣敗。卽命蔡德赴黃岡求援。黨衆聞耗幾潰。余丑乃披髮誓衆。衆感動。誓以死戰。聲勢復壯。蔡德復率衆往救。以清軍武器精。能及遠。黨軍不能支。乃羣負濕水棉胎。藉以避彈。易鎗爲刀。與敵撲戰。清軍陣勢大亂。將次潰退。忽喇叭聲大震。清軍遊擊趙祖澤在堅灶率兵由水路至。將敗之清兵得此生力軍爲助。勢復振。黨軍前後受清軍夾攻。所發土鎗不能及遠。死傷數十人。漸失其戰鬥力。遂下令退却。而麻峽頭旋亦被佔。清兵離黃岡僅十里耳。十七日潮州知府李象辰發貼安民文告如下。

照得黃岡匪徒形似猖獗。其實烏合之衆。遇戰則靡。無能爲役。昨前兩日黃軍門至井洲。以防勇三百名。匪三千。連獲勝仗。斬首二十餘級。鎗斃二百餘名。并陣斬匪首余單眼卽余二。生擒匪首余天保之父余錢。刻下樟林平湖鋪三峙嶺蓮花山均扼以重兵。遏匪上竄。嘉應防營由大埔饒平節節進剿。李提台督帶親兵並新練軍巡防隊共八營。乘輪將至。九屬土勇並本府新招一營。四關城內團練五百名。縣勇百名。均已成立。指日會赴黃岡。四面合圍。將匪徒聚殲不遺噍類。爾居民商賈人等務須各安生業。照常交易。切



戊申 新加坡 命黨 員歡 迎黃 岡革 命軍 首領 余丑 余通 陳湧 波等 攝影

勿聽信謠傳。中心惶惑。倘有造言生事之徒。囤積米穀。或將存款支取。遽行遷徙。冀以搖動市面。從中取利。則是地方奸民。實于治安有害。一經查出。定即拿究。在郡候補人員尤不得遽將家屬搬遷。及本員私行離郡。如違參辦。決不寬貸。除飭查外。爲此出示曉諭。

黨軍解散情形 十六日兩軍並未接仗。黃金福不敢越雷池一步。欲俟省城軍至。然後進攻。黨軍余丑陳芸生陳湧波方漢城等開軍事會議討論進止。僉以械劣彈乏。不堪再戰。宣布解散。并留一部退入烏山嶺。徐圖再舉。

。所獲之清吏隆啓及降弁蔡河宗。則訓諭一番而開釋之。至晚余等相繼逃亡。而失其黨籍。故十七日黃金福入城後。得以按圖索驥。慘殺鄉民二百餘人焉。有距黃岡百里之東灶鄉。因煮粥以餉黨軍。黃以爲包庇黨人。下令焚燬其祠堂及大屋十餘間。慘不忍觀。是時許雪秋喬義生日人營野長知方在汕頭幸阪旅館。計畫豐順揭陽惠陽潮安各縣響應事。因時有偵探窺伺。乃移居角石醫院。詎十六晚方漢成等已由黃岡抵汕。報告黨軍解散情形。衆大懊喪。許等仍擬設法轟炸李準運兵輪船。以圖再舉。因戒備嚴密。無機可乘而止。復以事無可爲。遂同乘蘇州丸至香港。仍寓蘭桂坊。未幾余丑余通陳湧波諸人亦攜眷搭帆船抵港。

是役同志之調查 參加是役同志之姓名籍貫及其結果。據民十七春間調查。列表如次。

姓名

籍貫

結果

許雪秋

廣東潮安縣

民元被吳祥達所殺

陳宏生

廣東潮安縣

民元被吳祥達所殺

余丑

廣東饒平縣

民元因衛兵放鎗失慎致死

余通

廣東饒平縣

在新加坡病死

陳湧波

廣東饒平縣

民元被吳祥達所殺

第四十一章

丁未黃岡之役

第四十一章 丁未黃岡之役

吳金銘 廣東潮安縣 民元被吳祥達所殺

劉龍蒼 廣東潮安縣 病死

余永興 廣東饒平縣

薛金福 廣東興甯縣 前清被黃金福所殺

羅飛雁 廣東豐順縣 被其鄉人所害

黃偉齋 廣東潮安縣 病死

黃得勝 廣東惠來縣 病死

吳金彪 江西人 病死

林鶴松 廣東揭陽縣 民元後被洪兆麟所殺

謝明星 廣東揭陽縣 前清被官吏所殺

謝良臣 廣東澄海縣 病死

林希俠 廣東饒平縣

喬義生 山西人

方漢成 安徽人 民元後經商

張煊 廣東大埔縣

郭公接 廣東大埔縣

在南洋被汽車傷斃

方次石 廣東普甯縣

民元後被龍濟光所殺

林偉侯 廣東饒平縣

曾杏村 廣東澄海縣

謝良牧 廣東梅縣

李次溫 廣東梅縣

李思唐 廣東梅縣

謝逸橋 廣東梅縣

病死

蔡乾初 廣東澄海縣

許鴻初 廣東澄海縣

陳四 廣東澄海縣

病死

陳雨合 廣東潮安縣

病死

李子偉 廣東澄海縣

第四十一章 丁未黃岡之役

第四十一章 丁未黃岡之役

蕭竹猗 廣東潮安縣 病死

吳東生 廣東惠來縣

洪勝南 廣東潮安縣

許佛童 廣東陸豐縣

黃二 廣東惠來縣 被黃金福所害

張順 廣東惠來縣 被清吏所害

高壽田 廣東澄海縣 民元被吳祥達所殺

陳二九 廣東陸豐縣

萱野長知 日本人

池亨吉 日本人

周馥之奏摺 附錄清粵督周馥奏陳黃岡革命軍起事情形摺如下。

竊查潮州府饒平縣屬黃岡地方。於光緒三十三年四月十一日夜猝被匪徒戕官踞寨。卽經署潮州鎮黃金福率勇馳任剿辦。臣接據署理惠潮嘉道沈傳義等電報。先行電飭鄰近附營馳往堵剿。一面派提督臣李準酌帶水陸隊伍繼進。並電咨閩浙總督臣松壽撥隊防堵。數

日間卽行剿平。業將大概情形先後電奏在案。查黃岡地方前明因防海盜。設有寨城一座。向駐副將都司同知巡檢官。現在副將缺已裁撤。兵額亦減。不免稍覺空虛。該處距潮州府城並饒平縣城各九十里。與福建詔安縣連界。素有三點會匪。迭經嚴緝。此拿彼竄。迄未盡絕根株。此次黃岡土匪起事。變起倉卒。據李準黃金福沈傳義等電稱。係外匪陳芸生勾結會匪余丑卽記成曾金全余錫天及福建詔安縣屬白石鄉匪首沈牛屎後嶺鄉匪首沈家塔等。先在詔安縣屬烏山饒平縣屬浮山拓林等處拜會。本年正月沈牛屎等帶來鷹球票布銀紙分給會黨。刊刻僞示諭帖。原圖搶劫已裁黃岡協署舊軍槍械起事。因一時無隙可乘。未敢蠢動。適於四月十一日警兵拿獲匪夥邱保張善二名。會匪張添賜告知匪首余丑糾黨打奪。經都司隆啓巡防營哨弁蔡河宗率兵將犯押入協署。匪衆圍攻。弁勇堅禦。至次日辰刻子礮用盡。匪黨漸至。焚攻益力。兵勇傷斃無多。力竭被困。維時黃岡同知謝蘭馨城守把總許登科署拓林司巡檢王繩武各率兵差巡警抵禦。奈賊衆兵寡。援絕力盡。把總巡檢登時被戕。同知被虜。各匪遂佔踞衙署。焚拆關廩局所。搶劫副將都司兩署舊械。號召各路匪黨。逼脅鄉民。串同外匪陳芸生等。卽於十四日乘機入寨。將所刊僞示填寫四月。妄稱大明軍政都督府孫等字樣。堅旗起事。分發僞諭。勒索殷富銀米。脅

第四十一章 丁未黃岡之役

從願衆。下寮東灶各匪鄉皆濱海。漁戶糾合外匪。船載而來。分爲水陸兩黨。水路踞古樓山後。陸路踞寨。此當日匪黨起事之情形也。該管潮州府知府李象辰饒平縣知縣鄭世麟集團固守府縣城池。分堵要隘。署潮州鎮黃金福帶兵馳往距黃岡三十里之井洲。相機進剿。惠潮嘉道沈傳義馳往汕頭保衛華洋商埠。並電致福建漳州詔安府縣防堵。十三日府城巡警營帶官外委邱焯五品軍功林清帶勇四名前往偵探。遇賊陣亡。十四夜匪撲井洲。黃金福率隊出戰小勝。斃匪數十名。是夜五鼓後。匪大股數千分路包抄。我軍分頭接仗。傷斃賊匪百餘人。賊勢少却。十五日黎明。賊分五路。水陸並進。適巡防第九營管帶官趙祖澤繼至。督弁徐士庶陳德等分路迎擊。爭先衝殺。陣殺悍匪百數十名。奮獲旗幟馬匹槍械多件。賊衆退三里外之大澳山脚。佔住村房。我兵追擊。奪取大澳山。賊衆且戰且却。我軍悉力猛攻。相持至十五日戌刻。賊黨傷亡甚衆。我軍亦陣亡十餘名。受傷七名。正在酣戰之際。大雨傾盆。賊衆奔逃。是夜五鼓。我軍出其不意。奪取距寨數里之古樓山。賊衆死守不出。十六日夜該道沈傳義運開花礮子碼到營。正在拔隊追逼。賊衆棄寨潛逃。當即分路進至東灶。毀其巢穴。直抵黃岡。救出都司同知哨弁三員及勇丁二十一名。查明槍械盡失。並失去裁缺副將關防及同知關防各一顆。並在賊巢搜出偽

印及票布僞示板片軍火多件。其僞檄示語悖逆。僞檄無姓名年月。僞示有都督府孫字樣。據提督李準言。獲訊各匪並不能指出孫姓係何人。顯係匪首陳芸生等附和孫逆。有意煽惑。此十二至十六等日官兵擊平各匪救出被虜官兵之情形也。當匪氛初起之際。號召黨羽。勢甚披猖。後知大兵將臨。海面並有兵輪堵截。匪聞風膽落。井洲戰敗。古樓奪回。棄械紛散奔逃。十八日提督李準督軍到境。聲勢大振。派兵會合追搜。獲匪頗多。各軍起獲槍械甚夥。黃金福馳至分水關。與福建軍官相見。查得詔安縣並無股匪竄入。居民安謐。是役也。官軍接仗七次。殺傷賊匪五六百名。自該匪起事以來。六日之間即行撲滅。未擾村鎮。亦未擾及鄰境。地方一律平靖。戕官匪首余昇第擒獲正法。曾金全業已陣斬。在逃之陳芸生余丑余天錫等仍飭四路搜捕。務絕根株。查此次匪徒起事。該管文武不能先事預防。致出戕官踞寨重案。厥咎甚重。相應請旨將實任黃岡同知謝蘭馨署黃岡都司隆啓調署饒平縣正任廣甯縣知縣鄭世麟巡防營弁哨督標候補千總蔡河宗一併革職。署黃岡守備裁缺鎮標左營左哨千總黃其蕃先已另案革職。尚未交卸。此次復剿匪不力。應請從重發往軍台効力贖罪。該管鎮道府並不同城。例得免議。且一經聞報。即行進兵撲滅。辦理尙屬迅速。擬懇恩施。免其議處。至署拓林司巡檢王繩武巡城把總許

第四十一章 丁未黃岡之役

登科鎮標拔補外委邱焯五品軍功林清爲匪所戕。死事慘烈。相應籲懇天恩。敕部從優議卹。以慰忠魂。一切善後事宜。責成該道府等會同該鎮。督率營縣妥辦。並與福建文武議定稽查會哨之法。以期永保治安。遺失裁缺副將並同知各關防設法查起。分別送銷換鑄。謹奏。

香港籌餉之失敗 在潮州革命軍將發動前。中山嘗親書一函致香港富商陳庚如陳席儒楊西岩三人。請合籌軍餉十萬元。爲惠潮梅革命軍大舉之需。該函乃由河內郵寄馮自由。令交陳少白辦理。蓋少白于丙午春即協助陳楊等設會反對粵督岑春萱攘奪粵漢鐵路事。一切計畫咸出其手。時中國報尙由少白主持。故亦不啻爲陳楊等所設粵漢鐵路股東維持會之機關報。中國報之被粵吏禁止輸入廣州。卽由于此。因是陳楊等對于少白。頗能言聽計從。當中國報被保皇黨控告時。參閱本書上編第二十三章第一七四頁陳楊等嘗對陳少白馮自由等言。願出資萬元向文裕堂購買中國報。以酬謝革命黨人協助彼等之勞。及中國報瀕于破產。陳楊等竟食言而肥。始由馮自由李紀堂李煜堂等集資購受。方不致落于保皇黨之手。中山與陳楊等原屬舊識。且因中國報兩年來協助陳楊等爭路之關係。故親致函請其助餉。詎少白得書後。謂陳楊等非有心革命。向之籌款。徒傷感情。遂退回原函不允代交。馮自由乃由中國報將該函直接送交德忌利士輪船公

司陳庚如簽收。陳係來往香港汕頭之德忌利士輪船公司買辦函去數日。卽遇黃岡革命軍起事。全粵震動。馮以陳楊等

久無復書。乃使李紀堂赴德忌利士公司訪庚如探其意見。庚如竟對李揚言革命黨起事爲妨害商務。殊屬不智。如此次黃岡作亂。彼之輪船公司營業大受損失。卽爲明證等語。李以庚如此措辭。遂據以報告中國報。同盟會諸同志以陳楊前既不踐協助中國報之約。已屬負義。此次既不助款。尤復公然反對。咸爲憤激。次日中國報卽著有「民族與鐵路」一文。痛論「今日救國須以實行民族主義爲根本問題。根本既解決。則其他枝節可以迎刃而解。爭路事件不過枝節之一端。有志救國者應從根本設想」云云。中山初意陳楊三人必能助餉以接濟惠潮之革命軍。至是始完全失望。

第四十二章 丁未七女湖之役

第四十二章 丁未七女湖之役

惠潮同舉之計畫 鄧子瑜之活動 七女湖之戰况

清軍之敗北 解散後情形 清吏之文電

惠潮同舉之計畫 當中山派許雪秋赴潮汕運動之時。原定惠潮兩府同時並舉。以分清軍之勢。先後派遣黃耀庭余紹卿鄧子瑜三人從南洋返香港辦理惠州及陽江陽春等處軍事。黃在庚子三洲田一役。曾任革命軍先鋒。以善戰聞。與惠屬會黨素有關係。故中山特派回粵。使担任一方面之任務。丁未^{清光緒三十三年}三月下旬。黃至香港。與汪精衛廖平子同寓寶慶坊機關部。不數日。陳少白來報告。謂香港警局已知黃入境。囑其注意。黃聞訊。倉卒返新加坡。徒由馮自由手領去公費一千二百元。未收寸效。事後。中山謂其犯畏葸病。良不諱也。余紹卿爲兩陽大盜。亡命竄南洋。中山以其可用。故遣之歸國。担任陽江陽春及惠屬一方面軍事。三月上旬至香港。向馮自由領去公費一千五百元。旋入內地。去後杳無消息。不知所終。

鄧子瑜之活動 鄧子瑜惠州歸善人也。任俠好義。有朱家郭解之風。向在香港新加坡間營旅館業。惠屬會黨之避地南洋者咸奉之爲東道主。其友陳佐平溫子純亦在港開設旅館。與內

地會黨聲息相通。鄧倚之如左右手。是年三月。鄧以中山命返香港。佐黃耀庭進行軍事。黃去。遂由鄧負全責。四月中因潮州軍事緊急。乃派陳純林旺孫穩等在歸善博羅龍門等處分三路起事。結果三路中僅有一路發動。即七女湖之役是也。

七女湖之戰况 七女湖距惠州府城二十里。歸善縣屬之著名墟場也。陳純林旺孫穩等集合少數會黨于四月二十二日起事。一舉而刦奪清軍防營鎗械。斃巡勇及水軍巡船哨弁多人。二十五日進攻泰尾。守兵聞風而逃。於是連克楊村三達等墟。二十七日至柏塘。清營勇拒戰。黨軍殺其哨弁一名。盡繳其械。隨分攻八子爺公庄等處。各鄉會黨紛紛來會。聲勢大振。惠城人心異常恐慌。是時惠州府縣兩城商董有電廣州營務處告急。電文云。

營務處憲鑒。惠州向稱盜藪。近因欽潮肇事。歸善博羅土匪潛圖蠢動。警報迭聞。今日辰刻距府城二十里土名七女湖。水巡扒船被刦。斃勇奪械。該墟被掠。聲勢頗張。并聞由港澳逃來及村鄉伏莽者。數以千計。府城營勇調遣四散。城內兵單。人心惶恐。伏乞迅速撥勇卽日到惠駐紮城中。以鎮人心。而安商業。惠州府縣兩城商董叩。

清軍之敗北 粵督迭接惠州府陳兆棠請兵電。乃檄調駐惠各路營勇東路巡防各營管帶洪兆麟李聲振吳鯨等率所部會剿。繼恐兵力不敷。復調新會右營守備中路巡防第十營管帶鍾子才

第四十二章 丁未七女湖之役

趕速赴援。時黨軍有衆二百餘人。橫行于水口橫瀝三徑蔗浦等處。所向披靡。初二日洪兆麟率兵到八子爺。爲林旺率黨軍五十人從山上邀擊。洪中鎗墜馬。所部死傷極衆。李聲振鍾子才各部亦連戰俱北。省城爲之震動。粵督復電飭水師提督李準。移攻黃岡之師從汕頭往援惠州。順道由澳頭登陸。黨軍與清軍混戰十餘日。來去飄忽。使清軍防營爲之疲于奔命。嗣得鄧子瑜自香港派人來報。知黃岡事敗。他處亦未響應。且彈藥缺乏。勢難持久。遂拔隊至梁化墟附近村落。將鎗械埋于地下。然後宣佈解散。

解散後情形 陳純等失敗後逃至香港。馮自由以粵省偵探環伺左右。乃遣往屯門青山之李紀堂農場暫避。旋復使之赴南洋。鄧子瑜因爲此役主動人。被香港華民政務司勒令離境。孫穩于己酉冬^{清光緒十五年}從新加坡回港。潛入惠州。及再至港。卽被清吏控以擄劫之罪。拘之于獄。

。經黨人延律師抗辯。涉訟數月。不能得直。卒被港政府引渡粵吏加害。

清吏之文電 是役惠州府陳兆棠等報告黨軍發難文電。擇錄二則如左。

(其一)惠州府陳兆棠上粵督電

頃據洪李兩管帶稟報。廿七日由柏塘拔隊跟追。午刻到八子爺城地方。匪徒百餘人。各持鎗枝先登山埋伏。我軍追至。匪亟放鎗拒敵。標下等督率弁勇。分投兜剿。各團練陸

續接應。四面攻擊。鎗彈如雨。鏖戰至酉。匪漸弱。隨戰隨退。由山仔一帶沿山逃竄。標下等仍督隊窮追。務期撲滅。計當場格斃悍匪數十名。斬獲匪徒首級三顆。擒獲要匪石亞佛一名。獲得快鎗七枝。小鎗六枝。大號旗尖角旗各一面。小令旗一面。上書革命軍都督朱令字樣。雕毛扇一把。匪賊銀千餘元。該處地勢險阻。匪徒負山拒敵。我軍奮勇前進。被匪拒斃勇五名。受傷三名。督隊窮追。隨後獲匪再行稟解外。先將獲匪石亞佛並斬獲匪目首級奪獲匪旗鎗械等件。由何千總培清解府呈驗等情。查此股匪並經先飭賀管帶由响水馳赴堵截。匪黨若由博屬之橫河逃竄增城等處。亦必堵擊窮追。不日復由吳統帶撥隊。由博屬之湖鎮馳赴橫河一帶會同追剿。如何情形。容後續稟。兆棠稟。豔。

(二十九)

(其二) 博羅縣令上省稟

敬稟者。竊照土匪梁亞珍即梁慕光等近由香港潛回圖謀起事。業經卑職將籌防拿辦以及七女湖水陸營被傷斃各情。迭次稟陳鈞鑒在案。至於匪蹤。採分龍門歸博數股。意擬先攻博城。而後大舉。迨水南匪黨薛貴林等十三名。仰賴憲威。按名獲辦。知卑縣已有防備。始各驚散。其七女湖股匪。先經卑職稟報本府調營兜拿。一面商請東路巡防第五營

第四十二章 丁未七女湖之役

吳驚將撥往清鄉營勇抽集追捕。該匪隨從七女湖竄至派尾楊村三達柏塘一帶。旋由柏塘八子爺等處圖來縣城。新陂蘆洞响水鄉團練協力堵禦。各營追及接仗。又轉竄歸善之蕉埔而去。竊以此次匪勢雖甚猖獗。現以大兵雲集。分路勦辦。似不難即日撲滅。但聞羅浮山附近之處。又有著匪黃甯瑞梁春秋黨羽結黨潛匿。亦經會商中路巡防第十營鍾管帶子才。於四月三十日督隊往捕。險將搜捕情形隨時採稟。一面會同營訊嚴密籌防外。理合稟報大人察核。再縣城民心現尙安定。足紓憲堇云云。

第四十三章 香港余紀成之獄

被拘之原因 第一次之勝訴 第二次之勝訴 出獄後之脫險

香港政府之損失


被拘之原因 余丑號紀成。潮州饒平縣黃岡人也。在潮屬三點會員中資格頗老。會衆多服從之。許秋雪運動革命三次。皆引余爲左右手。黃岡革軍即余爲之領導。丁未四月十六日事敗。乃挈眷從黃岡沿海乘帆船逃香港。與許雪秋同寓于蘭桂坊某號。擬俟駐潮清軍他調。然後返黃岡謀再舉。時粵吏于黃岡事定後。即派偵探多名至港。查察革命黨行動。探悉余丑現匿跡某處。遂照會香港警察司。指余爲打家劫舍之大盜。請求引渡歸案。港吏乃于五月十二日捕余入獄。

第一次之勝訴 馮自由得余丑被逮消息。立延律師庚先向香港警察裁判所抗辯。謂余乃黃岡起事之著名革命黨。何得誣爲大盜。并將黃興給余之委任狀送呈法院爲據。中山在新加坡亦移書香港總督卜氏。證余爲革命黨。港督得書。乃請雅麗士醫院中山舊業師某醫士驗明是否中山筆迹。某醫士不能斷定。庚先以清吏重視此案。耗費甚巨。商諸馮自由李紀堂陳少白

第四十三章 香港余紀成之獄

。擬添聘前任檢察廳長現充大律師之白克理爲助。馮等從之。六月初警察裁判所開訊此案。清吏預延律師控告。僞做證據。證明被告曾于某月某日在某地行劫。余方亦有證人證明是日余在某地作何事。雙方律師辯駁多次。至十一月某日卒由警察裁判所判決被告無罪省釋。

第二次之勝訴 余被釋後。復由清吏僞做別案控之于香港高等裁判所。預出拘票。于余離獄時再拘之入獄。馮自由乃再延庚白兩律師爲之抗辯。於是此案前後牽纏至八閱月之久。高等裁判所爲此開廷十餘次。白律師歷舉英國對於他國政治犯之先例。口如懸河。聞者嘆服。至戊申正月。高等裁判所復判決余丑以無罪釋放。



黃岡革命軍首領余通之墓

出獄後之脫險 清吏誣控余丑二次失敗。仍欲再僞做他案拘之入獄。馮自由聞訊。乃令余潛匿別所。預購麗生輪船票。使同志海員密藏之于船旁小舟。俟船既開行乃出之。以是余得安然抵新加坡。至辛亥革命始回汕頭。與許雪秋同任軍事。因衛兵失慎。被鎗擊身死。

香港政府之損失 余案既得直。尙有香港政府須賠償訟費之一問題。蓋港中警吏之逮捕余丑。以徇清官之求。並未依照合法手續。故訟既敗訴。則依法不能不代清政府負責。而賠償被告訴訟之損失。統計余丑一案。革命黨所耗訟費及律師費不過五千元。惟事後律師向港政府代索償一萬一千五百元。後經法院審查用途。僅判給九千五百元。然已溢出被告所付訟費總額四千五百元矣。因是被告不獨不賠錢。且有溢利。洵爲從來訟案所罕見。且于吾國革命黨生色不少。是亦英國法律保護人權之特色也。中山聞此案具此成績。乃令馮自由僅向律師庚先收回一千元。餘款概贈送庚白兩律師作報酬費。

第四十四章 丁未防城之役

第四十四章 丁未防城之役

官逼民變之慘狀 革黨在欽廉之勢力 王和順入欽情形 防城之佔領 襲取欽州之失敗 進攻靈山之戰 黨軍解散後情形 清政府之文告



王和順肖像

官逼民變之慘狀 清季粵吏仰承滿政府意旨。施行種種雜捐。橫徵暴斂。無惡不作。而以欽廉兩府爲尤甚。欽廉地瘠民貧。不堪其苦。欽州之那黎那彭那思三墟土產蔗糖甚富。各墟民因糖捐繁重。遂于丁未春舉紳耆數十人乞哀于府吏。冀稍蠲減。府吏悉囚數十代表。以爲恫嚇之計。鄉民大憤。乃聚衆抗捐。組織一會。名曰萬人會。有劉思裕者。素得衆心。時被推爲首領。振臂一呼。從者數百人。

遂糾衆入城。徑釋囚。載與俱歸。欽廉道王秉必先派分統宋安樞率勇彈壓解散。墟民抗拒。官軍開槍迎擊。斃民數十。民益結衆自固。聲勢甚盛。王道遠飛檄省吏請兵。指爲土匪作亂。粵督周馥乃派統領郭人漳率兵二營。標統趙聲率兵一營。馳赴欽州。會同總兵何長清合力攻擊。省中大軍既到。遂向肇事鄉民大肆焚掠。四月初一日克復那思。初三日連破米仔村木蘭塘二處。復以砲隊猛攻那彭那黎。克之。斃劉思裕及鄉民無數。那添那彭那麗諸墟在欽州中以豐埠聞。官吏指爲匪巢。以炮洗之。廬舍爲空。老稚之屍山積。欽廉之民以是之故。怨懟益深。乃派代表赴越南河內乞援于革命黨首領。願爲內應。

革黨在欽廉之勢力 是時中山克強均在河內。方規畫攻取粵桂滇三省爲革命根據地。而統領郭人漳方奉調駐兵欽州。標統趙聲亦駐兵廉州。兩府兵權漸入革命黨掌握。機局之佳爲從來所無。適欽州三那鄉民所派代表梁建葵梁少廷到河內求謁。中山不知虛實。先派鄺敬川偕二梁至欽調查。知該處民團痛恨清吏。大可爲用。遂派克強赴欽州佐郭人漳。胡毅生赴廉州佐趙聲。復命王和順入欽州腹地。聯絡民團大舉發難。

王和順入欽情形 王和順先偕胡毅生至廉州。居趙聲軍中十餘日。易名張德興。由趙給與軍事委員委任狀。遂偕霍時安。經區家墟平銀渡至欽州府城。沿途防軍皆信爲政界委員張某

第四十四章 丁未防城之役

。無有知其爲革命黨要人者。居府城一日。卽取道赴那桑。三那父老已派人遠接。時梁建葵梁少廷方在各鄉村組織革命軍。預備發動。有槍數百枝。劉恩裕之姪顯明率數百人來會。聲勢頗盛。王和順初與趙聲約。擬由王率黨衆進取南甯。而趙以所部新軍自後尾追。相機暗助。倘得南甯後。攻取他處亦用此法。後以運動南甯清軍目的未達。始變更計畫。王率黨衆來往三那附近。日謀伺隙而動。抵平吉時。劉顯明因王久無辦法。遽引所部散去。王統餘衆至板城墟就食。蓋是時欽廉各地尙未行用中外紙幣。而攜帶銀元更爲不便。故革命黨人來往欽廉。恒在越南或香港預購金器金葉等物。爲交換物價之用。幸欽廉各鄉村居民對於革命黨異常歡迎。沿途供給糧食。惟恐不力。王等得以四處活動。不虞匱乏者。鄉民協助之力爲多。

防城之佔領 王在三那停頓數月。迄無發動之機會。適駐防城清軍連長劉輝廷李輝堂二人有反正之意。乃決計在防城發動。派員赴越南偵求中山同意。中山以防城近白龍口。有海上接濟之利。大爲贊成。乃電香港馮自由及日本長崎萱野長知。令卽僱輪船。將預購軍械運至白龍港起岸。備革命軍取用。旋因從日本運械至欽州沿岸。須由河內香港二處輾轉傳遞消息。事實上必不能于最短期間做到。且是時適有東京幹部黨員及日人北輝次郎等風聞萱野所購槍枝全屬廢物。遽用明電告香港中國日報。謂此項武器萬不能用。以是春光外洩。而船械均

不能如期開來。遂不得不變更計畫。另覓相當地點爲接械之準備。王以運動成熟。機不可失。卽于丁未七月下旬。率黨衆二百餘人。從三那兼程襲取防城。廿七日開始攻擊。廿八日清軍駐防衛字營連長劉輝廷及團長唐浦珠在內響應。駐對河之連長李輝堂繼之。黨軍入城。殺清知縣宋鼎元及其幕賓家屬等十九人。四處張貼中華民國軍都督王告示。於是全城大定。卽日拔隊向欽州府城進攻。欲以迅雷不及掩耳之勢。襲取府城爲根據地。惜仍進軍遲緩。使敵得以從事戒備耳。

襲取欽州之失敗。黨軍前進時。適連日大雨傾盆。道路泥濘。大礙行軍。行一日一夜始達府城外。遙見城上燈火密佈。知己有備。乃下令退却。駐兵于距府城二十里之地。黃克強在城中聞訊。商諸統領郭人漳。以出巡爲名。帶兵一連出與王商議進行方法。克強述郭意。謂城中有欽廉道王瑚及所部多營爲梗。欲使王和順督所部先進攻廣西。佔南甯後。郭卽設計除王瑚以反正。并允助王彈藥以備攻取。王不贊成此策。仍力主攻城之議。克強不得已。乃私約以夜間暗襲。由克強帶兵開城接應。蓋郭部將弁多克強故交。且信克強至深。卽無統領命令。克強亦有指揮之能力也。然克強帶兵出巡事已大起王瑚之疑。及聞郭部有通敵之報。乃自督率親軍巡城。嚴爲之備。克強于夜午開城之計遂以不成。王于七月初三晚引兵至城外。

第四十四章 丁未防城之役

見無接應。知事有中變。仍退駐原處。旋得克強密報。告以城中有備。未易下手。仍勸令進攻南甯。時革命軍總數不滿五百人。而城中有兵數千。若與正當開戰。勢難取勝。南甯向屯駐重兵。且素乏聯絡。亦不易攻取。聞靈山守衛空虛。大可乘隙而襲。於是決計進攻靈山。取道入桂。

進攻靈山之戰 黨軍行三日而至南勞墟。沿途鄉民熱烈歡迎。民團多攜械來投。有衆千餘人。惟槍械則不滿千。再行半日抵檀墟。距靈山城十二里。城外有一山曰六峯山。山下有一橋曰環秀橋。相傳環秀二字乃一富戶美婢之名。遺有豔迹。鄉人皆能道之。橋距城約半里。王和順預命該處同志陳發初製竹梯三十具。備登城用。詎陳僅製備二具。殊不敷用。至是王派精銳二百人先登。登者僅劉梅卿等數十人。後到者因梯折而退。劉等在城內與防軍苦戰一日。傷亡頗衆。城外黨軍因城不易下。乃退駐小山。次日有清兵千餘人從南鄉來援。黨軍乃一面攻城。一面分兵拒敵。劇戰三日。以彈藥告乏。始拔隊退却。遂由滑石岡鳳凰山武厘北通等處取道回三那。

黨軍解散後情形 黨軍至三那即宣布解散。由梁建葵率精銳之一部退入十萬大山。王和順仍赴越南。此役粵督張人駿奏參王瑚。謂其擁兵不援。坐昧事機。請將其撤任歸案究辦。

清廷于八月廿六日下諭。令將該管官提督丁槐知府王瑚交部議處。克強經此次蹉跌。仍與譚人鳳來往欽廉越南之間。再謀窺粵。其與王和順結伴至欽州之霍時安。原屬郭人漳部哨弁。革命黨與郭部傳遞消息。多賴其力。及克強離欽。郭恐其洩漏秘密。竟借他事殺之。

清政府之文告 附錄清廷諭旨及粵督張人駿奏報防城革命軍起事情形摺如下。

八月二十六日清諭。張人駿電奏防城失事。查明兵匪勾結情形等語。此次防城失事。係衛軍左右兩哨與縣署親兵通匪內應。結成一片。致釀成攻署戕官劫掠公帑放脫人犯重案。殊堪痛恨。管帶左江巡防隊補用守備譚炳榮所部弁勇通匪作亂。事後又飾詞朦稟。實屬昏庸謬妄。著革職永不叙用。並拔去翎枝。發往軍臺効力贖罪。左哨哨弁儘先拔補千總楊國標右哨哨長儘先拔補把總韋普香雖遠赴大直。亦平日約束不嚴。江坪營千總賴廷華雖因公外出。實屬疏於防守。著一併革職。拔去翎枝。在逃之左哨哨長儘先拔補把總劉永德右哨哨弁藍翎儘先拔補千總李之焜俱有通匪實在確據。著即通飭查拿。緝獲後即在軍前正法。前署廉欽道四川補用知府王瑚遲不發兵。調度乖方。著交部議處。廣西提督丁槐身為統將。所部哨弁有通匪重情。平日毫無覺查。遂據一而之詞率行入告。實屬有心迴護。著一併交部議處。仍著張人駿嚴飭各營趕緊追剿。務將匪首及在逃弁勇悉數

第四十四章 丁未防城之役

殄除。毋任漏網。以靖地方。餘著照所議辦理。該部知道欽此云云。

第四十五章 丁未汕尾之役

運械地點之選擇 萱野在日之活動 接械起事之計畫 第一次

失敗情形 第二次失敗情形 幸運丸案餘聞 計取二辰丸械之

中止 關於運械事件函牘

運械地點之選擇 革命黨從外國運載軍械以供起事之需者。以汕尾一役爲最著。先是中山



許雪秋萱野長知合照

及日本人萱野長知于丁未春間已有從日本購取大宗軍械租賃商輪運至粵省相當港口接濟起事之計畫。惟以選擇地點。極形困難。延未舉辦。最初擬在潮州饒平縣汫洲港後宅港籍籠港三處擇一卸陸。供給許雪秋等發動。因黃岡黨人倉卒舉兵。未及進行。乃改議在欽州白龍港起陸。以接濟三那王和順部隊。復以運械到達須與黨軍起事時期相同。方不致爲清吏防害。

第四十五章 丁未汕尾之役

王和順遠在三那。每有舉動須先遣人赴越南河內機關部報告。迨河內機關部

時中山在河內

定議運械。

又須電囑香港轉告日本萱野。輾轉傳達。實爲軍事上所必不可能。因是白龍港之議亦即取消。嗣黃岡防城相繼失敗。許雪秋提議謂海豐縣汕尾港距汕頭香港二處甚邇。交通便利。黨人至衆。大可爲起事及停船接械之適當地點。倘械到有期。彼可先期召集海陸豐各鄉土人接受發難等語。中山等極贊成之。遂電令萱野在日本進行租船購械各事。以備尅期發動焉。

萱野在日之活動 購械事件係由萱野一人負責辦理。香港機關部既選定汕尾爲起陸地點。萱野遂于五月初七日乘輪渡日本進行一切。是月二十日自長崎電香港。謂購貨租船二事均有頭緒。囑即匯款備用。即由馮自由經正金銀行電匯長崎寶屋轉萱野收日金一萬元。萱野於是奔走東京神戶長崎之間。至爲忙迫。日本同志助之者僅宮崎寅藏三上豐夷前田九二郎等數人而已。經營三月。始告成熟。計由鎗砲商購入明治三十八年村田式快鎗二千枝。每枝帶彈子六百發。鎗頭小刃革囊各附屬品俱備。另日本古刀五十具。將校用軍刀二十具。短鎗三十枝。各配彈子百發。此項鎗械買價頗昂。除先付萬元外。餘款概由山下瀛船會社主人三上豐夷担保清償。犬養毅聞之。更贈極古之寶刀三柄。以壯行色。此外僱用商輪事亦大得三上之助。船名幸運丸。載重二千八百噸。乃日本紀州和歌山縣藤岡幸十郎所有。由山下瀛船會

社租用。該船適有代三井洋行載運煤炭往香港之約。萱野三上爲節省經費計。乃命該輪船主將此項軍械順道載往汕尾港起陸。日本同志願趁船赴戰地效力者。除萱野外。尙有陸軍大尉定平伍一及前田九二四郎宮崎實藏義弟金子克己現當長崎東洋日之出新報社長三原千尋松木壽彥望月三郎日下口口諸人。至六月中旬。萱野遂電告香港馮自由。使速派熟悉汕尾地勢之引港人渡日。以供幸運丸航行之指導。

接埔起事之計畫 許雪秋既担任辦理汕尾發難及接收海上軍械事件。卽于六七月間先後派許佛里范媽魯林鶴松李子偉吳金彪諸人分途進行。至八月上旬已佈置就緒。預備于軍械到著時召集海陸豐沿海岸會黨萬數千人聽候指揮。同時萱野亦電香港。稱船械兩事俱妥。囑立派引港人前往日本附船指導。適同志鄧慕韓于八月十三日因事東渡。馮自由乃托鄧帶領引港人陳二九等二人赴神戶。供萱野調度。彼此約定于船械出發前一日由長崎電告香港。然後由香港通知汕尾。屆時汕尾卽派大號漁船二十艘遊弋汕尾附近海面準備接械。該輪須于夜間入港。用紅燈爲號。藉避清吏耳目。蓋汕尾距香港至近。每日有小火輪來往。數小時可達。兩地傳達消息固非常靈便也。

第一次失敗情形 九月初二日香港機關部得萱野電。知船械約初五日可到。許雪秋遂偕

第四十五章 丁未汕尾之役

劉思詠柳聘體改名劍英等多人於初三日赴汕尾。距是早登小火輪時。猝見有清碣石鎮總兵吳祥達

之偵探同舟。懼而登岸折回。僅遣劉思詠等先行。翌晨始乘輪再往。因此一日之稽遲。遂致接應船械事不能充分準備。其關係于此役之成敗。非淺鮮也。萱野偕鄧慕韓陳二九定平前田日下諸人初二日乘幸運丸自長崎出發。所搭載鎗械均置甲板上。陳二九等從未覩此精良武器。咸嘖嘖稱美不置。初六日上午船抵汕尾海面。久未見有漁船接應。停泊三句鐘。始見許雪秋駕一小舟來探消息。萱野責其籌備不善。令速以大船至。許匆匆去。謂數小時後大船必來。距是時汕尾捷勝沿岸連日因許招集會黨預備大舉。風聲四起。及見日輪停泊近海。沿岸聚觀者萬數千人。清總兵吳祥達先有所聞。曾飭屬戒備。汕尾碣石附近原駐小兵輪一艘。其艦長以該處海面而非停泊大輪船之所。乃有日輪在此逗留半日。深滋疑惑。遂駛近日輪前偵查行動。萱野以運械船未到已惹起清艦注意。欲將船駛往別處。伺晚間再來。惟船主以該輪原租與三井洋行載煤。如遇意外。無以對三井。主張徑駛往香港。再圖別法。萱野不能阻。船遂啓碇南行。雪秋及黨人見日輪一去不返。大爲懷喪。時有人提議趁各地同志聚集未散。宜即率衆往擒吳祥達。謂吳部下同志不少。此舉決可成事。許不能用。任事諸人不得已陸續歸香港。查此役失敗之原因有二。一許雪秋身任司令。乃於發難前數日尙逗留香港。不親往辦

理僱船接械事。以致日輪抵汕尾多時。久無帆船接應。自難免清吏之起疑。二日輪之搭載軍械。乃友誼的而非僱用的。故不克守夜間入港及紅燈爲號之約。卽其一去不復再來。亦由于此。職是之故。遂令此千載一時之利器不能供革命軍作戰之實用。殊可惜也。

第二次失敗情形 初七日清晨幸連九抵香港。鄧慕韓陳二九同赴中國報報告運械失誤經過。馮自由乃急邀胡漢民萱野定平前田金子三原日下及惠州同志溫子純曾節夫曾儀卿等在堅道七十二號機關部開會。討論補救方法。結果擇定惠州平海爲第二次卸械地點。該處界于香港汕尾之間。交通便利。土人多屬三合會籍。節夫儀卿叔姪二人久在其地拜盟立會。熟悉會黨情形及地方形勢。卽由儀卿先乘小火輪赴該處召集黨人預備接械。而節夫子純則担任在港招募同志五百人。預計三日後三井洋行煤炭起卸完畢時。卽由萱野率領各人乘原船駛赴平海。與岸上黨人聯絡大舉。議決後。卽由馮自由給資令曾溫等趕赴各地籌備一切。距初十日早駐香港日本代理領事忽以電話召山下瀨船會社經理人到署。謂港督得粵吏電。稱有日本商輪代革命黨人載運大批軍械至港。祈代查明扣留等語。特詢該公司有無此事。經理人以實對。日領謂載械有犯港律。現警察已著手偵查。如發覺。必發生交涉。切囑該輪立即離港避禍。經理人不得已。乃不俟三井所載煤炭卸畢。遽命該輪啓碇返日。事後萱野始知其事。雖欲使

第四十五章 丁未汕尾之役

之暫停泊平海近附。然已不及矣。於是第二次接械起事之計畫又成水泡。

幸運丸案餘聞 幸運丸既返日。所搭載軍械爲日警扣留。久無辦法。三上前既保證購械借款。至是又須負責承受該輪所未卸畢之三井煤炭。二項損失。實屬不貲。幸運丸於次年因與別輪相撞。竟沈沒於門司港外。日人遂以不幸運稱之。是役失敗之後。惠潮方面軍事遂暫告停頓。許雪秋赴新加坡。萱野歸日本。胡漢民池亨吉往越南。許佛童爲是役主要人物。事敗逃至香港。被清吏誣以盜案。拘之于獄。卒以訴訟得直開釋。

計奪二辰丸械之中止 是年冬。馮自由據同志溫子純林瓜五報告。謂澳門商人柯某由日本僱用商輪私運軍械至澳門轉售內地圖利。第一次目的已達。獲利甚厚。今又謀第二次私運。聞其數目爲村田式鎗一千枝。不日可運到澳門附近華界海面起陸。吾黨可設計奪取。卽以此械爲起事之用等語。瓜五爲香山著盜林瓜四之弟。瓜四死後。卽代領其衆。與柯某向有舊械之關係。其言自有可信。故馮聞之。卽令其担任奪取澳商運械之任務。擬於船械到達時。卽率領所部攻擊來船奪取武器。隨卽駛至香山錢山附近供給黨人起事。籌備將竣。復據瓜五偵查。柯某此次運械雖有一千枝。而鎗彈不過十萬顆。其卸械地點乃在葡界而非華界。且有葡人代其包運云云。馮乃召集溫子純陳佐平等開會研究。終以鎗多彈少。不足供實戰之用。

且在葡界易起交涉。卽瓜五所部勢力範圍亦限於華界。故議決停止進行。至戊申正月遂發生二辰丸一案。清艦拘獲該輪地點。卽在澳門附近之葡界海面。非中國主權所及。因此惹起絕大之交涉。卒不免有鳴砲道歉之舉。該輪所載鎗械。卽屬革命黨初擬奪取而復罷議之物。世傳二辰丸一案與革命黨有關。且有謂卽幸運丸原物者。均非事實。

關於汕尾運械事件函牘 汕尾之役既失敗。中山自河內嘗致書萱野加以慰勞。附錄該函如左。

萱野先生閣下。前月聞閣下駕經返港歸日本。因有書寄三上君。並述閣下述械事。諒已達覽矣。頃得精衛兄來書。乃知閣下以關於東事曾以西十一月廿六電問。而此間回電不明閣下有不釋然之點云云。查西十一月廿六日得精衛電。其文云。「暹電已收否。昨到當偕鄧往各地運動。今乃居無聊。且未得回書。欲回來。如何辦法。祈詳電」。當接此電時。以爲精衛自述在星無聊。不指他人。而十二日此間曾致一電與精衛。其文云。「日本來函必欲派一人回京。以維報局。而安入心。已與克展兄詳議電復。公等勉支報事。精衛準西年底回東。籌款如何。電復」。故廿六日電所謂回東如何辦法。亦卽以爲精衛問伊自己回東整理報事。維持東京團體辦法。遂覆電與精衛云。「候偕往及得款回可

第四十五章 丁未汕尾之役

再商回東事。近事複雜。無關運動。故未回書。（其時亦得精衛星坡書未回）德事略滯待急。」所謂近事複雜無關運動者。乃指在西所圖之事複雜變幻。而進步甚少。無能有益於精衛之經濟的運動。故未與精衛書也。今得精衛最近來書。乃知前電係爲閣下而問。原電有「萱久居無聊。且未得回書。欲回東云云」。萱久二字誤電作今乃。詞意不明。遂致兩俱誤解。殊出意料之外。此間若不接精衛此次來書。尙不明此電爲閣下而發。而精衛至今亦當尙未明此處之電之意也。至於此間得閣下倩精衛代作之書。其時已了然於東事之失敗。其責任全在許雪秋一人。夫閣下之任務。以能使軍械載運至目的地。卽爲完全無關。而許氏乃遇事倉皇。偵候不明。不知有兵艦。預備不周。不能僱備大船。報告不實。（指李子蔚之報告日船）以致雖已運送到目的地之軍械而仍不得其用。故曰其責任全在雪秋一人也。而且雪秋關於潮事至此已三度失敗矣。伊自乏條理。而其左右如李子蔚林鶴松輩才尤劣下。故此後各事不敢復信用於雪秋。而軍械處置問題乃其他之事。則弟實欲閣下一來河內面商其法。故致電精衛云「暹款及萬當邀萱鄧同來。」卽係欲邀閣下商議辦東械各事。而所以待款者。則因閣下來函述及吉田等回來之措置及再來之方法。均非得有數千金以上之款。則各節問題均難解決之故。弟見精衛在西貢運動頗稱

得手。以爲遲亦易得手。而萬元之款不難。款一得而邀閣下同來。則可相議東事之辦法。而軍械可得其着落。詎精衛到暹。籌款不多。自暹返過星加坡。寄來十一月廿六之電。此間以爲精衛自言歸東。既覆電後二日。精衛再來一電云。「萱得電決即回京」。此得電云云。猶疑爲閣下別得東京之電。而不悟爲得此間之電也。是以此間於前得閣下星加坡書時未作覆者。以爲各事非面商不能妥善。而渴待精衛之籌款於暹有獲。且以爲精衛自暹必經星加坡而後返河內。則良晤不遠。無待覆書。及精衛於暹所獲不多。歸星加坡不數日。而遂得閣下歸日之電。尙以爲日本東京或神戶有電催閣下歸。故始作書寄三上及閣下。而前此未嘗覆書者。則純以上之理由。而絕無所疑於閣下之行事者也。雪秋權責在接收軍械。而舉軍於惠潮。閣下之權責在於運輸軍械至於目的地。雪秋既不能接械。而其所經營之地點亦復不能再舉。則事實上其權責已歸消滅。閣下運輸至目的地責任無虧。然以運回日本之故。因而更生新權責。但解決如何輸入日本及如何領收之問題。非弟智能所及。惟有聽閣下次度之報告。而弟所急欲聽之。又其介紹書乃閣下與胡言之再三。以許行既不可阻。又必強邀閣下去。因慮許氏言不踐實。許瀕行謂「到星加坡萱野君一切費用我均任之。」而胡不信也。故爲閣下作書至張陳等。使爲東道主。其書

第四十五章 丁未汕尾之役

因言閣下係與許氏來籌款云。亦未知軍械輸入領收之能安全與否。若既得安全領收。則乞以電報知。現時經濟問題雖未能解決。然欲商爲由日本運至澳門附近之海面。由他人請負轉至目的地。如此則日船之再度運來無何等危險。其事較易。今雖未商定何處海面地點爲中途第一次接收之處。然望一得日本之消息卽電知弟等。俾易於商量爲如何再來他舉之計畫。以後所倚托於閣下之事正多。願閣下更爲鼎力賜助是幸。專此卽叩

俠安

弟孫文謹啓十二月廿六日

第四十六章 丁未鎮南關之役

關仁甫之活動 王和順之活動 鎮南關之佔領 孫黃同赴戰地
廿九日之炮擊 陸榮廷之密使 中山回越之布置 革命軍之退
却 清法之交涉 法文報之記載 清政府之文告

關仁甫之活動 革命黨之經營桂邊軍事。始于丁未五六月間。其時中山克強先後至越南河



關仁甫肖像

內。革命軍之總機關部即設于河內甘必達街六十一號。中山以王和順黃明堂關仁甫等在桂邊多年。情形熟悉。特使之分任鎮南關平宜關水口關等處之軍事活動。三關均屬桂邊要隘。尤以鎮南爲天險。法人至稱之爲東方第二之旅順口焉。時關仁甫因駐鎮南關清營長黃瑞興與已素善。遂遣心腹密函勸其反正。黃允相機納降。同時邊防統領總教練官易世龍及龍州廳幕

第四十六章 丁未鎮南關之役

友陳曉峯等二人亦贊助革命。允担任遊說軍隊。以期內應。仁甫以時機漸熟。遂召集黨人籌備大舉。詎易陳通黨事忽爲桂撫張鳴岐駐越偵探所偵悉。張撫據偵探報告。嚴令龍州道莊蘊寬將易陳二人拿辦。易陳等因是被逮。不二日即以被害聞。仁甫以經營失敗。于六月十九日從桂邊退回越南。途次被法國防兵拘押。禁于府涼璋監獄者二十日。至七月初七日得當地華商多人蓋章担保。始獲開釋。

王和順之活動 防城靈山之役既敗。黃克強王和順先後歸越南。中山命和順再著手鎮南關軍事。時桂邊憑祥土司李祐卿與革命黨早有聯祐。和順乃于丁未十月初五日。偕何海榮前赴那模村。欲與李祐卿商議奪取鎮南關砲台事。詎到文烟時。法國守兵疑爲日本偵探。被拘禁一日。次日解往諒山公使堂。始知爲中國革命黨。立即釋放。及到那感墟。又被法警留繫一次。再三解說爲非日本人始免。至那模後。遂與祐卿議定于十三晚率所聯絡之遊勇奪取鎮南關砲台。并去電河內機關部報告成績。惟屆期祐卿所部遊勇與和順邊生意見。不聽調度。遂不克依時發動。蓋桂省綠林遊勇原分二派。和順乃綠林出身。故遊勇與之無情誼。和順知無可爲。乃快快歸河內。

鎮南關之佔領 中山以和順與祐卿所部不愜。遂改派黃明堂關仁甫經營鎮南關軍事。而使

和順募集同志謀奪水口關。以爲聲援。明堂仁甫向係游勇首領。此次與李祐卿何伍數人同受革命軍重任。事前早與台上守兵聯絡成熟。至十月廿七日黎明。明堂等遂率那模村鄉勇八十人。快鎗四十二桿。循山背間道突然向關上右輔山砲台攻擊。守兵百餘人略事抵抗。卽相率納降。於是鎮南鎮中鎮北三台皆陸續入革命軍之手。青天白日之革命旗隨風招展。附近遊勇來投軍者。不絕于道。次日駐憑祥清軍防營統領派兵來戰。被革命軍施放大砲擊退之。

孫黃同赴戰地 中山于廿七日上午得鎮南關佔領電。翌早偕黃克強胡漢民胡毅生盧仲琳張翼樞日人池亨吉法國退職砲兵上尉男爵狄氏諸人。乘越西鐵路前赴戰地。在同登站下車。直向那模村進發。下午到達。關上已預派人來接。卽于是夜燃炬登山。克強因體胖量重。由數人扶挾而上。約九時抵關。明堂等奏樂歡迎。全軍鼓舞。時清將陸榮廷尙堅守鎮南關本營。專候龍州大兵到援。日中僅派小隊向三砲台轟擊。故明堂等亦專候中山親到指揮。然後向龍州大舉進攻。

廿九日之砲擊 革命軍所佔據者爲右輔山砲台。非鎮南關全部。山上分鎮南鎮中鎮北三台。鎮南何五守之。鎮中李祐卿守之。鎮北爲三台之最堅固者。明堂守之。中山克強諸人皆在鎮北調度一切。廿九日清晨清軍援兵已到。齊向革命軍攻擊。中山等乃先檢閱砲台內部。查

第四十六章 丁未鎮南關之役

有十二生的克虜伯大砲一門。七生的大砲一門。新式四響機關砲一門。七生半野戰砲四門。白砲數門。大小砲彈數千發。其餘二台大略相等。是早七時法武官狄氏親自發砲。向距離四千密達之清軍營寨轟擊。第一彈命中。清兵死傷六十餘人。呈混亂態。同時大小各砲陸續施放。遙見清營著火。黑烟蓬蓬而起。

陸榮廷之密使 是日下午有樵婦持清軍參將陸榮廷密函登山求見。函中大略謂榮廷現雖食清朝俸祿。但以前亦曾統率遊勇。專與清兵爲敵。此公等所知者。榮廷前以時運不佳。不得已暫時屈身異族。以候機會。區區此心。尙祈諒之。榮廷初疑公等此次起事。近于輕舉妄動。及觀今晨砲火之猛烈。乃知有一代豪傑孫逸仙先生爲公等畫策。無任欽佩。榮廷現有衆六百餘人。隨時可以投入麾下。以供驅使。倘荷錄用。卽請給一確證。俾得知所去就。若至明日。則有清軍五百自憑祥開來。後日更有清軍二千自龍州開來。事急萬分。祈爲自重云云。中山得書。乃召集明堂等討論辦法。結果以山上三台大砲雖多。而快鎗缺乏。無法進取。決由明堂等堅守五日。中山諸人卽日回河內籌款購械。以資接濟。一俟餉械運到。便可進攻龍州。并函復榮廷使爲內應。議定。卽作密函。仍令樵婦賁返陸營。

中山回越之布置 廿九晚中山克強諸人別明堂等下山。仍從山後間道迂迴而下。時正大雨

滂沱。以近敵營。不便燃炬。良久始達山麓。夜午抵文煙。宿于同志瑪邸家。翌晨有法國武官到查。池亨吉示以日本政府所給護照。謂彼偕同伴特來觀戰。並無別意。法武官無言。一握手而退。十一月初一日十時四十分登車。正午抵諒山。已有河內僑商楊壽彭等來接。及抵河內。即從事于籌餉購械二事。時有法國銀行家前來接洽。願向本國代募革命軍債二千萬元。惟第一批若干萬元須于佔領龍州之日始能過付。雙方正在協商條件。而十一月初五晚已得鎮南關礮台失守電。於是借款事遂亦停頓。

革命軍之退却 革命軍堅守三台數日。清將丁槐龍濟光各路援師大集。數逾四千人。取包圍式。向山上環攻。明堂等悉力拒戰。迭傷清軍哨弁古景邦黃瑞興馬朝輔等多人。卒以槍彈告罄。糧食不繼。不得已于初四夜棄礮台而退。時滿山皆敵軍。明堂等率衆衝圍而出。清兵紛紛退却。革命軍中有一小童。見礮台上青天白日旗未撤。慮爲清軍所得。竟以一人冒險重登山巔取回該旗。無恙而回。其勇氣有足多者。明堂等下山後。即令所部退入越南境之燕子大山。待時而動。計是役前後歷時九日。革命軍祇陣亡一人。死傷四人。清軍陣亡二百餘人。傷者無算。

清法之交涉 清政府自鎮南關一役後。即向駐北京法公使交涉。聲明孫文現居越南東京甘

第四十六章 丁未鎮南關之役

必達街六十一號寓所。指揮革命軍事。鎮南關事件是其主動。大礙清法二國邦交。要求將孫氏驅逐出境。法使向巴黎政府報告。遂由越南總督諷令中山離越。中山至是乃將經營粵桂滇三省軍事付託黃克強胡漢民二人代理。于戊申二月從越南赴新加坡。

法文報之記載 關於革命軍佔領鎮南關事件。越南法文各報記載頗詳。譯錄數則如左。

(其一) 十二月五日陰歷十一月一日 法文東京日報

本月二日上午六時。號稱第二旅順口之鎮南關要塞忽爲中國革命黨所襲據。雙方猛烈攻擊之後。第一台先破。第二台繼之。紅藍白三色之革命軍旗飄飄然招展其上。第三台抵抗稍久。旋亦屈伏。下午二時亦已高懸革命旗。聞鎮南關大營守兵亦有預備倒戈之勢云
(其二) 十二月六日法文東京日報

數日前曾有中國革命黨人約五十人潛伏于文煙諒山等處。本月二日忽離越境向鎮南關進攻。駐防該處之清兵八十人略事抵抗。卽退入台上。現有民團二小隊巡邏弄梓布海附近。中國稅務司兼邊防巡緝司令吳哈楊親率所部到那模村前面。欲截斷革命黨人來往河內之要道。駐同登及那鄣之法國守兵九十人以其越界佈防。拒絕其請。吳之計畫因以失效。革命黨人有由火莊攻取憑祥之狀。清兵總數約有四營。革命軍之銳氣頗盛。但將多兵

少。是其缺點云。

（其三）十二月六日法文東京獨立新聞

近來華人從越南赴廣西邊界者。日見其多。留心時事者多疑不日有大事發生。至十二月一日果不出所料。是日夜半至二日拂曉。有中國革命黨人一隊從那模村附近突然攻擊鎮南關礮台三座。該處有清兵百數十名。守備一名。守兵皆已納降。守備不肯。乃褫其軍服。放之于同登。且許其自同諒山私宅。於是革命軍三色旗飄揚于三要塞之上。三日清晨至十時頃槍聲不絕。此乃革命軍從山上礮台與鎮南關東方之清軍小礮台互相轟擊之故。未幾山上忽吹洋號進軍。旋有革命軍四十餘人欲下山襲擊清軍大營。因清軍開放七生的野戰礮極為猛烈。遂即退入台內。革命軍總數似有一百五十人至二百人。又由同登至鎮南關之路上。有華人多名及日本人八九名。或乘馬。或乘車。馳赴戰地。此輩皆由東京而來。與此次軍事極有關係。風傳革命黨在諒山貯有巨款。該處居民曾目擊駐同登法國軍務官兼義勇團司令陶菲于二日率馬隊視察鎮南關時。革命黨對之行禮致敬。當革命黨首領等在同登休息及進殮之際。各人皆與法國武官交換名刺。極為親善。故對法國絕無惡意云。

第四十六章 丁未鎮南關之役

第四十六章 丁未鎮南關之役

清政府之文電 清廷對於鎮南關失守事件。除將桂撫張鳴岐交部議處外。所有從征之文武官吏一概論功行賞。以爲效忠異族者勸。茲并錄是年十一月張人駿張鳴岐電奏及清帝諭旨如下。

(其一)十一月初九日粵督張人駿桂撫張鳴岐奏報克復鎮南關電

右輔山礮台克復日期。先經鳴岐電奏。茲據龍濟光陸榮廷先後電稟。初三夜二鼓榮廷督全隊。陳炳焜率先鋒隊。曾廣義黃瑞興別領一隊。周文獻率親兵鄉勇。龍觀光率蕭順洪扼左輔山。梁太麟林紹斌分扼摩沙渠歷各隘。礮隊營分扼馬鞍青山各礮台。布置周密後。陳曾兩路猛進。直撲北台。各路同時奮攻。礮隊營用大砲向北台轟擊。台上石垣立崩。先鋒隊已撲至台外石壘後闌。用火藥焚炸。奈藥力不足。匪徒抵死拒守。未能卽拔。兵匪槍炮齊發。匪燃大電燈。朗照如同白日。黃瑞興腰際受傷。彈子穿透下部而出。各隊仍急攻不下。榮廷親督率全營大隊。由是夜戰至初四申刻。槍礮迄未少停。我軍愈戰愈奮。曾廣義卓瀛州等先後搶佔四方嶺及小尖山。賊無險可憑。悉數退入壘中堅守。各隊圍益近。急登壘旁高埠。用槍密擊。匪勢不支。仍然死守。至二鼓先鋒各隊躍登石壘。陳炳焜手斫中台匪纛。全軍繼登。匪隊紛奔壘南逃潰。壘南卽屬越境。我軍不能逾界窮追。只有用槍遙擊。雖斃無算。究惜未克盡殲。先是陳炳焜于初一日卽會同礮隊奪回

北台後之土礮台及四方嶺小尖山三處。濟光周歷戰地。慰勞前敵出力員弁兵勇。見皆面目黧黑。形神惘散。幾非人形。黃瑞興古景邦王佩清馬朝輔受傷尤重。回思七晝夜血戰。令人感泣。是役均肉薄相持。陣擒者均受重傷。不能訊供。據探報。著名匪首庖頭梁之弟梁扒在北台擊斃。此外傷斃首要。猝難查悉。獲鎗七十六枝。他項軍裝甚多。兩軍現在仍在各隘口搜捕。尙未收隊。謹遵旨開列出力文武銜名稟請奏獎。並據龍濟光陸榮廷聲敘失守在前。不敢邀獎各等情前來。人駿鳴岐復查此次匪黨千餘。入手卽據砲台。其志實不在小。軍用品又極精利周備。卽電光燈可以概見。右輔山本極險峻。易守難攻。匪之陷台也。據龍濟光查復。匪于先數月遣三人應募爲守台兵夫。匪至內應。又值是夜大霧。邏卒先爲匪戕。故失之甚易。加以山南出爲越境。接濟旣無從。邊軍地遠備多。兵力又難驟增。砲利台堅。宜無速克之理。卒賴朝廷盛福。仰承指授機宜。嚴申賞罰。將士俱能用命。竟於七日內克復。非初意所及。鳴岐籌邊無狀。致勞宵旰。負罪至重。而前敵異常出力。自應遵旨請獎。以勸將來云云。

(其二十)十一月十一日清帝諭旨

前因廣西鎮南關右輔山等處砲台被匪佔據。當將張鳴岐交部議處。並電令督飭各路統將

第四十六章 丁未鎮南關之役

協力進攻。尅期收復。續據該撫電奏克復日期。當經將奮勇攻克礮台之參將陸榮廷賞給勇號。並賞給弁兵銀兩。以示獎勵。飭將詳細情形查明電奏。茲據張人駿等查明電奏。稱此次匪黨千餘佔據礮台。軍械精利。右輔山險峻難攻。經龍濟光陸榮廷等血戰數晝夜。陣斬匪首。奪獲槍械甚多。於七日內克復礮台。辦理迅速。洵堪嘉尚。二品銜署太平思順道左江道龍濟光著賞給頭品頂戴。副將銜參將陸榮廷著以總兵記名簡放。知府銜四川補用直隸州知州龍觀光著以道員仍留原省補用。並加二品銜。補用知縣梁正麟著以知府留廣西補用。分省知縣周文獻著以直隸州知州留於廣西補用。候選府經歷林紹斌著以縣留於廣西補用。守備陳炳焜著以遊擊儘先補用。把總曾廣義外委黃瑞興卓瀛洲均著以守備儘先補用。都司銜補用守備蕭順洪著以遊擊儘先補用。畢業生王佩清著以府經歷丞留於廣西補用。千總古景邦著以守備儘先補用。廩生梁家榮著以縣丞分省補用。增生張藩附生蘇建龍文童陳立焜郭慶脩陳坤培呂恂均著以巡檢分省補用。外委陸貴廩陸裕光陳德才馬朝輔均著以千總儘先拔補。候選府經歷吳善宜著以知縣分省補用。候補州吏目田承斌著以縣丞仍留原省補用。以示鼓勵。餘著照所議辦理。該部知道欽此。

第四十七章 戊申馬篤山之役

黃克強督師 小峯之戰 馬督山之戰 夜襲之大捷 解散之原

因 清吏之文電

黃克強督師 鎮南關一役既敗。中山克強乃再定合謀滇粵之策。以欽廉會黨之勇氣可用。

決由克強統領鎮南關及十萬大山餘衆親入欽州。并函約駐欽州統領郭人漳接濟彈藥。相機響應。先向河內法商購得盒子砲百數十桿。并由獨自由在香港購取子彈。托河內西安兩輪船買辦同志彭俊生黎量餘等私運至海防。交劉岐山等設法送至中越邊界。籌備既竣。克強乃率黎仲實劉梅卿梁建葵梁瑞庭唐浦珠及越南華僑等二百餘人。于戊申^{三十四年}_{清光緒}二月二十五日繞道越

南。進攻欽州。法國守兵咸鼓掌歡送。絕不干涉。衆遂揭青天白日旗。高吹洋號。列隊過東興附近之大路村。四處張貼中華民國軍南軍總司令黃告示。鄉民紛紛燃爆竹迎之。中途與清軍一小隊相遇。革命軍突然進攻。清軍猝被衝散。有驚跌而重傷者數人。二十七日下午至小峯。有清兵三十餘人出迎。蓋聞角聲。誤以爲是郭統領人漳也。既相見。問革軍爲何營。革軍反問之。則以二十營對。革軍遂開鎗殺其五人。逃去三人。餘衆悉降。當革命軍發鎗時。清

第四十七章 戊申馬篤山之役

營哨官猶在後大呼來者是郭統領。要站班迎接云。

小峯之戰 駐小峯附近清營管帶楊某得逃卒歸報。於是該營合第三十六營俱出。既近革軍。依山爲陣。所佔形勢頗佳。革命佯却。引楊等前。分兵爲三。一從對山攻擊。一伏田隴間。一從清兵之後山上暗襲。清兵但顧前之二軍。及後軍驟至。清兵大駭。奔潰四散。死者數十人。生擒哨官某。傷者逾百。是役楊軍之大旗被奪。失槍甚多。楊等以六百餘人出隊敗歸。半日招集殘卒纔五十餘人耳。二十八日革軍前進。途遇清兵一營。接戰未久。清兵敗退。逃入村中一大宅爲負隅計。革軍乃喝大隊攻門。忽有一彈由內射出。斃革軍一人。黃司令大怒。喝令宅中主人。乃投炸彈燬之。清兵死者百數十人。餘衆皆解衣卸械而遁。清軍統領聞報。亦親率全。因聞楊幫統之敗。乃偃旗息鼓以避革軍耳目。是時楊軍敗後四散。其第三十六營有三哨避竄山中。郭統領軍來。楊軍不見旗幟。以爲革軍從他路追迫。遽發鎗之。郭軍還擊。三十六營一哨官斃。卽急奔。郭軍稍前。見其非革軍也。乃一驚而罷。

馬督山之戰 二十九日革軍到大橋。適有清軍兩營聞警來援。戰不移時。清軍營官一名中鎗仆。兩營皆狼狽而退。三月初二日革軍列陣于馬篤山。清軍督帶官龍某率兵三營來攻。革軍居高臨下。清軍大困。黃司令親發鎗遙擊。龍管帶中彈從馬上翻身墮。革軍歡聲如雷。清

軍傷亡甚衆。其營官廖丁遂先已軍而遁。於是三營盡潰。清軍哨官被擒者二名。卽伏誅。降兵三十餘人。悉令剪髮。計革軍四次獲勝。當以初二日爲最。四次共得快鎗四百餘桿。彈藥無算。傷亡者僅四人耳。

夜襲之大捷 革軍連戰俱捷。是時已聚衆至六百餘人。聲勢日盛。方擬取道那樓大塚等處。向桂邊進攻。詎清軍統領郭人漳參將王有宏合兵尾之。有衆三千餘人。取包圍式。于革軍形勢頗不利。黃司令以寡不敵衆。乃募勇士于黑夜至清軍所駐民房拋擲炸彈。清軍自相驚擾。不戰而逃。革軍乘勢追擊。清兵四散。其營長號楊胖子者。以匿于叢林得免。經此役後。革軍遂得縱橫出沒于隆雁陳塘那悞馬路城柳綠鳳岡一帶。使清軍疲于奔命。欽廉道龔心湛統領郭人漳乃頻電粵督告急鼓而粵督更電請桂撫協同嚴勦。其狼狽情形可見。

解散之原因 先是黃克強原與郭人漳有接濟藥彈相機反正之約。因所指定接濟地點及時間。每每錯過機會。不克收受。有數次解送彈藥之郭軍過後半日。而革軍始到。遂不能得其接濟。又小峯附近之戰。革軍與郭部某營長因誤會而接仗。郭軍頗有損失。郭因是老羞成怒。頓生惡感。不獨不肯踐約供給。且懷敵意。此實革軍之致命傷也。革軍轉戰數十鄉鎮。費時四十餘日。以彈藥告竭。遂不得不下令解散。克強遂偕黎仲實等赴越南。餘衆多遣歸十萬大

第四十七章 戊申馬篤山之役

山。是役諸將士以欽地多瘴。咸染瘡疾。獨克強安然無恙。又所過之地。秋毫無犯。公平交易。某日在某村聚食。憑鄉人代往他處購肉三十斤。程途不遠。革軍亦謝以數金。故鄉民到處歌頌不置云。

清吏之文電 革命軍解散後。欽廉道龔心湛統領郭人漳會銜電稟粵督。其文如下。

前據降人供稱。黃逆有偽印偽示板製造逼碼機器等件藏在東西邊防各處。當經遣派弁兵。飭各降人帶引往起。起出木質銀鑲偽印一顆。文曰總統中華革命軍印。又偽示板六塊。銜係中華民國軍總司令官黃興。語極悖逆。又製造逼碼機器炸藥引線逼碼紙張等多件。並獲窩戶劉必振一名。經湛漳督同印委。訊據該窩戶供認係革黨寄存等語。要之此次起事。革黨蓄謀已久。試觀陸軍部當時奏稱。欽廉遊勇士匪勾結逆首孫文。倡亂起事。先後兩撲欽州。一攻東興。一圍靈山。一陷防城。匪勢浩大。股數不一。經臣派定東西各營。分路合剿。大小數十戰。擒斬多名。奪獲鎗枝。均烙有革命軍火印。大股次第撲滅。其逃匿深山窮谷者。搜捕獲辦。已逾千數。地方一律肅清。伏查廉欽兩屬。北接廣西。南鄰越南。逆匪孫文在該處起事。蓄謀深遠。欽廉一帶。該黨編爲革命南軍。此次起事。實與從前不同（下略）云云。

第四十八章 戊申河口之役

河口之形勢 黎關等之被逮 攻佔砲台之劇戰 南溪之佔領

新街之佔領 黃克強赴前敵 黃克強返越被逐 清軍之戰略

蠻耗之敗 襲取思茅之頓挫 移師桂邊情形 遣送新加坡情形

胡漢民之報告書 清政府之文電

河口之形勢 滇越以紅河爲界。而河口爲紅河最扼要之地。清國在此派重兵防守。設督辦官一員。常川駐紮。對岸爲越南之老街。法國設防亦頗嚴密。革命黨欲圖雲南。必先從取得河口入手。蓋其地居兩國邊界。爲鐵路工人及遊勇出沒之區。輸運軍械尤形便利。且佔有滇越鐵路交通上孔道之形勢。上通蒙自阿迷臨安及雲南省城。左通蠻耗普弭。右通剝隘廣南。以達桂邊。革命軍得之。可以四通八達。誠軍事上最佳之發動點也。

黎關等之被逮 是時中山在新加坡。黃克強入欽州未返。留河內機關部者。僅胡漢民黎仲實張翼樞等數人。滇事于鎮南關發難以前。早已著手運動。至戊申三月。事機漸熟。中山乃

第四十八章 戊申河口之役

派黃明堂主其事。王和順關仁甫佐之。河內機關部并派黎仲實高德亮麥香泉姚章甫陳二華梁恩等八人駐老街。預備于得地後。實施革命方略所規定之因糧方法。詎三月中旬。清吏以河口附近時有盜劫案發生。特照會法官請求緝匪。老街警察局以黎等形迹可疑。遂派兵搜查寓處。發見革命軍文告及旗幟等物。始知爲革命黨而非竊盜。惟據國際法。雖不能將政治犯移交清吏。然亦不能放縱之。使擾亂鄰境。故黎等遂被拘留于警署。候越南總督命令處分。遇有相當輪船。卽當撥送出境。法警以黎等皆革命黨。待遇頗優。及聞河口革命軍大勝。乃取酒飲黎等。各舉杯歡呼。同慶中國革命之成功焉。關仁甫于是月二十三日偕霍明西至老街。亦被法警拘禁。經華商各店戶聯名保釋。至二十八日始獲出獄。次晚卽偕黃明堂渡河襲攻河口。

攻佔礮台之劇戰 三月二十九晚二時。革命軍首領黃明堂王和順關仁甫率所部百餘人在信防(卽河口)起事。初從越南邊界渡河。清軍防營一部先與聯絡。至是合併爲一。數約五百人。遂向城中進攻。是晚四時佔據河口城。城內警兵聞號。相率反正。警察局長蔡某伏誅。河口向有清軍四營。一營守城內。一營守山上及礮台。管帶黃元楨守山上南營。防務處督辦官王鎮邦自率兩營駐半山之礮台。管帶岑德貴則守城內各處。河口既破。岑得貴及張印堂率敗

軍逃入礮台。與王玉帆（鎮邦字）合力死守。四月初一日兩軍繼續開戰。極形劇烈。黃元楨部下二哨先降。餘二哨隨黃駐山頂。猶相攻擊。王督辦密遣使赴老街求救于法國防營統領。乞借兵兩哨平亂。法軍統領答以此次起事乃革命黨。並非盜賊。不能如命。時革命軍仍奮力攻山。王督辦親督隊力戰不却。黃元楨以無援。自率衆降。皆返戈助戰。至午後四時。王督辦亦使人約降。革命軍未敢遽信。乃派老將黃華廷偕一駐河口之法國商人登山說降。既至。王督辦不應。黃起身告行。王督辦暗命親兵乘黃不備。猝然開鎗擊之。黃傷仆死。復擊斃黃之隨兵一人。法商幸無傷。革命軍聞報大憤。遂下令進攻。清弁張印堂等陣亡。守備熊通先已通誠于革命軍。至是乃舉鎗擬王督辦。其所部俱反正。王督辦隨即伏誅。岑德貴潛匿民舍。亦被擒。旋加恩放免。於是清軍盡降。河口四礮台皆爲革命軍所有。計得十響毛瑟鎗千餘桿。彈二十萬發。王鎮邦首級則懸諸河口橋頭示衆。半日後乃給其家屬埋葬。一面用南軍都督黃明堂名義佈告安民。並派兵保護領事稅關洋人。送往老街。秋毫無犯。居民悅服。遠近歸附者絡繹不絕。數日內增加至千餘人。聲勢大振。

南溪之佔領 河口佔領後。革命軍辦理因糧事務乏人指導。民政方面夢如亂絲。黃明堂以是不能依預定計劃。于最短時間分兵四出。以攻取蒙自昆明。實爲用兵之大忌。王和順于初

第四十八章 戊申河口之役

五日始督兵沿鐵路進攻。先是黃元楨降後。卽致書勸鐵路上李蘭亭及黃茂蘭兩營反正。李蘭亭于初二晚已親率全營來降。繳鎗二百餘桿。子彈三萬發。穀一百担。及王和順督師上攻。有黃茂蘭所部二哨迎降于道。革命軍至南溪。駐其地之清將胡華甫王玉珠各率所部一哨降。遂佔領南溪。而設司令部于黃茂蘭住宅。初七日大軍進至鐵路七十八基羅。黃茂蘭之子率兵來戰。擊退之。時開廣鎮總兵白金柱奉滇督錫良命。帶兵四營到八寨。其地雖開化城八十里。王和順聞報。乃分兵襲取古林箐。以牽制白金柱之軍。白軍降者百餘人。是時原可乘勝進克蒙自。以後方餉彈不繼。不得已暫駐原地聽候供給。

新街之佔領 關人甫于初三日引衆四百人左趨蠻耗。欲上個舊。合臨安周文祥之兵。以攻蒙自。初四日與清軍管帶柯樹勛所部二百餘人相遇。柯登山自守。革軍攻之。時已入夜。清軍不戰而走。清兵降者數十人。駐霸洒管帶李開美率衆來降。遂佔新街。

黃克強赴前敵 是役革命軍以未得智勇雙全之主將調度一切。所預定進兵方略多未克實施。中山深以爲憂。適黃克強自欽州返越南。初四至先安。中山在新加坡得電大喜。卽電委黃爲雲南國民軍總司令。節制各軍。克強初六從海防乘晚車入河內。初八卽乘早車上老街。赴前敵督師。既至河口。見軍事進行多疲玩不振。而屯兵不進。尤誤戎機。乃力催黃明堂趕速

添兵。沿鐵路進攻昆明。明堂恐糧食不繼。猶豫未決。克強守候逾日。意極焦灼。遂欲親率全軍前進。以此意商諸明堂。明堂乃撥兵士百人隨之。於是克強縱馬前行。未及一里。各兵羣向天開鎗一排。齊聲呼疲倦不已。克強再三撫慰無效。更行半里。則兵士多鳥獸散。不得已折回河口。派人至前敵約王和順相會。王至河口共商進攻之策。亦以兵少彈缺爲慮。克強仍欲親率各軍襲取蒙自。而將士多不聽號令。乃知本身非有基本軍隊不能指揮他軍。遂決計回河內。擬徵集前在欽州共事之同志一二百人。佐以駁壳鎗。組織基本隊。然後再赴前敵。如是則不愁他軍不聽號令。於是邁返越南。

黃克強返越被逐 十二日黃自河口返越南。甫到老街。卽爲法國警兵所逮捕。蓋黃貌似日本人。當其初到河口馳馬軍中時。對岸法兵已疑革命軍有日人相助。日人在越南素有煽惑土人作亂之嫌疑。法人對之異常猜忌。故黃此次一入越境。卽遇此厄。及黃告以姓名。始悉爲革命軍重要人物。照國際法。例當撥送出境。前次黎仲實等八人願赴香港。故于河口革命軍舉事後數日卽如言遣之。此次克強自願赴新加坡。法政府乃送之至西貢。然後由西貢買舟至新加坡。克強此舉實于革命軍成敗關係至巨。從此義軍失其導師。漸有孤城落日之勢。

清軍之戰略 先是滇督錫良以革命軍聲勢日盛。大爲恐慌。一面令臨安道增厚開廣鎮白金

第四十八章 戊申河口之役

桂督兵南下救援。一面頻電清廷告急。初九日清帝令派劉春霖督辦雲南軍務。未到前由總兵白金柱暫代。著隨帶銀五萬兩犒師。另飭廣西左江道龍濟光率南甯防軍七營前往協助。并著江督端方鄂督陳夔龍接濟餉械。時臨安蒙自開化各處一日數驚。潯江防軍管帶楊士雄奉電檄調赴援。於初七日在潯江附近數里之塘溪澗。與革命軍一枝隊接戰受傷。全軍幾潰。餘軍皆披靡。倘革命軍乘勢攻取。沿鐵路各要隘皆可不戰而下。乃遲之又久。革命軍並未積極進攻。錫良乃得從容調兵。向革命軍取大包圍之勢。先派遣員方宏綸爲全軍總統。白金柱督辦全省軍務。已則親赴臨安居中策應。白注重蒙自。決從兩路抄襲。一由蒙自大路。一由開化西南折入黑灣後路。以與蒙自一軍會合。同向鐵路沿線取攻勢。

蠻耗之敗 革命軍左枝隊關仁甫何有才黎國英等從新街進至蠻耗。詎清管帶柯樹勛部下之降卒聞清軍救兵將至。遂與柯樹勛裏應外合。猝然譁變。關無法維持。損失不少。乃捨蠻耗而退河口。

襲取思茅之頓挫 四月下旬。清軍各路援師大集。桂軍三營川軍二營黔軍二營陸續開到。聲勢陡壯。遂向王和順大營進攻。王與清軍在泥巴黑附近相持二十餘日。以敵勢日張。而已軍子彈漸告缺乏。廿三日親至河口與黃明堂相商。提議鉄路上大營及河口駐軍全數開赴普明。

府。襲取思茅爲根據地。思茅鎮總兵謝有功所部早已聯絡就範。義師一至。可以不戰而定。然後徐圖進取昆明。時黃明堂以河口糧道閉塞。河內機關部雖曾派僑商黃隆生甄吉亭等數次解送米糧。然其後亦爲法官禁止通過。遂有絕糧之虞。因此亦極贊成王之提議。乃約定兩部同開至巴沙集合。然後會師進取。詎黃明堂部先到巴沙。未候王和順兵到。卽先自出發。在下田房與柯樹助所部蔣炳臣大隊相遇。竟爲所敗。仍退回河口。王和順聞黃部敗退。移兵思茅之策不成。遂亦率所部向河口退却。

移師桂邊情形 革命軍各部均退駐河口。王和順欲背城與清軍一戰。敗則退入越南。黃明堂主張保全隊伍。移師桂邊。再作後圖。時軍中士氣不揚。故黃說卒佔優勝。于是黃王諸首領均離河口赴越境。而使部將何護廷馬大等率餘衆東向。取道鎮邊八角山等處入桂。師至馬白。與清軍龍濟光部相遇。王正雅亦跟踪追尋而至。兩軍接仗一日。革命軍以前後受敵。多無鬪志。退至馬角寨暫駐。復爲清軍夜襲。餘衆乃退入越屬山西太原地方。欲假道開往桂邊。詎爲駐防法兵勒逼繳械。革軍不從。遂與法兵開戰。革軍多遊勇出身。出沒無常。戰線由寶勝老街以至太原省之左州。合法兵疲于奔命。相持數月。駐諺地法官乃請著名土豪梁正禮又號巴頭梁者出任調停。兩造始息戰。革軍卸械後。由法官送給旅費後保護出境。送往南洋

第四十八章 戊申河口之役

安置。當革軍退入越南之際，清兵聞訊追擊，誤傷法國大尉威根一人。北京法公使因此向清廷大開交涉。卒由清廷賠款道歉了事。

遣送新加坡情形 革命軍將士韋雲卿等及兵士因退入越南。先後被拘留繳械者六百餘人。均由法官撥令出境。并派憲兵護送至新加坡。到新埠時。英官藉口一千九百零六年條約第八條。有『凡外國犯罪逃亡之人船主不得帶載入境』之明文。禁阻登岸。駐新法領事乃向英官交涉。謂此六百餘人乃在河口戰敗而入法境之革命軍。越南政府以彼等自願來新埠故遣送至此云云。英官答以中國人民反抗本國政府。而未得他國承認爲交戰團體者。不能視爲國事犯。祇可視爲亂民。亂民入境。有違英殖民地禁例。故不准登岸。因此法國郵船停泊新埠二日。後由越南總督聲明當河口革命戰爭之際。法政府對二方均取中立態度。事實上已不啻承認革命黨爲交戰團體。故此次送來英屬之黨人。不能視爲亂民等語。英官至是始准黨人登岸。惟仍押禁于拘留所。中山乃使中興報董事張永福延律師向華民政務司保釋。並派員招待一切。除令陳楚楠等創辦中興石山以安插彼等外。且介紹于檳榔嶼吉隆坡吡叻文島各埠工廠礦場農場。使各安生業。於是革命失敗後所發生之國際問題始告一結束焉。未幾河內僑商黃隆生因有解送糧餉于革命軍之事。亦被法官命令出境。

胡漢民之報告書 附錄當日革命軍駐河內機關部主任胡漢民致中山之起事報告書如左。中

山先生大鑒。雲南國民軍光復河口蠻浩各等情形。除經電報外。謹詳述之。初國民軍之圖河口也。潛師于邊界者百餘人。其散布於車路一帶裝爲苦力者二百人。清軍暗約反正投降者日衆。願我以河口原屯重兵。除警察汎兵外。則有督辦親帶二營。黃元貞管帶一營。岑德桂管帶一營。黃元貞素通情于我。而督辦王玉藩則頑固老物。岑德桂更懵無知識也。督辦部下熊守備勇而有謀。自願以身當督辦。而以其部從我。相約已二旬。督辦得告密者言。頗爲備及。黃元貞已有調省之信。督辦辭職之文書亦將回復。熊守備黃元貞二人乃決意速舉。有清諜者偵知法界有我軍指揮者數名寓焉。竟誣以劫案。請法吏拘留之。（卽黎仲實等八人也）弟聞此事。急催我軍首領黃明堂關仁甫張德卿速發。遂以廿九晚二時舉兵。警察兵聞號卽響應。自殺其管帶蔡某。而我軍約束之使勿動。巡視河口如常。蓋河口與老街相隔僅一河。懼有擾也。旋攻汎營。汎官某逃而報督辦處。黃元貞部下二哨先降。餘二哨隨黃駐山頂。猶相攻擊。旣而三腰那扒各處分駐之兵聞風皆至。戰至翌早八時。我軍暫休憩。九時復猛攻之。是時督辦親督隊力戰不却。而黃元貞已降。皆返戈助戰。至四時。督辦亦使人約降。我軍知其頑強未信。因派王槐廷帶兵二人

第四十八章 戊申河口之役

。並一法人（於河口通商者偕通事來觀戰觀其情亦知督辦已力竭故願與吾軍同行）往說之降。既至前。則督辦不應。王槐廷起身告行。督辦突揮刀斬王。王仆。旋以短鎗轟我一兵。（法人幸無傷）熊守備急舉槍擬督辦。其部下從所指。督辦遂伏誅。舉督辦之營降。岑德桂潛逃匿民舍。其營亦解甲。河口地面遂歸于我軍佔領。收各營之槍千餘。除身佩之子彈外。別得貯存之子彈七萬。河口四砲台亦歸我有。於是下令安民。並派兵保護領事稅關洋人。送往法界。居民大悅。（法報紙以我軍之舉動能依于國際法而行頗有贊美）一面點收軍實。編正隊伍。一面論功行賞。商議進兵。黃元貞既降。則自爲書勸鐵路上海蘭廷及黃茂蘭反正。初二晚李親率全營來降。繳槍二百餘枝。子彈三萬。穀壹百担。黃茂蘭部下二哨亦已聞風而來。初三關仁甫引衆四百進攻蠻浩。甯大引偏師上南西河。（以爲攻蒙自軍之偏師而德興則正兵也）黃茂蘭亦覆書于王元貞。言（黃茂蘭所駐較李蘭亭爲遠李在二十條基勞黃在七十八條基勞故李先降）我軍到日。自當率全營投降。初四日關仁甫兵上至南溪。適有胡華甫之營壹哨來降。他壹哨官王玉珠亦相約響應。我軍更前行。抵新街。柯積臣（蠻浩管帶也）帶兵二百餘人登山放卡。我兵攻之。時已入夜。敵軍不戰而走。投降數十人。初五日張德卿親督大隊進行七十八條基勞。收黃茂蘭

之兵。然後合兵攻蒙自。關仁甫之兵亦擬由蠻浩上個舊。合周文祥之兵（是日開臨安已發動）會攻蒙自。初六日據來報言。白金柱帶清兵四營到八寨。八寨離開化城八十里。於是張德卿擬分兵數百襲攻古林菁。以牽白金柱之軍。及偵白金柱之所向。而與大軍合攻之。初七日更挑選精兵二百名兼程上蒙自助戰。此自上月廿九日起佔領河口暨連日進攻以次克敵收降之大概情形也。此次德卿仁甫踴躍用兵。發憤進取。而發難之始。則功在黃明堂。然而黃元貞內應之功實大。反正以後。即立作書招降。而李蘭亭聽信其言。全營來降。以至黃茂蘭等亦相率先後而來。皆黃元貞之力也。初四日弟得克兄電。知已抵先安。即電告知。旋奉來電。令克至即上督滇師。初六晚車克由海防入河口。今日早上老開。往河口督師。弟已將各將士之才幹及進行之近情備細告知。克兄精神完足。殊無鞍馬之勞。瀕行謂雲南敵兵若不能爲我患。則或取廣西之兵自救。宜于其間更謀出一路于歸順以牽掣之云。想克兄親行督師。士氣更當百倍也。德卿瀕行。謂此行攻戰之事可必克。以我力充足。而敵勢脆弱。又有會黨相通。其士卒莫爲彼虜用命也。惟是自河口以上。糧米極貴。每日每人至少須發伙食三毛。現在我兵已三千餘人。（河口原有之義師三百人。在河口投降者。警察汛營及巡防四營。李蘭廷來降一營。黃茂蘭二哨。胡華甫

第四十八章 戊申河口之役

一哨。王玉珠一哨。其餘新街蠻浩尙有降者。每日用銀。糧食一項亦幾及千元。收復河口。卽就地徵收義捐。得銀三千五百元。惟發餉時。殺督辦花紅二千。佔山上砲台及以哨官首級獻者。大小花紅二千八百。共花紅四千八百。（其得河口後來降者卽皆不給賞。但發伙食而已。）初二日弟交甄吉亭帶款二千二百元上。次日關仁甫之隊起程。初四日弟交黃龍生帶款二千二百元上。次日張德卿之隊起程。初六晚吉亭歸河內細述情形。知德卿之隊僅持三日之糧。非立加接濟。兼多辦糧食運送供給。便慮爲行軍之窒礙。是時鋪戶之捐已難於爲繼。而兵起河口。佔領逾一週。不見外洋大款接濟。士心雖固。不爲搖動。然若糧食不周。則情見勢絀。外恐見笑于鄰國。內亦恐降者之裹足。蓋降者之來感于情誼者三。而動于勢者七。由此數日之情勢度之。則彼敵望風奔附。而我師大增。以是而收取全瀋也不難。若因餉絀之故。使來者聞知。不肯踴躍來附。豈不可惜。自河口起兵。我軍得利。正在有越地供給之後援。足食而進兵。則所至所向。能戰能攻。河內同志力竭于前。先生所曉。弟見吉亭之報告。遂再電星州告危。是日復接河口來電。言降者見糧食困乏。頗有一二不安者。弟尤爲焦急。旋得星州先生復電。三日有款。略爲欣慰。然仍無以濟兩日之困急。勉強就商於梁成泰之子梁秋。使由伊借款三千。而約以

無論何時。星款到立即歸還。梁秋前日已爲我黨捐款二千。（前信已告知）此番實得其助力。以弟觀察。雲南大局確有把握。哥老會之糾合。息息相通。如黃元貞之營降。而降者相繼。此其驗也。周文祥曾破雲南。最有聲名者。今亦皆爲我軍所用而起。轉會黨而爲革命黨。而服從于國民軍矣。此雲南全局可圖者一大端也。蒙自開化藏槍各數千。（藏置爲招募新軍之用）而守兵各不過兩三營。合其附近可取救援之兵。亦不過各得二千人而止。以我朝起之銳氣。攻彼腐敗之營兵。且有會黨相通之妙用。一可敵十。何況彼力之尙有不如我耶。此雲南全局可圖者二大端也。雲南近邊服一帶。糧食既昂。河口之兵正以餉食不周。爲倒戈降我之大原因。若我有後援。糧食充足。則彼敵兵降者恐後。蓋以彼卒常饑之故。此雲南全局可圖者三大端也。黃明堂關仁甫爲舊日會黨首領。張德卿亦著名于廣西。今皆聚而爲我用。各盡其能。黃元貞新降。極意立功。且熟悉全滇情形。今又有黃克強兄之學識經驗。而爲統籌。人才衆多。此雲南全局可圖者四大端也。雲南各營之槍。係于前年一律換爲德國毛瑟者。器械可用。非如欽州集合地方兵團之械參差不倫者可比。現下子彈充足。亦可供數大戰之用。惟降者日衆。則餉食日增。河內一隅（河內已捐款千餘力已竭）焉能仰給。必有大款方堪接濟。若得十萬金。分半先爲

第四十八章 戊申河口之役

糧食之用。分半預爲子彈之補充。則大軍所至。勢如破竹。攻城略地。無後顧之憂。若以現情形論之。則開化蒙自在我軍掌握。惟兩城既得。驟辦因糧。必不能給。（蒙自等雖非河口之比。然既得大城。則軍費浩繁。亦非現在可比。因糧之法必須徐徐舉辦。而後有功。若朝得城池。而夕辦因糧。以充軍實。勢必難也。故必預籌款項。以爲臨時之用。）是以不能不先仰外洋之接濟。糧食第一。子藥之補充次之。（底波洋行私約。如得蒙自。伊有洋行在彼。軍用亦可以任取。良班大班私語口口養云。若有佔領蒙自消息。請黨人告我。我有大好意相酬。蒙自領事聞我佔領河口。卽歸蒙自語人云。我素助革命黨。或恐黨軍攻蒙自。他法人有誤會。故須歸爲同情。大抵若得蒙自。弟在河內亦可盡力運動。使得種種之裨助。然第一級之工夫。則尙未能做到。今惟望先生與星埠諸同志之大力先助。十萬不能驟得。亦必籌濟五六萬之款。法報之言曰。革命軍此次乃真有革命之力矣。然何其經濟之困乏耶。以數千金之款而用數千人。何其神也。又有云。以革命軍之所爲。當無有能禦者。吾人何敢量其力之所至。然須就地以籌軍用。則豈無外力之大助耶。（在河內徵捐法人亦知之）蓋我黨之艱難于平日。非外人所知也。今雲南之機局。實所謂非常之遇。雖有智慧。不如乘勢。況我祖國之淪亡于異族人之手已二百餘

年。今何幸而河口至蒙自之間已歸漢人佔領。開化蒙自不日底定。全滇在我範圍。虜則驚魂喪魄。而我同胞當于喜慰之餘。轉生感喟。而內外有血氣者。同志協力。各盡義務。斯豈徒奮力行間者之希望。我同胞實有其責任也。至如何統籌全局。指示機宜。持綱挈領。及延請海內英才。以襄各事。是在先生。弟此次一人獨當要職。自河口克復以來。筆舌不停。而策應爲謀。又皆出于一人。體素孱弱。尤恐不勝。差幸以喜當愉快之故。振起精神。尙能勉強從事耳。專此卽請大安。餘事續告。捷音電聞。弟胡衍鴻清政府之文電 附錄當日清廷君臣關於滇事來往文電如左。

(其二)雲貴總督錫良電奏

錫良電奏。據偵探員回省面稱。王鎮邦在河口與孫黨血戰幾及三日。官軍傷亡甚多。王已陣亡。河口被陷等因。竊思孫文蓄志已久。窺犯滇桂。逆黨衆多。械精餉足。非小醜跳梁僅踞偏隅者可比。奴才到任後。迭經布置防維。奏明有案。今果率衆來犯蒙河等處。經官軍對壘兩晝夜。究以兵單。竟致失利。蒙河爲滇之門戶。蒙河危則滇危。滇危則大局危。奴才一身不足惜。如大局何。終夜傍皇。莫知所措。刻已遣省城防軍拔隊馳往。會同增厚妥速布置。相機進攻。惟滇中兵力太單。合無懇恩俯念邊圉關係大局。速簡

第四十八章 戊申河口之役

大軍來滇相助爲理。奴才籌備無狀。以致失敗。應請飭部將奴才嚴加議處。以爲各統將者戒。

（其二）清軍機處廷寄

四月初九日軍機處廷寄雲貴總督。本日奉旨錫良電奏悉。孫逆從桂滇入手。蓄意已久。桂未得志。改而犯滇。實屬罪惡不赦。已蒙旨派劉春霖督辦雲南軍務。無論行至何處。迅即折回督軍前進。該督卽一面調撥省垣各軍馳往。毋任彼逆久踞。致生覬覦。該督事前毫無布置。致失要隘。著交部議處。再有疏忽。恐該督亦不能當此重咎也。

（其三）清帝電旨

清帝電旨分寄江鄂滇三省。錫良電奏悉。滇省關係大局。孫逆攻陷河口。毋任久踞。劉春霖現已到京。往滇尙須時日。着白金柱暫代速赴前敵。隨帶銀五萬兩。以備犒賞。錫良責無旁貸。速出督師。一面還飭龍濟光帶軍前往協勦。龍濟光原係滇籍。所部多滇人。剿辦桂匪。業已建功。此次回顧桑梓。益當奮力。如能早日克復。定予破格獎賞。並著端方陳夔龍接濟軍械。度支部羅掘餉款。凡在臣工。自應不分畛域。以副朝廷顧念邊陲之至意。特此通諭知之。

第四十九章 戊申安慶熊成基之役

熊成基略歷 范傳甲與吳春陽 軍界之活動 起事之計畫 馬
砲營之發難 兵敗之原因 黨人之生死 朱家寶之文電



熊成基略歷 熊成基字味根。江蘇揚州甘泉縣人也。祖父瑞生仕滿爲繁昌令。父存仁任候補通判。淮楊風俗綺靡甲天下。成基幼時血氣未定。性復風流放誕。讀書但通大略。去而習懸壺術。益不屑。惟以婦人醉酒靡其青年之光陰。既而父亡。家中落。無以自聊。以耽酒

色故。羸瘠多疾病。年十九。落魄于蕪湖。乃引鏡自照。拍案自劾曰。大丈夫當立功傳後世。豈能以少年無行終哉。遂渡江赴安慶。投安徽武備練軍學堂。絕嗜好。勤學習。儼然一苦學生矣。然練軍學堂未幾停辦。成基以未竟其學陸軍之志。赴江甯應徵兵令。編入某營爲副

第四十九章 戊申安慶熊成基之役

目。營將某見其聰穎好學。志趣異尋常。爲介紹于砲兵速成學堂肄業。以下士而廁于將校之列。異數也。成基入砲兵學堂後。勤業尤苦。學術優異。卒業後爲江南砲兵排長。安徽舉行徵兵。檄成基往。以爲砲兵隊官。時倪映典亦在軍中。成基與之交最密。在學時互以復國仇建民國相期許。成基初任陸軍第九鎮排長隊官。嘗向所部士兵提倡民族民權之說。聽者多感動。後以江甯雖長江咽喉。然非上游門戶。且駐兵甚多。恢復不易。因慨然有入皖之志。皖省爲成基產地。祖若父皆仕皖有年。於形勢甚爲熟悉。至皖見淮南士氣雄健。更易期以實行。同志中之爲軍官佐者亦夥。成基奔走聯絡。心力爲瘁。軍隊中少有熱血者。莫不贊成。越數月。新軍統領顧忠琛由甯往皖。奇其才。嘉其志。初調充砲營隊官。旋欲升爲他營管帶。成基堅辭不就。以起兵革命。砲隊實力較優于他營也。當是時徐錫麟方就義安慶。成基悲憤殊甚。以滿吏專制已極。急欲爲徐復仇。而阨于時機。乃中止。

范傳甲與吳春陽 在丁未徐錫麟起義以前。皖人運動軍界革命者。以范傳甲吳春陽二人爲最早。范字壽三。壽州南鄉人。少有志革命。祭卯年投身營伍。充工程營頭目。忠信篤實。同志咸推重之。丁未之役。以徐錫麟倉卒發難。不克參與。悲憤無已。乃進行益力。收效更著。旋調充工輜營頭目。及熊成基調至安慶。范乃悉力助之。熊所以得馬砲營之竭誠擁戴。

而進行無礙者。范之力爲多焉。吳春陽字陽谷。合肥人。與萬福華交最密。甲辰十月萬在上海謀刺王之春一案。係吳主動。事後赴日本留學。乙巳七月東京同盟會成立。吳亦發起人之一。丙午回皖。投身砲營充兵士。日以散佈民報及各種革命宣傳品爲務。各營士兵趨之若鶩。嗣爲皖吏所知。下令逮捕。乃潛回故鄉。創辦城西學堂。自任校長。大倡革命。復爲鉅紳李國筠向提學司告發。遂又匿跡上海。戊申安慶砲營之反正。吳與有力焉。辛亥皖省光復。以同志推重。被舉爲安徽都督。力辭不就。仍不避勞怨。黽勉任事如故。無何有贛軍統領黃煥章率兵入駐安慶。吳以其縱兵擾民也。以大義責之。卒爲黃所殺害。此外在學界鼓吹者。有陶成章龔寶銓張通典段昭劉師培凌毅凌銳鄭贊承柏文蔚范鴻仙諸人。劉字光漢。江蘇儀徵人。乙巳丙午間任蕪湖赭山學堂監督。暨上海國粹學報編輯。專提倡民族主義。影響教育方面甚巨。凌氏兄弟及鄭柏范等均學生。於滬甯皖各地運動。亦甚得力。

軍界之活動 皖省改練新軍之初。首在安慶創辦武備練軍學堂。旋復設立陸軍常備營。青年志士應徵者頗不乏人。熊成基柏文蔚鄭贊承等均練軍學堂出身。范傳甲張勁夫則屬陸軍常備營。各提倡革命。異常猛進。時有岳王會之設。爲安慶軍界運動革命最先之組織。丁未四月徐錫麟鎗殺恩銘于安慶。各同志以事起倉卒。未及響應。戊申春倪映典由甯調皖。任騎兵

第四十九章 戊申安慶熊成基之役

營管帶。各同志欲乘時大舉。爲江督端方所覺。立命皖吏撤倪職。事遂無成。倪去後。范傳甲等推熊成基主持團體事務。各會員按月納捐會費。共集八十餘元。是年秋清廷有令調集南洋各鎮新軍定期十月在安徽太湖舉行秋操。派蔭昌端方爲閱兵大臣。蘇皖同志均認爲有機可乘。擬于會操動員後。同時在操場發難。正籌備間忽傳端方于親往太湖閱操時。將設行轅于安慶東門外英公祠。范傳甲等遂欲狙擊之于省垣。爲擒賊擒王之計。惟屆期端不果來。皖撫朱家寶爲防範革命黨之故。所有派赴操場之將弁。概不令知。識較新者參加其列。於是革黨之預定計畫又一頓挫。

起事之計畫 熊成基以在操場發難之計畫不成。乃與范傳甲等計議。決於太湖秋操時在安慶發動。其計畫之大略。欲以馬砲兩營先得皖城。皖城既得。乃以一軍塞集賢關之隘阻。甯軍中同志甚多。可作內應。計畫既定。適滿清帝后同時殞殞。中外震動。人心皇皇然。成基等以爲天子之機。壯氣百倍。遂于於是月二十六日下午約合范傳甲薛子祥張勁夫廖盤貞洪承點程芝營李朝棟田激揚及各營同志多人聚議於十祖寺後鄉楊氏試館。定期本日晚九時率馬砲營反正。並約隊官薛哲及時在城內接應。當由成基頒布作戰密令十三條如下。

(一)與我反對之軍隊 (甲)水師一營在西門外。(乙)巡防一營在北門附近。(丙)城內外

火藥庫有巡防兵兩隊。(丁)撫院及各衙門之衛隊約兩隊。

(二)我軍決於今日午後十時齊發。先取城內外火藥庫。後全隊進城。各盡任務。於次日午前五時在五里廟齊合。再俟命令出發。

(三)一標同二標第三營先赴北門外火藥庫。得有子藥後。一標第二第三營進城。助城內各營攻擊西門外之水師營。得收撫卽收撫。否則攻潰其兵。收其軍械。二標第三營留守藥庫。

(四)二標第二營同工程隊先赴其營旁之軍械局。得有子藥後。工程隊留守軍械局。二標第二營以兩隊攻破巡防營。以一隊先開西門。待馬營進城後。再赴北門開城。留守北門。又一隊攻擊撫院。

(五)砲營先徒手出營。至馬號舉火。以作全軍出發之號令。舉火後。至北門外陸軍小學堂奪取步槍。得槍後。旋至該小學後取子彈進城。以一隊守南門。兩隊巡街。

(六)馬營由西門進城。直赴軍械局。得有子彈。以一隊守西門。一隊開東門。後留守東門。餘兩隊奪取電報局。

(七)輜重隊直赴軍械局。得有子藥後。保護教堂及外國人。

第四十九章 戊申安慶熊成基之役

(八)講武堂各生充衛生隊之任。隨時搜尋城內外死傷兵士。歸入該堂調治。

(九)各標營隊之出力人員。次日午前論功行賞。

(十)各標營隊之兵士及民人等。如有乘機搶劫情事。由巡衛隊臨時照軍法從事。

(十一)巡警兵如有願降者。砲營收納之。編入隊內巡街。

(十二)各文武衙門之官員。不准任意殘殺

(十三)無論軍民人等。不准出入藩司衙門。

馬砲營之發難 成基于二十九日晚在砲營發令反正。各士兵欣然從之。管帶陳鏞昌反對。爲兵弁張鴻堯黃節等擊斃。遂焚砲營。整隊而出。至步標。標統蔣與權跪接于道上。步兵多平時贊成者。鮮不從。馬營早有聯絡。其排長田激昂周正鋒張烈等圍攻管帶李玉春于樓上。李負傷逃去。至是亦焚兵房。出與他營聯合。各營得千餘人。聲勢大振。隨往攻北城菱湖嘴子彈庫。守庫正目爲范傳甲之胞弟傳口。迎而納之。得彈後還攻北門。并焚北門外測繪學堂之步兵營。於是合各路併力攻安慶城。成基初不欲傷害城中居民。故先遣多人入城內應。且以隊官薛哲預謀其事。滿擬大兵一到。薛必開城接應。安慶可唾手而得。而孰知事勢變幻。竟出夫意料之外。

兵敗之原因 當義師攻城時。薛哲初率百餘人向北門衝突。本欲開城相迎。及見城上有少數巡防營守衛。遂逡巡返營舍。不敢發動。適是時皖撫朱家寶赴秋操地。接清帝后凶耗。江督端方促之遡返省垣爲備。朱歸。卽於此時以重利誘城內將士。勿爲義師所動。對於薛哲尤爲籠絡。薛爲所脅。竟臨陣退縮。不能爲成基之助。范傳甲在輜重隊。張勁夫在講武堂。均因官長監視甚嚴。不克發動。因是反正軍於倉猝中不能入城。而彈藥存貯城內。義師槍彈無多。砲彈又無彈火引頭。致無戰鬥力。圍攻一日夜。迄未得手。皖城瀕江。江面原駐兵艦數艘初已表示降順。至是受朱家寶命。由江中發砲擊義師。毀營壘。反正軍漸不能支。相持至二十七日下午十時。兵卒稍稍散去。成基乃率衆向集賢關退却。改變戰略。欲取廬州爲根據地。然後號召鳳陽潁州等處會黨。進而馳驅中原。於是取道桐城。直趨合肥。所經過地。秋毫無犯。軍容亦尙可觀。清提督姜桂題時在河南一帶。聞訊。乃率所部窮追。成基力戰敗之。然抵廬州時。所餘止有八九十人耳。而顛沛流離中。竟有謀害成基以降清者。成基知之。乃脫身避匿同志常恒芳家者數十日。後亡走日本。成基去後。程芝萱尙率其殘部。沿途與姜部之江防營混戰。至合肥東鄉時。僅剩三四十人。始宣告解散。

黨人之生死 與成基同舉義者。范傳甲失敗後尙在城內。因謀刺清協統余大鴻被獲。田激

第四十九章 戊申安慶熊成基之役

楊李朝棟張勁夫鄭養源周正鋒張志功張星五胡文斌等。失敗後被滿偵探所捕。均爲清吏所害。洪承點逃往香港。協統顧忠琛以事前失察。發解新彊效力。薛哲雖臨事畏縮。未參加義師。然已爲朱家寶覺察。仍令梟首于督練公所門外。事後高等學堂提調桐城人姚叔傑力主澈底根究。朱家寶余大鴻信之。故此案前後軍士學生被害者不下三百人。株連極衆。於是被害者乃推舉龔振鵬赴京訟冤。龔至京。得同鄉御史石常信陳善同之助。聯名參劾朱余。謂其貪功釀亂。徇私害公。辭極嚴厲。段祺瑞亦恨朱余。排之甚力。結果朱被清廷傳旨申飭。余先行撤差聽候查辦。旋復嚴令永不起用、人心大快。

朱家寶之文電 附錄十一月初一日清皖撫朱家寶關於此役致各省電文如左。

家寶二十六日由太湖回省。是夜城外砲馬兩營下級官長煽惑目兵謀叛。馬營管帶被傷。砲管帶被戕。奪佔子彈藥庫。縱火焚燬步隊營防。逼脅同伴。一再攻城。均擊退。復憑砲台攻城。黎明復調江面兵輪開砲攻擊。將砲台擊壞。該匪又竄避臨江塔寺後砲擊我軍。即遣將帶隊出城。會合江輪水陸夾攻。匪始潰退。一面遣巡防營將子彈庫奪回。廿八丑刻該匪因省垣西北隅有低缺處。復到此進攻。連開機關槍擊之。匪始不支退出。辰刻又奪回馬營。匪遂紛紛向城北竄桐城舒城一帶。因城兵無多。不及遠追。午後派隊四出

搜查。先後拿獲叛黨二十餘人。據供革命排滿不諱。爲首係熊成基。甘泉縣人。砲營隊官砲兵畢業生。廿九早卽開城。省城內外均照常貿易。午後午帥由太湖來。所派援軍甯省及江北與操軍隊馬步共七營。亦先後到省。陳筱帥派與操鄂軍一標協助。卽由潛山徑赴桐城剿追。江鄂兵輪並派有楚謙建威及魚雷各船亦陸續到齊。省中現無匪蹤。三十日午帥與家寶出城撫慰地方。商民一律安堵。廬州一帶。已由午帥商之程平齋軍門派隊堵擊。現在四面兜勦餘孽。想不難盡除。特此奉聞。朱家寶東。

第五十章 戊申汪黃謀炸清攝政王

汪精衛之決心 暗殺團之組織 汪精衛之留別書 實行機關之

設置 埋置炸彈之失敗 炸彈案之破露 汪黃等被逮與供詞

三人之定罪 營救團之效果 黃復生之自述

汪精衛之決心 戊申三月雲南河口革命軍發難。中山時在新加坡。以軍餉緊急。特派汪精衛鄧子瑜二人赴荷屬文島等處籌款接濟。詎是時歷年在潮惠欽廉鎮南關各地失敗之同志多亡命南洋英荷各屬。彼等對於同盟會幹部之善後措施。頗懷不滿。加以陶成章方大倡光復會。李柱中(燮和)李天鄰時功壁許雪秋陳芸生諸人紛然和之。聲勢頓盛。精衛等至文島。大受同志排擊。無功而回。精衛大憤。遂不告中山。私自秘密赴香港。謀一擊滿清重臣以雪恥。黃克強于精衛行後。適由越南到新加坡。乃與中山聯名電汪勸阻。并電香港馮自由。謂汪乘法國郵船來港。令即設法堵截。并阻其冒險。馮乃偕黃隆生屆時預在九龍碼頭守候。精衛抵港。以行踪爲同志所知。因暫停止進行。

暗殺團之組織 精衛旋赴日本。與黃復生黎仲實喻培倫(雲紀)曾醒方君瑛陳璧君等組織一

先生謂此後太矣等不知
 又物何辭文此言年上處
 及小人爲不善之所由也
 何能保其不爲此卑劣之
 故即年遺南洋同志書
 一紙收展先處而事竟
 後即爲此一中興報以
 杜彼輩一辭文也
 情詳以前信不再贅
 專此致
 弟
 精衛
 十二月

汪 精 衛 北 上 前 致 中 山 原 函

小暗殺團。團員共七人。復生培倫於製造炸藥。素有心得。以在日本試驗困難。精衛乃偕仲實壁君復生君瑛等至香港。密設機關于黃泥涌道。時約同志李紀堂赴屯門鄧三伯之農場試驗擲彈及電氣發火化學發火鐘表發火諸法。已酉夏復生培倫開滿大。臣端方將取道京漢鐵路南下。乃先期至漢口守候。欲狙擊之于車站。以機會錯過。祇得將所攜炸彈鉄壳及炸藥等物付托同志孫武保管而去。其後辛亥八月武昌之役。孫武在漢口因製炸彈受傷。卽此物也。汪精衛之留別書 精衛于己酉一年間爲經營暗殺事件。往還于日本香港者二次。中山克強及南洋同志屢阻其行險。均弗聽。是年秋同盟會南方支部成立于香港。衆

第五十章 戊申汪黃謀炸清攝政王

舉精衛任書記。時倪映典運動廣州新軍反正。日漸得手。衆同志咸欲精衛留港爲助。精衛以與復生仲實等有成約。堅不肯從。至十二月上旬。遂偕仲實璧君悄然北上。瀕行致書中山及南洋同志告別。錄之如左。

(其一)留別中山書

先生台鑒。來教敬悉一切。前函囑以專心此事。既聞命矣。後函則以維持團體爲急。此事可置爲後圖。弟意欲維持團體。莫善於力踐前函所言。蓋此時團體滑裂已甚。維持之法。非口舌所以彌縫。非手段所以挽回。要在吾輩努力爲事實之進行。則灰心者復歸於熱。懷疑者復歸於信。此非臆測之言。前事可徵也。丁未春夏之間。太炎輩在東京所以排擊破壞。無所不至矣。洎聞滇粵軍起。東京同志躍起犇赴。未嘗以太炎等之言而有所介介於中。卽太炎等亦自息其噪。惟太炎等最後之手段。無過於發佈詆譏之函。前時因有人彌縫其間。此等最後之手段忍而未發。今則不然。彼等最後之手段已出矣。其排擊破壞之能力。當無有更甚於此者矣。然則今後吾輩復有事實之進行著於天下。則彼等愧怍之不暇。更有何法以惑人。弟等之爲此事。目的在於破敵。而非在於靖內變也。所以靖內變之道。亦不外於此。故弟在東京。於彼等之所爲。付之不見不聞。惟專心於所

而已。先生謂弟死後。太炎等不知又如何舞文。此言弟亦慮及。小人之爲不善。無所不至。何能保其不爲此卑劣之行。故弟草遺南洋同志書存展兄處。弟事發後。卽爲登之中興報。以杜彼輩之舞文也。餘情詳以前諸信。不再贅。專此敬請大安 弟精衛頓 十二月朔

(其二)留別南洋同志書

南洋同志公鑒。弟自去歲小除夕離星加坡。邇來遂與諸同志不復相見。至於今將一年矣。此一年中爲此事之故。來往奔走。僕僕不定其居。屢接諸同志來書殷殷詢問。所尤不忘者。仰光同志曾電召弟往。而弟皆未嘗一報。每念及之。輒悚然不安。顧弟所以不敢報書者。以既承諸同志詢問。不能不述近狀以告。將以實相告耶。則事尙未發。不能豫言。將飾詞以相告耶。則是欺也。以是之故。竟躊躇而不告。今者將赴北京。此行無論事之成否。皆必無生還之望。故豫爲此書託友人漢民代存。俟弟事發後。卽代寄以補前事疎忽之過。望勿以遲延爲罪。幸甚幸甚。抑爲朋友者。於臨別之際。必有贈言。況將死之時耶。惟弟所欲言者。平日已宣之於民報及中興報。而民報第二十六期所載革命之決心之論文。則將生平爲文字。約而言之。謂弟將死之言可也。惟弟於將死之時。猶有所歉然於中者。則以今春弟將爲此事。平生師友知而責之。以爲死之易不如生之難。宜

第五十章 戊申汪黃謀炸清攝政王

留身以當艱屯。其所諄諄責備者。弟心識之矣。願以革命之事。條理萬端。人當各就其性之所近者。擇其一而致力焉。既致力於是。則當專心致志。死而後已。然後無負於心也。今弟已致力於是矣。而年來與諸同事往來於目的地。相約前仆後繼。期於必制狂虜之死命。故雖聞師友之督責。而一往而不留。亦以耿耿此心。可對於師友也。然死者長已矣。至於生者。因將來革命之風潮日高。而其所負之責任亦日重。其勞苦沉瘁。必有十倍於今日者。弟不敏。先同志而死。不獲共嘗將來之艱難。此誠所深自愧惡者。望諸同志於已死者。勿寬其責備。而於生者則務於團結。以厚集其力。惟相信然後能相愛。惟相愛而後能相助。毋感於讒言。毋被離間於羣小。毋以形跡偶疎而睽其感情。毋以行事過祕而疑其心術。蓋有此四者。往往使團結爲之疎懈。凡諸黨派所不能免。而祕密性質之革命黨。則尤不能免。有如近日章炳麟陶成章等散佈流言。離間同志。是其一例。願諸同志慎之也。嗟夫。革命之責任必純而有勇者乃能負之以趨。非諸同志之望而誰望。願諸同志同心協力。固現在之基礎。努將來之進行。則革命之成功。有如明朝旭日之必東升矣。弟雖流血於菜市街頭。猶張目以望革命軍之入都門也。言盡於此。伏維自愛。手此告別。敬候。

道安。弟汪精衛頓首 十一月十日

實行機關之設置 已酉年秋九月。黃復生偕同鄉但懋辛先赴北京經營暗殺機關。黃原名樹中。字理君。四川隆昌人也。夙有志于荊鼎之事。曾在橫濱從梁慕光學製炸藥。傷其面部。至冬十二月。精衛仲實璧君等均抵京。雲紀攜其所購置照相器具亦到。遂在宣武門外琉璃廠火神廟西夾道設一照相館。名曰守真。擇期庚戌年元旦日開張。藉避世人耳目。另在東北園賃一屋。以爲集合同志機關。適值清廷派赴歐州攷查海陸軍之載洵載濤兩貝勒于己酉歲暮歸國。精衛復生二人遂攜皮包。內置鉄茶壺。滿貯炸藥。赴東車站相候。擬于下車時炸之。由晨守候至晚。車始抵站。因天已昏黑。見滿站皆戴紅頂者。不知誰是二載。恐誤中他人。遂未下手。時清慶王威權最盛。衆欲炸之以示威。因其出入戒備森嚴。不易動作。遂決計擒賊擒王。專以攝政王載灃爲目的物。以其扈從太衆。恐鉄茶壺盛藥不多。炸力有限。乃由復生向驛馬市大街鴻泰永鉄匠鋪定製大鉄罇。圓徑約尺一二寸。高可尺許。能貯炸藥四五十磅。籌備既竣。復從事行炸地點之選擇。

埋置炸彈之失敗 復生等初探悉載灃每日上朝。必經鼓樓大街。鼓樓前有一短牆。伺其通過時。若將鉄罇由短牆擲下。彼可悉數炸斃。詎計甫定。而載灃因鼓樓大街修築馬路。變

第五十章 戊申汪黃謀炸清攝政王

更行程。遂不果。繼又調查其路線必取道烟袋斜街。亦因租房不得作罷。最後始擇定十刹海旁之甘水橋爲適當地點。其地三面環水。僅一面有居民數家。甚僻靜。距攝政王府最近。爲出入必經之路。橋之北有陰溝一道。可將鉄鑄罐埋置橋下。人則藏于陰溝內。伺載澄過橋時。施用電氣發火。電流通。則電氣雷管遂起作用。而令炸藥轟然爆發矣。時衆以東北園距十刹海太遠。更于十刹海附近覓得一破廟。名清虛觀。與道士分租一室。以爲騰挪地。於是決定埋置炸藥事。復生雲紀任之。引放電機事。精衛任之。二月二十一日夜午。復生雲紀同往橋下掘孔。因犬聲四起。未能竣事。次夜復往工作。始將鉄鑄罐埋置孔中。及敷設電線。則以銅線過短。不敷所用。第三日重添購電線。至晚間十二時後續行敷設。忽見橋上有人窺伺。復生大驚。乃使雲紀急赴清虛觀。止精衛勿來。已則匿于巨樹後。觀其究竟。初見一人持小燈籠下橋。且照且尋。移時始去。復生伺其去後。乃疾馳至橋下。將電線收回。因鉄鑄罐太重。非一人力所能攜。僅擬將螺旋蓋取去。以避搜檢。惟以螺旋太深。倉卒不能拔出。祇得將電線結爲一束。隨以砂土覆之。仍潛匿樹後窺伺。旋見有三人。一警察。一憲兵。一常人。持燈籠二下橋尋覓。良久始去。事後乃知橋上之人係一趕大車者。因其妻三日不歸。出而偵察。見橋下有人。初疑爲姦夫。後乃發見掘地埋物諸事。駭而奔報警察。而黨人行炸載

禮之計畫。竟由是破露焉。復生見事已發覺。倉皇返東北園。卽夜間緊急會議。討論第二次進行方法。以所餘炸藥無幾。卒推雲紀赴東京重購炸藥。仲實璧君往南洋籌款。精衛復生在京留守。待炸藥至繼續進行。次晨璧君忽謂前晚埋置之鉄罈必未經發現。主張復生雲紀二人重往甘水橋探視。以便是夜續行工作。復生等依言往探。則見有持槍警察來往梭巡。始失望而返。翌晨雲紀仲實璧君三人遂各分途出發。

炸彈案之破露 二十三日夜間。有警察在甘水橋洞下發見鉄綫鉄匣等物。知非尋常事。亟歸報警署。警署復呈報步軍統領衙門及民政部。諸堂官聞報。齊至出事地點。衆相視莫敢動。民政部尙書肅王善耆促之。且言若有意外。則身家我任之。各軍警咸默然。後乃請日本使館某技正前往啓視。由日技正徐撥其土。方見一大鉄匣。內置黃色炸藥及雷管玻璃管數十具。乃判爲極猛烈之炸彈。爆發力能燬周圍二里闊。一時京中大震。全城警探極形騷擾。因匣內句藥之紙有英國某公司製字樣。遂有疑及載洵載濤兩貝勒自英國攜回圖謀篡位者。亦有謂慶王因與肅王有隙。故爲此以構陷之者。是時黨人程家樺方在肅王府任事。知復生等來京。疑與炸彈案有涉。乃使吳友石白逾桓改名赴守眞照相館。勸復生暫匿他處免禍。并約其是夜到名妓姚蓉初家密談。吳時任北平帝國日報記者。亦黨人也。復生力辯與是案無關。亦未赴程之約。

第五十章 戊申汪黃謀炸清攝政王

。以免發生他故。惟一意候炸藥運到爲第二次進行而已。

汪黃等被逮與供詞 北京警廳查驗鉄鑄罐之鉄蓋螺旋乃本國人製造。遂命偵探將都中鐵匠店挨戶密查。始探知爲驛馬市大街鴻泰永所製。訊據該店主人供稱係琉璃廠守眞照相館中人定造之物。因密派探員于該館修屋時。混入工匠內將往來函件一大包竊去。中有可疑之函二通。警廳始確知該館爲黨人機關。遂于三月七日午前由內城左一區署派警至守眞照相館。將黃復生及照相館司事羅召勛二名捕去。復使精衛等所用小廝帶路跟踪至東北園搜索。僅拿獲精衛一人并起出手鎗炸彈電線等物。均押至內城總布胡同警察左一區署。旋由區長陸聽秋分別訊問。而鴻泰永鐵匠店主人亦在此作證。精衛復生各自承爲一己所爲。不涉他人。一星期後移至內城警察總廳。亦分別拘禁。次日由廳丞章宗祥召集全廳職員顧鯨等作第二次之審訊。精衛乃草供詞數千言。照錄如左。

汪兆銘別號精衛。前在東京留學時曾爲民報主筆。生平宗旨皆發之於民報。可不多言。

丁未年孫逸仙起事時。兵敗後攜炸藥軍器等出。我潛以此等物件納入書簾內寄存友人處。後復往南洋各埠演說。聯絡同志。繼思於京師根本之地爲振奮天下人心之舉。故來。又自以平日在東京之交遊素廣。京師各處熟人頗多。不易避面。故聞黃君有映相館之設

。卽以三百元入股。至京居其家。黃君等皆不知精衛目的所在。相處月餘。後見精衛行止可異。頗有疑心。故映相館中有人辭去。至於今日。忽聞价言映相館中有事。故卽往閱。知事發。不忍連累無辜。故復回寓。擬留書黃君自白。未至寓。遂被收捕。自被逮以來。詰者或曰「今中國已立憲矣。何猶思革命而不已。」嗚呼。爲此言者。以爲中國已有長治久安之本。而不知其危在旦夕也。自吾黨人視之。則數年以來。其益吾民之悲痛而不可一日安者。固未少減於曩昔。且日以加甚者也。今之持立憲之說者。以爲立憲則必平滿漢之界。而民族主義之目的可以達。如是則雖君主立憲奚不可以卽於治。以吾黨人論之。姑勿論所謂平滿漢之界與所謂予民以權者爲果有其實否。卽以君主立憲之制而言。其不能達濟國之目的。可決言也。談法理者每謂君主係國家之最高機關。有憲法以範圍之。則君主無責任而不可侵犯。故君主立憲。未嘗不可以治國。此於法理則然矣。以事實按之。而有以知其不然也。大抵各國之立憲。無論其爲君主立憲爲民主立憲。皆必一度革命而後得之。所以然者。以專制之權力積之既久。爲國家權力發動之根本。非摧去強權。無由收除舊布新之效故也。法國當路易十六卽位之初。蓋已幾樹立憲君主政體矣。而後卒不免於大革命。其故實由於此。此非惟民主國之法國爲然。以君主國言

第五十章 戊申汪黃謀炸清攝政王

。若英所謂憲法之母者也。若德若日本。所謂君主立憲政體之強國者也。今之言立憲者多祖述之。其亦嘗一按此三國之歷史乎。英國無成文憲法。其所謂權利請願與所謂大憲章者。實由幾度革命所造成。其憲法發達之歷史。蓋遞遷迭變以至於今日者。法學者謂英國之國體雖同君主。而以其政治而論。實爲民主政治。非虛語也。德國之憲政。由日耳曼聯邦自治制度夙已發達。足以爲其根本。故君主立憲之制可行之而無礙。至於日本。則所謂最重君權之國也。其憲法上君主之大權。遠非德國可比。徵論英國。今中國之言憲政者。或謂當以日本爲法。或謂其君主大權過重。戾於法理爲不足學。吾以爲前說固無足論。卽後亦徒爲法理之空談。非事實之論也。夫謂日本憲法君主大權最重者。於法理上則然耳。至於事實則大權固不在君主也。維新以前。幕府專制。天皇僅虛位。是故倒幕之役。實爲日本政治上之大革命。西鄉隆盛以兵東指。德川幕府以兵迎降。政治上之大權已移於維新黨之手。於是德川歸政。天皇總攬大權。要其實則天皇高拱。國事皆處決於倒幕黨之手。是故日本之憲法。以法文而言。大權總攬於君主。而以歷史而言。則其國家權力發達之根本。固已一易而非其故矣。今以此三國立憲之成績衡之中國。乃無一相當。既非如英國憲法之以漸發達。又非如德國有自治制度以爲根本。而又非如

日本之曾經廢藩倒幕之大革命。其專制政體行之已數千年。自二百六十餘年以來。且日益加厲。所謂國家權力發動之根本在於君位。而政府各省行政官特爲奴隸供奔走而已。一旦慕立憲之名而制定憲法大綱。其開宗明義。以爲憲法所以鞏固君權。夫各國之立憲。其精神在於限制君權。而此所言立憲。其宗旨在於鞏固君權。然則吾儕謂如此立憲。不過爲君主權力之保障。爲政府之護符。其言有少過乎。嗚呼。如此之立憲。即單以解決政治問題。尤且不可。況欲兼以解決民族之問題乎。夫民族主義與民權主義有密接之關係。民族主義謂不欲以一民族受制於他族之強權。民權主義不欲以大多數之人民受制於政府之強權。然所謂強權者。即政治上之權力。今雖稱立憲。而其目的在於鞏固君主之大權。是其強權較昔加厲。其終爲民族民權兩主義之敵。不亦宜乎。論者又曰。此爲國會未開時爲然耳。當國會已開。則民權日已發達。故爲政治革命計。爲以速開國會爲唯一之手段。爲此言者。可謂惑之甚也。夫立憲所以鞏固君主之大權。上文已言矣。而國會者。即爲此大權所孕育而生。如嬰兒之仰乳哺。得之則生。不得則死。如是之國會。而欲其能與政府爭權界以爲人民之代表。庸有望乎。吾敢斷言國家權力發動之根本。未經變易。而質質然開國會以生息於君主大權之下者。其結果不出三種。

第五十章 戊申汪黃謀炸清攝政王

一曰。國會爲君主之傀儡。前此之土耳其是也。土耳其嘗立憲矣。其立憲悉模仿歐洲君主立憲國。條文頒布之後。以親倭之臣組織內閣。以各省總督爲上議院議員。以阿附朝廷之小人爲下議院議員。粉飾苟且。殆如一場戲劇。未幾其內閣頽然傾倒。而國會亦閉歇不復開。至昨歲而有少年土耳其黨之大革命。

二曰。國會爲君主之魚肉。今之俄羅斯是也。俄自與日本戰敗後。迫於民變。不得不立憲。其憲法條文之完善。較之憲法大綱相倍蓰也。其政黨之強立。較之今日請開國會者之兒戲相霄壤也。其憲法條由民黨數十年血戰所購得。較之今日所謂立憲又不可同日而語也。然而國家權力發動之根本無所變易。國會終不能與政府之威權相敵。故自有國會後。以持正誼之故。屢被解散。議員逮捕者纍纍不絕。膿血充塞之歷史如故。革命之風潮亦急激如故。

三曰。國會爲君主之鷹犬。今之安南議會是也。安南隸屬於法。法欲苛斂其民。而慮以是激民。乃開議會。以安南人之有資望者爲豪傑員。爲會員。每欲加稅。輒開議會。使議決號於衆曰。此議會之所議決也。故安南人有議會。實爲法國官吏之鷹犬。協力以噬其民者也。

由是觀之。卽如請願國會者之所期。其結果不出此三者。請願諸人。其果有樂於是乎。醉虛名而忘實禍。其罪實通於天也。立憲不可望如此。以故革命諸人以爲欲達民主之目的。舍與政府死戰之外。實無他法。此革命黨所久已決議者也。若夫避戰爭之禍。而求相安之法。則前此革命黨人。……………則民族主義民權主義之目的。

皆可以達。而戰爭之禍亦可以免。誠哉言也。或有慮此爲不利於滿人者。不知果不言立憲則已。如其立憲。則無論爲君主國體。爲民主國體。皆不能不以國民平等爲原則。謂民主國體爲不利於滿人者。非篤論也。或有謂此爲不利於君主者。然以較諸鼎革之際。其利害相去當如何。歷史所明示。不待詳言也。所謂願汝生生世世勿生帝王家。及所謂汝奈何生我家者。其言抑何慘也。設不亡於漢人。而亡於隣國。則法之待安南。與日本之待朝鮮。視去其國王如一敝屣。而其國王乃日仰鼻息以求活也。以較之日本德川幕府。奉還大政。身名俱泰者。其相去何如乎。

上之所言。於國內現象略陳之矣。至國外之現象。其足使中國一亡而不可復存。一弱而不可復強者。尤令人驚心怵目而不能一刻以安。國人於庚子以來。頗知敵國外患之足懼。至於今日反熟視若無所駭。此真可爲痛哭者也。夫中國自甲午戰敗以來。所以未至於

第五十章 戊申汪黃謀炸清攝政王

瓜分者。非中國有可以自全之道。特各國平均勢力之結果而已。庚子之役。俄國乘勢進兵於東三省。久駐弗撤。實啓瓜分之局。日本以均勢之故。遂與之戰。戰役既終。而各國之形勢爲之一變。前此英日同盟。與俄德法同盟相抗。日俄戰後。而有日俄協約。有日法協約。有英俄協約。所謂協約。質而言之。實協以謀中國而已。前此欲謀中國。而各國自顧其利害。勢有不均。遂相衝突而出於戰。今則鑒於戰禍。而以協約爲均勢之不二法門。一旦各國勢力平均。則保全瓜分爲其所願。顧所以苟延至今日者。以英法慮德爲之梗。而日本又慮美國之議其後也。比年以來。日美之衝突日以彌甚。數月前且有日美開戰之說。而日英美同盟之議囂然大起。日本新聞從而論之曰。日英美同盟成立。則可以制支那老大帝國之死命。其謀我之亟。有若是也。夫美富而日強。兩國雖各懷敵意。終不敢遽如日俄之肇釁。其彼此利害衝突之點。終必以協定之。誠使英德俄美日對於中國之均勢政策略定。則自甲午以來。中國所賴以苟安偷活者。至是已失其具。保全在人。分割在人。有爲波蘭之續而已。分割之慘。夫人而知之矣。抑亦知所謂保全者。其害禍無異於分割。國不能自立。而賴保全於人。已失其所以爲國。人爲刀俎。我爲魚肉。此所謂一亡而不可復存。一弱而不可復強者也。識者有憂於此。乃渴望清美同盟。夫

同盟之目的在於互相扶助也。故有兩強國同盟者。而決無以強國與弱國同盟者。以強國而與弱國同盟。是必強者以同盟爲餌。而釣此弱者也。前此清俄同盟。是其例矣。夫國不自強。萬無可以與他強國同盟之理。而非於國家權力發動之根本上有大變革。又無可以自強之理。愛國者可由此而知其故矣。今之談國事者。不以此爲憂。而顧以邇來中國與外國交際。其體面較優於前。遂怡然用以自慰。夫曩者中國所以不見禮於外國者。以其賤外排外之思想。然雖如是。而俄人固嘗以深情厚貌相親。而因以擾大利矣。今中國人之思想。已由賤外排外而轉爲媚外。而各國之智。孰不如俄。知中國之所重者。不在主權。不在土地人民。而在體面。遂亦競以深情厚貌相結。以期外交上之圓滑。而中國之人遂以沾沾自喜。間有一二小權利得僥倖爭回。則尤大喜欲狂。而於外國之協以謀我。瞠乎若無所見。此真燕雀巢於屋梁。而不知大廈之將傾也。此無他。由人人心目中。以爲今已預備立憲。凡內治外交諸問題皆可藉以解決。醉其名而不務其實。如相飲以狂藥。猥曰期以八年。迢迢八年之後。中國之情狀。其有不忍言者矣。

由此言之。中國之情勢。非於根本上爲解決。必無振起之望。及今圖之。其猶未晚。斯則後死者之責也。

第五十章 戊申汪黃謀炸清攝政王

三人之定罪 炸彈案破獲後。肅王以各衙門軍警破案有功。特由民政部提銀二萬元。以充賞犒。旋又查悉法政學堂職員孫鏡清與黃復生同鄉。當代黃收遞函件。亦一併拘捕。後由四川同鄉京官及同堂學友四百餘人各出具保結。向內城警廳力保。始獲開釋。清吏以精衛等供詞足以搖動人心。特禁止各報登載。載澧初極震怒。擬置精衛復生二人以極刑。程家樺乃極力向各方爲二人營救。且語肅王。謂國家如殺汪黃。則此後黨禍日夕相尋。非朝廷之福。肅王閱供詞亦大感動。乃力主從輕治罪之說。且謂時方標榜立憲。爲和緩人心及羈縻黨人計。宜作釋怨之舉。博寬大之名。載澧從之。遂下諭將精衛復生交法部永遠監禁。羅召則禁十年。法部因在預備立憲期內。對於汪黃羅三人待遇。較尋常犯人略優。肅王及貝子溥倫嘗至拘所看視。溥倫僅一問姓即倉皇退出。肅王則再三慰問。備致欽崇云。

營救團之效果 仲實壁君雲紀於汪黃被捕後。同至香港。設機關於九龍城。專從事營救汪黃之活動。加入此新團體者。有女同志黎德榮李佩書二人。旋派德榮壁君先後赴南洋各埠籌款。庇能同志吳世榮黃金慶助之。共得款萬餘元。惟奔走經年。成績絕少。僅由張煊求助於法部同鄉司員。使達函於精衛。得其在獄中所賦詩數章及信到平安四字而已。辛亥春間。雲紀以所事無成。乃隨黃克強於三月二十九日攻擊督署。卒殉義於是役。精衛復生召助至辛亥

八月武昌起義後。始由清廷開釋。精衛遂與楊度聯名提倡南北和議。先是精衛有聘妻曰劉文清。香港華民政務司署文案劉子平之女弟也。丁未戊申間。精衛以從事革命爲辭。向劉氏提議退婚。劉浼鄧子瑜向精衛達意。謂其女弟可株守以待。精衛乃謂革命不成功決不娶婦。辭甚決絕。故其後壁君屢求婚於精衛。而精衛迄未敢應。嗣暗殺團北上後。精衛仲實壁君同居東北園。壁君乘間重提出婚約。精衛不能却。卒從其請。及民元南北統一。汪陳之婚禮亦正式宣佈。仲實自是放浪形骸。寄情酒色。至民九竟以療終。

黃復生之自述 關於謀炸清攝政王案始末。黃復生敘述當日情形極詳。錄之如左。

己酉年秋九月。予偕但懋辛同志赴北京經營暗殺機關。冬十二月。汪精衛始偕陳璧君黎仲實來京。喻雲紀亦於同時購置照相器具來京。設照相館於琉璃廠。名曰守眞。以爲避人耳目計。擇期庚戌年元旦開張。此固在東京預定計劃也。先是清庭派載洵載濤兩貝勒赴歐洲查海陸軍。於己酉歲暮歸國。精衛偕予攜皮包。內置鐵茶壺。滿貯炸藥。赴東車站相候。擬於下車時炸之。詎因爲時過晚。見滿站皆戴紅頂者。恐誤中他人。遂快快返。時清慶王最專橫。予等復欲炸之。因不得間。嗣乃決計擒賊擒王。始以攝政王載灃爲目的物。以其出入扈從太多。恐鐵茶壺之力量太少。乃由予向驛馬布大街鴻泰永鐵匠

第五十章 戊申汪黃謀炸清攝政王

鋪交涉。定製大鐵鑄罐。圓徑約尺一二寸。高可尺許。能貯炸藥四五十磅。時攝政王上朝由鼓樓大街。鼓樓前有短牆。伺其通過時。將鐵鑄罐由短牆投下。彼可悉數炸斃。詎計甫定。而鼓樓大街改築馬路矣。又調查其路線必取道煙袋斜街。復以租屋不得作罷。予復多方調查。最後始擇定十刹海旁之一小橋。名甘水橋。距攝政王府最近。爲出入必由之地。橋之北有陰溝一道。可將鐵鑄罐埋於橋下。人則藏於陰溝內。用電氣發火。伺其過橋時。則按機關。電流通。電氣雷管遂起作用。而使炸藥爆發。庚戌年二月二十一日。予與喻君往橋下工作。不知何來多犬狂吠。幸次夜往埋。異常清靜。埋畢。敷設電綫。不圖綫太短。所差甚多。次日復添購。至晚間十二鐘後。予與喻君復往工作。電綫固已足。喻君於橋下舉首上望。詎見一人蹲於橋上。既入獄後。始知其人係一起大車者。因其妻三日未歸。彼見橋下有兩人。方以爲係其妻也。喻君以日語私謂予曰。橋上有人。吾等之祕密恐已被其窺破矣。予聞之駭然。乃

囑其速往告精衛避歸。予將看一水落石出。先是予等之住所爲東北園。距十刹海太遠。乃於其旁覓得一破廟。名清虛觀。與道士分租一室。以爲騰挪地。是時精衛正待於此。一俟安置妥後。彼將任按電機者。喻君去後。予擇一巨樹匿而窺之。初見一人持小燈籠下橋。且照且尋。移時始去。予伺其去後。乃疾馳至橋下。將電綫收回。擬將螺旋蓋取

轉。以罽罐太重。一人不能攜也。詎正退螺旋之際。突聞橋上步履聲甚急。因螺旋太深。倉卒不能退去。無已。始將電綫結爲一束。隨以沙土覆之。仍潛匿樹後。窺其究竟。時見有三人。一爲警察。一爲憲兵。一卽普通人也。持燈籠二。下橋尋覓。良久乃出。予見事已敗露。乃倉皇走還東北園。卽夜開緊急會議。與會者喻雲紀黎仲實陳壁君汪精衛與予也。當經議決雲紀赴東京重購炸藥。仲實壁君赴南洋籌款。予與精衛則留守。待炸藥至乃繼續進行。以所餘之藥無幾也。次晨壁君妙想天開。堅謂所埋之鉄罽罐必未經發現。果爾。則今夜重往施放也。勦予與雲紀到當地探視。無已。遂前往。雲紀由西而東。予則自東而西。予方行至十利海附近。遠望甘水橋上鵲立持鎗警察三。予遂未前進。少焉見一人乘人力車。似睡熟者。偏偏倒倒通過。而三警察皆極注意其人。蓋卽雲紀也。予恐有偵者尾其行。遂未與語。而逕遄還東北園。雲紀已早歸矣。歸白壁君。始釋然。又明日。三人遂首途矣。嗚呼雲紀。不圖卽此而長別耶。二十四日有吳友石君來相館訪予。吳君卽白逾桓。亦舊同志也。時在帝國日報主筆政。蓋予抵北京。彼初未嘗至此。相見卽詢予曰。日來報紙登載十利海旁之炸彈案。君知之乎。予曰。因相館事忙。連報都無暇閱。予復問其報紙如何登載。彼曰。前夜當地警察發現地雷後。卽報當局。無

第五十章 戊申汪黃謀炸清攝政王

敢動者。後乃請日使館某技正前往啓視。據云。幸未爆發。否則北京城將陷大半矣。有謂係溥倫貝子謀篡位者。有謂慶王因與肅王有隙。故爲此以害之者。又謂係載洵載濤兩貝勒自英帶回者。以包藥之紙有倫敦字樣也。議論紛繁。莫衷一是。而各機關凡有偵探者。悉出全隊以偵之。舉凡茶館酒肆妓寮戲園莫不密布偵探。我勸同志可暫避腥風。勿當此大難。予謂我開此照相館。炸彈案胡與我事。彼曰。年來留學生孰不來攷小京官。豈肯營照相業者。幸勿欺人。以自欺也。予復力辯之。彼乃謂有程永生同志擬與君晤談。可否見允。予問在何處。曰姚蓉初家。予曰姚何人。曰名妓也。予曰請遲至九鐘。當奉命。過時請勿待。遂握別。予急歸商精衛。告以吳之言論。及程君之約是否可赴。汪曰。程家樞固老同志。第其人粗豪。恐審子裏一言不慎。反生波折。不如不去之爲愈。約逾一星期。吳君又至。謂予曰。炸彈案聞昨日在蘆溝橋捕獲一人。已槍斃矣。君知之否。予曰。未也。前此私心竊謂報紙所載純屬清廷自相殘殺。今復憫無辜之人爲予等替死。然對吳君前仍未敢形諸辭色也。予等自信力太堅。以爲予等所爲。毫無破綻。豈彼無識偵探警察所能破獲者。不圖三月初七日午前十一鐘頃。予正在于東北園宅中與精衛談話。而予等所僱之小廝名達子者。突來謂汪曰。四老爺四老爺。照相館內有人請黃老

爺去。予問何事。彼曰爲什麼執照的事咧。予謂汪曰。想該無甚事罷。汪亦曰。該無甚事罷。予于是遂去。詎甫行至琉璃廠大街。突來一人攔着予胸。謂予曰。汝使得好假鈔票呀。是蓋所謂當頭悶捧之術。予曰。我的事我明白。汝等不得無禮。旋來多人攔予至廠店。二人執予左右手。褫予衣以檢查之。隨即招一騾車前來。擁予登車。車去。至大柵欄。始見軍警林立。如臨大敵。其初蓋皆匿於肆中也。車旣風馳電掣。俄項間。卽抵內城之總布胡同左一區署。兩人各執左右手。令予面牆立。略問姓名籍貫後。少息於一斗室。兩人仍各執左右手而坐。少焉一人來叱此二人去。且以親善之詞謂予曰。黃先生今日受驚矣。我等爲職務所迫。萬祈原諒。予曰唯唯。未幾一人坐公案。二人挾左右臂而立。其人初以驚堂木一拍曰。汝是黃復生。予曰是。又曰汝幹得好事。可速畫供來。予曰。究犯何罪。所畫何供。予犯罪之證據何在。其時實無所謂證人證物也。彼聞予言。乃曰。請休息一下罷。約午後二鐘許。卽見大車將予等東北園宅中所有一切器具咸運來矣。更見一騾車。所載者卽精衛也。時予知事全敗。自分萬無生理。心反坦然。精神轉覺疲怠。予謂守警曰。予倦思睡。彼輩以門板令予就寢。予寢正酣。忽有人呼予起。時方半夜。忽見燈燭輝煌。予意以爲必至刑場也。乃導予至午間審訊處。而巍然高坐者

第五十章 戊申汪黃謀炸清攝政王

仍係此人。後乃知爲左一區區長陸聽秋也。第其時忽變其最親善之態度。以極親切之口吻呼予曰。復生。汝之精衛先生。我已請至此矣。且已錄供詞矣。予曰。精衛何在。予將晤之。彼曰。不可。予曰。然則供詞又何在耶。曷以示予。彼曰。是烏乎可。旋將予所餘之炸藥及電綫手鎗等悉陳於案。而言曰。晝間汝謂無證據。此諸物者。甯非汝之證據耶。俄而鴻泰永之主人亦至。指予而言曰。疇昔來我家交涉造鉄鑼罐者。非子也耶。予曰。汝今已至。夫復何言。可將紙筆來予書供詞。詎書至「此次之事純予一人之所爲。精衛不過客於予處」。予之作是書者。非爲掠美。實欲救之也。乃彼人務令予易之。予曰。事實如斯。予胡能誣我良友。彼聞之動容曰。異哉精衛亦如是供也。必不可易。亦已矣。一星期後移拘內城總廳。次日由廳丞章宗祥召集全所職員作第二次之審訊。即所謂清供也。僉事顧鼐亦在座。閱二日。有蕭君者。前來安慰予曰。爲黃先生報一喜信。略謂日昨因汪先生曾爲一文。洋洋數千言。堂官閱之。（指肅王）甚爲感動。對於兩公力圖營救。此案大致可無生命之危矣。予曰。感君盛意。不過吾等此次之所爲。即早已置生死於度外。爲國家人民謀幸福不成。死亦分也。次日。予正翻閱殘書。忽聞室外有人耳語聲。少焉。即見一人啓簾入。詢予曰。貴姓是黃。予曰是。向予一揖。予亦報以

一揖而退。時予之外室有持鎗警察四人。晝夜監守。予叩以斯人爲誰。曰倫貝子也。予付其必以震驚革命黨三字而來。在彼之意。必以爲係三頭六臂。不圖乃一白面書生也。又明日午前。警察來告。謂肅王將來談。俄見一人入。見予翻閱殘書。彼即謂予曰。此時正好讀書也。猶憶從前令先祖。不知是黃漢昇。還是那一位。曾在獄中與夏侯勝學易。夏侯曰。此時還學甚麼易經。黃曰。朝聞道。夕死可矣。予當告以是黃霸。字次公。非漢昇也。彼乃笑謂予曰。汝看得很熟。很好很好。旋謂我尙將晤精衛談談。遂去。至三月二十日午前八鐘。巡官來謂肅王傳汝等詢話。導予至一客廳。精衛亦至。肅王以滑稽態度謂予兩人曰。汝二人亦久遠矣。今特爲汝等介紹。有甚麼話。儘管隨便談談。時室中尙有廳丞章宗祥及僉事顧鼐。肅王謂予等曰。此次之事。王爺甚震怒。（指攝政王）我與之力爭。我說冤仇宜解不宜結。革命黨豈止汪黃兩人乎。即使來一個捕一個。但是冤冤相報。何時是已。如今已爭到徒刑。但是在有期無期間。我還要爲汝等爭也。不過此次有一人很費得力呀。其人爲誰。即程永生也。旋又談及。我生平最愛讀民報。出一期我讀一期。我當時曾說過天討民報所插的畫。爲蘇受殊所畫與王增刊所插的畫。夜嘯圖及射狐等。我說民黨內有如此的人才。可以言革命矣。但是不過民報所標的三民主義。我猶稍嫌狹隘得一點。我想將來不但

第五十章 戊申汪黃謀炸清攝政王

不但五族大同。卽世界亦將有大同的時候。不悉我這種主張。你們二位以爲如何。時予未及答言。精衛曰。兆銘和復生的主張。已在民報上披露。今天王爺所說。我等向來尙無此種觀念。不能作答。彼聞此言。當卽豎一拇指曰。到此生死關頭。尙能堅持自己的宗旨。真是令人佩服。直談至午後三鐘。刑部方面屢催起解。彼猶依依不捨。謂爲相見恨晚。且謂予等曰。我這面惜無房舍安頓二位。刑部監係未改良的。恐待遇有不周之處。都向我這面看看。如須閱何書報。儘可寫信來。我當照辦。旋即用騾車派軍隊護送至刑部。獄官問姓名畢。卽入獄。予居第三監。精衛居第四監。羅偉章居第二監。羅乃十年監禁。予等則永遠監禁也。所幸者。顧巨六爲予等交涉作官犯辦。得享小屋。用自己襖被衣服等優待。其他如全副刑具以及飲食等。皆與常犯無異。至次年三月二十九黃花岡一役消息傳來。知雲紀及諸好友皆被難。予與精衛痛不欲生。迨至八月十九武昌起義。北京震恐。予等平時尙能閱報。至此亦禁止矣。泊九月初六。宣統下罪已赦大詔黨人後。資政院議員劉鴻岷易宗夔等具書質問刑部曰。朝廷旣大赦黨人。何以汪黃兩人猶禁在獄。刑部推諉此案係民政部送來的。不關我部事。又問民政部。詎該部亦推此案已經交過刑部不關我事。後乃兩部一齊質問。兩部無法。乃奏請釋放。當下上諭。略謂「政

治嫌疑犯某某等着發往廣東交張鳴岐差委」。時九月十六日也。予等在獄計十七閱月。中間有御史請開黨禁者。惟趙堯生先生一人耳。而請治罪者。亦有胡思敬御史。猶憶其文中有汪黃二逆。東西法律在所必誅二語。當在獄中時憤極。擬出獄後前往請教胡御史之東西法律。既出獄後。未幾精衛即偕趙鉄橋赴石家莊。後與楊度組織共進會。以謀和議。而予亦赴天津。與杜黃等組織京津同盟會。旋即偕黃禹昌彭家珍等赴滬分頭工作矣。此其經過之大略也。

第五十一章 己酉哈爾濱熊成基之獄

戊申後之行踪 密售軍書之交涉 謀刺載濤之告密 就義之壯

烈 孫竹丹被害始末

戊申後之行踪 熊成基于戊申十月安慶失敗之後。即東渡日本留學。初易姓名曰龍潛。號望雲。研究軍事學及製造爆藥學極有心得。時留東革命黨人甚衆。惟各樹門戶。意志不一。成基于諸同志中與孫銘錢兆湘石德純蕭翼鯤數人往還最密。復由翼鯤介紹識黃克強于小石川區水道端町五十二番勤學社。相與計畫再圖大舉之方法。咸謂革命黨歷次起義皆由軍費缺乏。以致功敗垂成。以後非先解決經濟問題。不可冒昧從事。因有先籌餉後舉事之議。會有同志孫榮由日本某武官手取得彼國參謀部機密兵書及軍用地圖數十種。議向俄國當局求售。而充革命經費。孫銘願担任回國。至北京辦理此事。成基恢復之心切。亦急于回國。欲至東三省售書。兼謀進行。諸同志以成基在祖國行動不便。羣相勸止。適成基得其友商震由滿洲致函。謂書已交涉明白。請來解決。諸同志以爲危險。仍勸莫行。有臧克明者。與商震交厚。力勸熊往。而臧亦熊友。並由臧寓書乃父冠三。介紹成基住其家中。成基以棲托有所。機會萬

不。遂更易姓名曰張建勳。持臧介紹書。間關至吉林長春。卽假寓臧冠三家中。臧係奉天人。年近六旬。乃馬賊出身。向信耶穌教。日俄戰爭以後高談革命。雅好投機事業。戊申在長春創辦旭東公司。未幾倒閉。股東所投資本盡入私囊。夏間官場有緝拿黨人韓東洋之舉。臧又投入韓黨。其人外觀仁義。內實奸險。成基至長詢及售書交涉。始知商震之函空虛。而臧冠三尤不可恃。

密售軍書之交涉 成基居臧家逾月。冠三竟居爲奇貨。屢向告貸。馴致成基所攜川資盡爲冠三敲去無遺。行囊缺乏。困頓長春。已酉七月中旬孫銘到北京。函詢成基現狀。並及售書交涉。一面尋舊友程家樺商議售書方法。嗣得成基復書云。商震前函毫無根據。現另設法辦理。並請速籌接濟。孫銘得信後。卽促程速爲售賣。旋由程介紹同志丁汝彪暨俄國譯員趙郁卿。將所帶之書售去一種。由大清銀行匯洋三百元與臧冠三轉交成基。而冠三竟將此款全數吞沒。成基不知。仍去函告急。繼知臧不足靠。遂棄之赴哈爾濱。擬獨行運動。同時致書孫銘。謂同志韓應房過長春。所帶川資尙敷二人之用。已與應房同至哈爾濱。寓秦家岡賓如棧。以後通信直寄賓如棧。萬不可再寄長春云云。孫銘得信。乃一意研究售書交涉。而購書者甚狡。持不緊不脫態度。彼此不肯俯就。會程家樺籌劃之款幸而成功。約得五千金之譜。舉以

第五十一章 己酉哈爾濱熊成基之獄

爲贈。孫銘欲脫北京交涉。遂攜三千金赴哈交給成基。此已酉十月下旬事也。其時韓應房尙與熊同居一寓。同志梁冰亦因黨事至哈。於是皆會集哈埠。羣力交涉。仍無效果。遂決計待價而沽。不圖速成。共議熊回日本。熊以所謀不遂。堅不肯行。決計留哈研究俄文。且有會同東三省同志商震籌劃開墾之議。至十一月中旬孫銘梁冰等均返北京。另有所圖。十二月初旬接熊函云。將至長春與徐偉天齊續堂等別圖售書方法。孫銘復信謂臧冠三既不足靠。長春萬不可居。叮嚀勸其勿往。成基因急欲成功。竟不聽勸。徑赴長春晤徐等。徐囑其回哈候信。并以旅費關錢一百吊爲贈。而不知禍機已伏于此矣。

謀刺載濤之告密 臧冠三以熊再到長春不與往還。銜之。且誤聞熊已由北京籌到巨款。乃致信與熊欲借萬金。熊得函甚爲焦灼。力白無款。臧又來函相迫。云爾在吾家居有數月。現時年關將近。卽不言交情。而伙食一項汝亦不給耶。吾當向官吏告密。熊得信未作復。遂偕一日本友人同移居俄人飯店以避之。適是時滿親貴載濤由歐洲考察陸軍。經西伯利亞鐵道歸國。路過奉天。沿途警戒。異常嚴重。臧遽向吉撫陳昭常告密。言安慶革命首犯熊成基潛來哈爾濱。欲謀炸貝勒。陳得報大駭。乃飭撫署劉中軍督率軍警赴哈埠嚴緝。一面於載濤所過各站。警衛加嚴。而外間絕無知者。十二月十八晚載濤車到哈站。以防範刺客故。並未下車

。停一小時即乘原車南下。哈埠俄官因其未下車酬應。頗不滿意。嗣經清吏解說。始爲釋然。成基于載濤之日過哈。嘗徘徊于車站附近。欲伺隙行事。旋以警備森嚴。無可進行。乃在站外餐室據案大嚼。良久始失意他適。

被逮後之供詞 吉林公署所派祕密偵探連日在哈埠大索刺客。卒于是月二十日下午在秦家岡下坎俄國飯店緝獲熊成基及日本人一名。成基直認本名不諱。日人當即開釋。二十一日解赴長春。由西路道顏世清親自提訊。成基索筆寫供。洋洋數千言。照錄如左。

熊成基供字味根。實年二十三歲。軍冊年二十六歲。江蘇楊州府甘泉縣人。寄居安徽蕪湖。祖父熊瑞生曾任安徽繁昌縣。父熊存仁係候選通判。均已早故。母親胡氏在堂。胞兄熊成模安徽候補州吏目。胞弟熊成釐年尙幼小。我一向在學堂肄業。尙未定婚。先在安徽練軍武備學堂。後入南洋炮兵學堂。均先後畢業。由南洋炮兵將校科派陸軍第九鎮第九標炮兵排長。繼調安徽馬營隊官。由馬營調炮營隊官。我平日革命宗旨以推翻政府。改革政治。倡人權。均貧富爲主。要不盡係滿漢種族之見。我平日待士卒甚厚。大衆頗爲我用。遂陰結在營同志。屢欲乘機起事。俱未得便。光緒三十四年十月間。因各省軍隊俱赴太湖秋操。又值國喪。人心皇皇。皖省留防軍隊僅有數千人。我本意如能攻開

第五十一章 己酉哈爾濱熊成基之獄

省城。據有根本重地。再連夜直赴太湖之秋操演習地。蔭昌端方均屬平庸之輩。衛隊都不過千餘名。斷不濟事。至秋操之兵雖有兩萬。然多係空鎗。難以抵禦我軍。如我得該兩鎮兵隊。直行北上。則必勢如破竹。且該兩鎮兵多係隣省之軍隊。如一旦爲我所有。該隣省亦必在我之掌握中。有此天然一部落之根據地。一面攻取他省。一面宣布獨立。又何患目的不達。天下可唾手而得。遂于是月二十六日夜間乘機暴動。逼脅混成協全軍變。放火創亂。開炮攻城。皆我一人主謀。並無主使之入。孰料城中內應誤事。計畫未周。以致失敗。我之宗旨事成則已。否則犧牲其身。社會上亦不無小受影響也。況各國之歷史。皆流血多次而後成功。我此次失敗者。普通社會中人不知附和也。推其不知附和之原因。蓋因自由之血尙未足耳。譬如草木不得雨露。必不能發達。我們之自由樹。不得多血灌溉之。又焉能期其茂盛。我今早死一日。我們之自由樹早得一日鮮血。早得血一日。則早茂盛一日。花方早放一日。故我現望速死也。嗚呼政府。爾等決不能誅盡我黨。亦祇有愈死愈多而已。起事之次日。爲二十七日。下午四鐘敗散。帶殘兵奔向廬州一帶而去。被姜桂題馬隊三百餘人追至。我之敗兵反擊姜軍。如鳥獸散。殊爲可哂。嗣我因無援助。所帶殘兵僅有三十餘人。已知不能成事。即勸伊等各自逃生。我遂由廬

州西北走去。由西北又向正北。由正北再向東北。日行二三十里不等。均循僻地空地逃去。夜則宿古廟或小店。所經地名。日久不復記憶。田中玉帶兵追勦。我遇見多次。他們亦不相識。且官兵各存意見。均想邀功。我乃脫逃虎穴。後由河南至山東烟台。由烟台至大連。今年正月由大連至日本神戶。由神戶至東京。住勤學社。勤學社者。即我們革命機關本部也。本年正月二月間。我曾至瀋陽長春一帶遊歷。在瀋陽居留一天。住在東洋旅館。因聞田中玉在奉天。伊曾充安徽督練處總參議。他手下有我的照片。並因瀋陽事無可爲。故未久留。復到長春。在府署西偏租賃民房一間。改易姓名爲張建勳。字立齋。河南永城縣人。自此我遂以此名字籍貫對人。我的熊成基本名。從未向人道及。未久即行回日。六月間黨人集議。以黨中經濟困難。欲謀舉辦大事。必先籌得巨款。始能爲力。東三省介于日俄兩國之間。將來必有戰事。大有可乘之機。適有北京派往日本之委員孫銘。號竹丹。在日本時曾與我相識。但伊並不知我係何許人。我以別號望雲二字告之。伊得有日本軍事計畫祕本約十餘冊。據云。係爲中國政府所覓。伊留一份。如以售與俄人。當得重價。我即挺身擔任代爲銷售。約定售妥。各得其價之半。先四冊作爲樣本。意欲藉此聯絡俄人。釀成戰局。以便從中舉事。故于八月間喬裝來東。先至長

第五十一章 己酉哈爾濱熊成基之獄

春。住臧冠三家中。臧前開旭東公司。伊子克明在日本東京耶蘇教堂。平日與我之友人相契。所以知冠三其人而投止之。後因我在臧家居住。究屬不便。乃囑其代租房間棲身。並將舊書來意告知。囑其留意代銷。又在臧冠三家曾見過徐尙德幾次。徐亦絕不知我來歷。伊後赴大連去訖。有人說伊曾由大連寄我銀元八十枚。實無其事。如不見信。可以赴郵局或銀行調查。緣徐尙德之妻係日本人。粗通文字。其人智識亦非甚高。如其知我底蘊。恐亦早向官府報告矣。我于八月中即到哈爾濱。寓在賓如棧。從俄人夾根肄業俄文爲名。暗謀交接俄人。銷售祕密書冊。乘便糾合同志。以圖大舉。適俄外部大臣來哈。由在哈俄商介紹往見。先交樣本二冊。議價銀一百萬。俄人現正調查。尙未定局。不意臧冠三走漏消息。致被拿獲。孫竹丹現在北京。與我雖在東京認識。並不知我真姓名。緣吾在日本時。頗守靜密主義。不肯稍涉囂張。從未吐露真名。惟黨中首領黃興一人知我底蘊。所有旅行日用。均由東京革命黨本部津貼。或疑我之在哈爾濱。係圖行刺貝勒。亦屬誤會。總之我心堅定。百折百回。去年十二月二十六日安慶之役。皆余一人所爲。並無第二人預聞其事。乃聞事後皖撫無故殺戮多人。至今回念。爲之愴然。惟恨我年紀究竟太輕。閱歷尙淺。否則安慶之舉不致一敗塗地。又何致來東三省耶。然心地

光明磊落。所說皆是肺腑之言。倘使因我任意株連。自問不安。亦覺無謂。當余在哈時。所有衣服行囊皆被偵探取去。入署後。胡司馬直以鬚匪相待。手脚鐐拷。較之衆囚徒尤苦。其實余並無二心。惟求速死而已。至此決舉發我之人董姓。素不認識。不過在長春滅冠三家見過數次。請訊董姓便知其實。滅冠三以外。並無一人與我有關涉。其人心太重。實不配稱爲同志。所供是實。熊成基供。宣統元年十二月日。

就義時之壯烈 二十三日。清吏復押解成基至吉林。出巡警局時。觀者如堵。成基笑語曰。諸君爲國珍重。我死猶生。長春學界及商工人等多有爲之嘆息者。其時同盟會員在吉撫陳昭常幕府供職者。有廖仲愷張我華等數人。均束手無策。及庚戌正月十八日。陳撫得清廷旨。令就地加害。遂在監獄優待室內設饌饗熊。款以洋酒。有江蘇同鄉官某等相陪。熊談笑自若飲盡一盞。已而由獄吏帶往法廷。上座者有清提法司傅僉事高等檢察廳廳長李廷路。而安徽派來之安慶府豫咸管帶官楊遇春亦列坐其側。成基是時直立廷中。清法官仍用斬決舊法。加斬條于背。成基欲照相。照畢。索筆自題曰。熊成基被捕後之照像。旋大聲發。言宣佈其革命之宗旨。語極沈痛悲憤。聽者無不動容。臨刑時。劊子手使之跪。成基不屈。刀起而頭落矣。後有人縫其首。置之棺中。棺值錢八十吊。亡年二十有四。其告密賣友之滅冠三。同

第五十一章 己酉哈爾濱熊成基之獄

時亦被西路道捕獲。吉撫因熊潛居臧家二次。顯係同黨。罪狀昭著。情無可原。亦判禁錮十年。民國成立。臧極力運動。得以出獄。且在吉林得有公職云。

孫竹丹被害始末 孫銘一名元。字竹丹。安徽壽州人。十九歲偕薛哲肄業于江南陸軍學堂。卽抱革命思想。癸卯歲赴日本。入振武學校習陸軍。同盟會成立。亦列名焉。嘗被舉爲安徽同盟分會會長。丙午秋偕孫毓筠返國。謀起義于江南。因毓筠被獲入獄。遂卽逃歸東京。已酉春熊成基走日本。孫銘助以旅費。並同住東京牛込區市谷町澄吉館。時留東黨人因經費困乏。異常拮据。孫銘探悉日本參謀部有所謂軍事計劃祕密書。頗于遼瀋戰局有關。若取而售諸俄人。大可得重資以供黨用。遂多方弋獲。卒償所願。於是成基赴滿洲。孫銘赴北京。各向俄人分途交涉。議值百萬。將有成言矣。詎成基猝爲臧冠三所賣。死之。十二月二十八日清廷軍機處奉片。據吉林巡撫陳昭常電奏。熊成基現已拿獲。同黨孫元梁冰現踞京師。住西河沿元成店。著民政部步軍統領衙門順天府一體嚴拿。孫銘于拿捕之令發出前一時。得程家樓密告。遂偕梁冰逃至天津。得石德純之助。始獲避居日本。時同志中頗有以熊成基之死歸罪孫銘者。更有人疑之爲清政府偵探者。辛亥六月遂有方潛等數人設計誘孫銘至東京市外下棋。乘間用鐵啞鈴重擊其腦。雙目凸出而死。後乃割屍數斷。盛于箱中。拋棄海上。至民

國元年。孫銘死事始漸爲世人所覺察。於是同志朱教仁劉揆一何天炯陳陶怡柏文蔚孫武柳葉疾張我華徐血兒王九齡熊越山李肇甫諸人遂發佈公啓。詳述孫銘被誣遇害始末。以白其冤云。

第五十一章 己酉哈爾濱熊成基之獄

第五十一章 已酉哈爾濱熊成基之獄

中華民國開國前革命史中編終

本書上編正誤表

頁數	行數	字數	誤	正
章序二	一	二	時。異	異。時
自序二	一	二	蕩。然	。蕩然
本書大意三	六	二	詳頗	頗詳
圖像目錄二	五	四	尊士尼堡	尊尼士堡
目錄二	三	二	乙未	丙申
目錄五	七	二	黃濱	黃軫
本文一	二	二	浜氏	洪氏
一六	三	二	乙己	乙巳
四四	四	一	，	。
六一	五	二	瘦斃	瘦斃
八三	一二	二	展轉	輾轉
一〇四	九	二	經談	談論

本書上編正誤表

本書上編正誤表

一〇五	四	二	二	一旦
一三三	二	二	滿洲	一旦
一四四	四	二	大學	大舉
一四六	一四	四	革命軍命	革命
一五一	一〇	二	已終	已終
一七九	一	二	招待	招待
一八三	六	二	磨擦	磨擦
一八四	二	二	乙巳	乙巳
一九二	八	二	丙午	丁未
二〇四	一	二	戊申	己酉
二〇五	六	二	乙巳	乙巳
二一一	七	二	乙巳	乙巳
二一八	二二	四	標統定	標統定之
二二九	二	三	日期	日期

一三〇 二三二 二四三 二五八 二六一 二六八 二七六 二九五 二九八 三〇〇 三〇三 三〇七 三一四 三一七

六 七 五 一〇 五 八 一三 二 四 一二 三 一二 三 七

二 二 二 二 二 二 二 二 二 二 三 二 二 二

坐弊 政帝 不亡 繫退 柳際負 何甚 未乾 從新 乙己 君歐 惠洲 唐才 纔口 中乾

坐斃 政府 不忘 繫退 柳際貞 何堪 未乾 重新 乙己 歐君 惠州 唐才常 讒口 中乾

本書上編正誤表

本書上編正誤表

三一八
下編目錄二
下編目錄三

一
一〇
八

三
二
二

胆力鳴
戊申
恩銘

胆力鳴
丁未
孚琦

馮自由著

中華民國開國前革命史續編

上卷

中國國民黨叢書敘言

本黨創立五十餘年，自與中會同盟會國民黨中華革命黨而中國國民黨，胥由總理艱難締造，期以負荷建國大業。滿清顛覆，民國紀元，封建勢力，興替不一。一時代有一時代之革命任務，本黨靡不屑其艱鉅，而全力以赴。此五十年間，革命精神，炳如日星，而史實浩瀚，追述匪易，時日久遠，老成凋謝，史跡淹滅，整理益難。本黨同志，恐俱有伏生百歲言不可曉之感。本叢書之編輯，實不可一日緩矣。

世界各民族之復興，莫不有其中思想之導引。我國處茲抗戰建國同時並進之際，凡我同胞，俱能激發良知，堅強抗戰信念者，實賴本黨總理所倡導之三民主義，與總裁艱苦卓絕之奮鬥精神所感召。本叢書之目的，即在加強國民對本黨之認識，使全國民集中於本黨領導之下，堅固凝結，共赴抗戰建國之大任。

由上所述。本叢書之編輯，要在發揚本黨之光榮歷史，闡明總理之遺訓，暨總裁之偉大言行，與夫我革命諸先進之革命理論，俾全國民衆以三民主義爲鵠的，確立共同之信念，以奠定民族復興之始基。茲乃勾集資料，博採羣言，依歷史之演變，辨性質之異同，分爲

下列四篇：（一）與本黨歷史有關之事件，如興中會，同盟會，中華革命黨之文獻等；（二）總理與諸先進所發表之一切革命理論；（三）總裁歷次發表對內對外之重要言論；（四）中外學者發揚本黨主義之論著；俾讀者手此叢書，即可窺得本黨史實及有關本黨著述之全豹。

昔荀悅有云：「立典有五志焉，」其五志以達道義居首。劉知幾廣以三科，立有「明罪惡」之目。蓋書而不法，何以示後？彰善癉惡，古賢所尚。本叢書之取材，自以道德文章尤可昭垂後世者爲限，雖在黨國曾獲虛譽，今已叛變辱節者，衆已共棄，罪不可贖，此類文件，自在屏棄。

本叢書之編輯，事屬草創，見聞未廣，徵集斯難。辛亥以前，年代久遠，本黨文獻，既多遺逸。民元以後，迭遭變亂，亦復散失，纂編斯集，僅俱粗規，蕪略簡略，在所難免，惟珍裘以衆腋成溫，廣廈以羣材合構，則所望假以時日，旁求博採，則補遺益陋，謹俟賢哲，探賸索隱，有待大雅矣。

本書第四集大意

一、本書上中二編係於民國十七年及十九年先後由上海革命史編輯社出版，下編久已脫稿，以環境及時勢關係，未能早付剞劂。三十三年春著者更將上中二編重加修理，由重慶中國文化服務社改編爲上中下三卷重印出版。今著者應時勢之要求，特將保存多年而未發表之下篇原稿整理補充，分作兩卷出版，是爲本書之第四集及第五集。

一、從民國十七年本書出版至本年三十三年，著者在此十六年間廣事搜羅，復獲得無數有價值之史料，如關於孫總理及諸先烈事迹，與中會同盟會及諸革命團體奮鬥事實，國內外各黨報成立經過，等等。凡爲前書所語焉不詳者，第四、五集均予以盡量補充，務期富瞻翔實，應有盡有，藉補前書所未及。

一、本書各集均附有總理及諸先烈圖像墨跡多幅，因在抗戰期間爲物質所限，未能影印製版，俟將來重印時當補充之。

一、本書第一二三集均用干支年號，下註滿清紀元，以便檢查。惟第四集所用干支年號之下。改註陽歷紀元或民國紀元前某年，以急於排印。未能整理一律，讀者諒焉。

一、本書所載各種史料，皆爲著者身歷目擊耳聞之事實，無一不有根據。疊承公私出版各圖籍盡量採用，或按照原文，或譯成語體，足見余說信而有徵，深用快慰。惟查引用余說諸書多不附註來源，殊於著作權條例及文史家道德均有妨害。此後切盼一般編史者務須尊重著作權，分別標明出處，以重文責，幸甚幸甚。

一、本書從第四集起，以補充前書材料起見，另從新編列章目，故不循前書第五十一章繼續起排。

中華民國開國前革命史續編上卷

第一章 孫總理始創檀香山興中會（補前書第一章）

興中會成立之經過 募集軍資之成績 興中會之原始章程 檀香山收入之會費及義捐
總理自述及分會組織

〔興中會成立之經過〕 檀香山爲興中會最初之發源地，亦爲孫總理幼年之讀書所，甲午年（民國前十八年）夏六月，中日二國以朝鮮東學黨事件，交涉破裂，時局嚴重，總理因至天津上書直督李鴻章條陳改革爲鴻章所拒，知滿清政府積弊重重，無可救藥，非澈底改造決不足以救亡，遂於是歲秋間，自上海重赴檀島，擬向舊日親友集資回國，實行反清復漢之義舉，總理少在檀島耶教學校肄業，同學及故舊至衆，其兄德彰（原名眉字壽屏）爲茂宜島大畜牧家，牧場廣千數百畝，有茂宜王之稱。總理蒞檀後，先赴茂宜牧場就商於乃兄，德彰首贊成之，且願劃撥財產一部爲助，更移書檀中各親友爲總理先容，其時華僑風氣尙極閉

蹇。聞總理有作亂謀反言論咸謂足以破家滅族，雖親戚故舊亦多掩耳驚走，經總理多方遊說奔走逾月。僅得同志數十人。冬十月間假卑涉銀行華經理何寬宅開第一次成立會，列席者有何寬李昌劉祥黃華恢程蔚南鄭金鄧松盛（號蔭南）鄭金鄭照黃亮鍾木賢許直臣李多馬李祿卓海林鑑泉鍾宇劉壽曹彩劉卓宋居仁夏百子侯艾泉李杞等二十餘人，總理爲主席，卽由總理提議定名曰興中會，規定以振興中華挽救危局爲宗旨，并宣佈所起草章程九條，衆無異議，遂依章程規定投票，選出永和泰商號司理劉祥及何寬二人爲檀埠本會正副主席，永和泰商號司賬黃華恢爲管庫，程蔚南許直臣爲正副文案，李昌鄭金鄧松蔭黃亮李祿李多馬鍾宇林鑑泉等爲值理，章程內載每會員須納會底銀五元，另設銀會集股舉辦公家事業，每股科銀十元，成功後收回本利百元，文中尙不便明言籌餉起兵字樣，以免會員有所戒懼，蓋其時華僑尙多不脫故鄉廬墓思想，惴惴於滿清所派公使領事之藉辭構陷也。會畢，總理令各會員填寫入會盟書，其辭曰：「聯盟人某省某縣人某某願除韃虜恢復中國創立合衆政府尙有貳心神明鑒察。」宣誓時由李昌朗誦誓辭，各以左手置耶教聖經上，齊右手向天依次讀之，如儀而散，自是陸續入會者，尙有孫德彰楊文納楊德初衛積益李光輝陸燦葉桂芳尹煜傳鄒德明容吉兆簡永照張福如許帝有鄭仲昭伍雲生程祖安劉森陸望華鄭發古義等九十餘人，會員總數約一百三十人。

「募集軍資之成績」 是月二十七日（陽歷十一月二十四日）開始收取會員底銀及銀會股銀，月餘所得僅美金千餘元。總理以事機日迫，急於返國，而所集寥寥之數，去所預算需要之數尚遠，爲是異常焦灼，德彰聞之，乃更以每頭六七元之價，賤售其牛牲一部，以充義餉，鄧松盛亦盡變賣其商店及農場，表示一去不返之決心，同時總理爲使各會員同受軍事教育起見，特假其師芙蘭締文牧師所設尋真書室校外操場，延一丹麥國人，前曾到中國充當南洋練兵教習名柏者，教授各同志兵操，準備回國參加義軍，每星期操練二次，各會員受訓者，有侯艾泉李杞鄭金鄭照許直臣杜守傳程展臣陸燦等二十餘人。至十二月初旬，總理核算各項所得，約合香港銀一萬三千元，遂卽束裝歸國。各會員先後返香港參加義舉者，有鄧松盛宋居仁夏百子陳南李杞侯艾泉諸人，是爲乙未（民國前十七年）九月九日廣州首義之導火線，惟當日檀島各會員資產多非富裕除服務當地官署及洋行外，或經營小商店，或開設小農場，實力殊不充厚，於總理歸國後卽不能有所接濟。總理於乙未秋敗挫後，是冬重渡檀島，計劃再舉，居檀多月，諸同志皆無以應之，故總理乃有美洲之遊。

「興中會之原始章程」 興中會原始章程九條，經檀香山第一次成立日照原文通過，條文頗爲簡略，後經翌年乙未正月香港興中會總部略予修正，增爲十條，卽現時坊間刻本所載

與中會宣言書是也，按當時尙無「宣言書」三字之新名辭，應以原稱「章程」二字爲不失真，茲附錄檳島興中會成立日議決之章程九條，原文如左：

興中會章程（最初在檀香山議決原文）

中國積弱非一日矣，上則因循苟且，粉飾虛張，下則蒙昧無知，鮮能遠慮，近之辱國喪師，翦藩壓境，堂堂華夏，不齒於鄰邦，文物冠裳，被輕於異族，有志之士，能無撫膺，夫以四百兆蒼生之衆，數萬里土地之饒，固可發奮爲雄，無敵於天下，乃以庸奴誤國，荼毒蒼生，一蹶不興，如斯之極，方今強鄰環列，虎視鷹瞵，久垂涎於中華五金之富，物產之饒，蠶食鯨吞，已效尤於接踵，瓜分豆剖，實堪慮於目前，有心人不禁大聲疾呼，亟拯斯民於水火，切扶大厦之將傾，用特集會衆以興中，協賢豪以共濟，抒此時艱，奠我中夏，仰諸同志，盡自勉旃。謹訂規條臚列如左：

一、是會之設，專爲振興中華維持國體起見，蓋我中華受外國欺凌，已非一日，皆由內外隔絕，上下之情罔通，國體抑損而不知，子民受制而無告，苦厄日深，爲害何極，茲特聯絡中外華人，創興是會，以申民志，而扶國宗。

一、凡入會之人每名捐會底銀五元，另有義捐以助經費，隨人惟力是視，務宜踴躍赴義。

一、本會公舉正副主席各一位，正副文案各一位，管庫一位，值理八位，差委二位，以專司理會中事務。

一、每逢禮拜四晚，本會集議一次，正副主席必要一位赴會，方能開議。

一、凡會中所收會底各銀，必要由管庫存貯妥當或貯銀行，以備有事調用，惟管庫須有殷商二名担保，以昭鄭重。

一、凡會中捐助各銀，皆爲幫助國家之用，在此不得動支，以省浮費，如或會中偶遇別事要用小費者，可由會友集議妥當，然後支給。

一、凡新入會者，須與會友一位引荐担保，方得准他入會。

一、凡會內所議各事，當照捨少從公之例而行，以昭公允。

一、凡以上所定規條，各會友須要恪守，倘有善法，亦可隨時當衆議訂加增，以臻完美。

按在甲午乙未年間，一般新名辭尚未通行，與中會章程本無宣言書三字之名稱，著者於民十七年撰中華民國開國前革命史時，始用宣言書三字以代章程，其實以沿用原文爲是。據該章程所載名稱，主席即會長，文案即書記，管庫即會計，差委即幹事，值理即議員或董事，此皆香港華人翻譯英語之名稱，總理於起草章程仍襲用之耳。又如英文革命一語，舊譯

造反。總理於己未秋亡命至日本時，始採用新譯，讀者於此，幸注意焉。

「檀香山收入之會費及義捐」 查甲午年檀島興中會所保全之關係文件，祇有副主席何寬珍藏多年之會費及義捐收支表數頁，題曰興中會會銀及收入會銀時日與進支表，嘗載於自由新報某年特刊紀念號「檀山華僑」前數頁，是為興中會初期最有價值之證件。表中所載年月日全用陽歷，由此可以測知興中會成立時期之梗概，表中所載收入會費之第一日為一八九四年十一月二十四日（甲午年陰歷十月廿四日），是日是否即為成立之第一日，雖未加以說明；但就總理當日籌餉之迫切情形觀之，諒相差必不甚遠。茲將該進支表原文附錄於後：

興中會會銀及收入會銀時日與進支表

一八九四年十一月二十四日 何寬、李昌、同十一月二十八日衛積益。

同十一月二十九日 李光輝、黃綿鳳、何早、宋居仁。

同十二月六日 劉卓、林鑑泉、李多馬、程恆心、曾勝、陳孟謙。

同十二月七日 葉桂芳、同十二月十日黃亮、同十二月十一日鍾宇。

同十二月十三日 程蔚南、同十二月二十日尹煜傳、許直臣、夏百子、黃慶培。

一八九五年正月三日 胡味、李月、陸望華、楊納、毛恩福、同正月十日鄭發，古

義。

同正月十七日

梁賓、同正月二十一日鄭仲昭、歐陽晃、許振黃、于譚弼、容天照、楊德初、鄭全、譚瑞、容吉兆、孫眉、陸懷生、劉登、黃卓山、鄧松盛介紹來支會友十五名列下。

陳天養、馮明、鄧顯德、鄧松盛、鄧合、伍于洽、伍亞來、吳俊德、吳元德、黃保、劉宗、鄭子見、林培、鄧貴德、鄧黃彩。

同二月廿八日

楊伯貴、劉羅發、同四月十七日賴養、鄧德明、馮永明、李潤貴、黃木、張丁、李六、鍾木賢、劉祥、張福如、卓海、李照、許進、鄭金、許帝有。

同四月二十日

陳南、同四月廿二日，陳五和、黎顯祥、黃純、李超、吳桓、卓海、陳檻君、戴貴、李林、簡永照、蕭義勝。

同五月二日

程祖安、劉森、同五月八日梁譯袍、林輝、陳帝常、程道、駱盛、曹彩、李靄雲、林德珠、何義、黃後、陳炳階、程雨亭。

同六月二日

伍雲生、鄧秀、胡廷、張丁貴、伍珍、李綸、黃秋、曾維高、葉金、李杞、侯艾泉。

上列各會員每人捐入會底銀五元，獨宋居仁則三元，共進會底銀二百八十八元。

又進鄧松盛股份銀三百元，進土人股份銀二百元，古同股份銀一百元，鄭仲股份銀一百元，容吉兆股份銀一百元，孫眉股份銀二百元，李多馬股份銀一百元。

進各會友會底銀二百八十八元，進各股份銀一千一百元。

共進銀一千三百八十八元。

支孫逸仙隨單通用銀二千元（五二算）支孫逸仙自帶一百元。

支付電信同上海電資二十元〇八毛。

共支銀一千一百六十元〇八毛，除支存銀二百二十七元二毛。

一八九五年二月廿六日支宋居仁回唐水脚銀二十五元。

按上表所列姓名，共爲一百十二人，惟查其中有一人二名者，亦有二人同名者，且聞有直接交付總理，而不列表內者，以代遠年湮，無從攷證，要之甲午檀島興中會會員人數實不滿一百三十人，至於所收會費及銀會股銀總數，僅美金一千三百八十八元，此外尙有諸同志

義捐一項，中以孫眉鄧松盛二人變產捐助爲最鉅，聞總理在行期以前綜合各款所得僅美金六千餘元，仲香港幣約一萬三千元，而各會員中且有於數月後始交會費者，是可見當日籌措資金之不易矣。是歲十二月杪總理歸抵香港，次年正月二十七日聯絡各方同志成立興中會總部，遂有乙未九月重陽日廣州之第一次革命。

「孫總理自述及分會組織」 上述興中會於民國前十八年甲午始創於檀香山之事實，一見於孫文學說第八章「甲午中東戰起以爲時機可乘乃赴檀島創立興中會」之總理自述。二見於中國革命史「立黨」一節「甲午以後赴檀島美洲糾合華僑創立興中會此爲以革命主義立黨之始」之總理自述。三見於民十二年一月一日總理所頒布之中國國民黨宣言「溯自興中會以至於今垂三十年」一語（按甲午至民十二年恰爲三十年）。四見於總理同學老友陳少白於民二十一年十一月八日函復中央黨史會所稱：「查逸公係於甲午夏赴檀香山吹唱革命此會即創於是時壬癸兩年並無開會立黨情事」之確實證明，遺教昭昭，實爲世人所共悉，攷甲午至民國前七年乙己，中國同盟會東京本部成立期間爲十一年，在此十一年間，興中會在國內外各地設置總會分會者凡十處。（一）甲午檀香山最初本會，會員劉祥何寬等約一百三十人，近年尙生存者僅許直臣鍾宇鄭照黃華恢四人。（二）乙未香港總會，會員人數不詳，近

年尙生存者僅余育之一人。(三)乙未廣州分會，卽外稱農學會，會員人數不詳。(四)乙未橫濱分會，會員馮銳如等三十餘人，近年尙生存者僅溫炳臣黃焯民馮懋龍(著者原名)三人。(五)丙申(民前十六年)楊衢雲開設之南非洲分會，會員黎民占等數十人，近年尙生存者僅霍汝丁一人。(六)丁酉(民前十五年)陳少白開設之台灣分會，會員趙滿潮等約五六人。(七)壬寅(民前十年)越南河內分會，會員黃陸生等十餘人。(八)癸卯興中會附設之東京革命軍事學校，學生十四人，近年尙生存者僅李自重胡毅生郭健霄三人。(九)癸卯檀香山中華革命軍，(時興中會盟書改用此名。)會員會長福黃旭升黎協等百數十人，近年尙生存者僅會長福等數人。(十)甲辰(民前八年)美國舊金山中華革命軍，會員鄺華汰等數人，統計上述國內外所設興中會十處，細數會員之有名籍可稽者約三百人，詳載余著「興中會人名事迹攷」一文，茲不贅述。

第二章 孫總理著「倫敦波難記」第一章之修正

〰 總理對英人措辭之忌諱 孫文學記之第一次修正 中國革命史之第二次修正 〰

「總理對英人措辭之忌諱」 孫總理於丙申年（民元前十七年）在倫敦清使館被囚出險後，有「倫敦波難記」之作。書中第一章敘述自身所經歷之革命事由，甚爲簡略，餘文則記載被囚情形及師友營救出險經過。考其第一章全文所述曾投身主張君主立憲之少年中國黨及糾合全體黨員向清廷聯名上書請願立憲並在澳門入黨及上海設總部等事，皆與總理生平言行完全不符，此種政治運動，亦向爲總理所深惡痛絕，決無冒昧參加之理，此書在民元以前並無譯本，故鮮爲世人所注意。余於辛丑（民元前十一年）春始在橫濱總理寓處見之，時余及粵籍留學生鄭貫公馮斯燊李自重王亮疇諸君方發起廣東獨立協會，日往還於東京橫濱之間，常假前田橋一百二十一番地總理寓處爲聚談所。總理實贊助最力，余獲讀此書第一章後，深爲詫異，乃向總理請示如此措辭之理由，總理曰，英人最富於保守性質，世有約翰牛（John Bull）之稱，其憲法號稱不流血的和平憲法，若與之談急激之革命手段，彼國人必不樂聞，故不得不從權以此立言，且香港爲其殖民地，時有禁壓黨人行動以交歡清政府

情事，吾黨每次向粵進攻之出發點，始終不能離開香港，故亦不能坦白陳述，以妨礙進行，容日後至相當時期方可據實修正云云。余心爲之釋然，茲將民智書局出版之倫敦被難記第一章譯文加以修正，其辭句有與英文原本意義相差太遠者，則爲誤譯英文少年中國黨（Young China Party）作興中會一語，兩者宗旨，一主張和平漸進之君主立憲，一主張激烈急進之革命排滿，性質互異，有同冰炭，讀者如不了解總理當日對外措辭之困難，而混爲一談，則離題萬丈矣。譯文錄載如次：

余早年在澳門始知有一種政治運動之存在，此種政治運動大可以名之曰少年中國黨（Young China Party）之形成，余以該黨宗旨識見宏遠，適合時勢，深表同情，即報名入黨，蓋爲國利民福計，極欲有所盡力耳，該黨原有見於中國之政體不合於時勢之所需，故欲以和平手段漸進方法請願於朝廷，俾推行新政，其最要者則在改行立憲政體，以代舊式專制及腐敗的政治，中國睡夢至此，維新之機，苟非發之自上，殆無所望，此少年中國黨所由設也。該黨之所以偏重於請願上書等方法，原冀皇帝之尊或一垂聽，政府之或可奮起，且近年以來，北京當道諸人與各國外交團接觸較近，其於外國憲政當必略有所知，或能贊助人民此項運動，以是余及其他同志奮然本利國福民之誠意，會合全體，聯名上書，但結果

反令多人受嚴厲之懲罰，時則日本正以雄師進逼北京，在吾黨固欲利用此時機，而在朝廷亦恐以懲治新黨失全國人之心，遂暫擱不報，但中日戰事既息，和議告成，而朝廷即悍然下詔，不特對於上書請願者如此叱責，且云此等陳請變法條陳，以後不得擅上云云，吾黨至是始知和平方法無可復施，少年中國黨總部確在上海設立，而其實行活動之地則在廣州。

以上一段譯文，凡稍讀總理傳記及革命史者，皆知爲不符事實，而竟出於總理之著述，其爲一種對外忌諱之措辭，不言可知，自民國建元後，中外人士以此向總理質疑者，大不乏人，總理久欲追述往事，據實修正，以釋羣疑，以勞於國事，無暇執筆，直至民國七年廣西軍政府改組赴滬閑居時，始抽暇撰成「孫文學說」一書，書中第八章首段即聲明否認倫敦被難記第一章全文所述之革命事由，而加以鄭重修正，次段乃追述其三十年來所記憶之事實，如數家珍。及民國十二年一月復有「中國革命史」之作，文中所敘述革命之運動（一）立黨（二）宣傳（三）起義三則，更足補「孫文學說」第八章所未及，由是一部學者對於倫敦被難記發生之誤解，一掃而空，無復有致疑者矣。

「孫文學說之第一次修正」據孫文學說第八章「有志竟成」首段修正文如下：

夫自民國建元以來，各國文人學士之對於中國革命之著作，不下千數百種，類多道聽途說之辭，鮮能知革命之事實，而於革命之原起更無從追述，故多有本於予之倫敦被難記第一章之革命事由，該章所述本甚簡略，且於二十餘年前，革命之成否尙爲問題，而當時雖在英京，然亦事多忌諱，故尙未敢自承與中會爲予所創設者，又未敢表示與中會之宗旨爲傾覆滿清者，今於此特修正之，以輔事實也。

上文卽總理對於倫敦被難記第一章之修正，且聲明爲全文之修正，而不止一字一句之修正，所云「今於此特修正之以輔事實」其意義至爲明顯，世有再援引總理久已根本取消之革命事由，而仍稱之曰遺教，卽無異強指總理爲主張君憲之保皇黨，誣蔑甚矣。孫文學說第八章首段既修正倫敦被難記所述革命事由後，同時於次段追述革命原起及三十年來所身歷之革命事實，凡一萬二千言，實爲清季革命時代最正確之歷史資料，茲更錄載原文所述與中會成立以前之革命事實一節如下，此卽對於倫敦被難記第一章全文之修正辭也。

茲篇所述皆就余三十年來所記憶之事實而追述之，由立志之日起至同盟會成立之時，幾爲余一人之革命也，故事甚簡單，而於贊襄之要人，皆能錄之無遺。自同盟會成立以後，則事體日繁，附和日衆，而海外熱心華僑，內地忠烈士士，各重要人物不能一一畢錄於

茲篇，當俟之修正革命史時乃能全爲補錄也。予自乙酉中法戰敗之年，始決傾覆清廷創建民國之志，由是以學堂爲鼓吹之地，借醫術爲入世之媒，十年如一日。當予肄業於廣州博濟醫學校也，於同學中物色有鄭士良號弼臣者，其爲人豪俠尙義，廣交游，所結納皆江湖之士，同學中無有類之者，予一見則奇之，稍與相習，則與之談革命，士良一聞而悅服，並告以彼曾投入會黨，如他日有事，彼可爲我羅致會黨，以聽指揮云。予在廣州學醫甫一年，聞香港有英文醫學校開設，予以其學課較優，而地較自由，可以鼓吹革命，故投香港學校肄業。數年之間，每於學課餘暇，皆致力於革命之鼓吹，常往來於香港澳門之間，大放厥辭，無所忌諱，時聞而附和者，在香港祇陳少白尤少執楊鶴齡三人，而上海歸客則陸皓東而已，若其他之交遊，聞吾言者，不以爲大逆不道而避之，則以爲中風病狂相視也。予與陳尤楊三人常住香港，朝夕往還，所談者莫不爲革命之言論，所懷者莫不爲革命之思想，所研究者莫不爲革命之問題，四人相依甚密，非談革命，則無以爲歡，數年如一日，故港澳間之戚友交游，皆呼予等爲四大寇，此爲革命言論之時代也。及予卒業之後，懸壺於澳門羊城兩地以問世，而實則爲革命運動之開始也。時鄭士良則結納會黨聯絡防營，門徑既通，端倪略備。予乃與陸皓東北遊京津，以窺清廷之虛實，深入武漢，以觀長江之形

勢。至甲午中東戰起，以爲時機可乘，乃赴檀島創立興中會，欲糾合海外華僑以收實効，不圖風氣未開，人心錮塞，在檀鼓吹數月，應者寥寥，僅得鄧蔭南與胞兄德彰二人願傾家相助，及其他親友數十人之贊同而已。時則兵屢敗，高麗既失，旅威繼陷，京津亦岌岌可危，清廷之腐敗盡露，人心憤激，上海同志宋躍如乃函促歸國，美洲之行因而中止，遂與鄧蔭南及二三同志返國，以策進行，欲襲取廣州以爲根據，遂開乾亨行於香港爲總部，設農學會於羊城爲機關，當時贊襄幹部事務者，有鄧蔭南楊衢雲黃詠商陳少白等，而籌設於羊城機關者，則陸皓東鄭士良並歐美技師及將校數人也。（下略）

「中國革命史之第二次修正」 此外 總理尙有民十二年一月所著中國革命史，其第一章敘述興中會成立前後之革命事由，可與孫文學說第八章互相印證，就中列舉「立黨」一則，於興中會創立之宗旨及其年代地點人數尤爲正確明白，毫無疑義，亦對於倫敦被難記第一章之修正辭也。茲更照錄原文首段如下：

（一）立黨乙酉以後，余所持革命主義，能相喻者不過親友數人而已，士大夫方醉心功名利祿，唯所稱下流社會原有三台會之組織，寓反清復明思想於其中，雖時代湮遠，幾於數典忘祖，然苟與之言，較縉紳爲易入，故余先從聯絡會黨入手。甲午以後赴檀島美洲，糾

台華僑，創立興中會，此爲以革命主義立黨之始，然同志猶不過數十人耳。（下略）

觀上文所錄 總理對於倫敦被難記第一章之修正辭，及前後追述興中會成立以前之革命事由，即可證實倫敦被難記第一章所載「余在澳門云云至少年中國黨總部設於上海」之全文約三百字爲子虛烏有，更可證實甲午赴檀島創立興中會之前並無以革命主義立黨情事，事實彰彰，有目共覩，自今而後，世有逞奇立異，道聽途說之徒，當不能再援引該章全文之一二句語以曲解事實矣。

第三章 孫總理在倫敦被難之清吏筆記

關於孫總理丙申（一八八九年）在倫敦清公使館被囚一節，本書上編已敘述綦詳。查當日任駐英公使爲皖人龔照瑗，使館職員有龔心湛（號仙舟，龔之姪也），吳宗濂（搢青，江蘇嘉定人），鄧廷鏗（琴齋粵人），王鵬九，車煥章，謝邦清，及英人馬格里諸人，均曾奔走於誘禁總理及預備雇船解送回國諸事。吳宗濂於民國後曾任駐荷蘭公使，於清光緒二十五年己亥（一八九九年）著有隨軺筆記一書，錄載當時清吏對於此事之計劃及一切布置，頗爲詳盡。茲特將書中關於此事之記事全文錄出見證，亦清代官樣文章之一趣聞也。亟爲照錄如下：

光緒二十二年七月後，准出使美日祕大臣楊子清星使函稱，粵省要犯孫文謀亂發覺，潛逃赴美，奉總署電令，確查該犯行踪，並飭電知龔星使援香港緬甸交犯約，轉懇英國代拿等因，並附節略，敘其面貌年歲籍貫。八月十九日復准通使電稱，孫文於西九月二十三日（即華八月十七日）由紐約搭船至英國梨華埔海口登陸……等語。時星使臥病已久，神志甚清，當遣參贊馬格里（英人）婉詢英外部，擬援香港及緬甸交犯約，請拏該犯。外部答

二約祇能行於安南緬甸，不能施之他處，設竟代卒，必爲刑司駁阻。星使之猶子仙舟司馬心湛乃僱包探赴梨華埔守候。旋據該探密報，孫文剪髮作洋裝，於八月二十四日登陸，卽日乘火車至倫敦，下榻客店，有二西人隨行。九月初四日孫文行經使署之門，遇學生宋芝田（學生者使館學生也），詢其有無粵人在署，宋曰有之。孫卽請見，乃推署門，入廳事，四等翻譯官鄧琴齋刺史廷鏗，粵產也，遂與接談。該犯以異地遇同鄉，分外愜意。自言姓陳，號載之，繼出金表以觀時刻，刺史索觀，則鑄有英文拼切之孫字，刺史恍然。不動聲色，孫約翌日再來，同赴海口探望粵商，刺史欲諾。孫文去，急密告仙舟，轉稟星使，星使與馬格里王鵬九兩參贊密上辦法。皆曰可也。初五午前孫果貿貿然來，飯後，鄧刺史請孫登樓，先至首層，觀星憲之會客廳、簽押室，繼至二層，入李琴伯明府盛鐘臥室，坐談良久，適馬參贊到，刺史遂告孫曰，君能再上一層枉顧弟房乎？孫曰甚好。遂同刺史拾級而升。馬參贊在前引導，先入預備之空房內，作開門待客狀。鄧指曰，此卽弟房，請君先進，孫剛涉足，錯愕間，馬參贊卽將房門闔閉，告曰，奉有總署及駐美楊子清星使密電，捉拿要犯孫文，爾卽是也。既經到此，請暫留一日一夜，靜候總署回電。孫見已識破，無可如何，唯唯應命，星使遂飭鄧刺史武弁車煥章謝邦清造轎學生宋芝田及洋僕

二名，日夜輪守。初七日接總署回電，力囑慎密辦理，不可爲英所知，致被反噬，應如何措手，悉聽主裁。初八日星使囑宗濂代擬電稿，言惟有專雇一船遞解粵省，否則祇可釋放，派探密跟，窮其所往，請示祇遵。此電去後，總署無復。十三日星使又發電云：釋放宜早，免有痕跡，仍無復電。時署外已有人日夜守伺。十六日英國格羅字報忽刊其事，不直使署所爲，他報訪事人接踵來訪，鄧刺史力辯其無，馬參贊直認不諱。翌晨各報刊布，指爲使署拐騙監禁，譁然四起，甚有以使署房屋繪爲圖畫者，亦有以此事標題，特印大字告白，兜銷報章者。使館門口自朝至於日中晷，聚衆至數百。英外部沙侯署聞消息，即東請參贊去，婉告曰，中英交犯約，曾經前大臣議而未成，刻既無約可援，如解犯潛過英地，殊與公例不符，宜將孫文即日開釋。馬參贊諾諾連聲而退，急即回稟星使，不移時而外部總辦及巡捕頭果皆戾止，索領孫文。馬參贊遂將孫文放出，交該總辦及巡捕頭，由後門坐車而去，蓋避前門聚觀之衆也。是夜各報刊有孫文對答之辭，殊形荒謬，據謂鄧星使告以擬將其裝入箱中，運至船上，或先行毒死，解華戮屍，此皆該犯臆造，藉以駭人聽聞也。西國久無此等刑法，見此數語，益笑中國之教化毫無。十八日接總署覆電，內稱僱船解粵甚是，電款六千餘鎊，即令匯豐接解等因。惜其時孫文已爲英廷索去，無可挽回，當

卽據實電復。十九日仙舟接短工洋候查耳來信，內言孫文起初幾次着伊送信，優給金錢，伊皆一律繳呈馬格里參贊，未得分文獎賞。嗣孫復許酬金五百鎊送一密信，並囑其事後離開使署隨孫度日，故伊甘冒不法，以洋信密報孫文坎特立門森兩英醫，兩英醫卽在外設法派人伺守，並報總部及巡捕房，各報聞之，遂亦附和作不平鳴，致貴署不能不將孫文釋放，曷勝悵悵。馬參贊當時恫嚇，謂如有走漏風聲，當送官嚴辦，予是以照實供明，聽候懲治云云。仙舟司馬以此信示馬參贊，馬參贊無計可施，徒形憤憤，各報議論紛紛，痛斥馬參贊及中國使署者又數日，而孫則致函英報，遍謝英廷、英報、英民，文過飾非，傾動衆聽。英國議紳之不明事理者，且舉以詰責政府，撥請轉令使館不得再用馬格里。幸沙侯相顧全大體，片言解紛，星使又無所見聞，得以怡然養疴，更幸外部允照星使照會中所請各節，移知香港總督，嚴查不法，以戢亂謀，而杜後患。卽日由星憲咨報總署，此案遂結，然傳遞密信之奸僕，以孫文致酬止有英金二十五鎊，控諸刑司，又不得直，至今迄不甘服。孫逆亦以港督懸有厲禁，不敢回華，以身試法，故輾轉竄匿，溷迹東瀛。而我中國東南半壁，卽藉此得以謐安，則我星憲製公之一紙公文，保全者誠大而遠哉。粵民有知，尙其鑄像以祝也可。時光緒二十五年八月嘉定吳宗濂追識於漢臯鐵路局之牟隱廬。

按鄧廷鏗號琴齋，廣東三水縣人，乙未前孫總理在廣州行醫時嘗與鄧有一面之雅，故丙申遠遊倫敦，以他鄉遇故，自容易受騙，鄧後任廣州某報記者，自稱環球三週客，蓋鄧時以生平曾三度環遊世界之經歷炫耀人前也。辛亥革命後，鄧於民元二月嘗詣南京臨時大總統府投刺求謁孫總理，總統府副官某等知其曾陷害總理，欲治以漢奸之罪，特向總理請示。總理曰，桀犬吠堯，各爲其主；已過之事，無庸深究，彼來求官，但不予之官足矣。卽令副官護送鄧出府，庶免發生危險，是可見總理器量之廣，殊非常人所及也。

第四章 中華民國旗之歷史

興中會之青天白日旗 同盟會之紅藍白三色旗 潮惠革命軍之國旗 鎮南關砲台上之革命旗 庚戌廣州新軍反正之紅旗 革命軍債券面之國旗 辛亥革命軍旗章之異同 孫總理對於國旗之新方案 青天白日用作海軍旗之原因 民元參議院折衷制定國旗之經過 中華革命黨黨證之國旗 中華民國旗之確定

清季革命黨所用國旗之方式有數種：最初爲興中會所用之青天白日旗，次爲中國同盟會所修訂之青天白日滿地紅旗；迄辛亥武昌舉義，更有共進會所用之十八星旗，上海光復所用之五色旗，惠州陳炯明所用之井字旗，茲分別敘述其源流及沿革如次：

〔興中會之青天白日旗〕 乙未（一八九五年）春。孫總理楊衢雲等日在興中會香港本部乾亨行商議攻取廣州策略，據興中會員謝繼英文筆記所載，是年陽歷三月十六日（舊歷二月二十日）興中會幹部開會，議決挑選健兒三千人由香港襲取廣州之方法，及採用青天白日爲國旗之方式，以代滿清之黃龍旗云云。續泰爲衛雲密友，每次會議恆參與機要，其言至有根據。此旗之方式係陸皓東所設計，皓東即殉於是役，爲民族革命流血之第一人。自乙未

重陽日廣州失敗後，青天白日旗初用諸軍事者，爲庚子（一九〇〇年）閏八月惠州三洲田之革命軍，其後尤列至南洋各埠創立中和堂，令各會所均懸掛青天白日旗，海外華僑團體以革命黨徽號爲標幟者自此始。當時旗上所排列又光，多寡不一，縫製者多莫名其妙，後經總理解釋，謂又光卽代表千支之數，故又光應排作十二，以代十二時辰，自是旗上又光之數始確定不易。

「同盟會之紅藍白三色旗」 乙巳（一九〇五年）七月，中國同盟會成立於日本東京，翌年冬，同盟會召集幹事會編纂革命方略，并討論中華民國國旗方式問題，總理主張沿用與中會之青天白日旗，謂乃陸皓東所發明，與中會諸先烈及惠州革命軍將士先後爲此旗流血，不可不留作紀念。各黨員亦提出他種方式，有提議用五色，以順中國歷史上之習慣者；有提議用十八星，以代表十八行省者；有提議用金瓜鉞斧，以發揚漢族之精神者；有提議用井字，以表示井田之義者；黃克強對於青天白日，頗持異議，謂形式不美，且與日本旭旗相近。總理爭之甚力，且增加紅色於上，改作紅藍白三色以符世界上自由平等博愛之真義。仍因意見紛歧，迄未解決，後經章太炎、劉揆一設法調解，暫擱其議。於是各種方式均由庶務幹事劉揆一保存，作爲懸案。然自後丁未（一九〇七年）潮州黃岡、惠州七女湖、欽州防

城、廣西鎮南關、戊申（一九〇八年）欽州馬篤山、雲南河口、庚戌（一九一〇年）正月廣州，辛亥（一九一一年）三月廣州諸役，黨軍咸用青天白日滿地紅之三色旗爲革命標幟。克強迭任主帥，從無反對之表示，故在革命歷史上，青天白日旗之爲中華民國國徽，實無疑義。

「潮惠革命軍之國旗」 同盟會幹部制定革命方略之後，依革命方略第九章因糧規則第二節丁項軍事用票第一條之規定，革命軍所發行軍事用票，一律冠以國旗，并繪成國旗方式，頒發革命軍各都督及同盟會各埠分會長使用。丁未春，總理以總理名義任許雪秋爲中華民國軍東軍都督，又任鄧子瑜爲東軍惠州區司令，以余時任同盟會香港分會長，特令贊襄潮惠軍務。余接受本部頒到新定國旗方式後，乃使余婦李自平在中國日報四樓依樣密縫製青天白日滿地紅旗四挺，分給許雪秋、鄧子瑜各二挺，備舉義時應用。是年四月十一日，余丑、陳湧波等倉卒舉義於潮州饒平縣黃岡城，許雪秋時在香港，不及往。革命軍既克黃岡，余丑等率衆誓師并拍照紀念，照中右側有人手持青天白日滿地紅旗，立於其旁者陳湧波也。考清季革命軍起事者二十餘次，其能從容拍照紀念者，祇有潮州黃岡一役，是役所用國旗卽余所頒發。

「鎮南關砲台上之革命旗」 丁未十月二十七日，黃明堂、關仁甫、李祐卿率革命軍佔

據廣西鎮南關砲台，鎮南鎮中鎮北三台均高懸青天白日旗，十一月初四日以彈藥告罄，糧食不繼，不得已下令退卻。隨清軍取包圍式，向山上環攻，明堂等率衆衝圍而出，及至半山，軍中有一小童回顧台上青天白日旗未撤，慮爲敵軍所得，竟以一人冒險，重登山巔，取回此旗，全軍將士咸爲稱賞不置，誠國旗史上之一佳話也。

「庚戌廣州新軍反正之紅旗」 庚戌正月元旦日，倪映典率新軍反正於廣州東郊，先是香港同盟會機關部以倪運動新軍漸臻成熟，乃於己酉（一九〇九年）十二月趕製青天白日三色旗百具，以供軍用。祕密製旗之地所有二，一在九龍城孫壽屏（總理之兄）農場，壽屏與其友楊錫初任之；一在灣仔東海旁街七十六號四樓馮宅，盧桂屏（余之庶母）及陳淑子（胡漢民夫人）李自平數女士任之。壽屏之農場原假諸陳少白，鄰接少白寓所，小白慮爲英警吏偵悉，再三向壽屏警告，壽屏乃將布料縫車等件盡移至馮宅，合力縫製，數日內成三色旗百餘幅，由徐宗漢（後爲黃克強夫人）等藏於臥具中，密運至廣州各機關備用。及元月初三日新軍反正失敗，倪映典死之，當日報載倪身穿藍袍，手持紅旗，馳馬督隊前進，即此青天白日滿地紅之國旗也。又革命黨人事前在城中預設機關數處，擬於舉兵時分頭縱火，以亂清吏耳目迨新軍發動，高第街宜安里機關於縱火後旋即撲滅，徐宗漢探悉所貯藏國旗之被褥爲警

吏移至區署，乃托女友莊漢翹取回原物，詎該被擄爲火燬去一角，紅布外露，警吏已查悉爲黨人用旗，時漢翹尚未入黨，絕不知被擄中藏有危險物，茫然投警局報領。警吏謂必須物主到署親領始可發還，宗漢至是始知事情敗露，乃挈漢翹逃往香港。於此可知當日警吏不欲違與黨獄，否則跟蹤探索，徐莊何能免耶。

〔革命軍債券面之國旗〕辛亥三月黃花岡一役之前，總理到美洲籌募餉精，嘗用中華革命黨本部總理孫文之名，由舊金山鑄幣局發行中華民國金幣券，券之正面刊有青天白日滿地紅之三色旗，反面刊有青天白日旗，均由總理親手繪樣，交會計李公俠印製，美洲華僑之認識革命旗章自此始。及八月武昌革命軍興，所揭櫫者爲共進會之十八黃星旗，而非青天白日旗。保皇黨報紙乃藉口引爲抨擊革命黨之資料。余時主舊金山大同日報筆政，因爲中華民國旗之歷史一文以解釋之，且說明三色之意義曰：紅者血之色，言必流血而自由可求也。青者天空之色，即公正之義，言公正即平等也。白者清潔之色，言人心清潔乃能博愛也。此文後爲上海民立、天鐸二報及商務印書館印行之革命小冊先後轉載。

〔辛亥革命軍旗章之異同〕武昌起義之後，各省革命軍所用旗章計有四種，（一）爲共進會焦達暉、孫武等之十八黃星旗，即武漢義師所用。（二）爲上海江蘇軍政府之五色旗，

乃宋教仁、陳其美所提議。(三)爲廣東軍政府之青天白日三色旗，此爲革命軍歷次所常用。粵爲革命策源地，人民認識此旗已久，廣州光復之先，粵紳江孔殷率清防營敗民軍陸領譚義所部於順德樂從墟，奪獲青天白日旗多具，其後江說張鳴岐李準反正，欲懸革命軍旗以示無貳心，各界匆遽覓革命旗不得，江乃出其俘獲品以贈，卽其時高懸於諮議局之上者是也。

(四)爲陳炯明在惠州舉兵之井字旗，此旗式原爲丙午年廖仲愷在東京所提議，廖陳同隸惠州籍，陳聞同盟會本部嘗有此提案，遂採爲己軍之標識，嗣會師廣州，始廢置不用。要之此四種旗章均不出丙午年東京同盟會本部提案之方式，青天白日旗在事實上雖已屢用於粵、桂、滇三省義師，然當日幹部會議，各省代表咸參預其間。迨辛亥革命，各省有力同志多根據舊日懸案，逞奇立異，各樹一幟，此十八星旗及五色旗井字旗所以隨青天白日旗而紛然並起也。

「總理對於國旗之新方案」 總理以黃克強有青天白日旗形式不美之批評，故戊申居新加坡時嘗將此旗內容再三潤飾。擬將旗上青紅二色增加小方格，且於紅色上橫添白線，以示美觀，曾指導陳淑字女士（張永福夫人）繡製新旗式，以示同志，其圖案今尙由張永福保存之。民元南京政府成立時，發生國旗問題，總理乃於總統府辦公室內懸掛青天白日滿地紅旗

新圖。旗中紅色之上橫添白線若干，每一線即代表一行省，總統府職員及賓客多見之，惟此新旗式尙備而不用，總理始終未向政府提出之。

〔青天白日用作海軍旗之原因〕 民元南京政府建立後，鄂、湘、贛三省用十八星旗。粵、桂、閩、滇、黔數省用青天白日旗三色旗，江、浙、皖及各省多用五色旗。各省派出之援鄂軍及北伐軍，旗章各異，頗爲複雜。時海軍部請示大總統應用何種旗式，總理令用青天白日三色旗，并派海軍部員鄧某（鄧世昌之子）慰勞沿江艦隊，向海軍將士說明青天白日旗與歷次革命之關係。由是全國各軍艦一律以青天白日三色旗爲國徽，更在旗內紅色之上橫添白線若干，另定爲海軍旗，至今尙沿用之。

〔參議院折衷制定國旗之經過〕 參議院既遷北京，爲國旗方式問題，嘗發生劇烈之爭議，最後乃採納折衷派意見，議決以滬軍都督府所用紅、黃、藍、白、黑五色旗，足以代表漢、滿、蒙、回、藏五族，最爲普遍，確定爲中華民國國旗。武昌起義之十八黃星旗爲陸軍旗，同盟會之青天白日三色旗爲海軍旗，由政府正式公佈之。總理聞之頗爲不懌，然當時同盟會員在參議院不能佔過半數，且院內共和黨內之同盟會分子徒知擁護武昌起義之紀念品，不願爲母黨之助，結果能予保留而制定爲海軍旗，已屬倖事矣。

〔中華革命黨黨證之國旗〕 癸丑（民國二年）各省討袁軍失敗後，總理組織中華革命黨於日本東京，遂回復同盟會舊制，用青天白日滿地紅爲國旗，青天白日旗爲黨旗，所頒發黨證及委任狀獎狀卽用此項國旗黨旗各一交加於上。乙卯（民五）起義於山東濰縣及廣東各地之中華革命軍，亦概用此種標幟。迨民九粵軍自漳州返粵，總理再由非常國會當選大總統，始公然宣布廢止五色旗及十八星旗，而分別制定青天白日爲國旗軍旗。民十陳炯明、葉舉等叛變，總理避地上海，陳炯明一反總理所爲，青天白日旗亦同遭此厄。

〔中華民國旗之確定〕 民十二年總理在粵重組織大元帥府，就職日正式舉行閱兵授旗禮，青天白日旗復飛揚於廣州。適是年全國學生會在廣州召集大會，請總理於開會日蒞場指導，行禮時，總理見堂上懸五色旗，竟不爲禮。演說間，乃說明青天白日旗與五色旗之異同，及在革命史上之價值，衆始了解。民十三，總理乘中山艦北上，道經香港，艦上懸青天白日旗。英吏遣人相告曰：如改懸五色旗，當以禮接，蓋青天白日旗之爲國徽尙未經國際承認也。總理毅然不恤。及民十六，革命軍攻克南京，平津旋亦底定，無何，張學良且拒絕日人警告，令東北四省盡改懸青天白日旗，由是中國國民黨統一全國，各國雖欲不正式承認，不可得矣。

第五章 橫濱中和堂與南洋中和堂（續前章第四章）

中和堂之起源 橫濱中和堂之沿革 南洋中和堂與閩南報 中和堂與同盟會 民國後之中和堂 尤列逝世後之中和堂

〔中和堂之起源〕 中和堂始創於日本橫濱山下町唐人街，一華僑工界之俱樂部也。成立於清季己亥年，即民國前十三年，時與中會駐日分會，早不存在。蓋與中會自孫總理及陳少白、鄭士良三人於乙未冬（民國前十七年）在日組織分會以來，前後收納會員不過三十餘人。及丁酉（前十五）下半年，橫濱僑商鄺汝磐、馮鏡如等，發起中西學校，以教育僑胞子弟，徵教習於總理，總理以梁啓超荐，梁舉徐勤自代。復由康有爲改名爲大同學校，自是康門徒侶，羣集橫濱，以大同學校爲淵藪，鬚鬢乎有喧賓奪主之勢。及戊戌（前十四）清帝厲行變法，康門弟子皆彈冠相慶，不敢與總理及陳少白等往還。而僑商亦多趨炎附勢，歌頌天王聖明，與中會以是大受影響。會員中能始終如一而不爲康梁所惑者，寥寥無幾，是爲當日與中會最不振之時期。大同學校校址原屬中華會館公產，康徒既蟠据學校，復伸張勢力，欲藉擴充校務名義，覬覦其他公產。僑衆大憤，因而發生三種反響。一爲該校強

暹耶蘇教徒弟，向孔子像前行三跪九叩禮，違者勒令退學，故耶教徒趙嶧琴、關貴等，乃另創華僑學校，以示對抗。二爲該校不設國語教員，凡江浙子弟，亦一律用粵語教授，故江浙人郭外峯等迫而自設三江幫學校。三則工界及小資本商人憤恨康徒之專橫，遂組織一小規模之俱樂部，以圖自衛。此卽中和堂所由發起也。

「橫濱中和堂之沿革」 中和堂成立之初，原名「忠和堂」，絕無政治性質。其發起人爲鮑唐、楊少佳、陳澤景、溫炳臣、陳和等數十人。其組織頗類航業工人來往之俱樂部，卽粵語所謂「行船仔館口」者。會所設於唐人埠某街角之二層樓，堂中設關羽神像，每逢神誕及紀念日，恆鑼鼓喧天，設宴高會。及己酉年夏秋間，聞康徒謀攘奪中華會館公產，憤然不平，始由會員溫炳臣、陳和二人，介紹與中會員陳少白爲該堂顧問，是爲該堂與革命黨發生關係之嚆矢。少白既作該堂座上客，乃爲之設計改良。首改忠和堂三字爲中和堂，次則主張廢去關羽之神像，以便接納耶蘇教徒；各會員皆惟命是聽。時全埠僑衆，因大同學校侵佔公產事，在中華會館開會爭論多次；大同學校值理多屬殷商，隱然有操縱議事之能力。少白乃指揮該堂會員，於每次開會時聚衆反對；卒使中華會館公產，不致爲康徒侵佔，該堂之力也。中和堂自廢除神像後，耶教徒加入堂籍者，不乏其人，霍美徒其一也。霍爲德商某洋行

之書記，兼英文夜校教員，與少白爲舊相識，己亥冬少白奉總理命，赴香港創辦中國日報。衆乃推翟主持堂務。翌年庚子，尤列自香港蒞橫濱，中和堂請其演說時事，慷慨激昂，聽衆大爲傾倒。旋舉尤任會長，由是該堂常有與中會員及留學生足跡。遇有革命黨名士路過，輒請其演講國政，而該堂會員之種族觀念，遂與時俱進矣。辛丑年（前十一）陽歷元旦日，該堂應留日學生勵志會之招，特派尤烈、霍美徒二人，參加該會新年慶祝會。是日被邀蒞會者，尚有日本進步黨首領犬養毅，及菲律賓獨立軍代表彭西等；當拍照以誌紀念，此照今尙存也。（著者按：此照余今尙保存之，民二十五年擬印載上海逸經半月刊，因照片稍模糊，故未登出。）

〔南洋中和堂與圖南報〕辛丑年尤列赴南洋，初在新加坡埠，懸壺行醫，其醫館設於牛車水單邊街，以精通治花柳雜病，其門如市。時南洋各埠保皇黨聲勢鼎盛，閩商邱菽園，及粵商七家頭朱子佩等，咸爲康黎張目。尤初至，不敢公然向商界談革命，乃漸以國醫術受知於工界及下層社會，且常涉足煙館賭場中，藉煙賭以鼓吹革命排滿，久而久之，收效漸宏。繼遊吉隆坡、檳榔嶼、霹靂、柔佛諸埠，從之者日衆。於是首創中和堂於吉隆坡，其會所高懸與中會之青天白日旗，隨風招展。青天白日旗之實用於海內外公共建築物，當以吉隆

坡中和堂爲最早。自是英屬各小埠亦陸續有中和堂之設，會員中有黃伯耀、黃世仲、康陰田三人，皆湛通國學之文士，以繼於家計，出洋謀生，同在賭場掌理筆墨。餘暇時輒投稿於新加坡之天南日報，暢論時事。及與尤相結識，尤乃先後推荐三人於香港中國日報及新加坡圖南日報，充任記者。黃世仲字小配，又號萬山世次郎，即香港各報之名記者，黨以撰作「洪秀全演義」及「二十載繁華夢」二說部見稱於時者也。先是與中會在南洋始終並無組織，在壬寅、癸卯以前（前九、十），南洋馬來亞各埠勢力，幾爲保皇黨徒所獨佔。及尤烈創立中和堂後，革命思潮，始漸傳播。時有閩籍富商陳楚楠，及潮籍富商張永福二人，夙醉心民族主義，知尤爲與中會員，特登門請謁，一見如故。陳張等向與少數僑商，組織小桃源俱樂部，爲研究革命之聚談所，自是該俱樂部常有尤烈之足跡。癸卯，上海蘇報案起，陳張等乃用小桃源俱樂部名義，致電駐滬英領事，請援保護國事犯條例，勿引渡鄒容、章炳麟二人於清吏。復集資翻印「革命軍」五千冊，改名「圖存篇」，分送南洋各埠，及閩粵各縣，以廣宣傳，尤與有力焉，然陳張固非中和堂分子，蓋南洋工商二界畛域頗嚴，中和堂祇限於農工人物，富商鉅賈，實不便參與也。是歲秋冬間，陳楚楠等集資發刊圖南日報於新加坡福建街二十一號，籌備數月，至甲辰（前八）春始出版。初由尤烈介紹鄭貫公任總編輯，鄭以事

辭，乃改聘陳詩仲，鄭陳二氏皆前任香港中國日報記者也。此外，更聘尤烈爲名譽編輯，黃伯耀、何德如、康蔭田、胡伯鑲、邱煥文、分任撰述譯務，黃何康胡等多屬中和堂會員。出版第一日，尤作發刊辭，署名吳興季子者是也。自圖南日報出版後，中和堂之勢力亦蒸蒸日上，乙巳年（前七）冬，圖南爲華僑馮夏威因美國新頒華工禁約，自殺於上海美領事署門外事，舉行追悼大會於仁濟醫院。先期向當地華民政務司署領取開會許可證，英官以尤烈有左右工界能力，誠恐發生事端，遂以是日尤不列席爲條件，陳楚楠等允之。尤聞之大憤，及期，先到會場登壇演說，痛言拒約抵美貨之理由，及遷就外人之失當，座衆大爲鼓掌，事後英官竟不干涉。未幾，各地抵制美貨之風潮愈益擴大。適有英船載運政府定購之美貨到埠，碼頭工人頭領，多中和堂分子，咸拒絕起運。華民政務司乃請華譯員何寬設法。何曰：「若得圖南報陳楚楠君，代向碼頭苦力疏通，乃易爲力。」英官遂邀陳至署，請其勸告各工人勿拒運美貨，陳以無此能力拒之。英官謂祇須陳君代解釋英輪所載美貨，乃當地政府先期定購之用品，與普通美貨不同，卽生效力，不必爲勸告工人語亦可。陳於是勉爲署名。此項公告張貼後，不及半日，英輪所載美貨完全卸陸。英官乃知圖南報對羣衆之勢力，爲之咄咄稱異。是亦可見中和堂在工界勢力之一斑。

〔中和堂與同盟會〕 圖南報出版後數月，總理在檀香山見之，知南洋向無革命派報紙，乃移書尤烈，探詢此報創立經過，尤具告之，總理深爲喜慰。乙巳年（前七）自歐洲東歸，先期函電尤及秦力山等，囑於舟過新加坡時，引諸同志相見，時新加坡禁止總理五年入境之期未滿，故屆時總理不便上陸，僅由尤領陳楚楠、張永福、林義順等，登輪晉謁。總理謂歐洲留學界已成立革命團體，此行到日本，即可組織革命黨總機關，囑尤等預爲佈置，以利進行，尤等唯唯。是年冬，總理復由日抵新加坡，適英政府禁止入境期限已滿，尤等遂以張永福之晚晴園爲招待所。總理報告中國同盟會已在東京成立本部，余此來目的，在組織新加坡分會，尤陳張等遂一一宣誓如式。衆舉楚楠爲會長，永福副之。自茲而後，各埠中和堂會員，遂陸續加入同盟會。總理及胡漢民、×××等先後在南洋籌措義捐，中和堂分子之助餉者，皆以同盟會員名義行之。然其舊有之工界小俱樂部，仍舊存在。如戊申年（前四）某月保皇黨假振武善社，開政聞社成立會，革命黨員孫眉、田桐、鄧子瑜等，率百數十人到場，破壞其事，且毆傷康徒徐勤，使會衆如鳥獸散。其中搖旗喊吶以助聲威者，卽此輩爲之也。是歲夏，滇省河口革命軍失敗，退入越南境界，爲法人遣送至新加坡之敗軍將士，凡數百人。總理乃命陳楚楠、張永福、林受之、沈聯芳等，設法收容。且在

蔡厝港開辦中興石山，及介紹於各埠礦山農場以安置之。然敗兵多出身遊勇，頗不受拘束，有聲言給養不良而聚眾滋事者，有鬧事殺人而招警吏干涉者，亦有劫掠行旅而妨害治安者。尤烈以總理窮於應付，乃運用其平日懷柔工界之手腕，出而排難解紛。而敗兵中亦漸次就範。然尤烈竟因此輩殺人嫌疑案，被牽涉入獄。後總理致書英吏保證，始獲開釋。己酉（前三）七月，總理赴歐洲，同盟會南洋支部亦遷地檳榔嶼，宣傳機關之中興報以款絀停版，是為南洋黨人最零落之時期。然尤烈仍安居新加坡或吉隆坡，優遊自得，即受中和堂舊友供養之力。迨辛亥八月武昌革命軍起，民元南北統一，尤尚遲遲不願歸國，亦以此故。

〔民國後之中和堂〕中和堂原屬一俱樂部性質，於民國前後，始終並無派人在國內徵求會員情事。辛亥粵省光復之後，有人利用孫眉名義，恢復興中會，招收會員，亦有組織扶正同盟會，以反對都督胡漢民，陳炯明等。時有二三中和堂分子，亦欲假借尤烈名義，在粵設置中和堂，以染指政權，屢邀尤回粵主持其事。尤不欲惹起當時誤會，遂於民元春夏間歸國時，不之粵而之滇。迨抵昆明，滇都督蔡鍔留學日本時，早與尤相結識，至是大開歡迎會，設宴贈金，禮之甚優。民二春間，尤北遊京津，過港滬時，國民黨幹事疑尤已不與總理合作，無招待之者。及抵北平，共和黨本部開會於虎坊橋以歡迎之。尤乃以中和堂名義，

向內務部呈請立案，內務部即予批准。時袁世凱厭惡總理特甚，王揖唐進言曰：「人皆言孫某爲革命黨首領，不知革命黨中尙有中和堂會長尤某，較孫某資格更老，若崇尤抑孫，大可減削孫某之勢力矣。」袁從其計，乃聘尤爲總統府高等顧問，並館之於石駝馬大街之舊醇王府。尤因得以資尊處優，逍遙嘯傲於燕山者兩載。及聞袁蓄意稱帝，不欲自污，始託故悄然出京。居天津數月，資斧乏絕，賴中和堂舊友印刷商溫德澤，任少荃助，始得避地日本神戶，以著作自娛，居東多年，其生活費仍恃南洋各埠中和堂舊友之源源供應。民九、民十兩年間，尤漸厭居扶桑，乃歸香港，以教授蒙資爲生活。其私塾先後設於九龍西洋菜街及彌敦道等處。僑港之中和堂舊友，以其所得束修不足供家費，乃各分任若干以供應之，並提議恢復與南洋各埠堂友之關係，由是南洋信息，絡繹不絕。尤所以不求仕進而能隻身維持生活者，堂友協助之力也。民十年，總理開府廣州，命許崇智斥資三千元，修治觀音山文瀾閣，特廷革命時期四大寇之陳少白、尤烈、楊鶴齡三人居之，以敘舊誼，尤欣然就道。居粵未久，因與陳少白語言不合，且數爲某某所抑掄，遂拂然去粵。總理挽留不得，乃餽以二千元，用壯行色。既歸港，仍籍教得自給，窮昔一如當年，惟值每年壽辰，其同志親友及中和堂舊人，必羣集稱觴，大舉慶祝，是亦敬老尊賢之美意也。民二十年秋，東三省失陷，國

民政府召開國難會議於洛陽，尤被徵爲國難會議議員，以病不克就道。民二十四年，值其七十一壽辰，各地興中會、同盟會、中和堂諸老友特舉行慶祝大會，親赴香港稱觴者，頗不乏人。尤以外侮憑陵，乃通電全國，主張統一禦侮，繼以全國統一有望，遂扶病晉京，晉謁中央當局，面陳救國方略。林故主席及蔣委員長均以其年高德劭，深致敬仰，禮遇優渥。是冬十二月十二日，尤病勢漸沉重，其隨從祕書馬白眉，叩以主持中和堂之後繼人，尤瞑目不答。遂於是晚溘然長逝。而中和堂之名義，亦隨尤以俱去矣。

〔尤烈逝世後之中和堂〕尤既逝世，其嗣子某乃偕尤生前友好數人，租居九龍彌敦道洋樓一層，爲中和堂會所，以示繼承中和堂之統緒。會中附設尤烈小學，以紀念亡父。及民二十九年，更欲擴大組織，改組爲委員制，推舉民黨前輩李紀堂、曾克齊、李天德等爲執監委員。紀堂聞人言中和堂尙有財產數百萬元在南洋，信以爲實，謂既任該堂常委，即可調動存款，以供祖國國防之用。乃使人抄錄該堂與南洋各地通訊地址，以便直接通訊，因而引起尤嗣子之誤會，竟藉細故向紀堂大事攻擊。於是各執監委員紛紛辭職，以脫離關係，紀堂旋亦東裝赴渝，避此紛擾。該堂經此風潮，遂成無形的瓦解。中和堂三字，將不復再見於香港九龍間矣。

此外尚有中和堂發源地之日本橫濱中和堂，其會所於民國成立後，改稱中和堂書報社。民元同盟會改組爲國民黨後，該堂分子皆登記爲國民黨員。民二及民六兩年，北京政府舉行參議院華僑參議員之選舉，規定海外各書報社及中華會館中華總商會三種團體，皆有選舉權。該黨兩次均派夏重民赴北京參加選舉會，中和堂之享有選舉權者，祇此一處。南洋各埠中和堂於事前未設書報社，皆無選舉權也。時橫濱會員以尤烈未列名國民黨籍，多視同路人。民三後，尤間居神戶多年，而足跡未至橫濱，卽以此故。橫濱中和堂於維持當地華僑學模，及籌餉討袁等義舉，多所盡力。迨民十二年日本發生地震，橫濱華僑財商盡付一炬，該堂會所亦不免於難。事後華僑重建居留區，不復間有中和堂之組織。

第六章 革命保皇兩黨之關係（補前書第六章）

戊戌前之關係 戊戌後之關係

「戊戌前之關係」 康有爲原名祖詒，號長素，少有創立新教，取孔子而代之志，其自號長素，即取凌駕素王之義。其門人陳千秋號超同，梁啓超號軼賜，麥孟華號駕孟，曹泰號越俛，韓文舉號乘參，均取此義。時人以康立論怪僻，自稱聖人，咸以顛康呼之。康初講學於長興里，號長興學舍，好瀏覽西學譯本，凡上海廣學會出版之書報，莫不盡量購取。長興學舍旋移於廣府學宮，改名萬本草堂，與雙門底聖教書樓相距甚邇。時總理初假聖教書樓懸牌行醫，因康常在該書樓購書，知其有志西學，欲與結交，爰託友人轉達。康謂孫某如欲訂交，宜先具門生帖拜師乃可。總理以康妄自尊大，卒不往見。乙未總理倡設農學會於廣州，嘗請康及其徒陳千秋等加入，陳頗有意，以格於師命而止。是年春，陳少白以事至上海，居洋涇濱全安棧，聞康與其徒梁啓超晉京會試，亦寓同棧，乃赴鄰室訪之。康莊重接見，正襟危坐，儀容肅然。少白向之痛言清朝政治日壞，非推翻改造，決不足以挽救危局。康首肯者再，且介紹梁啓超相見，談論頗歡。總理在廣州敗挫之後，康徒梁啓超、徐勤、麥孟華、歐

梁甲諸人於丙申丁酉（一八九六至一八九七）間，先後發刊時務報知新報於上海、澳門，倡言改革，名重一時。同時楊衢雲、謝纘泰等亦與康廣仁（有爲之弟）何易一商談兩黨合作事宜，久無成議。丁酉冬，橫濱僑商鄺汝磐、馮鏡如等在中華會館發起組織學校，以教育華僑子弟，欲由祖國延聘新學之士爲教師，以此就商於興中會。時總理在英國。陳少白以興中會缺乏文士，乃薦梁啓超充任，并代定名曰中西學校。鄺汝磐持總理介紹函赴上海，謁康有爲於旅次。康以梁啓超方主持時務報筆政，薦徐勤承乏，并助以陳默菴、湯覺頓、陳蔭農等，皆康門優秀也。又謂中西二字不雅，特爲更名大同，親書大同學校四字門額爲贈。徐勤既抵日本，初與總理少白時相過從，互討論時政得失。迨戊戌（一八九八年）夏秋間，清帝光緒銳行新政，康有爲驟獲顯要，以帝師自居，徐勤等皆彈冠相慶，慮爲革命黨株連，有礙仕版，遂漸與總理少白疏遠，而兩黨門戶之見，從此日深。

〔戊戌後之關係〕 戊戌八月，清西太后下令廢除新政，大興黨獄。康有爲得英國軍艦保護，避地香港。王照、梁啓超匿居日本公使館。孫總理在日聞此消息，乃商諸日本志士宮崎寅藏平山周等，請其到中國救助康等出險。宮崎遂赴香港迎康至東京。平山則到北京，使王、梁二人易日本服至天津，乘輪赴日。時進步黨領袖大隈重信任總理大臣，犬養毅任文部

大臣，均主中日親善政策，對於中國維新黨異常優待。康、王、梁三人起居費用由政府供給。大隈內閣倒後，則改由進步黨供給。總理陳少白以彼此均屬逋客，應有同病相憐之感，擬親往慰問，藉敦友誼，爰托宮崎平山向康示意。康自稱身奉清帝衣帶詔，不便與革命黨往還，竟托故不見。事爲犬養毅所知，雅不欲中國新黨人，因此意存隔閡，遂約孫、陳、康、梁四人同到早稻田寓所會談。屆期除康外餘人俱到。梁謂康有事不能來，特派彼爲代表。是日，三人各抒意見，討論合作方法頗詳，至翌日天明始散。數日後，總理派少白偕平山至康寓訪謁，康、梁出見，在座有王照、徐勤、梁鐵君三人。少白乃痛言滿清政治種種腐敗，非推翻改造無以救中國，請康改弦易轍，共同實行革命大業。康答曰：「今上聖明，必有復辟之一日。余受恩深重，無論如何不能忘記，惟有鞠躬盡瘁，力謀起兵勤王，脫其禁錮溷臺之厄，其他非余所知，祇知冬裘夏葛而已。」少白反覆辯論三句鐘，康宗旨仍不少變。談論間，王照忽語座客，謂：「我自到東京以來，一切行動皆不得自由；說話有人監視，來往書信亦被拆閱檢查，請諸君評評是何道理，」等語。康大怒，立使梁鐵君強牽之去，并告少白謂：「此乃瘋人，不值得與之計較。」少白疑王別有冤抑，乃囑平山伺機引王外出，免爲康所羈禁，平山從之。果於數日後窺康師徒外出，逕攜王至犬養寓所，王遂筆述其出京一切經

過及康所稱衣帶詔之詐僞，洋洋數千言，與康事後紀述多不相符。由是康作僞之真相盡爲日人所知。康以爲少白故惡作劇，因而遷怒及於革命黨，兩派更無融合之望矣。王照任職禮部主事，管上書請清帝出洋遊歷，先往日本，以次繼往歐美各國。摺爲禮部堂官阻隔不上。王面斥其違旨，堂官始爲代奏。清帝怒尙書懷塔布、許應騷、侍郎堃岫、徐會澧、溥頤、會廣漢等六人誣謬言語，令褫其職；嘉王照不畏強禦，賞給四品京堂，王以是名動一時。康到東後，深虞王舉發其假托衣帶詔之祕密，故嚴重監視，不許私自見客。王不能堪，因與吵鬧多次。康友梁鐵君精於技擊，康特使之強制王之行動。王賴平山之助，得脫離康之約束，遂遍向日本當道陳訴所苦。日政府以康王水火，慮生事端，乃給康以旅費九千元，令其尅日離境。康之遠遊加拿大，實以此故。徐勤在康徒中，反對與總理合作最力，自是與總理少白等日益疏遠。橫濱大同學校會客室貼有「孫文到不招待」之字條，適總理到訪見之，遂向徐詰責；徐否認爲己所爲。有教員陳蔭農直認己作不諱，因與總理駁論激烈，相持不下。校董馮鏡如聞之，乃到校極力勸解始止。事後，各校董多不直徐、陳所爲，有數人提議辭職。學校基礎爲之動搖。犬養以學校解散爲可惜，特親蒞橫濱，邀請各校董維持現狀，且願任名譽校長，以資提挈。各校董感其熱腸，咸允照舊擔任。當時徐勤曾致書宮崎，道謝援助康、梁出險及犬養允任大同學校名譽校長，并力辯無攻訐總理等事。

第七章 東京留學界之革命潮（補前書第七章）

壬寅東京青年會 拒俄義勇隊 軍國民教育會

〔壬寅東京青年會〕 留日學生最初組織之團體爲勵志會，其宗旨僅在交換智識聯絡感情二事，會中有激烈穩健二派，沈雲翔、戢元丞、程家樞、楊蔭杭、雷奮等屬前一派，庚子（一九〇〇年）八月，漢口唐才常之役，會有數人參預其事。後一派如章宗祥、曹汝霖、吳振麟、王璟芳等，凡遇政府派員到日考察，章等輒爲之繙譯引導，因是漸與官場接近，而以穩健自命。激烈派漸鄙其行，詆爲官場走狗，兩派積不相能，遂成水火。壬寅（一九〇二年）三月，章炳麟、秦力山等發起支那亡國紀念會，激烈派羣起和之，是年冬，留學界之有志者鑒於勵志會日就腐敗，遂有葉瀾（清漪）、董鴻禕（恂士）、汪榮寶（衰父）、秦毓鎰（效魯）、張繼諸人發起一新團體，明白揭示以民族主義爲宗旨，以破壞主義爲目的。惟對於團體名稱，頗費斟酌。初有人謂意大利獨立之前，先有少年意大利，故主張定名少年中國會。後經再三研究，卒以少年中國四字易招滿清當局注意，不利進行，乃隱約其詞，名曰青年會，實卽少年中國之意。發起人有葉瀾、董鴻禕、張繼、秦毓鎰、汪榮寶、周宏業（伯

勵）、謝曉石、張璧桐、蔣方震（百里）、王家駒（偉人）、嵇鏡、吳緒章、鈕翔青、薩端、熊垓、胡景伊、蘇子穀（曼殊）、馮自由、金邦平等二十餘人，中以早稻田大學學生爲多，是爲日本留學界中革命團體之最早者。成立未久，金邦平以不禁章宗祥等明哲保身之勸告，竟正式宣告脫會，馮自由是時紹介蘇子穀入會後，卽以事返國。及癸卯（一九〇三年）夏至東京時，則青年會員多已從事於拒俄義勇隊工作矣。是會編譯之新學書籍，計有「法蘭西大革命史」及「中國民族志」數種。

是會成立之初。馮自由亦發起人之一，成立之日，在東京全體會員咸齊集會所拍照紀念。事前馮自由適因事返國，故未參預。無錫秦毓鎰（效魯）爲是會之主分子，寶藏當年青年會成立日照片，有逾拱壁。民二十六年四月五日以病逝世，馮自由於是月二十一日赴無錫小徑巷秦府弔喪，并致輓聯曰：「憶昔年扶桑設會，長沙設學，無錫設府，原期國復民蘇，誰料破碎河山有今日！」「與吾子辛丑同硯，壬寅同盟，民元同事，忽告山頽木壞，此後搜尋史實向何人？」承時秦氏遺嗣鑑源卽以三十七年前之青年會照片及亡友手撰各種革命筆記爲贈，誠於民國締造史料，增助不鮮。

此青年會會員合影，時在壬寅冬間，翌年各省同鄉會成，各會員被舉爲編輯員者甚多，

多鼓吹本會宗旨。旋發起拒俄義勇隊，未幾因日本政府干涉，陽爲解散，陰結同志爲軍國民教育會。近年來爲國流血者，均此中人也。而操政權握軍符執學界之牛耳者，亦不乏人。願青年會之名已不復聞於世矣。余自癸卯秋初歸國，奔走數年，迄無所成。展覽此圖，輒有無窮之感。戊申發病在家，獨居寡懣，私念蒲柳之質，未秋先衰，必不能久視人世，恐一旦淹化，而後之得此圖者不知台影之由，或且疑余以結納貴人爲榮者，是厚誣吾當時設會之心矣。吾無能一言以記之乎？爰信筆書之。時戊申六月二十三日也。

青年會會約之第一章曰，以民族主義爲宗旨，以破壞主義爲目的，其詳章於甲辰去湘時燬去，不復省記。嗚呼，事之成敗不可知，而吾青年會於中國前途不無關係，可斷言之矣。效魯誌。

「拒俄義勇隊」 癸卯春，俄國進兵東三省，且向清廷提出七項新要求，留東學生聞之大憤，各省同鄉會紛紛開會研究對策。鈕永建（惕生）時在東京，忽發奇想，欲發起拒俄義勇隊，走告留學生會館幹事章宗祥、曹雨霖等，請其以會館名義召集全體學生組織學生軍，以拒俄人侵略。章、曹等以學生手無斧柯，決無所成，且易引起政府之疑忌，拒絕其請。葉澗聞之，乃語同鄉秦毓蓀等曰：青年會揭發民族主義，留學界中贊成者極爲少數，欲圖擴

張，至爲不易，吾人盡贊成楊生組織拒俄義勇隊之主張，借此題目結一大團體，以灌輸民族主義乎。青年會員均以爲然，楊生既說章、曹等失敗，憤懣不勝，一日訪秦毓鎰，滔滔述其主張，秦及葉淵等贊成之，且允聯名爲發起人。永建大喜，即在秦寓草傳單，定期開大會於神田錦輝館，各省學生到者五百餘人，有蒯聶樞（若木）、鈕永建、葉淵、林長民、王環芳等演說，激昂慷慨，鼓掌如雷。全體通過組織拒俄義勇隊，舉陸軍士官學生藍天蔚爲隊長，日日操練，備赴疆場，先致電於北洋大臣袁世凱，請其拒絕俄人，否則與之決絕，且告以學生軍之組織，請隸其麾下，求其援助。今錄其所訂立規條如左：

第一 定名 學生軍

第二 目的 拒俄

第三 性質 （甲）代表國民公憤（乙）擔荷主戰義務

第四 體制 在政府統治之下

第五 組織 （甲）本部職員（乙）隊中職員

本部職員

部長一人 經理科長一人 書記科長一人 運動科長一人 參議科長一人 其餘運動員 經理會計書記參議等均無定員

隊中職員

隊長一人副隊長一人分隊長三人特務長一人參謀員每十人選一人計編全隊爲一中隊

第六 會議

爲全軍之總機關其議員以二種人員組織之（甲）本部部長及諸科長（乙）隊中隊長副隊長分隊長及特務長會議中應立議長一人臨時選定

第七 軍紀

（甲）謹守秩序（乙）服從命令

第八 籌款

（甲）出版款項預先運動臨時取款（乙）尋常款項學生義務捐特別捐

第九 講習

（甲）操習（乙）講課每日均各一時以上

第十 出發

俟特派員得確實警信覆信之後即行出發

第十一 解隊

（甲）目的已達（乙）目的消滅

第十二 附則

（甲）編隊秩序每日照常在校上課課餘編班至講習所講習（乙）退校次序出發既有定期即當報告監督及校長退學

規程公佈後，復通電本國各省，喚起國人同情，并公推鈕永建、湯爾和二人爲特派員，回國說袁世凱出兵抗敵。上海學生亦開會響應，有湖北學生王璟芳，陽表同情，陰向駐日清公使蔡鈞告密，謂義勇隊名爲拒俄，實則革命，蔡鈞據報，乃致江督端方電云：「東京留學

生結義勇隊，計有二百餘人，名爲拒俄，實則革命，現已奔赴內地，移飭各州縣嚴密查拿。」又清廷密諭各督撫云：「前據御史參奏，東京留學生已盡化爲革命黨，不可不加防備。又日本蔡鈞來奏，此間革命黨業已組成軍隊，將托拒俄一事分奔各地，前歲漢口唐才常一事，則託勤王以謀革命，此間則托拒俄以謀革命，其用意與唐才常相似。而黨羽較密，編練尤嚴各語，不勝詫異。國家養士數百載，自祖宗以來，深仁厚澤，姑置勿論，卽如近年各直省地方，遇有水旱偏災，無不立沛恩施，普行賑濟，頃者亂離雖構，而鄉會試亦不忍遽停，況本年於覆試以後，又創行經濟特科，國家待士既優，予以進身，又欲廣其登庸之路，凡在食毛踐土，具有天良，而乃不思報稱，以言革命，似此則國家果何所負於該革命黨？前已飭蔡鈞、汪大燮，於在日本東京留學生舉動，務加詳察。各直省地方官於留學生之返國者，亦暗爲防堵，遍佈耳目。昨據袁世凱密摺，內言東京留學生若干人編練數軍，希圖革命，其電該督臣之意，則又詭言俄患日深，求該督助其軍火，在日本東京各學生便可至東三省與俄人決戰。情形叵測，就使本爲忠義，然距義和團之日未久，亦深慮其有礙邦交。朕以爲該學生等既反叛朝廷，朝廷亦不得妄爲姑息，蔡鈞、汪大燮與在日本東京留學生，卽可時偵動靜。地方督撫於各學生回國者，遇有行蹤詭秘，訪聞有革命本心者，卽可隨時獲到，就地正法。

然亦須分別首從，不得誣陷善良，此爲朕萬不得已，保全國本以固邦交至意云云。」於是蔡鈞乃請日政府勒令解散義勇隊，制止留學生練習兵操，學生等以報國無路，莫不義憤填膺，痛哭流涕。至是青年會同志乃分向各省同鄉會大倡革命排滿之說，由秦毓鵬起草意見書發揮民族主義，痛詆清廷之媚外虐民，義勇隊員咸爲感動。葉潤、董鴻禕、程家樞、秦毓鵬等更聯合隊員中之宗旨堅定者，秘密改組爲軍國民教育會，是爲拒俄義勇隊之變相。

一軍國民教育會一 軍國民教育會與義勇隊性質不同之點，後者屬於拒俄禦侮，而前者則屬於革命排滿，此其宗旨懸殊者也。義勇隊既解散，學生之卑怯者，以畏懼政府干涉，不敢再預聞政治運動。湖北學生王璟芳因舉發義勇隊志在革命有功，清廷嘉之，特旨賞給舉人，葉潤、董鴻禕、秦毓鵬諸人不爲少屈，乃於癸卯夏間發起軍國民教育會。羣推秦毓鵬起草立會意見書，茲錄原文如左：

發起軍國民教育會意見書

論題 不可不表明宗旨

哀哉義勇隊，自成立至今，降心下氣，仰人鼻息而不辭，受人唾罵而不惜，果何爲也哉？爲吾民族圖獨立歟？抑爲彼滿洲保私產歟？此不辯而明。凡吾同胞當無不曰：滿洲殺

我祖宗，奪我財產，已二百餘年，今且迫我同胞，割我土地，遺之外人，致吾有滅種之慘。滿洲吾之世仇也，吾覆之亡之且不懈，烏乎言爲彼保產也。

然則拒俄胡爲歟？曰俄據東三省，各國必與之爭，爭必出於戰，無論孰勝孰敗，吾之地終非吾有矣。東三省亡，不足憂，東三省亡，而吾之土地皆隨東三省而俱亡矣。一俄不足憂，各國皆隨俄而瓜分我矣，嗚呼！吾族亡於野蠻滿洲，猶有獨立之希望，若亡於文明各強國，真爲萬劫不復之奴隸地矣。與其坐以待斃，不如奮鬥而死，此吾軍國民教育會之所以起，凡吾同人當無不知也。

然則運動滿洲政府又胡爲哉？曰組織學生軍必出發，欲求出發，必先除阻力，滿洲政府在今日猶是爲吾之阻力也明甚。苟使吾軍能至北方，則凡合吾宗旨之舉動無不可爲，有此機緣，不可坐失，此所以不得不用手段，而希達我目的於萬一也。上海志士之譏我毀我，豈爲知我者哉！

故第一次開大會商議組織學生軍，葉潤等即表明宗旨，演說之末，大聲問曰：吾軍此舉爲國民乎？爲滿洲乎？鈕君永建曰：爲國民。葉潤曰：是矣。遂退。諸君皆鼓掌。吾會宗旨固已表明，人人心中無不了然，徽章製黃帝之像，宗旨所在，不言而喻。特欲達目的，

不可不用手段，故先時章程中措詞含渾，未將民族二字大書特書以揭明宗旨者，職是之故。

然宗旨不明，其害不可勝言，吾會成立後，國中響應者甚多，故吾會之舉動大爲國人所注意，若誤以手段爲宗旨，互相倣倣，勢將率吾四百兆同胞爲效力異族之奴隸，此大有害於中國前途者也。且欲舉大事，必立一正大之名，使會外同志聞風興起，爲我輔助。使會內同人心目所注，併攻一途，而後事克有濟。今吾會以宗旨不明之故，致貽人以口實，在清廷早洞見吾肺肝，於國民反助長其奴性，必至兩無所得，而本會之基礎，終無以自固，本會之發達，亦終無可望，藉令發達矣，此會之於中國前途果有何影響也。

因是之故，某等擬於今日開會，定本會之宗旨，曰養成尙武精神，實行民族主義；宗旨既定之後，皆當堅守此旨，以維持本會於無窮，鼓吹此旨以喚醒國人之迷夢。祖父世仇則報復之，文明大敵則抗拒之，事成爲獨立之國民，不成則爲獨立之雄鬼，凡吾同志，諒有同心！

或者曰：宗旨表明，則滿洲政府必多方摧殘，懦弱國民必從此退沮，不如養晦以待時機，此誓言也。吾輩之舉動，無論如何順從，吾會之宗旨，無論如何腐敗，彼終不信也。

思所以防我賊我者，固未嘗一日間也。吾國民奴隸根性深，習慣於滿洲政府壓制之下，忘其殺父之仇，將遭滅種之慘，吾輩日夜喚醒之，猶恐不及，今復設一奴隸之模型懸於國民之前，吾恐滿洲政府不受吾欺，而吾四百兆同胞已遠至絕地，無復生機矣。故或者之言，不足欺人，適足以自欺耳。

然則宗旨之不可不表明也，既如此，而某等之所以默而不言者，徒以特派員未回，此旨暢明，恐遭不測。今則勢異曩昔，較量利害，計之已熟，用敢布其愚見，以俟公決。謹述芻蕘，伏希均鑒。

軍國民教育會會員秦毓璽、薩端、周宏業、貝鏞禮、葉瀾、張肇桐、華鴻、陳秉忠、董鴻祿、翁浩、陳定保、胡景伊、程家樞、王家駒、鄭憲成提議。

軍國民教育會成立時，以本身性質屬於秘密團體，須預防破壞，且須計及破壞後之安排，故定名頗費斟酌，而招收會員，概取嚴密，人數不多，咸能恪守規章，保存機要。開會無定期，會場無定所，故自癸卯成立起至乙巳合併同盟會止，迄未破壞。會員徽章銀質圓形，大如墨西哥銀圓，一面鑄黃帝軒轅氏像，像係採自日本東京帝國圖書館，一面鑄銘四句，銘曰：「帝作五兵，揮斥百族，時維我祖，我膺是服，」乃出秦毓璽手撰。是年五月

間，上海同文滬報等忽傳學生軍北上特派員鈕永建、湯爾和在天津被清吏殺害之說，各會員聞之，愈爲激昂，決定進行方法三種，一曰鼓吹，二曰起義，三曰暗殺。更推舉同志返國分省運動起義，名曰運動員，黃軫（改名興）、陳天華即被派回湘之運動員也。其他秦毓盛、程家樞、蘇子毅等先後返國講學，董鴻緯、王家駒等亦赴南洋羣島，各負相當任務，於革命進行。收功非鮮。

第八章 吳敬恆述癸卯上海蘇報案（據前書第六章）

關於癸卯年（民前九年）上海蘇報一案。本書上編第十六章述之頗詳。民三十二年六月吳稚暉先生致余書。稱此案發生時蔡元培早已赴青島。陳吉甫陳子及劉龍皆禁三年始出獄等語。與當時報載似有不同。大足補充余說所未及。茲將吳先生原函及抄示所撰記事錄載如下。

自由先生勛右。奉賜書暨惠贈大著。感謝不盡。大著記蘇報案係據當時香港上海報紙。頗有不同。適近來介石先生欲知蘇報等案。由弟記憶所經縷敘交去。今使學生抄出一篇奉上。與大著相影證。而子民先生與此案尤風馬牛。人皆以爲潛逃。狂妄特甚。且蘇報案後。蔡先生仍回上海作警鐘報。足見彼初無懼在上海之事。又陳吉甫陳子及劉龍皆禁三年而出。並未卽釋。獨太炎受禁二年。成爲大名。殊亦有幸有不幸也。一笑。匆叩道安 弟敬恆頓 六月八日

蘇報案（以前略）

五月一號陳夢坡賞章行嚴之文才，圖將其女陳吉芬配之而未言，即招章入館司主筆，揭登章太炎之客帝言，章太炎所作鄒容革命軍序，從此每日蘇報公開載革命文章，將張園之演說，大登特登，余並未主持蘇報，去年及今年，不過常常採登余文而已。

其時有爲假事，日本學生派鈕惕生湯爾和往見袁世凱，被袁斬首之謠，兩江總督魏光燾，本傾向新黨，其孫亦赴日留學，其時之候補道陶森甲、俞明夷、蒯光典等，皆與蔡子民素識，故其子弟赴日本，皆至愛國學社來周旋，至是時魏派陶森甲赴日，盡勸其子弟回國，陶森甲等亦常至社，勸蔡子民注意言論，稍溫和，免爲北平所懼，我等皆漫應之。

五日十二晨，俞明夷之子曰大純者，方二十左右，已留鬚，自日本歸，急入余房，余未起，揭帳問惕生斬首，確乎不確，是時已知不確，即告之而別。

五月十七在社旁空地，（今爲華安人壽保險公司等，是時空出有十許畝，民元尙擬用三十萬元爲同盟會購其地）。開中國第一次之運動會，觀者一二萬人，有沈葆楨外孫何梅士，用齒咬住薛仙洲之姪十五歲學生之衣，在盤杠上回旋三次，衆俱駭服，是日余在場照料，甚辛苦，傍晚運動會散，回至社中，方入門，張博泉遞余一紙，大言曰，你看。我接了，欲納入袋中，曰，我坐定細看。彼怒叱曰，不看還我，夜間開會。余怪甚，即笑曰，

夜間準到會。

夜間開會於社中一書房，有余、有蔡子民、章太炎、張博泉、王小徐、吳建常（時爲會計，現在審計部爲參事），學生有穆抒齋、貝季眉、胡敦復、沈步洲、曹惠羣、（現爲大同校長，）章太炎先開口，學社乃教育會之附屬品，沈步洲說，有學社，才使教育會有會所，蔡子民即扳起面孔，似表兩方皆鄙陋，余至此，方知章太炎日日與學生暗鬥，將逐去學生，另開學校，余即笑曰，如此爭執，兩方皆有主持校務之意，然校又無校款，止有板凳一套，而已。寧爭權登耶。蔡子民聞余說得太毛細，即怒而起曰，何至爭及瑣末，不成話說，即起去，余亦起，衆皆散，博泉倖倖而出。

明日蔡子民即表示欲往青島，不願多問社事，衆留不可，渠略收拾，二十三日竟出校上輪船赴青島。（觀此，相傳蔡子民因蘇報案而遁，乃大錯。章在他文章中，且云蔡聞蘇報案，不告他而遁，尤誣妄。）。

二十四日余眷新由曹汝霖陪送歸，住泥城橋東水月電燈公司樓上，余亦出社，同寓不問社事。

二十九日（恐係三十日，在日記記清，今不能確憶），沈步洲與何梅士同至余寓曰，今

日社中吵得不得了，章太炎大發火，學生亦不弱，爲胡敦復等五六人執持其手足，章行嚴之弟陶年，脫下皮鞋，掌其頰四五，一閃而散，余縐眉曰，鬧得太不成行了。

閏五月四日，星期日，余在寓尙未起，見有一穿藍呢馬褂四十許之上等人入室，遞與余女一函，卽去，拆閱，乃俞明夷之子大純致余者，言適自南京來有要事奉商，請至大興里七號進士第楊相晤。余起，有同鄉前曾任廣東香山縣知縣朱仲超來，遂同出，至盆湯衙橋土船上，送孫叔方，（卽前年同在日本逐回者，後曾任南京教育部簡任祕書，今已死）。船開，余告朱仲超，願往大興里進士第楊否，彼欣然。至則所謂大興里者，乃上等私門妓之巢窟，有二十餘石庫門小樓房，至七號，果有牌子曰進士第楊，入門一青布長衫二十許少年，方據師座，有清潔穿藍竹布衫小女，皆十二三歲五六人，爲學生，是時上海尙少女校，大奇。少年卽起問何事，余曰上有俞先生，約余等來，彼卽讓余等上樓梯，既登樓，卽見靠窗坐一老官僚，面目依稀俞大純，心知必係俞明夷恪士，彼起立笑面相迎曰，是稚暉先生乎，余想既客氣，或無危險，卽應之。彼又與朱相談，亦表聞名已久，坐定，見送信之藍馬褂人抱水烟袋坐床上，不與余等招呼。俞開口卽曰，蘇報鬧得太利害了，夢坡我熟人，余昨往，彼適出門，見其會計陳吉甫。先生等能勸其溫和乎，太炎先生似乎鬧得亦

太兇。余曰，二人脾氣，恪士先生所知，但朝政如此，亦難怪出言憤激。彼縉眉曰，話如此說，太利害，亦叫當道受不了，即起至窗前案上，抽上一公文示余，即兩江總督部堂魏所發，照得逆犯蔡元培吳敬恆，昌言革命，煽亂謀逆，着俞道會同上海道密拿，即行審實正法。看至此，彼即抽回，壓入書堆曰，「笑話笑話，我們吃麵」。其時下面着青布長衫之先生，託一木盤，有麵三碗，餃頭兩盆。俞先生坐下，且每盆先吃一筷曰，「我們不客氣」，若表示麵與菜，皆未下毒。余等亦泰然而吃，且曰，「請先生照公事而行可矣」。因我於半月前，又被老巡捕房捕頭藍博森傳至其寓曰，「你們藏兵器否」。我曰「斷斷沒有」。他曰，「沒有兵器，你們說話好了，我們能保護你們」。所以我心中亦知道你不敢捕。彼又曰，「笑話笑話，我想最好多到外國去留學，可幫國家改新」。我曰，法國很便宜。他說，「法國不好，還去美國，我的兒子，要他去美國」。余等見無話，即起身告辭，彼送至樓梯頭不下，曰「我住南京芝蔴營六號，我們可以常通信，稱我俞燕，你叫吳謹好了」。我莫名其妙，唯唯而別。

出門，方知所居必係駐滬辦事處常住之知縣某，即藍馬褂之進士楊也。青布長衫先生，或係小舅子。女學生皆左右妓家之姪女，識字而便唱也。不知是否？

出門，朱亦大笑，同往四馬路五層樓茶館，約晤友人許侶肖董茂堂，告以卽刻之事。董結語曰，所謂俞燕，表示我燕安不捉拿了；你吳謹者，你謹慎點罷。大家皆笑曰，想來如此。

是夜，沈步洲何梅士又來余寓曰，外面傳說南京來捉人，蘇報捉了一個賬房陳吉甫去，尙要捉五人，有章太炎陳夢坡等。我曰，盍往蘇報一探；三人同行，行至日昇樓前，章太炎與嘉興學生敖孟姜，同由東邊走來，余等告以捕人事，彼等亦隨余等赴蘇報館，至則陳夢坡父女皆出見，夢坡曰，可怪之至，前日俞恪士從南京來，我心知有異，推說出門，他與我賬房陳吉甫略談報事而去。今早巡捕房派巡捕二人來，先見陳吉甫，問明姓名，卽被拘住，又見余，彼等近在鄰近，甚知余者，余卽遁入，使人告知已出門。彼等却亦未入內搜捕，乃出拘票一紙，上有陳吉甫之名，又有六名，當時香港所傳拘票有蔡吳名不確陳範陳夢坡章炳麟鄒容劉保恆龍積之，將我一人變成二名，且吉甫拘住，我則認識，又任我入內而不拘，至今亦未再來，吉甫請求保出，要具六千元保單，我請文明書局出保，文明書局因保費要現款六千元，不肯保，只種怪現象，不知是何緣故。我聞巡捕認識夢坡而不拘，心知有異，且誤陳範陳夢坡一人而二名，此事必係俞明夷所爲，俞與夢坡熟人，誤

爲二名，表示不由於他，拘住吉甫，不拘夢坡，延長一日不拘人，必係拘一賬房，使其餘者逃去，即可從輕發落，且可對付北京，此乃官僚慣技。然當時章敖二人聽了，方冷笑，夢坡女吉芬又急急向我催問，要我解說，且言既認識而不拘，必有緣故，要想說出宜乎遁走，又不肯說，然情景畢露，章乃對敖曰，我們去罷，表示鄙此畏縮，俾俾而出。章敖去我即告吉芬曰，他既認識而不拘，想要放我們逃走，既放我們逃走而不逃，乃就先將腦袋送去，方鼓吹革命事矣，夢坡微笑。吉芬曰，我亦勸父親且去避一避再說，沈何二人亦贊同，即喚黃包車二乘，夢坡披了風帽，算病人，其妾挾鋪蓋同行。我與何沈三人在未上車前，先行約在愛國學社宿舍，同入宿舍再議，走至愛國學社宿舍，車亦至，時已十一點，敲門久，樓下徐觀吾出啓門，彼已經章太炎告其事，即鄙夢坡之逃，將門門丟了便跑入曰，夜深又來鬧，我等上樓，樓上空鋪縱橫，已睡三人，一即章太炎，在被中罵曰，「小事擾擾」。一爲王小徐，推被起坐，呆視余等不語，無所表示，王小徐現在昆明。一汪允宗，蒙被若不知。未幾吉芬亦來，數人七手八脚，鋪被於空床，使夢坡下樓門門，我等五人各出散歸，臨行約沈步洲，明早同到宿舍，遷夢坡於吳彥復新開寓中，宿舍不可居。（彥復即章行嚴之岳父，爲吳長慶之子，長慶乃奉李鴻章之命，帶兵至朝鮮捉朝鮮王之父

大院君回天津者，其役張謇袁世凱皆隨去，世凱以同知升知府，作駐朝鮮委員。

閏五月五日星期一，全上海皆知爲蘇報事，要捉許多人。然自早上至下午五時，並無舉動。

早上余至愛國學社，沈步洲亦到，正在探問，有葉浩吾，入門即對余拱手曰，「稚公留此身以有待，枚叔先生何在」，彼且說且由後門往宿舍，余等隨往，彼已出門，亦有留此身以有待之聲浪隨出，即匆匆而去。我等入宿舍門，章太炎方坐樓梯下一方桌上食粥，見余等，即曰啾啾，我一面上樓，一面報以滑稽曰，哈哈。

上樓收拾，沈往喚洋車三輛，下樓章已不在，我等乘洋車，經赴新聞，彥復已赴天津（時袁世凱每月送錢），我等至，說明來意，彥復之母吳太夫人大駭，竟曰，速去速去，遲則將喚巡捕來。我等無奈，改住白克路修德里常州湯中之人演譯社，湯欣然容納，我等各歸。

至晚，沈步洲何梅士又來余寓，告曰，今日六時，巡捕多人走至愛國學社，章太炎方在賬房算賬。巡捕出拘票，問有某某等否，章曰餘皆沒有，章炳麟是我，巡捕即以索繫之，欲回宿舍取物，亦未許。我曰他以坐牢爲榮，亦很好，沈何亦微笑。

六日報亦披露，滿城風雨，且聞陳夢坡之子與劉保恆皆被捕。（劉保恆者每當張園演說，亦必登台，惟語無倫次，人以其自說開過大礦，要款子，大亦不要緊，日往蘇報，至五月，我與蔡子民發見其介來一人，欲去廣西起兵，要借五千元，劉且同來，既劉常說有大錢，何以其友又來借五千元。我一日告夢坡，恐劉不可靠，夢坡曰，稚公勿疑，劉至聖至仁至義，我聽了大駭，且亦不值反駁，反正我們既講革命，聽他好了，即笑笑而罷。至民國後，我與蔡子民談及，子民說，夢坡當時曾告我，劉是孫文化名，我不信，然不駁，笑笑。國民政府到南京，劉又出現，方知爲鎮江一流氓，又吹其子會出洋，什麼外交他都能辦，因其坐過三年牢，亦漫應之，然未求官，抗戰前尙未死，不知今在否）。

晚又聞傳章太炎已在捕房寫信，勸鄒容龍積之自行投到。後聞鄒容已被張博泉藏匿虹口教士處，得章信，鄒卽出。（龍積之桂林人，本康梁派，亦常至張園，人極老實，後爲焦易堂岳父，今尙健在，年八十四，住桂林，當時亦禁三年。）

七日鄒龍皆自首，香港傳龍在四馬路被捕，大不確，龍實得章函而自行投到，早上開庭成一大案。然捕頭藍博森等常保證惟有言論，不允拘人，何以今食言。當時莫名其妙，後余到英，方知英國除藏兵器及得罪英王外，任作何語，空言必不拘，當時南京控告之詞，

因章炳麟文中有罵載恬小醜，罵了皇帝，所以照例要拘，並非着重革命。其時上海人無知此例者，南京請了律師，以罵皇帝必要引渡，照例可以引渡，捕房允定罪而不引渡，他們算是看重革命黨，當時我等皆不知。

九日余至老巡捕房探看彼等五人，章太炎鄒容陳子榮劉保恆龍積之同拘一室，彼等環立鐵柵內，我在柵外，我亦不好意思多開口，彼等頗沮喪，見余自由，必內忿，然彼等可逃不逃，逃又自首，亦不屑計較我之自由，章反溫然，向我點頭，巡捕在旁，不許我等多言，即揮我出。

余出捕房，適遇南洋公學賬房江趨丹，此人遭公學開除，彼見我自由，大奇，兇目對我，我不顧而行。

十日，許侶肖（許爲李四光之岳父，今已故）。方佐福開森在盛杏生寓內譯書，來告我曰，昨日江趨丹來告福開森，請福告盛杏生，要求捕房并捕我，福雖未允，然江必大爆動，你不如稍避，你既知演說革命，不必先送頭去，應一避，余笑領之，余女即雇洋車送至中虹橋一石灰公司樓上住，此公司乃與余同晤俞格士之朱仲超其兄所設也。

數日，許與沈何等皆在外接洽輪船，閏五月十六日早上，即車至金利源碼頭上太古輪

船，送余至船上者，章行嚴，沈步洲，胡敦復，伍某，（卽南洋公學置墨水瓶于師座之人，後久在申報任事），曹惠羣等，陪余往者何梅士，彼亦擬赴歐留學。

船至香港，余住下，何梅士至廣州，向其六舅壽川資，爲舅扣住，不許出。其時余滯香港半月，晤陳少白馮自由等。有洪某者，聞亦革命黨人，其子方留學倫敦，作書介我於其子，其時最殷勤報待我者爲華字報之某先生（今日記不在已忘其名）過十日，余友陸煒士挾來六百元，乃彼與方子仁莊思開各贈二百，我欲赴法，彼強我赴英。（我所以赴法，因愛國學社初開時，李石曾偕同曹汝霖夏霜秋同訪我，聚餐於四馬路杏花樓，其時彼隨孫寶琦赴法，會戲約我亦赴法，煒士必強我至英者，懼法爲革命策源地也）。其時方有疫，禁坐三等艙，遂以二百八十元買日本丹波九二等艙票而行，上船晤林文慶，彼進京晤肅王，曾來愛國學社演說，彼介我與蘇格蘭人鼓浪嶼中西學堂校長蘭庚認識，蘭庚偕其夫人與小女同行，並有廈門學生夏雷兩人同去，我與夏雷兩人同房，後至蘇格蘭，同住兩年，彼等學我藍青官話，我與彼等同居說中國話，使初出說話之鋒銛一挫，嗣後又不離中國人，至英語不能自由。

第九章 癸卯後上海志士與革命運動

華興會與萬福華刺王案 光復會之活動 上海及江蘇同盟會 競業旬報及神州報 陳其美之革命活動 民呼民吁民立三報之經過 中部同盟會及長江革命 上海光復及滬軍都督

〔華興會與萬福華刺王案〕 甲辰（一九〇四）春，湘省革命黨人黃興（原名軫），劉揆一，馬福益等組織華興會，定期是冬十月十日，清西后六十生辰，襲取長沙省城，分五路大舉。不幸事洩失敗，興揆一等先後逃滬，設秘密機關於新開路新馬路餘慶里，企圖再舉。寓滬各省革命黨員多出入其間，皖人萬福華其一也。時福華聞前桂撫王之春有勾結俄人侵略東三省之舉，異常悲憤，乃向友人假得手鎗一枝，日欲伺隙狙擊之春，以警兇頑。初潛伏跑馬廳新馬路昌壽里王寓所左右多日，迄無下手機會。乃於十月十三日，冒王友趙某名義，邀之春會飲於福州路金谷香西菜館。之春依時赴約，甫入門，福華大罵王賣國之罪，即舉手鎗擊之，以不諳先撥機制然後放鎗之法，擊機十餘次，均無子彈射出，遂爲西捕所擒，被繫於老捕房。越日，黨人章行嚴聞訊往捕房慰問，捕房因得跟踪至餘慶里機關大事搜索，在寓之黃興、蘇鵬、張繼、薛大可、章勤士、徐佩蘇、郭人漳、林萬里、朱啓陶、陳天華等十餘人

盡被捕去，就中有道員郭人漳方就江西新都統之職，是日適在路上與舊友張繼趙世瑄黃興三人相遇。張繼即邀之至餘慶里敘談，故亦同時被捕。案發後，旋得賴撫夏時來電爲郭人漳解救，上海道袁海觀亦親訪英領事要求釋放，因是郭等十餘人遂得不問事由全數開釋。先是湘鄂寧各督撫均有文電至滬通緝黃興，且附以照像，故會審時輿論稱爲安徽教員李有慶，西吏猶持輿之照片對照。以有輿無輿之別，疑惑不定。幸一華人通譯事先諳稱所搜出黨人名冊，爲日用飯菜賬簿，即時拋棄，無從證實，始得無事。輿等以滬上不能立足，乃先後避往日本。

〔光復會之活動〕 癸卯夏秋間，留東學界所組織之軍國民教育會，以清廷禁阻學生結隊拒俄，遂決計推舉會員中在本省有相當力量者爲實行員，使歸國從事實行工作。湘人黃興，皖人程家樞，浙人龔寶銓數人，即歸國實行員之最重要分子也。寶銓既返國，初組織暗殺團，謀狙擊一二滿清大吏，以張聲勢，久久未得機會。至甲辰秋乃招集江浙皖數省同志擴大爲革命黨集團，會蔡元培從青島歸上海，胡知其事，乃求入其會，願與合作，團員非常歡迎。於是更將規章詳加修訂，定名曰光復會，羣推元培爲會長。時元培仍居愛國女學堂，故會中事務，多在愛國女學取決之。寶銓與會稽人陶成章爲莫逆交，諗知成章從事聯絡浙省祕

密會黨工作有年，與各會黨首領淵源甚厚，故力邀成章入會。成章從之。由是紹興商學界及各屬會黨頭目相與訂盟者，絡繹不絕，成章之力爲多焉。是歲十月，黃興馬福益等謀在湘省大舉，元培預使成章等計畫在浙省響應，及黃興等於期前事洩失敗，浙事遂亦中止。是冬元復會始在滬正式成立，章炳麟時在獄中，嘗致書元培等策動之。十二月，紹興人徐錫麟偶過上海，見元培於愛國女學，遂亦入會。錫麟素有大志，訂盟後隱然以匡復爲己任。時以元培專心學術，不耐人事煩擾，致會務無大進展。乃獨歸紹興創辦大通學堂成章寶銓及有力會員呂熊祥、趙卓、蔡元康（元培族弟）諸人均入紹興佐之。由是光復會之大本營遂由上海移於紹興，旗幟爲之一新，及乙巳年（一九〇五）七月各派革命黨台組中國同盟會於東京，光復會員亦爲主要之發起人。故成立之初，卽由皖人吳春暘推荐蔡元培爲上海分會長，未幾陶成章劉光漢亦任民報編輯。春暘成章光漢皆光復會員也。同盟會成立後三月日本文部省頒佈取締留學生規則，留學界大憤，陳天華於十一月十二日，憤投大森海灣自殺，同盟會員秋瑾易本義一派主張全體歸國，另在上海辦學。胡漢民汪兆銘一派主張求學宜忍辱負重，力反對之。於是秋瑾憤然歸國，與諸同志創設中國公學於吳淞，旋由徐錫麟介入光復會，時瑾方在滬組織中國女報，又與中國公學教員陳伯平等稅屋於虹口祥慶里爲活動機關。錫麟以己正實

行捐官摘賊計畫，無暇兼顧大通學堂，遂舉校務及全浙軍務悉委瑾任之，相約光復軍在皖浙二省同時發難。瑾於是入紹與主持一切。及丁未（一九〇七）五月，錫麟在安慶事敗，瑾於六月亦爲清吏擒殺，光復會自是一蹶不振。

〔上海及江蘇同盟會〕 乙巳同盟會成立之初，卽已指定蔡元培爲上海分會長兼主盟員，旋以元培將赴德國留學，會務不能有所進展。丙午（一九〇六）春，同盟會本部乃派高劍公（後更名旭，號天梅，金山人。）爲江蘇分會長，合上海江蘇二分會爲一機關。初創辦健行公學於西門小英場寧康里爲革命運動樞紐，同事者有朱葆康（字少屏，上海人。）柳棄疾（字亞子，吳江人。）陳陶怡（原名劍虹，後改陶遺，號道一，金山人。）沈礪（字道非，松江人。）陳去病（字佩忍，吳江人。）吳修源（號信三，松江人。）諸人。繼又開設會所於寧康里某號，距健行公學不百步。其屋初爲同志夏聽葉養病之所，故卽以夏寓名之。第一次會議蒞會者，有蔡元培、劉光漢、張昭漢（湘鄉張通典之女公子）等三十餘人。第二次會議則假座新開路辛家花園，梁喬山、譚心休、龔鍊百（字鐵錚，庚子富有票案龔超之弟，湘鄉人）等與焉。健行公學實繼承愛國學社之統緒，高柳陳朱沈吳等，皆任講師。以黃帝琬，法國革命史，萬曆叢書等爲教材，學生頗感動。以是歡迎章炳麟出獄及赴華涇鄉爲鄒容烈士

墓紀念碑行開幕禮，均有健行學生參預焉。丙午丁未間（一九〇六至一九〇七），孫總理常來往日本南洋，舟過滬江時，每由在法租界公董局服務之法國友人向同志傳達音訊，於是劍公、葆康、陶怡、亞子諸人，恆至吳淞舟中相見，兼請示進行方法。又東京出版之民報、復報、洞庭波、鵲聲、漢幟各刊物，亦以健行公學爲總匯，陳陶怡每攜至福州路奇芳茶樓品茗售書，與徐敬吾所設之書肆成犄角，圍觀者如堵牆。時敬吾之女公子寶奴女士早已病故，敬吾之宣傳力因之大減削矣。後數月，外間頗有清吏將封禁健行公學之謠詠，衆以夏寓接近健行公學，不速遷，恐有一網打盡之禍。丙午秋，乃徙於八仙橋鼎吉里四號，仍標曰夏寓，所以避耳目也。其初寓居鼎吉里者爲高劍公陳陶怡柳棄疾三人，後以健行校務來往不便，而湘同志寧調元（字太一，醴陵人。）陳家鼎（字漢元，寧鄉人。）傅專（字鈍根，醴陵人。）適有事來上海，乃以相屬焉。未數月寧等東渡，則劉光漢，蘇曼殊入居之。同時吳淞中國公學亦設有同盟會機關，梁喬山譚心休馬君武等主持之。故章炳麟出獄，即迎至公學下榻焉。及明年丁未夏徐錫麟秋瑾事起，清吏照會滬租界當局大索黨人，人心爲之洶洶，諸同志多他適避之。健行公學始解散，鼎吉里四號機關亦取消。自是丁未至庚戌（一九一〇）之三四年間，同盟會在海上之黨務幾完全停頓，長江沿岸各省之革命工作亦無所進展。其後陳其美出

而重張旗鼓，始自空言而漸進於實行，而黨勢爲之一振焉。

「競業旬報及神州報」同盟會成立後一二年，寓滬同志發刊報紙者有數種：一爲丙午年秋瑾女士所主辦之女報，此報出世爲期甚短，故功用不廣。二爲競業旬報，出版於丙午年夏秋間，館址設在鐵馬路愛而近路慶祥里，主持者爲傅鈍根、謝誚莊、丁慧仙、胡適等數人。時香港中國日報曾委托競業旬報以通電報告新聞事務。適是歲十月，萍鄉醴陵革命軍起，謠傳已攻破長沙省城。傅鈍根謝誚莊等信以爲實，竟電中國日報謂革命軍克復長沙。中國日報遂特發號外，宣揚革命軍勝利。後乃知爲不確，大爲保皇報所指謫，誠趣聞也。三爲神州日報，出版於丁未年二月二十日，主持者爲于右任（字伯循陝西三原人）。楊守仁（字篤生湖南常德人）。汪允中（名德淵歙縣人）。葉仲裕金懷秋王无生諸人。是報鑒於往日蘇報及國民日報之覆轍，對於時政之批評，慣用旁敲側擊之文字，故不易爲清吏所挑剔。刊行未及一載，以隣居失火，不幸殃及，全館悉付一炬。楊守仁緣電桿而下得免。事後于右任以無力恢復辭退，仍由楊守仁、葉德裕、汪允中諸人設法重整旗鼓。逾年，楊守仁渡英倫留學，葉德裕以病自沈於江。舊日發起人留者，僅汪允中王无生數人耳。是報支持至民國後數年，易主多次，論調亦變化無常。其文章最精彩者，爲關於辛亥年三月黃花岡一役之發難紀

事及諸烈士傳記，與後起之民立報，可稱一時瑜亮。

「陳其美之革命運動」 上海同盟會自丁未健行公學及夏寓相繼取消後，江浙黨務因之擱淺者三載。及戊申（一九〇八）春，陳其美（字英士吳興人）自日本歸國，始漸著手於黨務工作。其美素有大志，嘗於丙午年在東京加入同盟會，旋入東斌學校習軍事學，及履滬，乃糾合同志創辦中國日報及民聲叢報爲言論機關，旋設秘密事務所於馬霍路德福里，江浙革命黨人之往來海上咸駐足其間。同志皆以梁山泊三字名之。至明年己酉（一九〇九）夏，會務益振，其美遂時約江浙兩省同志在事務所商議大舉計劃，時同志劉光漢，汪公權，卽舅已投降清江督端方，充當密探，方由日本返國未久，常至事務所中訪友，藉以採取消息。諸同志以光漢爲本黨文壇健將，無疑之者。某次秘密議決定大舉進行方略，光漢亦列席，遂以見聞所得報告端方。端乃據以照會租界當局派警吏查抄德福里機關。其美以外出得免，在寓者三人，周淡游，褚慧僧（輔成）喬裝工人走脫，祇張恭一人被捕。張字同伯，金華人，爲浙江龍華會首領，秋瑾之左右手也。被逮後，移禁南京監獄。平陽黨首領王金發偵知爲光漢所爲，怒挾鎗訪之，責其變節賣友，將處以死刑。光漢跪地乞命，謂必以一己生命保全張恭。恭因得改繫上元獄，倖不死。光漢由是不敢再至上海。汪公權以爲無慮，仍時至滬刺探黨人

秘密，卒爲王金發鎗斃示儆。案發後，金發乃借其同事一人避地香港，匿於灣仔東海旁馮寓，此已酉冬間事也。其美經此事變，江浙大舉計畫遂以中輟，至辛亥中部同盟會成立，始作捲土重來之計。

「民呼民吁民立三報之經過」 于右任自神州日報被火辭退後，旋向寓滬殷商龐青城，柏小魚，張人傑諸人募集資本，另創民呼日報，號稱已招足股額六萬元。館址設在山東路一百五十六號。其籌備始於戊申年八月，至明年己酉三月二十六日始告出版。其所宣佈之主見，曰：本報實行大聲疾呼爲民請命之宗旨，曰本報爲純全社會上之事業，對於內政外交力持正論，無所瞻徇。曰本報博徵海內外名人各種著作，以收集思廣益之效。擔任著譯者，除右任自任社長外，尚有范光啓、吳宗慈、王无生、戴天仇、周錫三諸人，銷路之盛，漸駕各老報而上之。報中言論，對於時政得失及官吏貪污，時下嚴厲之批評，尤於陝西甘肅二省當局多所指摘。以是大惹清吏之嫉視。出版後四月，迭次發生訟案，一爲陝甘總督毛某飭滬蔡道控告該報主筆于右任，陳飛卿所辦甘肅籌賑公所所有短解賑款情事，令向會審公廨澈底查究。二爲皖省鐵路公司協理朱雲錦控民呼報毀謗名譽案。三爲已故上海道蔡鈞之子國楨控民呼報，謂其毀壞故父生前名譽案。四爲新軍協統陳德龍控民呼報毀壞名譽案。四案連續發

生，于陳二人以此被羈捕房月餘，經會審公廨十四次研訊結果，是歲七月廿四日卒由中西職員宣判，謂「民呼報館不安本分，迭被控發，念係初犯，姑予從輕議結。于右任實非安分之徒，姑念振款清繳，尙未侵吞，已在押一月零七天，毋須再行押辦，判逐出租界。陳飛卿應併飭具安分結存案。嗣後如有借開報館不安本分憑空詆毀情事，定當重辦，不得仍援民呼之案爲例」云云。同時租界工部局復徇清吏所求，將民呼報之發行權強行取消，而民呼報遂無法復版。事後滬上各報咸著論斥責會審公廨判辭之失當，清吏無如之何。民呼報既閉歇，于右任乃於同年八月中旬，另發刊民呼報，以繼其統緒。且在法國駐滬領事館註冊，以避清吏魚肉。館址仍在山東路舊地，宣言以提倡國民精神痛陳民生利病保存國粹講求實學爲宗旨。名義上以朱少屏爲發行人，范光啓（鴻仙安徽人）爲社長，景耀月（字帝召山西人）王无生周錫三等撰述。所撰發刊辭，出帝召手筆，辭語典雅。頗爲當日士林傳誦。時日人方銳意侵略滿蒙，清廷拱手讓人，事事屈伏。故民呼報時對國人大聲疾呼，痛斥日人之陰謀。出世甫兩月有餘，是歲十月初七日，遂爲駐滬日領事三穗照會滬蔡道，將民呼報暫行封禁，並傳該報主筆范光啓訊究。該日領所指出民呼報傷害中日二國邦交之言論凡六十二則如：中國之危機，及錦齊鐵路與遠東和平，外交回顧之惋嘆，國民之自覺，伊藤噩耗雜感，滿洲痛史之鱗

爪等篇。雖一字之微，亦指爲有損日本國全體之名譽。此案研訊多次，日領否認爲原告，而使蘇松太道蔡某任之。審訊時，日領復要求正副領事同列席會審，照例有權會審之英美德三國領事均以事不干己，規避不出，故該員對子觀惟日領之命是聽。滬上各英文報如字林西報，捷報等皆著論批評清吏處理此案之不公，及日領之無理取鬧。清吏及日領遲於輿論，始決將此案從輕判結，是歲十一月十七日宣判大意云：「民吁報所載論說多係臆測造謠，實於中日邦交有損，該報發封業經多日，此案自未便久懸，到案主筆范鴻仙並非該報緊要之人，從寬判將該報永遠停止出版。所有主筆人等均免于深究，該報機器以後不准作印刷報章之用」等語。於是民吁報竟還永遠封禁。計自出世以迄被封，爲期不過四十餘日而已。民吁報停歇後十月，于右任以同志龐青城、沈綬雲、孫性廉、陳其美、周覺等之助，復募集資本十萬元，由發起人先認定三萬元，另組織民立報爲國民正當的言論機關，館址設於三茅閣橋。原定是年八月二十八日民吁報被封一週年紀念日出版，嗣以籌備不及，乃改至九月初九日。時清廷方以預備施行立憲爲號召，海外及各省革命黨員多駐足申江，伺隙而動，故任民立報撰述者有朱教仁（還初）、呂志伊（天民）、景耀月、談善吾（老談）、范光啓、王无生、徐血兒諸人。滔滔英才，可稱一時之盛。越年辛亥三月，黃興等攻粵督署失敗，義聲震於全

國，民立報益振振有辭，崇論閎議，大爲黨人張目。及是歲八月，武昌革命軍興，宋教仁、呂志伊、于右任、景耀月、范光啓等均出任軍政府要職。民立報中樞，幾爲之一空。其後支持至民國二年秋，各省討袁軍敗績，以不禁袁世凱暴政之壓迫，自行停版。

〔中部同盟會及長江革命〕 同盟會事例，海內外各地概設分會，咸直隸本部或總理。及戊申孫總理駐節新加坡，乃特設南洋支部，以統御英荷兩屬各分會。己酉年冬復添設南方支部於香港，以籌劃西南各省軍事。庚戌正月，廣州新軍反正一役，卽南方支部所策動也。新軍之役既敗，南方支部諸首要多星散，黃興胡漢民赴南洋，馮自由赴北美加拿大，趙聲譚人鳳赴日本。是歲六月，譚人鳳、宋教仁、趙聲、林時爽、居正、張簡亭等邀集在日本十一省區同盟會分會長，開會於小石川區左仲遠（原名陳猶龍，字桃癡，庚子唐才常案有名。）寓所。宋教仁建議組織中部同盟會，以策動長江各省革命工作。譚人鳳力贊其議，衆贊成之。宋教仁旋返滬，與陳其美、章梓、鄭贊成等計劃進行。是年冬，黃興、趙聲、胡漢民等根據檳榔嶼幹部大會原議，決定在粵大舉。譚人鳳、趙聲主張從速設置中部同盟會，集台長江各省同志以響應廣東義師。衆遂推舉譚人鳳攜資赴上海，南京，九江，漢口，長沙各地，從事此項工作。人鳳於辛亥正月初旬抵滬，卽傳黃興命，督促宋教仁、陳其美、章梓、鄭贊

成等分途進行。繼赴漢口長沙，晤居正、孫武、焦達峯、謝介僧、曾伯興、劉承烈諸人，均令着手積極籌備，與粵軍協同動作。是歲二月中旬，人鳳再蒞上海，時宋教仁、陳其美等籌備組織中部同盟會已漸就緒。人鳳以粵省軍事發動在即，未及開成立會，即邀教仁其美呂志伊赴香港參加義舉。未幾，黃興等以倉卒焚攻督署失敗，人鳳等乃先後歸滬，仍繼續長江革命工作。是歲五月下旬，譚人鳳復至漢口，與居正、孫武、焦達峯、楊任、謝介僧、鄒永成、曾伯興等重商湘鄂大舉計畫。旋偕曾伯興蒞滬，訪宋教仁、陳其美等報告長江各省運動成績。遂於閏六月初六日假座湖州會館，開中部同盟會成立會，各省蒞會同志凡三十三人。衆推譚人鳳、宋教仁、陳其美、及某某四人，分任庶務文事會計交際等部長。定議由江浙皖贛鄂湘川陝八省聯合大舉，各自分途進行，而統屬於中部同盟會。是日到會簽名冊今尙由楊譜笙鄭重保存，照錄如下：

宋教仁

湖南常德府桃源縣人

上海三茅閣橋民立報

陳其美

浙江湖州府歸安縣人

上海湖州旅滬公學

涂潛

四川夔府雲陽縣人

吳淞中國公學

鄧道藩

四川綏定府新寧縣人

吳淞中國公學

陶詠南

四川夔府雲陽縣人

吳淞中國公學

陳勒生

福建侯官人

上海新關發存票處

史家麟

福建閩縣人

上海新關發存票處

鄭螺生

福建

南洋吡叻分會

李孝章

福建

南洋吡叻分會

王源水

福建

南洋吡叻分會

王關慶

福建

南洋吡叻分會

王蒨廬

福建閩縣人

上海四馬路三山會館

張仁鑑

四川重慶府涪州人

吳淞中國公學

潘祖彝

福建南平人

靜安寺路海關造冊處

林琛

福建閩縣人

福州南台建言報館

李洽

湖南新化人

長沙南陽街作民譯社

梁鏊

湖南邵陽人

吳淞中國公學

李光德

江蘇無錫人

無錫觀前街七號

第九章

癸卯後上海志士與革命運動

倪緯漢

安徽無爲人

范光啓（鴻仙）

安徽合肥人

姚志強

浙江烏程人

楊兆奎（譜笙）

浙江烏程人

呂志伊

雲南思茅人

江鏡清

浙江奉化人

胡朝陽

浙江奉化人

章梓

江蘇上元人

張卓身

浙江平湖

周日宣

浙江奉化人

曾傑

湖南新化人

沈琨

江蘇嘉定人

譚人鳳（雪梅）

湖南新化人

譚毅君

湖南邵陽人

民立報館

民立報館

湖州旅滬公學

湖州旅滬公學

民立報

上海新學會社

新學會社

三馬路國民社

西門外慶安里三號

城內東門

長沙貢院東街南陽印局

北浙江路晉壽里卅五號通信名用雪梅

北浙江路晉壽里卅五號

陳道

湖南湘鄉人

中部同盟既成立，會員對於長江各省之革命工作，益趨積極。至七月中旬，鄂省軍界同志運動已臻成熟，大有一觸即發之勢，遂派居正，楊玉如赴滬購辦手鎗，并邀黃興，宋教仁，譚人鳳等蒞漢口主持大計。時黃興尙在香港，居正等抵滬，即在馬霍路陳其美寓所召集會議。蒞會者除參加成立會諸人外，于右任，熊克武，陳方度，柳聘儂，梁維嶽，譚心休等預焉。是會決定南京上海與鄂省同時發動，并派呂志伊赴香港請黃興速來。居正等留滬旬餘，以陳其美代辦手鎗尙未齊備，乃遣楊玉如先歸。越數日而鄂省同志迫不及待，武昌南湖炮營之炮聲轟然震動全國矣。於是黃興，居正，譚人鳳，宋教仁等彙程赴鄂督師進取。陳其美，李燮和，章梓，林述慶，姚志強，俞煒，龔寶銓等亦聯絡上海吳淞杭州鎮江南京等處防軍先後反正，以響應之。是則中部同盟會策動之力爲多焉。

「上海光復及滬軍都督」擔任上海光復之任務者二人：陳其美與李燮和是也。其美從事江浙革命工作數載，與各地防軍及會黨素有淵源。燮和字柱中，湖南安化人，亦同盟會員，先後曾參加甲辰長沙華興會及丙午萍鄉醴陵二役，後至南洋荷屬文島雙溪烈埠，充華僑學校教員。戊申，陶成章在南洋發起光復會。端賴其力。辛亥，黃花岡一役之前，黃興邀其

歸國參預義舉。變和偕陳方度至廣州而事敗。黃興遂遣之赴滬，使聯絡駐紮上海吳淞南京各處湘籍防軍相機反正。及武昌革命軍興，變和運動益力，上海防軍及駐吳淞之黎天才部多受其部勒，準備剋期發動。其美聞江南製造局已有防軍一部聯絡就緒，遂迫不及待，使高爾登楊譜笙於九月十三日，率民軍敢死隊進攻製造局，局中駐軍贊拒各半，一時未能攻下。其美乃請各同志停攻，而自徒手進製造局，向反抗軍隊開導。衆力阻，不聽。果爲清軍扣留，用鐵索鎖禁於柱上一夜。變和聞警，乃令所預約之防營管帶陳漢欽立向製造局猛攻，出其美於險，各同志乃在小東門內海防廳內開會，議組織滬軍都督府。各防軍初擬推變和爲都督，陳漢欽爲上海總司令。後以變和與其美意見不治，紳商各界多屬意其美，陳漢欽從中排解，力勸變和退讓，以免內鬩。時駐吳淞粵軍濟字營早受變和約束，亦同日反正，變和乃讓都督於其美，自領所部移駐吳淞，另設軍政分府，稱吳淞都督。尋改稱光復軍司令。至民元南京政府成立，始解職閒居。其美既任滬軍都督，有所憑藉，遂力助蘇州杭州鎮江南京各地義軍之發動。復建議在上海召集各省都督府代表聯合會，由各省代表推定伍廷芳溫宗堯爲臨時外交代表，其後各省代表之選舉大元帥副元帥，及中華民國臨時政府之成立。孫中山先生之當選臨時大總統，其美與有力焉。

第十章 癸卯檀香山興中會之復興（補前書第十九章）

檀山新報之改組 希爐埠兵部之成立 孫總理之駁保皇報文 入美手續之籌備

〔檀山新報之改組〕 癸卯年（一九〇三）夏秋間，孫總理自越南抵日本橫濱，時距東京拒俄義勇隊及上海蘇報案風潮未遠，與此案有關之陳範、黃宗仰、陳擷芬諸人及各省激烈分子，多逃亡至日，咸就總理商討革命進行方針。總理以國內民智日開，機會漸臻成熟，乃於東京青山創設革命軍事學校，以收容各省有志軍事之青年，並決計再遊美國、籌措餉糈，以備大舉發難。是歲秋冬間，從日本抵檀香山。此地爲其多年舊遊及興中會發源之地，其兄德彰向在鄰近之茂宜島經營畜牧，故親朋故舊至夥。惟是處黨務自經己亥年（一八九九）梁啓超到此提倡保皇會之後，興中會員以梁持總理介紹函爲餌，多爲所惑，（事詳本書上編）投身保皇會籍者，頗不乏人。因是興中會之團體，久已蕩然無存，會員中能終始不變者，祇有鄭金、鄭照、李昌、程蔚南、許直臣、何寬、鍾宇等十數人。然亦懾於保皇會之聲勢，莫敢或抗，惟緘口結舌，以待總理重來而已。總理在乙未年（一八九五）冬間廣州失敗後，祇來檀一次，故此度重來，已相隔九載，大有今非昔比之感。時保皇會有機關報名新

中國報，其主筆爲前澳門知新報記者陳繼儼，號儀侃，唐有爲之高足弟子也。聞總理之來，恐保皇會之基礎爲之動搖，乃於報上醜詆革命黨，且及總理個人，舊與中會員鄭金、李昌等異常憤激。程蔚南與總理舊有成誼，時在檀主辦一毫無宗旨之舊式報紙，名隆記報，又名檀山新報。總理乃使程改組該報爲黨報，以筆政乏人，遂親自撰文與新中國報大開筆戰，並致書馮自由，使代延聘前香港中國日報記者陳詩仲來檀任總編輯。檀島黨人自有此報爲喉舌，旗幟爲之一新，而會務亦稍稍復振。

〔希爐埠黨部之成立〕 夏威夷羣島除檀香山正埠外，以希爐埠爲較巨，其地以有火山之名勝，遊客至衆，商業亦頗繁盛。華人居此者約數千人，就中屬基督教徒者不少。有華人基督教禮拜堂一，主持者爲宣教師毛文明（原名文敬）。庚子年（一九〇〇）九月轟炸廣東督署一役，皆與史堅如共事之其中會員也。時在該埠任職指道，間或宣傳革命，深得華僑信仰。聞總理抵檀，乃發起歡迎會，請總理來埠講演國事。總理欣然蒞止，文明與該埠著名農業家黎協假日本戲院請總理演說，華僑聽者數百人，座無餘隙。旋由文明介紹黎協、黃振、盧球、李華根、古賀、劉安、楊吉、鄭仲、黃義、鄭鑒、林弼南、唐安諸人入會，將原日之演說會改爲黨部，希爐埠之有革命團體自此始。

「孫總理之駁保皇報文」 總理自希施返檀後，會務日見起色，時任檀埠基督敎禮拜堂牧師者爲黃旭昇，向有志革命，與毛文明有感誼，總理至是大得其助。李昌、鄭金等乃假西人戲院請總理演講三日，聽者異常踴躍，先後得新會員黃旭昇、楊銳、會長福等多人。前時誤入保皇會之與中會員多覺悟來歸，保皇黨勢力因之大受影響。陳儀侃爲挽回頹勢計，乃日在新中國報造作誹語，向革命黨挑戰。時隆記報所聘記者尙未抵檀，總理於是彙集新中國報兩月來排斥革命之口實，撰一駁保皇報文以斥之。是爲總理生平在報上撰作長文之開始，茲覓得民元前九年之隆記報錄載如下：

駁保皇報（載癸卯年冬檀香山隆記報）

陽歷十二月二十九日檀埠保皇報刊有敬告保皇會同志書，此書出於該報主筆陳儀侃之手而託他人之名，欲間接而駁僕日前之書也。書中所載語無倫次，義相矛盾，可知作者於論理學（Logic）一無所知，於政治學更懵然罔覺。所言事實多有不符，所引西事牽強附會，本不欲推求詳辯。然其似是而非之理，最易惑人，故條駁之，以塞毒餒，而辟謬論。彼開口便曰愛國，試問其所愛之國，爲大清國乎？抑中華國乎？若所愛之國爲大清國，則不當有「今則驅除異族謂之光復」之一語，自其口出。若彼所愛之國爲中華國，則不當以保皇

爲愛國之政策，蓋保異種而奴中華，非愛國，實害國也。彼又曰「中國之瓜分在於旦夕，外人窺伺，乘間卽發。各國指認之地，照會政府不得讓與別人」云云。曾亦知瓜分之原因乎？政府無振作也，人民不奮發也。政府若有振作，則強橫如俄羅斯，殘暴如土耳其，外人不敵側目也。人民能奮發，則微小如巴拿馬，激烈如蘇威亞，列強向之承認也。蓋今日國際惟有勢力強權，不講道德仁義也。滿清政府今日已矣，要害之區盡失，發祥之地已亡，寢而日削百里，月失數城，終底於盡而已。尙有一線生機之可望者，惟人民之發奮耳。若人心日醒，發奮爲雄，大舉革命，一起而倒此殘腐將死之滿清政府，則列國將欽我敬我之不暇，尙何有窺伺瓜分之事哉！既識引管子之作內政以寄軍令，何以偏阻漢人行革命復祖邦？今日之作內政，從何下手，必先驅除客帝，復我政權，始能免其今日簽一約割山東，明日押一款賣兩廣也？彼滿清政府不特簽約款以割我賣我也，且爲外人平靖地方，然後送之，廣東之新安縣廣州灣，已然之事也。尙無滿清政府爲之助桀爲虐，吾民猶得便宜行事，可以拚一死以殉吾之桑梓。彼外國知吾民之不易與，不能垂手而得尺寸之地，則彼雖貪慾無厭，猶有戒心也。今有滿清政府爲之鷹犬，則彼外國者，欲取我土地，有予取予攜之便矣。故欲免瓜分，非先倒滿洲政府，則無挽救之法也。乃彼書生之見，畏蕙存

心，不識時勢，不達事體，動輒恐逢人之怒。不知我愈畏縮，則彼愈窺伺，我能發奮，則彼反敬畏，豈有逢人之怒之理哉？如其不信，吾請陳儀侃日日向外人叩頭，日日向外人乞憐，試能止外人之不照會清廷以索地否？清國帝后今日日媚外人矣，日日宴會公使及其夫人矣，媚外人之中，又與俄國爲最親嬖矣。然而據其發祥之地者則俄也，不逢人之怒莫過於今日之清帝后，以儀侃之見解，則必能免於瓜分矣。信乎否乎？既知中華亡國二百六十年矣，不圖恢復，猶竭力以阻人之言恢復，言革命，是誠何心哉？彼固立心以殉清朝之節，清亡與亡，清奴與奴，洵大清之忠臣義士矣，其如漢族何！而猶囂囂然執毋寧二字以罵人爲白奴，是其強辭奪理矣。彼曰「革命之說原本大易」，又曰「中國固始終不能免於革命」，其言是矣，其乃何以又曰「中國今爲民智萌芽時代」。夫大易者，中國最古之書，孔子繫辭稱湯武革命，順乎天也，豈由湯武至於今，歷二十餘期之革命，而猶得謂之萌芽時代耶？其所引法國三大革命曰：「經盧騷、達爾文、福祿特爾諸大哲提倡建設，」而不知達爾文乃英人，當法國第一次革命之時，彼尚未出世。當第二次革命之時，彼尚未成學，當第三次革命之時，彼尚未聞名於世。其第一次出版之著作名曰「生物本源」，出版在一千八百五十九年，當時英國博物家尙多非其說之不經，十餘年後始見重於英之學

者，又十餘年後始見稱於世人。今該主筆特大書曰：「達爾文有與提倡法國三次革命之功」。彼所指之達爾文，是達爾文之前身乎？想該主筆必精通三世書矣，否則何以知之耶？又云：「法國死於革命者一千二百萬人」該主筆常譏吾人革命不起於京師，想亦熟聞法國之三大革命皆發於巴黎矣。而巴黎之外無死於革命者，試問巴黎當時人口幾何，作者知之乎？且巴黎雖經三次之革命，而未遇揚州十日之屠，無廣州洗城之慘，就使巴黎全城之民皆死於革命，三次計之，亦不足此數，毋乃該主筆以一人輪轉數十次計之乎！若此，則非吾所敢知也。彼既曰：「革命之結果爲民主政體也」。胡又曰：「有建設者謂之有意識之破壞，無建設者謂之無意識之破壞，彼等是否有建設吾不敢知」云云。夫革命者，破壞也，民主政體者，建設也。既明於革命之後，定爲民主政體矣，非意識而何？曰「政」，曰「體」，非建設而何？該主筆以一手之筆，一時之言，其矛盾有如是，斯亦奇矣！彼又嘗謂中國人無自由民權之性質，僕曾力斥其謬，引中國鄉族之自治，如自行斷訟，自行保衛，自行教育，自行修理道路等事。雖不及西政之美，然可證中國人稟有民權之性質也。又中國之民向來不受政府之干涉，來往自如，出入不問，婚姻生死不報於官，戶口門牌鮮註於冊，甚至兩鄉械鬥，爲所欲爲，此本於自由之性質也。彼則反唇相稽曰：「此野蠻之

自由，非文明之自由也」。此又何待乎彼言。彼既云「性質矣，夫天生自然謂之「性」，純樸不文謂之「質」，有此野蠻之自由則便有自由性質也，何得謂無」。夫性質與事體異，發現於外謂之事體，稟賦於中謂之性質，中國民權自由之事體，未及西國之有條不紊，界限秩然，然何得概謂之無自由民權之性質乎？惟中國今日富於此野蠻之自由，則他日容易變爲文明之自由，倘無此性質何由而蠻，是猶琢玉必其具有玉質，乃能琢之成玉器，若無其琢，雖琢無成也。彼又曰：「中國人富於服從權勢之性質，而非富於服從法律之性質」，試問無權勢何以行法律乎？今如檀島，若政府無權勢以拘禁處罰犯法之人，其法律尙成爲法律乎？夫法律者。治之體也，權勢者，治之用也。體用相因，不相判也，今該主筆強別服從法律與服從權勢而爲二事，是可知彼於政治之學毫無所知也。彼又曰：「立憲者過渡之時代也，共和者最後之結果也」，此又可見彼不知立憲爲何物，而牽強附會也。夫憲法者，西語曰 Constitution，乃一定不易之常經，非革命不能改也。過渡者，西語曰 Transition，乃變更之謂也，此二名謂皆從西文譯出，中國無此成語也。該主筆強不知以爲知，而妄曰 Constitution，乃 Transition 時代，一何可笑也！推彼之語，必當先經立憲君主而後可成立憲民主，乃台進化之次序也。而不知天下之事，其爲破天荒者則焉

耳。若世間已有其事，且行已收大效者，則我可以取法而爲後來居上也。試觀中國向未有火車，近日始興建，皆取最新之式者，若照彼之意，則中國今日爲火車萌芽之時代，當用英美數十年前之舊物，然後漸漸更換新物，至最終之結果。乃可用今日之新式火車，方台進化之次序也。世上有如是之理乎？人間有如是之愚乎！今彼以君主立憲爲過渡之時代，以民主立憲爲最終之結果，是要行二次之破壞，而始得至於民主之域也，以其行二次，何如行一次之爲便耶？夫破壞者，非得已之事也，一次已嫌其多矣，又何必故意以行二次。夫今日專制之時代也，必先破壞此專制，乃得行君主或民主之立憲也；既有力以破壞之，則君主民主隨我所擇，如過渡焉，以其滯乎中流，何不一掉而登彼岸，爲一勞永逸之計也。使該主筆若不知民主爲最終之結果，其倡君主立憲猶可說也，乃彼既知爲美政，而又認爲最終之結果，胡爲如此矯強支離多端辯難也。得勿以此事雖善，誠爲救中國之良劑。但其始不倡於吾師，其終亦不成於吾手，天下上等之事，必不讓他人爲之，故必竭力阻止，以致不成而後已，是重私心而忘公義也。彼又曰「會外人意，革命黨非洪門會中人何以圖羊城，謀惠州，而利用洪門之勢力」。不知革命黨與洪門志同道合，聲應氣求，合力舉義，責有應盡，非同利用。如彼等欲暗改洪門之宗旨，而令洪門之人，以助其保救大清

皇帝也。又僕前書所指以滿洲之野番，尙能享皇帝之權，而彼則曰：「豈不見各國憲法之」云云。僕所指乃當今清國專制之皇權，而被引各國憲法以答，真強爲比例，擬於不倫矣。彼又曰：「所謂保皇者，自我保之，主權在我，非彼保我也，不得爲滿奴」云云。此真夢夢也。今光緒皇帝儼然在北京，日日詔見臣工，日日宴會公使，有時遊頤和園，有時看西洋戲，何嘗受彼之保，其言之離事實，何相遠之甚也。彼又曰：「今則驅除異族謂之光復舊物，不得謂之革命」。此抬人之睡餘，知其一不得其二者也。其書中最得力者，爲託某氏之言，曰：「弟前十年固爲彼會中人，今已改入保皇會矣」云云。其是否屬實，姑毋庸辯。但據其所述誓詞，則知彼門外漢，亦升堂而入於室者也。不然，豈有下喬木而入幽谷者哉！不觀其他之入保皇會者乎？多以保皇爲借名而誤入者也。該主筆又從引伸其說曰：「蒙古與滿洲且不辨」云云。僕等雖目不識丁，而地輿之學，敢信尙不至此。惟見彼有「蒙滿東三省諸地在俄人勢力範圍」云云。蒙者蒙古也，滿者滿洲也，豈於蒙滿之外更有一東三省乎？該主筆自稱深通於五洲大勢，何以於彼清國之形勢，尙有此言也。可知其平日荒唐謬妄，強不知以爲知，夜郎自大，目中無人，真不值識者一哂。僕非文士，本不欲與八股書生爭一日之長，與筆墨之戰。但以彼無根之學，以訛傳訛，惑世誣民，遺害非

淺，故不得已而駁斥之。倘彼具有天良，當知慚愧，早自悔悟，毋再現其醜也。又其人存，心刻忍，觀其所論蘇報之案，落井下石，大有幸災樂禍之心，毫無拯弱扶危之念，與保皇會友以前打電求救之意，亦大相背反。其手段之醜，心地之毒，門戶之見，胸度之狹，於此可見一斑。今特揭而出之，以質諸世之公論者。

〔入美手續之籌備〕總理時於黨務餘暇，特至茂宜島牧場，謁其母楊太夫人及乃兄德彰等，九年闊別，一家團聚，喜可知也。惟是時德彰所經營之牧場，因夏威夷政府修改土地法，取消私有制度之故，大受損失，已不若往年之豐裕。故對於總理遊美之旅費，不能多所供給，惟贈以龍涎香一枝，備旅途中國乏時需要而已。其母舅楊文納以總理丙申年（一八九六）第一次遊美，成績不佳，實由缺乏同志相助，因力勸總理在檀加入洪門會黨，以加強革命黨之勢力。且謂現時保皇黨機關林立於美洲各埠，倘不與洪門人士合作，勢難與之抗衡。尤可慮者，在檀康徒陳儀侃等挾近來兩報筆戰之嫌，難免設法運動美國關員妨阻登陸，故宜取得一夏威夷土生證書，以備不虞等語。德彰亦以爲然。總理久有參加洪門之心，對此毫無異議，惟於取用土生證書一節，頗以爲不當。文納謂「古人成大事者多能通權達變，如伍員喬裝出關，孔子微服過宋，皆是此義。此舉以救國爲目的，何必拘泥」云云。總理卒從其

言。乃由德彰轉托老年同鄉數人，向茂宜島當局代爲證明，並取得此項證書爲入美登岸之需。及總理重蒞檀島，遂淹洪門前輩叔父鍾水養向洪門致公堂介紹入關，（洪門稱入會曰入關。）致公堂職員中有身跨保皇會籍者，對於總理之加盟，表示反對。鍾水養曰：「洪門宗旨，在於反清復明。孫某未入洪門，已實行洪門宗旨多年，此等人應招納之不暇，何可拒之門外。」反對者不能對，致公堂於是擇日爲總理演特別開檯戲。（洪門稱拜盟曰演劇）同時拜盟者六十餘人，由主盟員某大佬封總理爲洪棍。洪門軍職例分洪棍紙扇草鞋三級，洪棍卽元帥之別名也。總理拜盟後十餘日，卽首途赴美。瀕行時移書陳少白馮自由二人，使在香港日本二地多寄文稿於隆記報，以助其聲勢。其後陳詩仲因駐港美領事拒發入檀之主筆護照。改就新加坡圖南日報之聘，隆記報始終未得國內文人來主筆政，僅由旅檀之華僑學校同志數員代理編輯而已。後一年社長程蔚南以年老退休，黨員會長福等乃將該報大加擴充，改名民生日報。延張澤黎（號孺伯）充任主筆，與新中國報記者梁文興續開筆戰。是時檀埠之革命黨勢已蒸蒸日上，迥非二三年前之比矣。

第十一章 甲辰孫總理之遊美籌餉（補前書第十九章）

舊金山登陸時之被阻

洪門致公堂之淵源

洪門致公堂之助力

辦黨及籌餉之成績

洪門致公堂之淵源

致公堂總註冊之失敗

〔舊金山登陸時之被阻〕 甲辰（一九〇五年）正月總理舟抵美國舊金山港，關員登輪查驗旅客護照。見有孫逸仙之名，即謂此人爲中國亂黨，應暫留船上聽候訊問，不得登岸。據美海關事例，凡華人旅客所持入境護照有疑問者，關員先令羈留原船候訊，訊後認爲不正當者，即令由原船撥回出發地點；其仍有疑問者，則於原船開行時改禁碼頭上海關附設之木屋。經關員二次審訊，乃定准許入境與否，如判決撥回，始由移民局長明告本人以撥回之原因，並限本人於十日內向華盛頓工商部上訴。如本人敗訴，則仍須候所搭之原船回美時，乃由原船撥回，故被禁華人往往羈留木屋至數月之久，是即美國對吾華人施行多年之特別苛例也。先是檀島保皇黨陳儀侃等探聞總理赴美有期，預通知舊金山同黨使設法阻止總理入境，以爲黨爭之報復。舊金山保皇黨員告清領事何祐（香港何啓律師之親族），何欲藉此向清廷邀功，乃關照美海關，謂有中國亂黨孫某將於某日搭某船抵美，請禁阻其入境，以全清美二

國邦交等語。美關員惑其言，因有阻止總理登陸之舉。及查總理所持護照爲夏威夷土生證書，夏威夷爲美屬土，依律不得阻止入境。關員以告何祐，何力言孫某係生長廣東香山縣，所持護照，必爲偽造，仍請美海關盡力禁阻。當總理被困船上時，船上海員多屬惠州籍之洪門會員，聞總理遭難，咸爲不平，羣向總理慰問致敬，且餽贈食品不絕。故總理亦不覺其苦。及改碼頭上木屋，與陸上友朋消息隔絕，無法通信，深以爲憂，其困狀可想見矣。

「基督教友及致公堂之助力」 總理困居木屋數日，經移民局訊問後，竟被判令出境，候原船撥回檀島，因之焦灼異常，徬徨無計。忽覩被禁鄉人中所閱中西日報有總理伍盤照字樣，偶憶盤照爲著名之基督教學者，素以說教及辦報蜚聲於時。乙未年（一八九五）亡命出國時，粵中教友左斗山、楊襄甫二人嘗作函爲之介紹，此函尙存行篋未用，此時大可用之。乃草一函，求一賣報西童帶往沙加緬都街，西日報，外書伍盤照博士收啓。另有英文「到奉帶書人七角五分」字樣，盤照拆視，內稱「現有十萬火急要事待商，請即來木屋相見勿延」之語。盤照久聞總理盛名，即往移民局請准當局，得入木屋晉謁總理。相見之下，握手甚歡。總理謂此來被清領事函報稅關指爲亂賊，如准之入美，有礙地方治安，因此被判出境。現距十日上訴之限期已近，特求各教友援手等語。並將多年前左斗山、楊襄甫等署名之介紹

函交盤照帶回，函面寫「徒南達牧師伍盤照博士同啓。內言」攜此信之人，忠心爲國，請盡力相助」云云。信末不書年月日，盤照當允在外設法，即持介函訪司徒南達。南達認識爲左、楊二人親筆，遂招集各教友籌商營救方法。僉謂各教友俱有家屬在內地，此事只可暗助，不便明幫。孫君既言曾加入洪門團體，應即通知本埠致公堂，請其出名向美京工商部上訴。盤照謂此事既由何領事主動，我如上訴，彼必稟請公使出頭橫加阻力，不若我先往詢何領事，并勸其不必再稟公使，免傷同鄉感情云云。蓋盤照是時兼充領事署顧問，年受領署夫馬費一百元，何領事如有重要對外事件，多向其諮詢辦理也。及赴領事查詢此事底蘊，何領事否認受人囑託，諱言此舉乃奉清政府命令而爲。盤照曰，孫某係革命黨，不能指爲亂賊。現有同鄉多人決定向美京上訴，請勿稟報公使，以免激動衆怒。何領事曰，君言吾亦可行，但君爲吾顧問，應小心行事。盤照遂往訪致公堂英文書記唐瓊昌，告以總理被美海關禁阻入境及羈留木屋之經過，並謂據總理談話，自承爲洪門會員，故致公堂宜即設法營救，以盡手足相助之誼等語。舊金山致公堂爲全美各埠洪門分堂之總部，宗旨雖號稱反清復明，然以代遠年湮，會中分子多已喪失本來面目，其任事職員身跨保皇籍者亦不乏人，獨總堂大佬（主盟員之稱）黃三德及英文書記唐瓊昌平日熱心革命，尤欽佩總理學行。嗣聞總理入境受阻，

大爲憤激，瓊昌卽借盤照同訪致公堂顧問美律師那文，請其依法相助；復往木屋叩總理以此案詳情。遂由那文向移民局聲明卽向華盛頓工商部上訴，並依五百元保證金之移民法例。當由致公堂以士波福街樓業向保單公司具保五百元，擔保總理出外聽候美京判決。同時致公堂職員及基督教徒之有志者多赴碼頭歡迎脫難，藉表敬意。總理羈留木屋多日，至是始獲恢復自由。自丙申年（一八九六）被困倫敦清使館以來，此爲第二次之蒙難。

「辦黨及籌餉之成績」 總理脫難後，黃三德、唐瓊昌等招待殷勤，卽在致公堂會所下榻，日間則時至中西日報用膳，與致公堂職員及基督教徒司徒南達、伍于衍、鄭華太、雷清學、鄧幹陸諸人極爲相得。三星期後，美工商部之判決文已到，略謂「孫某既有夏威夷島出生證書，當然取得美國公民所享受之居留權利，絕無可以撥送出境之理由」等語。於是清領事及保皇黨徒之中傷計劃因之粉碎無餘矣。時中西日報司事伍于衍以該報缺乏駐香港訪員，求總理推薦。總理以陳少白、鄭貫公二人對。先是總理在檀時已預印就革命軍需債券若干，爲到美募餉之需。嗣抵舊金山，始知華僑風氣尙極閉塞，其稍開通者非屬保皇會員，卽爲基督教徒，乃商諸黃三德、伍盤照等，擬措資印刷都容著革命軍一萬一千冊，分寄美洲及南洋各地僑胞，以廣宣傳。黃伍等均表同情，并由中西日報擔任排印，訂價五百元。書成後，總

理以所訂五百元印費無從籌措，乃請致公堂報效寄書郵資，而中西日報則不收印費，作為捐贈。黃伍等慨然從之。全美華僑得此有力宣傳品之啓導，不及半載，知識為之大進，此書之力為多焉。同時總理更欲藉此擴張黨勢，擬先從具有新思想之基督教徒入手，乃召集教友之有志者，假士作頓街長老會正道會所開救國會議。衆推鄭華汰博士為主席，鄭為有名學者，娶美女為室，時任加省大學教授，對於總理主張異常傾倒。是日總理於說明革命主義之後，提議請座衆購買革命軍需債券，謂「此券規定實收美金十元，俟革命成功之日，憑券即還本息一百元。凡購券者即為興中會員，成功後可享受國家各項優先利權」云云。各教友對於購券事，均甚贊成，惟聞凡購券者即為興中會員一節，多談虎色變。謂吾輩各有身家在內地，助款則可，入會則不必，總理乃謂此舉志在籌餉，入會與否，一惟尊便。此項債券票面並不寫姓名，可勿過慮。衆無異言。於是各教友先後購券，得美金二千七百餘元。就中以華生隆號司理雷清學所捐二百元為最多，福和號廚子劉伯所捐十元為最少。各債券均假中西日報內室填寫號數，並由總理簽署英文「孫逸仙」三字於下，右側加蓋「孫文之章」四字方印。第一號至第十號為伍盤照所得。未幾鄭華汰復在卜技利埠募得一千三百餘元。其後總理偕黃三德周遊美國各地，即恃此款為旅途之需。總理原欲在美奠立興中會基礎，惟結果所得，正式

宣誓入會者祇有鄺華汰一人，殊非初意所及料。關於總理入美被阻及發售軍需債券情形與債券樣式，以中西日報經理伍子衍近日所報告爲最詳，爰節錄此後，藉資參考。

自由先生惠鑒，承惠中華民國開國前革命史，并垂詢中山先生一九〇三年抵美被囚於碼頭木屋詳情，不勝謝謝。查當年記載此事之報紙，因本埠地震災劫，已蕩然無存。一九三五年，本埠聖瑪利公園所建孫公銅像舉行開幕禮時，敝報嘗有「四十年前禁入境而今享得像巍峨」之句。其時江尼古西報訪員來詢前事，愚以所能記憶者告之，該訪員亦謂西報因震災一無所存。愚所未忘者，孫公由檀到美被禁於碼頭木屋間，僑界無有知之者。孫公因素聞伍盤照之名，遂寫一函托西董送來本報，函面寫英文到奉銀七毫五仙。愚得函卽交盤照，內稱「現被移民局批撥出境，請來木屋相見字樣」。盤照乃向移民局討情，得入木屋相見。據孫公云，被清領事指爲亂黨，有害地方治安，不准入境，並將左斗山、楊襄甫等簽名之函交盤照轉回，函面寫司徒南達牧師伍盤照博士同啓，內言：攜此信之人忠心爲國請力助之等字，並不書年月日。愚與司徒牧師認明確是左君簽筆，因卽招集教友等商。衆稱教會人士各有身家在內地，可以暗助，不可明幫。孫公旣向盤照言已入洪門致公堂，應請致公堂出名上訴工商部爲佳。盤照謂此事旣由領事主動，我如上訴，彼必稟報公使，多

生枝節。不如我先往詢何領事，並勸其不必再稟公使云云。及盤照往領署，何領事對此事直認不諱，謂會接政府來電，稱孫氏某月日到檀，某月日由檀附某船來美，飭卽知會海關勿令其登岸等語。盤照謂孫氏係革命黨，屬國事犯，不能指爲亂賊。現有某大團體助其向美京上訴，請勿稟報公使，致將風潮擴大。何領事曰，此議可行。但君爲吾顧問，應小心行事爲要。盤照遂往訪致公堂書記唐瓊昌，告以一切經過。隨偕往見該堂常年顧問那文律師，請其援手。那文於是同往木屋向孫公探詢底蘊，卽向移民局聲明向工商部上訴。略謂「孫某乃檀香山籍民，因在中國提倡革命，故被本國政府指名通緝。今中國領事阻其入境，實屬損害檀籍人居留美國之權利，及違背美國容留國事犯之法例」云云。當由致公堂以樓業向保單公司具保五百元保出候判。孫公於是每日傳食於中西日報，夜則在致公堂會所寢宿。約越三星期，工商部始電令舊金山移民局放行。事後孫公仍居此間，會委敝報刊印鄒容革命軍一萬一千冊，訂明印費五百元，印就後，孫公謂分寄美洲南洋各埠之郵費及包紙已由致公堂擔任報效，印費一項亦請中西日報捐助，共成美舉。愚與盤照從之。孫公復向各教友發售革命軍需債券，約得二千七百餘金。該券號數卽在敝報內房填寫，由一號至十號爲伍盤照，由二百六十九號至二百七十九號爲伍子衍。因愚欲取最後之號券盤也。其

後在埠與中會會長。鄺華汰又在卜技利埠募得一千三百餘金，孫公復勸吾加捐以取最後之券。故四一四及四一五兩號亦爲吾所得。惟吾人所得債券，有因懼政府投獲株連而不敢留存者，有經本埠地震巨災而被燬者，吾所存四一四號及四一五號之二券，係放入「味根」書內藏同中國，後復帶之返美者，茲隨函寄呈影印二份，亦一有價值之紀念品也。

尊者紀載周詳，可稱信史，讀之獲益良多。惟據愚所知，書中有數細則與當年微有不同，請條舉爲兄言之。第六章五十一頁及第九章一四九頁云「中山二次遊美，保皇黨嗾使同黨之海關譯員阻其登岸，被留烟治埃倫木屋者一日，幸賴美國致公總堂總理黃三德大同日報總理唐瓊昌之助，以五千元保出候訊」。又第二十章一六〇頁云「舊金山致公堂得檀香山致公堂電，謂孫大哥於某日搭某船來美，囑鄭重招待，黃三德、唐瓊昌等前往接船，知被保皇黨暗算，乃延律師那文以五千元向稅關保出候訊」等語。關於孫被困木屋及各人營救情形，前已詳述，可勿贅言。其應訂正者，（一）美國移民律無五千元具保之條，祇有具保不過五百元之句，故篇中五千元當是五百元之誤。（二）美移民局建築新外人羈留所於烟治埃倫，又名天使島者，始於一九一〇年，孫公於一九〇三年被困之木屋係在舊日碼頭原址，若干年後始移往烟治埃倫，故「烟治埃倫」一語似應刪去。（三）阻止孫公登

岸者，係清領事何祐，保皇黨實無阻止他人之勢力，尊著云云，未免太視保皇黨勢力過高。（四）尊著謂孫公被留木屋者逾日，其羈留若干時日，愚雖無從記憶，但美船慣例，至少停泊碼頭數日，然後開行。將行之日，始將待訊之船客搬上碼頭木屋。再經關員查訊，乃判定能否入境。如判令出境，又須由移民局長簽字，並明告本人以撥送出境之原因，容限十日內向工商部上訴，否則須候所搭來美原船撥回出發地點。照此手續而言，決非一日或數日可以畢事，大約至少亦在一星期以外。此凡曾經被困木屋之華人，無不知之。故孫公羈留之時日若干，可以從此推斷。（五）孫公於被判出境後，始函告伍盤照求助。可知事前在美華人並不知孫公之來，更可知檀香山致公堂並無電告舊金山致公堂，及黃三德、唐瓊昌等得電後前往碼頭接船等事。黃唐等得盤照而告，始知其詳，事實明甚。以上所陳，現黃君三德尙在羅省，那文律師亦在本埠，均可舉而問之，因讀尊序有云：「其有短篇隻字列舉所知，以匡不逮，余引領望之」等語，謹援知無不言言無不盡之義，據實奉告，伏惟諒之。並候著安。伍于衍渤。一九四〇年九月五日。

馮自由按：伍君此函洵足補充史實，爲益非鮮。惟所稱當日妨阻總理入境爲清領事，而與保皇黨無關一節，殊不盡然，蓋余當日於事後所得總理通信及各方報告，均謂保皇黨從中

構陷所致。伍君謂保皇黨無此勢力，然該黨對於美海關雖無直接之勢力，若間接向清領事囑託，及勾結關員上下其手，則固優優爲之。且據清領事語伍君盤照，謂奉清政府命令而行。依清代外交官職權，外部對於海外僑民之行事，概由公使轉達，從無直接命令領事之例。假令此舉係出自清政府命令，則必經由駐美公使轉飭領事辦理，始符手續。今清領事既始終未提及公使，其爲受人囑託，自無疑義，且其時檀島保皇黨之銜恨總理，甚於敵國。日欲伺機報復，此事總理在檀已有所聞，故從權取得夏威夷出生證書，以備不虞。該黨既偵得總理出發有期，及所乘何船，自必電知舊金山同黨設法妨害登陸，在美彼黨得電，遂預運動清領事及美關員，多方構陷，以致演此怪劇。不然，清領事何從預知總理行期，而此正式有效之夏威夷出生證書，美關員又豈敢冒昧否認之耶？管見如此，質諸伍君，以爲何如？

〔洪門大同報之改組〕 致公堂有機關報名大同日報，爲歐榘甲所創辦；歐號雲樵，惠州歸善縣人，康有爲之萬木草堂弟子也。在康徒中以能文稱。迭任上海時務報，澳門知新報，橫濱清議報等報主筆。己亥（一八九九年）夏秋間，梁啓超及同門多人，在日與總理往還至密，漸趨向革命真理，因有聯合組黨之議。榘甲亦贊成人之一。嘗在清議報高談湯武革命，爲諸同門所不敢道。康有爲聞之大怒，既痛責梁啓超等附和革命之非，卽勒令啓超赴檀

香山開設保皇會，將功贖罪，復擬擯梁甲於門牆外。經徐勤、麥孟華等代為緩頰，乃遣往美國充舊金山文興報主筆。惠屬歸善博羅二縣，素為三點會淵藪，梁甲少居鄉，結識會黨首領頗多，因亦名廁會籍。抵美後，遂憑此資格聯絡致公堂會員，謂康黨名為保皇，實則革命，與洪門反清復明之宗旨，實殊途同歸，應彼此合作，共同救國。致公堂會員多為所動。辛丑壬寅間（一九〇一至一九〇二年）梁甲遊說致公堂各職員創辦洪門機關報，該堂大佬黃三德、英文書記唐瓊昌、司庫員朱三進等深聽其議，乃措資設立大同日報，即延梁甲任總編輯。大同二字之得名，亦為梁甲所定。蓋康有為嘗為橫濱華僑學校題名大同學校，梁甲以此名其報館，即表示其繼承康門之統緒也。大同日報出版時，梁甲初著大同日報緣起，發揮洪門改革之理由，極為動聽。復以太平洋客名義，撰一長文，鼓吹廣東獨立，極言粵省有脫離滿清政府之必要，登至數十續，痛快淋漓。讀者莫不擊節稱賞。橫濱清議報特為印作單行本，題以「新廣東」三字，書出風行一時。康有為聞之，乃復嚴辭申斥，有「雲樞離經道應逐出門牆」之語。梁甲因之論調一變，改倡「洪門應與保皇會合力迫朝廷改專制為立憲，以立大同之基礎」等說，不敢再作激烈語矣。及癸卯冬，總理抵美被阻，梁甲與總理原為舊識，以挾植埤同黨筆戰之嫌，且慮大同報為所攙奪，力勸黃三德、唐瓊昌等置身事外，勿為

總理助力。迨總理脫難，馮甲竟在報上著論排斥，且詆洪門尊重總理爲不智。總理出木屋後，日傳食於基督教徒之中西日報，而於公堂機關之大同日報若劉鴻溝，即以梁甲向來宗旨不定，勢難脫離康門範圍之故也。黃三德、唐瓊昌初欲梁甲與總理合作，再三勸告，而梁甲仍假大同報恣意攻擊，信信不休，致公堂各職員以忍無可忍，始下逐客之令，並請總理推薦留日學界同志主持筆政。總理首薦馮自由任駐日該報通信記者，且托馮在日物色主筆一人。馮初薦廣西人馬君武。馬以事辭，乃改薦湖北人劉成禺，劉爲湖北學生界領袖，嘗以鼓吹革命，被清使館革除官費學籍。受聘後，自赴上海領取留學生入美護照。因聞馮自由述總理抵美時，被保皇黨構陷之經過，乃向素日相識之在滬保皇會員時報主人狄葆賢（號楚青別字平子）求得一紙致舊金山保皇黨會長之介紹書，藉免發生阻力。甲辰夏，劉由橫濱抵舊金山，時總理已借黃三德出遊各埠。大同日報自劉到後，革命橫議，鼓盪全美。華僑受其感化者日衆，計總理是次遊美之成績，實以改組大同日報爲最著。其後庚戌辛亥（一九一〇至一九一一）兩年美洲南北各埠同盟會之成立及籌餉赴義的偉績，均導源於是焉。

〔洪門致公堂之淵源〕 洪門團體原名天地會，在海外通稱義興會或義興公司，在美洲曰致公堂，是會始創於清初康熙時代，其時距明亡未久，明之忠臣義士，再三力圖恢復，誓

不臣清，前仆後起，卒難挽回世運。二三耆老以清祚已固，興復大業，非一時所能收效。乃欲以種族思想流傳後人，特創設一種秘密團體，爲傳播此種思想之導線，是卽洪門團體之所由起也。在美之致公堂總部設於舊金山大埠，他如紐約、芝加哥、波士頓、聖路易、費城、華盛頓、洛山磯、西雅圖、沙加緬都、砵倫等百數十埠，皆設分堂，凡有華僑駐在之地，莫不有之，咸隸屬於舊金山。華僑名列會籍者佔十之八九，其在大埠者，未入洪門尙可謀生，若在小埠，則非屬致公堂會員，輒受排擠，故勢力偉大，爲各團體冠。考其歷史，最初由廣東三台會頭領因避清廷摧殘，逃亡海外，遂組織致公堂，以資聯絡。其後太平天國失敗，洪秀全陳金剛舊部亦多遠托美洲，重整旗鼓。然久而久之，故老凋謝，面目漸非，洪門人士能了解宗旨者，百不得一。孫總理於丙申年第一次遊美時，以未列洪門會籍，雖向各埠致公堂職員大講革命仇滿之真理，彼中人士概漠然置之。及戊戌（一八九八年）政變後，康有爲於己亥春渡美，初設保救大清光緒皇帝會於英屬加拿大，復派其弟子梁啓超、徐勤、歐榘甲、陳繼儼諸人赴美國設立支會。梁徐等知洪門勢大，可供利用，乃先後投身致公堂，以聯絡彼中之有力者。洪門中人不知其詐，頗爲所愚。各埠致公堂職員之思想較新者，多兼充保皇會幹事，致公堂英文書記唐瓊昌初任保黨機關文興報譯員。渠甲之能入寇致公堂及創辦大同日

報，即瓊昌領導之力。癸卯冬總理二次抵美，洪門人士已較前開通，尤以黃三德、唐瓊昌、朱三進、鄧幹隆數人爲深明大義，總理與黃、唐等無片面之識，一函之介，而黃、唐等竟能仗義營救脫難，且毅然驅逐歐甲於門外，殆亦洪門本身之種族觀念使然也。

〔致公堂總註冊之失敗〕 孫總理既助唐瓊昌改組大同報，詎知致公堂內容複雜，堂內職員，除三數熱心家外，多半泥守舊習，毫無遠大思想，而各分堂對於總堂之關係，大都陽奉陰違，有名無實，尤以美東各埠爲尤甚，欲恃其籌餉救國，實屬戛戛其難。乃向堂內各職員建議舉行全美會員總註冊之策，略謂在美洪門會員既有十數萬人，若能重新舉行登記，不獨足以鞏固團體，回復威信，且可藉此收集鉅款，爲公堂基金及協助國內同志起義之需。且願親往遊歷各埠，勸告洪門手足同勸義舉。各職員大爲贊成。即請總理起草總註冊章程，並舉總理與黃三德大佬二人出遊各埠，鼓勵進行。總理於是手訂致公堂新章要義及規程八十條，全文已載革命逸史第一集，茲不贅錄。

總理所訂致公堂新章條款最特色者，爲全文中第二條規定「本堂以驅逐韃虜恢復中華創立民國平均地權爲宗旨」一項，不獨開闢古今革命黨人之新生面，且足奠定三民主義之基礎。翌年乙巳（一九〇五年）中國同盟會成立之日，總理首提出入會誓辭之四大綱領，即此

十六字也。洪門之宗旨曰反清復明，爲單純的民族主義，總理乃代添入民權主義之創立民國，及民生主義之平均地權二項，意義高深，殊非思想簡單之致公堂人士所能了解，然堂內各職員急欲徵集全體會員之註冊費，以充公堂基金，故對於新章條文，絕未加以詳細研究，一惟總理之馬首是瞻。又其時公堂財政絕不充裕，關於總理及黃三德二人出遊之長途旅費，亦不能多所供應。因是總理乃出其發售革命軍需債券所得之大部以助成之。甲辰春夏間，總理遂借黃三德出發，取道南方鐵路沿斐士囉、北加非、洛山磯、巴梳斐力士、巴士杰、紐柯連、必珠堡、聖路易、亞蘭達、華盛頓、費城、波地摩、芝加哥等數十城市，以達紐約。每到一處，總理必聚衆演說洪門反清復明乘時救國之宗旨，而黃三德亦必開檯演戲。（洪門稱招收會員拜盟行禮曰開檯做戲）惟是時洪門團體異常散漫，各埠分堂職員身跨保皇會籍者，實繁有徒。雖經總理舌敝唇焦，多方勸諭，而各分堂對於總註冊事，仍屬虛與委蛇，延不舉辦。各埠會員之報名註冊者，寥寥無幾。加以舊金山總堂缺乏相當人材以推行新章使之有效，即總堂本身亦未按照新章條款選舉各部職員，因是總理奔走七八月，慘淡經營，稍獲端緒。而各分堂於總理去後，即已淡然若忘，不復提及登記事宜，此則總堂平日喪失威信有以致之也。總理抵紐約後，以民多閉塞，一時不易生效，遂以註冊事委諸黃三德，而轉回留學

界及國際方面之運動，特自撰一英文告歐美人書，題曰「中國問題之真解決」，外書中文「革命潮」三字，刊印萬冊分贈各國人士。東京日文革命評論及香港中國日報均譯載之。留美學生與總理時相過從，互討論革命政府之外交財政各問題者，有王寵惠、陳錦濤、薛頌瀛諸人。復由大同日報主筆劉成禺之函介，與留歐學生胡秉柯、賀之才、魏宸組、史青、朱和中等通遞信息，胡、賀、魏、史、朱等急欲總理赴歐商談國事。各籌集旅資匯寄紐約，迭促總理早日就道。迄乙巳春間，總理遂由美渡歐，成立我國留學比、法、德、英各國學生之革命團體，至於洪門籌餉革命之成績，直至七年後辛亥廣州黃花岡一役前，馮自由策動加拿大各埠致公堂變產救國，及武漢舉義前三月，舊金山致公堂與同盟會聯合設立籌餉局，始大見收效，是固總理癸卯甲辰兩年間遊美散播種子之力也。

第十一章 中國同盟會補述（續前書第二十五章）

同盟會成立前之革命黨 惠州革命失敗後之孫總理 同盟會之第一次成立會 第二次之選舉大會 國內外支部及分會 丙午年會章之修正 同盟會機關之民報 民報出版後之經過 同盟會成立後之經過 乙丙丁三年會員人名冊

〔同盟會成立前之革命黨〕 吾國革命黨人之提倡逐漸建國，始於興中會，然興中會自庚子（一八九九年）秋，惠州革命之敗挫，及廣州史堅如之謀炸撫署二役以後，黨中健將如楊衢雲史堅如鄭士良黃福諸人先後斲喪，元氣實力爲之大傷。故從庚子秋以至乙巳（一九〇五）夏之五年間，興中會實無如何之軍事動作可言。中間雖有壬寅（一九〇二）除夕洪全福謀在廣州之大舉，其主動人謝繼泰李紀堂均屬興中會員，然究非出於興中會本部所策動，不能謂與興中會有深切關係也。惟我國之留東學界及內地志士，自經庚子惠州革命及唐才常漢口獨立兩役之怒潮所激盪，影響之鉅，得未曾有。計在此時期內國內外志士之組織革命團體者，辛丑年有（一九〇〇）橫濱鄭貫一王寵惠馮自由馮斯樂等之廣東獨立協會，壬寅年有東京章炳麟秦力山等之支那亡國紀念會，及秦毓鎰董鴻禔周宏業等之青年會，上海章炳麟吳敬

恆蔡元培等之中國教育會，癸卯年（一九〇三）有東京葉潤秦範鑾程家樞等之軍國民教育會，及上海章炳麟吳敬恆蔡元培等之愛國學社，雲南臨安周雲祥等之保滇會，甲辰年（一九〇四）有武昌胡蘭亭黃吉亭劉靜菴之日知會，及長沙黃軫馮福益劉揆一等之華興會及同仇會，上海龔寶銓蔡元培陶成章之光復會。此外各地出版之革命書報，東京有譯書彙編國民報、湖北學生界、漢聲、浙江潮、江蘇湖南遊學譯編、二十世紀之支那、太平天國戰史諸種；橫濱有開智錄、新廣東諸種；上海有蘇報、國民日日報、俄事警聞、警鐘日報、二十世紀大舞台雜誌、章炳麟駁康有為政見書、革命軍三十三年落花夢、黃帝魂、清祕史諸種；香港有世界公益報及廣東日報；檀香山有檀山新報及民生日報；舊金山有大同日報；新加坡有圖南日報；緬甸有仰光新報，蓬蓬勃勃，可謂一時之盛。就中各革命團體至乙巳春夏間尚保全相當勢力者，為湖北之日知會，及湖南之華興會，江浙皖之光復會。時距長沙舉義失敗及萬福華鎗擊王之春之獄未遠，各派首領多避地日本，共圖捲土重來之計。願以各派勢均力敵，未能集中力量，合組一大團體，以與清政府抗衡，識者憾焉。

「惠州革命失敗後之孫總理」孫總理自庚子惠州革命一役失敗之後，時往來歐美南洋各地，向僑商及學生鼓吹民族主義，以培養革命種子，且屢與各國政黨有力者磋商協助中國

革命之方法。壬寅冬之遊越南，癸卯秋之遊檀島，甲辰春之遊美國，乙巳春之遊歐洲，均收效甚宏。當癸卯夏由越南抵日時，會與閩粵同志十餘人秘密組織革命軍事學校於東京青山，用意至爲遠大。詎孫總理離日後數月，該校旋以內閣解散。總理時在檀島聞馮自由報告此事，爲之惋惜不置。時馮自由任香港中國日報及美國舊金山大同日報之駐東記者，總理與留東同志傳達消息，概由馮任之。乙巳夏馮得總理在歐德法比英四國成立新革命團體及不日東渡之通信，即以告留東各省同志，莫不欣喜若狂。及是歲六月中旬，舟抵橫濱，東京同志來商進取者大不乏人。時各省同志中負人望者，以華興會領袖黃興（黃軫改名）爲最，孫總理前尙未與之認識，至是始由日人宮崎寅藏介紹黃及宋教仁陳天華等數人與總理相見於東京鳳樂園。黃等對總理備致傾慕，并願率領華興會全體會員與總理合組新革命團體。總理深表贊同。於是決定是月二十八日（陽曆七月三十日）假座東京赤坂區檜町黑龍會會所爲第一次開會地點。孫黃各自通知所識各省同志屆時赴會，此同盟會成立前之大概情形也。

〔同盟會之第一次成立會〕及留東各省革命黨同志第一次集會期屆，與中會員孫總理梁嘉光馮自由三人自橫濱蒞會，各省同志之由黃興宋教仁程家樞等通知到會者，有張繼陳天華田桐董修武鄧家彥吳春陽康寶忠朱炳麟匡一魯魚孫元權道涵張我華于德坤諸人。由馮自由

通知到會者，有馬君武何天燾黎勇錫胡毅生朱少穆劉道一曹亞伯蔣尊簋但懋時功玖謝良牧諸人。由胡毅生帶領到會者，有汪兆銘朱大符李文範張樹楠古應芬金章杜之秋姚禮修張樹棠諸人。由宮崎寅藏通知到會者，有內田良平末永節諸人。計蒞會六十餘人中，與孫總理屬舊相識者，祇程家樞馬君武張繼黎勇錫胡毅生朱少穆馮自由宮崎寅藏內田良平末永節等五人，其餘皆新同志也。時甘肅尚未派學生遊學，故是日到場者有十七省人，獨甘肅一省缺席耳。衆推孫總理爲主席，於是總理詳言全國革命黨各派應台組新團體以從事討虜工作之必要。衆無異議；繼復提議定名爲中國革命同盟會。時有主張用對滿同盟會名義者，亦有謂本會屬秘密性質，不必明用革命二字者。再四討論，卒從後說，確定名稱爲中國同盟會。總理更提議本會宗旨擬規定「驅除韃虜，恢復中華，創立民國，平均地權」，四事爲綱領。有數人於平均地權一節略有疑問。總理乃歷舉世界革命之趨勢及當今社會民生問題之重要，謂平均地權即解決社會問題之第一步方法，吾黨爲世界最新之革命黨，應高瞻遠矚，不當專向種族政治二大問題，必須并將來最大困難之社會問題亦連帶解決之，庶可建設一世界最良善富強之國家云云。演講約一時許，衆大鼓掌，曹亞伯首言我憑良心簽名，全場無異議。黃興倡議公推孫中山先生爲本黨總理，不必經選舉手續，衆咸舉手贊成。卽由總理擬一盟書方式，經衆推

黃興陳天華二人審定。辭句如下：

聯盟人 省 縣人 當

天發誓驅除韃虜恢復中華創立民國平均地權矢信矢忠有始有卒如或渝此任衆處罰

天運乙巳年 月 日 中國同盟會會員

會衆簽署盟書後，總理遂領導各人同舉右手向天宣誓如禮。誓畢，總理謂在幹事會未成立前，衆人盟書暫由我保管，我之盟書則請諸君舉一人保管，衆推黃興任之。旋總理至隔室分別授會員以同志相見之握手暗號，及三種秘密口號。一曰漢人，二曰中國物事，三曰天下事。隨與各會員一一行新握手禮，欣然道喜曰：爲君等慶賀，自今日起，君等已非清朝人矣。語畢，室之後部木板卒然坍塌，聲如裂帛。總理曰，此乃顛覆滿清之預兆。衆大鼓掌歡呼。衆復推定馬君武陳天華宋教仁汪兆銘爲會章起草員，約於下次開會時提出。

〔第二次之選舉大會〕 自第一次開會後，留東各省學生逐日加盟者絡繹不絕。是年七月十三日留學界開大會歡迎孫總理於楚町區富士見樓，蒞會者千三百餘人，後至者多不得入。留學界公然開大會歡迎革命黨首領，前未之聞也。是月中旬同盟會復假赤阪區霞關子爵阪本金彌邸開第二次正式成立大會，阪本邸與清公使館密邇，會員頗有誤投清使館者。是日蒞

會人數三百餘人，首通過會章，次選舉幹事。會章採三權分立制，各部幹事，除總理一職已於第一次開會公推外，餘依會章分別票選，茲錄述所通過會章內之組織大略及各部前後職員姓名如次：

一、執行部 其下分列六部

庶務部 此部職權最重要，總理他適時，以庶務總幹事代行一切，前後任之者凡五人：首任爲黃興，興他適，張繼繼之；繼他適，朱炳麟繼之；炳麟他適，孫毓筠繼之；毓筠他適，劉揆一繼之。揆一任此最久，至辛亥革命爲止。

書記部 首任馬君武陳天華，後以君武赴西京大學，天華旋蹈海死，改任田桐胡衍鴻繼，又添入但燾李肇甫。

內務部 首任朱炳麟，繼匡一，其後事權漸集中於庶務部，此部形同虛設。

外務部 程家樞廖仲愷主之，後以家樞赴北京活動，仲愷亦回國應試，考得七品小京官，此部遂無形取消。

會計部 首任劉維燾，維燾以入瑞隊未就職，謝良牧繼之，良牧歸國，何天炯繼之。

經理部 首任谷思慎，思慎他適，程克繼之，後此部亦同虛設。

二、司法部 判事長，首任鄧家彥。判事張繼何天瀚，檢事宋教仁。此部以任事諸人先後歸國，一年後漸無形取消。

三、評議部 議長汪兆銘，議員田桐曹亞伯馮自由梁慕光胡行鴻董修武范治煥張樹枬熊克武周來蘇但懋辛朱大符吳崑胡瑛康寶忠吳鼎昌于德坤王琦。此部以各議員先後歸國者衆，一年後漸同虛設。

此外留東各省會員亦各就本省會員中舉出一人爲本省分會長，專司本省留學界之入會主盟事務，茲錄各省分會長前後姓名如左：

直隸：張繼，繼他適，杜義繼。

河南：杜潛，繼會昭文。

湖北：時功玖，繼張昉，繼陳鎮藩。

湖南：仇式匡，繼黃興，繼劉揆一。

廣東：何天瀚，繼何天炯。

四川：丁厚扶，繼張治祥，繼黃樹中。

陝西：康寶忠，繼趙世鈺。

山東：徐銳心，繼丁維汾。

安徽：吳春暘，繼高蔭祖。

上海：蔡元培。

江西：鍾振川，繼張世膺。

福建：林時瑛

貴州：平剛

雲南：呂志伊

廣西：劉輻，繼盧汝翼，繼會彥。

山西：王蔭濤，繼榮福桐，繼榮炳。

江蘇：高劍公，繼章梓，繼陳劍虹，繼張魯

浙江：秋瑾，繼陶成章。
香港：陳少白，馮自由，李自重。
新加坡：陳楚楠，張永福。

〔國內外支部及分會〕 同盟會既成立，孫總理於是年八月十日首派馮自由、李自重至香港組織香港澳門及廣州各地分會，次依吳春暘之推荐，派蔡元培任上海分會長。其他各省區亦先後派員組織分會或相當機關。國外分會成立者，以歐洲比法德英四國留學界爲最早，蓋當是年春總理遊歐時，先自成立革命黨團，僅名稱未定耳。越南各埠分會成立於乙巳年冬，以河內爲總匯。南洋英荷兩屬各分會最先成立者爲新加坡，以總理居其地久，且屬交通孔道，各埠分會均附屬之。至戊申年（一九〇八）秋，更擴充爲南洋支部，以胡漢民任支部長，暹羅分會在南洋組織最晚，至戊申年冬孫總理親往聯絡始告成立。香港分會責任最重，自馮自由任分會長後，丁未年四月潮州黃岡及惠州七女湖之發難，五月劉思復在廣州謀炸李準之經營，九月惠州汕尾運械之佈置，皆香港分會直接指揮之。及己酉年（一九〇九）冬，胡漢民自南洋蒞港，始別組南方支部，將軍務黨務劃分爲二，以後軍務及南方各省黨務由南方支部主持之，香港分會則專任香港黨務。故庚戌新正廣州新軍之役乃發動於南方支部，香

港分會不與焉。美國分會成立於庚戌正月初，由香港分會派李是男至舊金山負責籌備，至孫總理親遊北美始舉行開幕式。加拿大分會亦成立於庚戌年（一九一〇）冬，蓋是年夏馮自由應雲高華埠大漢日報之聘，乃着手組織。辛亥三月廿九，黃花岡之役，以加拿大黨人捐款為最鉅，此舉大有力焉。菲律賓分會成立於辛亥（一九一一）春夏間，是為香港會員李其至小呂宋號召該處同志組織者。其他澳洲及南中美各國華僑有志者，雖與國內同盟會員時通消息，助餉不少，然以乏人主持之故，至辛亥革命以前，仍未有分會之組織也。及辛亥春，黃興自香港派譚人鳳至滬，與宋教仁陳其美等組織中部同盟會，策動長江沿岸諸省革命工作，是年八月，遂有武昌義師之崛起。

〔丙午年會章之修正〕 同盟會總章於乙巳年七月開第二次大會時已由起草員提出通過。及翌年丙午四月十三日重加修正公佈。照錄如下：

中國同盟會總章（丙午四月十三日改訂）

第一條 本會定名為中國同盟會。設本部於東京。設支部於各地。

第二條 本會以驅除韃虜恢復中華創立民國平均地權為宗旨。

第三條 凡願入本會者須遵守本會定章。立盟書。繳入會捐一元。發給會員憑據。

第四條 凡各地會員盟書均須交至本會收存。

第五條 凡國人所立各會黨，其宗旨與本會相同願聯爲一體者，概認爲同盟會會員，各繳入會捐一元，一律發給會員憑據。

第六條 凡會員皆有實行本會宗旨擴充勢力介紹同志之責任。

第七條 凡會員皆得選舉被選舉爲總理及議員及各地分會長；被指任爲執行部職員及支部部長。

第八條 本會設總理一人，由全體會員投票公舉，四年一次，但得連選連任。

第九條 總理對於會外有代表本會之權。對於會內有執行事務之權。節制執行部各員。得提議於議會并批駁議案。

第十條 執行部設庶務內務外務書記會計調查六科。庶務內務外務會計每科職員各一人。書記科職員無定數。調查科設科長一人。科員無定數。各科職員均由總理指任。并分配其權限，但調查科員由總理與該科長指任。

第十一條 議事部議員由全體會員投票公舉。以三十人爲限。每年公舉一次。

第十二條 議事部有議本會規則之權。

第十三條 凡選舉總理及議員。以本部當地爲選舉區。

第十四條 凡在本部當地之會員。有擔任本部經費之責。

第十五條 本部當地之會員。得按省設立分會。公舉會長。但須受本部統轄。

第十六條 本會支部。於國內分五部。國外分四部。皆直接受本會之統轄。其區畫如左。

國內之部

西部——重慶——四川、貴州、甘肅、新疆、西藏。

東部——上海——江蘇、浙江、安徽。

中部——漢口——湖北、湖南、江西、河南。

南部——香港——廣東、廣西、福建、雲南。

北部——烟台——山東、山西、直隸、陝西、蒙古、東三省。

南洋——新嘉坡——英荷屬地、及緬甸、安南、暹羅。

歐洲——比利時京城——歐洲各國。

美洲——金山大埠——南北美洲。

檀島——檀山大埠——檀香山羣島。

第十七條 各支部皆須遵守本部總章。其自定規則。須經本部議事部決議。總理批准。方得

施行。

第十八條 各支部皆設部長一人。由總理指任。

第十九條 各支部當地會員有擔任該支部經費之責。

第二十條 各支部每月須報告一次於本部。

第二十一條 各支部及其所屬分會會員盟書及入會捐一元。皆由支部長繳交本部。換給會員憑據。轉交本人收執。

第二十二條 各地分會皆直接受其支部之統轄。

第二十三條 各分會會長由該分會會員選舉。

第二十四條 總章改良。須有會員五十人以上。或議員十人以上。或執行部提議於議事部。經議事部決議後。由總理開會修改之。

〔同盟會機關之民報〕 同盟會初擬發刊一機關雜誌，爲宣傳主義之木鐸，宋教仁田桐白逾桓等願取消所辦「二十世紀之支那」月刊，與新黨報合併，衆贊成之。并定名民報。其第一號於是年十月廿一日在東京牛込區新小川町二丁目八番地出版。發刊辭出孫總理手撰，文中首揭繫民族民權民生三大主義，極爲透闢，是爲此三大主義名詞之新發見，蓋以前世人

從未聞有民生主義之新名詞也。是報先後任撰述者，有陳天華汪兆銘胡衍鴻朱大符宋教仁章炳麟劉光漢但素黃侃湯增璧汪東諸人；先後充庶務幹事者，有董修武何天炯黃樹中鄧慕韓吳崑魯魚張我華諸人。出版未一月，值日本文部省頒佈取締留學生規則，留學界大憤激，陳天華於十一月十二日憤投大森海灣自殺。以是同盟會員中亦分歸國辦學及忍辱留學之二派，結果卒爲後說所勝。民報因學潮延期一月，第二號至十二月廿五日始繼續出版。茲錄其第一號發刊辭原文如次：

近時雜誌之作者亦夥矣，誇詞以爲美，聳聽而無所終，摘植索塗，不獲則反覆其詞而自惑，求其斟時敵以立言，如古人所謂對症發藥者，已不可見，而況夫孤懷宏議，遠矚將來者乎。夫繕葺之道，與羣俱進，而擇別取捨，惟其最宜。此羣之歷史既與彼羣殊，則所以披而進之之階級，不無先後進止之別。由之不貳，此所以爲輿論之母也。予維歐美之進化，凡以三大主義：曰民族、曰民權、曰民生。羅馬之亡，民族主義興，而歐美各國以獨立。洎自帝其國，威行專制，在下者不堪其苦，則民權主義起。十八世紀之末，十九世紀之初，專制仆而立憲政體殖焉。世界開化，人智益蒸，物質發舒，百年銳於千載，經濟問題繼政治問題之後，則民生主義躍躍然動。二十世紀不得不爲民生主義之擅場時代也。是三

大主義皆基本於民，遞嬗變易，而歐美之人種皆治化焉。其他施維於小己大羣之間，而成為故說者，皆此三者之充滿發揮而旁及者耳。今者中國以千年專制之毒而不解，異種殘之，外邦逼之，民族主義民權主義殆不可以須臾緩。而民生主義歐美所慮積重難返者，中國獨受病未深而去之易。是故或於人爲既往之陳迹，或於我爲方來之大患，要爲繕吾羣所有事，則不可不并時而弛張之。嗟乎，所跼卑者，其所視不遠，遊五都之市，見美服而求之，忘其身之未稱也。又但以當前者爲至美，近時志士，舌敝唇焦，惟企強中國以媲歐美。然而歐美強矣，其民貧困。觀大同罷工與無政府黨社會黨之日熾，社會革命其將不遠；吾國縱能媲美歐美，猶不能免於第二次之革命，而況追逐於人已然之末軌者之終無成耶。夫歐美社會之禍，伏之數十年，及今而後發見之，又不能使之遽去。吾國治民生主義者，發達最先，觀其禍害於未萌，誠可舉政治革命，社會革命，畢其功於一役。還視歐美，彼且瞠乎後也。鑒我祖國，以最大之民族，聰明強力，超絕等倫，而沈夢不起，萬事墮壞，幸爲風潮所激，醒其渴睡，且人羣之間，奮發振強，精勵不已，則事半功倍，良非誇慢。惟夫一羣之中，有少數最良之心理，能策其羣而進之，使最宜之治法，適應於吾羣；吾羣之進步，適應於世界，此先知先覺之天職，而吾民報所爲作也。抑非常革新之舉

說，其理想輸灌於人心，而化為常識，則其實行也近，吾於民報之出世覘之。

「民報出版後之經過」 民報出版至第五號，適章炳麟於丙午年（一九〇六）六月廿九日在上海監禁期滿出獄，同盟會本部預派時功玖龔繼百化亮胡國樑等至滬歡迎。民報自第六號起，改推炳麟為總編輯。七月十五日，留學界開大會於神田錦輝館歡迎之。十月二十日，民報同人更開一週年紀念會於錦輝館，蒞場者六千人，為留學界空前之盛會。黃興主席，章炳麟讀祝詞，詞見前文不贅。

散會時，各饒民報紀念特刊「天討」券一枚。是日孫總理演說詞，始闡明民生主義及五權憲法。梁啟超因此在新民報對民生主義大肆抨擊。民報與之筆戰經年，至十九號乃止。及戊申年七月刊至第二十四號，適清政府謀與美國締結盟約；同時駐日清公使乘機向日政府交涉，以封禁民報為請。日政府應中美同盟之成，足以妨害己國利權，竟從清吏所求以媚之，遂強加民報以提倡無政府主義擾亂社會治安等罪名，下令封禁，并沒收是期刊物。黃興章炳麟宋教仁等乃委托宮崎寅藏代延律師抗爭，不勝，因謀將民報遷往美國出版。黃章宋三人赴美護照已由美人宣教師某設法取得，旋因有他項計畫，終不果行。民報停刊後二年，胡漢民汪精衛等於己酉年（一九〇九）十二月，以法國巴黎濮侶街四號總發行所名義繼續出

版，實則仍在日本祕密印刷，僅出兩期，至第二十六號而止。

〔同盟會成立後之經過〕 同盟會成立後一年丙午，孫總理黃興章炳麟等更編制革命方略，由本部頒布各省實行員，使於義師發動時有所準繩。由是國內各省及海外各埠機關林立，人心歸附，如水之就下，黨勢日見發展。清廷大爲恐慌，乃令駐日公使楊樞向日政府交涉，要求驅逐孫總理出境。日政府爲取媚清會計，卒密令總理離日，并餽總理以贍儀數千元，藉示好感。總理不得已從之。遂於丁未正月二十日赴南洋籌畫兩粵軍事。詎離日未久，會員章炳麟張繼宋教仁譚人鳳田桐白逾桓日人平山周等，對於總理未經衆議而遽受日人贍金事，大起非議。及潮惠欽廉軍事相繼失利，反對者益衆。獨庶務劉揆一顧全大局，力排衆議，嘗因此事與張繼互相毆打。其後劉光漢復提議改組本部案，且援引日本社會黨員北輝次郎和田三郎二人充任本部幹事。亦以劉揆一反對而止。時揆一以黨內糾紛日甚，乃移書香港馮自由胡漢民，請勸告總理，使向東京本部引咎謝罪，以平衆憤，且引萬方有罪罪在一人之古語爲譬。馮胡亦爲所動，因聯名函請總理採納是議。詎總理得書後，謂諸同志皆熱血青年，在無事時自不免易生事端，此種黨內糾紛，惟事實足以解決，絕無引咎之理由可言。未幾鎮南關河口相繼發難，留京黨員紛紛歸國，反對之聲始漸沈寂。蓋是時同盟本部之職權，

事實上實隨總理之所在地爲轉移，而總理之所在地，即爲革命軍大本營之所在地。未春至戊申春，駐節河內，及戊申己酉兩年駐節新加坡，此兩地即無異革命軍大本營之所在地也。己酉秋，總理由新加坡遷居檳榔嶼，旋赴美國。庚戌正月在舊金山成立駐美同盟會，始將入會誓辭改作「驅除韃虜清朝創立中華民國實行三民主義」之十八字，然此項新誓詞僅於美國一隅用之，國內外各地黨部固始終未得接修改誓詞之通告也。是歲春總理自美抵日本，爲清代理公使吳振麟所知，因請日政府拒絕總理入境，故總理到東未久，日政府即下逐客令。總理不得已仍渡南洋，旋召集黃興趙聲胡漢民諸人至檳榔嶼，規畫廣州大舉。定策後，總理乃再遊美國及加拿大，與馮自由李是男等籌集餉糈，是爲辛亥三月黃花岡之役。是役失敗後，總理復至舊金山召集致公堂職員及同盟會會員合組洪門籌餉局，以爲籌集義款之總樞紐，此舉於辛亥各省義師之發動，及廣州轟炸事件之迭起，至有力焉。在庚戌辛亥之二年間，東京同盟會本部之重要職員仍爲劉揆一何天炯諸人，及武昌革命軍起，各省踵之。留東黨人乃紛紛內渡，參加實行工作，而民國遂以告成。於是乎同盟會黨綱之三大主義，形式上乃畢其二焉。獨惜附義諸人於開國後，多未能克踐同盟誓言，漸濡染官邪，惟權利享樂是務，卒致內亂紛乘，外患迭見，殊不足以對孫總理及殉義諸先烈耳。

〔乙丙丁三年會員人名冊〕 同盟會會員盟書照章應由東京本部保存。惟以保守秘密關係，各支部及分會得因時制宜，自行設法保存，以免失漏。或因軍事秘密，得由負責之主盟員隨時燬滅之。例如香港廣東廣西之會員盟書由香港分會長馮自由密藏於綠豆屑之枕袋中，藉避警察搜查。及庚戌正月廣州新軍一役，倪映典於事前將加盟兵士盟書秘密盡付一炬等類是也。東京本部所藏會員盟書向由庶務劉揆一保管，乃貯存於某日本銀行之保管庫中。辛亥秋武昌革命軍起，揆一匆匆返國，以保管庫鑰匙交何天炯保管，未幾天炯亦返國，遂毅然將各盟書全部燬滅，僅保存立黨初期乙巳丙午丁未（民前五六七年）三年會員人名冊一本。至戊申己酉庚戌辛亥（民前一二三四年）四年之人名冊，則已散失無存，誠屬憾事。民國後天炯隱居興甯故里多載，死後所藏同盟會初期三年會員人名冊幸未遺失，其介弟騰障於民十七年九月由鄉居抄寄中央黨史編纂委員會，冊內所列姓名共計九百六十人。照錄如左：

安徽省

程家樞 徽州府休寧縣
盧鏡寰 穎州府阜陽縣

李衡 鳳陽府壽州縣
倪時渡 安慶府桐城縣

劉松甫 穎州府霍邱縣
韓世英 鳳陽府懷遠縣

權道涵 鳳陽府壽州縣
時素儂 鳳陽府壽州縣

江西省

楊立奎	鳳陽府
鄧履貞	懷遠縣
謝家鴻	安慶府
張維同	懷遠縣
鄭瑞當	無爲縣
傅家珍	桐城縣
段雲	桐城縣
朱菱溪	巢縣
孫方瑜	壽州縣
孫允珩	壽州縣
李德瑚	壽州縣
王天培	合肥縣

張石泉	壽州縣
吳亞男	廬江
吳弱男	廬江
楊弼	阜陽
謝壽樞	合肥
孫竹丹	壽州
孫毓筠	壽州
潘贊化	桐城
高蔭藻	合肥
裴豫祥	壽州
夏道師	和州
吳炎世	廬江
石林	鳳陽

孫榮	鳳陽
吳春生	合肥
王善達	合肥
吳春陽	合肥
劉光沂	巢縣
殷葆田	合肥
朱成勳	經縣寄
劉家敬	籍四川
俞旭	懷遠
汪珏	壽州
萬偉怡	壽州
方漢城	桐城
石文彬	壽州

孫樺	壽州
程恩普	阜陽
張匯滔	壽州
黃璧	壽州
段志超	懷遠
李乾瑣	壽州
張樹榮	鳳陽
管葛	壽州
周龍光	鳳陽縣
王盛銘	懷寧縣
趙宋卿	宿州
孫樺	壽州
牛克部	壽州

黃鐸 清江縣
曾貞 吉水

陳榮恪 義寧
張華飛 德化

張惟聖 南昌
鄧文輝 峽江

李烈鈞 武寧
鍾大羣 萍鄉

廣西省

楊衡 藤縣

萬武 昭平

朱金鏗 桂平

鍾秀杰 柳州

封高萬 容縣

姚芳榮 桂平

藍德牛 潯州

林蒂楨 柳城

鄭惠銘 桂平

陸汝援 容縣

曾龍章 桂平

鄧鴻緒 歸順

陳志 容縣

黃愛存 容縣

曾彥 歸順

劉燭 容縣

陳漢剛 容縣

封祝椿 容縣

歐冕 藤縣

凌羣 歸順

蒙衡 藤縣

封承理 容縣

鄧家彥 臨桂

陳渡生 容縣

江鑑清 桂平

李覺天 容縣

林熙奎 容縣

蔣敦世 修仁

黃紹原 容縣

李但英 容縣

陳仙石 藤縣

陳思詳 平南

黃紹享 容縣

譚鸞翰 桂平

嚴端 昭平

陳世芳 容縣

蒙誕 藤縣

馬君武 臨桂

劉屹 容縣

梁漢生 容縣

封祝森 容縣

盧汝翼 潯州

蘇壽松 象州

貴州省

于德坤 貴筑縣
平剛 貴陽

陳學釗 思南
王孝燭 大定

朱沛霖 龍里
蒲劍 貴筑

保衡 興義
漆連鈞 貴筑

浙江省

陶成章 號煥 會稽
龔國光 號味 秀水

沈鳴公 嘉善
金葆澹 平湖
蔣尊簋 諸暨

秋競雄 山陰
朱泉 縉雲
闕麟青 麗水

李定 縉雲
孫紹基 山陰
章炳麟 餘杭

汪汝琪 烏程
陳雄州 勤縣

蔡子民 山陰
俞爲民 鎮海

李越凡 縉雲
朱曜 仁和

王凱成 錢塘
樊翀 縉雲

陝西省

康保忠 漢固縣

潘國羣 三原

井勿幕 蒲城

千右任 三原

河南省

曾昭文 光山縣
杜君然 汲縣

劉基炎 光山
閻鐵生 新蔡

李錦公 商水
陳慶明 延津

劉積學 新蔡
湯會慰 祥符

張鶚翎 榮陽

江蘇省

李芭 華亭

汪公權 儀徵

高劍公 金山

汪東 元和

錢兆湘 武進

朱少屏 上海

龔樹威 江陰

葉其光 青浦

黃的 通州

殷維年 奉賢

湖北省

何炬新 蘄水縣

傅越 江寧

朱經 寶山

張家珍

李遂良 嘉定

翁志清 上海

黃勒 上海

華陰業 無錫

莊正貴 奉賢

柳人權 吳江

張魯 柳婁

錢醒之 奉賢

姚文馨 華亭

吳鑄 華亭

朱鐵俠 華縣

何東 婁縣

朱任 婁縣

朱光漢 華亭

夏大 南匯

倪金剛 華亭

陳劍虹 金山

鍾英 華亭

張澎號 婁縣

顧光號 婁縣

王汝試 江都

張爵號 上元

宋珪號 青浦

允中

盧保衡 蘄水縣

湯偉強 蘄水縣

李悍載 蘄水縣

張炳標	漢陽	馬志道	江夏	周復	羅田	夏炎甲	黃陂	汪鴻藻	江夏	張棟臣	漢縣	李唐	潛江	黃愷元	東湖	張昉	雲夢	彭道成	興山	劉章侯	長陽	中國炬	京山	高鼎助	武昌	吳德薰	黃陂
-----	----	-----	----	----	----	-----	----	-----	----	-----	----	----	----	-----	----	----	----	-----	----	-----	----	-----	----	-----	----	-----	----

王兆祥	歸縣	白逾桓	天門	姜維藩	襄陽	陳乾	蕪州	熊廉泉	天門	陳裕時	東湖	居毓松	廣濟	王澄清	沔陽	李佐武	沔陽	金玉振	沔陽	陳謨	興國州	吳道南	廣濟	蕭鍾晉	興國州	吳國煌	崇陽
-----	----	-----	----	-----	----	----	----	-----	----	-----	----	-----	----	-----	----	-----	----	-----	----	----	-----	-----	----	-----	-----	-----	----

楊禎祥	東湖	時功玖	枝江	耿觀文	安陸	涂宗武	羅縣	余中勉	麻城	劉華	黃安	王觀海	江夏	王震東	江夏	魯魚	嘉魚	石志泉	孝感	江華本	武昌	何焜閣	蕪水	畢惠康	蕪水	朱公勇	江陵
-----	----	-----	----	-----	----	-----	----	-----	----	----	----	-----	----	-----	----	----	----	-----	----	-----	----	-----	----	-----	----	-----	----

但焱	蒲圻	馮一	江夏	劉貞一	潛江	曹亞伯	興國州	周煊	江夏	陶鳳集	南漳	葉佩薰	羅田	王家駒	隨州	蔣作賓	應城	李仲達	黃岡	劉通	黃州	劉一清	江夏	李叶乾	黃梅	范熙績	黃陂
----	----	----	----	-----	----	-----	-----	----	----	-----	----	-----	----	-----	----	-----	----	-----	----	----	----	-----	----	-----	----	-----	----

許偉	羅田	聞德瑤	襄縣	劉樹湘	襄縣	張仲文	黃岡	周尙赤	沔陽	吳嶠	黃岡	呂嘉榮	黃岡	邱晦奇	襄陽	馬伯援	襄陽	姜飛龍	襄陽	張光黃	襄陽	張軫	安陸
----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	----	----

山東省

陳鎮藩	安陸	石玠	黃安	田桐	蘄州	匡一	羅田	高礪生	武昌	李翰昌	天門	周繩庚	儀川	劉鵬	又名黃安	駱繼漢	襄陽	陳再興	東湖	王利用	襄陽	宋開先	天門
-----	----	----	----	----	----	----	----	-----	----	-----	----	-----	----	----	------	-----	----	-----	----	-----	----	-----	----

任效文 滌縣

張亞英	天門	范騰霄	利川	陳曾	號孝通	陸縣	劉棻	號伯英	黃安	陳培復	安陸	陳家穎	安陸	藍樹鼎	黃陂	詹廷雲	蘄州	彭漢道	廣濟	許光棟	羅田	時功璠	號仲華	枝江
-----	----	-----	----	----	-----	----	----	-----	----	-----	----	-----	----	-----	----	-----	----	-----	----	-----	----	-----	-----	----

于聲翰 萊陽

馬遇臯	號東翹	天門	張焯	雲夢	劉先振	鍾祥	郭貽青	安陸	朱嘉蔚	蘄州	張煥華	蘄州	張步蟾	蘄州	曾中江	天門	江應蟾	蘄州	羅潔	羅田	葉于蘭	河南	江夏	商城
-----	-----	----	----	----	-----	----	-----	----	-----	----	-----	----	-----	----	-----	----	-----	----	----	----	-----	----	----	----

李廷玠 滌縣

趙廷璽	交密	左汝霖	萊陽	冷國貞	招遠	冷永貞	同上	于敦復	文登	李善	嶧縣	許衍灼	日照	孫家駒	平度	吳鴻襄	同上	張映竹	河澤	彭占元	濮州	周廷弼	壽光	徐鴻林	平度
-----	----	-----	----	-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----

湖南省

胡祥林	陵縣	張履廷	濰縣	邱肄三	同上	袁溥	曹縣	丁惟汾	日照	戚守章	文登	陳命官	蓬萊	王善謨	濰縣	孫學悟	文登	崔文桐	臨淄	戚雲龍	文登	于鴻儀	萊陽	鄧文翰	濰縣
-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----

郭玉基	益都	吳懷文	濰縣	劉履文	曹縣	齊樹堂	濰縣	姜執中	蓬萊	苗祖蔭	黃縣	周召南	黃縣	徐文炳	同上	宋紹唐	河澤	趙鍾先	黃縣	王金壽	同上	梁鍾奎	棲霞	謝鴻燾	同上
-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----

舒元馨	福山	傅元昌	壽光	楊佩文	臨淄	陳保三	同上	徐鏡古	黃縣	徐鏡心	同上	劉星楠	清平	韓德凝	濮州	呂秀文	同上	趙國璧	泰安
-----	----	-----	----	-----	----	-----	----	-----	----	-----	----	-----	----	-----	----	-----	----	-----	----

程楷	江宥	蕭錫齡	凌儀	李芳	李蔚	張恥	張伯純	史習禮	何震寰	陶慕堯	陳折清	楊勉之	康業絲
新甯	平江	湘鄉	平江	平江	平江	平江	湘鄉	長沙	長沙	長沙	邵陽	會同	慈利

童俊	尹祚乾	李懷亮	龔鍊百	陳方度	陽晃鱗	姚洪業	劉誼	袁公誠	田應全	禹源	魯誠	田蘭亭	廖秉衡
寧鄉	芷江	同上	湘鄉	湘鄉	醴陵	益陽	同上	邵陽	鳳凰	靖州	桃源	芷江	甯鄉

黃興	郭先本	余範傳	曾繼梧	陳天華	陳猷龍	羅良鐸	楊紀彪	仇式匡	仇壯瀛	余信芳	劉堯徵	楊紀肅	周志伊
善化	常寧	長沙	新化	新化	桃源	善化	寧遠	同上	湘陰	龍陽	武陵	寧遠	同上

熊兆周	成崑	宋式善	柳剛	柳揚谷	高兆奎	鄒毓奇	周詠曾	宋教仁	李峻	陶鎔	劉道一	張夷	姚越
安鄉	寧鄉	長沙	長沙	長沙	新化	新化	新化	桃源	寧遠	巴陵	衡山	南州廳	邵陽

楊寶泰	舒翰祥	湯松	張楚傑	李鈞聲	吳琢保	宋運清	吳景鴻	胡瑛	張鎮衡	郭家偉	林鳳游	范治煥	楊傑
長沙	長沙	長沙	辰州	慈利	慈利	保靖	桃源	桃源	新化	長沙	長沙	長沙	芷江

張秀鍾	易本義	黃昌溶	姚小琴	李鈺	劉家正	楊仲良	余世泗	張經華	吳超澄	楊時霖	劉馥	陳廷柱	周晉州
芷江	湘鄉	善化	慈利	桃源	芷江	醴陵	巴陵	湘鄉	寧鄉	瀏陽	邵陽	新化	新化

禹之謨	唐公哲	張天宗	曾廣軾	林貞幹	唐支廈	謝寅杰	丁洪海	陳家鼎	梁鑒	鄧恢宇	陳嘉祐	王麟	周邦柱
湘鄉	同上	邵陽	新化	同上	湘鄉	同上	醴陵	寧鄉	邵陽	寧鄉	湘鄉	醴陵	寧鄉

鄭先聲	李杜韓	向忠勤	楊紀鈺	楊篤生	李果	梅尉南	周召期	甯調元	唐公懋	陳惠	羅英	王邦吉	夏政
長沙	寧遠	邵陽	寧遠	長沙	邵陽	同上	寧鄉	醴陵	同上	邵陽	同上	同上	寧鄉

張朝甲	庾荷生	傅定祥	陽光球	何陶	劉彥	蕭翼焜	張昭漢	張宏楚	潘昉	李燮和	黃覺生	廖贊鈞
保山	他郎	湘鄉	同上	同上	同上	醴陵	同上	湘鄉	醴陵	安化	善化	醴陵

雲南省

呂志伊	張緬蘭	鄧澤	胡國梁	喻義	方筆祺	袁演	劉虞	楊時亮	吳孫懿	文太炎	文國陶	王峯
思茅	石屏州	湘鄉	湘陰	同上	平安	同上	邵陽	寧鄉	長沙	善化	善化	寧鄉

殷飛雲	楊振鴻	曠若谷	劉澤湘	陽紹城	陽鐵樵	張岡鳳	李大倬	伍任鈞	何維榛	覃振	劉梅	廖德璠
曲靖	昆明	醴陵	同上	同上	同上	醴陵	安化	新化	道州	桃源	同上	醴陵

羅振	張開儒	文俊勛	朱滋茅	周之漢	王延祉	畢同	彭驥	黃元勛	張漢英	文標押	張萬照	李發祥
徵江	巧家廳	醴陵	桂陽	湘陰	長沙	邵陽	醴陵	瀘溪	同上	醴陵	同上	同上

李純禧 寧江

郝安仁 千崖

姜震寰 廣西州

葉蔭華 順寧

李伯庚 大和

郝衍 同上

趙蒲生 順寧

李根源 勝越

王鏡淵 大和

黃去病 景東

蘇之傑 普洱

馬標 浪穹

唐銀 東川

福建省

王孝穎 閩縣

林宗素 侯官

王保民 侯官

黃大復 長樂

林時埭 侯官

顏漢琬 澄海

陳揚鑣 字雄飛 同上

李恢 侯官

鄭烈 侯官

施明 侯官

直隸省

張繼 滄州

張銳韜 冀州

李立木 曲陽

王德涵 蠡縣

張文欽 武邑

李保震 武邑

李賢正 贊皇

李煜瀛 高陽

杜義 靜海

王裕德 定州

劉幾王 獲廣

李克廉 正定

趙魁章 保安

華世中 天津

孫松齡 蠡縣

樊瑛 保安

谷鍾英 定州

姜韜 南宮

丁開嶂 遵化

周之屏 蠡縣

王魁元 正定
 稱廉卿 東廣
 谷鍾瑤 定州
 孫殿斌 東廣

廣東省

黎勇 高要
 朱少穆 南海
 區金鈞 南海
 馮自由 南海
 黃超如 嘉應
 謝延譽 同上
 蕭幼梅 香山
 郭健霄 潮陽
 羅應鑒 興甯

車鉞 通州
 張仲山 清苑
 陳兆雲 蠡縣
 靳錫璜 武昌

陳輝 潮州
 陳權 順德
 陳煒 新會
 李勒 嘉應
 鄧慕韓 三水
 梁慕光 歸善
 何汝倫 高要
 林君復 香山
 陳大我 番禺

金之錚 祁州
 張育麟 清苑
 李培琛 高陽
 趙師杜 祁州

陳仁任 嘉應
 鍾奇 惠州
 黃景訥 新寧
 黃鐵膺 鶴山
 李華偉 嘉應
 陳志凱 同上
 李天麟 同上
 溫士珪 同上
 龍裔禧 連州

張盡臣 正定
 趙連璧 東廣
 任文毅 大興

林清泉 新會
 梁笙圖 嘉應
 李仰輝 鶴山
 何法 南海
 何轟 同上
 鄭壽 同上
 何卓麟 大埔
 謝延美 嘉應
 杜上德 登縣

林復	登縣	劉維濂	興甯	李定區	同上	陳仲偉	新會	潘襄伯	開平	關乾甫	南海	江譽聰	南海	鄭拜言	番禺	胡鵬鴻	同上	廖仲愷	歸善	謝延和	嘉應	謝延惠	同上	劉立萃	興甯	陳冠倫	東安
----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----

何香凝	南海	何穀	同上	何斌	同上	饒真	嘉應	盧景	海陽	李蔭區	興甯	謝元驥	嘉應	李敬熙	同上	梁揆通	同上	張舒夏	香山	劉思復	香山	李君舉	香山	何鐵萃	興甯	劉越杭	香山
-----	----	----	----	----	----	----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----

張傳霖	香山	蕭楚碧	香山	姚東若	番禺	金章	同上	汪兆銘	同上	古應芬	同上	杜之秋	南海	李文範	南海	朱大符	番禺	張樹楠	同上	何天炯	興甯	廖冰筠	歸善	張宗銘	長樂	彭載	嘉應
-----	----	-----	----	-----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----	----	----

魏漢傑	長樂	陳福堃	長樂	張麗州	同上	張作羣	同上	朱宗顯	新寧	李漢裔	鶴山	張仲安	長樂	邱君毅	鎮平	陳海倒	鎮平	謝建	嘉應	何天翰	興寧	何慎其	同上	游卓明	同上	曾糾伯	嘉應
-----	----	-----	----	-----	----	-----	----	-----	----	-----	----	-----	----	-----	----	-----	----	----	----	-----	----	-----	----	-----	----	-----	----

古 藻 同上
侯旨約 同上
黃卓明 三水
余鴻源 嘉應
鍾 奇 長樂

山西省

張呈祥 趙城縣
趙戴文 五台
李 蓁 寧武
丁玟牛 同上
井介福 襄陵
崔 潮 趙城
榮福桐 大谷
溫壽泉 洪洞

張 煊 大埔
陳 新 同上
何 成 興甯
古亮初 嘉應
李少達 同上

喬 照 太原
張 瑜
閻錫山 五台
榮 炳 曲陽
王用賓 猗氏
何 澄 靈石
谷田慎 寧武
王蔭藩 汾陽

郭公接 大埔
陳漢思 香山
楊頌旭 新會
高 崙 番禺
黃霄九 新會

李掄藻 趙城
王建基 五台
李大魁 洪洞
楊泰巖 五台
李栖鵠 五台
趙子祁 五台
徐掄元 五台
邢殿元 定襄

黎 光 新會
聶益芝 新會

趙三成 五台
景定成 安邑
賀炳煌 定襄
孫宗武 襄垣
齊通海 定襄
梁定錫 定襄
趙良臣 忻州
石 瑩 同上

許之翰 同上

景蔚 荷氏

胡尼剛 蒲鄉

張桂書 浮山

梁際蓉 同上

徐翰文 五台

余欽烈 大同

吉麟定 絳州

解榮輅 萬泉

徐宗勉 五台

劉縣訓 猗氏

焦純禮 忻州

楊天章 平遙

白映斗 五台

閻應台 鄉寧

蘭燕桂 河津

王炳潛 崞縣

齊玉璽 定襄

張之件 榮河

劉景華 絳州

焦演 忻州

王平政 解州

靳桂林 汾陽

福建省

陳文通 海澄

尤世珍 南安

王清 同安

以上在吉隆坡進會

越南河內

李余芳 雲南

趙運元 雲南

張翼樞 湖南

鄭敬 同上

張邦翰 雲南

徐源 雲南

吳傳聲 貴州

文寶奎 雲南

樂於德 雲南

羅錚 廣東

見雲南

蒙化

南海

四川省

鄧鴻基	廣安州	丁厚扶	榮縣	向榮	廣安	周代	廣安	鄧貢川	永川	袁士信	江津	黃石書	永川	朱棧華	江津	曹鍾樹	同上	皮學淵	永川	黃樹中	隆昌	童憲章	巴縣	吳鼎昌	華陽
-----	-----	-----	----	----	----	----	----	-----	----	-----	----	-----	----	-----	----	-----	----	-----	----	-----	----	-----	----	-----	----

藍永藩	蓬州	陳道循	隆昌	吳洪恩	忠州	蕭達皆	成都	劉鴻達	華陽	瞿鳳儀	成都	陳崇功	巴縣	劉紫駿	彭縣	許行樸	巴縣	謝奉琦	榮縣	張邦傑	仁壽	周炯伯	資州	胡樹文	榮縣
-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----	-----	----

但茂辛	榮縣	李肇甫	巴縣	劉可經	巴縣	鄧絜	平山	曾上泉	井研	王綺昌	井研	裴鋼	成都	謝光顯	綏州	董修武	巴州	熊克武	井研	喬澍	新都	李正熙	雅州	陳灃	隆昌
-----	----	-----	----	-----	----	----	----	-----	----	-----	----	----	----	-----	----	-----	----	-----	----	----	----	-----	----	----	----

黃子君	同上	韓繹	納溪	周汝南	保寧	周羣	威遠	雷昭性	富縣	曾果能	巴縣	張啓善	廣安	吳春谷	巴縣	冉獻琛	江津	孫韜	隆昌	張聲鏞	瀘州	張治祥	彭山	謝能新	綏定
-----	----	----	----	-----	----	----	----	-----	----	-----	----	-----	----	-----	----	-----	----	----	----	-----	----	-----	----	-----	----

會福瑟 巴縣

楊炳廩 蒼溪

吳景英 炳字 榮縣

楊汝誦 幼字 樂山

范 泰 味字 榮縣

余崧先 少字 樂山

王秉璋 資字 同上

黃成章 璧字 同上

王作沛 子字 成都

廖 炎 華陽

庾嘉達

蘇 建 攷字 瀘州

蕭師台 華字 榮縣

梁汝霖 字 江津

周世屏 坤字 榮縣

董鴻詩 慶字 巴縣

陳寶鏞 字 瀘州

藍作棟 子字 榮縣

吳永珊 玉字 同上

陳 觀 新字 巴縣

熊成章 斐字 華陽

楊 宇 彬字 瀘州

黃紹誠 子字 峨眉

羅懷綏 慶字 同上

龔廷棟 農字 江津

高德泰 字 重慶

彭世融 舫字 同上

周曉峯 治字 巴縣

楊 維 新字 永寧

楊亞東 榮昌

謝崇飛 榮昌

陳德駿 永寧

陳萬仞 仁壽

邱昂青 同上

張四明 峨眉

林耀輝 資州

劉伯心 煥字 簡州

彭邦浩 江津

王祁昌 炯字 井研

余耀榮 巴縣

許 澍 資州

龍紹伯 榮昌

楊耀昌 加定

羅祥麟 杏字 峨眉

陳 經 志字 新津

姜受益字三

成都

盤銘字石安

重慶

董顯漢字如

巴縣

張國偉字恆

榮縣

吳加議字可

井研

汪澎字廉

峨眉

余英字竟成

瀘州

秦淮字尙文

成都

南洋吉隆坡

阮英舫

羅定

杜南順德

梁有初

南海

阮卿雲

羅定

王麗中字聚奎

華陽

吳哲字仲宣

井研

林寶新字文光

峨眉

萬樹芳

同上

宋良才

同上

李馥字澤安

寧遠

趙汝銘字新之

華陽

劉植藩字敬棧

資州

王陵基字方周

樂山

舒榮衛字紹康

德陽

李懋勛字克猷

峨眉

李廷愷字策昭

富慎

李沛字雨田

重慶

周光前字子經

忠州

傅昭謙字吉人

成都

何光藻字仁齊

青神

楊家謨字子然

加定

李鐘第字益文

內江

劉汝琮字季剛

合江

李蔚如字鴻鈞

重慶

李湘字存之

成都

李遐璋字壁泉

瀘州

李應聰

南海

梁杰山

順德

阮德三

羅定

楊鳳朝

順德

馮鏡濤 同上

謝濟生 嘉應

辛育生 同上

葉和 南海

羅治松 南海

陳占梅 順德

陳鯉生 同上

黃啓祥 新會

徐紹孫 東莞

趙躋堂 新會

吳祥盛 同上

吳翰清 番禺

杜冠雄 順德

邱雲邴 澄海

陳若錦 嘉應

黃琴舫 新會

杜藩新 同上

陸秋傑 順德

葉天祥 香山

劉業興 三水

南洋新嘉坡

黃耀廷 新安縣

留鴻石 安溪

褚明道 同上

黃竹林 新寧

鄧子瑜 博羅

蔣玉田 同上

梁澤雲 順德

劉金生 陸豐

謝已原 番禺

陳善慶 同上

謝心準 南海

林幹廷 博羅

尤列 順德

莊悉璋 同上

許雪秋 海陽

林義順 澄海

李竹擬 安溪

楊錦堂 同上

湯秀山 南海

吳業琛 順德

陳楚楠 同安

鄭聘廷 惠安

胡少翰 新會

何心田 三水

林鏡秋 同安

張人傑 浙江

李鏡仁 南海

張永福 饒平

許子麟 安溪

張人傑 烏程

李經 番禺

林航革 番禺

歐洲各國

潘季生

江蘇元和

魏宸組

江夏

賀子才

湖北蒲圻

胡錚

沔陽

喻毓西

武昌

周澤椿

隨川

李仁炳

漢川

朱和中

建始

香港

陳白

新會

黃世仲

番禺

鄭貫公

香山

陳樹人

番禺

李自重

新寧

李柏

新會

容開

香山

鄧警亞

三水

王寵惠

東莞

胡秉柯

潛江

李藩昌

天門

陳寬沆

安陸

程光鑫

江陵

潘宗瑞

羅田

以上共計九百六十人，乙巳丙申丁未三年在東京本部加盟者什九在此冊內。在香港加盟者祇有總理親自主盟之陳白等八人。其餘盟書皆由香港分會自行保存。此外國內各省及海外各埠因郵寄不便，亦多各自負責保存，未繳呈本部。故上列名單以本部所收到盟書為限。

第十三章 香港廣東報紙與革命運動

港粵報紙宣傳革命之成績 港粵革命報紙主事人名表

「港粵報紙宣傳革命之成績」 中國革命之成功，以文字宣傳之力爲多。香港及廣東之報紙尤爲革命之先河，香港在同治初年太平天國盛時已有報紙之出版。最初爲中外新報。乃英文孖喇日報之一種副刊，故又名孖喇報。次爲循環報，刊於同治十二年（一八七三年）。法人佔奪安南東京卽在此時。再次爲華字日報，乃英文德臣報之副刊。此三報僅循環日報一家純屬吾國人資本耳。甲申（一八八四年）中法戰役前後，廣州有一報館產生，名曰廣報，其方式略同港報，均作直行長行，首載上諭宮門抄等類，新聞記事各以四字題目冠其端，紀載至爲簡陋。出版數年，因刊刻某大員被參一摺，爲粵吏封禁，報中職員以先期遁走，僅乃得免。廣報被封後，官紳士子仍流行一種京鈔，以傳達政治消息。無何，復有一報繼續產生，名曰中西報，其始以沙面爲發行所，蓋鑒於廣報之覆轍，乃托庇沙面租界外人勢力下，欲以避免官吏魚肉。後乃遷至朝天街，該報主持筆政者，有勞亦漁、武子韜、陶檀菴諸人，皆當時知名之士，亦頗暢銷。乙未（一八九五年）孫總理楊衢雲等在廣州起義，卽中西報最

風行時代也。其後復有博聞嶺海各報繼起，博聞報最初編輯爲鍾榮光，後改名安雅，而嶺海則純由著名賭商蘇昌衡（綽號蘇大閩）者出資，有副刊曰天趣報，專談花事，爲粵省花界小報之嚆矢。是時廣州、香港各報祇紀載瑣碎新聞及轉錄滬報消息，絕不知新學爲何物。嗣丁酉（一八九七年）上海時務報、澳門知新報相繼出版，競言新學，香港各報稍稍和之，廣州報紙始敢略談時事。己亥（一八九九年）冬，革命宣傳機關之中國日報，初刊於香港，抨擊滿清惡政，不遺餘力，粵人紛紛購讀，尤以政界銷路爲多。廣州各報以相形見絀，遂亦漸以提倡新學爲言。庚子（一九〇〇年）拳亂後，粵中滿吏亦稍知新學之必要，頗以振興教育設立學校爲務，時任安雅報編輯者爲詹憲慈（菊隱），任嶺海報編輯者爲胡衍鴻（漢民），均以鼓吹新學聞於社會。壬寅（一九〇二年）粵督陶模派吳敬恆率領學生數十人渡日本習速成師範，詹、胡二人同在被派之列。癸卯（一九〇三年）正月，洪全福、梁慕光等在廣州發難之計畫失敗，嶺海報著論排斥革命排滿，指爲大逆不道，香港中國日報駁之，雙方筆戰逾月。嶺海報操筆政者爲胡衍鶚（清瑞），卽漢民長兄。中國報操筆政者，爲陳詩仲、黃世仲，是爲革命扶滿兩派報紙筆戰之第一次。同時粵垣有時敏報發刊，乃倡辦時敏學堂諸人所設，因出版適在洪全福失敗後數日，故記載黨事極詳，頗受世人歡迎。癸卯後香港有世界公益報、廣東

報、商報、有所謂報等先後出版，除商報屬保皇黨機關外，餘三報均爲黨人鄭貫公所組織，開揚民族主義，不亞於中國報，一時革命派報紙之聲勢爲之大張。甲辰、乙巳（一九〇四至一九〇五）間，粵中風氣頓開，學校報館續紛並起，如羊城報、七十二行商報、國是報、亞洲報、羣報、時事畫報、二十世紀報等相繼出版。適有華僑馮夏威爲美國新頒華工禁例，自刎於上海美領事館門外，舉國大憤，各省志士紛紛組織拒約會以保國權，粵港各報莫不極力提倡，以伸正義。香港公益報因載所繪龜扛美人圖，爲英政府逐其主筆出境。丙午（一九〇六年）粵督岑春煊以官力強收粵漢鐵路於商人之手，粵紳黎國廉率各界人士奮起抗爭，岑乃派兵置黎於獄，廣州各報處於積威之下，噤若寒蟬，獨香港各報齊聲反對，極論岑督攘奪路權之非。新出版之維新報、東方報、少年報、日新報等同一論調，岑督乃下令禁止港報入口以洩憤。丁未、戊申（一九〇七至一九〇八）間，湘、皖、滇、贛、粵、桂各省革命軍陸續舉事，排滿怒潮，震撼全國，粵中各報亦漸仰首揚眉批評時政得失。庚戌（一九一〇年）前後出版各報，廣州有鄧悲觀等之國民報，潘達微、鄧慕韓等之平民報，陳耿夫、李孟哲等之人權報，盧謬生等之軍國民報，陳炯明等之可報，楊計白等之中原報，鄧警亞等之齊民報。汕頭有謝逸橋、葉楚偁、陳去病、林伯杞等之中華新報，新寧有劉少雲等之新寧雜誌，□□

等之四邑旬報。香港有滯飛聲、陳自覺等之實報，洪舜英之婦女星期錄。就中如國民報、人權報、可報、平民報、軍國民報、齊民報、中原報、中華新報、實報等，多與革命黨人有關。以是對於辛亥三月二十九黃花岡之役，及平琦、李準、鳳山之被刺咸記載周詳，贊揚備致。及武昌革命軍興，清吏張鳴岐、龍濟光、李準等初欲負隅自固，詎滬電謠傳「京陷帝崩」四字，港、粵各報相率登載，全城人士歡聲雷動，張督知人心已去，無可挽救，始倉皇出走，龍、李遂亦卑辭乞降。使廣東省城，得以不流血而獲光復者，報紙之力為多焉。

「港粵革命報紙主事人名表」 上述香港廣東各地革命報紙之編輯人及發行人頗衆。茲調查昔年各報之名稱年代地點及主事人姓名臚列如次。

名稱 時期 出版地 編輯及發行人

中國日報 己亥（一八九九） 香港 陳少白馮自由鄭貫公陳思仲黃世仲洪孝充楊少歐陳

春生黃魯逸王軍演盧信廖平子謝心準胡漢民謝英伯
朱執信李紀堂李煜堂

世界公益報 癸卯（一九〇三） 香港 鄭貫公崔迥約黃世仲李大醒黃魯逸林譚民三

廣東日報 甲辰（一九〇四） 香港 鄭貫公黃世仲陳樹人胡子晉勞緯孟馮自由

時事畫報 乙巳（一九〇五） 廣州 潘達微陳垣岑學侶何劍士
有所謂報 乙巳（一九〇五） 香港 鄭貫公黃世仲陳樹人王斧李孟哲盧偉臣胡子晉王軍

演

東方報 丙午（一九〇六） 香港 謝英伯劉思復陳樹人易俠胡子晉

羣報 丙午（一九〇六） 廣州 沈孝則雷震陳止瀾

少年報 丁未（一九〇七） 香港 黃世仲楊計白康蔭田

中華新報 丁未（一九〇七） 汕頭 謝逸橋陳去病葉楚侖林百舉

國民報 己酉（一九〇九） 廣州 鄧悲觀黃軒霄馮百礪

時事畫報復刊 己酉（一九〇九） 香港 謝英伯潘達微林直勉何劍士鄭侶泉

人道新報 己酉（一九〇九） 香港 陳春生

南越報 己酉（一九〇九） 廣州 蘇稜諷楊計白盧博郎

人權報 辛亥（一九一一） 廣州 陳耿夫黃霄九李孟哲

平民報 辛亥（一九一一） 廣州 陳樹人鄧慕韓潘達微廖平子

天民報 辛亥（一九一一） 廣州 李競生黃平

平民畫報	辛亥（一九一一）	廣州	尹笛雲馮潤芝鄧慕韓
軍國民報	辛亥（一九一一）	廣州	盧岳生
齊民報	辛亥（一九一一）	廣州	鄧警亞王秋湄梁襄武
中原報	辛亥（一九一一）	廣州	盧岳生楊計白
可報	辛亥（一九一一）	廣州	陳炯明葉夏聲馬育航鄧魯

第十四章 廣東戲劇家與革命運動

廣東號稱革命策源地，世人咸歸功於新學書報之宣傳，然劇本之改良及維新志士之現身說法，亦與有大力焉。在庚子年（一八九九）拳亂以前，粵中風氣尚極閉塞，士大夫能稍言維新變法者，寥落如晨星。及庚子以後，清廷辱國喪師之罪，舉國同憤，民智因而大開，有心人士主張非實行革命排滿不足以救亡者，紛紛並起，或則以報紙鼓吹，或則藉演說倡導，然皆未能深入民間，使種族思想普遍於各級社會，以收實效。職是之故，革命主義之香港各報，遂有編撰戲曲唱本以引人入勝之舉。最先發起者爲己亥年（一八九八）十二月出版世稱革命元祖之中國日報，該報首在附刊之旬報特闢「鼓吹錄」一門，由楊肖歐、黃魯逸數記者撰作戲典歌謠，或諷刺時政得失，或稱頌愛國英雄，莊諧雜出，感人至深。其後在香港出版者，有世界公益報、廣東報、有所謂報、東方報、少年報等，在廣州出版者，有時事畫報、羣報、國民報、人權報、南越報、平民報、天民報、中原報、齊民報等，均注重戲劇歌謠一門。其旨趣及作風略與中國報相彷彿。此外香港廣州保守派各報，以俗尚所趨，亦多踵而效之。歌唱之風，盛極一時。甲辰乙巳間（一九〇四至一九〇五）有陸軍學生前輩程子儀者，在陶模督

粵時代，與鈕永建同辦陸軍學堂，夙有志於社會教育，時方賦閒家居，與興中會員陳少白、李紀堂等過從甚密，以其時民衆識字者寡，徒恃文字宣傳，實難普遍收效。於是建議創設戲劇學校，編製各種愛國劇本，招收幼童，授以相當教育，俟其學業有成，乃使出而實行表演。如是方可以滌除優伶平時不良之習慣，一新世人之耳目。陳李深韙其議。陳允襄助編製劇本，李願捐助巨資以爲之倡，定名「采南」歌戲班。訓育一年始成，乙巳冬在各鄉市及香港、澳門等處開演，所排新劇頗博世人好評，實開粵省劇界革命之先聲。惜乎創設不及二載，而資本已折閱無餘，此幼童劇團遂不得已宣布解散，有志者咸爲扼腕。未幾復有香港各報記者黃魯逸、黃軒霄、歐博明、盧騷魂、黃世仲、李孟哲、盧博郎諸人組織「優天社」於澳門，各欲親自粉墨登場，爲社會現身說法，以棉力弗繼，未及出演，數月而散。黃魯逸志不少懈，更邀黃軒霄、陳鐵軍等組織「優天影劇團」，惨淡經營，歷一載餘始克出世，是爲新學志士獻身舞台之嚆矢。粵人通稱新劇曰志士班。示與舊式戲班有別。該班出演數載，成績斐然可觀，旋亦因事中輟。戊申年（一九〇六）陳鐵軍又組織一社，名振天聲，所編劇本多偏重推諱專制，及暴露滿清虐政，時遭地方官吏之干涉，以當日民氣日強，清吏有所畏憚，倖免於禍。是歲十月清光緒帝母子相繼逝世。清制國喪期內禁止演劇，該班乃藉賑災募

款爲名，赴南洋諸埠遊歷演唱，所編諸戲本，名爲勸人禁煙禁賭，實則暗中宣傳革命，於南洋華僑民智之啓導，厥功非鮮。自乙巳以迄己酉之四五年間，經報界之熱心鼓吹，及志士之現身說法，其影響所及，遂使在舊式戲班之諸名伶，亦漸有排演愛國新劇之傾向。就中最有力者爲人壽年班主角梁垣三（蛇王蘇）豆皮梅、新白榮等所演「岳飛報國仇」一劇。梁垣三飾宋徽宗后，豆皮梅飾李若水，新白榮飾岳飛，均能表揚忠義，喚起一般遺民之民族觀念，其收效之速，較新劇團之宣傳，有過無不及。中國日報嘗贈梁垣三等以「石破天驚」橫幃，用旌其功，洵非虛譽。同時廣州、香港、澳門各地志士組織新劇團者，有陳俊朋等之現身說法社，李德興等之移風社，梁俠僕等之現身說法台，分道揚鑣，一時稱盛。振天聲社自南洋返香港，乃與現身說法社合併，易名曰振南天，未幾又解散。庚戌（一九〇八年）後振天聲社諸同志得陳少白之助，另組一白話配景新劇社，剔除舊套，眼界一新，極受社會欣賞，是爲白話配景劇之濫觴。繼起者復有「琳瑯幻景」及「清平樂」、「天人觀社」諸社，均屬話劇團之錚錚者。此種劇團咸對腐敗官僚極嬉笑怒罵之能事，卒能引起人心趨向於革命排滿之大道。及辛亥革命軍起，諸劇員躬身參與義舉者，尤不乏人，是更由演劇之舞台工作，進而爲實行工作矣。茲就各新劇團之歷史及人物依次述之：

(一) 采南歌 此劇團原名天演公司，地點設於廣州河南海幢寺諸天閣，發起人爲程子儀、李紀堂、陳少白、粵中富紳黎國廉、鍾仲珏、鍾錫璜、潘珮瑜等多出資贊助之，資本共三萬元。公司先設戲劇學校，招收十二齡至十六齡幼童八十人，授以普通教育，次乃授以戲劇常識。所編劇本，如地府革命、黃帝征蚩尤、六國朝宗、文天祥殉國、俠男兒、兒女英雄等等，或破除迷信，或刺諷時政，或表揚忠義，或排斥異族，均爲有益世道人心之作。開設二載，以資本折閱淨盡，因而閉歇。所訓育人材頗爲鼎盛，諸董伶於解散後，多改就舊式戲班，無有能記憶本身劇團之如何宗旨矣。其後舊式戲班之名角，如李元亨、戴謙吉、利慶紅、揚州安、賽子龍、余秋耀、觀榮、大眼錢、新麗湘、馮公平諸人，皆采南歌栽培之弟子也。

(二) 優天影 此劇團爲報界志士黃魯逸、黃軒霄等所組織，初名優天社，設於澳門，數月後因經濟不支解散，未幾復活，更名優天影社，開演後大受世人歡迎。演員中以姜雲俠、鄭君可爲最著名。所排演劇本，最得人欣賞者爲火燒大沙頭一劇，劇中首引清吏殺女俠秋瑾一事爲導線，頗足發人深省。此外如黑獄紅蓮、夢後鐘等劇，均寓戒除煙賭之深意，於移風易俗，至有裨益。此劇團關係人物，僅就余記憶力所及，述載如下：

第一屆社員錄：黃魯逸、黃軒霄、黃叔允、鄧友廉、鄧芻臣、梁松之、陳鐵五、陳鐵軍、梁俠傑、李一天、何少榮、葉盤堂、黃世仲、歐博明、盧騷魂、李孟哲、盧博郎、龐一鳳、衛治海、劉漢在、吳仁甫、何侶俠。

第二屆社員錄：黃魯逸、黃軒霄、姜雲俠、鄧君可、陳鐵軍、龍一鳳、徐懋之、黃自強、李冉、梁松之、鄧芻臣、鄧友廉、葉盤堂、何少榮、區博明。

(三)振天聲 倭天影社解散後，一部份社員陳鐵軍等於戊申年另組「振天聲」劇團以繼之，社址設於廣州荔枝灣彭園。所排劇本。有熊飛（明末抗清之英雄東莞人）起義、博浪沙擊秦、剃頭痛、虐婢報等劇。就中以剃頭痛一劇，為最能動人觀聽，嘗惹起清吏之嚴重干涉，蓋一極有興味之滑稽歷史劇也。清初某遺民詩云：「聞道頭堪剃，誰人不剃頭！有頭皆要剃，無剃不成頭。剃自由他剃，頭還是我頭。請看剃頭者，人亦剃其頭！」此詩竟編入劇本唱白之內，可謂大膽絕倫。出演數月後，忽值清廷帝后同時死亡。清制國喪例禁演戲，陳鐵軍乃商諸陳少白，請其代向香港籌賑八邑水災公所建議，願率全體演員同往南洋各埠，為該公所籌款賑災。一為災民請命，二則暗中向華僑宣傳革命，陳少白力助其成，遂由該公所選派黃詠台帶領振天聲劇團南遊諸埠，所至各地，備受僑胞歡迎。抵新加坡時，同謁孫總理

於晚晴園，其有未加入同盟會者，一律舉手宣誓，孫總理勗勉備至，諸人益爲感奮。事爲保皇會機關之總匯報所聞，遂著論反對該劇團之籌賑水災，謂該團員盡革命分子，華僑捐款賑災，卽無異贊助謀反大逆。革命黨之中輿報因是與之筆戰經月，而南洋華僑對革命之認識，由此愈深，至今新加坡華僑前同盟會分會長陳楚楠尙保藏民元四年前振天聲戲券一紙，誠一碩果僅存之紀念品也。該社社員錄如下：

陳鐵軍、陳鐵五、盧我讓、陳有全、黃叔允、黃少允、胡季白、彭瀛漁、何侶俠、衛滄海、梁俠儂、李一天、吳仁甫、劉漢在、梁煥熙、張志堅、張恨民、區壽山、黃詠台。

(四)現身說法社 此劇團爲陳俊朋等所組織，社址設於香港，成立未久卽與振天聲合併，易名振南天。其社員錄載如下：

陳俊朋、黃子覺、黃志蓮、謝持久、駱鐵蒼、胡可爲、胡孝思、劉俠民、謝沃波、黃自立、鄭校之、蔡忠信、陳甦亞、呂少初、韋勤。

(五)移風社 此劇團設於廣州市河南，發起人爲李德興等。成立未久，旋即解散，故效果不著。其社員錄如下：

李德馨、梁醒公、李瑞莊、李鐵漢、雷漱石、鄭拔初、李少帆、廖十五、周少保、陳

鋼軍、范志揚。

(六)現身說法台 此劇團發起人爲梁俠儂，社址設於番禺花埭，成立久暫及社員姓名不詳。

(七)振南天 振天聲劇團自南洋歸香港，以保皇黨曾向清吏告密，謂該團在南洋鼓動革命仇滿，故不能再在內地立足，因而宣布解散；旋與現身說法社合作，更名曰振南天，未幾亦解散。

(八)振天聲白話劇社 辛亥春陳少白、黃詠台等以振天聲社解散後，諸同志不可無所寄託，遂由陳少白向香港富商陳賡如商借一千元，另創白話配景新劇，粵省之有白話劇自茲始。初由陳少白手編自由花，賭世界，父之過，愚也直諸劇，情文絕佳，觀者嘆爲空前之作。繼起者更有琳瑯幻境，清平樂，天人觀社等等，可與振天聲先後媲美。民國以後，諸劇社先後解散，惟琳瑯幻境巍然獨存，歷久不衰。該社社員胡津霖等之毅力，有足多者，除振天聲社員外，他社人物未能詳悉。錄載如下：

黃詠台、梁少偉、盧我讓、張恨民、陳甦亞、梁秀初、何侶俠、羅容甫、衛滄海、衛漢鑾、何少俠、劉漢在、歐壽山、胡孝思、邱錫源。

第十五章 丙午湖北日知會之獄

日知會發起人劉貞一 同盟會運動之失敗 湖北之大黨獄 劉貞一之信道及逝世 劉貞一
非劉家池之修正 張難先題劉貞一之墓碑

「日知會發起人劉貞一」辛亥武昌義師之發動，衆咸歸功於同盟會員所組織之共進會及文學社，而不知共進會及文學社，成立之前數年，已有一日知會爲之先導，日知會蓋庚子唐才常富有票一役失敗後湘鄂二省之革命策源地也。發起日知會之主動人曰劉敬安，籍湖北安陸府潛江縣，生於清光緒元年乙亥（一八七五年），原名貞一，敬安其字，又號靜菴，皈依基督教時道號保羅，系出世家，有兄弟四人，敬安居長，少有志新學，尤熱心救世，稍長卽投身武昌基督教聖公會爲信徒，隱然以普渡衆生爲己任。癸卯甲辰間（一九〇三至一九〇四）以國是日非，決非和平手段所能匡救，遂另創日知會爲革命運動機關。其地址卽附設於武昌高家巷聖公會之內，表面爲閱書報社，實則藉以散布各種革命書報於軍學紳商各界，而謀軍事上之活動。所散布之宣傳品，有章太炎著駁康有爲政見書，鄒容著革命軍，陳天華著猛回頭，警世鐘，吳之銓著孔孟心肝等等。復設印刷所於黃州，凡運動革命之出版品，皆使同志

殷子衡、吳之鎰（貢三）等廣爲印送。以學界易於散播，兵士傳播頗難，故每於夜間或兵士出動之時，由營中同志秘密置革命小冊於各兵士之床，其效力之大，不可言喻。猶以爲未足，更設法求入南湖軍隊營長黎元洪部爲書記，以故兵營中大小消息莫不知之。其分會及書報社遍設於鄂省之黃岡、湖南之長沙、江西之九江等處。武昌聖公會牧師胡蘭亭及長沙聖公會牧師黃華亭，九江聖公會牧師胡厚齋均力助其事，而收效益巨。各地先後入會者，鄂省有殷子衡、朱子龍、吳崐、馮特民、李雨霖、李亞東、張難先、張統、宛思演、劉堯激、熊十力、郝可權、徐叔淵、趙光華、熊秉宇、曹亞伯、梁鍾漢、吳貢三、石志泉諸人，湘省有黃克強、宋教仁、胡瑛、陳天華、易本義、劉揆一、禹之謨諸人，贛省有李獻彬、陳義山、查冠英、黃茂才、劉慶雲、楊器之諸人，皆各省紳商軍學各界之有爲青年也。甲辰黃克強、劉揆一等謀起義於長沙，吉長巷之聖公會所亦爲秘密運動機關之一。及十月十日在萬壽宮轟炸湘省大吏之計劃不幸期前失敗，克強匿於聖公會，賴黃華亭、曹亞伯庇護之力間關出險，而在鄂之經營不免大受影響，然其志不爲少懈。於宣傳基督教福音及革命真旨外，更兼任聖公會所設之武昌文華學院漢文教授以自掩。

「同盟會運動之失敗」 乙巳（一九〇五年）秋東京同盟會本部成立，留東日知會會員

先後加入，武昌日知會亦遵命改組爲同盟會鄂分會，由是進行愈力，軍學兩界之同情者絡繹於途。每逢星期日，兵士學生至會所閱報者，座爲之滿，陸續簽寫誓約者爲數不下萬人。丙午（一九〇六年）春以軍界運動漸告成熟，欲在鄂省乘時大舉，特派同志吳崐（壽天）至香港謁黃克強，接濟餉精，適黃克強赴南洋未返，馮自由乃款吳於中國日報，使在港候之。兩月後克強始返，以南洋之款未能達集，遂遣吳回鄂，囑轉告暫爲忍耐，須候華僑方面籌得巨餉乃可發動。是年夏孫總理以法國當局有贊助中國革命之表示，特派廖仲愷駐天津，佐法武官布加卑繙譯中國各省革命消息，復派山西人喬義生隨法武官歐極樂（Captain Ogeal）巡遊長江沿岸各省調查革命黨實力。是歲五月初八日，歐極樂等抵武昌，敬安預得電訊，乃率會員多人渡江至漢口迎之，既蒞會所，軍學兩界到場歡迎者千數百人，極形擁擠。歐演講法國革命之往史及中國不得不革命之理由，聽者莫不感動。散會時并拍照紀念。時巡警道馮啓鈞之密探亦雜人叢中，因得盡覘其實，以在場多軍界人物，未敢孟浪舉發。是歲十月，萍鄉醴陵革命軍猝然起事，與清軍劇戰經月而敗，黨人蕭克昌、蔡兆南、劉道一、禹之謨等死之。清吏藉此大興黨獄，武昌日知會職員劉敬安、朱子龍、殷子衡諸人，均在懸賞通緝之列。

「湖北之大黨獄」 日知會會員中有郭堯階者，醉心利祿，遂向馮警道告密，馮遂會同

總兵張彪於十一月二十九日率兵四百人圍搜聖公會堂及各員住所，先後逮捕敬安及朱子龍、梁鍾漢、胡瑛、李亞東、季雨霖、吳貢三、殷子衡、張難先等九人，並檢出名冊四本，牽連軍學兩界甚衆，敬安之父及兄弟亦被拘繫獄。鄂督張之洞派武昌府趙楚江，督署委員鄭保琛及江夏縣夏口廳等在武昌府衙門五福堂嚴刑取供，敬安等均供認實行革命不諱，惟對於清吏強指劉敬安即萍醴黨案有關之哥老會頭目劉敬安一語堅不承認。清吏逼令敬安供招，迭用藤條笞背一千四百下，血肉橫飛，肉盡骨見，死而復生者數次。刑訊後，同獄殷子衡嘗用白布手巾拭其背血，留作紀念。閱三年爲敬安所見，乃題數語於血巾上，曰「襯刑傷血，承恩親淚，傍大病枕，汝實吾患難中之紀念品，而亦實吾紀念主恩膏之一要件也。吾安忍棄之，吾焉得不留之。戊申重陽之後一日保羅誌於湖北之模範監獄中」云云。九人下獄後迭經嚴刑逼供，時聞有斬決之訊。聖公會黃吉亭牧師，乃請美人孟良佐牧師及吳德施主教致電北京美國公使樂克希，向清政府極力營救，而同志吳祿貞、程家樸時在北京，亦屢向慶王肅王條陳，主張勿殺黨人，以免加增漢滿種族惡感。至十二月二十五日北京外交部遂電知鄂督，有「關於聖公會之日知會劉敬安等從緩辦理」之一語，此案延至第二年丁未（一九〇七年）五月始確定罪名，敬安與胡瑛均定永遠監禁，餘人則分別監禁十五年或十年不等。

【劉貞一之信道及逝世】 敬安在獄時信奉耶穌救世真理，久而彌篤。每夕祈禱之聲喃喃不絕，獄吏及同獄者多爲感化。因而皈依基督教者頗不乏人。同獄之殷子衡一日叩敬安曰，連夜聞君祈禱之聲何爲。敬安曰，維摩詰病在斗室，佛法及於三千大千世界，耶穌降生馬槽，福音遍傳於南北二極；予持耶穌之名，求救中國之苦，身在螺綫，心在天堂，汝未觀新舊二約乎？三界唯一，有所歸依，卽不亂也。自度度人，汝其急信道以求解脫患難中之業障乎？子衡聞言五體投地，自此日從敬安學道，於極苦中求至樂。（以上數語出子衡獄中日記）同獄有因萍醴黨案入獄之湘人歐陽道垠，豪傑士也，性剛直而不能下人，見敬安等研究福音，早晚禱告，頗以爲異，敬安乃不惜瘡痍苦口，開導以基督設教真理，歐陽豁然領悟，日就敬安請益，如親師長。是年六月敬安大病，垂危床褥七十餘日，賴從其學道之諸友獄卒等殷勤奉侍，潛餽藥餌，得不死。病愈後乃與同獄胡瑛、吳貢三、李亞東等秘密組織一中華鐵血軍於獄中，陰與日知會會員變名分設之各種機關通聲氣，實爲日知會破案後革命運動之中堅。迨辛亥夏舊疾復發，是年五月十六日竟死於武昌模範監獄。獄吏及衆囚久受其薰陶，愛敬如慈父，死時皆撫尸痛哭，且遣使飛報聖公會，中西牧師聞耗哀痛，迅至獄中，昇屍至武昌聖馬可堂厚殮之。入棺之頃，敬安老母痛不欲生，見屍幾不辨爲其子之真相。蓋骨瘦如

柴，年僅三旬餘，而須髮盡白，其爲國所受之苦，可以想見。敬安死後三月，而武昌革命軍起，中華民國由斯產生，敬安有靈，其可瞑目耶。

〔劉貞一非劉家運之修正〕 劉貞一字敬安。與友人通信或稱敬菴，或稱靜菴，向未簽署家運二字。世人皆不知敬安有家運之別號。是歲十一月鄂吏假搜捕萍醴起事餘黨名目，且懸重賞購緝劉家運。及敬安被逮，清吏強逼其供認劉家運，而敬安始終否認之，民元後曹亞伯著武昌革命真史，內載殷子衡獄中日記，有「公敬安名貞一，道號保羅，家運其別字也」等語。亞伯與敬安同屬日知會主要人物，子衡更與敬安同獄多載，均稱家運二字爲敬安別號，由是黨人中編述史傳者，遂認敬安家運同是一人，一見於孫總理自傳，二見於馮著中華民國開國前革命史初稿，三見於劉揆一著黃興紀傳。民二十八年九月馮自由忽接日知會老友吳嶼（壽天，又號壽田。）從宜昌來書，力言敬安與家運非同一人。囑爲更正，原書照錄如左：

自由老兄先生有道，別十餘年矣，動定如何？深爲系念！近閱大風報，知老兄尙殷殷於革命史之紀述，紀實剛幽，其盛事也。惟家運一篇實不可不以更正。蓋劉靜菴與劉家運本是兩人，因劉家運有賞金五千元，當時官吏遂以劉靜菴代之。事後劉家運又由湖南捕獲

送鄂，曾與同盟之殷君子恆（此人尙在）晤談兩次，以後則不知其下落。此事敝友張君難先所作劉靜菴碑陰，言之甚詳，已屬其直寄一份與老兄一閱，便知其真相矣。特此上頌著安。弟壽田吳峴謹啓，八月二十九日。

吳峴卽馮著所載丙午年由劉敬安派赴香港謁黃克強，馮自由嘗招待之於中國日報數月之老友也。民二會當選衆議員，自民十二國會被非法解散後，卽已不通音信。近忽移書爲故友劉敬安闡明真相，洵於黨史補益不鮮。張難先與敬安爲同獄九君子之一，其言至有根據。吳書來後不及半月，張難先所撰烈士劉靜菴先生墓碑及碑陰二文亦至，更足證明家運爲湖南哥老會重要頭目，與敬安非同一人，爰亟爲錄出，以正前誤。

〔張難先著劉靜菴墓碑〕 清光緒三十二年冬湖廣總督張之洞，令按察使梁鼎芬會司道七八輩鞠囚，時一囚慷慨言中國危殆，觸鼎芬怒，笞之；囚怒，冒鼎芬，鼎芬怒，益笞，囚益益嘗，鼎芬益益笞，囚自首至踵趾無寸膚完，瀕死者數，稍蘇，仍執手罵不絕，當時號爲鐵漢。卽辛亥前吾鄂革命黨首領潛江劉靜菴先生也。先生少隨父珙讀，縱觀六經諸子，並究心閩洛姚江，旁逮內典道藏，罔不學，學俱有心得。稍長，見中原多故，投鄂軍爲管帶黎元洪司書記，欲假軍隊作根基進行改革，有呂大森、胡瑛、朱元成、何季達等設機關於武昌，

名曰科學補習所，以愚官府耳目。先生與宋鈍初先後入所，急謀聯合湘省，期於清那拉后壽節舉義。亡何湘事洩，破獲機關，得鄂中秘密，湘撫飛章報鄂督接治，時甲辰十月，鼎芬方官武昌知府，承旨封科學補習所而逮捕黨人，先生亦被逐於黎氏。旋清廷命鐵良南下搜括財賦，先生聞之怒，密令胡瑛、王漢偵刺之，不中而漢死，先生益憤，復勾合同志圖再舉。先是美穀堂設有日知會，即教士閱報所也。先生素善其會長胡蘭亭，因緣爲會中司理，將藉其地爲機關，集同志。會例星期演講，先生每登壇，痛述大局危亡狀，以輸其革命意義。不數月，軍學界大感動，相率入會者達數千人。更設東遊預備科及江漢公學，廣事號召，至於教會之閱報室，遂變爲革命黨之根據地矣。湖北黨務自科學補習所撓敗，經先呼號，聲勢復振。孫總理在海外附訊，大喜，爰派黃岡吳同志崐，與法國同志歐幾羅，來鄂視察，以期大舉。歡迎時，歐幾羅不知有暗探，倡言中國應如何從事革命，語瞬息傳遍，當路側目。時丙午五月也。及秋萍醴事起，勢甚張，孫總理在日京，謂時不可失，派胡瑛、朱元成、梁鍾漢等同鄂，晤靜菴，謀響應。適無賴郭堯階者，以遊學識胡瑛，偵悉內情，告密於巡警道馮啓鈞，導捕先生及胡瑛、朱元成、梁鍾漢、季雨霖、李亞東、殷子恆、吳保春並難先九人，以攫賞金。初鄂督得諜報，云長江下游匪首爲劉家運，因懸賞萬金緝，郭即指先生爲家運賢

之，先生急走黃陂，邏騎追及執還，對簿之日，鼎芬、啓鈞必欲先生自承爲家運，並迫供同黨。先生名貞一，字靜菴，一字敬菴，在軍名大雄，故始終遠拒，第承已爲革命黨，不涉誰何。後家運被獲，與殷子恆同監，實另一人也。卒羅織成獄，十二月二十六日已部署行刑矣。忽聖公會教士，羣起聲先生冤於領事公使，爲直於內外部，下鄂督，得不死，仍判以永遠監禁。竟於辛亥五月瘦斃獄中，年三十七，距起義方三月，嗚呼痛矣。先生之在獄也，學行益進，禁卒囚徒俱感化，願爲弟子者數輩。一日納一囚，猙獰兇悍，吏卒畏憚，移與居，久之，和易過他囚。先生平居不苟語言，儀止莊肅，賓朋過從，雖最輕佻者亦莫不斂容相對。以國難不娶，沒後，令以弟子應松嗣。去年湖北省政府政務會議議決，公葬先生於武昌東郊伏虎山之麓。系曰：使公遲數月死，得見專制推翻，吾輩亦有歸矣。噫嘻天耶！聊壽貞石，以爲吾黨紀。中華民國十八年八月一日，西張難先撰並書，大冶許長清刻石。

〔張難先撰劉靜菴碑陰二〕 靜菴烈士碑文刻竣後，覺有一事，猶須詳說者，卽海內刊物，多誤指劉家運卽劉靜菴是也。此事一見於中山先生之自傳，再見於劉揆一先生之黃興紀傳，其他以訛傳訛者，尤指不勝屈。茲事弗辨，則後來幾只知有劉家運，而儕劉靜菴於烏有虛無之列，或混靜菴家運爲一人。因孫劉之言論有力，而訛傳周徧海內故也。今試以致誤之

由，一一剖白之以明真象。丙午冬余輩九人被逮，微聞官府指逮捕之劉靜菴即家運，俱驚愕，以靜菴向無此名，比對簿，按察使梁鼎芬必欲靜菴自承爲家運，靜菴抵死不承，只慷慨自承爲革命黨耳。先是胡督張之洞接直督袁世凱電，謂得日本探報告稱，江上下游巨匪爲劉家運，適萍醴獄興，之洞舉家運、胡瑛、朱子龍等併案立格偵緝。有同邑郭堯階者，因友人介紹識余，厭其儼薄也，輕之，惟未嚴拒其往還。會余方組織科學補習所，因緣得識胡瑛、宋教仁，東渡留學，與教仁尤暱，堯階歸國，教仁抵書靜菴爲之延譽，且謂湖北黨務須於商洽。余戒靜菴無輕信，謂堯階浮薄，非可與計大事者，靜菴以余繩人刻，置之，堯階好冶遊，負日商四千金，控訴夏口廳，拘其兄追比，堯階計無出，見名捕劉家運懸賞萬金，胡瑛、朱子龍各數千，心動，時湖北黨魁羣望屬靜菴。自歐幾羅來後，風聲益大，賞緝中雖無靜菴名，然官廳與社會之注目均在靜菴，靜菴不安，遂匿黃陂，堯階即誣靜菴爲家運，告密巡警道馮啓鈞，尋索黃陂村中。其實家運乃哥黨渠魁，久洋溢長江上下游者也。胡瑛、朱子龍、梁鍾漢適奉中山先生命回鄂，謀響應萍醴，其諜報均來自日本。萍醴事起倉卒，湖北黨人未嘗濡迹其中，故賞緝牘中無靜菴名，堯階悉黨部內情，以姓同事同時同牽合而株連之，於是構成冤獄，未幾家運在湖南被捕，遞解來鄂，與殷子恆同錮一處，數月提付他所，

竟不知所終。一時士論，謂家運既明白被捕於湘，則靜菴與家運顯是兩人。承官吏旨者，既欲誣指靜菴爲家運，靜菴抵死不承，乃復酷刑毒逼，案牘盈尺，不料家運竟獲，則官廳之誣陷何以自解，且恐吾曹廉其隱而窘之，乃謀竄取家運置他監爲名，即牽連別案置之死以滅其跡，此當日官吏移甲換乙李代桃僵之慣技，以規避處分者也。余撰靜菴碑文，雖知事實經過如此，然局外言人人殊，究不能不矜慎從事。邀集同難之見存者李君亞東、梁君瑞堂、劉君信春、殷君子恆，並請日知會與靜菴同居數年之胡蘭亭黃吉亭兩會長，及歷來參預日知科學兩團體之曹君亞伯，丙午夏與歐幾維偕來之吳君峴，聚首證明。吳君曰，我自中山所來，從未見靜菴有家運名。胡君曰，余與靜菴朝夕相處，烏有此稱。而殷君並謂家運實別一人，與我同監，隨取丁未二月十四日漢報一紙宣示，標題爲湘省又獲劉家運，其言曰：去歲在黃陂拿獲之劉家運，研訊數次，自供爲敬菴，僅認爲革命黨，不認爲劉家運。現聞湘省又拿獲一劉家運，究竟孰真孰僞，將來必有水落石出之一日也。由此觀之，可想見當日之官吏張皇失措，不得不以詭謀消滅其事矣。此外諸同志均不認靜菴有此名。靜菴本烈丈夫，既已承爲革命黨，當無倖生餘地，其名果爲家運，又何苦志死茹刑，爲此無意識之狡展耶？且靜菴學人，其原名或曰大雄，或曰貞一，而字則爲靜菴，或敬菴，俱寓有深意，何取此凡俚之家運

二字。是年在文華書院書一聯曰：「大塊噫氣嗟勞苦，帝天無言遂生成。」自署丙午年重陽前一日敬菴劉子書。又前三日書一聯，署曰靜菴書。現在前聯存文華校長盧春榮家，後聯存胭脂巷張稱侯家，有目共睹。黨人爲應付環境計，常有變姓名以避偵伺之法，靜菴既身爲領袖，其化名當祕示親切會中之黨員，以便應付事機，何以會中會外任有機要者，概無一人知之耶？據上種種爲證，則靜菴家運迴屈二人，已無絲毫疑問。維孫劉等紀載訛誤之由來，有說明之必要也。吾鄂自來風氣，大抵恥華聲，厭標榜，木訥質直，不爲時賢所注意，匪第丙午爲然，即辛亥上年，譚人鳳奉派來鄂，視察黨務，謂王玄奔蔣翊武如田舍翁，李長齡若老學究，羅良駿似執笏子，即可見黨人彼此之意態矣。鄂中內地黨人多自田間來，丙午以前咸無赫赫名，萍醴事起牽涉及鄂，聲譽始大，故傳者祇能舉萍案之名名之，初無暇計夫實在也。日復一日，訛以傳訛，於是靜菴之名爲家運二字所奪，以轟轟烈烈之奇男子，因名字之訛誤，幾成爲全身疑案，詎非吾輩極痛心之事乎，所以余於靜菴之名，急於別白糾正，不絲毫遷就也。碑文體尙簡要，未克詳述，因復列碑陰如右，中華民國二十六年夏張難先補記於東湖之思舊菴。

第十六章 丙午靖州禹之謨之獄

禹之謨，湖南湘鄉人，少有大志，博學能文，生平喜讀先儒王船山遺著，謂胡、曾、左、彭好大喜功，誤入歧途，皆由不善讀書之過，聞者多目爲狂徒。弱冠嘗遊江浙，飽覽長江沿岸形勢，油然而萌故國河山之感。甲午（一八九四年）清日構釁，慨然投筆從戎。湘軍某統帥以其文弱書生，使任運輸事務，因得往來關內外及遼東西各險要，軍食賴以無缺。戰後以勞績保知縣，因見國是日非，辭不受命。旋赴上海，專心研究各種實業。半年後復遊日本，投身大阪千代田等工廠學習工藝，日有精進。尋以其父春軒病重，忽遽歸國。戊戌（一八九八年）政變，譚嗣同等六人死之。之謨謂非我種類，其心必異，倚賴異族政府改行新法，等於與虎謀皮，遂力倡革命救亡之說。庚子（一九〇〇年）七月唐才常、林錫圭謀起兵武漢，之謨亦與其謀。事敗，尙不知，入唐寓所，見邏騎滿室，知有變，乃從容作寄信人得脫。旋往來寧滬間，有所計議，久無所成。癸卯（一九〇三年）歸湘潭籌設毛巾廠，延技師教導鄉民以各種紡織事業，邑人多受其惠。甲辰（一九〇四年）復推廣至長沙，並附設工校，次年更添設工場，整理機械，皆親自操作，職工咸樂爲之用。又藉湘鄉會館創辦惟一學堂，

城中各校賴其力成立者甚多。適日俄媾和，清廷謀以福建向日抵換遼東，湘人羣電北京政府抗爭，之謨實爲之倡，以是湘中教育會商會皆推爲會長。乙巳（一九〇五年）秋，孫總理、黃克強、陳天華、宋教仁等組織中國同盟會於東京，克強密函之謨，使在湘設立分會及推銷民報，湘中民黨由之謨紹介入會者，頗不乏人。民報亦由其一手代理，銷路甚盛。丙午（一九〇六年）夏，爲反抗日政府頒佈取締中國留學生而投海之新化人陳天華，及爲創辦上海中國公學失望而投海之益陽人姚宏業，二屍同時歸櫟湖湘，之謨主張應公葬嶽麓，以表崇報。清大吏禁之，二柩到日，之謨約全城學生制服行喪禮，萬人整除送之山陵。當道及鄉紳咸爲側目，以爲民氣伸張至此，殊於政府及官紳不利，非嚴加制裁不足以杜絕禍根。時有長沙學務處總監督俞誥慶者，素行卑污，嘗用學務處燈籠爲前導，宿娼於下等妓館，爲羣學生所窘，捕至湘潭，歸其面，裸其體，拍其照於士娼胯下。事後，之謨會當衆斥其無恥，指爲士林敗類。至是俞恨前恨，乘機向湘當局告密，謂之謨爲革命黨魁首，專派送民報邪說，勾結軍學兩界謀起事。清大吏憚之謨名，遲遲不敢發，會六月湘鄉學界抗爭鹽商浮收，風潮甚烈，之謨力言食鹽加稅，已違人道，浮收巨額，民命更危，倘不能根本澈消，亦應將浮收之款移充辦學，免入食囊，湘鄉知縣陶據以上詳，坐之謨以率衆雲署罪，湘撫遂下令逮捕，長

沙基督教聖公會牧師黃吉亭與之謨相善，力勸之避。之謨不可，曰：吾輩爲國家爲社會死，義也。各國改革，孰不流血，吾當爲前驅。遂於丙午六月二十一日被捕，士紳等爲之營救申辯者日數十起。清吏格於清議，監致常德，復移靖州。靖州府金蓉鏡（嘉興人，字甸丞），性極殘酷，雖之謨已定罪永遠監禁，仍欲殺之以媚長官。故抵靖後更酷刑十餘日取供，始以針刺指甲，繼倒懸之，熏椒煙於其口鼻。之謨仍不屈，金憤甚，自燒烙鐵，烙其膚肉，全身焦爛，胥役皆不忍睹。未幾，萍體革命軍起，全省戒嚴，黨獄因而大興。金牧更藉端羅織，再四刑訊，斷指割舌，身無完膚。至十一月二十一日，之謨卒被縊殺於靖州之東門。就義之先，猶手書絕命辭，雖拇指已斷，字跡仍端好如恆。死時指金牧曰，我要流血，爲何絞之？辜負我滿腔心事矣。觀者多爲感動。獄中嘗先後作遺書多通，分致全國同胞及親友，敘述捨身救國經過，讀之足以廉頑立懦，擇錄如左：

其一、致全中國國民書

我所最親愛之在世同胞鑒：世界危殆，固由迂腐之舊學所致，亦非印版的科學所能挽回。故余之於學界，有保種存國之宗旨在焉。與若輩以摧殘同種爲手段者，勢不兩立。於是乎有靖州之監禁，不百日而金牧提訊，所發不成理論之問題，無非受人意旨，陰謀秘

計，橫爲成見。是以所答動遭無理之駁詰，不能置辭。且曰，爾輩牛馬耳，人欲食則死之，有何愛焉。禹之謨正告同胞曰，身雖禁於囹圄，而志自若，軀殼死耳，我志長存。同胞同胞，其善爲死所，寧可牛馬其身而死，甚勿奴隸其身而生。前途茫茫，死者已矣，存者誠可哀也。我同胞其圖之。困難衡慮，終必底於成也。禹之謨四十一歲。丙午十一月十九日靖州獄中遺書。

其二、與同學諸君書

同學諸君御覽，捧讀來書，感愧交增，汗淚並下。敬譏諸君有根柢，琢磨益光，亞東之華盛頓，其在諸君乎！謨本不學無術，動多窒礙，未能於社會建毫末之利益，致增一層阻喪，死罪死罪。至湘學會即能成立，必含多分的奴性，藉奴勢以伸權力，行壓制，可預知也。滿奴亦得利用之，嗚呼危哉，學子其在彀中矣！猗歟幸哉，學子已能自立矣！我所希望之學生自治會，幸賴諸君之大魄力，於大風潮大勢力與大獄之際，放大光明於黑暗世界。獄中人聞之，喜而不寐，更望諸君以百折不回之氣概，振刷精神，整齊秩序，力求進步，毋少懈怠，毋少退讓，以自治會爲政黨會，新國會之基礎，其責任之重且大也如此，諸君勉之。吾輩可爲清廷之囚犯，不可爲自治會之罪人，願諸君務其大者遠者。若目前之

小害，無畏焉。今學生自治會成立矣，請再進一步，創立羣治大會，爲各省倡，亦惟諸君是賴。鐵路初歸官辦，既而紳辦，兩年之久，毫無影響。今春商會成立，謨於會中再四演說，云不自我先，不自我後，有此大權大利之鐵路機會，商界當急取之，勿徬徨也。幸而見信，是以有四月電達商部允歸商辦，兩期即集股二百萬有奇，近有官督商辦之說，是皆前此紳辦者因事權不已屬也。陰地唆弄，必破壞商辦之局而後快。商界無人才，無魄力，祇可居被動之地位，無原動之資格。湘路之能否專歸商辦，必得學界爲之援助，否則一爲官辦，資本無著，人皆慳而不前，勢必借洋款，以數百萬贖回之路權，又將去矣。且湖南與之俱亡，謂余不信，試觀甲午三千萬贖回之遼東，隨轉而送之俄人。遼東爲建虜發祥之地，尙爾，有何愛於湖南？嗚呼怨哉！欲存湖南，必爭路權，爭路權者，商界學界之天職，責無旁貸，諸君以謨言爲千慮之一得歟！請於學界開會之際，爲謨宣布此意，以俟大多數國民採擇，是爲幸。承諸君存問惠贈，卻之不恭，受之有愧。學生自治會成立之日，謨敬捐銀二元，以答盛情。云云。

其三、致諸弟書

蓉立、澤蔚、健康六弟如見：十一月十六日下午四時靖州牧金蓉鏡提余訊問，毫無意

義，所問人名多不知者。余之腳鐐自八月二十六日托人具保狀於吏目，始開去，故提訊可不帶鐐。越日金牧亦未詰予之去鐐。五日入獄，十八日三時金牧又提予訊問曰：汝為何到這裏來？余曰：爲湘鄉學堂提鹽行陋規事。金牧卽曰：此非原因，可將原因說來。余曰：其爲薛陳天華、姚宏業事乎？金牧曰：不是，尙有原因。余曰：長沙周守所詳，亦不過此二事，他非所知也。又問曰：你認得楊某乎？陳某乎？所問之人皆何所未聞。余曰：都不認識。金牧曰：你會作對聯乎？你認得報館的人乎？余曰：我不能作對聯，亦不識報館之人。金牧曰：會聞禹之謨三字，如雷貫耳？何以這些人都不認得。然則你所認識者，又是些什麼人？余以各學堂監督教員及商會之人對。金牧曰：僅識此等人，亦不算上等人。所答動遭無禮之斥駁。謂左右曰，拿長刑來，卽當面釘鐐。且曰，你既說不出原因道理來，卽如牛馬一般，牛馬之肉，人欲死則死之，何愛焉。押下去，金牧此訊，心橫成見，不知受誰意旨。余之生死，久已置之度外，乃於十九日遺書在世同胞，附回公鑒。帶鐐坐牢又一月，不聞動作。余日以羣學肄言一書，玩索而有得焉。嘆我國民智之劣於羣德羣情，雖以萬倍的顯微鏡亦不見有影兒。十一月十八夜三鼓睡中，提禹之謨，余乃著衣前進，至二道之右側小廳，金牧云：湘撫鄂督有來文云，陳某供稱孫文派你在湖南爲虛無黨，你從實

供來，還有些什麼人？余曰：余在湘省辦紡織事，三年於茲，不知孫文陳某爲何許人？金牧卽呼拿梆子來，褪去余衣，跪於鐵練之，兩手左右伸開，於膝後灣處橫壓一棍，兩端入柱之孔，又以棍橫於脚背灣處，板上三疊，計一尺高，使重壓力盡在膝蓋，胸前橫一棍，使不得移動，金牧卽呼打以荆條，鞭背至九百，血耶肉耶？余不得見。金牧卽問你是孫文黨乎？余曰：孫文之黨可也，余卽孫文亦可也，請速殺，此苦不能受矣。金牧曰：何必殺，就是這樣打死。復曰，你認得譚心休否，余曰，譚心休自四月爲上海公學派回湖南籌款，曾會一面的。金牧又曰，聽得陳統領說你爲陳天華作了一副輓聯，「殺同胞是湖南，救同胞是湖南」云云，余曰：我不曾作輓聯。金牧曰，聞有一種民報是你代爲發賣。余曰：我不開書鋪報館，何能賣報。時轉五鼓，有管禁董某在側，余托其至金牧前代求，稱余能書願死狀，請釋此刑。久之便籤牌放下，自三更至四鼓，赤身跪壓，加以鞭背，幾遺矢溺。數兵扶之下架，腦雖未死，而四肢已不知誰屬。比抬入禁，置於床，至十九日午刻，自膝而下，尚冷如冰，同禁張福二以酒磨三七按摩之，不知有痛。至晚輕摩之，猶麻木不知，重按之始覺有痛，不能步行，如廁必負之而入。聞又欲提訊，死耳，夫復何言。祈諸弟代爲余稟堂上諸位大人，謝撫鞠之恩，悔不孝之罪。丙午十二月二十日兄之謨靖州

獄中遺書。

其四、再致諸弟書

蓉立、澤蔚、健康六弟如見，昨二十夜親筆所書之信及遺言，已封妥託帶，尙未發行，二鼓後，金牧提訊，至二堂梆子已具。金牧即呼上梆子，裸其體，照昨書所書情形，而加用大椒末熏口鼻，金牧親持扇香一大把，燒吾背約二時之久，無所供，抬至戲廳，吊吾右大指及大脚指，懸高八尺，數刻繩斷，大指已經破爛，尋亦斷，又換繫左大指懸之，再用香火灼吾背及膊，徧體無完膚，所訊無非是要供稱孫文。又曰，爾昨所講認得這個譚心休，究竟是孫文使來的否？余曰：我只知伊爲中國公學回湘籌款。金牧曰：你不實供，分明他是孫文的黨羽，你爲何不說？又用香火亂燒。余曰：既說是他的黨羽，即是他的黨羽，我不得清楚。金牧曰：譚心休是幾時來通約你們的？余曰：是四月籌款時會過的。金牧曰：我聽說他有個什麼票據。余曰：不知。金牧曰：昨天你認說是孫文的黨羽，爲何不知他的憑據口號？又拿火來燒，余祇得認供有口號。金牧曰：是何口號，從實供來。余曰：記不得清楚了。言未了，即用火亂燒，余即認供曰：口號叫做中國人。金牧曰：不止此一號，尙有何號？我見他勢又執香火近前。余又認供曰，以手加額爲相見之禮。金牧曰：楊懷三

你到底認識否？余曰：認不得。金牧曰：他說你在湖南是個頭目，究竟你是何等頭目？余曰：我不是頭目。又拿火來燒，不得已又誣供曰：我是上等頭目。金牧曰：然則你是頭目，你之下還有些夥計，是什麼人？我說無。金牧曰：總有些，你不說，我又要你上火坑。我見其勢太猛，曰：同志卽是夥計。金牧曰：你同志有多少？我說不計其數。金牧曰：是何姓名？我說無姓名。問孫文叫你們做什麼事情的？我說救國保種。金牧曰：如何救法？我說是殺人放火，金牧曰：你要殺那一個，予曰：應殺者卽殺。金牧曰：你們幾時起事？余曰：我不知期。金牧又來燒，余信口曰：十月間。然則在何處起事？余曰：在上海相會。金牧曰：何必要到上海，我想卽是湖南，你不見瀏陽醴陵之事乎？你關在禁裏，不然你也是一個。又問，你與孫文同黨，有何好處？余曰：好處就是革命。金牧曰：民報是你發行否？余曰：我不會發行。然則是誰發行？答曰：不曉得。金牧曰：你曾看見民報乎？我說看見一本。金牧曰：民報上說的是什麼道理？我說無非中國被外國欺壓，政府不能保護，總要百姓曉得救國。金牧曰：尙有何言？余曰：一時記不起來。我求他釋放下來，徐徐講出。金牧曰：放下來不講，再上火坑。衆役放下，不知有無四體，時俯臥在地，氣息奄奄。金牧催說曰：我曉得放下來你就不講了。他說就要把你打死。我卽述說一

些救國的話。時已五鼓，金牧卽標牌收押。兵役拾下，不省人事。遺屎在床，至今二十日早七時始蘇，求友書此普告同胞，要知政府下詔立憲，專制的兇暴政治，有進無已。將來四億的同胞，其苦慘可想而知。我死矣，哀哉同胞。丙午十一月二十一日上午九時書於枕邊，禹之謨遺言。

第十七章 上海神州日報

~~~~~ 神州日報之創辦人 神州日報之內容 神州日報之中斷及復版 神州日報發刊辭 ~~~~~

〔神州日報之創辦人〕 清末革命黨人在上海之言論機關，自癸卯（一九〇三年）蘇報及國民日日報乙巳（一九〇五年）警鐘報等相繼被封禁後，爲之緘口結舌者將及二年。至丁未（一九〇七年）春始有陝西涇陽人于右任（伯循）、湖南常德人楊守仁（篤生）等發刊神州日報，以爲東京留學界所刊民報、復報、洞庭、波闊聲各報之呼應。于右任於甲辰（一九〇四年）歲以印行半笑樓詩集譏切時政，被陳撫升允指爲革命黨，嚴令通緝。乃間關逃滬，肄業於震旦學院。翌年以外籍教員干涉事散學，遂與同學葉仲裕等別組復旦公學於吳淞。旋約楊篤生、葉仲裕、金懷秋、王揖沙、汪壽臣、張俊卿、黃禎祥、譚价人、邵力子等組織日報，以圖振作士氣，發揚正論。議定後親赴日本，向留東諸同志募股。秦隴豫晉學生協會特開會贊成，爲集款二千數百元。時同盟會成立甫經一載，孫總理適駐東京，右任由同鄉會員介紹加入黨籍，未幾事竣歸國，而神州日報遂於丁未二月二十日出世。

〔神州日報之內容〕 神州日報之成立，頗得當代名流如章太炎、馬相伯、黃晦聞等之

贊助，題報眉者爲南通張季直（謇），蓋張時任復旦中國兩公學董事，與右任等有師友之關係也。懸壁直額爲平湖金懷秋所書。右任自任社長，楊篤生、王无生、汪允中任撰社論。第一日之發刊詞署名三函，卽由篤生、无生二人主稿，與右任參訂而成。此文意內言外，隱含民族主義之情緒，與昔年蘇報及國民日日報大刀闊斧之論調，殊有不同。蓋自蘇報案以後，清吏對於富有革命色彩之書報，文網周密，一般新學家咸具戒心，不得不用旁敲側擊之文字，以作迂迴之宣傳也。此報體裁特重社論一篇，所下時政批評，針針見血，足以廉頑立懦，附刊之說部小品文字，以芳聲排側之詞，寫小雅詩人之旨，亦足使讀者之種族觀念，油然而生，此外尙有學界新聞，專以培養學力，提倡體育爲主。故尤爲青年學子所歡迎。又其與別報不同之特點，在於不用清胡君主年號，而以丁未二字代之，出版數月，銷路日盛，屢經舊時各報而上之，非無故也。

〔神州日報之中斷〕 是報刊行未及一載，以隣居失火，不幸殃及，編輯印刷營業三部悉付一炬。楊篤生緣電桿而下得免。事後于右任以一時無力恢復辭退。仍由葉德裕、汪允中、楊篤生諸人踴躍再振，卒而復版。逾年楊篤生渡英倫留學，舊日發起人留者僅葉汪數人耳。于右任離神州報後，旋由輿論日報聘充編輯，未幾復先後發刊民呼、民吁兩報，均被清

吏藉故封禁。庚戌（一九一〇年）九月更創設民立日報，與神州日報宗旨略同，而革命色澤較爲濃厚。辛亥三月二十九日廣州革命軍進攻督署一役，神州報所載發難紀事及殉義諸烈士傳記，表彰與美，惟恐不力，與民立報可稱一時瑜亮。辛亥革命之一舉成功，該報與有力焉。惟自民國成立以後，該報屢易其主，絕無宗旨可言。舊時民黨中人以其反覆無常，有玷昔年神州立報之主旨，咸爲扼腕不置。民五袁洪憲帝制瓦解後未久，該報以營業不佳，宣告閉歇。至二十六年某月，有蔣光堂者以光復神州報爲號召，在滬重刊神州日報，然已大非昔年之本來面目矣。

〔神州日報發刊詞〕 丁未神州日報發刊辭，高古典雅，士林傳誦。所謂摠懷舊之蓄念，發思古之幽情。文中歷舉吾國往古人種智慧及宗教觀念社會主義國家主義帝國主義法律統系文學思想冒險性質等種種特色，如數家珍，益足光祖宗之玄靈，振大漢之天聲，誠舊文學中之代表作也。茲錄載如次：

自古哲士哀時，達人礪俗，曷嘗不以微言閔議，激蕩民心，轉移國步者哉！是以文致大平，垂經世先王之志；皓懷小雅，偏主文誦諫之辭。紉馨潔於九歌，託悲懷於五噫，亦有發摠至論，剴切羣愚，仇國成書，罪言屬稿。墊角巾而痛嘆，揭留都而宵泣，邈然高躅，

怡我先民。自歐俗中更，競開報紙，新聞之學，蔚爲大宗，纂述之餘，訂爲專律。十萬毛瑟，驚法蘭西霸王之心；七臣員與，譏美利堅文章之富。津逮吾華，條流粗具。于以揮政客之雄辯，陳志士之危言。操雪國魂，昭蘇羣治，同易衆趨，紀綱民極。較之仰天獨唱，衆心不止者，厥用益宏焉。夫國開閭史，稗官雜事，抽亞而悉具，則陳一紙而汲衆流，莊言諧論，良規僞辯，授簡而並陳，則費寸陰而獲拱璧。山川自古，方策猶存。顧瞻周道，鞠茂草以無時，惆悵新亭，庶橫流之有託。此神州日報之所爲作也。且夫赤縣起於崑崙，自墳於瀛海。文化肇造，實首此方，猗歟鑠哉。三朝七曜，建黃中之極，五幣九棘，垂丹書之制。方牙雅契，已有司海司陸之命，桑邱當壁，乃受韃韃旄人之贖，觀象察法，開物成務，視彼嵯峨金塔，想像聲明，軼薄銅門，留傳制作者，後先相距，猶以稭子而擬成人矣。粵自三季蛻嬗以還，漸有今不若古之謂。圖錄灰於巨燼，綿蕝工乎錯術。履武蹈躔，禾絹既無其才；因陋就簡，羣盲競捫其篇。坐使狼臙歧舌之衆，遂成積薪後來之勢。眈眈禹甸，渺渺余懷。痛何草之不黃，思古人而難見。矧以嬌黃慘慄，蠻觸紛呶，覩國者既有其人，論世者因而夷我。遂令神明之宅，廣漠之都，冠裳禮義所留遺，風雨陰陽所和會者。日損月蹙，患此淪胥。嗟乎，百王陵謝，小儒方索其珠，九州雲雷，萬馬齊瘖其

口。文武之道，既墜於周原，龍蛇之災，更延於大陸，豈不以民模澆散，羣德陵夷，朝廷有西園諧價之聲，縉紳無北門終宴之守，處士謫魯連蹈海之志，細民缺周發恤緯之思。四維不張，一流將盡，用致此耶！而登壇慕者，必思德於九京，時禾黍者，必興悲於七廟。三宿之戀，未絕於粉榆，一姓之哀，尙崇於伏臘。况復出入皇帝霸四千餘載，綿歷正統僞系二十餘朝，服畎畝者，劃若梧紫塞雁門渤海以爲町畦，食名氏者，綜七略九流四部百家以爲藩區。山崇嶽峻，重瞳聃耳垺項駢脅之所降神，河曲江平，綠書赤字金烏碧鷄之所流熠。教宗治理，萃儒俠魁祖聖神謨略之光華，物曲官能，極睿知心肝人工精英之創述。必有芬烈以庶厄運，豈其天公易醉，而金策終淪，王氣方收，而寶符不出。遂以糗糧前烈，弁髦倬史。伊川披髣，無所待於百年，宗國夷言，已先墜其五典。晉大夫之忘祖，徒襲衣冠，宋右師之卑祭，更無魂魄。將何以間譏隱存歷譜垂三統持五運哉！夫徐舒雍雍，厥生秀民，義畫農耕，聿開神命。指南有作，啓閭龍覓地之圖；活版初傳，釀路德操戈之隙。四遊幹運，開地動之先河；三正授時，契日輪之恆晷。西陵纖手，貽大利於全球；上國華蟲，飾蜚英于百代。是爲神州人種智慧之特色。搏搏大地，渾渾烝民，羣姓既昭，宗法斯建。然而溺神道者，淆之以祭師，誣帝謂者，瀆之以天使。靜言歐洲政教分離之始，

實爲百年見髮違會之機。此州自上古以遠，民事昭晰，絕地天之通，罔有降假，廢雲鳥之紀，以冀陰陽。魂舒魄修，識類性通德之宜；日薄星迴，驗有物位天之則，是爲神州宗教觀念之特色。封建既息，階級遂平，賈縻織屨者，徒步而取公卿，揭竿斬木者，赤手而論大寶。故英倫貴族議院之改革，無所用其動勸；日本藩閥政治之弛張，不足論其輕重。是爲神州社會主義之特色。因仍宗法，以建國家，雷霆萬鈞，積重難返。然而立天順人之微旨，旁臨乾坤；外夷內夏之大防，昭垂雲漢。及其蒼鵠已出，白馬方來，則有握拳碎齒，激悲憤於傾軋，剖腹納肝，擔忠貞於末路。亦有嶽嶽貫虹之氣，哀哀三戶之謠，矢一瞑於黃冠，望歸來於朱鳥。沈井中之祕史，干城上之浮圖。漢尼拔之崎嶇道路，蔑以加茲，瑪志尼之倅樵生平，詎能相尙。是爲神州國家主義之特色。建三世之神旨，恢大同之上德，聖心廣大，仁智斯閔。乃若禹名所極，指大秦泰遠而方遙，衍說所周，眇少海重瀛而畢具。建冠裳以會萬國，崇封禪以召百靈。彼夫亞力山大之武功，該撒棚標之戰略，沙力曼之盛業，拿破崙之野心。較厥歲年，瞠乎後矣。是爲神州帝國主義之特色。文明法系，約有四宗，震旦一隅，淵源最古。三代以降，枝葉彌繁，周官六典，實職官通則之推輪，王制一篇，具民刑訴訟之事略。治罪專律，鄧析已定爲竹刑，民法正文，蕭何用懸於金布。

刑名既黜，軌跡不閤。然而檢羅馬法之成文，遠在千年以後，守大憲章之契約，實爲五誓所苞，洞天人之消息，久貴民權，觀中外之會通，自宏邦體。是爲神州法律統系之特色。蹄遠既屬，文字以滋。主形主聲，蒼佳實分其道，行右行左，中西各適其宜。然而東極蜻蛉之州，南旋馬來之族。諺文假字，諺語苗歌。雖形體之大殊，實本支之相嬗。若其黼黻文治，隸通民俗，甄錄之富，赫於瑯環，流別之繁，溢於江海。是爲神州文學思想之特色。環遊瀛海，檢探島夷，披熱帶之荆棘，觸寒門之冰雪，歐風所播，逸足相尋。然而張騫鑿空，實在西歷之前，甘英持節，遠臨鹹海之外，近世以還，華傭所覬，關漢大利不毛之土，蔚爲上腴，相美利堅通運之宜，致之遠道。蒙犯霜露，嘉惠人羣，援爵論功，應居上賞。是爲神州冒險性質之特色。過此以往，更僕難終。實嶽瀆之驕子，天壤之俊民，非猶太、波蘭、印度諸族所可同日語也。夫誦荷馬神話之詩，希臘所由光復；讀布民英雄之傳，意人遂以崛起。斯拉夫民族，以一成一旅而蹶東隣，日爾曼森林，用再接再厲而摧強敵。况以開明夙擅，靈貺久甄，縱橫二萬餘里，文軌方同，男女四百兆人，風霆易台。蘊秦孝之積恥，效勾踐之臥薪。訴帝輿以敷誠，待臯陶而與直。何遽不可以負荷積薪，支持堂構者歟！然則指陳得喪，窮極端委，鞭策頑儒，導啓貞元。匪勞者之自歌，實適人之可



徇。且夫訓方問俗，地官之洪軌也，陳詩觀風，太史之常識也。棄我取人，師善之夷徒也，演術通藝，知今之寶筏也。旁求四國，不無郢書燕說之功，俯仰八埏，大昭鄂視鷹瞵之象。諒有裨於頽運，或無損於扃言。顧以簡牘方陳，質文易眩，綜其流極，祇有四端：繁詞既聘，神鎔一周。既諱甘而忘辛，亦無歌而放失。竹茂之林，或淆於豎白，歲祲之術，無補於膏肓，此一弊也。魯市有虎，傳言者三人，清淵門龍，禱祈者萬衆。不疑盜嫂，魯參殺人，採齊東之謾言，爲中朝之故事。又一弊也。東鄰生貓之事，奚裨於見聞；大官賜醢之儀，何關於懲勸。一則委巷諛聞之瑣語，一則承平粉飾之虛文。錄之者崇崇難終，聞之者昏昏欲睡。又一弊也。甘陵兩部，迄成鈞黨之災，蜀洛之崩，卒釀靖康之禍。常大厦將傾之日，昧同舟共濟之箴。嚙鄉曲之宴私，淆品評於月旦。又一弊也。蓬心未化，癢結彌多，是則宏達所深惜，亦惟吾黨所不尙。嗟乎！卽因求果，彌懷履霜集霰之哀，振聵發聵，寧辭披髮纓冠之誚。歡娛朝野，悼燕雀之焚如，大好河山，悵蟋蟀兮盈耳。惕亭林匹夫之責，繹南雷待訪之編。嗟我兄弟，孰非軒昊之神孫，請續陽秋，備紀中原之文獻。空言可託，有痛哭流涕以陳辭；來日大難，冀瘡口嚙舌之有補。矯矯風雲之氣，會扶白日再中，昭昭天祖之靈，眷我皇圖億祀。

## 第十八章 西北志士與革命運動

留東學界與西北革命 西北革命之動機 國風日報與北方革命 武昌舉義與秦軍響應 山  
西獨立與吳祿貞被刺 民元後之秦晉革命黨

「留東學界與西北革命」 清季各省革命風潮之洶湧，實以留日各該省學生爲其主動，西北諸省其最著者也。當乙巳年（一九〇五年）中國同盟會成立於東京，第一日與會者有十七省學生，十八省中只有甘肅一省因未派生出，故尙無人參加。計當時西北各省學生先後入黨者：直隸有張繼、杜義諸人，山西有谷思慎（仲言）、王蔭藩、榮福桐、榮炳、景定成（梅九）、朱炳麟、燕斌、景耀月諸人，陝西有康寶忠、鄒子良、曹雨亭、趙世鈺、于右任諸人。時任駐日之山西同盟分會長爲谷思慎，任該會評議長者爲景定成，任陝西同盟分會長者爲康寶忠，任該會評議長者爲趙世鈺，彼等更另設一明明社，專介紹西北各省人加入同盟會，先經該會審查後始引進之。丙午（一九〇六年）某月上海復旦大學學生于右任爲創辦神州日報東渡，向留日學界募股。秦、隴、豫、晉四省學生協會爲集款二千數百元以助之，即明明社號召之力也。時他省學生與秦晉學生景定成、谷思慎、鄒子良、王蔭藩等往還最密

者，有湖南之陳家鼎（漢元）、仇亮（式匡），江西之鄧又輝、李烈鈞、江蘇之何子奇、山東之商震（起予）、陳幹等。陳家鼎與同鄉寧潤元方發刊洞庭波雜誌，因歸葬蹈海烈士陳天華於嶽麓，惹起長沙清吏之注意，幾被逮捕，仍亡命東京，遂與景定成、杜義等議擴大洞庭波組織，易名曰漢幟。陳家鼎任編輯，景定成撰小說並譯述，杜義仇亮等投稿，因文字淺顯激昂，極受社會歡迎。與民報、復報、鵬聲各雜誌分道揚鑣，有異曲同工之妙。惜以財力不繼，僅出兩期而止。

〔西北革命之動機〕 未幾山東同志陳幹偕商震東渡，邀景定成、陳家鼎二人赴青島，創辦震旦公學，擬聯絡青島船廠工人發起同盟罷工，抵抗強權，工人漸能實行。旋爲德人偵知，遂下逐客令，此戊申年（一九〇八年）事，是爲北方社會運動之開端，同時兼寓種族革命於其中也。時景定成事先已入北京有所謀畫。遇陝西同志井勿幕，遂偕遊山西，及抵太原，乃召集當地黨員討論起義方略，率以陝西民性強悍，地勢雄峻，可爲西北諸省之革命根據地，因決定秦晉聯絡發動計畫，井勿幕歸抵西安，乃介紹定成任西安高等學堂教習，以期交通軍政士紳各界。時鄒子良已由日先返，努力擴張黨勢，成效日著。勿幕與焦子靜、子敬諸人更組織健本學堂於富平會館，謀樹革命根基，胡景翼卽出身此校。當時爲年雖幼，

嶄然露頭角，投身同盟會矣。由是革命黨勢力日張，不許保皇立憲派入潼關一步焉。井勿幕等以同志日衆，乃多設分會及通訊機關。由景定成作四言密語爲黨員約章，曰：祕露死決，接交寧缺，分途並進，破壞建設。又公推李仲特爲會長，井勿幕、張奎光、鄒子良、曹寅侯（樹勛）、王一山等任軍事責任，陳慧亭、常銘卿、茹卓亭、郭希仁、劉允臣、李元鼎（子詒）等任文字宣傳及教育事業，寇遐、李仲山等任運動綠林會黨，景定成、杜義、焦子靜、師子敬、張翊初、馬開臣等任聯絡各部分責任，常祕密集議於開元寺馬開臣學塾及雁塔上，頗極一時之盛。此己酉庚戌間（一九〇九至一九一〇年）事也。

〔國風日報與北方革命〕 庚戌辛亥間（一九一〇至一九一一年）景定成、杜義二人以陝西革命萌芽漸次暴長，乃相偕離秦，杜義北上，定成赴日本，與宋教仁、趙世鈺、陳嘉鼎等商定進行策略。因留學界抗爭河南礦權事，定成被推爲爭礦代表之一，遂得乘機公然入都，與湖北同志白逾桓創辦國風日報，提倡中央革命。特程家樞（韻生）、田季衢兩同志聯絡清肅王民政部尙書善耆爲之保障，頗能口誅筆伐，不避權貴。及辛亥八月武昌舉義，更乃大張旗鼓，爲北方革命言論之中心。又密納四川同志彭家珍於報社，謀炸清室要人，良弼死焉。奇功以立，國風日報與有力焉。

〔武昌舉義與秦軍響應〕辛亥武昌革命軍起，他省義師之響應，除湖南外，當以陝西、山西二省爲最早，此即秦晉同盟會員事先聯絡駐省新軍將校之力也。當革命軍佔領武昌之警報傳至西安，黨人井勿幕、鄒子良、李仲特、曹寅侯等乃密議通告新軍同志將領，期發動，以兵士入會者衆，風聲外洩，謠言大起。清將軍文瑞與巡撫錢能訓異常震驚，預以軍械局槍枝彈藥分給旗兵，加意防備，且將新軍之有革命嫌疑者盡移諸邊遠州縣，而代以防營。第一標第三隊同志將校錢鼎以事勢緊急，遂提議從速發難，擬以九月八日爲期，衆贊成之，詎新軍第一標第三隊及第二標第三隊均定九月移駐，文瑞且大興黨獄，兵士及學生被逮者八百餘人。衆大憤，遂於九月一日大會於森林，決定先期大舉，即以第二標第一隊長張鳳翽率所部佔軍械局，第三隊長張益謙佔城門，錢鼎率陸軍中學堂學生佔布政使銀庫及各機關，文瑞率所部旗兵戰不勝，退守滿城。當夜同盟會員及各軍將領開會於軍械局，公推張鳳翽爲全陝大統領，錢鼎副之。後倣各省例改稱都督及副都督，時文瑞仍據守滿城，頑抗二日夜，力盡乃投井死。旋衆復推井勿幕爲招討使，出兵河東，於是井勿幕率偏師由大慶關渡河，進佔蒲州解良，攻克運城，河東一隅義軍聲勢爲之一振。張鳳翽拒敵潼關，得失數次，始終不懈。西路則由曹寅侯集民軍十萬，多無械，持刀上陣，不計危險，力拒甘督升允所率之甘軍，苦

戰數月，使敵軍不能下乾州以窺西。厥功甚偉。鄒子良、張開臣既努力於光復西安之後，功成乃散隱權利，退而組織新村於耀縣，開西北社會革命之先河，可誌也。迄民元二月清帝退位，張鳳麟、張伯英諸將領時尙駐兵華陰縣，與清軍相持，會景定成渡河西來，因同議善後方略，詎升允尙恃強來攻醴泉，及聞清政瓦解，始議退師，而黃鉞已據秦州宣佈獨立，升允懼斷其歸路。乃棄軍走，醴泉圍解，秦局因以大定。

「山西獨立與吳祿貞被刺」 湖北、湖南、陝西各省舉義消息傳至太原，山西同盟會員乃力促新軍同志姚維藩、閻錫山、溫壽泉等發動，三計劃中，忽傳陝西革命軍將出師攻晉，清巡撫陸鍾琦大恐，欲派新軍一部移守潼關以阻之。新軍參謀姚維藩對各同志主張在被調防之前尙期大舉，衆然之，遂以八日爲期，卽就軍中選敢死隊五百人，以五十人往攻撫署，以四百五十人往攻旗城，是日拂曉新軍攻入撫署，陸鍾琦殉清廷，藩司王慶平提法使李盛鐸等被獲，旋卽釋放，遂推閻錫山爲都督，溫壽泉爲副都督。時景定成尙在北京，聞變卽繞道歸晉，與同志仇亮、姚太素、史可軒、續同溪（西峯）諸人共參督幕。清廷聞太原之變，卽任陸軍統制吳祿貞（綬卿）爲晉撫，令率兵平亂。祿貞早年附和革命，庚子（一九〇〇年）八月漢口自立軍之役，嘗與唐才常同謀，後在北方亦時與黨人往還甚密。及受晉督之命，黨人

氣勢爲之大張，祿貞一面與統制張紹曾合謀，擬以陸軍第六鎮與第二十鎮同時發動，一由石家莊，一由灤州，各登火車，假清君側爲名，會師北京，一面密約同志姚薦楠、孫榮、石德純等在京策應。時清廷決定起用袁世凱爲內閣總理，但世凱因祿貞在石家莊，不敢北上。此時清廷極爲恐懼，一面準備擁護儀逃往熱河，一面則派袁克定多方拉攏民黨，竭力遊說祿貞合作，祿貞置之不理。九月十六日夜，祿貞在石家莊車站臥室中遽遭暗殺。張紹曾原係世凱私黨，比卽焚燬革命文告，中止進攻北京。斯時閻錫山已派景定成、仇亮、姚太素、史可軒等赴石家莊協議進行。景定成等既至娘子關，前敵總指揮姚以价迎入司令部商談，夜將半，石家莊忽來電話，先報告旗兵潰變，次報告吳祿貞被刺已死，衆大駭，咸謂吳爲奸人所害，軍心必憤激，欲爲主帥報仇，應赴石家莊一觀究竟，遂共乘車到石莊，遇六鎮參謀何遂，相抱痛哭。景定成等說明來意，並集軍隊圍定吳帥無首死屍舉哀，其狀甚慘。更對衆宣言是爲清廷派人來刺殺者，軍無主帥，推何參謀爲統領，北向復仇。各兵士乃振其縹白布之腕，齊聲高呼，願爲吳統帥復仇。旋由旅長吳鴻昌邀入司令部會議，主張繼續吳帥革命，議決電張紹曾由灤州攻北京，由山西擔任聯軍軍費及種種條件，電報隨發，決定吳鴻昌集吳軍爲吳統帥發喪宣誓。景定成等數人乃外出集合來石晉軍向之訓話。旋有人報告吳鴻昌自行率

軍退走於正定方面，無術追回，乃聽其去。而議運回吳祿貞所截留之法國砲彈鎗彈於太原，因此事爲吳帥致死之由，蓋不欲供給毒器於進攻武漢之清軍，而特行截留以示反清決心，可謂烈士一片心血。且在議決條件中，若不運回，勢仍歸清軍劫去，何啻齧寇以兵。景定成等雖極力主張由正太鐵路運回，庶不負死者志願。然來石莊之山西革命軍兵少力薄，未能堅守石莊，僅毀壞鐵路十餘里，以絕敵人交通，而渙其軍心，終爲袁世凱偷渡北上。袁世凱既秉清政，遂派段祺瑞率三路兵攻娘子關，相持月餘，娘子關失守，太原隨之，革命軍乃分走南北，繼續苦鬥，幸續桐溪已攻克大同，雁門關之清軍不戰自潰，閻錫山始有退步。景定成等隨軍東下，由黨人楊錢甫、李鳴鳳（歧山）先後擔任行軍都督，得衆萬餘，遂下絳州，據襄陵，攻平陽，戰功卓著。直至清帝退位，南北統一，乃停止軍事行動。時袁世凱不欲山西落於黨人之手，特派李盛鐸主晉政，晉代表孔庚力爭，譚大同河東均在黨人掌握，必須調李盛鐸回京，而允閻都督返太原，晉政乃可收拾。國務總理唐紹儀力玉成其事，袁世凱勉從唐議，晉局始定。

〔民元後之秦晉革命黨〕民元後陝西、山西兩省有功革命之同盟會員，至今尙生存者寥寥無幾。陝西黨人已逝世者，有井勿慕、錢鼎、鄒炳炎、曹寅侯、宋向辰、張義安、郭希



仁、鄒子良、張開臣、張樂成、南南山、王紹文、杜友梅、深如測、胡景翼諸人，就中三原鄒炳炎係於癸丑（一九一三年）見殺於張鳳閣，臨潼曹寅侯於癸卯過鄂，被黎元洪逮捕，旋處死。山西黨人已逝世者，有李鳴鳳、續桐溪等，就中李鳴鳳是於護法之役爲陳樹藩所害。

## 第十九章 緬甸華僑之革命運動

華僑教育與新舊思想 秦力山與仰光新報 旅緬華人之不幸時期。同盟會及閱書報社 光  
華報及進化報 黨人之雲南革命運動 莊銀安與辛亥革命

「華僑教育與新舊思想」 華僑之居緬甸者，以仰光一埠爲最衆，數約八千人。閩籍漳泉人居首，廣東次之，而風氣之開則遠在南洋英荷兩屬之後。癸卯年（一九〇三）冬，始有閩人林國重、陳金、杜誠詰、陳甘泉、莊銀安、徐贊周諸人創辦中華義學於仰光大埠，是爲緬僑興學之濫觴。此校至甲辰年（一九〇四）始開課，學生僅六十餘人耳。同時莊銀安、徐贊周、陳甘泉三人另設一益商夜學，以利僑胞之日間不暇攻讀者，中華義學至乙巳年（一九〇五）春添授英文課程，日見發達，學額增至百二十人。是時康有爲方由印度蒞緬，以保救清光緒帝舉行新政相號召，僑商受惑者大不乏人，相與設置保皇會於五十尺路，康以莊銀安在僑商中負重望，爰親訪銀安備致推崇，擬延爲仰光保皇會長。銀安初以康爲熱心愛國，遂亦虛與委蛇。獨陳甘泉主張革命排滿最力，謂康歷年偽造衣帶詔以欺騙僑胞，美洲南洋各地華人多已深信入彀，登報脫黨，吾等胡爲此時甘心墮其陷阱。因是僑商中乃分爲保皇與非保

皇二派，除陳甘泉、徐贊周二三人外，尙無人敢昌言革命也。是歲春間湘人秦力山（力山事略載革命通史首集第一二八頁）自香港滬星洲，欲在南洋各埠大鼓吹革命，聞緬甸華僑風氣閉塞，遂以閩人李竹癡之介，於五月初五日舟抵仰光，寓陳甘泉宅。甘泉一見如故，引之見莊銀安，歷述康梁提攜華僑及己身與唐才常於庚子年（一九〇〇）漢口一役失敗之經過。銀安如大夢初醒，遂宣佈與保皇會脫離關係。其後康徒以黨勢渙散，計不得逞，乃強莊銀安爲叛徒，職是故也。時陳、莊、徐等復請力山重修中華義學章程爲民族主義教育，力山乃爲該義學撰序文，凡二千餘言，其結論曰：「創作每生於感情，感情則生刺激。刺激者，卽外來之惡現象是也；感情者，卽感此惡現象而有所難堪者也。諸君以故國之淪亡，受風潮之刺激，情動於中，不能自己。而此之義學賴以成立，則吾又有以爲諸君進者焉。夫刺激有生自歷史者，有生自地理上者，仰光歷史上吾人之刺激爲何，則中國民族史，終編大書而特書之曰：永曆帝被清兵迫而入緬甸。又曰：三桂弑帝，蓋卽吾漢民族三千餘年古國之自始見滅是已。仰光地理上吾人之刺激爲何：曰此卽英國經營中國腹部揚子江流域之根據地是也。不識董事諸君觀過去而察未來，其將何以維持此初心，使此學校立於太平印度兩洋之風濤簸蕩中，而有以挽神州之陸沉耶」云云。該校董事頗爲感動，因有新舊兩派之分。未幾力山以星洲同志

陳楚楠等約往辦報，旋有清政府所派視學員薩君陸奉命到緬宣傳滿清德政，擬將中華義學改稱中華學校，願負責向北京學部領取每年助學金若干，各董事憾於利祿，竟從其請，贊周、甘泉、銀安數人抗爭無效，乃與該校脫離關係，另將所設益商夜學改組爲日學，歷聘國內學者陳仲赫、曾璋清、陳允洛等到仰王持學務，是校提倡國民教育歷久弗衰。辛亥光復後改名共和學校。僑商中先後由該校畢業而出服務社會者，實繁有徒。如殷商張耀琪、雷太聲、陳瑞璧諸人其尤著者也。

「秦力山與仰光新報」 仰光新報設於緬甸仰光大埠勒達街二十號。其股東新舊不一，至爲複雜，故報社毫無宗旨。莊銀安初任是報經理，以主筆政者不得其人，且動輒受股東制肘，故不能有鮮明之主張，特一保守式之報紙而已，秦力山初至仰光時，見該報形式腐敗，遂向銀安痛言革新該報言論之必要，並願代撰論文，以喚起一般僑胞之迷夢。銀安乃爲介紹於該報編輯。力山因著革命箴言二十四章，凡六萬餘言，登出後，各埠人士，風動一時。據力山於乙巳六月二十日自滇邊致星洲圖南報陳楚楠書略云：「頃著有說革命一書，已寄贈仰報。但該報銷數千份，此書若在貴報重登，或得照鄰書一例能翻刻成本送人尤妙也。（共有六七萬字）惟此書成於十二日之內（以弟先欲入川恐趕不及），多有理論未完全之處。將來

公如肯俯就一災梨，望囑詩耀兩兄爲之校斧，或於同胞之條理與理論，均不無小補，弟因郵書徒事謾罵而不言理，故不得已而有此作也。書中駁詰康黨之處甚多，可一懲其煩猥。孫君逸仙自巴黎來信言，六月過星，約相待一見，惜弟已出緬甸矣。」等語。先是力山離仰光後未久。有滇邊千崖土司刁安仁出遊印度，途經緬甸，與僑商丘仁恩相識，丘見其談吐不凡，有志仇滿，爰介見銀安、贊周、甘泉諸人，各傾吐心腹，引爲知己。安仁歸時慨然以舉兵滇邊爲己任，並以物色人材相托。及力山二次到仰，徐、陳、莊等遂介紹力山入滇爲安仁助。力山素有志聯絡滇人反清，聞之大喜，遂於是歲夏秋間如緬甸新都滿得禮埠，與寓該處之滇省志士李瑞伯結識。居數日，再進緬邊蜡風投滇人張石泉處。石泉時任該地英官譯員，富有民族思想，與力山尤爲莫逆，因有閩譜之盟。力山寓蜡風多日，嘗賦詩詞多章，所著革命箴言全文即成於此時，是文僅刊至十六章，即爲該報之頑固派董事所反對，竟將餘稿八章強行燬滅，讀者莫不引爲憾事。然其效力實足造成後來旅緬華僑之革命思想，厥功不容湮沒也。是歲冬力山復至仰光，改裝裝束，欲親投北京實行暗殺，行程未定，而吳樹轟炸清五大臣之事起，旋得同志蔡鳴歧自北京來書，謂各省關津因吳案戒嚴，切囑不宜輕進。力山正猶豫不決，適千崖土司刁安仁派人求助，謂千崖方開辦軍國民學堂，缺乏體育及師範教員，敦

促力山等代延教員多人，力山於是挈陳仲赫、歐守禮、李貞壯、陳仁和、謝玉兔等五人欣然就道。及抵干崖，安仁深喜得人，乃將地方民政委諸其弟，而以校務付托力山，自率男女十餘輩東渡日本留學，力山乃爲作書介見孫總理黃克強等，是爲革命黨人與雲南土司發生關係之開始。安仁既東渡，力山以校務爲土司幕友把持，無法改善，大有去志。丙午（一九〇六年）秋贊周、甘泉、銀安等以仰光新報爲頑固派操縱，乃組織一商務調查會月報，名爲振興實業，實以發揮民族主義爲宗旨，延張石泉及閩人蕭少珊爲編輯。出版數期，迄無起色。嗣悉力山不得志於干崖，遂函邀回緬主持是報，力山得書，乃別擇教員承乏，尅期離滇，詎瀕行時忽染重病，以誤投藥餌，竟致不起，是歲十月十一日卒於干崖，享年二十有九。是誠革命黨人莫大之損失也。

「旅緬黨人之不幸時期」 秦力山既逝，刁安仁在日聞此兇耗，恐校務廢弛，乃偕留東同志蜀人王羣、滇人林春華、錢克昌及日本教習小室等數輩回滇，以振興農桑爲名，其實以訓練軍事教育爲要旨。詎事機不密，遽爲保皇黨報紙揭諸報端，滇督錫良乃派專員採取秘密，故安仁等歸干崖未久，卽得滇督嚴令，不許該校教授兵式體操。王、林、錢等以安仁一籌莫展，乃散而之他。時陳甘泉、莊銀安所經營墾荒事業亦不幸失敗，二人各虧折鉅款。甘

泉以此得病逝世。黨人失此重心，不免大受影響，此丁未（一九〇七年）事也，又是歲夏六月有雲南同盟會員楊秋帆者（名振鴻號思復），曾留學日本士官學校，及任雲南雜誌編輯，在士官學校時，清廷以其主張不穩，請學校將其開除，指名通緝，但後又任爲滇邊騰衝府防軍司令。以練兵守土有方，爲某國駐騰領事所忌，嗾之清吏，楊不得安其位，出亡緬甸，張石泉爲介紹於徐贊周，贊周禮之甚優。無何，滇督仍向緬甸當局索取逃犯，許予緬官以重利，贊泉乃設法遣之東渡，張石泉回滿德禮後，旋因獵失足墮水死。莊泉安、徐贊周以同志迭遭變故，而清吏及康黨均氣餒逼人，頓形惶喪。故自丙午冬秦力山逝世以至戊申（一九〇八年）春，可稱爲緬甸革命黨人最不振之時期。

〔同盟會及閱書報社〕 同盟會之在南洋各地成立分會，以緬甸暹羅二處爲最遲，蓋緬暹華僑風氣閉塞，遠不如英荷兩屬之開通也。戊申春三月，王羣由日本帶來同盟會本部委任證書，徐贊周、陳仲赫、陳鍾靈三人率先加盟，陳守禮、張源、陳國章、沈繼昌、林水都、王永和、林金源等十餘人繼之，旋開第一次成立大會於仰光大賀胥園，會所附設於益商學校內，以外間反對者衆，進行不易，開幕三月，僅得會員三十七人。未幾河口革命軍敗將黃子和杜韓甫逃亡至緬，因與贊周等商設機關報，以張黨勢，復得檳榔嶼同志陳新政函介仰光殷

商陳玉著、張永福（與星洲之張永福同名）、陳金在、曾廣庇多人入股，報社賴以成立。是歲八月朔日同盟會機關之光華報出版，主筆二人爲滇人楊秋帆及鄂人居正（覺生），均由孫總理自星洲推荐而來。出版月餘，黨勢大振，會員增至四百餘人。同盟會所遂由益商學校遷於河濱街與百尺路轉角之三樓。其初定名演說社，以避忌者之耳目，後改稱覺民書報社，會務日以發達。是秋九月孫總理特派汪兆銘、吳應培二人到緬，各黨員異常歡迎。汪等乃爲改訂緬甸分會章程。遂於是冬十一月二十日選舉正式職員如左：

正會長

莊銀安

副會長

盧喜福

財政

陳栽春

會計

沈繼昌

庶務

陳振川

書記

林鐵漢

主盟員

莊銀安、何蔭山、陳仲赫、劉莊君、盧喜福、曹沛霖、林致和

調查員

曹樹三、陳文豹、林清良、池叔蘋、鄭國興、利桑、何煥堯、張源、

何普泉、陳羣英、丘啓川

宣傳員

林鐵漢、李警魂、何可人、周之武、梅宗武、沈屏夷

徵收員

李龍、黃銳波、林水都、劉保生、林金源、吳加豪、何若稽、林已巳

評議員

張志成、徐贊周、陳鍾靈、陳仲赫、傅劍秋、黃運錦、陳雲祥、洪錫福、



林登厝、雷振新、陳御卿、黎直卿、曾國漢、陳紹平、黃文儒、李海國、陳漢生、陳美全、黃卯寅、楊秋堃、陳正忠、魏聲猷、龔效、陳玉著、朱樟棠、何篤生、曹煥翔、周之武、黃秀、張復、許壓力、林一葉、光華日報出版後數月，同盟會特派居正、陳仲赫二人赴緬甸各埠擴張黨務，多設分會，所過二十餘埠，均指定熱心同志為主盟人，因之成績卓著。與英荷兩屬羣島相伯仲，計所增設各分會開列如下：

| 埠名  | 主盟人        | 埠名  | 主盟人 | 埠名 | 主盟人               |
|-----|------------|-----|-----|----|-------------------|
| 木各具 | 陳虞卿<br>鄭耀燕 | 新彪遊 | 陳就正 | 貓字 | 蔡壽民<br>李景興        |
| 沙已  | 陳廷謨        | 渺咯  | 蘇細仕 | 瑞帽 | 陳巽南<br>李廣漢        |
| 毛淡棉 | 丘伯鐘<br>朱綽業 | 力不丹 | 丘景芳 | 卑謬 | 楊景藩<br>林幼雨<br>常壽山 |
| 居脈  | 杜啓仁        | 繞彬九 | 陳振玉 | 敏建 | 周子器<br>陳紹平        |

|     |            |     |     |    |                  |
|-----|------------|-----|-----|----|------------------|
| 洞遇  | 陳國珍<br>杜子乾 | 榜地  | 區伯揚 | 洞枝 | 黃錫三              |
| 彬文那 | 丁昌霖<br>楊明察 | 知畝  | 盧省三 | 瓦城 | 陳太高<br>劉觀於<br>楊名 |
| 興沙搭 | 陳顯陣<br>杜明啟 | 勃臥  | 李宜琳 | 密沙 | 陳章遜              |
| 蒙摩  | 尹壽生        | 仁蘭姜 | 鄭庇  | 勃生 | 陳子卿              |
| 吉桃  | 陳文造        |     |     |    |                  |

緬甸各埠同盟會分會雖次第成立，然因各地當局不斷干涉及清吏偵探密佈之故，多不敢公然書同盟會三字，在大埠則稱書報社，小埠則假個人寓所或商店作通訊處，如仰光分會外稱覺民書報社，瓦城分會外稱振漢書報社，吉桃分會外稱義民書報社是也。茲將各埠書報社名列下：

| 埠名 | 書報社名 | 埠名 | 書報社名 | 埠名 | 書報社名 |
|----|------|----|------|----|------|
|----|------|----|------|----|------|

|      |      |      |     |    |
|------|------|------|-----|----|
| 仰光覺民 | 毛漢棉  | 漢聲   | 望瀨  | 啓智 |
| 勃生漢興 | 洞選益華 | 仁蘭姜協 | 漢   | 漢  |
| 勃臥培民 | 木各兵愛 | 羣    | 繞彬九 | 振華 |
| 吉桃義民 | 密沙興  | 漢    | 知模  | 漢羣 |
| 瓦城振漢 | 丹老新  | 民    | 秉禮光 | 智民 |
| 貓宇振民 | 杰柳巾  | 演進   | 土瓦  | 務民 |

緬甸同盟會成立後，以先後籌款維持黨報之故，對於孫總理所需求不能多量協助，戊申十一月汪兆銘回星洲，莊銀安等募款二千八百元以應之，同時陶成章亦以江、浙、皖、贛、閩五省革命軍費名義籌餉，銀安等亦助以千元。己酉（一九〇九年）春孫總理以河口敗軍將士羣集南洋，給養困難，思赴美洲募集鉅資再圖大舉，特派胡漢民赴緬籌措旅費，銀安等復

釐金二千餘元濟之。此外協助辛亥三月二十九一役，及楊秋帆、居正、呂志伊、陳仲赫、黃克強、李雁南、鄭坤諸同志來往滇粵舟車各費，亦爲數不貲。據徐贊周所藏緬甸同盟會人名總冊，從戊申三月成立日起至辛亥年止，實發給會員底號共二千三百四十三人，所載姓名年齡籍貫皆備。查民國成立後國內外各地之同盟會員名冊，大都因事燬滅，或已遺失，獨緬甸名冊今尙保存，洵屬難能可貴。

「光華報及進化報」光華報地址在仰光百尺路舊門牌六十二號，初由黨員陳瑞、陳守金、陳玉著、李海國、陳清波、陳文豹、莊銀安、徐贊周諸人集資緬幣八千餘盾，以三千盾承購舊日仰光新報之鉛字印機趕行出版。莊銀安任經理，陳仲赫副之，總主筆爲楊秋帆、居正二人，先後助理編輯者有黃大哀、何榮祿、蘇鐵石、傅春帆、陳紹平、林文曲、黃蘭士、徐贊周諸人。其股本多半招自該埠普通商人，非盡黨員也。是報初出版即大倡革命排滿，尤抨擊康梁不遺餘力，康黨嫉之如眼中刺。陶成章所著浙案紀事，卽在是報登載。未幾秋帆以事入滇，荐滇人呂志伊（筆名天民）自代，康黨初嗾此報股東之非黨員解散報業，計不得逞。會清帝母子同時斃命，天民在報上徵聯曰：「攝政王奠，攝政王亡，建虜興亡兩攝政，」應者雖多，惜無佳構。時黨員盧喜福忽發奇想，私電袁世凱請立漢人爲帝，乘機革

命，以傾覆滿清。清廷因是根究電報來源，遂向英公使交涉，重訂電報新約，以後緬甸華僑有電達本國政府者，不得代為轉遞，此例至民國成立後二十餘年猶未廢除也。時康黨乘勢以商人名義公呈清廷，請簡派領事駐緬，清廷准之。未幾遂首派蜀人蕭永熙到仰光充任領事一職。是歲光華報因清領事藉為喪家點主事，屢向商人敲詐取財，天民特用「領事神主」四字為撰一聯，加以譏刺，蕭永熙老羞成怒，遂以行文抄沒本籍財產為辭，威脅該報之七股東代表令即停止營業。七代表獨李海國一人堅決拒之，餘六人懼於聲勢，竟覲顏屈從，是報遂不免於停版拍賣，且為康黨間接出資購得，聞者莫不切齒。康黨既攘奪是報，乃易名商務報，延張石朋、李牙聰二人為主筆。石朋筆名頑石，牙聰綽號雙子，皆保皇會員也。同盟會以報被攘奪，遂開全體大會籌募復興股本，一夜得資一萬三千餘元，是冬十一月朔日乃有第二之光華報繼起。地址在五十尺路二號，先後司理者有陳仲赫、黃水田、陳漢平等，主筆政者仍為居正、呂志伊二人。是報復活後遂與商務報大開筆戰，未及數月，商務報記者張石朋自承理屈，願皈依革命真理，毅然脫離該報。李牙聰因亦緘口無聲，時人戲撰一聯曰：「生公（居正字）說法，頑石點頭。天民示威，雙子投地。」即指此事。無何，商務報以寡助歇業，民氣勢力為之益張。庚戌（一九一〇年）夏康黨與清領事台謀傾陷光華報以洩忿，由蕭

永熙密電請外部，動以危辭。清外部遂向英公使交涉，謂光華報鼓吹無政府主義，請將該報當事人驅逐離緬。英使以告緬甸總督，緬督遂下令遞解居正、陳漢平二人出境。其驅逐令有「押送廣東交清官辦理」字樣。舟過星洲時，幸該埠同盟會預延律師向星洲當局極力依法抗爭，因得改爲自由出境，亦云險矣。光華報受此摧殘，元氣大損。同時復有封報捕人之謠，報中職員人人自危，莊銀安首避去檳榔嶼，其他職員亦皆隱匿別埠，因之光華報遂不免第二次之停刊。銀安既蒞檳榔城，乃與僑領同志陳新政、黃金慶、徐洋溢等措資舉辦第三之光華報於其地，聘東京鵬聲雜誌記者蜀人雷昭性（鉄崖）爲主筆。於是冬十月一日出版。其志實在繼承仰光光華報之系統，不欲使其一旦中斷也。然仰光光華報甫停刊月餘，呂志伊、陳鍾靈、徐贊周、李海國、魏聲畝、陳震川、丘思道諸人即已著手重興第三次之機關報，改光華曰進化，即以舊光華報資產充之。陳鍾靈任經理，呂志伊仍司筆政，其鼓吹之勇敢，不讓於前，清領事終無法以抑制之，此庚戌春二月事也。進化報出版僅八月，康黨復勾結地方警吏，藉假查賬爲名，向該報任意摧殘，終以公理不勝暴力，不得已重行停刊。呂志伊以是離仰歸國，事後徐贊周乃聯絡張永福、楊子貞、會上苑諸人，以學務總會名義，承買進化報機器鉛字，另設立緬甸公報，仍以宣傳革命爲務，至民國成立猶屹立弗衰。屈指同盟會員在

緬甸之四次籌款，所籌達六萬元，其經歷之險阻艱難，殊非筆墨所能形容矣。

「黨人之雲南革命運動」——聯絡滇邊土司爲革命黨人進行方略之一，自秦力山逝世後，黨人蒞緬甸者仍運動不輟。己酉秋楊秋帆以同志林奉華由滇邊永安來緬，報告該處防軍已運動成熟，可以一呼而起，秋帆遂於是冬十月間道入騰衝。與同志張文光在永昌舉義，因攻清軍不克，走蒲陽，籌再起，以感染瘴氣，舊疾復發，咯血而亡，同志彭宣草草以白布裹其尸葬之。十二月居正得刁安仁等書，謂蒙化、順寧、永昌、蒙自、騰越、大理、龍陵各地均已聯絡成熟。囑派同志赴干崖籌商大舉，遂偕陳仲赫同赴干崖。詎抵干崖時，安仁以清吏已有防備，恐事洩瓦解，令居等祕居破廟中靜候時機。居等以發動無期，不得已仍返仰光候之，庚戌夏六月黃克強自香港來，亦擬入滇企圖起事，呂志伊介紹克強與滇人寸尊福相見，寸願離萬金作滇邊起事義餉。將行，適緬甸匪首貌產與英人爲難。各地戒嚴，途無所出，遂以折回。時克強密察滇邊形勢，謂其地交通困難，經營十雲南不如一廣東。因決計回廣州發動。是即辛亥三月二十九之役。是役仰光同志參加者二人，一爲李羣，號雁南，一爲鄒坤，李殉難，葬黃花岡。鄒則足部中彈獲救。時陳仲赫亦回香港，謀北上加入暗殺團，居港機關數月，後因病返閩。及辛亥八月武昌舉義，刁安仁張文光於九月初亦舉兵佔領騰越，即電緬甸

同盟會求助餉精，緬分會遂籌集巨餉應之，並派同志吳鎮福、王懷、李亞靈、寸尊福、饒潛川、楊大森、祝宗榮等入勝越効力，詎張文光據勝越後，以濫作威福，縱兵擾民，大受各方指摘。乃推安仁出任軍政府代表，赴寧滬報告光復經過，而盡諉過於彼。安仁不知其詐，欣然就道。未幾張文光爲省軍所殺，安仁至南京，旋被滇師長李根源控以勾結土匪覬覦內亂等罪，被禁警署。及南北統一，復移繫北京，得孫總理黃克強宋教仁等仗義營救，其獄始解。出獄後以悲憤過度，宿疾復發，歿於北京德國醫院。至緬甸同盟會所派入滇人員至大理府時，被守吏趙藩冤殺者，有王懷一人，無故監禁者有楊大森、祝宗榮二人，旅緬僑胞至今猶稱冤不置。

「莊銀安與辛亥革命」辛亥武昌起義後，相繼響應者七八省，南洋各埠黨人以閩省尙無聲無臭，乃公推莊銀安爲總代表，回廈門督促進行。及福建光復，銀安旋爲閩總督孫道仁聘充顧問，廈門參事會亦舉爲議長兼副財政長。旋以吏治無法澄清，官僚習氣太重，謂爲換湯不換藥，大悖原定革命方略，拂袖歸緬，創辦大同油廠，獲資甚豐。民二年馮自由長臨時稽勛局時，嘗發出聘書三百餘通，延請海內外各埠辛亥前有功革命者爲稽勛局名譽審議，銀安名亦在列。其後得銀安復書如下：



自由先生大鑒，奉到三月十九日惠書，不棄芻蕘，辱荷寵任，撫躬自問，感與慚俱。弟不死之身，銷聲隱處，見聞寡陋，固不敢以言評助。第邦基既已維新，而功人詎令埋沒，報功崇德，固國家所宜然。發懲闡幽，亦後死者之責任。管見所及，謹當奉聞。先生民國偉人，權衡可能合節，革命先覺，網羅定不遺珠。附呈勞績表一冊，請希垂鑒。並頌助綏，不盡。

弟莊銀安上言。 民國二年五月十八日

## 第二十章 檀香山自由新報與同盟會

自由新報前之黨報

自由新報發刊後之經過 同盟會成立後之經過

〔自由新報前之黨報〕 檀香山向無革命黨報之組織。自癸卯年（民前九年）冬 孫總理重遊夏威夷羣島，爲宣傳革命及對抗保皇黨起見，始將興中會員程蔚南所設檀山新報（又名隆記報）改組爲革命黨機關報，而停頓多年之興中會亦因之復興。該報主筆張澤黎（號孺伯）與保皇黨之新中國報主筆陳繼儼（號儀侃）文戰劇烈，久久不休。後三年丙午（民前六年），社長程蔚南以年老力衰，向各同志提議擬將報社轉讓別人集股接辦，於是會長福等乃將該報從新改組爲日報，社址設於斯密士街一〇一六號，仍由張澤黎主持筆政，與新中國報新任記者梁文興（號秋水）繼續筆戰，劇烈不減於前。至丁未年（民前五年）秋澤黎因事辭職他適，民生日報乃致函東京民報社，請 總理推荐主筆。總理命前香港中國日報記者盧信（號信公）應之。信抵檀後數月，以編輯部發言權時遭股東干涉，憤然辭職。擬即買舟離檀，會長福堅留之。盧謂必須另創一報，編輯人須有絕對之言論自由權，股東祇有供給財政之義務，而無過問言論之權利，伊始可取消東歸之意，長福從之。因即另行集資，授信以編

轉全權創辦新報。即自由新報是也。是報以自由名，即表示名實相符之義。

「自由新報發刊後之經過」 盧信既創辦自由新報，籌備數月，於戊申年（民前四年）八月出版，報面所載編輯人盧校功，即盧信別號也。信自任社長，黃堃（號時初）爲司理，孫科爲詳員，會長福黃亮譚達梁海楊廣達等爲董事。每星期一三五等日出報，是爲隔日報式，發刊後言論自由，不受股東拘束。因得高談革命排滿，無所顧忌，其第一日所載發刊辭錄後。

### 自由新報發刊辭

嗚呼，神州已矣。痛黃裔其長沉，奴隸甘乎。哀人心之盡死，昊天不弔。二百年憔悴誰憐，廢運未終。四百兆酣嬉若夢，問漢家宮闕。哭斷冬青，觀胡族夜冠悲興胡黍。回觀大陸，盡是愁城。千重之毒霧重埋，半角之斜陽有限。新亭未坐，哭已失聲。故國瀕危，言其無罪。邇者人聯同志，結文字之因緣。報號自由，振天聲於海國。或者謂賈生痛哭，徒托空言。王即悲歌，何裨實濟。今者力唱民族，疾呼同魂。文主激而不平，鋒過剛而易折。志士舒投時之策，堅主民權。少年編革命之書，即成黨獄。旗未張乎獨立，版曷出乎自由。不知七尺之軀尙存，方寸之心忍昧。文章寫恨，著作鳴愁。問天而首難搔，避地而

身焉托。風沈雨晦，呼始祖其哀余。火熱水深，問同胞其何似。江南已矣，庾子山揮淚成文。薊北泯然，劉越石嘔心鍊句。以宜尼變魯之思，爲莊生悲越之吟。有託而成，無微不到。發談言之公是，借題目以子虛。措詞則胸臆直舒，動聽則心脾漸泌。善乎白香山之體，以近俗而彌精。江文通之詞，以移情而見誦。惟老嫗之可解，豈大雅之是嗤。縱非錦繡能工，要亦輾轆自運。而況萬流爲海，衆壑朝山。奇才多入彀中，異彩定騰海外。嗟乎，江山異色，撰述何心。怕聞亡國之杜鵑，憐渠泣血。朝惱能言之鸚鵡，掠我傷情。誰鳴警世之鐘，獨樹登壇之幟。先乎言論，繼收實行。文字收功之日，還我山河。英雄應運之秋，蕩平醜虜。

自由新報出版後，大遭清領事梁國英及保皇黨徒之忌。以盧信所持入境護照爲教員憑證，而別任報館主筆，不在美國移民律祇准許中國官吏商人教員學生遊客五種人入境之列，遂別比爲奸，同向檀埠移民局指摘。謂盧信依法不得在檀居留，應即撥送出境，以免他人效尤。檀移民局徇其請，遂令信尅日離檀。會長福等大憤，立延律師向美京工商部抗爭，數月後得工商部覆電，解釋移民律第某條之意義，謂報館主筆亦屬教員之一類，應有居留美境之權利等語。於是盧信全獲勝訴，是爲中國報館主筆取得入美國境域權利之嚆矢。在盧信抗爭

以前，中國記者無一人可用本身職業之資格留美也。梁國英以所計不售，乃電請清政府通飭各省禁止自由新報入口，并嚴囑該埠僑商，謂當行文粵督查抄自由新報股東原籍財產，遂令該報股東之有身家在內地者，咸懷戒心。未幾梁領事舉行華僑總註冊，大張貼告示，謂每一僑民須繳納註冊費一元二角五分。自由新報斥爲非法敲詐，攻之甚力，於是全體華僑開大會於亞弼喇公園，公推鄺良爲主席，決議驅逐梁國英出境，一致拒納僑民註冊費。梁國英因之氣餒，而其藉名斂財之計畫竟成水泡，此自由新報策動之力也。翌年己酉（民前三年）信復與孫科許崇等發刊「大聲」雜誌，爲自由新報之助。又先後編印「自由言論」「人道」「革命真理」「揚州血淚」四書行世，僑衆思想愈形開發。及辛亥夏間，信偕黃堃返香港，溫雄飛代理筆政。是秋武昌革命軍起，溫旋亦歸國，由謝英伯吳榮新二人先後承乏。民國成立後，自由新報繼續支持三十餘年，至今猶屹然存在，爲海外各黨報之唯一壽命最長者。

「同盟會成立之經過」 同盟會東京本部成立後五年，檀香山與中曾尚未改組爲同盟會。丁未年盧信到檀主持黨報，曾兼奉開設同盟會之使命，以當時一部份同志僑商鑒於往年駐檀清領事數次移文粵督查抄與中會員李昌等及保皇會員梁蔭南等原籍家產之前轍，有所戒懼。故未便大張旗鼓，從事改組。及庚戌（民前二年）三月 總理自美抵檀，盧信會長福梁

海黃堃雷官進等領黨員多人迎迓於碼頭。數日後諸同志開歡迎大會於荷梯厘街華人戲院，僑衆列席者千餘人，座無餘隙。總理宣佈是歲新正廣州新軍反正一役失敗之經過，謂全國軍人多已趨向革命，如軍餉充足，即可隨時大舉。座衆聆言咸爲鼓舞，旋召集與中會員開會於自由新報樓上，令一律改寫盟書，補行同盟會入會手續，衆無異議。盟書上誓辭爲「廢滅殘廢清朝創立中華民國實行民生主義」之十八字；與是年正月在舊金山組織同盟會之誓辭相同。是爲總理擴大乙巳同盟會盟書意義之第二次。是日首次舉手加盟者，有會長福梁海當觀進許直臣溫雄飛譚達黃堃許棠程就鄺良林光古柏荃盧冠等二十餘人，公推梁海爲會長，會長福爲司庫；盧信爲書記。繼以同志商人中有不便公開入黨者，特另設同盟會秘密團，使不致爲清領事所羅織構陷。復在鍾宇住宅開秘密會，列席者有鍾宇楊廣達李烈譚達譚亮黃亮雷官進盧信諸人。衆如式加盟後，由總理委任楊廣達爲團長，李烈爲司庫，盧信爲書記，譚達雷官進鍾宇黃堃爲值理。其後茂宜及希爐兩島與中會亦相繼改組爲同盟會，茂宜島加盟者有鄧明三陸進譚進劉聘譚貴福等。希爐島加盟者有黎協林弼南李成功劉安李社銀鄭功袁偉譚惠金右賀等。總理居檀兩月，旋東渡日本。瀕行語會長福等，謂旅檀華僑子弟日衆，應設學校以教育之。故事後長福盧信楊廣達李烈黃亮鍾宇雷官進譚達揚著昆古柏荃等遂聯絡埠中

殷商趙錦古今福龍文照許發劉佛良余樹楊年林業舉等措資創辦華文學校，其中捐款最巨者。首推長福，是校至辛亥年夏秋間始宣告開幕。是歲四月盧信歸香港，代聘謝英伯爲校長。及民國成立，仍繼續多年，成績卓異；卽民十七年改名中山學校者也。辛亥三月二十九廣州一役之前，檳埠同盟會亦接總理公函，令募款濟急，以乏專員前往督辦，故收效甚微。結果香港革命軍統等部僅收到該埠捐款港幣三千元，尙不及會長福一人釀助華文學校之數，殊出總理意外云。

## 第二十一章 戊申廣州保亞票之革命運動

保亞票成立之動機 保亞票以前之粵省軍界 保亞票之運動方法 是役失事之經過 諸烈士就義及審訊情形 保亞票黨人之生死 關於此役之清吏文電 葛謙事略 譚馥事略 羅謝治事略

〔保亞票成立之動機〕 戊申（一九〇八年）冬十月廿一二日，滿清帝后相繼逝世，在革命黨員葛謙、曾傳範、羅謝治、嚴國峯、譚馥、黎尊、錢占榮諸人，欲乘時大舉革命，因有組織保亞票，以聯絡軍隊之舉，主持保亞票之重要分子，以湘籍志士爲多。葛謙、羅謝治、譚馥、曾傳範、黎尊，皆該省同盟會員也，先是湘人郭人漳（葆生）於乙巳年（一九〇五年）奉桂撫李經羲徵調，任桂林巡防營統領，蔡鐸（松坡）時亦任陸軍小學監督。郭蔡二人均以維新人物見稱於時，故同鄉之有志者多赴桂投効。是年夏秋間，中國同盟會成立於東京，黃興（克強）與郭蔡二人素有淵源，遂於是冬繞道香港入桂，擬策動郭使以所部舉兵反正。會人漳方因事與蔡鐸大生意見，各不相下，經克強多方調解，仍無法合作。克強不得已，乃從聯絡下級將弁入手，爰組織同盟分會於桂林之鉢園。郭部將弁及隨營學堂與陸軍小



學師徒加入者。有葛謙、曾傳範、林緯邦、雷麟、譚道源、彭新民、梅寬仙、陳國良、林虎、楊鏡銘、譚二武、陶表封、鄧永成、劉泰賢、王德淵、張熙等八十餘人。事爲桂撫李經羲所聞，特派委員查究。蔡鐸得訊，卽令學生嚴書滅跡，而將最激烈之學生張熙潛送出境寢事。及克強離桂，郭人漳旋亦調駐粵省肇慶，葛謙會傳範等先後來粵向軍界繼續活動，旋赴香港謁同盟會總分會長馮自由取同盟會各項文件，在虎門黃埔等處組織通信處廣收會員，軍界入黨者大不乏人。至戊申冬，值清室大喪，遂決計尅期大舉，以同盟會三字易惹起清吏注意，乃僞庚子唐才常富有票辦法，另立一名目曰保亞票，以利進行。同時復得湘人譚馥、羅治霖、黎華、鄂人嚴國峯、錢占榮，粵人姚雨平、姚碧樓等相助，勢力乃日益發展。冬十一月初旬，葛謙親至香港，請馮自由致電孫總理，請示方略，并匯款接濟。更函請黃興譚人鳳二人來粵主持軍事。時孫總理方偕胡漢民，胡毅生，何克夫等由新加坡赴暹羅，消息因之阻滯，至是月十四日以事機不密，全局瓦解。

〔保亞票以前之粵省軍界〕 乙巳冬，香港同盟會成立後，梅縣人謝良牧首先介紹其邑人張谷山入會。張字如川，向任嘉應州（梅縣）師範學堂教員，加盟後，銳然以聯絡省城軍學兩界爲己任。丁未（一九〇七年）春，組織一長樂留學公所於廣州舊倉巷鳳翔書院，爲秘密

運動機關。黃埔及虎門等處陸軍學生入會者頗衆。姚雨平、何克夫、莫偉軍、譚劍英、劉古香、林震、張我權、張祿村等其最著者也。時趙聲（伯先）由江南改調來粵，初任督練公所提調，旋改任燕塘新軍標統。在粵同盟會員朱執信、胡毅生、張伯喬等介紹谷山與趙聲相識，並在三元宮置酒歡會。未幾，郭人漳奉粵督岑春煊調赴欽州剿匪，趙聲繼亦調駐廉州。谷山仍在粵運動不爲少懈。及是夏五月初一日，劉思復謀炸李準不成，谷山以同事嫌疑始倉忙出走。然姚雨平尚極力謀使駐省之嘉應籍防軍相機反正。曾有一次偕李文範赴香港報告，謂有嘉應籍防軍二營適調駐省城，可以策動大舉，請馮自由電達孫總理求接濟餉械。旋得覆電，謂各方籌備未竣，戒勿輕舉，遂爾停頓。此丁未戊申年間事也。在桂林之同盟會員自郭人漳改調，多隨營來粵，葛謙初赴日本肄業東斌學校，會傳範則投入虎門陸軍速成學堂，藉資聯絡。未幾，葛謙復由日來粵活動，並先後結識譚馥羅澍滄黎尊嚴國峯姚雨平羅貫之諸人，聲勢爲之一振。時葛謙等專任聯絡駐粵之外省軍隊，姚雨平則運動嘉應州籍之巡防營如故焉。

〔保亞票之運動方法〕 會傳範自桂來粵，即隻身投入虎門陸軍速成學堂，有所計畫，以該校有旗籍學生二十餘人，運動殊形困難。經數月後，始結識有志者何秉鈞、駱鳳翔、蔡

向榮、鄧鎮藩、林賢紹、陳海波、李經之等數人。初用書面討論時事，未敢公然往還，及葛謙自日來，乃復遞交趙聲、譚馥、羅澍治、羅貫之、姚雨平、黎尊、劉古香、姚碧樓等。同志日衆，因有組織同盟會通信機關之議。於是推定姚雨平爲謙等主持省城分會，會傳範譚馥等主持虎門分會，所有入會盟書，概送香港中國日報馮自由保管。迨戊申年冬，清帝母子暴死，衆以機會難逢，一致主張加緊工作，尅日舉兵。爲利便聯絡各營士兵起見，另發一種票據，名曰保亞票，其方法係仿照湘鄂哥老會規程，刪繁就簡，會中一切階級隱語概行刪去，僅製一元長紙條，四角繪有山堂香水及內外口號詩句等等。由譚馥等辦妥後分發之。又以在粵之外省軍人甚多屬哥老會籍，故所用宣傳材料，亦多抄襲洪門海底以說明之。大旨謂自滿清入關後，吾漢人有揚州十日，嘉定三屠，廣州三日之慘，明末遺老因此組織此會，以爲復國討賊之預備。迨清康熙八年少林寺之光復計畫失敗，乃更分途向及長江沿岸粵閩川桂滇黔各省推廣勢力，以圖再舉。其旗號爲反清復明四字，即所以標明洪家宗旨。惟日久玩生，各會員多忘卻本來面目，甚有且忘親事仇爲虜効力者，實屬本會之奇恥大辱。今革命黨首領孫文黃興二先生集合全國人材，討滿興漢，救民水火，與洪門創始之宗旨相同。凡哥老會員要救國復仇，應即加入革命之同盟會纔有力量等語。一時風聲所及，在營伍中之哥老會籍會員

莫不以加入革命黨及領取保亞票爲榮幸，就中以水師提督親軍營加入者爲最衆，殆佔全數中十之七八焉。及爲預防一部失敗牽及全部起見，凡保亞票會員，除葛會譚羅黎諸人外，概不令與其他之同盟會員相識，用意頗爲周密。時新軍標統趙聲已回粵復職，所規劃各事亦頗得手。葛謙譚馥等以籌備漸次就緒，遂於城內桂芳街師古巷大同旅館設一辦事處，以爲接洽各方軍人之出發點。同時復親赴香港商議接濟餉械方法，由馮自由給與臨時用費三百元及革命方略二冊，備起兵時設置國糧局之需，其文告亦悉照革命方略所編定者，於是駸駸乎有弦滿待發之勢矣。

「是役失事之經過」 十一月中旬，葛謙譚馥二人爲進行第二步工作起見，對於加入保亞票之水陸巡防各營兵士，實行點驗人數，以便發難時指派任務，特遣同志分別通知各營兵士，令於假日出遊必須經過桂香街，各自解開軍衣上第二鈕扣爲記，以便暗行點驗。時有負責通知水提親軍營之嚴國峯，不幸於十四日在太平街水提行署遺落保亞票一紙，爲水師提督李準之巡捕拾得，即呈報李準。李知事體重大，遂派員弁嚴行查究。是晚在燕塘測繪處將嚴國峯拿獲，檢出日記簿，記有葛謙譚馥會傳範羅澍滄錢占榮等名字。於是跟蹤至師古巷大同旅館，續獲葛謙。譚馥以適外出得免。惟將譚預備起程之包裹檢去，內有保亞票冊底天花板

旗幟及往來信件等證據。又在觀音山下龍王廟水提親軍中營續獲會傳範。十六日，在樂從墟水提親軍左營獲羅樹治，是時水提親軍營兵士因藏有保亞票而被逮捕者約二三百人，同謀之黎尊、姚雨平、姚碧樓諸人，皆聞風逃避。所有城內桂香街，馬鞍街、惠愛七約、觀音山、姚家祠、古家祠、雙門底、太平沙，各機關人員出走一空。李準以本營士兵入會者如此之衆，大爲震駭，逆料他營入會者亦必不少。況在國喪，連得諜報有革命黨謀在廣州大舉及新軍不穩之說，深恐一事株連，反令挺而走險。遂即晚令將被捕士兵一律釋放，并分設悔過自新箱懸挂各營，令凡領有保亞票者自行一置箱內，即准予自新，照常供職，又令統領吳宗禹派兵嚴密防患，全省戒嚴，如臨大敵。

〔諸烈士就義及審訊情形〕 是案破獲之後，李準初派委員提訊數次，葛謙等均堅不吐實。李準遂會同臬司蔣某親自審訊，且破例使之坐供，以示優待。嚴國峯供稱湖北襄陽人，年廿六歲，先在廣西營，後在武健軍，隨入廣東將弁學堂，去年轉入陸軍學堂畢業。八月奉派往高州當教練員，請假回省，尋入先鋒衛隊，先識譚文炳即譚馥，後識葛謙，經譚招令入會，並先後給予會票五十張，已散去十四張，遺失廿一張，現存十四張。該會以孫文爲首領，譚文炳爲廣西首領，章程仿照新軍辦理。散票五十張者作爲排長，月薪四十兩。散票百

三十張者，作爲軍官，月薪八十元；新票三百張者，作爲管帶，月薪五百兩以上。尚有標統協統參謀等名：入會者廣東已有五六百人，軍隊爲多。廣西已有二千餘人，長江一帶人數更衆。廣東首領係嘉應州王姓。定期十二月在廣東起事，錢糧由孫文在外洋接濟，惟軍火難於轉運，故欲專向軍隊中之外省人運動，屆時有軍火應用，易於成事等語。葛謙供稱余字誕麟，湖南湘鄉人，年廿四歲，係日本留學生，前歲在東洋識孫文於演說壇，遂動革命思想，蓋滿人盜竊我漢族神器二百餘年，近日且以預備立憲欺騙漢人，吾黨首領孫黃二公因此創立同盟會，專以恢復漢室，建立民國，救民於水火爲職責。吾人入會後即回國北走遼滿，西走陝甘，中歷長江，東來兩廣，三年之間，聯合同志不下數十萬人。此次到粵，先赴欽廉訪郭統領不遇，囊空如洗，貧病相乘，欲歸不得，抵省後與譚文炳同住一棧。宗旨雖同，各行其道。譚志在散票聯絡軍界中人，我則不甚注意。我們黨人爲救國計，多願降志辱身，到各營充當下級職務。我近數年來，觀中國腐敗至此，皆由滿人壓力太甚，視我漢族如牛馬奴隸。故我等同動公憤，結立團體，思爲我漢族復仇雪恥，以救國家之危亡。成敗利鈍，蓋所不計。目前國勢日益衰弱，民心莫不怨憤，正爲我等起事之機會。但欲成大事，必須我漢族人同心合力，乃克有濟。現中國人心尙多參差不齊，老票黨以洪幫居其大半，而票黨與革黨宗

旨亦頗有不同之處。蓋若輩多數未受教育，無歷史知識，久已忘却滿漢二族之深仇大恨，故吾等正擬開通其知識，鼓勵其勇氣，憑藉其勢力，合革黨之鐵血以成大事，務使後人跳出苦海，共享太平之福等語。供辭千餘言，無一語牽及他人，再三研訊，仍堅稱我之宗旨只是如此，我的同黨我斷不能供出，已拚一死，願快死爲樂。我一流血，留他們做大事業。歷觀歐美各國之大革命斷無不流血而成者，近來因革命流血者亦不止我一人。我之宗旨，雖死亦不能變其方針。言盡於此請速殺爲愈。又云，今世界人只知有成功之華盛頓，而不知有失敗之華盛頓。蓋必有無數失敗之華盛頓推於先，挽於後，然後成功之華盛頓以出，今我既不能爲成功之華盛頓，亦當爲失敗之華盛頓。我此次到粵，憑我這張口舌運動軍政兩界，此兩界有人可以爲我用，則大可憑藉其鎗炮勢力作爲內應。我的宗旨目的，自然能夠達到。可惜廣東軍人程度太低，極少高尚思想，惟學界稍爲開通。今既被拿獲，我之身雖死，而我之靈魂仍將爲千百化身，以繼續我等之志云云。羅澍滄供稱原名治霖，湖南新化人，年廿四歲，曾入新化速成師範，後入京津學堂。今年五月來廣東，初欲入虎門陸軍學堂，至六月十五在先鋒隊當兵，廿八日銷差，復在親軍中營當哨官。葛謙譚文炳二人九月初間在虎門會過，譚說他的辦法，在運動軍界數千人即通知孫文進兵，屆時官方必派營勇對敵，而營勇多係我黨，

則倒戈相向，易如反掌。廣東素以富著，民間亦多藏有軍械，起義時一經傳檄，軍民響應，大事成矣。虎門各處炮台爲入口要隘，現併設法運動，多佈同志，以便由香港進兵及輸運鎗炮。既得廣東，卽西略廣西，北進湖南江西各省，此籌畫佈置之大略也云云。曾傳範錢占榮二人均不承認有入會情事，僅供稱與葛謙譚文炳相識，並不知情等語。訊問既畢，李準及蔣臬司均謂葛謙年僅廿餘，少年英偉，深爲可惜，頗欲開其自新之路。因問曰，如我等不將汝正法，你日後何以自處。葛稍思片時，答曰，此後或可披髮入山，不躬行革命之事，惟口舌鼓吹仍難止息。革命宗旨斷不因此而稍變。李準謂該逆叛志已深，不可與言。遂令將各人解開繯鎖，拍照存留。至廿三日早，由營務處覆訊，稟請粵督及王命，卽提葛謙嚴國峯二名押赴市曹加害。臨刑時毫無懼容。至羅澍滄，雖與葛謙書信往來，證據確鑿，惟須待拿獲譚文炳審訊明確，暫緩發落。時羅澍滄見五人同時拍照，以爲亦將加害，乃索紙筆書對聯，聯曰：「撒手足千秋，黃種國民應有恨。傷心惟一事，白頭老母竟無依。」當攝影時，羅卽以聯黏在身旁，謂欲付回原籍鄉人以留紀念云。又判錢占榮曾傳範二人雖無入會確據，然以軍人學生而與逆黨往來，顯係同黨，擬定遞解回籍，交地方官嚴加看管。在逃之譚馥卽文炳，散放保亞銀票至數千張，罪大惡極，飭知各地方官一律通緝。其初此案本牽連四十餘人，李



準恐葛謙等供仇不供黨，是以一律免究。又當審訊時，李準令各給矮椅使坐，並給以筆墨，藉示優待。故各人亦不待研鞫，所書親供皆各千數百字。葛謙供辭中且牽涉及欽州統領郭人漳，略謂郭全恃彼黨之力，始得與欽州土黨相安無事，後以富貴黨心，頓易初志，殊爲可鄙等語。李準原與郭人漳訂金蘭之好，至是乃力爲郭辯護，謂葛曾在欽州與郭部營弁王德淵結黨起事，王被郭誘獲懲辦，葛僅以身免，故認攻以圖報復云。

「保亞票黨人之生死」譚觀於十四晚李準派兵投捕大同旅館時，以身材矮小，乘間逃出，即赴姚雨平所設機關送信。旋逃匿一小艇中，翌早赴清遠轉韶關，居楊發貴統領營中。時省令嚴緝黨人甚密，不敢久伏，擬返湘活動。至郴州被捕解粵，嚴訊百餘次，卒不牽及一人。後爲清吏秘密加害，其就義時日，至今無知之者。會傳範羅澍滄於葛謙殉難之日，在獄作二輓聯弔之曰：「自中華失南越以來，美雨淋淋，歐風颯颯，漢奸授首，滿賊低頭，壯志波重洋，直將吸海國文明，代四百兆同胞續命。聞烈士遭東林之禍，詞如金石，氣貫山河，婦孺寒心，胡奴喪膽，聲名勝百粵，願得英雄碧血，爲五千年歷史增光。」又曰：「赤手拯乾坤，壯志西歸名不朽。丹心貫日月，珠江東去血橫流。」翌年己酉（一九〇九年）正月十九日，粵吏始派警弁將曾錢二人分遞湖南湖北，行至郴州，錢占榮乘間脫逃，以後不知所

終。曾樞範留郴州獄二十餘日，得州官譚丞元優待與送至益陽原籍，復得益陽知事恭正憐恤，於庚戌年（一九一〇年）六月，稟知大吏，准交保開釋，在益陽任教職數月。辛亥年（一九一一年）夏，棄職來粵，仍祕密運動軍隊陰使反正。及武昌起義，乃赴肇慶聯絡西路統領隆世儲宣佈獨立。九月十九日，廣州之光復，與有力焉。羅澍滄爲譚人鳳之得意助手，此次被逮，因有人致譚復信，內有斌麟澍三先生字樣，故連而及之，訊問數次，均飾詞掩過，且於涉及時事時，無不慷慨言之，但只謂政治不良應當從速改革，而無激烈言論。問及保亞票事，則稱一毫不知。與之談被捕諸人，則以葛謙雖已供認不諱，而曾傳範不肯直供。故曰，葛之勢力甚大，學問甚好，曾學問有限，不足革命。李準終以嫌疑太甚，卒判令監候待質。至辛亥光復，始乘機破獄而出。黎尊字建侯，湖南長沙人，與葛謙譚復等素有關係，是年來粵，易名投効新軍，充見習官，以聯絡新軍爲己任。及葛譚等事洩，乃潛走廣西。己酉春，復來粵向軍界有所活動，於四月初二日被捕入獄。辛亥九月十八日，在獄聞粵督張鳴岐出走，乃與羅澍滄釋放同囚，號召同志三百餘人，佔領水師行臺及各機關，稱建字軍統領，旋被委充北伐軍第三混成協協統。要之保亞票一役，湘人葛謙、譚復、曾傳範、黎夢數人實爲主腦，嚴國峯錢占榮等次之。在省城粵人與有間接關係者，只姚雨平、張煊、姚碧

樓、姚啓新、羅貫之、鄭魯等少數人而已。事後在香港廣州等處之同盟會員特募集捐款，以恤助是役殉義同志葛謙等遺族，中以女醫生梁煥真所捐一百元爲最多云。

「關於此役之清吏文電」 兩廣總督張人駿等自破獲葛謙等一案後，以葛等供辭有「同黨散布在廣東者約有五六百人，其頭目王姓係嘉應州人」等語，復據外埠領事官文報調查，咸謂外洋革黨亦以潮屬人居多數，因是電令潮州鎮道督率文武，認真防範，嚴密查緝，並轉飭嘉應州州官鄒某訪拿王姓頭目，務獲解辦，並分電各省督撫一體嚴緝歸案。又以李準部下各員破案神速，特奏請清廷論功行賞，茲錄當日張人駿文電如左：

現獲革黨葛謙等訊據，供稱在逃之譚文炳與伊由日本來粵運動軍隊，希圖乘國喪起事。已散票布數千張。並云現在長江一帶軍隊較粵省軍隊開通，易於辦事，入會之人甚多。詰其長江頭目何人，抵死不供。應即飭屬嚴密防範等情。當即飭令督練三處及營務處轉飭鎮協統制水陸巡防隊統領嚴密防範，所有各軍隊外來信件，概須認真檢查。並飭臬司巡警道一體認真查緝云云。

又張人駿奏獎拿獲革黨人員電文云。

查粵省地接港澳，匪黨最易潛蹤。值此國家多難，臣深慮變出意外，即與署水師提督李

準熟商，密調營隊，扼要屯紮，並暗派偵巡四路確探。乃該匪黨葛謙等竟乘機潛來，分頭散票運動軍隊，以圖一逞。幸在事各員奔赴機迅速，罪人始得，大局賴安，更屬難能可貴，自應遵旨擇尤請獎。所有最出力之降補府經歷縣丞廣東補用直隸州知州伍秉誠，擬請開復原官，仍留原省補用，並賞加同知銜。副將銜補用游擊水師提標中營揀發都司林國祥，擬請免補都司游擊，以參將仍留原標儘先補用。督標中營儘先守備潘鎮藩，新會營崖門千總梁朝彝，均擬請免補守備，以都司仍留原標儘先補用並賞加游擊銜。相應仰懇天恩俯賜照准給獎，以示鼓勵云云。

〔葛謙事略〕 葛謙，字誕麟，湖南湘鄉人。少讀王船山遺書，隱然具民族思想。居常語人，輒斥胡左彭爲漢族罪人。聞者多以狂士目之。弱冠，遍遊長江沿岸及東三省各埠，目覩時局日非，庶政敗壞，所志乃益堅決。甲辰年（一九〇四）冬，黃克強馬福益等謀在長沙舉義失敗，謙聞之，義憤填膺，由是深敬克強爲人，欲往從之而不得途徑。乙巳年（一九〇五）夏，湘人郭人漳調任廣西巡防營統領，特在桂林創辦隨營學堂，召集湘中志士於一堂，有所企圖。謙知人漳與克強素有關係，自赴郭部投効，人漳許爲幹材。是歲夏六月，克強與孫總理集合各省黨人組織中國同盟會於東京，冬十一月，繞道香港入桂，擬運動人漳率所部

相機反正。謙由是交克強，如得師保。克強乃倡同盟會於大校場之校室，先後與盟者，有譚及郭人漳、林虎、梅寬仙、曾傳範、譚道源、彭新民、鄒永成、譚二武、陶表封、王德潤、楊銳封、陳國良、張熙、劉嘉賢、林緯邦、雷懿等八十餘人。會陸軍小學監督蔡鐸與人漳因事不合，人漳慮爲所乘，遲疑不敢先發。克強與蔡鐸亦屬故交，幾經調解無效，知事無可爲，乃於丙午年（一九〇六）春三月，赴龍州，訪鈕永建秦毓璽等計議軍事。旋取道越南至香港。葛謙自克強離桂，卽東渡日本，肄業於東斌學校。丁未年（一九〇七）春，郭人漳奉粵督岑春煊命調駐粵省，隨營學堂諸同志曾傳範等咸隨之來，傳範投身虎門陸軍速成學堂，擬聯絡學生擴張黨勢，數月未見成效。未幾，謙自日來粵，漸結識趙聲、譚馥、羅澍治、劉古香、姚雨平、黎尊諸人，決定組織廣州虎門等處同盟會通信機關，以厚勢力，并親赴香港與分會長馮自由商定聯絡黨員及處置盟書方法。所有盟書概密送馮自由妥爲保管。廣州聯絡事宜，謙與姚雨平任之。虎門聯絡事宜，曾傳範任之。由是虎門黃埔等處陸軍學生，各地文士入會者，頗不乏人。是歲春夏間，郭人漳被調赴欽州平亂，黃克強譚人鳳先後從越南至欽州郭營，謀挾人漳發難。謙聞克強人鳳在欽，遂往從之。七月王和順起兵防城。克強先與和順約，欲夜半率郭部開城應之，以欽廉道王瑚臨時戒備，不果。是役清廷以人漳平亂有功，

明令開復二品道銜以獎之。人漳且與李準互訂蘭譜，誓共生死。對於黨人漸懷異志，以所部營弁多與克強有連，嚴令勿與往還。謙抵欽時，克強人鳳均已他適，遂力運動郭部王德淵陶表封霍時安諸人暗襲欽州府城，以接應克強東興之師。事洩，王德淵霍時安先後死之，謙與譚馥逃回廣州，人漳更指名通緝之。謙既返省，仍偕譚馥，羅澍澂、曾傳範、龔國峯、錢占榮、黎尊諸人向新舊駐軍宣傳革命，行之二載，收效日宏。外省籍之巡防營兵士多受部勒。謙等以羽毛漸見豐滿，正擬待時大舉，至己酉年（一九〇九）冬十月下旬，忽聞清帝母子暴亡，舉國人心皇皇，衆皆認爲發難之莫大機會，譚馥提議仿倣庚子漢口唐才常富有票方法，散放一種保亞票，以便吸收外省籍士兵入會，一可容易聯絡湘鄂哥老會員，二可避免與無直接關係之同盟會員彼此接觸，庶不致於洩漏時牽及全部。譚等咸聽其議。十日後，外省籍兵士之領票者，有如蜂擁，尤以水師提督之親軍營爲特衆。十一月上旬，謙至香港，請馮自由電達孫總理黃克強報告運動成績，并求黃克強譚人鳳屆時親來督師。當由馮自由給與用費三百元，另革命方略二冊，備發難時設置囤糧局及出示安民之用。時駐省各軍略已運動就緒，惟外屬水陸巡防諸營尙缺乏聯絡，乃派譚馥於十五日赴北江各屬向當地兵士散發票布，以竟全功。詎同志嚴國峯不慎，於十四日在天平街水師提督行署遺失保亞票一紙，爲李準衛兵拾

取，李準遂派兵警跟踪嚴國峯錢占榮二人捕獲，復到桂香街大事搜索，僅謙一人就逮。譚觀以機警逃脫，兵警遂將譚束裝待發內藏票據書函之包裹搶去，因得按址續獲會傳範羅澍澗等及士兵數百人。李準以水提親軍領票最衆，大爲驚異，深恐一事株連，逼成大舉。卽晚令將被捕兵士釋放免究。旋將葛謙嚴國峯羅澍澗錢占榮會傳範諸人分別研訊，復由三司及營務處督練公所水提等會審，葛謙供詞長數千言，慷慨激昂，各承審員咸爲咋舌（供詞已見前文不贅）李準初以謙年少英俊，有成全意，後以謙矢言始終貫徹革命宗旨，以求速死爲樂，遂與嚴國峯同判死刑。是月二十日，就義於珠江天字碼頭。在粵及香港之同盟會員特開會追悼，并醮資恤其遺族。

「譚觀事略」 譚觀，字文炳，湖南湘鄉人。少與哥老會諸首領遊，因熟識洪家反清復明之宗旨，慨然以光復爲己任。弱冠投身營伍，亟欲運動各方兵士之屬哥老會籍者使爲己用，以湘中兵士陋習太深，多失本來面目，久難收效。聞黃克強譚人鳳在粵，乃間關至廣州求見。抵粵後，漸結識葛謙，會傳範、羅澍澗、嚴國峯、黎尊、錢占榮、姚雨平諸人，遂由葛謙介入同盟會。謙等以其會隸秘密會黨，大可藉以聯絡駐粵之外省籍軍隊，咸器重之，丁未年（一九〇七年）七月，革命軍佔領防城縣，旋進攻欽州城失敗。觀聞黃克強在欽，乃隻

身赴欽尋之。及至，則克強已他適，遂與葛謙王德淵運動郭人漳部兵士反正，事洩，王德淵被捕就義，馥與葛謙狼狽逃走得免，人漳仍下令通緝之。馥再至廣州，與葛謙同寓桂香街機關，復從事運動軍隊之下層工作不懈。戊申年（一九〇八）冬十月，清帝母子相繼斃命，葛謙等主張乘時積極進行。尅日大舉。馥建議謂運動外省籍軍隊，宜沿用聯絡長江魯黨散放票布之方法，利用各地兵士之舊習慣，可以事半功倍衆贊成之，并定名曰保亞票，即推馥專任此項工作。進行十餘日，省中防營及新軍領票入會者大不乏人，惟外屬水陸巡防各軍仍未受部勒，馥乃決計親赴北江各地從事聯絡，以竟全功。詎於行前一日，即十一月十四日，同志嚴國峯在太平街水師行署遺落保亞票一紙，爲李準部卒拾取，遽爾事洩。李準所部跟踪至桂香街，將葛謙捕獲。馥以身材矮小，乘間逃脫，所預備攜往北江之包裹，內藏票據旗幟，文件等物者，均被搜檢一空。李準因得按圖索驥，依次搜捕。保亞票之經營以是全盤瓦解。馥逃脫後，即赴姚雨平寓處報信，是晚匿於一小艇中，翌晨赴清遠轉韶關，居楊發貴統領營中，時省令嚴緝黨人甚急，馥不便久伏，即取道返湘活動，行至郴州，被清吏指名逮捕，即解回粵省。經李準派委員嚴訊百餘次，卒不肯牽及一人。在獄結識與庚子（一八九九）唐才常及壬寅（一九〇二）洪全福二案有關之蘇子山，即翼超改名，二人相見恨晚。仍與同囚之



羅澍滄黎等密謀聯絡在外軍隊如故。庚戌年（一九一〇）正月，倪映典以廣州新軍反正失敗，粵中大吏異常恐慌，遂令將譚駿秘書錯決，以絕後患。在粵黨人，皆不知烈士殉義時日云。

「羅澍滄事略」 羅澍滄，字澍滄，湖南新化人。少畢業新化中學，獲交於譚人鳳，因有興漢滅滿之志。弱冠棄書事武，初擬習陸軍，以頭髮紅黃爲各當道所棄。丙午（一九〇六），黨人舉兵瀏醴之役既敗，乃走廣東投巡防營當兵，以寫作俱佳，當代兵士寫信，得衆歡心。其後藉此得散發保亞票數千於營伍中。水提親軍營收效尤著，澍滄之力爲多焉。統領吳宗禹見其書法甚佳，提升司書，粵中所謂紅毛司書者是也。戊申冬，以保亞票案失敗被捕，訊無確據，其被捕原由，乃因所致譚人鳳信內有斌麟澍三先生字樣，故連而及之。問數次均飾詞掩過，及與之縱談時事時，無不慷慨言之。但言及革命，祇言政治不良應當改革。問保亞票事，「茫不知。與之談被捕諸人，則謂爲譚之勢力甚大，學問甚好。會傳範學問有限，不足革命等語。當十一月十八日提訊攝影時，聞營中有人呼空手二字。澍滄誤聽爲紅手，蓋紅手者殺人之劍子手也，知事不免，乃即書一聯曰：「撒手自千秋，黃種國民應有恨；傷心惟一事，白頭老母竟無依。」翌日，廣州各報以特字登之。當道見此聯，雖有革命

嫌疑，而一片仁孝之心躍諸紙上，乃以監候待質，下廣州獄。己酉（一九〇九）四月，黎尊亦被捕下獄。故友相逢，雖在獄中不忘國事，仍進行不懈。及辛亥九月光復，即乘機破監而出，召集保亞票同志譚鼎新朱清等成立建字軍於滯署。黎尊任統領，謝滄任執法處長。民國三年，奉母返新化原籍，知袁世凱陰謀帝制，必為天下大患，遂與曾傳範譚二武等謀聯合長江流域同志，在益陽設機關於曾傳範家。聘日本人山本大郎等暗製炸彈，謀殛擊湘督湯鄉銘。自赴新化運動各駐軍，為新化劣紳楊某密報縣署，誘捕解省，刑訊數十次，無供被戮。家有老母八十餘歲，子甫數齡，其老母幼子皆贍養無着云。

## 第二十二章 庚戌新正廣州新軍反正之役

河口敗後之革命黨 倪映典略歷 新軍入黨之踴躍 各地響應之準備 籌款及運械情形  
除夕關事之真相 關事後之兵變 子彈缺乏之原因 東門之戰 倪映典之決心 新軍失敗  
後情形 諸烈士之供辭 事後新軍之影響 袁樹勛之奏摺

「河口敗後之革命黨」 同盟會自雲南河口一役失敗後，以收拾餘燼，元氣大傷，各領袖如孫總理則再遊歐美，黃克強及譚人鳳則東渡日本。從戊申（一九〇八年）五月至己酉（一九〇九年）初冬，對於內地之軍事行動，殆有完全停頓之勢。惟香港及廣州等處黨務，則反因此得以聚精會神，而大為發展。香港分會及廣州機關均氣象一新，而同盟會南方支部亦於己酉冬成立於香港黃泥涌道。趙聲、倪映典均因遭粵督疑忌，先後去職。趙居香港，而倪則留省，專任運動新軍事務。先是黨員張谷山、姚雨平等曾於丁未春着手運動防營反正，兵士附和者頗不乏人。至戊申冬，復有葛謙、譚馥、嚴國峯、黎尊、羅樹滄、曾傳範、錢占榮諸人在營伍中散放票布，宣傳革命。事洩，葛、嚴、譚三人死之，黎、羅、曾、錢等被捕繫獄。軍中軍隊受其感化者，絡繹於道。及倪繼續進行，成效更著，至是年冬事機漸熟，因

有尅期大舉之計畫。

「倪映典略歷」倪端原名映典，字炳章，安徽合肥人。先世賦性高曠，不樂仕進，至倪父某以醫術行世。倪幼習父業，至庚子年目視時艱，卽慨然以天下事爲己任。甲辰（一九〇四年）棄醫業，投身安徽武備練軍學堂，冀練一軍人資格，以爲國民用。畢業後，復入礮兵學堂。丙午（一九〇六年）爲江南礮兵營將校，軍事學冠儕輩，尤以馬術名聞。丙午冬萍鄉兵起，江西清吏乞援南京。倪挺身請往，冀萍軍勢有可爲，遂乘機以爲助也。及抵萍，見大事已去，從此益加悲憤，吞滅胡虜之念，時流露於辭色間。戊申年皖吏調倪任騎兵營管帶。時熊成基等正組織同志於軍隊中。倪往，氣益壯，蓋熊固倪同學，而在江南時，倪切磋磋之益爲最深者。旋倪爲滿督端方所覺，電至安徽詢索，將不利於倪，倪遂不能安於皖，易名而走粵，卽至香港中國日報訪馮自由，正式加入同盟會。旋投身軍隊充礮兵見習官。未幾，安慶馬礮營反正，倪以在粵未得身與，時以爲憾。既而爲礮兵排長，演說復仇主義，聲淚俱，同袍將士，多爲感動。倪以漸見疑於當局，乃辭職出，親赴香港謁同盟會機關部諸首領，力言新軍大部傾心革命，機會大有可爲，請香港同志擔任籌餉，而彼則願在省積極謀發動。趙聲等深韙其議，謀遂定。

「新軍入黨之踴躍」，便受任後，先在香港中國日報領取「革命先鋒」，「外交問題」，「立憲問題」等小冊子萬數千冊，散布軍隊中，以廣宣傳。新軍兵士大都通文字，感化最易，一二月間收效至鉅。繼設機關於城內天官里五號，雅荷塘六十七號，木排頭宜安里，清水滾等處，使營弁巴澤憲、方紫枋、張立璧、陳哲梅、譚源、易培之、黃洪昆、王占魁、江運春、翁錫亮、甘永宜諸人分頭運動。復由香港中國日報印製同盟會小盟單萬張，攜至省中各機關，令各兵士舉手宣誓，每逢假日，則在白雲山滌泉寺演說革命，三標兵士趨之若鶩，鼓掌如雷。十月間有一標三營羅嗣廣探知其事，取得盟單一紙，持告協統張哲培。張遂急向粵督周馥告密。周大驚，令張立將盟單付諸一炬，且切囑勿傳播於外，有彼此均不便等語。排長巴澤憲即因此事逃避香港。

「各地響應之準備」 倪映典以時機已熟，遲恐生變，復親赴香港提議從速舉事，趙聲等均贊成之。遂電美國，請孫總理籌二萬元應急。一面電邀黃克強、譚人鳳來港，共策進行。旋得總理復電，謂款可籌劃足數，并令積極進行勿餒。克強、人鳳先後至港，鄂人孫武因事自鄂來粵，即在香港宣誓入黨，謂鄂省已有共進會之組織，軍界多趨向革命；如粵有事，鄂必響應。李書城、莊蘊寬自桂赴滬，過港時訪馮自由於中國日報。李求見克強，謂聞

粵中新軍已有動作，現桂省軍界運動亦極得手，最好兩省同時舉事，以分清軍之勢，可否延緩數月等語。克強托故不見，而使胡漢民代表見之。陳炯明時任諮議局議員，亦在廣州入黨。十一月間自粵赴滬開各省諮議局聯合會，過港有所聞，謂當從速返粵有所盡力。此皆是年冬間事也。

「籌款及運械情形」形勢日急，而孫總理所許二萬元之款，僅由紐約、波士頓、芝加哥三處先後匯交中國日報馮自由收入千元，殊不敷義師發難之用，衆同志異常焦灼。黨員中有李海雲者，香港文咸街同源匯兌業商店之經理也。聞起事需款，見義勇爲，毅然將店內存款二萬餘元悉數獻納革命黨，以供軍用，已則逃匿河南大塘村，藉避股東詰責。黨部得此巨款，頓呈生氣，於是在羊城各區分設機關多處，大肆活動。徐忠漢、胡靈瑗、林直勉、黃俠毅、方紫楠、李應生等租屋於宜安里等處，預備起事時縱火接應。孫眉、楊錫初、及女同志李自平、陳淑子等則在香港灣仔東海旁街七十六號四樓馮寓日夕趕製青天白日旗，藏於臥具中密運廣東備用。洪承點、徐忠漢、李自平、陳淑子等擔任密運炸藥子彈等事，朱執信、胡毅生、李海雲、則駐河南大塘村，助民軍首領李福林、譚義、黎廣等爲響應新軍之籌備。至十二月下旬，海內外同志麇集香港、廣州二地，大有弦滿待發之勢。

「除夕鬧事之真相」 倪映典原與香港機關部約期於庚戌（一九一〇年）正月初旬發難。預定先由新軍首先反正，而李福林、譚義、黎廣、陸領等則率四鄉會黨撲城，以爲響應。詎兵士中有因殺敵在即，不免志驕氣揚者。十二月三十夜有二標三營兵士吳英元等以購名片細故，與雙門底總文齋書店發生爭執。警察從而干涉，兵士不服。由是新軍與兵士聚衆互相毆鬥。巡尉朱紹祥受傷。警察將新軍二人帶去。二標統帶知其事，派人前往保釋，爲一局警長所拒。元月一、二、三數天原爲新軍假期。初一早第一標新軍數百人憤同事之見侮於警吏，各執械入城，將被逮新軍奪回，並拆毀警局二處，傷警吏數人。粵督袁樹勛聞變，立飭中協水提督道一府兩縣馳往彈壓。惟新軍均不聽令，依然尋毆不已。高警道即命各局巡警卸去號衣，改易民裝，照常站街，至是新軍始行退去。

「鬧事後之兵變」 廣東新軍向分三標：第一標駐燕塘，第二、三標駐北校場。第一標步兵三營另設兵二營輜重及工程各一營，每營三百餘人。其步兵營共紮一處，如品字營，砲工輜另紮一處，相隔不遠。此標教練已四年，規制極爲完備。除夕鬧事者爲第二標，而初一日奪回新軍兵士及與警察大鬧者爲第一標，與二、三標無與。第一標又以步兵三營爲首，其中砲、工、輜又非全數同意也。及初二日，協統張哲培及一標標統劉雨沛鑒於軍警之鬧事，

遽將初二、三兩日假期改爲運動會，以杜止各兵出營滋事。是早各兵向標統要求放假不得，一標三營率先鼓噪，咸謂鬧事者祇二標，其不放假各有應得；若一標亦不放假，殊欠公道。一時同整附和者數百人，遂同闖進砲、工、輜各營，搜獲槍械并子彈一箱，且將空砲亂放以示威。時劉標統出而彈壓，大聲喝止無效，被傷頭面倒地。張協統知事大變，由後門遁去。至十時先有步兵二三百人湧擁出營，旋有多數奔回大開曰：「警兵派大隊攻營，我輩當出禦。」於是全標震動，無論同謀不同謀，皆紛紛束裝，各執槍械負子彈，由燕塘砲、工、輜兵營向城內出發。

「子彈缺乏之原因」 先是粵督曾得陸路提督秦炳直電，謂探悉新軍多參與革命運動，請嚴密防範等語，故二十九日已密飭各標統將槍內扳機並子彈解繳軍械局，祇留每營常備子彈一千粒，七營共七千粒而已。因是各兵士所奪獲軍械皆無扳機，不可用，乃復擁向砲、工、輜各營嚴搜。適各營正將扳機用馬車載運進城，遂被奪去。惟各快砲均無子彈，槍彈亦缺乏。然已勢成騎虎，不得不冒險前進。袁督聞警，疑有革命黨在內主持，令將城門關閉。滿將軍都統均親督旗兵巡城。新軍列隊到東明寺，聞城門已閉，遂退往城外山場，及往來於二標三標之間。



「東門之戰」 省中各軍官以事勢危險，乃在督練公所會商消弭之法。適陸軍小學總辦黃士龍因事到省，各軍官以黃曾任一標標統，且得士心，遂推其出任勸解。黃赴東郊痛切演說，衆皆無辭。黃勸即撤返燕塘，有數兵士言我輩尚有數十兄弟在東門附近，既同出亦應同歸。黃允其請，帶數兵士向東進發。詎旗兵不許通過，並放槍轟下，傷五人。黃總辦亦中槍，彈傷右臂及腿兩部。新軍黃鏡璜重傷不治，張輔雲、黃廷成、蒙某三人各受傷。新軍聞黃總辦傷重，怨恨填膺，遂向旗兵開戰，互擊良久，乃向燕塘撤退。并分兵一隊向北校場，佔據錢局後之小山及橫枝岡等處。另一隊佔守東校場茶亭附近，預備翌晨與清軍決戰。是夜城中文武官吏大爲戒嚴，旗兵運砲登城守禦。都統守東門，將軍守歸德門，李準守北門。袁督並電催虎門各營暨陸提秦炳直率兵來援。省河兵艦亦巡弋接應。居民因各街道交通閉塞，一日數驚，但新軍甚有紀律。沙河一帶貿易如常，若無事然。

「倪映典之決心」 當軍警鬧事時，倪知事必因之破露，乃匆匆赴香港，與黃克強、趙聲等重訂發動日期，相約縮短時間，急圖大舉，而往返間新軍之敗露已無可彌縫矣。初一日下午，倪乘夜船返廣州，初擬勸新軍暫忍耐數日，勿遽暴動憤事。次早抵燕塘，見大勢至此，知一發不可收拾，始毅然入砲、工、輜營，期挽救於萬一。既入，全軍歡呼，如獲慈

母。是早十時砲營管帶齊汝漢尙站隊演說，力勸各兵士勿爲革命黨誘惑。倪大怒，袖出手槍擊之，齊連中三槍，立仆地死。隊長胡恩深因不肯反正，亦被倪槍殺，隊長宋殿魁、李震均驚懼自戕，於是倪率全軍俱出，向清軍進攻。

「牛王廟之戰」 初三日侵晨，水提李準統領吳宗禹率管帶李景濂、太永寬、李得銘、童常標等各防營所部二千餘人，由大東門、大北門、小南門三路進兵，并派孫樹榮、周禮、李在灼、陳知本各委員出東門偵探。下午一時至淑德書院，見新軍佔據瘋癲院附近山頭，列陣以待。吳宗禹、童常標乃至軍前，曉以利害，令卽棄械歸營，貸其一死。新軍弗恤，司令倪映典身穿藍袍，手持青天白日滿地紅之革命旗，方馳馬督勵前進。新軍隊長王占魁等亦出陣反說吳軍歸降，往返四次均無效。吳宗禹立飭所部，在牛王廟一帶分佔四山，以步隊遮其前，而以退管砲隊緊接其後。布置既定，全師俱伏山上，新軍伏牛王廟之兩小山脚。吳軍別有一隊從楊箕村進至黃岡包其後，遂各開戰。倪映典親率一軍進至橫枝崗，遇吳部管帶童常標，二人同籍安徽。倪以童亦曾入會受盟，乃趨前勸其棄時反正。童等佯與接洽，忽一彈中倪頭部，受傷墮馬，滿口流血，童等夾持至吳宗禹前，倪大罵不屈，遂遇害。兩軍劇戰約一時許，新軍每人不足一彈，無法補充，陣亡者百餘人，遂紛紛向燕塘潰退。清軍獲勝，直追

至沙河而止。是夜吳軍在沙河駐紮。九時一標步隊營起火，新軍復出大隊，用聲東擊西之法，向吳軍直撲。吳軍復用重砲擊之，新軍再敗。吳軍追至瘦狗嶺，斬首三十餘級。

〔新軍失敗後情形〕 清軍於進攻時防新軍西攻，先調兵五百守流花橋，五百守長堤，以阻其西下之路，并調佛山安勇四百至省。秦炳直亦由惠州率大兵至，布置頗稱嚴密。初四日新軍退守白雲山、石牌、東圃一帶。清軍分隊四出搜勦，並向各路追擊。是午並將一標二營燒去，以免藏匿。由是新軍先後被獲者百數十人，除由各軍私自殺害之外，餘均解送營務處審訊。中有頭目易培之、王占魁、黃洪昆、江運春、尤龍標、蘇美才、甘永宜等七人，俱直認起兵革命不諱，此外逃匿香港者百數十人，均由中國日報、時事畫報等供應。

〔諸烈士之供辭〕營務處連日由趙梟及委員朱爲潮向被獲新軍嚴訊取供，審出叛兵黃洪昆、蘇才美、尤龍標、均高、肇兩府人，司務長王占魁湖北人。此四名均認以革黨混入軍隊圖謀起事，各人領有革命飄布，刊有「驅逐韃虜，恢復中華，平均地權，創立民國，保我漢民，失信矢忠。」等歌訣爲記。新軍內有倪映典爲革命黨幹事員，全靠倪在營引誘各人入黨。倪與孫文交通，時與往來信息，在香港設總機關。倪映典在城內天官里居住，譚瀛在城內雅荷塘居住，省城以他兩人處爲聚集機關。經已向香港購定步槍二千枝，馬槍二千枝，

每枝配碼二百顆，另大戰礮四尊。約定六月與各省軍隊同時起事。擬由小東門入城攻打將軍署，焚殺旌街，專以撲滅爲宗旨，不擾害漢民。得了省城，攻廣西，上湖南湖北、直攻京師。適遇警兵交關，由倪藉此鼓動，往一標、二標、輜重各營，約同反正，約共有千餘人，同到協司令部迫取槍械，並取碼子三箱，僅得一箱可用，有兩箱是演操空壳碼。先由倪迫挾齊管帶同反，齊不允，立即殺斃。隨迫宋管帶，宋畏懼，即用槍自戕倒地。王、黃、尤、蘇四人均爲革黨得力之人。當時初三早防營對仗，均有伊等分把路口。李水提派李、童兩弁前來勸諭，被倪反罵漢賊，稱此日爲革黨出世。李、童兩弁回營，即開礮擊勦。倪被礮斃，同場死者百餘人，倖免者四處逃散。尤龍標初三敗後潛逃戲院看戲，旋到許管帶處被拿。王占魁欲往吳統帶宗禹營被執，據稱新軍內入革黨者居大半，將來軍隊必有再反正云云。

是月十八日，粵吏以王占魁等雖已定案，仍欲誘供革黨內容，藉資羅織，復提王等至飯廳，與之對坐。因謂之曰：「汝黨在軍界如何運動？」王曰：「每逢假期約定往白雲山腳添泉寺聚會，或數十人，或百餘人，公推演說，以倪映典最爲動聽。有時拍案叫絕。費用由倪映典及譚瀛二人支出。」朱委曰：「何不以此處作演說壇，演給我聽？」王即起言：「滿洲佔據我國二百餘年，重視滿人，薄待漢人，甚爲不平，故我輩決意革命。」洋洋數千言。朱

曰：「革命後何人做皇帝？是否即孫文？」王曰：「擇功之最大者由衆公舉。」朱委曰：「公舉後彼彼爲子孫世業奈何？」王曰：「可以衆力攻仆之，務使成爲完全民主國。」朱曰：「中國自大禹傳子孫，何嘗不善？」王曰：「否，歷朝開國多屬賢明，傳及少子卽爲權臣竊柄，最易生亂。」朱委曰：「中國現在已預備立憲。」王曰：「此等僞立憲，特愚弄國民耳。」朱委曰：「汝輩何時起運動？」王曰：「去春由香港總機關部運來同盟票，票內書明姓名年歲籍貫職業，交排長巴澤憲散放。十月爲營內官長查出。十一月改用紅小名片，以威武二字編號，招得數十人入會者，給優等勳章。百人以上者，給特別勳章。」并用筆將票布及勳章形式字句寫出。朱委曰：「福建平和縣舉事想是同黨。」王曰：「恐未必然。」朱委曰：「宜安里起獲之旗，是否汝等所用？」王索觀旗式曰：「不知有此旗，但猜度或係孫英、黃秀山所爲。」朱委曰：「革黨營制如何？」王曰：「略仿新軍，惟懲辦叛黨最嚴。」朱委曰：「餉章如何？」王曰：「較新軍爲優，刻下經濟未充，尙未發給。」朱委曰：「大清待百姓不薄。」王曰：「汝爲清官，那得不云然？」朱委曰：「我將汝超生，汝肯悔過自新效力贖罪乎？」王曰：「寧死不能變宗旨。」朱委問畢，遂向袁督請示，卒由袁督趙梟等判處黃洪昆、王占魁、江運春三人以死刑，尤龍標、蘇美才、甘永宣三人遞籍永遠監禁，其

錄分別監禁，或逐解原籍。諸烈士供詞以黃洪昆爲最猛烈。照錄如下：

黃洪昆供，現年三十一歲，清遠鳳凰村人。父親黃德添，母親已故，兄弟二人，弟名錦和，我居長，娶妻未有子女。光緒三十三年七月由黃士龍招入學兵營當學生，現在砲二營右隊當正目。去年十二月三十日下午二標有兵士入城，到城隍廟前取定刻名戳，以致口角爭論。巡警上前干涉，後與兵士吵鬧，打架傷人。巡警就把兵士鎖獲回局，當時我亦有在場，不知鬧事的人是何名字，及有多少人多少。正月初一日上午，二標的人拆燭臺局，我亦未附和入城。是時尙未有變亂的意。迨二標的人來知會一標的人及工、輜、砲等營，謂被巡警欺凌，邀同前往報仇洩忿。砲營右隊排長譚瀛於初一下午暗中知會前已革炮一營左隊二排長倪映典，乘此機會鼓動起事。倪映典等因知新軍入革命黨者已居多數，有此機會易於鼓動。起事後響應立至，不日成事。又值初二日統領不許放假，兵士鼓噪，是日由一標官長及譚瀛糾台炮、工、輜各營傳發命令，跟從未獲的翁錫亮、鍾善全。已獲的甘永宣。督率前往協司令部，搶有空槍碼兩箱，又真槍碼一箱，約三千顆。又到二標搜搶，未有槍碼。後到講武堂搶得槍十餘枝，槍碼一箱，亦約三千顆。前後共搶洋槍二千餘，槍畢回營，欲把槍碼分派，因各搶各得，多少不等。我有碼子三十餘顆，工程營約三百人；炮隊

兩營約二三百人，一標三營三四百人，約共千餘人。搜搶回來後，初二晚深夜時，倪映典到我棚內向我說，此時兵士已糾合，此等機會難得，記號平常用勇字號，其係特等，用何字記不清楚，前時曾獲的葛謙、嚴國峯、譚馥均係革黨中緊要之人，自曾們獲辦後，倪映典作事愈加秘密，我並不識葛謙等，不過耳聞其名而已。至給看之運動軍人章程十條，係倪映典所擬。倪映典於去年九月間租賃天官里寄園五號門牌之屋爲總機關會議處所，嗣因一標查出革命票，於十一月間由譚馥另租雅荷塘門牌六十七號，門條貼譚公館，凡機關之命令均到該處會商。我去年十二月初旬到譚馥家，見伊弟譚員及現建案的甘永宣及鍾善全、倪映典等在場，此係普通聚會。甘永宣係黨內主動員，惟非我所糾。初三打仗時，見甘永宣攜槍跟隨倪映典把守大馬路，那同建案的尤龍標、蘇美才都非黨內要緊的人，其中內容不知清楚。王占魁係黨中有名人，或知一二。如有舉動，軍火由倪映典託香港中國日報社湖北人年三十餘歲的某某，又年約四十餘歲的不知何處人某某購買，聞說步槍四千枝，馬槍二千枝，每枝配碼二百顆，攻城大砲四尊，價銀由孫文籌措，原約俟本年六月間由虎門運省，欲俟馬兵練熟，槍枝一到即可造反。先攻省城，打將軍衙門及旗界一帶，盤踞省城。攻打廣西，由湖南、湖北逐節直向北京城。如能成事，當立倡事得力的總頭子爲主。

以後改爲民主，由民間公舉作總統，不能如清朝代代相承。因歷朝開國之君多賢明，再傳之後少主多昏暗，往往生亂。故我黨以民主爲宗旨，在我自己思想，確以革命爲是，雖死亦不變宗旨。至旗式係外方內圓，色非青則藍，我現將式樣及同盟票款式繪圖呈閱，其同盟票由香港寄來，每次四百張，不記清楚多少次數。去年春間即在軍界運起，均倪映典、譚憲等經理。現在本排頭宜安里搜出旗子，我未有到過，不知詳細。惟既搜有旗子。又於初三晚放火逃去，又是王所爲，伊等到港住畫報館，來省則住我處潛圖舉事，或其見事敗露，故有此舉動。倪映典時與孫文有信來往，十二月三十日我會聞倪映典說，孫文到江蘇打聽廣東消息，不知藏在江蘇何處。我平日也沒見過孫文的面，去年十二月二十七日福建亂黨起事，我並不知道。至廣東革黨，聞潮州嘉應州最多。倪映典煽動人入會，時常演說，係分步、砲、工、輜等營。分日到白雲山腳的不記名寺內，或在寺外，每次或三幾百人，多少不定。伊立在壇上，各弟兄站在地下，演說是革命。因漢人如此之多，滿人僅及二成，我們多數人受此少數人欺壓，輕漢重滿，全無公道，專以壓制手段。外國則不然，何以我漢人甘爲奴隸。嗣後務須同心同德，苦志操練，聽候機關命令。大衆當要排滿，言至急際，拍桌幾爛，各人則鼓掌贊和，陸軍各人飲荷蘭水食餅而散。其費用係由倪



映典、譚源在公款項內動支。革黨已定天運年號，因革命總統未立之故。不記元年二年，如去歲己酉年則寫天運己酉年，今歲庚戌年則寫庚戌年，以示不戴清清之意。謹將情節略敘親供呈閱。至我所供的翁錫亮，曾在天官里總機關處會過面，初時我不識他，由倪映典對我說，他係廣東人。曾入革黨，係砲隊教習官。現在到案的翁錫亮並非我所供的翁錫亮，不能混板。梁成有、辛發利、林燦輝、余瑞麟等都非有心革命，實被衆人逼脅的。周田福、王與我都不認識。惟聞古振華亦係革黨。劉君烈、劉如竹並不識其人。湯少濤雖係革黨。亦無督打事情。今被覆訊，所供是實。

「事後新軍之影響」 當初二、三兩日新軍起事時，宜安里、雅荷塘、天官里、清水濠各機關皆縱火響應，宜安里旋即撲滅，所藏臥具內之青天白日旗遂爲兵警搜出。附城大塘、樂從各鄉會黨本擬同時發動，因事起倉卒，籌備未周，而新軍一標已敗，乃宣告暫停進行。經此役後，新軍二、三三標亦大受滿吏疑忌，監視摧殘，惟恐不力。至辛亥三月二十九一役，尚不能有所動作。及辛亥九月廣州反正。新軍一部由劉師復、莫紀彭、任鶴年等領導，在香港前山宣布獨立，開粵省光復之先河，即導源於庚戌之役也。

「袁樹勛之奏摺」 附錄清兩廣總督袁樹勛關於新軍反正事奏摺如下。

袁樹勛電請軍機處代奏。摺云：粵省新軍釀變。遊旨分別剿撫擒獲首要及地方平定各情形，迭經電請代奏。並將此事始末及籌辦善後各緣由專摺具陳，差弁賁投在案。連日督同營務處司道等會同擒獲各弁兵共三十九名，分別研訊。據黃洪昆供（見前不重錄）。據王占魁供，充當一標二營後隊司務長，入革命黨爲排長。據江運春供，充當一標一營左隊司務長，入革命黨爲幹事員，引誘兵士入黨約二百餘人，得有特別勳章。該王占魁、江運春所供與黃洪昆同。又據尤龍標供，充當輜重營右隊副目，入革命黨爲主動員，隨同拒敵官兵。惟未往搶槍碼。據甘永宣供，充當礮隊二營右隊司務長，係入革命黨，隨行搶槍，拒敵官兵。據古振華林開盛供，充當一標二營後隊正目，後入革命黨，被脅往紮廣九鐵路，並未持槍打仗。據王功田、楊欲興、余瑞麟、林燦輝、梁有成各供，被脅同行，乘間脫逃。據翁錫亮供，先期請假回籍。據馮江、車振彪、黃端勝、林亮勵、李然興、陸志鴻、黃端輝、車伯福各供，先事離營。黃榮彪、辛發利、王興各供，患病躲避。黃福、張家彬、梁海、王鴻志、曾廣鴻、陳永升、練致祥、曾煥熊、顏學材、周田福、王汝豐各供，臨時畏逃。田能勝、蕭積生、陳威林各供，係馬伕夫，不知逆情各等語。並據黃洪昆親書供詞，並默寫票布上四言句，驅逐老羆，恢復中華等字樣。伏查現審各犯，黃洪昆、王占魁、江

運春三犯同謀叛亂，戕斃官長，擅拒官兵。黃洪昆、江運春誘軍入黨，得有特別優等勳章。王占魁於官軍開仗時，并敢宣佈革黨宗旨，誘軍歸附，帶引入城，均屬叛逆昭著，罪大惡極。當即恭請王命，先行就地正法。尤龍標、蘇美才、甘永宜三犯入黨助逆，罪無可逃。惟此次全標叛變，誅不勝誅。該犯等雖聽糾入黨，尙無轉糾別人。似與黃洪昆等有別，擬貸一死，遞籍永禁，用昭法外之仁。古振華、林開盛兩犯被脅屯紮廣九鐵路，並未拒敵。惟係革黨，擬將古振華遞籍禁錮八年。林開盛情節稍輕，遞籍禁錮五年。此外各名或被脅同行，乘間逃走。或患病離營，或臨時潛匿，或不知逆情，自應請免置議。擬飭督練公所分別遞籍留營歸伍。綜此次各兵所供投身會黨，冀圖乘間起事，並奪械戕官，昌言革命，幾無異詞。尤以黃洪昆一犯所供爲最詳盡，且親筆書寫，神色不變。並據供稱新軍爲革命黨出力，非爲國家。其散布票紙有恢復中華平均地權四言句。且僞立天運年號。該黨軍制亦有統領標統各名目。其運動所至，以各省軍界最多。利其器械多而操練熟。此次委係因兵警交關，以爲有隙可乘。致接濟不及而敗。而此等悖謬之徒，膽敢以憐惜新軍爲辭，妄肆鼓吹，用心甚爲叵測。總之擾害治安卽屬悖逆，既有奪械戕官焚燒營房抗拒官兵種種確據，證以各犯供詞，直認不諱。樹勛疆寄所在，惟有執法以從事，並一面剴切示

諭。嚴禁造謠生事，以靖地方。抑樹勛更有請者，新軍與逆黨勾結，皖省釀變於前，今粵又煽亂於後。且主動者多由該軍各級官長，一經獲案，亦昌言不諱。其病根誤聽自由獨立之學說，而外來之誘脅遂以乘之，腹心可憂，燎原亦可慮。應請傳旨練兵各省分，嚴加選練，力杜設邪，爲思患預防之計。除將各犯全供及黃洪昆親筆供詞，并倪映典所定運動章，十條程分咨查照。並嚴緝供開在場各亂黨獲辦外。所有訊供分別懲辦情形，是否有當，伏乞軍機處代奏，恭候訓示祇遵云云。



---

馮自由著

中國革命運動二十六年組織史

---



## 序

歷史之學。勿論其爲編年紀事。要皆足以識興廢。明沿革。昭法戒。旌功勳。使讀者種類宗國之思。油然而生。南海馮自由先生躬預締創。多識舊聞。而精於別擇。語大則政典軍役。語小則起居言動。凡所不可略者。皆以類筆之。雖司馬溫公之集長編。猶假手僚友。而自由以一身任之。其書兼備各體。有以一事爲起訖者。則紀事本末之體也。有記開國大政大事者。則實錄之體也。有記人記事者。則左傳之體也。其所著中華民國開國前革命史、革命逸史、華僑開國革命史。余皆得盡讀之。近寫成中國革命運動二十六年組織史一書。凡十餘萬言。自國父肄業廣州博濟醫院。以迄辛亥民國政府成立。歷年二十有六。諸凡黨人於國內外所組織機關。如報館、學校、書肆、印刷所、書報社、歌劇團、黨會、軍隊、暗殺團、商店、旅館、醫院、輪船、農牧場等等。以泊關係人年時地所之類。一一詮次說明。其數千數百有奇。即余負笈日本所僦居之紅梅館及日之出館。余已忘其比戶之番號。而自由備舉之。如述昨日事。如數掌上紋。余任史職。今後史實欲待參訂者。將日囊筆以從自由。就其口授。集爲長編。喜自由是書之成。



海內外史家得因此各出其所藏。以餉自由。蔚爲鴻著。真不朽之巨業也。於是乎書。民國三十六年四月但。齋序於國史館



孫中山先生讀書圖

中國同盟會第一次發出狀況攝影

中國革命同盟會總理孫文  
特委本會會員  
黃君自由王君自聖文任香  
港恩城澳門等地聯絡同志  
二君熱心愛國誠實待人足堪  
本會委託之任凡有出入聖者  
由二君主盟收接特此通知仰祈  
察照是荷  
中國革命同盟會 謹啟  
天運歲乙巳年八月十日發



## 本書大意

一、本書初定名「開國前國內外革命黨各機關說明」。嗣徵求諸老友意見。多認爲此名範圍太狹。未足以包括此書之內容。著者亦以此書屬編年體。有重訂之必要。最後乃定今名。蒙張溥泉先生兩次題寫書面。殊深感謝。

一、香港中國日報爲興中會同盟會兩時期之革命黨交通總樞紐。自己亥年（民國前十三年）出版以迄辛亥民國成立。未嘗間斷。著者歷任是報編輯及社長有年。所珍藏各種筆記冊籍及國內外同志機關個人之姓名地址簿。盈箱累篋。四十餘年來遷徙流離。雖有散失。幸尙保全大部。本書所載各機關人名地所事蹟各項。十九由上述史料採集而成。其有遺漏而未知底細者。則一一向當年在場諸老友分別探詢。務臻完備。

一、本書所載各段記事。以篇幅所限。僅能敘述大概。蓋如詳細敘述。實非百數十萬言不能盡。讀者倘欲更知詳細。請參閱拙著中華民國開國前革命史及革命逸史華僑革命開國史諸作。

一、本書所述革命黨人各組織。以西南及長江沿岸各省與海外華僑所在地爲特詳。而關於東北及中原各省。則頗嫌簡略。此殆由於清末內外各省交通梗塞郵傳不便之故。甚盼東北及中原各省同盟諸老友列舉所知。以便本書再版時補充材料。至所歡迎。

一、本書所載海外華僑各機關均有詳細英文地址。以排印不便。故僅將地名街名譯音。以存真相。

民國三十六年六月十五日寫於上海旅次

# 中國革命運動二十六年組織史

——一名開國前國內外革命黨各機關說明——

## 緒言

溯自孫中山先生（以下概稱總理）於中華民國紀元前二十六年丙戌（陽曆一八八六年）肄業廣州博濟醫院。結識鄭士良先生開始進行革命以來。致辛亥中華民國成立。凡二十六年。在此期間。國內各省及海外各埠革命黨人所憑藉或所組織之機關。逐年增加。星羅棋布。更僕難數。此項機關可分為實行宣導二種。如起事暗殺籌餉等類謂之實行。黨會俱樂部軍隊暗殺團商店旅館醫院農牧場輪船等等屬之。辦報設學譯述著作演劇等一類。謂之宣導。報館學校印刷所書報社書店歌劇團等等屬之。二者工作雖不同。而效果則一。經過二十六年之奮鬥。前仆後興。蟬聯不斷。卒成就

復漢開國之大功。猗歟盛矣。回憶乙未年（民國前十七年）九月廣州興中會首義失敗後一月。孫總理偕鄭士良陳少白兩先生舟抵日本橫濱。下榻於余父鏡如公所開設之山下町五十三番文經印刷店二樓。未幾即約余父組織橫濱興中分會。時余年甫十四。亦奉父命受盟。童穉無知。鮮有建白。自是常獲追隨總理左右。叨教良多。及乙巳年（民國前七年）六月二十八日。總理復召集全國革命黨各派首領黃克強先生等大會於日本東京。創立中國同盟會。余亦預焉。是年八月十日總理首派余赴香港主持中國日報。兼開設香港廣州澳門等處分會。二十六年來所保存興中會同盟會及中國日報各項記載表冊。與著年多年筆記函牘等件。盈箱累篋。雖經多次遷徙流離。幸尚不致全部散失。茲特根據上述各種史料。臚列開國前國內外地革命黨人所憑藉或所組織之大小機關。千數百處。凡年代時日地所人物事蹟等項。均一一加以說明。並分年編列經過。藉供有心研究革命史者之參考。今之青年倘能因讀此書。而瞭解中華民國之締造艱難。及當日革命黨人之苦心孤詣。相與愛護而光大之。則余斯著爲不虛矣。

# 革命運動第一年丙戌

中華民國紀元前二十六年  
清光緒三十二年  
陽曆一八八六年

機關名稱

所在地

主要人姓名

廣州博濟醫院

廣東番禺

孫總理鄧士良九列

(說明) 孫總理名文。字日新。後改逸仙。廣東香山縣翠亨鄉人。生於中華民國紀元前四十六年丙寅(一八六六年)。幼讀書鄉塾。聞鄉中父老閒談太平天國遺事。義形於色。隱然有匡復之志。十三歲隨侍母楊太夫人赴夏威夷之茂宜島。就乃兄德彰公所設商肆習商業。越年肄業於檀香山英文學校。攻讀五載。學冠儕輩。時夏威夷土人漸受美國自由空氣所鼓盪。反對土王及西班牙統治之聲四起。總理耳濡目染。民族民權之觀念油然而生。十八歲後歸國。從名宿區鳳墀陳仲堯補習國學。於歷代興亡掌故及全國山川形勢。尤孜孜研究不輟。十九歲適逢中法甲申之役。清廷割地喪師。舉國共憤。總理由是逐滿救亡之企圖。益為堅決。二十一歲以耶教洗禮牧師美人喜嘉利之介。由香港皇仁書院轉學於廣州美國傳道會所創博濟醫院。課餘輒與同硯議論時政。人多



忽視。獨有鄭士良號弼臣者。惠州歸善縣人。少入洪門三合會。豪俠尙義。頗負時望。聞總理談吐。輒爲傾倒。總理與之志同道合。遂與商談救亡大計。士良極願屆時羅致東江一帶會黨以參加義舉。總理由是獲悉交結各地祕密會黨之門徑。其後乙未廣州庚子惠州之革命兩役。卽發端於是。又有順德縣人尤列號少執者。爲廣東與圖局測繪生。與洪門會黨素有往還。偶偕族人博濟醫院出身醫師尤裕堂同至博濟訪友。與總理一見如故。自是常至博濟訪總理及士良暢談國事。是爲總理在粵交結革命同志之第一年。

## 革命運動第二年丁亥

民國紀元前二十五年  
清光緒十三年  
陽曆一八八七年

機關名稱

所在地

主要人姓名

香港雅麗士醫學院

香港荷理活道

孫總理陳少白

是年何啓博士爲紀念其亡妻雅麗士。在香港荷理活道創辦雅麗士醫學院。聘康德黎博士爲院長。總理以雅麗士醫科設備較博濟完善。乃由廣州轉學該院。同學有關景良江英華黃康衢陳少白王澤民鄭漢淇諸人。總理在校恆喜談太平天國洪秀全楊秀清石達開陳玉成李秀成等軼事。且以洪秀全自命。故同學多以洪秀全呼之。就中與總理最密切者爲新會人陳少白。嘗與訂盟爲兄弟。其人文學優長。多材多藝。總理時好投稿香港各報及上海萬國公報。發表改良時局意見。輒與少白商榷行之。後數年總理所撰上直督李鴻章書。卽肄業雅麗士時腹稿也。少白以性情不近醫術。在校兩年餘而輟學。總理課餘失此良友。後常引爲憾事。

香港楊耀記商號

香港歌賦街

楊鶴齡孫總理尤列

總理邑人有楊鶴齡者。向熱心興漢逐滿之說，有先代遺業商店在香港歌賦街。名楊耀記。總理課餘。以鄉誼關係常偕陳少白訪鶴齡敘談。順德人尤列與鶴齡同爲廣州算學館學生。時任香港華民政務司署文案。亦常到楊耀記訪鶴齡話舊。於是四人時常會合。高談造反倒滿。旁若無人。鶴齡更特闢一室以爲政談之所。時人遂戲呼四人爲四大寇。

# 革命運動第四年庚寅

民國紀元前二十二年  
清光緒十六年  
陽曆一八九〇年

機關名稱

所在地

主要人姓名

香港輔仁文社

香港百子里

楊衢雲謝讚泰

輔仁文社爲香港僑商有志者所組織之小俱樂部。成立於庚寅年。其時距中法甲申（民前二十八年）之役未遠。國人漸知滿清政府之不足恃。及研究新學之必要。港僑中途有福建海澄縣人楊飛鴻（字衢雲）。廣東開平縣人謝讚泰（字康如）二人。聯絡有志者劉燕賓陳芬黃國瑜羅文玉胡幹之周昭岳等十六人。發起輔仁文社。以開通民智討論時事爲宗旨。是爲港僑設立新學團體之先河。其開會地點。初假劉燕賓所開之炳記船務公司爲之。至壬辰年（民前二十年）二月十五日始開設會所於百子里第一號二樓。此社內容僅在多購置新學書報。以開通民智。尚未含有政治上之激烈性質。然是時風氣仍極閉塞。開者僉以洋化二字譏之。且時不免香港警吏之窺伺也。衢雲爲人仁厚和藹。行俠好義。尤富愛國思想。時充任沙宣洋行副經理。於辛卯年（民前

二十一年）始漸與孫總理相識。一見如故。時爲總理在雅麗士醫學校最後修學之前一年。故該校時有衛雲之足跡。及乙未正月。總理自檀島歸抵香港。謀擴大興中會之組織。親訪衛雲約其合作。衛雲欣然從之。輔仁文社社員加入興中會者。衛雲以外尚有謝讚泰周昭岳等數人。

# 革命運動第六年壬辰

民國紀元前二十年  
清光緒十八年  
陽曆一八九二年

機關名稱

所在地

主要人姓名

澳門中西藥局

澳門康公廟前

孫總理陸皓東吳節薇

孫總理於是年夏六月在香港雅麗士醫學院畢業後。首在澳門康公廟前創設中西藥局懸壺濟世。以醫術高明。漸爲世人所歡迎。惟以澳地民智閉塞。開發困難。使其信仰西醫已屬不易。遑言國政。因調知鏡湖醫院爲全澳有名紳商所公立。向用中醫中藥施治貧病。若從事政治運動。非先向該院紳商入手不可。遂由友人吳節薇介紹。迭請該院兼用西醫西學。以濟中醫所不及。並願擔任義務。不受診金。該院紳商感其高義。竟破例從之。總理由是與各紳商時相往還。就中紳商之具有聲望勢力者。只何穗田盧九吳節薇陳席儒陳庚如蕭瀛州數人。盧蕭二人爲煙賭巨商。向以交結中外官宦爲光寵。最稱頑固。二陳爲檀香山大農家陳芳之子。稍具洋化而乏遠見。穗田節薇思想較新。可作政治談友。穗田尤熱心愛國。惟不贊成激烈之主張。總理所認爲好友而時得其助力。

者。卽此何吳二氏耳，總理居澳數月。時欲物色熱心同志。如鄭士良陳少白其人者。杳不可得。只有同邑人陸皓東楊鶴齡楊心如等數人往來石岐香港澳門間。相與暢談改革。餘人皆不敢引爲知己。因之遂有易地廣州另創門面之意。適是時當地葡醫因總理醫業興盛。大招所忌。遽提出禁止外籍醫生在澳門操業之議。總理早認澳門爲無可活動。遂乘機收束中西醫局。而移於廣州。

# 革命運動第七年癸巳

民國紀元前十九年  
清光緒十九年  
陽曆一八九三年

機關名稱

所在地

主要人姓名

廣州東西藥局

廣東廣州洗基

孫總理尹文楷龐文卿

是年春。孫總理由澳門移藥局於廣州市洗基。易名東西藥局。延尹文楷醫生爲助手。龐文卿醫生爲司理。以醫術高明。深得政紳商各界之信仰。且存心濟世。對貧病者一概施醫贈藥。所業較澳門尤爲繁榮。惟其目的在於聯絡同志以謀革命。業餘之外。所交結者往還者有區鳳墀左斗山程璧光程奎光劉學詢尤列王質甫陸皓東魏友琴程耀宸諸人。開業未及一載。以交遊日廣。所費浩大。藥局資金多挪作別用。是冬遂有不支之勢。尋赴香港。擬向親友再集資補充。亦無所得。乃派陳少白至廣州結束所業。

廣州聖教書樓

廣州雙門底

左斗山孫總理王質甫

聖教書樓在廣州雙門底。係耶教徒左斗山所設。其司事人曰王質甫。專經售上海廣學會及大同



學會出版各新學書籍。粵人言新學者咸奉爲東道主。店內後進爲基督教禮拜堂。每星期講道由王質甫牧師兼任之。孫總理與左王二人均屬同道至好。初假書樓一角設醫務分所。以利便城內病者。繼在後進禮拜堂密設會所。供同志政談之需。除左王二人外。鄭士良陸皓東區鳳墀陳少白尤列等常往來其間。乙未與中會謀起義時。嘗假書樓後進貯藏軍械及祕密文件。及事洩。左王等乃盡投入井中。王聞風逃脫。左被逮。賴美國領事保釋得免。

廣州廣雅書局抗風軒

廣州城南廣

尤列孫總理程奎光

尤列原出身於城南廣雅書院內廣東輿圖局。以其介紹。假得局內南園抗風軒爲同志聚談所。孫總理及尤列陸皓東魏友琴程璧光程奎光程耀宸諸人恆在軒內議論時政。總理曾提議組織革命團體。惟未成事。

# 革命運動第八年甲午

民國紀元前十八年  
清光緒二十年  
陽曆一八九四年

機關名稱

所在地

關係人

上海名利棧機關

上海三洋涇橋

孫總理陸皓東

癸巳年十二月。孫總理因廣州東西藥局營業失敗。遂回翠亨鄉與家人團聚十餘日。始赴香港。及晤陳少白。乃出其在鄉所草上直隸李鴻章書稿。與少白斟酌字句。謂吾輩革命有二途徑。一爲中央革命。一爲地方革命。如此項條陳得鴻章採納。則借此進身。可以實行中央革命。較地方革命爲事半功倍。少白亦以爲然。至甲午春。遂偕陸皓東買舟北上。陸原名中桂。與總理同鄉同學。總理幼時嘗破毀翠亨鄉神廟神像。卽與皓東共同爲之。後任上海電報局譯電生。總理以其熟諳上海情形。邀之同行。既抵滬。暫寓三洋涇橋名利客棧。藉港友函介。分訪王韜鄧觀應諸人。韜號紫銓。曾中太平天國狀元。洪秀全敗後。隱於香港。任循環日報主筆。別號天南遯叟。總理出示上李書稿。韜深爲贊許。僅代修訂數語。並爲函介於直督幕友羅豐祿徐秋畦等。觀應號陶齋。卽盛世危言著者。總

理在雅麗士醫校時。嘗去函研討改革時政意見。鄭著易版數次。政見頗與總理吻合。職是之由。時總理復結識陳廷威宋躍如二人。廷威爲水師將弁。由官應紹介相識。乙未（民國十七年）曾應總理招。回粵參加義舉。躍如字嘉樹。粵之瓊州人。爲耶教傳道士。

天津佛照樓機關

天津法租界

孫總理陸皓東

孫總理偕陸皓東於是年夏間行抵天津。寄寓法國租界佛滿樓客棧。首持港滬友人介函訪直督幕僚羅豐祿徐秋畦等。道達上書意見。羅徐均允相機協助。旋將上李鴻章書投遞。洋洋五千餘言。切中時弊。尤特重振興農業。時中日二國因朝鮮東學黨亂事。交涉緊張。鴻章藉辭軍務匆忙。拒絕延見。僅由羅豐祿代領得農桑會出國籌款護照一紙。總理由是深知清廷腐敗無可救藥。且亦不能資以進行中央革命。遂決計乘中日交涉失敗舉國人心憤恨之機會。自赴美洲。向華僑募款回國實行起兵計畫。

檀香山茂宜牧場

夏威夷島

孫德彰孫總理

孫總理偕陸皓東於是歲夏秋間由津南下。卽於是秋隻身自上海買舟重赴檀香山。擬向舊日親

友集資回國。實行反清反漢之義舉。總理少在檀島耶教學校肄業。同學及故舊至衆。乃兄德彰（原名眉字壽屏）爲茂宜島大畜牧家。其牧場廣千數百畝。有茂宜王之稱。總理蒞檀後。先赴茂宜牧場就商於乃兄。德彰首贊成之。自願劃撥財產一部爲助。更移書檀中各親友爲總理先容。與中會之成立。德彰之力爲多焉。

#### 檀香山與中會

夏威夷島

孫總理何寬鄧蔭南

其時檀島華僑風氣尙極閉塞。聞孫總理有作亂謀反言論。咸謂足以破家滅族。雖親戚故舊。亦多掩耳驚走。經總理多方遊說。奔走逾月。僅得同志數十人。冬十月間假卑涉銀行華經理何寬宅開第一次成立會。列席者有何寬李昌劉祥黃華恢程蔚南鄭金鄧松盛（號蔭南）鄭金鄧照黃亮鍾本賢許直臣李多馬李祿卓海林鑑泉鍾宇劉壽曹彩劉卓宋居仁夏百子侯艾泉李杞等二十餘人。總理爲主席。卽由總理提議定名曰興中會。規定以「振興中華挽救危局」爲宗旨。并宣佈所起草章程九條。衆無異議。遂依章程規定投票。選出永和泰商號司理劉祥及何寬二人爲檀埠本會正副主席。永和泰商號司賬黃華恢爲管庫。程蔚南許直臣爲正副文案。李昌鄭金鄧松蔭黃

亮李祿李多馬鍾宇林鑑泉等爲值理。章程內載每會員應納會底銀五元。另設銀會。集股舉辦公家事業。每股科銀十元。成功後收回本利百元。文中尙不便明言籌餉起兵字樣。以免會員有所戒懼。蓋其時華僑尙多不脫故鄉廬幕思想。惴惴於滿清所派公使領事之藉辭構陷也。會畢。總理令各會員填寫入會盟書。其辭曰。「聯盟人某省某縣人某某驅除韃虜恢復中國。創立合衆政府。倘有貳心。神明鑑察。」宣誓時由李昌朗誦誓辭。各以左手置耶教聖經上。舉右手向天依次讀之。如儀而散。自是陸續入會者尙有孫德彰楊文納楊德初衛積益李光輝陸燦葉桂芳尹煜傳鄒德明容吉兆簡永照張福如許帝有鄭仲昭伍雲生程祖安劉森陸望華鄭發古義等九十餘人。會員總數約一百三十人。是月二十七日（陽曆十一月二十四日）開始收取會員底銀及銀會股銀。月餘所得僅美金千餘元。總理以事機日迫。急於返國。而所集幾幾之數。去所預算需要之數尙遠。爲是異常焦灼。德彰聞之。乃更以每頭六七元之價賤售其牛牲一部。以充義餉。鄧松盛亦盡變賣其商店及農場。表示一去不返之決心。總理綜合各款。所得僅美金六千餘元。伸香港幣約一萬三千元。遂於十二月間取途返國。

檀香山華僑兵操隊

夏威夷島

孫總理李杞侯艾泉

檀香山興中會既成立。孫總理復提議組織華僑兵操隊。使各會員同受軍事訓練。以便回國起義。各會員欣然贊成。卽假總理前業師美蘭締文牧師所設尋真書室之校外操場爲兵操之用。各會員報名者。有鄧松盛李杞侯艾泉鄭金鄭照許直臣杜守傳程展臣宋居仁陳南夏白子陸燦等二十餘人。延一丹麥國人名柏者爲教師。每星期操練二次。柏前曾到中國充南洋練兵教習。饒有經驗。總理歸國後。各會員先後返香港參加義舉者。有鄧松盛宋居仁李杞侯艾泉陳南夏白子諸人。乙未失敗後。清吏黨案通緝名單多數有名。

## 革命運動第九年乙未

民國紀元前十九年  
清光緒二十一年  
陽曆一八九五年

### 機關名稱

所在地

主要人姓名

香港興中會總部

香港士丹頓街

孫總理楊衢雲黃詠襄

乙未正月初旬。孫總理自檀香山歸抵香港。即召集舊友陸皓東鄭士良陳少白楊鶴齡區鳳墀等創設興中會總部。并擬聯合各地同志擴大檀香山興中會之組織。以利進行。因素知輔仁文社社員楊衢雲謝讚泰等平日宗旨相同。遂與接洽組黨事件。衢雲等欣然贊成。港僑於是陸續締盟者。更有謝讚泰黃詠襄周昭岳余育之徐善亭朱貴全丘四等數十人。籌備既竣。即於是月下旬租定中環士丹頓街門牌十三號爲總會所。榜其名曰乾亨行。藉避警探耳目。二十七日開成立會。會名仍稱興中會。凡入會者須一律高舉右手向天宣誓。其誓辭曰。驅除韃虜。恢復中華。創立合衆政府。倘有貳心。神明鑒察。更將檀香山所定章程修正爲十條。并規定總會支會之權限。以資遵守。總會成立後。衆議決定在廣州籌備大舉。推定總理駐廣州擔任軍務。鄭士良陸皓東鄧蔭南陳少白等

佐之衢雲駐港專任後方接應及財政事務。黃詠襄謝讚泰等佐之。二月二十日復議決遴選健兒三千人。由港乘輪船至廣州起事之策略。陸皓東提議用青天白日旗式以代滿清之黃龍旗。亦於是日通過。是秋七月各方運動將次成熟。衆以乾亨行漸有警探窺伺。遂於是月初八日撤消之。八月二十二日衆以發難在即。始投票選舉會長。名之曰伯理璽大德。此職即起事後之合衆政府大總統也。時會中分孫楊兩派。衢雲要求此席甚力。鄭士良陳少白力反對之。總理不欲因此惹起黨內糾紛。表示謙退。力誠士良少白勿與競爭。結果此席爲衢雲所得。迨九月重陽廣州之役既敗。香港總會因而全體瓦解。至己亥（民前十三年）冬總理派陳少白自日本回港組織中國日報。爲與中會宣傳機關。並恢復與中會與海外各埠同志之關係。與中會之勢力乃爲之一振。

### 廣州與中會

#### 廣州雙門底

孫總理陸皓東鄭士良

與中會總部決議在粵大舉後。孫總理即偕鄭士良陸皓東陳少白鄧蔭南等赴廣州設立分會。租得雙門底王家祠雲岡別墅爲會所。外假農學會名義。以掩飾外界耳目。由總理手訂農學會章程若干條。極言中國非研究農學振興農業決不足以致富強之理。語極動聽。粵中官紳潘寶璜潘寶



琳劉學詢等署名贊助者數十人。無有疑爲挾有危險性質者。蓋總理前於壬辰癸巳兩年在羊城開設東西藥局時。已藉醫術納交於官紳士商各界。大吏鉅紳等以其學術優越。咸器重之。此次總理得以措置裕如。經營順利。實爲兩載以前播種所致。在粵機關成立之後。同志加入與中會者。較香港尤爲踴躍。先後填寫誓約者。有左斗山魏友琴程奎光程璧光程耀宸陳廷威王質甫朱琪朱浩湯才陳煥洲吳子材梁大炮李芝劉秉祥黃麗彬莫亨程懷程次梁榮蘇復初等數百人。復添設分機關多處。以容納往來同志及貯藏祕密文件。籌備軍載。城內防營及水師與附城各處綠林泰半聯絡就範。至八月間。各方運動漸臻成熟。香港總部遂定期於九月重陽日舉事。預定由主要黨員率領香港會黨三千人。於是月初八晚乘夜輪進省。並用木桶裝載短鎗。充作膠坭。瞞報稅關。初九晨抵省垣時。齊用刀斧劈開木桶。取出鎗械。首先向各重要衙署進攻。同時埋伏水上及附城之會黨。則分爲北江順德香山潮州惠州數大隊分路響應。更由陳清帶領炸彈隊在各要區施放炸彈。以壯聲勢。討滿檄文及安民布告由朱琪起草。先期印就。備到時張貼城內外。英文對外宣言由香港總部預請何啓博士起草。以便到時通告各國。要求承認爲民主國家交戰團體。一切計畫頗

爲周密。及初八日。楊衢雲在港以佈置尙未完備。遽電告粵機關謂須延期二日。至初十晚。派丘四朱貴全率領散處新安深圳鹽田沙頭各地集中九龍之會黨先鋒隊二百餘人乘保安輪船省。然在此猶豫期間。已爲駐港密探韋玉偵知。遂電告粵吏使爲戒備。同時黨軍所私運短鎗六百餘桿亦爲海關發覺。粵督譚鍾麟於初十日聞報。急調駐長洲之營勇一千五百人回省防衛。並令李家焯率兵至王家祠鹹蝦欄等處搜獲黨人陸皓東程耀臣程奎光程懷劉次梁榮等六人。及軍器軍衣鐵釜等物。總理於是早聞報事洩。急電香港楊衢雲以止辦二字。令勿派人來省。詎此電到時。人及鎗枝均已下船。無從阻截。衢雲祇得覆電以「接電太遲。貨已下船。請接」之十字。當保安輪船由香港啓碇後。黨人所備用之洋鎗七箱。因船中貨物移易位置。七箱之上忽爲多數雜貨所積壓。臨時無法取用。黨人失此武器。如缺左右手。及該輪抵廣州時。南海縣令李徵庸及巡勇管帶李家焯已率兵在碼頭嚴密截緝。捕獲丘四朱貴全等四十餘人。餘黨知大事已去。一聞而散。譚督以事情重大。特令南番兩縣嚴刑審訊。陸皓東等慷慨激昂。直認不諱。至九月二十一日。譚督遂令營務處籤提陸皓東丘四朱貴全三名至校場殺害。其曾任廣東水師統帶之程奎光一人。在營務處

受軍棍六百死。程耀宸禁大有倉後死。餘外程懷程次梁榮等六十餘人。一律指爲愚民被惑。分別開釋。另懸重賞購拿孫文楊衢雲朱浩湯才王質甫陳少白魏友琴侯艾泉李杞劉秉祥吳子材李芝夏百子莫亨黃麗彬等十餘人。當事洩時。鄭士良陳少白區鳳墀侯艾泉李杞王質甫等聞訊。即已先後離粵。總理於敗後三日。尙匿跡城內。因搜索嚴密。未敢外出。十日後始雇小火輪從間道走澳門。返香港。未幾粵督派委員赴港要求引渡黨人。港督乃判令孫文楊衢雲李少白三人出境五年。總理因是偕少白士良二人東渡日本。

廣州鹹蝦欄張公館

廣州市東門外

陳清程耀宸

東門外鹹蝦欄張公館係與中會招待各方同志之分機關。陳清炸彈隊即在此屋製造炸藥及裝配炸彈。陳清夏百子陳南程耀宸梁榮等在此居住。初十日事洩。被軍警大隊圍捕。程耀宸梁榮二人被逮。

香港杏花樓

香港皇后大道西

孫總理楊衢雲何啓

杏花樓在香港西營盤。乃港地有名之大酒樓。與中會員常假之開秘密會議。秋七月初八因廣州

軍事籌備已竣。總部乾亨行頗有警探窺伺。故決將該行門面取消。翌日初九孫總理楊衢雲等卽假杏花樓開會。何啓博士及德臣西報記者黎德亦被邀參加。何爲議政局議員。雅麗士醫院創辦。人與總理有師生之誼。向同情革命。黎德亦然。與中會預擬發表之英文對外宣言。卽二人所起草。是日開會。衆推何博士主席。議決攻取廣州方略甚詳。

### 北江起義部隊

廣東英德

梁大礮鄭士良

梁大礮爲北江英德清遠花縣一帶著名會黨首領。孫總理預派鄭士良前往聯絡成熟。預定於廣州發難時。卽率領會黨大隊赴城接應。

### 香山起義部隊

廣東香山

李杞侯艾泉

檀香山華僑李杞侯艾泉與香山縣屬隆都等處民軍素有關係。是歲春夏間回國。孫總理卽派遣至石岐縣城籌備軍事。預定於廣州起事時。卽率民軍佔據香山順德新安各縣。以爲聲援。

### 橫濱文經印刷店

日本橫濱山下町

馮鏡如

文經印刷店開設於橫濱山下町五十三番地。係粵省南海縣人馮鏡如手創三十餘年之老號。馮

父展揚公早年因太平天國黨案。被清吏捕繫南海縣監。瘐死獄中。故鏡如幼年卽東渡日本。設肆自給。甲午中日構衅。更毅然剪除辮髮。以示決絕。孫總理於甲午臘月由檀島返國舟過橫濱時。聞馮狹名。曾託船上行商陳清贈馮以興中會章程一束。請其在日設會進行。及是秋興中會失敗。遂偕鄭士良陳少白二人避地橫濱。首訪鏡如於文經商店。一見如故。鏡如立闢樓上一室以居之。半月後總理遂偕鏡如組織興中分會。并將攜來宣傳品揚州十日記及原君原臣（黃梨州著明夷待訪錄選本）二種。交馮由文經號印刷萬卷分送海外各埠。

橫濱興中會

日本橫濱山下町

馮鏡如馮紫珊譚發

橫濱興中會會所在山下町一百七十五番地。在成立前。已由馮鏡如邀請其弟紫珊（致生印刷店主人）及友好譚有發（均昌洋服店主人）趙嶧琴（廣福源商號主人）趙明樂（廣福源商號主人）黎炳垣（法國郵船公司華經理）溫遇貴（某洋行買辦）黎簡卿（東昌打包店主人）等在文經商店二樓開會。介紹孫總理等與各人相見。卽席提議組織興中分會。衆皆贊成。於是次第填寫盟書。宣布成立。衆舉鏡如爲會長。趙明樂爲管庫。趙嶧琴爲書記。紫珊有發炳垣等

爲幹事。及新會所成立。繼續加入者有溫芬（炳臣）鄭曉初陳才陳和黃焯文陳植雲馮懋龍（後易名自由）等十餘人。以懋龍年齡爲最少。時僅十四歲耳。是時旅日華僑尙多。目革命排滿爲大逆不道。故會員咸有戒心。每次開會。通知書皆不欲假手於日本下女。概由小會員馮懋龍分別派送。冬十二月。總理決意遠遊美洲。擬向華僑集資爲捲土重來之計。因向各同志商借五百元充旅費。詎各同志多以有心無力對。趙明樂且辭退管庫一職。鏡如紫珊兄弟二人乃合措五百元以應之。總理於是以此款百元供少白斷髮改裝之需。另以百元給士良。使回港收拾餘衆。以備再舉。然後隻身再渡檀島。迨總理離日未久。各會員供給月費者漸少。鏡如等以經費無着。遂將會所取消。凡有會務均假文經商店二樓開會決之。同時少白仍移居文經號助鏡如編輯華英字典。卽當年盛行之馮鏡如華英大字典是也。其後興中會會務以少白不善交際。迄無起色。至丁酉（民前十五年）秋。總理由歐東歸。舊會員未變宗旨者不過七八人而已。

## 革命運動第十年丙申

民國紀元前十六年  
清光緒二十二年  
陽曆一八九六年

機關名稱

所在地

主要人姓名

檀香山何寬住宅

夏威夷島

孫總理何寬

乙未冬十二月。孫總理自日本重蒞檀島。寓舊同硯卑涉銀行華經理何寬住宅。初擬向會友集資回粵。以圖再舉。適是時駐檀清領事已奉虜廷命。令調查在檀與中會員姓名籍貫。藉以查抄原籍家產。而香山知縣查封翠亨鄉孫姓房產之消息。亦傳遍一時。因是各會員大有戒心。除何寬鍾宇許直臣李昌鄭金鄭照程蔚南黃亮林鑑泉十餘人外。多不敢與總理照常往還。總理留檀半載。多方活動。均難收效。乃兄德彰及何寬等均謂當此新敗之餘。人心咸懷疑懼。在檀進行。徒費心力。美洲華僑較衆。當有可爲。宜改從新方面入手等語。總理從之。遂於丙申夏六月首途渡美。

杜蘭斯華與中會

南非洲

楊衢雲霍汝丁黎民占

楊衢雲於乙未重陽廣州一役失敗之後。卽漫遊越南及南洋羣島印度南非洲各地。嘗在南非洲

杜蘭斯華之約翰尼士堡及彼得馬尼士堡兩埠設立興中分會。得同志黎民占霍汝丁（勝剛）王熾王淮陳妹何熾馬子方馬康何益江均何禧梁伯佳等數十人。經衢雲熱烈宣傳。會務頗形發達。內申年十月。衢雲揚言將回國起義。衆多饋金助之。民占且賤售其商店事業。從行。及抵香港。衢雲以港地不能立足。遂之橫濱。以教授英文自贍。民占居港日久。旅囊告竭。竟鬱鬱以終。嗣後南非黨員皆寂然無聞。獨有約翰尼士堡埠黨員霍汝丁於民初返國。曾投資於李其所創辦之江南福羣實業公司。後數年復開設萃文書店於香港荷理活道六十號。專經營書籍文具事業。此店至今猶存。汝丁於民三十四年逝於香港。

## 舊金山與中曾

美國加省

孫總理鄺華太

孫總理於是夏六月抵舊金山。初憑教友介函往謁牧師陳翰芬。復由陳介見教友何柏如鄺華太等。是時旅美華僑風氣異常閉塞。十九缺乏國家思想。與談革命排滿。莫不掩耳驚走。在耶教徒中。因同情總理而加入興中會者。僅鄺華太等數人耳。華僑團體名目繁多。中以洪門致公堂爲最鉅。其會員佔全美僑胞十之八九。宗旨爲反清復明。卽廣東三合會之支派。但以代遠年湮。多已忘却。



本來面目。總理在粵嘗由鄭士良獲知洪門內容。惟以未列會籍。故抵美後。雖屢訪致公堂父老。解說革命宗旨。聞者仍以門外漢視之。居美西數月。收效甚微。乃將與中會事務委託鄺華太辦理。鄺時肄業加省大學。最熱心革命。卽以所居舊金山華盛頓街九一六號爲與中會通信處。

### 倫敦葛蘭旅館

英國倫敦

孫總理

孫總理離美西後。復在紐約埠逗留數月。至八月中旬始取途前往英國。廿五日抵倫敦。寓葛蘭旅店街八號葛蘭旅館。時駐英清公使龔照瑗早得北京政府電。令設次拿獲孫某押送回國。龔使乃委託司賴特私家偵探社密查總理行止。隨時報告。使館隨員有名鄧廷鏗者。與總理爲舊識。某日遇總理於道。乃邀往使館話舊。總理不虞有詐。貿然從之。及入門。則使館已設阱以待。遂被拘禁。使館三樓一小室中。龔使且租得克來公司輪船。尅日用貨箱裝運總理回國獻功。總理被囚六日。束手無策。最後以基督教人真理感動僕役名柯爾者。使向前業師康德黎毛生兩醫士告密。康毛得訊。卽向英當局求援。英相沙士勃雷侯遂向龔使嚴辭責難。倫敦各報館亦紛紛羣起攻擊。至九月十八日。龔使遂不得不禮送總理出館。總理脫網後。仍住葛蘭旅店。每日必至大英圖書館研究政

治社會經濟軍事史地諸學。孜孜不倦。時有青年名摩根者。慕總理名。願隨至中國效力革命。總理尤於機會到時作函招之。摩根卽庚子（民前十二年）在廣州轟炸撫署之史堅如案得力助手也。總理居英九閱月。至丁酉年（民前十五年）七月始經由加拿大乘印度皇后船轉返日本。

### 倫敦康德黎寓

英國倫敦

康德黎孫總理

前香港雅麗士醫學院掌教康德黎寓倫敦狄汪色街四十六號。孫總理自廣州失敗後。嘗在檀香山遇康夫婦於道。康堅約其蒞英時相訪。及抵英。每日必造康寓敘談。自清使館脫離後。卽移康寓小住。相處有如家人。是年總理應英格蘭醫學會囑託。譯成赤十字救傷第一法一書。在倫敦出版。卽康所介紹。又是時各國人士到康寓訪問總理者日衆。總理疲於應付。因著倫敦被難記詳述經過。以饜衆望。

### 橫濱三餘軒別墅

日本橫濱

馮鏡如馮紫珊黎炳垣

此乃橫濱華僑商界馮鏡如馮紫珊黎炳垣梁達卿盧桂園等所組織之小俱樂部。地在下町唐人街。會員多屬興中會籍。孫總理楊衢雲陳少白三人常假爲政談之所。丁酉年秋。鏡如等在三餘

軒開會。決定發起開設學校以教育華僑子弟。少白爲定名「中西二字」。并介紹梁啓超任校長。該校總理甄汝磐於是冬持少白介函訪康有爲於上海。康謂啓超無暇赴日。特派徐勤代之。且代易名大同學校。勤抵日後。初與孫楊陳等頗有往還。及戊戌（民前十四年）夏清室變法。康門師徒皆彈冠相慶。漸與革命黨疏遠。旋復創立保皇會。大排革命。是爲日後兩黨衝突之主因。

### 橫濱修竹寄廬

日本橫濱

溫炳臣梁麒生

修竹寄廬爲橫濱華僑洋行職員之小俱樂部。係溫炳臣梁麒生關谷聲梁紹南等所組織。麒生乃文經商店書記。馮鏡如派其專任招待孫總理事務。故總理與楊衢雲陳少白恆假修竹爲宴遊之所。是秋總理由歐陸東歸。不久卽覓地與衢雲約會。切責其於乙未廣州一役貽誤機要之非。衢雲俯首無辭。所約會之地。卽修竹寄廬也。

# 革命運動第十一年丁酉

民國前十五年  
清光緒二十三年  
陽曆一八九七年

機關名稱

所在地

主要人姓名

台北興中會

台灣台北

陳少白楊心如客禔年

興中會會員楊鶴齡有族弟名心如者。亦興中會員也。乙未九月廣州失敗後即赴台灣謀生。充任台北永樂町美時洋行買辦。陳少白於丁酉年。至台灣訪之。遂結識僑商容祺年吳文秀趙滿潮數人。共組織興中分會。惟因黨員不多。未設會所。即以心如居宅充之。其後此地會員對於祖國無所表見。心如於民國後留滯台灣多年。迄未返國。至民二十六年後。始在台灣逝世。

東京中山樵寓

日本東京

孫總理宮崎寅藏平山周

乙未孫總理離日後。陳少白旋結識日本志士曾根俊虎宮崎寅藏平山周等。及是秋總理由歐抵橫濱。日本進步黨首領犬養毅夙主張東亞同盟之說。特派宮崎迎總理至東京。一見如故。復稅屋以居總理。派平山伴居招待。總理乃從東俗自稱中山樵。門署中山方三字。藉掩耳目。犬養宮崎更

先後介紹日本名流大隈重信副島種臣尾崎行雄大石正已頭山滿秋山定輔菅野長知山田良政福本誠內田良平末永節等爲友。是爲我國革命黨與日民黨訂交之始。

橫濱衛雲英文學校

日本橫濱

楊衛雲王質甫

是年春楊衛雲自南非洲經香港赴日本。抵橫濱後。以家費困難。乃開設英文夜學校以自給。華僑子弟從之者數十人。未幾廣州聖教書樓經理王質甫亦因黨案避難到日。亦下榻校中。是冬謝讚泰康廣仁在香港合謀與中會與康黨聯合救國之活動。囑衛雲在東進行。衛雲遂約馮鏡如分途向雙方接洽。奔走半載。終以康有爲夜郎自大。不願與革命黨合作。致妨礙仕途而止。

# 革命運動第十二年戊戌

民國前十四年  
清光緒二十四年  
陽曆一八九八年

機關名稱

所在地

主要人姓名

橫濱大同學校

日本橫濱

馮鏡如徐勤

大同學校初爲橫濱興中會會長馮鏡如約合該埠新派僑商集資創建。時革命黨師資人才缺乏。故由陳少白推薦上海時務報主筆梁啓超充任校長。康有爲與少白爲舊識。以啓超方任湖南長沙時務學堂掌教。乃以徐勤代之。是年正月開學。所延教員皆康門子弟。諸生課本書面一律大書「國恥未雪民生多艱每飯不忘勗哉小子」之標語。提倡愛國精神。不遺餘力。其初徐勤及各教員與孫總理楊衢雲陳少白等往還頗密。後以其師漸得清帝眷顧。深恐爲革命黨所牽累。遂與總理等日漸疏遠。而一部僑商亦多趨炎附勢。或爲「名爲保皇實則革命」之邪說所誘惑。由是該校全入康黨勢力範圍。成一喧賓奪主之局。但出身該校之學生反對保皇倡導革命者。亦不乏人。以馮懋龍（自由）馮斯樂（自強）鄭貫一（自立）蘇子穀（曼殊）李自重等五人爲最著。

橫濱華僑學校

日本橫濱

趙嶧琴郭外峯廖翼朋

橫濱華僑所設大同學校自爲康梁黨徒包辦後。因專用粵語教授。及強逼耶穌教徒子弟向孔子像拜跪事。埠中三江幫商人及耶穌教徒羣起反對。遂有江浙派之郭外峯。耶穌教之趙明樂趙嶧琴李卓生關國義中和堂之霍美徒楊少佳廖翼朋。中立派之鮑偉昭盧榮彬諸人。集資另創華僑學校。以爲之抗。總董爲華俄道勝銀行買辦郭外峯。而趙嶧琴廖翼朋二人副之。是校成立於戊戌年秋冬間。前後所延教員有廖雲翔（卓菴）楊計伯桂廷鑾（少偉）胡毅生梁新武（博君）陸瀛雲諸人。雖非革命黨所組織。然其發起人及教員多與革命黨有直接間接之關係。橫濱華僑子弟不致全受保皇邪說所蠱惑者。賴有此耳。

橫濱中和堂

日本橫濱

尤列鮑唐霍美徒

中和堂者。橫濱華僑工界所組織之小俱樂部也。地點設在山下町唐人街之一角二樓。最初並無名稱。形式簡陋頑固。彷彿一普通之海員來往棲宿所。卽俗所謂行船館者。堂中設關羽神像。每值神誕及節令等日。會員恆大會歡飲。歌唱粵曲。鑼鼓喧天。徹夜不休。其創立時期遠在丙申丁酉間。

與革命黨人初無何等關係。戊戌年夏。興中會員尤列蒞日本。其人素以聯絡工界見長。遂設法與該團體主持人鮑唐楊少佳陳澤景等接近親暱。鮑等以尤善於辭令。頗禮重之。尤乃爲該團體定名曰忠和堂。并使訂閱上海香港日報數份以開通之。是爲中和堂立名之始。是年冬。橫濱華僑各界以康梁黨徒藉大同學校名義。侵佔中華會館公產。羣起反對。忠和堂亦爲反對派有力團體之一。是時大同學校校長徐勤方大倡孔教。藉口該堂崇祀關羽。譏爲迷信神權之下流社會。該堂中人尤爲憤激。惟以內部缺乏文士。指導乏人。特請興中會員陳少白爲顧問。代計畫興革事宜。少白謂忠和二字之意義。不如中和之切當。爲易名曰中和堂。并使撤去關羽神像破除迷信。以便耶穌教徒之加入。衆欣然從之。未幾耶穌教徒翟美徒等十餘人次第加入該堂爲會員。翟爲德國某洋行書記。兼英文夜校教員。與少白爲舊交。次年衆舉翟爲會長。而堂務乃日漸進展。自是凡有革命黨名流行抵當地。輒延之演講時事。故與興中會有相當關係。

#### 橫濱中山方

#### 橫濱前田橋

孫總理陳少白尤列

是秋孫總理設行館於橫濱前田町一百二十一番地。門外署中山方三字。陳少白尤列亦下榻於



此。各地興中會員及日本志士我國留學生多往來其間。後二年協助菲律賓獨立。及庚子（民前十二年）秋惠州廣州二役。以此爲策源地。

台灣台北日報

台灣台北

章炳麟

浙江志士章炳麟因上海時務報關係被清政府通緝。逃至台灣。台北日報延充主筆。時作排滿論文。并忠告康梁早日脫離清室。同倡革命。

# 革命運動第十三年己亥

民國十三年  
清光緒二十五年  
陽曆一八九八年

機關名稱

所在地

主要人姓名

東京高等大同學校

東京牛込區

梁啓超柏原文次郎

己亥年九月。梁啓超向橫濱華商鄭席儒曾卓軒等募款三千元。創設高等大同學校於東京牛込區東五軒町。從學者有前湖南時務學堂舊生林錫圭（述唐）秦鼎彝（力山）范源濂（靜生）李羣（彬四）蔡良寅（松坡後改名鏐）周宏業（伯勛）陳爲璜唐才質（法塵）蔡鍾浩田邦璿李炳寰等十餘人。橫濱大同學校學生馮自由。鄭貫一馮斯樂曾廣勤鄭雲漢張汝智等七人。梁自任校長。日人柏原文太郎爲幹事。時梁方與孫總理楊衢雲陳少白諸人往還頗密。且有聯合組黨之計劃。故所取教材多採用英法名儒之自由平等天賦人權諸學說。諸生由是高談革命。各以盧騷福祿特爾丹頓羅伯斯比爾華盛頓相期許。是時我國留東學生全數不滿百人。以主張排滿之戡翼輩（元丞）沈翔雲（虬齋）等爲最激烈。戡沈每至大同學校訪友。恆流連達旦。此外

尙有北洋官費生黎科金邦平鄭承煜鄭葆承張煜全傅良弼諸人亦持革命論調。與總理及梁啓超時相過從。庚子（民前十二年）夏秋間。唐才常謀在漢口發難。預約留學中有志者返國相助。大同學校湘籍學生與唐有師生關係。聞命赴義者有林錫圭秦力山田邦璿李炳寰蔡鍾浩等。校外留學生則有傅良弼吳祿貞蔡承煜黎科戡元丞鄭葆承等。是役以期前事洩失敗。除力山祿貞元丞走脫外。餘人先後就逮被殺。先是。梁啓超因在清議報漸發揮排滿言論。深爲康有爲所不滿。康於己亥十二月派葉覺邁攜旅費至日。立逼梁卽赴檀香山設保皇會。另派麥孟華代理校務。麥以諸生咸心醉民族主義。與保皇會宗旨不合。遂廢止漢文講席。而改爲攻讀日文之專修學校。及漢口之役失敗。校中經費不繼。勢將解散。乃由日人柏原向日政黨募款。在小石川區建築新校舍。易名曰東亞商業學校。

橫濱菲律濱代表寓

橫濱山下町

彭西孫總理平山周

是歲四月美人派兵助菲律濱獨立軍脫離西班牙羈絆。西軍敗。美人悔約。菲島獨立軍首領阿坤鴉度轉而抗美。因缺械。被美軍屈服。阿乃通電求援於亞洲各國。並派代表彭西駐日本設法購運

軍械圖再舉。特設辦事處於橫濱山下町。彭慕孫總理俠義。且與日民黨有關。遂請總理協助。以購械全權相託。總理允之。願親率與中會員及日本有志者先助菲人獨立。功成。轉兵力回華起義。彭轉報阿。阿甚聽其議。總理遂派日同志平山遠勝數人赴菲布置軍事。並由犬養毅介紹衆議院議員中村彌六經理購械租船二事。十二月械既購備。即僱三井洋行輪船布引丸。定期翌年一月運載赴菲。後竟在途上遇險沉沒。運械員日人林及高野二人殉之。

#### 東京九段體育會

東京飯田町

林錫圭 蔡良寅

是年秋冬間日本飯田町九段體育會開幕。高等大同學校學生蔡錫圭 蔡良寅 馮自由 鄭貫公等全體學生報名加入。每二日習兵式體操及實習射擊二小時。次年庚子富有票之役。該校學生殉難者十餘人。其後數年黃興亦入此會。獲得射擊錦標。

#### 東京紅葉館送別會

東京芝區

孫總理 梁啓超 唐才常

是歲秋冬間。唐才常畢永年史堅如等先後抵日本。與孫總理 梁啓超 林錫圭 商榷長江各省起義計畫。並約留東志士多人回國相助。留學界願參加者。有湘人林錫圭 秦力山 李炳寰 蔡鍾浩 田邦

璇。鄂人吳祿貞。劉伯剛。吳念慈。戡翼。鞏傳。慈祥。粵人黎科。閩人鄭葆晟。燕人蔡承煜等十餘人。梁啓超。沈翔雲。戡翼。鞏等。特在芝區紅葉館。設筵祖餞。總理楊衢雲。陳少白。史堅如。宮崎寅藏。平山周。諸人咸被邀作陪。錫圭。述唐。於湘鄂各省會黨情形。最爲熟悉。實爲一行人之主腦。瀕行向總理請益。總理介紹與中會員漢口某俄國洋行買辦容星橋助之。庚子漢口自立軍之活動。大得其力。

### 香港中國日報

香港士丹利街

陳少白。李紀堂。馮自由。

中國日報爲革命黨組織言論機關之元祖。孫總理於己亥年秋間始派陳少白至香港籌辦進行。所有機器鉛字概由總理在橫濱購運。至是年十二月下旬乃告出版。其社址設於士丹利街二十四號。少白自任社長。初期助理筆政者有洪孝充。陸伯周。楊肖歐。陳春生。黃魯逸諸人。初以不審英人對華政策所在。未敢公然大倡革命排滿之說。半載後措辭始漸激烈。從前各地中文報紙排印俱用長行直行。獨中國日報首仿日本報式。作橫行短行。令讀者耳目爲之一新。此報除日刊外。兼出十日刊一種。定名中國旬報。附以鼓吹錄。專以遊戲文章歌謠譏刺時政。是爲吾國報紙設置諧文歌謠之濫觴。庚子興中會迭謀策動廣州惠州軍事。其大本營即設於報社三樓。黨人出入絡繹。

不絕。及是歲閏八月惠州三州田一軍敗挫。報社財政亦形不支。賴同志富商李紀堂源源供應。得免歇業。辛丑壬寅癸卯甲辰（民國前八年至十一年）之四年。人心漸趨革命。報務日形發達。是時先後主持筆政者。復有鄭賈公陳詩仲黃世仲馮自由王軍演盧少岐丁雨宸梁襄武何冰甫何雅選盧信寥平子諸人。國內外各地報館之高談民族主義。與中國報相呼應者。亦續紛並起。惟報社度支至癸卯年夏竟無法撐持。不得已合併於著名文具印刷店之文裕堂有限公司。得以暫維現狀。新公司設總理三人。少白與李紀堂容星橋分任之。星橋亦與中會員也。乙巳年（民國前七年）秋同盟會成立。總理派馮自由自日回港。佐少白辦理黨務報務。同盟分會亦附設於報館社長室。丙午年（民國前六年）秋文裕堂營業虧折。淪於破產。中國報以連帶關係。亦遭連同拍賣之厄。幸事前馮自由約同志李紀堂李煜堂數人。集資預向文裕堂承購報社全部產業。始不致爲保皇黨人所攙奪。是歲八月中國報改組。同時遷至上環德輔道三百〇一號。衆舉馮自由繼任社長。兼同盟分會會長。自後數年。報務黨務均具長足之進步。關於西南各省之軍務。如丁未（民國前五年）四月潮州黃崗之役。及同月惠州七女湖之役。五月廣州劉思復之謀炸李鴻。九月惠州

汕尾運械之役等等。皆由同盟分會發動之。此外如欽廉鎮南關河口諸役。莫不由中國報報道消息。故此報實不啻爲全國革命黨人之總樞紐。其銷數之多寡。與人心之趨向革命與否爲正比例焉。己酉（民國前三年）冬同盟會南方支部成立。漸與香港分會劃分權限。中國報爲減縮計。亦移社址於荷理活道二百三十一號。未幾遂有庚戌（民國前二年）新正廣州新軍又五之一役。是役既敗。民黨元氣大傷。中國報原屬商辦性質。馮自由以羅掘俱窮。無力再辦。乃請南方支部特撥公款維持善後。自赴加拿大就溫高華埠大漢日報之聘。南方支部於是改派李以衡爲經理。謝英伯張紹軒等爲編輯。自癸卯後文裕堂合併時代至丙午後馮自由經理時代之七年間。中國報資本概由同志商人負擔。及庚戌二月以後。始由南方支部派人經理。其後南方支部以支應浩繁。不勝其擾。至辛亥（民國前一年）春。適有留美黨員李其歸國。支部乃以中國報經理一席畀之。是歲五月檀香山黨員盧信黃時初等。願集僑資負責接辦中國日報。支部許之。及九月粵省光復。報社遷於廣州。至民國二年八月龍濟光入寇。遂被封禁停版。要之中國報歷史可區別爲三期。從己酉至乙巳之七年爲陳少白處理時期。從丙午至己酉之四年爲馮自由處理時期。從庚戌至辛

亥之二年爲南方支部處理時期。以十七年三期間之大聲疾呼。卒能領導海內外輿論以傾覆清廷。重光漢業。殊非常日參預諸子所及料也。

### 橫濱清議報

日本橫濱山下町

梁啓超韓文舉區架甲

戊戌七月清室政變。孫總理以同屬改革派關係。特派宮崎寅藏平山周二人分途赴北京香港二處營救康有爲。梁啓超二人至日本。以便同商救亡之策。詎康梁抵日後。康自恃曾得清帝寵遇。恥與革命黨往還。梁感覺有設立言論機關之必要。遂於戊戌冬向僑商募資。在橫濱山下町發刊清議報。大倡保救清帝光緒之說。自任總撰述。韓文舉麥孟華區架甲等佐之。出版數月。除歌頌光緒聖德及攻擊西太后榮祿袁世凱諸人外。幾無文字。所載譚嗣同著仁學。及譯述日本柴四朗著佳人奇遇記。內有排斥滿清論調。爲康有爲所見。遞命撕毀重印。且誡梁勿忘今上聖明。後宜謹慎從事。及康離日赴加拿大。梁與韓文舉區架甲等漸與總理楊衢雲陳少白等相往還。意氣日盛。因而高唱自由平等學說。自號飲冰室主人。題其學說曰飲冰室自由書。頗爲世人歡迎。梁有別號曰任公。至是亦改稱任公。以示脫離康氏羈絆之義。蓋康門徒侶多以「厂」字相稱。卽爲源出康門之標記。



梁此舉卽所以表示其決心也。區鑒甲亦有一文闡揚湯武革命。語極動聽。事爲康所知。深恐梁區等改絃易轍。於彼不利。遂令梁赴檀香山創設保皇會。區赴舊金山主持文興報。而使麥孟華專任清議報筆政。凡有革命自由獨立自主等名辭。一律禁止登載。至己亥（民前十二年）冬以遭火災停版。

# 革命運動第十四年庚子

民國前十二年  
清光緒二十六年  
陽曆一九〇〇年

## 機關名稱

所在地

主要人姓名

香港革命黨聯合總會

香港中國報

孫總理畢永年李雲彪

己酉冬。孫總理派畢永年史堅如等赴漢口。邀集鄂湘兩省哥老會各龍頭赴香港開各派秘密會黨聯合大會。各龍頭先後到港者。有李雲彪張堯卿楊鴻鈞喜鴻恩辜天保李堃山等多人。鄭士良亦號召廣東三合會首領曾捷夫林海山曾儀卿等到會。均由中國日報鄭少白陳士良開館招待。楊衢雲知衆皆推尊總理。遂自辭與中會長一職。由衆舉總理代之。是年三月與中曾哥老會三合會開聯合大會。共舉總理爲革命黨總會長。公派宮崎寅藏赴日。送呈新鑄總會長印信於總理。

香港法國郵船會議

香港九龍碼頭

孫總理鄭士良楊衢雲

是年孫總理乘法國郵船往來日本香港南洋二次。因乙未年港政府不許入境之期限未滿。故每次過港時。均約各同志到法輪開會討論軍事。五月中旬偕楊衢雲及日人宮崎平山福本原口遠

藤山下伊東大崎伊藤岩崎等十餘人乘法輪烟狄斯號到港。即約鄭士良陳少白謝讚泰李紀堂等在船旁一小舟開會。議定衢雲與日志士留港伺機入惠州協助義軍發動。自偕英人摩根乘原船赴越南西貢。六月廿一日復偕宮崎摩根乘法輪由新加坡抵港。擬親率鄭士良等入惠州起義。以港政府預派軍警監視。不能登陸。迫得仍乘原船赴日。

東京譯書彙編

日本東京

楊廷棟楊蔭杭雷奮

此爲留日學界第一次發刊之雜誌。於庚子下半年出版。江蘇人楊廷棟楊蔭杭雷奮等主持之。專以編譯歐美法政名著爲宗旨。如盧騷之民約論。孟德斯鳩之萬法精理。約翰穆勒之自由原論。斯賓塞之代議政體。皆逐期登載。譯筆流麗典雅。風行一時。時人咸推爲留學界雜誌之元祖。自後各省學生次第倡辦月刊。吾國青年思想之進步。收效至巨。不得不謂「譯書彙編」實爲之倡。

衡州終南會

浙江金華

劉家福張恭沈榮卿

金華會爲老秘密會黨之一。初由湖南傳入江西。再由江西傳入浙江。以衡州爲最盛。凡萬雲龍華伏虎玉泉關帝諸會咸爲其分派。其正會主名何步鴻。副會主名李武。是歲會員劉家福在衡州起

事失敗。革命黨人張恭沈榮卿曾投身此會。得升至會副之職。癸卯（民前九年）後孫翼中陶成章敖嘉熊魏闢秋瑾等先後均與聯絡。

#### 上海同文滬報

上海福州路

田野橘次

此報爲日人田野橘次所辦。專提倡改革政治之說。與唐才常關係密切。

#### 上海東文學社

上海

田野橘次唐才常

唐才常利用日人田野橘次名義開設東文學社。外藉教授日文爲幌子。實爲正氣會及自立軍之運動機關。

#### 上海正氣會

江蘇上海

唐才常林圭狄葆元

此會又名自立會。及唐才常林圭狄葆元沈蓋等所組織。其計畫在聯絡長江各省哥老會起事。唐手訂章程二十餘條。規模極大。因倚賴康有爲梁啓超向華僑籌餉。故或稱排滿。或稱勤王。方針不定。故內部迭起變化。章炳麟畢永年初亦與謀。以宗旨不符。拂袖而去。

#### 上海國會

上海張園

容閔嚴復唐才常

是年六月唐才常以挽救時局爲辭。邀請滬上維新志士開國會於張園。列席者有容閎嚴復章炳麟文廷式吳葆初葉浩吾宋恕張通典沈蕙龍澤厚等數百人。公推容閎爲會長。嚴復副之。才常爲總幹事。欲利用國會名義號召各省大學。實則蒞會者多茫無所知。且愈招清吏注意。以是參加諸人多紛紛脫會。

### 大通自立軍前軍

安徽大通

秦力山吳祿貞

唐才常分自立軍爲七軍。以大通爲前軍。秦力山統之。吳祿貞爲參謀。力山名鼎彝。東京大同學校學生。漢口本部原約是歲七月十五日起事。力山因十三日有黨人七名被清兵逮捕。遂猝然舉兵。劇戰五日。以寡不敵衆敗退。後出亡日本。

### 湖北自立軍本部

湖北漢口

唐才常林圭傳慈祥

自立軍本部設於漢口英租界李順德堂。原定七月十五日各路同舉。因康梁海外匯款未到。延期數次。廿八日事洩。爲鄂督張之洞派兵圍搜。捕獲才常及林圭李炳寰田邦璿瞿河清向聯陞王天曙傳慈祥黎科黃自福蔡承煜李虎生日人甲斐靖等二十餘人。除日人送還日領事外。餘俱加害。

同時崇陽監利新堤臨湘沅州湘潭清泉武陵各地陸續失敗。黨人殉義者尙有唐才中蔡鍾浩黃南陽李壽金何來保汪鎔方成祥徐德姚小琴等百數十人。

### 漢口自立軍分所

漢口寶順里

唐才常林圭李虎生

此爲自立軍分機關之一。事洩時有李虎生瞿河清王天曙數人在此被逮。

### 三洲田革命軍

廣東歸善縣

鄭士良黃福黃耀廷

是歲夏。孫總理派鄭士良籌備在惠州大舉。士良遂集合同志黃福黃耀廷黃闓官林俠琴楊發羅生等百數十人。在歸善縣三洲田馬欄頭楊生大屋設立大營準備起兵。專候總理接濟軍械。至閏八月十三日。清軍何長清部壓逼日甚。始毅然向清軍進攻。一戰破之。連戰俱捷。有衆二萬餘人。先後佔領沙灣永湖佛子坳崩崗墟黃沙洋白芒花三多祝各地。直向粵閩界址進發。以便接收軍械。二十九日至三多祝時。得香港轉來總理自台灣電。有一政況忽變。外援難期。卽至廈門亦難接械。可自決進止」等語。士良等以外援絕望。彈藥已竭。不得已宣布解散。馬欄頭楊生宅後被清軍縱火焚燬。

博羅革命軍別隊

廣東博羅

梁慕光李植生鄧子瑜

鄧士良同時派同志梁慕光李植生鄧子瑜江維善等在惠州博羅縣起事。於閏八月廿一二日率衆二千餘人撲攻縣城。以清軍雲集。屢攻不下。及聞大軍已奉命停頓。遂亦分路解散。

廣州革命軍暗殺部

廣州旗滿街

史堅如宋少東練達成

是秋鄧蔭南史堅如二人奉孫總理命在廣州起義。期與惠州革命軍相援應。因佈置不及。遂由堅如設暗殺部。專任轟炸署粵督德壽之責。堅如使練達成宋少東溫玉山黎德宋玉臣等在旗滿街撫署後樓房。用宋少東名租得一屋。卽在屋內掘地埋置大量炸藥。九月初六日轟然爆發。炸燬撫署後牆及民房數家。死數人。德壽僅受虛驚無恙。堅如於初七晨被逮。嚴刑不屈。十八日就義。

廣州西關長老會

廣州西關

史堅如毛文敏

毛文敏爲耶教長老會傳教士。與史堅如莫逆。堅如恆假廣州西關寶華大街文敏主持之福音堂存貯危險品。

廣州五仙門福音堂

廣州五仙門

史堅如練達成黃守南

黃守南爲五仙門福音堂管事人。史堅如練達成密運炸藥。恆託守南代爲收藏。

### 廣州史公館

#### 廣州西城

鄧蔭南史堅如摩根

廣州西城榮華東街史公館爲興中會是年進行廣州軍務之總機關。鄧蔭南史堅如蘇焯南李壽卿吳義如英人摩根往來各地。均在此下榻。中有工人黎德專任搬運軍械炸藥等事。

### 香港楊衢雲書館

#### 香港結志街

楊衢雲

庚子興中會在廣惠二府革命工作。楊衢雲奔走最力。大爲清吏所忌。屢派兇徒謀殺之以洩憤。衢雲時設帳於結志街五十二號二樓。藉教授英文以贍養妻子。蓋不欲耗用黨中公款而以身作則也。親友多勸其赴海外避禍。均不見聽。是年十一月二十日遂有粵督所派兇徒陳林刺殺衢雲於教室。孫總理在日聞耗。異常哀痛。卽集同志開會追悼。並募款恤其遺族。

### 橫濱開智錄

#### 橫濱山下町

鄭貫公馮自由馮斯樂

此報乃留東學界提倡革命最早之刊物。爲鄭貫公馮自由馮斯樂三人所組織。專發揮自由平等學說。論著譯文有盧騷民約論。大井憲太郎自由原論。摩西傳。法國革命史。貞德傳。中江篤介民權



真義諸作。原於己亥年冬用油印出版。規模頗狹。庚子夏秋間得孫總理助印刷費二百元。乃改用鉛字排印。時貫公兼任橫濱清議報編輯。故海外各埠凡有清議報之地。即有開智錄。保皇會員思想因之大受影響。至次年辛丑春卒爲梁啓超所逐。開智錄由是停刊。貫公以孫總理介紹。改任香港中國日報主筆。

東京對陽館

東京芝區

孫總理宮崎寅藏平山周

對陽館旅店在東京芝區。庚子年孫總理與日本同志宮崎寅藏平山周內田良平福本誠山田良政伊東政基原口聞一遠藤隆夫等。爲中國惠州革命軍及菲律賓獨立軍購運軍械事。常在此開會。宮崎常駐此辦事。致爲日本警吏特別注意。稱曰梁山泊。其後總理每蒞東京。亦常在此寄宿。

九龍鄧三伯農牧場

九龍屯門

鄧陰南

檀香山華僑鄧蔭南乙未變產隨孫總理回國。經乙未庚子兩次失敗。遂在九龍屯門開闢農牧場。以自給。各地失敗同志多往依之。稱以鄧三伯農場。

東京東亞商業學校

東京小石川

柏原文太郎

是冬高等大同學校因經濟困難。無法維持。遂由日人柏原文太郎向日商界措資在小石川區建築新校。定名東亞商業學校。以收容該校及校外預備考入各大學之學生。在校學生先後有蔡良寅（鐸）范源濂唐才質馮自由馮斯樂鄭貫一李自重羅昌何望梁文賢孫昌（孫總理之姪）王寵惠蔣文震周宏業蔣尊簋王洪薛錦標薛錦琴王嘉榘李羣陳爲璜王斯誠唐蟬等三十餘人。漢口富有票一役逃日諸將士朱菱溪等亦多下榻斯校。一年後日人不欲維持。乃由清公使蔡鈞接辦。易名清華學校。另招新生專教授東文。

### 台灣台南日報

台灣基隆

連雅堂

台灣遺民連雅堂原籍福建。久抱亡國之痛。是歲在台發刊台南日報。時作瞻懷故國及反對滿清言論。與香港中國日報常通聲氣。

### 杭州浙會

浙江杭州

王嘉榘孫翼中敖嘉熊

庚子拳匪變亂後。大局岌岌。是年夏秋間。浙省旅杭志士王嘉榘孫翼中蔣方震張恭陳夢熊蔣尊簋敖嘉熊等十餘人組織一研究時事之團體。名曰浙會。漸趨向民族主義。發起諸人先後東渡留

學。後皆爲革命盡力。

蘇州東吳大學

江蘇蘇州

章炳麟

是年秋章炳麟因列名上海國會被清吏通緝。避至蘇州。在耶教所設東吳大學任漢文教授。時以種族大義訓迪諸生。次年因所出論文題目有「李自成胡林翼論」。蘇撫恩銘特向該校美人校長要求逮捕。章聞警仍亡命日本。

# 革命運動第十五 年 辛 丑

民國紀元前十一年  
清光緒二十七年  
陽曆一九〇一年

機關名稱

所在地

主要人姓名

橫濱廣東獨立協會

橫濱前田橋

馮斯樂馮自由王寵惠

廣東獨立協會爲留東粵籍學生馮斯樂李自重鄭貫一王寵惠馮自由梁仲猷諸人所發起。時在辛丑年春。東西各國忽喧傳法國要求清廷勿將廣東割讓他國之說。內外粵僑爲之騷然。粵籍學生初在東京開會倡義反對清廷割讓國土。及自行宣告獨立。繼以橫濱粵僑人衆。乃移會議地所於橫濱。孫總理贊助此事頗力。僑界參加者二百餘人。每次開議之前。諸發起人恆至前田橋總理寓所商談進行方法。與中會員黎炳垣溫炳臣陳和等招待尤形殷勤。粵籍留日學生與與中會合作自此始。

東京國民報月刊

東京飯田町

沈翔雲戡冀肇秦力山

此報爲沈翔雲戡元承秦力山王寵惠馮自由等所發起。社址在東京麴町區飯田町六丁目二十

四番地。第一期於是年五月十日出版。專提倡革命排滿及排斥保皇邪說。論文多由秦力山楊廷棟楊蔭杭雷奮數人執筆。卷末附英文論說。由王寵惠任之。僅出版四期而止。孫總理曾捐助印刷費一千元。留學界所刊雜誌主張激烈言論者。以此報爲最早。

香港中國日報第三年

香港永樂街

陳少白鄭貫公陳詩仲

辛丑爲中國日報出版第三年。是春由士丹頓移於上環永樂街。適孫總理介紹橫濱開智錄記者鄭貫公主持筆政。持論新穎。頗受社會歡迎。尤以粵省及外洋銷路爲佳。是冬十二月總理以五年禁止入境期滿。曾來港留駐報社三樓一星期。及離港後。港政府再下令不許總理入境。翌年貫公辭職。陳詩仲黃世仲二人代之。壬寅（民前十年）除夕洪全福梁慕光等謀在廣州舉義失敗。廣州嶺海報主筆胡衍鶚對民黨大肆排擊。中國報乃嚴辭闢之。逾月而止。癸卯（民前九年）春延聘馮自由爲駐日通信員。始與留東學界發生關係。

新加坡中和堂

英屬馬來亞

尤列黃世仲

南洋英屬馬來亞羣島向爲保皇黨之勢力範圍。新加坡富商閩人富商邱菽園爲該埠分會長。有

機關報名天南新報。日倡保皇邪說。華僑受惑者大不乏人。與中會於庚子（民前十二年）惠州革命軍失敗之後。其將領黃福黃耀廷鄧子瑜等避居新加坡。該地始有革命黨人足跡。然其時僑衆風氣尙極閉塞。咸視革命黨如蛇蝎。黃鄧等爲工作餬口計。固絕不敢以真面目向人也。及辛丑（民國前十一年）與中會員尤列自日本至南洋。目的在宣傳革命排滿。因一般商界頑固性成。無從入手。乃在新加坡軍邊街懸壺問世。精醫花柳雜病。男婦咸稱其能。於是乘機向農工二界及義興會員發揮反清復明之宗旨。且常投身煙館賭場。冀與下層社會意氣相投。以資運動。遂亦漸浸染阿芙蓉癖。經營半載。頗得農工人士之信仰。遂集合少數同志組織一小俱樂部。卽仿倣橫濱中和堂辦法。仍以「中和堂」三字名之。堂中設神像。以「忠信義氣手足相扶」等語爲號召。與普通海員所設航海會所大同小異。所異者卽中和堂能添設各種革命書報以開通民智耳。新加坡會所成立之後。尤復遍遊吉隆坡怡保檳榔嶼各埠。設立分堂。就中以吉隆坡會所爲比較宏偉。其所懸標幟。卽用惠州革命軍之青天白日旗。然多數會員固不知此旗之歷史及出處也。時各埠會員多屬下層階級。文人中參加者只有黃世仲黃伯耀康蔭田三人。黃等皆以在粵家計困

難。少赴南洋謀生。各在小埠賭場充任書記。因時向當地報館投寄論文批評時政。漸與尤相結識。而爲中和堂會員。其後世仲得任香港中國日報記者。伯耀蔭田同任新加坡閩南日報記者。卽尤推薦之力。乙巳（民前七年）同盟會成立。中和堂主要人尤列等皆入同盟會。

舊金山大同日報第一二年 美國加省

唐瓊昌區架甲

康徒區架甲於己亥年在橫濱清議報。倡「湯武革命應天順人」之論。爲康有爲調往美國舊金山主持保皇會之文與日報。區在原籍歸善縣嘗入三合會。旅美華僑大半名列洪門致公堂籍。區於是運動該堂高級職員黃三德唐瓊昌二人創辦洪門機關報。黃唐均贊成之。遂於是歲出版。定名大同日報。唐爲社長。區任主編。高唱廣東獨立之說。凡四五萬言。大博華僑稱賞。其後橫濱清議報嘗印作單行本。風行一時。卽新廣東一書是也。後四年甲辰春。孫總理自檀香山來美。區挾異黨私見。作反對洪門歡迎總理之說。爲致公堂下逐客令。此報始入革命黨手。

上海大陸報

上海福州路

戢元承秦力山楊廷棟

東京國民報停刊後。戢元承乃創辦作新書社於上海。另發刊大陸報月刊。以繼承國民報之統緒。

仍由秦力山楊廷棟楊蔭杭陳冷等擔任著作。言論不如國民報之激烈。但排斥康梁相與共之。僅出版數期而止。



## 革命運動第十六年壬寅

民國紀元前十年  
清光緒二十八年  
陽曆一九〇二年

機關名稱

所在地

關係人

東京支那亡國紀念會

東京牛込區

章炳麟秦力山馮自由

每年三月十九日爲明崇禎殉國紀念之辰。留日志士章炳麟秦力山馮自由馬君武陳猶龍朱菱溪周宏業王嘉樂王思誠李羣十人特於壬寅三月發起開會追悼。定名曰「支那亡國二百四十二年紀念會」。假東京牛込區榎町周寓爲辦事所。通告留學界及橫濱華僑屆時在上野精養軒舉行。孫總理及梁啓超均署名爲贊成人。其後梁致書章太炎請取消其名。事爲清公使蔡均所知。遽請日政府禁止開會。及期。孫總理及赴會學生數百人均不得入。總理乃邀發起人章炳麟等到橫濱永樂酒樓補行開會紀念式。

橫濱支那亡國紀念會

橫濱永樂樓

孫總理章炳麟黎炳垣

支那亡國紀念會被日警禁止開會。孫總理遂面約發起人章炳麟等到橫濱永樂樓補行開會紀

念式。是日下午炳麟及秦力山朱菱溪馮自由等四人應約赴會。列席者有橫濱與中會員黎炳垣譚發溫炳臣陳才陳和陳植雲等及中和堂翟美徒楊少佳鮑唐等六十餘人。總理爲主席。炳麟宣讀紀念辭。閉會後。是晚與中會設宴凡八九席。主賓異常歡洽。炳麟竟醉不能歸東京。

### 東京青年會

東京牛込區

葉瀾秦毓塗周宏業

壬寅冬。留日志士秦毓塗董鴻禕葉瀾周宏業馮自由等發起青年會。明白揭示以民族主義爲宗旨。破壞主義爲目的。初假東京牛込區板町周寓爲會所。署名者有秦董葉周及張繼汪榮寶程家榘馮自由謝曉石張肇桐潘贊化蔣方震鈕瑗熊慕遠葉緝堂金邦平陳由己蘇子穀等數十人。是爲留學界團體中揭櫫民族主義之最早者。翌年癸卯留學界先後組織拒俄義勇隊及軍國民教育會。卽由青年會會員主動。

### 橫濱新民叢報第一二年

橫濱山下町

梁啓超韓文舉

新民叢報爲半月刊之雜誌。發刊於壬寅年春夏間。社址在橫濱山下町。主編人爲梁啓超。撰述員先後有蔣智由韓文舉馬君武狄平子羅孝高麥孟華周宏業張東蓀諸人。初出版二年闡揚民族

主義。不遺餘力。所著破壞論。尤痛快透澈。足以驚破頑固派之迷夢。韓文舉別號捫蝨談虎客。所撰筆記談叢。均令讀者種族觀念。油然而生。故出版未久。即已風行國內外。言新學者咸奉爲典型。因添設新民叢報支店於上海棋盤街。以應銷場。一年後。啓超赴美洲遊歷。延馬君武代理編輯。及由新大陸東歸。乃論調一變。發爲「吾遊美國而夢俄羅斯」及「自後膛鎗出而革命之迹絕」之怪論。由是聲價一落千丈。銷數大減。乙巳（民前七年）民報出世。孫總理之三民主義論次第發表。啓超遂藉此排斥革命。歌頌君憲。以取媚虜廷。雙方文戰殆及二載。革命黨咸以虎倭視之。然平心而論。該叢報最初二年倡導破壞之功。殊不可沒。

橫濱新小說月報

橫濱山下町

梁啓超羅孝高

此報附設於橫濱新民叢報。亦發刊於壬寅年。主編爲梁啓超。所載梁著新中國未來記。羅孝高著東歐女豪傑。某氏著粵曲戲劇黃蕭養回頭。梁著新羅馬傳奇。皆宣傳革命反抗異族之作。東歐女豪傑一書。尤膾炙人口。出版僅數期而止。

石岐演說社

廣東香山

徐桂劉思復

檀香山華僑徐桂初入保皇會。後發覺華僑捐款被康梁師徒中飽。遂登報脫黨。回國大倡革命。是年與劉樾杭劉思復等在香山石岐縣城組織演說社。以提倡革命排斥保皇爲宗旨。

### 武昌孫森茂花園機關

武昌花園山

吳祿貞孫凱臣

吳祿貞於庚子唐才常失敗後仍東渡留學。是年春畢業回國。先後執教湖北將弁學堂及武普通中學堂各校。同時假武昌花園山孫凱臣所有之孫森茂花園設秘密機關。交結有志青年。灌輸以革命思想。時往還最密者有李書城程明超時功壁時功玖耿覲文曹亞伯吳炳樞朱和中馮特民李廉芳萬武定張子漁諸人。此機關於甲辰（民前八年）春祿貞北上時始無形解散。

### 東京湖北學生界

東京

劉成禺李書城程明超

是爲留日各省志士創辦革命雜誌之先河。出版於壬寅癸卯年間。編輯人爲劉成禺李書城程明超吳炳樞時功玖尹拔一王存一等。出版至四期。易名漢聲。

### 東京湖南遊學譯編

東京

楊守仁陳大華梁煥彝

是爲湘省留學志士翻譯東西民權書籍之月刊。編譯人爲楊守仁陳大華梁煥彝黃軫（後更名

興）周家樹陳範等。後一年陳大華復有「新湖南」之作。

上海中國教育會

上海泥城橋

黃宗仰章炳麟蔡元培

壬寅年秋。旅滬志士黃宗仰（別號烏目山僧）蔡元培章炳麟吳敬恆蔣維喬黃炎培等。以譯本教科書多不適用。擬從新編訂以改良教育。特發起此會爲策動機關。會所設於泥城橋福源里。於是年冬始告成立。隱然爲東南各省革命之大集團。翌年愛國學社之成立卽由教育會策動之。

河內興中會

越南河內

總理黃隆生楊壽彭

是歲秋孫總理應越南總督韜美之邀。赴越南河內觀博覽會。結識僑商黃隆生楊壽彭甄吉亭張奐池甄壁羅錚曾克齊諸人。成立興中會。假河內保羅巴特街二十號隆生洋服店爲會所。是爲革命黨在越南組織機關之始。

香港大明順天國和記棧

香港德忌笠街

洪全福謝讚泰李紀堂

和記棧者。太平順天國在香港祕密籌劃起事之總機關也。其地在中環德忌笠街二十號四樓。先是與中會會員謝讚泰李紀堂久欲在粵舉兵革命。以逐滿興漢爲宗旨。嗣結識太平天王洪秀全

族弟春魁。認爲足以同舉大事之適當人物。遂推爲首領。並預定國號曰太平順天國。春魁以是易名全福。示藉洪秀全福蔭之意。紀堂於是役慨然負擔全部軍餉五十萬元。全福受命後。先後分派梁慕光李植生馮通明宋居仁蘇子山（原名龔超。庚子漢口富有票案有名）諸人。在廣州惠州北江各地聯絡軍隊會黨。尅期於壬寅（民前十年）十二月除夕各方同時發難。其發號施令皆在和記棧處理之。及十二月下旬籌備略竣。全福先期赴粵指揮梁慕光等各項動作。讚泰紀堂等亦各預定除夕晚乘輪詣省主持一切。詎有奸人周某某爲誑騙巨款事遽向香港警廳告密。且引警吏至和記棧搜查舉發。並逮捕同志五人。而機事遂全局敗露。粵督德壽藉此破獲各黨人機關。捕殺黨人多名。全福等半載之經營悉成水泡。在港被捕各黨人。得英國殖民部電令港督。以國事犯待遇。故由港督下令開釋。全福前於太平天國敗後。嘗從事航海生活多年。春秋既高。乃在港行醫自給。是役失利。遂避地新加坡。旋以病返就醫。死於香港國家醫院。

廣州大明順天國興漢軍 廣州同興街

洪全福梁慕光李植生

洪全福既與謝讚泰李紀堂決定壬寅除夕攻取廣州計畫。遂自稱爲大明順天國興漢軍大將軍。

派前在庚子惠州起事之梁慕光爲司令官。李植生爲總參謀。設總機關於廣州信義洋貨店。聯絡東北江各屬會黨。分途進行。定期是冬除夕起事。及期前一日香港事洩。和記棧被警吏查封。在廣州各機關均被搜捕。信義號於臘月卅日被封。全福慕光植生等事先脫險。黨員殉義者有梁慕義陳學靈葉昌劉玉岐何萌蘇居李秋帆葉木容等八人。監禁二十年者李偉慈龔超梁綸初等三人。在港被拘各黨人因港督以國事犯待遇。得省釋無事。是役與中會幹部概未與聞。

花埭信義公司

廣州花埭

梁慕光李植生等

廣州繼業肥料公司

廣州河南

梁慕光李植生等

芳村繼業肥料公司

廣州芳村

梁慕光李植生等

以上三處均爲梁慕光李植生所設分機關。爲貯積軍械軍服彈囊旗幟刀斧餅乾諸軍用品之所。於三十日及次年元旦日陸續被封。

# 革命運動第十八年癸卯

民國紀元前九年  
清光緒二十九年  
陽曆一九〇三年

機關名稱

所在地

主要人姓名

東京拒俄義勇隊

日本東京

藍天蔚 秦毓璽 鈕永建

是春留日學界以俄人侵佔東山省大憤。由鈕永建秦毓璽葉瀾董鴻禕蒯壽樞等召集全體開會於神田錦輝館。蒞會者五百餘人。決議組織拒俄義勇隊。又名學生軍。藍天蔚爲隊長。駐日清公使蔡鈞密電清廷。謂學生軍名爲拒俄。實則革命。并請日政府嚴行制止。義勇隊遂被日警解散。

東京軍國民教育會

東京

葉瀾 董鴻禕 秦毓璽

拒俄義勇隊被日當局解散後。隊中一部激烈會員葉瀾秦毓璽程家樞董鴻禕等乃另組織軍國民教育會。確定養成尚武精神實行民族主義爲宗旨。最初署名意見書者。爲秦毓璽薩端周宏業貝鏞禮葉瀾張肇桐華鴻陳秉忠董鴻禕翁浩陳定保胡景伊程家樞王家駒鄭憲成等十五人。成立後。決定進行方法三種。一曰鼓吹。二曰起義。三曰暗殺。黃軫（後改名興）陳大華二人即被推



舉回湘之運動員也。

東京浙江潮月刊

東京

孫翼中蔣智由蔣方震

此月刊爲浙江留學志士所創辦。鼓吹革命排滿甚力。執筆者有孫翼中蔣智由蔣方震王嘉榘諸人。

東京江蘇月刊

東京

秦毓鎰張肇桐汪榮寶

留日江蘇學生之革命志士發刊此雜誌。宗旨與浙江潮相同。編輯人有秦毓鎰張肇桐汪榮寶黃宗仰陳規諸人。

杭州白話報

浙江杭州

孫翼中

浙人孫翼中在日辦浙江潮雜誌。是年夏返國主持杭州白話報。以言論激烈。爲清吏所忌。欲拘捕之。事前逃逸得免。

蒙自保滇會

雲南蒙自

周雲祥黃顯忠

雲南蒙自人周雲祥以礦業起家。憤清廷將滇省礦省權利許給法國。因倡設保滇會以抵抗之。癸

卯四月蒙自知縣孫某派兵圍捕。雲祥號召礦工起事。大敗清軍。連佔臨安阿迷甯州各地。復派其戚黃顯忠攻石屏州。取之。清滇督迭派大兵四路圍攻。卒以衆寡不敵解散。雲祥隱居山中。緡晦以終。

### 上海拒俄大會

上海張園

馮鏡如陳範吳敬恆等

癸卯四月寓滬各省紳商志士因俄兵侵佔東三省。在張園開會。決議否認清廷簽允對俄新約。發起人爲馮鏡如陳範吳敬恆等數十人。紳商學各界名流多列名。

### 上海四民公會

上海張園

馮鏡如陳範吳敬恆等

寓滬各界公士發起拒俄大會後。卽組織四民公會以資號召。繼復易名國民公會。至五月間康徒龍澤厚私易名曰國民議政會。漸傾向請願清廷立憲之主張。馮鏡如等多人乃宣佈脫會。此會遂成無形的解散。然清吏仍一律目預會諸人爲革命黨。

### 上海愛國學社

上海

章炳麟蔡元培吳敬恆等

癸卯春夏間。上海南洋公學及南京陸師學堂等學生因受教員禁壓言論自由。相繼退學。羣請中

國教育會設校救濟。教育會乃特設愛國學社以收容之。章炳麟蔡元培吳敬恆蔣維喬蔣智由等爲教員。開幕後師生皆高談革命。放言無忌。革命高潮激盪全國。

上海愛國女學校

上海

陳擷芬蔣維喬王季同

中國教育會復設愛國女學校。以提倡女子自由教育。以蘇報主、人陳範之女公子擷芬爲校長。蔣維喬王季同鍾憲鬯爲教員。足與愛國學社互相桴應。蘇報案後仍盡力維持。

上海蘇報

上海望平街

陳範汪文溥章行嚴

湖南衡山人陳範字夢坡。在滬承辦蘇報四載。至是歲春始傾心革命。延汪文溥章行嚴爲主筆。高談殺滿排滿。議論激烈。轟動一世。清吏屢向租界當局要求封禁。是歲閏五月初旬租界工部局派警拘拿陳範章炳麟吳敬恆蔡元培黃宗仰鄒容龍澤厚諸人。陳吳蔡黃四人他適得免。章龍先後被逮。鄒自首。是爲歷史上驚天動地之蘇報案及章鄒案。租界會審公廨審訊此案多次。遷延多月。至次年四月卒判決章炳麟監禁三年，鄒容監禁二年。

上海女蘇報

上海派克路

陳擷芬

女蘇報爲陳摘芬女士所創辦。目的在提倡女權及女學。與父齊名。其社址在派克路第七百零二號。蘇報案發時。警探在女報內捕去陳範之子仲彝及司賬員錢允生二人。

上海鏡今書局

上海四馬路

陳競全

甘肅泰州人陳競全爲清末名進士。以不懌於清政。至滬創辦書局。常出資助人印刷革命書籍。該局亦以專售革命書籍名於時。後因公破產。抑鬱以死。

上海東大陸圖書局

上海四馬路

金天翹等

上海國學社

上海四馬路

陶廣熊等

是年滬上出版之革命書報風起雲湧。多由上述數書局出版或經售。大都爲金天翹陶廣熊章士釗陳去病劉季平馬君武柳棄疾敖家熊諸人所編。著名野鷄大王。徐敬吾日在青蓮閣出售革命書報。卽代各書局傾銷。

常熟塔後小學

江蘇常熟

丁初我徐覺我殷次伊

此校爲中國教育會常熟支部所辦。宗旨略同愛國學社。創辦人爲丁初我徐覺我殷次伊等。及上

海章鄒案發生。殷次伊憤而自殺。此校因而停辦。

同里自治學社

江蘇吳江

金天翮 林蠡 陶唐熊

中國教育會吳江支部主持人金天翮 陶唐熊 林蠡 柳棄疾等。於癸卯夏倡辦自治學社於吳江同里。宗旨與愛國學社相同。附設兵操一科。由林蠡擔任。

華涇麗澤學堂

上海華涇鄉

劉季平 劉東海 秦毓鑒

劉季平即劉三。於上海愛國學社成立時。在其故里華涇鄉創辦麗澤學堂。授以軍國民教育。校址即以季平所居宅充之。教員有秦毓鑒 劉東海 費公熙 諸人。明年甲辰春以事解散。

上海明華女學

上海

金天翮 秦毓鑒 陶唐熊

明華女學爲金天翮所組織。規模悉仿愛國。成績斐然。湘鄉張通典之女公子弘楚 駕美 振亞 及陽湖孫濟扶等即出身此校。

蘇州吳中公學社

江蘇吳縣

中國教育會會員

浙江杭州公學社

浙江杭州

中國教育會會員

以上兩學社均爲中國教育會員所創辦。與愛國學社宗旨相同。羣以議論時政改造國家爲風尚。

金華萃新句報

浙江金華縣

張恭劉琨盛俊

蘇報案事起。金華志士張恭劉琨盛俊等發刊萃新句報。以開通民智爲務。嚴州知府錫綸以該報譏刺時政。乃進稟浙撫。謂張恭等出語狂悖。請封禁以正士習。浙撫下令封禁。張恭預將該報門面改易。得免於難。

東浦熱誠公學

浙江紹興

徐錫麟

是歲徐錫麟至日本觀大阪博覽會。在東京結識陶成章龔寶銓鈕永建諸人。革命排滿之志益堅。歸國後在東浦創立熱誠公學及特別書局。欲先從教育及文化入手。爲大通學校之先聲。

新加坡小桃園會所

英屬馬來亞

陳楚楠張永福林義順

小桃園會所爲新加坡華僑陳楚楠張永福林義順等所設之小俱樂部。是歲上海蘇報案發。楚楠等激於義憤。即用小桃園會所名義拍電駐上海英領事。請援保護國事犯條例。勿將章炳麟鄒容二人引渡於清吏。是爲南洋華僑同情革命之第一聲。

香港世界公益報

香港德輔道

鄭貫公林護崔通約

繼中國日報出版後三年而出版者。有世界公益報焉。是報發刊於癸卯年冬。爲中國報前記者鄭貫公所主編。其資本全出諸耶穌教徒林護馮活泉譚民三等。編輯人有李大醒崔通約黃世仲黃伯耀黃魯逸等。報中論調略同中國報。而色采不如中國報之鮮明。特注重談諧文字及諷刺圖畫。於宣傳革命。亦甚有力。世稱香港革命黨報之第二家者是也。貫公爲人豪邁不羈。任職半載。以不願受耶教範圍之拘束。卽辭職他去。此報因有耶教徒支持。基址鞏固。至民國成立後數年始停刊。其功僅次於中國報。

東京革命軍事學校

東京青山

孫總理日野小室

癸卯秋孫總理由越南蒞日本。適日政府徇清廷請。不許我國自費學生學習陸軍。總理乃與日武官同志組織革命軍事學校於東京青山矢來町。專收容同志之有志習陸軍者。校長爲少佐日野熊藏。教務長爲上尉小室健次郎。從學者有黎仲實李自重胡毅生桂廷鑾雅浩鄭憲成伍嘉杰劉維燾饒景華李錫青區金鈞郭健霄盧牟泰盧少岐十四人。入學宣誓辭爲「驅除韃虜恢復中華

創立民國平均地權」十六字。卽乙巳同盟會誓辭。開校後半載。以細故解散。聞者惜之。

### 橫濱振華商店

橫濱山下町

孫總理黃宗仰廖翼朋

是歲夏秋間孫總理自越南抵橫濱。稅居山下町新寓二樓。其下爲廣州博濟醫院舊同學廖翼朋所設振華商店。烏目山僧黃宗仰蒞日。亦住其中。留日學生及因蘇報案逃日之志士訪謁總理者。戶限爲穿。冬總理赴檀香山。

### 檀香山檀山新報

夏威夷島

孫總理程蔚南張澤黎

癸卯冬。孫總理由日本抵檀香山。時檀島興中會久已解散。會員多染康梁君憲邪毒。保皇黨之新中國報主筆陳繼儼向反對革命。總理乃改組其戚程蔚南所辦之檀山新報（又名隆記報）爲黨報。親撰論文與保皇報大開筆戰。由是華僑迷夢漸醒。興中會因之復興。蔚南亦舊興中會員。與李昌何寬同爲報務盡力。繼延張澤黎爲主筆。與保皇報文戰數載。成效大著。是爲興中會機關報之第二家。通信郵箱爲九七四號。

### 檀香山新興中會

夏威夷島

孫總理何寬黃旭昇



是冬孫總理召集舊興中會員何寬鄭金李昌等重組興中分會。易名中華革命軍。改易舊興中會舊辭爲「驅除韃虜恢復中華創立民國平均地權」十六字。得新會員黃旭昇曾長福等多人。檀島黨勢由是復興。

希爐島與中會

夏威夷島

毛文明黎協盧球

孫總理應希爐埠同志之招。親赴該島組織興中分會。假耶穌教堂演講革命。華僑蒞場者極衆。得新會員黎協李華根盧球劉安等多人。通信處在該埠郵箱七號永萬春店轉。

上海國民日日報

上海

張繼章行嚴廬和生

是冬十月旅滬志士重組此報。以繼承蘇報之統緒。任事者有張繼章行嚴廬和生何梅士謝曉石蘇曼殊陳去病金天翮陳由己諸人。出版數月。世稱蘇報第二。旋因細故發生內訌。香港中國日報社長陳少白特赴滬調解。事定。以元氣已傷。無法繼續出版。

上海對俄同志會

上海惠福里

蔡元培劉光漢陳競全

是冬俄人進兵奉天。蔡元培自青島返滬。與同志葉瀚劉光漢陳競全王季同陳去病林獬諸人發

起此會以排擊清政府之外交失敗。又發刊日報。名曰俄事警聞。爲宣傳機關。社址在英租界惠福里。

### 檀香山國安會館

夏威夷島

孫總理鍾水養

檀香山洪門三合會總團體名曰國安會館。有悠久之歷史。是冬孫總理於遊美前。由洪門前輩鍾水養介紹入闕。被封爲洪棍。自後洪門人士皆稱爲孫大哥。

### 上海中國白話報

上海

林獬林宗素

此報出版於癸卯年冬。爲福建人林獬（白水）及其女弟宗素主持。純以通俗白話排擊清廷專制政治。與警鐘報同一論調。

### 舊金山致公總堂

美國加省

黃三德朱三進唐琮昌

美洲洪門團體名致公堂。有數十年之歷史。卽三合會之別稱。總堂設於舊金山大埠士坡福街三十八號。其會員散佈全美各埠。佔華僑之大多數。惟其宗旨雖曰反清復明。以代遠年禪。多已忘却本來面目。且漸染康梁保皇邪說。受愚者頗不乏人。就中總堂大佬（首領）黃三德書記唐琮昌會

計朱三進等。頗明大義。比較開通。是歲臘月孫總理由檀香山抵美。爲保皇黨及清吏所構陷。被扣留於移民局。黃唐等知總理已在檀入洪門會籍。聞之大憤。乃延律師那文代向美京工商部抗爭得直。總理得以安全入境。是爲美洲洪門團體與總理發生關係之嚆矢。

上海俄事警聞

上海惠福里

劉光漢林獬汪德淵

此報係一種小日報。乃滬上對俄同志會諸志士蔡元培等所辦。專爲反抗俄人進佔東三省而設。執筆者有葉瀚劉光漢林獬汪德淵陳去病諸人。次年春更擴大規模。改組爲警鐘日報。社址亦在英租界惠福里。

上海福建學生會

上海江海關

翁浩鄭憲成林森

東京革命軍事學校學生閩人翁浩鄭憲成於是冬返滬。即與留滬閩省志士林森薩桐坡鄭秉璋陳子範林獬王孝績等組織福建學生會。以實行革命爲宗旨。列名者百餘人。時林森任職江海關。衆舉之爲會長。即以江海關爲通信所。自後南洋英荷兩屬各埠閩人所設華僑學校延聘教員。多由此學生會介紹之。

檀香山許直臣私塾

夏威夷島

許直臣

檀香山興中會員許直臣於乙未九月廣州失敗後。即在檀設立私塾。以教育華僑子弟。常用種族觀念。貫輸青年。是年孫總理到檀。校務更爲擴張。其後檀僑回國效力顯名者多出其門。

## 革命運動第十九年甲辰

民國前八年  
清光緒三十年  
陽曆一九〇四年

機關名稱

所在地

主要人姓名

舊金山興中會籌餉團

美國加省

孫總理鄺華太

美洲各地向無興中會之組織。孫總理於丙申年到美。僅收攬會員鄺華太等三數人。癸卯年十二月下旬。總理自檀島乘高麗輪船抵舊金山。爲保皇會員勾結移民局員從中作梗。被困於碼頭木屋者多日。賴當地中西日報社長。耶穌教友伍盤照之助。與致公堂職員黃三德唐瓊昌合力營救。并向華盛頓工商部依法抗爭。始獲安然入境。既脫難。卽下榻於致公堂會所。日間則傳食於中西日報。與教友伍盤照伍于衍司徒南達鄺華太鄧幹隆諸人至爲相得。以旅美僑胞多染康梁餘毒。遂託中西日報印刷鄒容著革命軍一萬一千冊。分贈全美僑衆。以廣宣傳。同時更欲藉此開設興中分會。擬先從具有新思想之教友入手。於是召集耶教徒之有志者。假當地士作頓街長老會正道會所開興中會救國籌餉大會。蒞會者頗衆。公推鄺華太博士爲主席。鄺爲有名學者。娶美婦爲

室。時任加省大學教授。是日總理演講革命救國真理後。提議請座衆購買革命軍需債券。謂此券規定實收美金十元。俟革命成功之日。憑券即還本息一百元。凡購券者即爲興中會當然會員。成功後可享受國家各項優先利權云云。各教友對於購券事均甚贊成。惟聞凡購券者即爲興中會員一節。多談虎色變。謂吾輩各有身家在內地。助款則可。入會則不必。總理乃宣稱此舉志在籌餉。入會與否。一惟尊便。此項債券票面並不填寫姓名。可勿過慮。衆無異言。於是各教友先後購券得美金四千餘元。總理後偕黃三德周遊美國各地鼓吹洪門會員總註冊。即恃此款爲旅途之需。總理初意原欲在美奠立興中會基礎。惟結果所得。正式宣誓入會者祇有數人。當時耶教青年有志入會者。原非少數。徒以司徒南達牧師危辭聳聽。致有志者稍形猶豫。而總理爲籌餉起見。遂不強之。

### 舊金山大同日報

美國加省

唐瓊昌劉成禹馮自由

大同日報爲美洲致公總堂原始之機關報。設於舊金山士坡福街。在辛丑年出版。其創辦人爲康有爲弟子區渠甲。區字雲樵。廣東歸善人。在康門中以能文稱。己亥年任橫濱清議報主筆。時梁啓

超有脫離康有爲而與孫總理聯合組黨之議。區亦熱心贊同之一人。旋因康有爲嚴令制止。事遂不成。區被派赴美主持保皇會之文興日報。以昔年居鄉時嘗入三合會。故與致公堂中人往還漸密。已而遊說堂中書記唐瓊昌。組織大同日報。以爲駐美洪門機關。該堂幹事咸聽其議。發刊時瓊昌任經理及譯員。區任總主筆。癸卯冬總理蒞檀香山時。嘗與新中國報記者康徒陳繼儼爲革命保皇問題大開筆戰。區爲援應同門起見。竟於總理入美境時肆意攻擊。謂洪門人士不應爲革命黨所愚弄。致公堂大佬黃三德及該報唐瓊昌初勸區與總理合作。區堅不從。遂下逐客令。擯之於門外。暫由總理代理筆政。卽函託馮自由於留日學界中物色主筆。馮初推薦桂人馬君武。馬以事辭。乃改聘鄂人劉成禺。劉於甲辰年（民前八年）春夏間抵美。而大同報之陣容爲之一新。自是全美僑衆之革命思潮。遂因大同報之崇論宏議而一躍千丈。不獨洪門人士爲然也。辛亥七八月間。馮自由爲籌募軍餉事。自加拿大至舊金山。大同報更延充記者一席。及鄂省革命軍起。馮劉二人先後歸國服務共和政府。民二年北京政府舉行參議院華僑參議員選舉。唐瓊昌代表旅美華僑總商會回國。以國民黨之助。膺選爲參議員。大同報於民元改稱中華民國公報。民三仍復名大

同報。後數年停刊。

### 上海二十世紀大舞台雜誌

上海

陳去病

此乃陳去病（佩忍）主編之雜誌。與警鐘日報互相呼應。亦因言論激烈被封。

### 新加坡圖南日報

英屬馬來亞

陳楚楠張永福陳詩仲

圖南日報爲南洋華僑革命黨機關報之鼻祖。出版於甲辰年春。地址在新加坡福建街二十一號。發起人爲尤列陳楚楠張永福等。而資本則全出自楚楠永福二人。初由尤列介紹鄭貫公任該報總編輯。貫公以方籌辦廣東日報辭。乃改聘陳詩仲承之。鄭陳均前任香港中國報記者也。此外更聘尤列爲名譽編輯。黃伯耀何德如康蔭田胡伯鏤邱煥文諸人分任撰述譯務。第一日尤列作發刊詞。署名吳興季子。初印一萬份。後減作一千份。然長期定閱者僅三千餘份。蓋其時風氣未開。各商店多視爲大逆不道。羣起反對。且嚴誡其子弟夥友不許購讀。故出版多日。仍難推銷。僅作宣傳性之贈送品而已。是年冬。圖南報更別開生面。乘慶祝乙巳（民前七年）新禧之機會。印刊一種富有刺激性之月份牌。分贈華僑。以資宣傳。上題「忍令上國衣冠淪於塗炭。相率中原豪傑還我



山河」二十字。下題「暫理皇漢帝位滿清光緒三十一年歲次乙巳爲耶穌降生後一千九百零五年至零六年」及「文字收功日。全球革命潮。圖開新世界。書檄佈東南」等句。中刊自由鐘及獨立旗各一。異常美觀。英荷兩屬各埠華僑工界各團體會所多懸諸座右。而報紙銷場亦因之遞增至二千數百份。發刊將及二年。以其時華僑思想閉塞。銷數不多。因之虧折三萬餘元。楚楠等無法維持。至乙巳年冬遂不得已宣告停版。

上海警鐘日報

江蘇上海

劉光漢汪德淵孫寶鏡

此報係由蔡元培所創辦之俄事警聞改組而成。劉光漢陳去病林獬汪德淵孫寶鏡林宗素等同任撰述。出版後數月。因攻擊清廷外交失敗。持論激烈。至乙巳年（民前七年）二月二十日爲德國領事照會清吏強行封禁。并逮捕主筆劉光漢。光漢聞風逃避得免。

香港廣東日報

香港歌賦街

鄭貫公陳樹人胡子晉

是年世界公益報主筆。鄭貫公因事辭職。另創廣東日報。社址在香港中環歌賦街。擔任撰述者有黃世仲陳樹人王軍演胡子晉勞緯孟諸人。言論與中國報大同小異。是爲香港革命派報紙之第

三家。僅發刊一年而歇業。

### 武昌科學補習社

武昌

劉靜菴呂大森王漢

此社爲鄂省志士最初之革命團體。實借學術團體名義以鼓吹革命。創辦入爲呂大森劉靜菴王漢曹亞伯張難先吳貢三何季達朱子龍康建唐歐陽瑞驊胡瑛田桐李亞東龔國煌劉彥歐陽振聲等。成立於是年春間。因呂大森聯絡鄂西會黨。事洩被封。劉靜菴乃假高家巷耶教聖公會之日知會書報社另起爐灶。捲土重來。故此社實爲日知會之前身。

### 武昌日知會

湖北武昌

劉靜菴曹亞伯馮特民

日知會爲鄂省革命志士劉貞一（靜菴）馮特民吳貢三殷之衡季雨霖吳崑張難先曹亞伯等所組織。附設於武昌高家巷耶教聖公會之內。聖公會牧師胡蘭亭亦會員之一。先後入會者有黃軫胡瑛朱教仁朱子龍李亞東梁鍾漢等數百人。表面爲一閱書報社。實則以運動軍學會黨各界企圖革命爲目的。至乙巳（民前七年）東京同盟會成立。乃改組爲同盟會鄂分會。

### 長沙華興會

湖南長沙

黃軫馬福益劉揆一

甲辰年春。湘人黃軫（後改名興）劉揆一陳天華楊守仁等在日本發起華興會。企圖回湘大舉革命。留日湖南學生入會者頗不乏人。遂於是年夏秋間自日返長沙。由劉揆一介紹哥老會龍頭馬福益合作。更由同志陳天華章行嚴譚人鳳劉道一蕭堃柳繼貞鄒永成宋教仁胡瑛柳聘儂諸人各分途進行。楊守仁則駐上海策應一切。會員先後加盟者四五百人。多屬學界分子。因聯絡秘密會黨。頗不便利。黃劉等乃於華興會外。另設同仇會。專爲聯絡會黨機關。仿日本將佐尉軍制。編列各項組織。黃自任大將。兼會長職權。劉揆一任中將。掌理陸軍事務。馬福益任少將。掌理會黨事務。瀏陽普集市於每月某某等日。例開牛馬大會。屆期各鄉村羣以牛馬犬豕各種獸類赴賽。蒞會者凡數萬人。爲湖南全省有名之墟集。與會羣衆泰半隸哥老會籍。故哥老會亦規定是日爲拜盟宣誓之佳節。同仇會卽於同日舉行馬福益之少將授與式。由劉揆一代表會長黃軫。親給馬以長槍二十挺。手槍四十挺。馬四十四匹。並監督宣誓。儀式莊嚴。觀者如堵。自是哥老會員相繼入會者不下十萬人。聲勢在庚子唐才常一役之上。黃劉馬等之大計劃。預定於甲辰九月清太后萬壽節日。在長沙岳州衡州寶慶常德等處。分五路起事。先期在省城萬壽宮之皇殿下。預藏大炸彈一具。候

全省文武官吏屆時到場行禮。卽行燃放。以期一網盡之。然後各路同時發動。一切布置。略已就緒。詎於萬壽節前十餘日。有會黨何少卿郭鶴卿二人以機事不密。在湘潭縣城被縣吏逮捕。其大體計劃亦被探悉。湘潭縣令卽飛報湘撫俞廉三告變。駐湘潭之哥老會行堂有號飛毛腿者。知事已洩。乃走報馬福益。馬時駐湘潭屬之茶園鋪礦場。距縣城五十里。得訊後卽令飛毛腿馳赴省城。告黃劉使速戒備。黃寓明德學堂對門。劉寓保甲局巷彭希民宅。得警後。以各處準備未竣。不得已匿跡他所。以避清吏搜索。未幾湘撫派兵查緝各黨人寓所。全城騷擾。黃乃避居吉祥巷耶教聖公會。由牧師黃吉廷同志曹亞伯保護出險。劉亦繞道赴漢口。得免於難。馬福益由湘潭逃桂。次年返湘。欲圖再舉。爲湘撫端方擒殺。

### 長沙明德學堂

湖南長沙

龍璋黃軫秦毓鎰

此校設於長沙北門正街。創辦人爲湘紳龍璋胡元琰等。教員有黃軫（後易名興）秦毓鎰張繼鄭德成翁浩諸人。以宣導民族主義爲宗旨。湖南革命人物以出自此校爲最多。是冬華興會失敗。此校亦被封禁。

長沙東文講習所

湖南長沙

黃軫張繼秦毓璽

此校乃黃軫秦毓璽張繼等創辦。設於小吳門正街。名爲教授日文。實爲華興會之活動總機關。華興會事洩。亦被封禁。

醴陵淥江學堂

湖南醴陵縣

劉揆一等

此校爲華興會分機關。劉揆一任監督。專經理各路發難事宜。

長沙同仇會

湖南長沙

馬福益劉揆一

是爲華興會之特別組織。專以聯絡哥老會爲目的。主持人爲馬福益劉揆一蕭桂生游德勝等。是役失敗卽由會黨何少卿郭鶴卿二人在湘潭先機被捕所致。

長沙修業學堂

湖南長沙

龍璋胡元琰黃軫

長沙經正學堂

湖南長沙

龍璋胡元琰黃軫

以上二校性質與明德學堂相同。均由湘紳龍璋等創辦。亦由黃軫秦毓璽翁浩鄭憲成張繼周震麟等分任各科教員。

長沙作民譯社

湖南長沙

張鎮衡秦毓鑒

此社以講求實學翻譯新書爲宗旨。社址在長沙府東街。主持人爲張鎮衡。助之者則有秦毓鑒翁。浩鄭憲成諸人。黃軫等常假此社爲聯絡革命機關。

長沙聖公會

湖南長沙

黃吉廷曹亞伯

耶教聖公會在長沙吉祥巷。黃吉廷任駐會牧師。曹亞伯亦寓此。亦爲華興會活動機關之一。是役失敗。黃軫避匿黃吉庭家。由曹亞伯張繼二人護送出險。

江西自強會

江西萍鄉九江

鄒永成董福開黎民望

自強會爲湘贛二省志士鄒永成吳任黎民望董福開等所組織。以聯絡兩省會黨合謀革命爲宗旨。萍鄉九江均有機關。曾有響應長沙華興會之計畫。由鄒永成往返聯絡。以長沙事敗而止。

上海青年學社

上海新開路

黃軫萬福華劉揆一

社址在上海新開新馬路餘慶里。黃軫等自湘逃滬後。卽集旅滬同志劉揆一等。組織學社爲機關。因皖人萬福華鎗擊前桂撫王之春於金谷香西菜館案株連。黃軫郭人漳等被捕。旋開釋。學社由

是解散。

紐約致公堂

美國紐約皮爾街十八號

黃佩泉雷月池伍洪賞

波士頓致公堂

美國波士頓哈利信街廿九號

梅宗炯

洛山磯致公堂

美國洛山磯郵箱二二八號

楊廷光呂統積

山爹古致公堂

美國山爹古第二街三四五號

譚淦明

紐柯連致公堂

美國紐柯連杜蘭街二〇七號

陳秋圃

美疏喇致公堂

美國美疏喇郵箱九十三號

黃煖家

亞蘭達致公堂

美國亞蘭達唐人埠

不詳

巴士杰致公堂

美國巴士杰唐人埠

不詳

是年孫總理爲致公堂修訂洪門舉行總註冊章程。由該堂推舉總理與黃三德二人遊歷各埠。講洪門救國真理美國各地設有致公分堂者凡百數十埠。以上述數埠會員較爲熱心。

橫濱三合會

日本橫濱

馮自由梁慕光秋瑾

是年春夏間。留日志士梁慕光。駱觀明等。爲聯絡國內秘密會黨起見。創設三合會於日本橫濱山下町。先後入闖者有馮自由。胡毅生。李自平。秋瑾。劉道一。仇亮。曾貞王。時澤。廖翼朋等二十餘人。

### 嘉興溫台處會館

浙江嘉興

放嘉熊魏蘭丁鏞

上海愛國學校學生浙人敖嘉熊。藉倡辦團練爲名。創辦溫台處會館爲革命機關。成立於是年九月。推魏蘭爲總理。浙江志士陶成章。呂熊祥。丁鏞。祥趙卓。陳乃新。馮豹。陳夢熊等爲幹事。并設副會館三處。規模頗大。後因所營商業失敗。遂致瓦解。嘉熊後於戊申（民前四年）二月在嘉興被人暗殺。

### 上海光復會

上海

龔寶銓蔡元培陶成章

癸卯年秋軍國民教育會實行員龔寶銓。自日歸國。是冬與同志組織光復會爲進行機關。羣推蔡元培爲會長。會址暫設愛國女學堂。徐錫麟。呂熊祥。趙卓。蔡元康。秋瑾。陳伯平。馬宗漢。劉光漢。吳春陽等先後訂盟。入會者以皖湘兩省志士爲多。

### 處州雙龍會

浙江處州

王金寶吳應龍管馬德



雙龍會亦浙江秘密會黨之一。因票布上畫有雙龍。故名。會主爲一拳教師。名王金寶。是歲十月前。金寶得蔡元培陶成章信。令接應長沙華興會之義師。金寶遂令所部管馬德預備發難。事爲清吏偵悉。捕獲金寶於桐廬。遂在處州城殉義。後吳應龍代領其衆。

# 革命運動第二十年乙巳

民國紀元前七年  
清光緒三十一年  
陽曆一九〇四年

機關名稱

所在地

主要人姓名

東京二十世紀之支那

日本東京

白逾桓 田桐 宋教仁

是爲留東學界一部革命志士所創辦月刊之一種。撰述人有白逾桓 田桐 劉炳標（仲文）魯魚程家槐 宋教仁 陳天華 蔡序東 諸人。第二期所載蔡序東撰論文。排擊日本之侵華政策甚力。被日政府勒令停刊。

貴陽樂羣小學

貴州貴陽

張忝 彭述文 平剛

黔省志士張忝 彭述文 平剛 樂嘉藻等是年創辦樂羣小學於貴陽。漸以民族主義爲教材。同志蒲劭光亦續辦乙巳小學以應之。是爲黔人宣傳排滿之嚆矢。

潮州第一次革命軍

廣東潮州

許雪秋 吳金銘 陳宏生

潮州人許雪秋世居南洋。素有志革命。在南洋受閩人黃乃裳 粵人尤列等薰陶。於甲辰年冬企圖

回粵起事。在潮州經營數月。成效漸著。得同志吳金銘蕭竹荷李子偉吳金彪余丑余通陳湧波林鶴松劉龍蒼林蒼龍黃得勝林惠卿謝明星薛金福劉榮華羅木斗等數十人。勢力日盛。遂於乙巳年正月十二夜召集諸同志在宏安鄉自宅寄雲深處開會討論起事方略。推定雪秋任革命軍司令。陳芸生吳金銘李杏坡李子偉吳東昇吳金彪蕭竹荷余通余丑陳湧波等分任各職。更設法向潮汕鐵路當局運動取得承辦鐵路建築工程之特權。密派余丑余通陳湧波等爲築路工頭。使招集同志七百人充鐵路工人。復由吳金銘以紳士名義稟請道府鎮台。准在潮安上七都祠招募團練四百名。亦以同志充之。均約定三月十五日同時起事。詎因李杏坡用人不慎。其部下在華美鄉運動事洩。被清總鎮黃金福偵知。遂派哨官梁棟元將杏坡拿獲斬首。杏坡既遇害。吳金銘同時被捕。劉龍蒼乃約邑紳郭竹君等聯名保釋。旋復有人告發。謂吳劉俱革命黨。辭連許雪秋。道府派委員陸桂元劉英生密查。許聞之。乃身懷手鎗。隻身向潮州道署自投。侃侃抗辯。道員某以許曾捐納道台銜。係地方大紳。且屬舊識。遂不深究。併吳劉二人釋之。許經此次蹉跌。乃自赴南洋募集經費。企圖再舉。

檳角華暹日報

暹羅檳角

蕭佛成陳景華王斧

清知縣陳景華被粵督岑春煊通緝。亡命抵暹。與僑商蕭佛成沈荇思黃杏洲馬興順等創辦此報。漸鼓吹革命排滿。與香港中國日報通聲氣。先後撰述人有蕭陳及王斧康蔭田胡毅生盧仲琳等。是為暹僑宣傳民族主義之開始。社址在檳角（近譯曼谷）生日橋側。

比京同盟會

比利時京城

史青魏宸組賀之才

是年春。孫總理自美國抵比利士京城。與留學生史青魏宸組胡秉柯賀之才朱和中等組織最初之同盟會。會址設在杯的街二百二十四號史青寓所。時尚未定名中國同盟會。

德京同盟會

德京柏林

朱和中劉家佺賓步程

留德學生繼續加入同盟會者。有劉家佺周澤春賓步程錢匯春陳匡時馬德潤馮承鈞等多人。通信處為柏林安哥拜查街七十九號。

列日城同盟會

比國列日城

孔偉虎劉文貞等

比利時同盟會通信處設於列日城更色街十三號。孔偉虎劉文貞等主持之。

巴黎同盟會

法國巴黎

魏宸組唐彖王鴻猷

孫總理自柏林抵巴黎。留法學生先後加盟者。有唐彖向國華馮承鈞王鴻猷石鴻賓黃大偉高魯王發科石瑛王相楚湯薌銘等多人。未幾王發科王相楚湯薌銘等三人忽至總理寓所盜取盟書。向清公使孫寶琦自首。爲衆所不齒。其後會所設於日耳曼街七十號魏注東寓。

東京中國同盟會本部

東京麴町區

孫總理黃興陳天華

是年六月孫總理自南洋抵日本。邀集全國各省留日有志者於是月二十八日開會於東京麴町區檜町內田良平寓所。到會者有總理黃興陳天華宋教仁馮自由張繼梁慕光吳春陽程家樸黎勇錫胡毅生朱少穆但懋時功玖田桐曹亞伯馬君武董修武鄧家彥張我華何天炯康寶忠謝良牧劉道一蔣尊簋張伯喬汪兆銘朱大符古應芬金章杜之秋姚粟若魯魚柳聘儂孫元李四光宮崎寅藏內田良平等六十餘人。除甘肅一省外。餘十七省人皆有到者。首由總理說明開會理由。并提議定名爲中國革命同盟會。衆以本會爲祕密組織。恐爲實行之阻礙。卒以討論結果。簡稱中國同盟會。時有主張對滿同盟會者。總理謂革命黨宗旨不專在排滿。當與廢除專制創造共和並行。

不悖。衆贊成。次提議以驅除韃虜恢復中華創立民國平均地權十六字爲誓辭。某某數人於平均地權有疑義。要求取消。總理乃起而詳細解釋。卒以大多數通過。次由黃興提議。請贊成者書立誓約。於是會衆由總理執行舉手宣誓式。宣誓之外。總理並授以祕密口號「漢人」「中國物」「天下事」三事。隨與各會員一一行新握手禮。繼復由衆公議各會員盟書於幹事部未成立前。暫付託總理保管。而總理盟書則衆推黃興保管。將散會時。室之後部以會場人衆。坐席卒然坍塌。總理謂此乃顛覆滿清之兆。衆大鼓掌歡呼。衆復推舉馬君武汪兆銘陳天華等爲會章起草員。十日後復假赤阪區霞關子爵阪本金彌邸開第二次成立會。會場與清公使館密邇。會員多有誤投使館者。是日通過會章後。投票選舉孫公爲總理。黃興爲庶務。陳大華爲書記。宋教仁程家棧等爲交際。謝良牧爲會計。鄧家彥爲執法部長。馮自由汪兆銘等爲評議員。曹亞伯胡毅生等爲各省主盟員。復提議發刊黨報事。衆贊成。議定每會員須捐助出版費五元。卽民報是也。

#### 香港同盟會

香港德輔道

陳少白馮自由謝英伯

香港中國同盟會成立於乙巳年秋冬間。是歲六月杪。孫總理創設同盟會本部於東京。八月初十

日首派馮自由、李自重二人至香港、廣州、澳門等處組織分會。馮抵港即與陳少白籌商改組興中會爲同盟會。新舊同志先後加盟者有陳少白、李紀堂、容星橋、鄧蔭南、鄭貫公、李自重、黃世仲、陳樹人、李樹芬、鄧警亞、盧信、廖豐子、溫少雄、梁擴凡、李孟哲、李伯海諸人。衆舉陳少白爲會長，鄭貫公爲庶務，馮自由爲書記。黃世仲爲交際。會所即假中國日報社長室爲之。香港分會向例須兼西南各省之軍務、黨務及海外各地之交通事務。故分會長一職極爲重要。成立未久，總理即由日本赴南洋。船過港時在舟中召集同志開黨務會議。及十一月黃克強亦來，旋繞道赴桂林擬策動清防營統領郭人漳反正。此外鄂人吳寬、湘人梅寬化、李燮和等因公來往湘桂鄂粵諸省，均由香港分會招待之。丙午（民國前六年）八月中國報改組，陳少白辭同盟會長職。衆舉馮自由代之。次年丁未爲同盟會在西南各省軍事最活動之時期。總理先後派胡漢民、汪兆銘二人駐港協助馮自由進行一切。時受任發動廣惠潮梅欽廉各屬軍務者有許雪秋、黃耀廷、鄧子瑜、余紹卿、劉思復、王和順諸人。分派各方協助者則有方瑞麟、喬義生、方漢成、李思唐、郭公接、方次石、池亨吉、黃野長知（池萱均日人）。謝良牧、謝逸橋、張煊、張谷山、張樹楠、朱執信、胡毅生、何克夫、譚劍英、莫偉軍、柳樾

谷鄧慕韓劉樾杭諸人。在諸受任發動人中。許雪秋曾於是年二月策動潮州饒平浮生埠會黨奪取潮州府城。屆時偶值風雨大作。不能集合而止。四月復策動余既成陳湧波等在潮州黃岡城舉事。以械劣失敗。九月日人萱野長知租用日輪幸運丸載運大量軍械駛至惠州汕尾海面。港分會預派雪秋屆時接械大舉。雪秋以措置不善致誤事機。鄧子瑜則擔任惠州發難之責。督遣林旺陳純孫穩等起事於歸善縣七女湖。與清軍轉戰十餘日。至彈藥告竭始散。劉思復於四月杪入廣州謀炸清提督李準。以響應潮惠之師。詎於月初一日因裝置炸彈失慎。斷去一臂。爲警吏拘捕入獄。以上數役爲港分會直接指揮之軍事。其他八月欽州防城之役及戊申（民國前四年）二月欽州馬篤山之役。則由總理在越南河內親自發動。港分會祇任供應軍用品之責而已。故丁未戊申兩年同爲港分會處理港務最殷繁之時期。而丁未尤爲緊張。各方同志來往港地者。幾於應接不暇。因是於中國報社之外。另在堅道及普慶坊。摩理臣山道。灣仔進教園。皇后大道各街。分設招待所多處以收容之。至於黨務亦異常發達。先後派出代理主盟員及軍事聯絡員多人。分赴廣州虎門黃浦澳門潮汕歸善博羅梅縣興甯連州北海梧州潯州柳州南甯廈門各地發展黨務。及聯絡



軍隊。各方同志於此兩年相繼加盟者有張谷山姚雨平何克夫譚劍英莫偉君黃旭昇陳佐平溫子純陳純林旺孫穩詹承波吳金標余既成余通陳湧波林英俠蕭竹濤李子偉許佛童陳二九林伍張人傑（靜江）周覺（伯年）倪映典方紫楠黃伯淑李煜堂謝英伯巴澤憲盧岳生李海雲葛謙譚馥嚴國豐曾傳範黎萼羅樹霖楊希說周毅軍李濟民蕭惠長劉古香張鐵臣韋立權劉培嶽林菊秋等千餘人。及戊申冬十一月。湘人葛謙譚馥等欲乘清帝后逝世。運動駐廣州防營反正。葛親至香港謁馮自由致電請總理接濟。並邀黃克強譚人鳳二人來粵主持。馮葛未得總理覆電而事洩。全局瓦解。葛謙嚴國豐譚馥等死之。港粵同志乃秘密開會追悼。並釀款卹其遺族。己酉（民國前二年）以前港分會忙於軍事。不便大張旗鼓招攬黨員。以避偵探耳目。自戊申三月河口革命軍失敗。同盟會元氣大傷。軍事進行因之停頓一年有餘。遂得專心黨務。改取開放主義。以廣收同志為務。是年二月特闢新會所於德輔道先施公司對門某樓。榜其名曰民生書報社。黨員日常開會不復如前之秘密。另在廣州市垣河南分設機關名守真閣。由高劍父潘達微徐宗漢朱述唐梁煥真等籌備成立。會務亦頗發達。是年港粵兩地加盟者有劉一偉陳元英馬達臣譚民三

李以衡陳逸川黃軒霄關非一何麗臣何劍士梁煥真何輯民陳自覺梁藻如杜藥漢陳瑞雲蔣忠信潘達賢莫紀彭李文甫林直勉羅道膺黃俠毅張志林陳哲梅何振馬小進易俠胡津林廖俠劉守初陳俊朋李昌漢李文啓李少穆朱潤芝洪承點容銓陳恭譜麥瑞祺陳炯明黃洪昆王占魁江運春尤龍標甘永宣易培之黃宗漢蘇美才孫武等二千餘人。就中以倪映典所招致新軍兵士居多數。惟無名冊可考。至十一月民生書報社以會所過狹。復遷於中環德輔道捷發號四樓。易名少年書報社。庚戌（民國前二年）春馮自由因改就溫高華埠大漢日報之聘。辭退會長一職。衆舉謝英伯承之。謝於辛亥年夏赴檀香山。由陳逸川代理會長。己酉秋冬間同盟會南方支部成立。與港分會劃分職權。自後西南各省黨務軍事由支部主之。香港一方黨務由分會主之。衆舉胡漢民爲支部長。汪兆銘爲書記。林直勉爲司庫。冬十一月倪映典自廣州來港報告運動廣州新軍成績。衆決議大舉。卽電駐美國孫總理請求接濟。並邀黃克強趙聲譚人鳳來港主持。十二月間黃趙譚先後到港。總理自美國三次電匯到八千元。同志李海雲亦提其商號存款二萬餘元以充義舉。衆以籌備成熟。定期庚戌正月初旬大舉。詎因新軍兵士於除夕以購名片細故。與警察發生爭執。

遽成軍警互相毆鬪之大風潮。粵督袁樹勛聞變。立派防營彈壓。遂成敵國。倪映典初擬勸新軍勿遽暴動。借事。及正月初二早抵燕塘。知大勢無可挽救。遂毅然領導全軍發難。以各鎗枝扳機及彈藥早爲清吏密令繳去。致戰鬪力全部損失。遂爲清軍所敗。竟以身殉之。是役功敗垂成。洵爲歷次義軍之最大憾事。南方支部經此失敗。黃克強趙聲胡漢民等乃赴南洋檳榔嶼謁總理籌劃再舉。是年冬。總理號召各埠同志。擬集巨款作捲土重來之計。南洋美洲諸地黨員均如響應。踴躍以從。黃趙胡等遂返港設置革命軍統籌部以策動一切。是即辛亥三月二十九廣州黃花崗之役。實佔全部革命史最輝煌之一頁。是役香港及各方往來同志莫不奔走駭汗。爲義師盡力。其壯勇義烈可歌可泣之事迹。已有專書紀錄。茲不贅述。及是歲八月武昌革命軍起。南方支部先後遣派黨員分赴全省各路策動響應。而駐港各同志亦多自動赴義。惟恐不力。用成辛亥九月廣東省城不流血而收功之殊勛。是則香港同盟會員多年奮鬥之結果。不容湮沒者也。

香港有所謂報

香港

鄭貫公黃世仲陳樹人

是報又名唯一趣報。係一小型日刊。設於荷理活道。撰述人有鄭貫公黃世仲陳樹人盧偉臣駱漢

存王軍演盧星符等。出版於是年八月間。甚爲港中各界歡迎。是爲香港革命黨報之第四家。次年以鄭貫公病故停刊。

### 東京民報

日本東京

胡漢民汪兆銘章炳麟

是報出版於是年十月二十一日。爲同盟會之惟一機關報。社址在東京牛込區新小川町二丁目八番地。編輯及經理人有陳天華胡漢民汪兆銘朱執信章炳麟劉光漢汪東湯增璧張繼黃侃陶成章吳崑張我華諸人。於宣導海內外革命思潮。排斥保皇君憲邪說。厥功最鉅。出版至二十四號而止。第一期序文爲孫總理手撰。始確定三民主義名稱。

### 東京高野方

日本東京

孫總理

同盟會成立之前。孫總理原居橫濱山下町。及民報社成立。總理爲聯絡各省及日本同志起見。特移居東京牛込區築土八幡町二十一番地。榜名曰高野方。蓋總理有日名曰高野長雄。故以爲號。新加坡南洋總匯報

英屬馬來亞

陳楚楠張永福許子麟

圖南日報原爲陳楚楠張永福二人合力創辦。是年夏以資本不繼停刊。陳張等乃聯絡許子麟沈

聯芳陳雲秋等合資另設南洋總匯報。以爲之繼。仍宣傳革命如故。陳雲秋素主中立。畏登激烈文字。因與陳張等大生意見。至次年丙午春。遂提出抽籤拆股之議。結果爲陳雲秋所得。陳後延徐勤區渠甲伍憲子爲主筆。此報遂爲保皇黨蟠據。與中興報大開筆戰。

### 西貢堤岸同盟會

#### 越南西貢堤岸

黃景南劉易初李卓峯

乙巳年冬孫總理偕黎仲實胡毅生鄧慕韓等自日本到越南西貢。該地法國銀行正副買辦曾錫周馬培生及僑商李竹癡等大爲歡迎。西貢爲法國商行林立之區。而華人商店及各大米棧則在附近之堤岸。故總理留西貢一二日。卽赴堤岸就華僑之歡迎會。該地閩粵商人李曉初李卓峯劉易初黃景南關唐李亦愚顏太恨潘子東諸人招待優渥。卽日成立同盟分會。舉劉易初爲會長。李卓峯副之。卽以易初所設之美萩街三〇四號昌記行爲通信機關。自後西貢堤岸兩埠同志對於粵桂滇三省革命軍事。均先後釀助巨款。爲他處僑商所不及。就中以曾錫周馬培生李卓峯所捐爲最巨。總理到西貢數次。錫周培生等有求輒應。毫無吝色。黃景南開設賣豆芽小店。市人稱之曰牙菜祥。每日恆以所得投入撲滿中。貯爲捐助革命之需。時人聞而義之。丙午年秋香港中國日報

改組。李亦愚潘子東顏太恨等合認新股三千餘元。中國日報大得其助。

香港李陞格致書院

香港皇后大道

李紀堂鄺華太

是年與中會員李紀堂爲紀念其父李陞。特於遺產內撥款十萬元。創設李陞格致書院於香港皇后大道。以養育科學人材爲宗旨。延聘舊金山與中會會長鄺華太博士爲校長。開校數月。華太猝然病故。是校遂亦停辦。

西貢彭西貢

越南西貢

彭西

彭西爲前菲律賓獨立軍代表。獨立軍事敗。由日本遷居越南西貢拜里連街一百四十號。孫總理與之相交莫逆。每過西貢時往訪之。敍闊。

紹興大通學堂

浙江紹興

徐錫麟龔寶銓陶成章

徐錫麟首創是校爲革命運動機關。龔寶銓陶成章呂熊祥趙卓陳伯平竺紹康等佐之。於是年八月二十五日開學。最重兵式體操。規模整然。越年丙午七月。延秋瑾主其事。全浙各派會黨咸受部勒。成爲光復軍之大本營。丁未五月徐錫麟安慶兵敗。秋瑾旋亦被逮殉義。是校同時封閉。

西貢李安利寓

越南西貢

李安利孫總理

孫總理與法國參謀部接洽。多由法人李安利經手。李寓西貢波利倭特街九十號。總理船過西貢時往接談。

仰光仰光新報

緬甸仰光

莊銀安秦力山徐贊周

此報設於緬甸京城仰光納達街二十號。發刊於甲辰（民前八年）年。創辦人爲閩商莊銀安徐贊周等。初主張保皇立憲。是年春湘人秦力山至緬。痛斥康梁君憲之非。莊等豁然覺悟。此報論調遂一變。刊載秦著革命箴言六七萬言。緬僑大爲震奮。後爲保皇黨籍之股東反對停刊。越年銀安等另創光華報爲同盟會機關。

香港光漢學校

香港九龍

史古愚李自重伍漢持

此校在香港九龍油麻地。教員爲史古愚李自重伍漢持陳典方諸人。專提倡軍國民教育及兵式體操。全港學校靡然從風。爲港吏所忌。擬逐李自重出境。至次年丙午被逼解散。

廣州采南歌劇團

廣州河南

李紀堂程子儀陳少白

是爲粵人改良新戲之濫觴。出資人爲李紀堂。編劇人爲陳少白程子儀。園址設於廣州市河南海幢寺。以改革陋俗及灌輸民族主義爲宗旨。劇本有黃帝征蚩尤六國朝宗地府革命文天祥殉國諸種。風行二年後解散。

#### 廣州羣報

廣州西關

雷震陳止瀾沈孝則

此報設於廣州市第九甫。主持人爲雷震陳止瀾沈孝則等。與香港中國報公益報有所謂報互相通氣。刊行不過半載。

#### 廣州時事畫報

廣州西關

潘達微高劍父陳垣

是爲全國惟一之畫報。繪畫及撰述人有潘達微高劍父何劍士陳垣岑學侶等。繪畫及文字多諷刺時政。抨擊官吏。以敢言聞。翌年丙午停刊。

#### 仰光中華義學

緬甸仰光

陳甘泉莊銀安秦力山

此校創辦於癸卯年（民前九年冬）。係旅緬僑商陳甘泉莊銀安徐贊周林國重杜誠誥等集資組織。專以教育華僑子弟爲目的。是年湘人秦力山來緬。陳等乃請其修訂章程爲民族主義教育。



緬僑傾心民族主義自茲始。

千崖軍國民學校

雲南騰越千崖

刁安仁秦力山盧若連

是歲夏雲南騰越千崖土司刁安仁有志光復。倡辦軍國民學堂。特派盧若連至仰光聘秦力山任校長。力山率學生陳仲赫五人就聘。冬十月十一日力山忽染病逝世。校亦停辦。

仰光商務調查會月刊

緬甸仰光

徐贊周張石泉蕭少山

是秋七月緬僑徐贊周張石泉蕭少山等因仰光日報爲保皇黨把持。另創商務調查會月刊。以鼓吹民族主義爲主。振興實業爲輔。并函邀秦力山任編輯。因力山在滇邊病故。乏人主持。未幾停刊。

北京桐城會館機關

北京

吳樾張榕汪圻

是秋清政府派載澤戴鴻慈徐世昌端方紹英五臣赴各國考察憲政。皖人吳樾魯人張榕等密設暗殺機關於北京桐城會館。八月二十六日載澤等動程。吳樾懷炸彈轟炸之於前門車站。樾即重傷死。載澤紹英微傷。軍警後查悉樾寓桐城會館。捕獲其同志汪圻。

桂林同盟會

廣西桂林

黃興郭人漳葛謙鄒永成

是冬十一月黃興由香港赴桂林。即在廣西巡防營統領郭人漳所辦隨營學堂內發起組織同盟分會。以大校場校室爲會所。加盟者有人漳及林虎鄧永成雷應譚道源葛謙曾傳範梅尉南彭新民王德潤陳國良張熙林緯邦劉慕賢譚二武陶表封楊銳邦等八十餘人。與原擬策動郭部相機反正。以人漳與蔡鍔不睦。與多方調解無效。不得已離桂轉赴南洋。及丙午（民前五年）春。人漳率所部調粵。桂林黨務由是停頓。

東京羣智學社

東京麴町區

胡漢民汪兆銘朱執信

是冬民報出版。執筆人胡漢民汪兆銘朱執信李文範等同寓東京麴町區三番町六十九番地。題曰羣智學社。事實上無異民報初期之編輯部。

新加坡同盟會

英屬馬來亞

陳楚楠張永福林義順

新加坡同盟會成立於乙巳年冬。先是孫總理於是歲五月從歐洲赴日本過新埠時。允列引圖南報同志陳楚楠張永福林義順等登舟相見。總理謂在歐時。德法比諸國留學生已成立革命團體。此行到日本即當組織革命黨總部。南洋各埠可設分會。不日當由日本寄來章程及辦法。囑各人

預爲籌備。楚楠等唯唯。總理蒞日後。卽於六月杪與各省志士發起中國同盟會於東京。是冬重遊新埠。適是時該地政府禁止入境之期已滿。楚楠等遂歡迎登陸。尋設立同盟分會。爲南洋英荷兩屬之總機關部。假晚晴園爲會所。首次開會加盟者。有陳楚楠、張永福、林義順、許子麟、劉金聲、黃耀廷、九列、鄧子瑜、張華丹、吳悟叟、林幹廷、張秉庚等十二人。衆舉楚楠爲會長。永福副之。許子麟爲會計。林義順爲交際。以後陸續加盟者。有丘煥文、何德如、沈聯芳、盧耀堂、李曉生、李渭川。謝己原、謝心準、謝儀仲、黃乃裳、許雪秋、鄭聘廷、胡少翰、何心田、李凌溪、黃康衢、陳武烈、陳芸生、林文慶、陳嘉庚、林航葦、黃吉宸、吳應培、陸秋露、周之貞、康蔭田、徐統雄、周華羅、仲霍、黃鶴鳴、李文楷、李竹癡、郭淵谷、胡伯驥等四百餘人。繼復派員分赴英荷兩屬及緬甸各埠設立分會。楚楠等更向各埠同志招股重組黨報。於丁未（民國前五年）七月出版。卽同盟會南洋唯一機關之中興日報是也。戊申（民國前四年）二月。總理從越南河內移駐新埠。寓東陵東明律一一一號。會務益形發達。是歲四月間。黃克強、胡漢民以雲南河口之役兵敗。亦先後離越南到新。是役敗軍將士韋雲卿等六百餘人被越南政府遣送前來新埠。英官初不許入境。經總理向當地政府聲明爲政治犯。並非亂民。并

使楚楠永福等向常路保證一切。始許登陸。是時對於革命軍將士之給養問題極形困難。總理楚楠乃介紹於檳榔嶼吉隆坡吡叻文島各埠工廠礦場農場。使各安生業。戊申年秋。總理以英荷兩屬各地陸續成立分會及通信處者。日百數十埠。乃更設立南洋支部以統治之。特派胡漢民爲支部長。另訂中國同盟會分會總章十六條及通信辦法三條。通告各處團體。一律遵守。時河口敗軍將士雖已多方設法安置。然以分子複雜。良莠不齊。常發生妨害地方治安情事。清領事更藉端要求英吏干涉革命黨行動。因之黨務進行愈形棘手。翌年己酉（民國前三年）春。總理遂將南洋支部移於檳榔嶼。自赴歐美籌餉再舉。

## 台山聯志社

### 廣東台山

#### 李自重李是男陳元英

是年粵省各地爲美國新訂華工禁約。紛紛發起拒約會。以抵制美貨爲號召。時有台山縣志士李自重李是男陳元英黃球等亦組織聯志社於台城西寧市以應之。名爲拒約。實則宣傳革命。常以外交失敗爲題。排斥滿洲政府。

## 革命運動第二十一年丙午

民國紀元前六年  
清光緒三十二年  
陽曆一九〇六年

機關名稱

所在地

主要人姓名

吳淞中國公學

江蘇吳淞

易本義 秋瑾 姚洪業

乙巳冬日政府頒布取締支那留學生規則。留學界之激烈派大憤。陳天華蹈海死。易本義田桐秋瑾等主張歸國最力。遂於次年丙午創辦中國公學於吳淞。藉以安置歸國學生。校務日漸發達。皈依革命之青年多。以是校爲尾閫。馬君武姚洪業陳伯平梁喬山譚心休于右任等均任教員。是歲章炳麟出獄。曾迎至公學招待。

上海中國女報

上海虹口

秋瑾 陳伯平

是報設於虹口祥慶里。名爲女報。實一革命實行機關。秋瑾日在內試驗危險品傷手。陳伯平亦傷目。

上海健行公學

上海西門

高旭 朱葆康 陳陶怡

是春同盟會本部派高旭回滬組織江蘇分會。地址在西門小菜場寧康里。藉辦學爲幌子。朱葆康陳陶怡柳亞子沈礪陳去病吳修源等分任幹事及講師。是校實繼承昔年愛國學校之統緒。革命青年出身是校者甚衆。

### 上海夏聽渠寓

上海西門

夏聽渠朱葆康柳亞子

是爲同志夏聽渠養病之所。距健行公學不百步。同志因健行公學鋒銳太露。每次開會均假夏寓爲之。是秋謠傳清吏將封禁健行公學。乃徙於八仙橋鼎吉里四號。仍標曰夏寓。甯調元陳家鼎傳專劉光漢蘇曼殊楊作霖廖子良等先後在此寄寓。及次年徐錫麟秋瑾案發。健行公學始解散。

### 上海競業旬報

上海鐵馬路

傅專謝肖莊丁慧仙

是報出版於丙午夏秋間。地在鐵馬路愛而近路慶祥里。撰述者有傅專謝肖莊丁慧仙胡適數人。專以提倡民族主義爲宗旨。刊行不及一載卽停版。

### 新加坡陳連才商號

英屬馬來亞

陳楚楠

陳連才商號在新加坡美芝律街三二七號。卽陳楚楠家所設老店。孫總理於乙丙丁三年來往電

報多由此店代轉。

新加坡星洲書報社

英屬馬來亞

鄭聘廷林航革

是爲星洲革命同志鄭聘廷林航革等所組織最老之書報社。地在新加坡丹絨巴葛禮拜堂樓上。同志多假此社爲集會機關。

香港中國日報第八年

香港德輔道

馮自由李煜堂李紀堂

是年與中國日報合併之文裕堂書店瀕於破產。秋八月馮自由李煜堂李紀堂等乃集資向文裕堂承購中國日報。免爲保皇會攙奪。衆推馮自由任社長。移社址於上環德輔道三〇一號。陳春生盧信廖平子仍任記者。

天津法國參謀部

天津法租界

廖仲愷布加卑

是年法國參謀部有意協助中國革命。特派武官布加卑駐天津。使與孫總理合作。總理特派廖仲愷赴津任譯員。以通消息。另派黎仲實喬義生胡毅生各隨法武官分赴川滇粵桂黔及長江沿岸各省。調查革命黨實力。數月後武昌日知會即因喬義生與法武官演說革命被封。

小呂宋廣調茂商號

菲律濱小呂宋

楊豪侶歐陽鴻鈞林日安

小呂宋向未設革命團體。有僑商楊豪侶歐陽鴻鈞林日安何寶衡等專以宣傳革命反對康梁爲事。以歐陽鴻鈞所開廣調茂商店爲機關。時與香港中國報通聲氣。郵箱爲小呂宋一百〇七號。

溫高華華英日報

加拿大溫高華

周大霖崔通約

旅加拿大耶教徒周大霖周耀初等首創此報以開通民智。地在該埠希士廷街一百號。延崔通約爲主筆。因爲保皇黨反對。遂漸皈依革命。翌年被保皇黨搆陷而致停刊。

巴黎新世紀報

法國巴黎

李石曾張靜江吳敬恆

是報爲我國人提倡無政府主義之元祖。并鼓吹無宗教無家庭等學說。主持者有李石曾張靜江吳敬恆褚民誼數人。地在巴黎濮侶街四號。

東京復報

日本東京

雷鐵崖田桐高旭

是報爲留日學生所創辦。假東京神田古今圖書局爲發行所。執筆者有雷鐵崖田桐高大梅柳亞子諸人。議論激烈。文字淺顯。較民報規模略小。



## 湖北同盟會

### 湖北武昌

#### 余誠劉靜菴吳崑

丙午春同盟會本部派余誠回鄂組織湖北分會。劉靜菴遂偕日知會全體會員加盟。即以日知會舊址爲會所。衆仍推靜菴爲總幹事。黨務因之日形發達。旋派吳崑赴香港訪黃興磋商起兵計畫。與以軍餉未備。囑崑返鄂靜候。是歲五月孫總理派喬義生偕法國軍官歐極樂到鄂考查革命黨在鄂實力。同盟會開會歡迎。因演說革命異常激烈。爲清吏所知。遂時加以戒備。十月萍瀏革命軍起。靜菴等欲圖響應。十一月底清吏派兵圍搜聖公會。先後逮捕靜菴及朱子龍梁鍾漢胡瑛季雨霖李亞東吳貢三殷之衡等多人。靜菴子龍瘐死獄中。胡瑛等至辛亥武昌起義始出獄。

## 香港少年報

### 香港海旁

#### 黃世仲楊計伯康蔭田

此報爲黃世仲創辦。設於香港上環海旁。撰述人有黃世仲楊計伯康蔭田等。規模略同有所謂報。是年春有所謂報社長鄧貫公病故。同志陳樹人盧偉臣等另改組東方報。社址仍在香港荷理活道。執筆者有劉思復陳樹人謝英伯胡子晉盧偉臣盧星符諸人。出版未及一年而停刊。

## 香港東方報

### 香港荷理活道

#### 謝英伯劉思復陳樹人

東京鵲聲月刊

日本東京

雷鐵崖董修武李肇甫

是爲一種月刊。主張革命排命最激烈。撰述人有雷鐵崖董修武李肇甫等。均蜀省留日學生。

東京雲南雜誌

日本東京

呂志伊楊振鴻趙仲

是爲雲南留日少數學生所辦。提倡滇省獨立最力。執筆者有楊振鴻呂志伊何畏張大義趙仲諸人。戊申（民前四年）雲南河口革命軍起。任事諸人相率返國。因而停刊。

東京洞庭波月刊

日本東京

陳家鼎楊守仁寧調元

是爲湘省留日學生陳家鼎楊守仁仇亮寧調元等發刊。規模與復報略同。而篇幅較爲豐富。次年改組爲漢幟。

東京直言月刊

日本東京

杜義等

是爲河北省留日志士杜義所創。內容與洞庭波略同。抨擊滿清官僚政治不遺餘力。

上海克復學報

上海

不詳

克復學報爲上海革命諸志士所創辦。內容與國粹學報大同小異。闡揚民族精神尤不遺餘力。發

刊不及一載。

上海國粹學報

上海

章炳麟黃節鄧實

是報專以提倡國粹爲主義。爲一種月刊。執筆人有章炳麟黃節劉光漢鄧實等。風行一時。

檀香山民生日報

夏威夷島

會長福盧信張澤黎

檀山新報主人程蔚南因年老辭職。僑商會長福等另集資改組爲民生日報。遷於詩密士街一〇一六號。延聘留日學生盧信爲編輯。因保皇黨勾串美國移民局控告盧信犯報館主筆不得入境之禁例。經盧等向美京抗爭得直。自後中國主筆遂可援學校教員到美之慣例同樣入境。

東京四川月刊

日本東京

雷鐵崖李肇甫等

鵠聲雜誌停刊後。留日志士雷鐵崖等再集同志發刊是報。以資金不繼。僅一月而止。

檳榔嶼同盟會

英屬馬來亞

吳世榮黃金慶

是年孫總理派陳楚楠林義順等至檳榔嶼（又名庇能）開設同盟分會。加盟者有吳世榮黃金慶陳新政丘明昶徐洋溢徐宗漢薛木本陳璧君等諸人。衆舉吳世榮爲會長。通信由緞羅申街德

昌行轉。

檳城書報社

英屬檳榔嶼

黃金慶陳新政等

是社爲此埠僑商黃金慶吳世榮陳新政等所組織。地址在甘菜園九十四號。黃金慶爲社長。

吉隆坡同盟會

英屬馬來亞

阮英舫陳占梅陳秋傑

此地爲英屬雪蘭峨島之大埠。由新加坡同盟會派員開設分會。加盟者有阮英舫阮德三阮卿雲

陳占梅陸秋傑王清江劉傑丘怡領王君贊諸人。通信由該埠格連街五十五號祥興號轉。

河內同盟會

越南河內

孫總理胡漢民黃隆生

是冬孫總理由日本移革命策動機關至河內甘必大街六十一號。專經營粵桂滇三省軍事。同盟分會亦附設其內。胡漢民汪兆銘黎仲實王和順孫壽屏池亨吉往來皆下榻於此。會員有黃隆生楊壽彭羅錚吳梓生甄吉廷梁秋張翼樞盧仲琳張邦翰張奐池諸人。自丁未（民前五年）十月廣西鎮南關一役失敗後。清政府迭向法國政府要求驅逐總理離越。總理遂於戊申（民前四年）二月赴新加坡。此地暫由胡漢民坐鎮。後數月漢民亦往南洋。

河內廣東會館

越南河內

張奐池黎仲實

會館地在河內維力士街。張奐池爲書記。是年同盟會成立後。張專任通信各地事務。并任香港中國報代理人。會館內附設廣東小學。黎仲實嘗任教員。

海防萬新樓

越南海防

劉岐山甄壁陳耿夫

海防同盟會附設於萬新樓地。在臺灣街三十二號。同志劉岐山甄壁陳耿夫林煥廷等主持之。

新加坡永興祥旅店

英屬馬來亞

鄧子瑜

庚子惠州革命軍敗將鄧子瑜避地新加坡。改名朱氏。開設旅店於牛車水大門樓九十五號。名曰永興祥。惠州各縣來往同志咸奉爲東道主。是年孫總理抵新加坡。令子瑜集合舊同志預備再舉。是冬子瑜歸香港。翌年丁未五月遂有惠州七女湖之役。

南京珍珠橋營部

江蘇南京

趙聲倪映典林述慶

是年趙聲任江南新軍三十二標標統。駐南京珍珠橋。時在營部演講革命。同志倪映典林述慶冷邁柏文蔚楊希說蘇曼殊等咸參加其間。興高采烈。次年爲江督端方偵知。將之撤職。

安慶安徽公學

安徽安慶

孫毓筠范傳甲段雲書

皖省革命同志往來安慶者。恆借安徽公學爲通信處。范傳甲吳春陽萬福華孫毓筠段雲書自日回皖。卽寄跡於此。是年冬孫段等在南京被逮。供辭始涉及公學。

堤岸廣逢泰商號

越南堤岸

李曉初李卓峯

是爲李曉初李卓峯昆仲之老商店。地在堤岸廣東街。兄弟均輪值爲華僑幫長。孫總理抵越時。招待頗殷。卓峯被推爲堤岸同盟會副會長。

西貢法國銀行辦房

越南西貢

曾錫周馬培生

香山人曾錫周爲西貢法國銀行買辦。新甯人馬培生爲副買辦。均於同盟會成立以前認識孫總理。自後革命諸役。曾馬二人均捐助鉅款。爲南洋華僑首屈一指。總理每過西貢必往訪之。

香山武峯閱報社

廣東香山

劉樾杭劉思復

是冬香港同盟會派劉樾杭劉思復昆仲至香山石岐西門外武峯里報設立書報社。以宣傳革命。因會員寥寥。數月而散。

興甯興民學堂

廣東興甯

蕭惠長張谷山謝逸橋

留東學生謝逸橋何天翰回國。在嘉應州興甯縣城創辦興民學堂。以宣導民族主義爲宗旨。同志張谷山蕭惠長等均任教員。

東京明明社

日本東京

谷思慎杜義朱炳麟

明明社爲留日西北各省志士杜義朱炳麟康寶忠谷思慎景定成趙世鈺榮福桐諸人所組織。目的在介紹西北各省學生加入同盟會。先經此會審查然後引進之。

東京東斌學校

日本東京

黃克強小室健次郎

日本官立陸軍學校向不許中國自費學生入校肄業。我國留學私費生之有志軍事者常引爲憾事。是歲黃克強與日同志小室健次郎洽商由日本軍事教育家組織私立軍事學校以訓練我國青年。得彼邦在野軍人之同情。設立專校曰東斌學校。我國留學生入校者頗衆。革命黨員出身該校者亦不乏人。

合肥城西學堂

安徽合肥

吳春陽范傳甲

同盟會員吳春陽是歲由日回安慶。投身礮營運動兵士反正。事洩。偕范傳甲返合肥。創辦城西學堂。大倡革命。被清提學司告發。逃滬得免。

#### 武昌安郡公益社

湖北武昌

彭養光趙鵬飛

此社附設於鍾祥學社。乃湖北安陸府鍾祥京山天門潛江各縣旅省軍學人士所設。目的在聯絡感情及其謀地方公益。社長爲彭養光。副會長爲趙鵬飛。社員多革命黨籍。故自日知會被封禁後。黨人多藏匿是間。張難先季雨霖曾傑張駿聲張學濟等皆嘗居此。

#### 倫敦曹亞伯寓

英國倫敦

曹亞伯石瑛盧少岐

留英同盟會員以倫敦格納罕加望區格利路四十六號曹亞伯寓所爲通信處。楊守仁吳敬恆盧少岐石瑛等均假之傳達消息。

#### 大連同盟會遼東支部

大連

宋教仁白逾桓吳崑

是歲宋教仁白逾桓吳崑偕日人末永節赴大連。設同盟會遼東支部。各深入東三省運動馬賊。謀佔據奉天。因在鹹廠招兵事洩。逾桓被捕。教仁崑等逃日。宋著「間島問題」一書未幾出版。



黃岡日新學社

湖北黃岡

吳貢三殷之衡吳崑

日新學社爲老儒吳貢三講學之所。貢三素宗黃梨州王船山學說。殷之衡吳崑王漢等咸出其門。各方革命青年多來就教。所著「孔孟心肝」「作新民」「破夢雷」諸書皆闡揚革命之作。因與武昌日知會通聲氣。是歲十一月清吏特派兵輪至黃州捕之。判十五年監禁。辛亥光復始出獄。

福建同盟會

福建福州

黃光弼鄭祖蔭吳適

是歲同盟會本部派黃光弼回閩組織分會。先後加盟者有陳更新馮超驤吳適鄭祖蔭林斯環嚴驥劉元棟陳天凡劉鋒諸人。衆推鄭祖蔭爲分會長。辛亥三月二十九廣州之役。閩省會員應林時壞之召。聞命赴義者四十餘人。有足多者。

連江光復會

福建連江

吳適曾守輝黃道增

連江屬閩省福州。邑人吳適入同盟會。旋在其鄉組織光復會。卽同盟會之別稱。加盟者百數十人。辛亥三月廣州之役從吳適赴粵參加者。曾守輝陳清欽黃道增林發明等十餘人。

萍瀏醴洪江會

江西萍鄉

龔春台姜守旦蕭克昌

湘省哥老會首領馬福益於甲辰（民前八年）殉義後。萍鄉瀏陽醴陵各屬會黨首領龔春台（年之台化名）姜守旦（歐陽篤初化名）馮乃古蕭克昌鄧廷保等久欲伺機爲之復仇。是歲夏有同盟會員禹之謨甯調元魏宗銓等設法聯絡。使龔等組織革命機關。預備大舉。龔等咸爲感動。乃在萍鄉屬蕉園開會。公議立六龍山。號洪江會。推龔春台爲首。並設總機關於麻石上栗市全勝紙筆店。是年六月復開大會於大嶺下彈子坑慈歷寺。決定是年十二月底各地同時大舉。并派代表赴日本請同盟會指示方略。

### 萍鄉大漢光復軍

江西萍鄉

龔春台廖叔保沈益古

洪江會決定大舉後。因機事不密。首領李金奇蕭克昌迭被清軍擒殺。遂於是年十月倉卒舉事。先佔萍鄉上栗市爲根據。稱大漢光復軍南軍先鋒隊。暫推龔春台爲都督。蔡紹南魏宗廖叔保沈益古爲統帶。二十日向瀏陽縣前進。佔領楓林潭塘等各城鎮多處。至二十五日清軍各路雲集。黨軍人數雖衆。以缺乏鎗械。遂爲所敗。

### 瀏陽新中華南部恢復軍

湖南瀏陽

姜守旦鄧廷保馮乃古

洪福會首領姜守旦向與龔春台等主張不同。自稱新中華大帝國南部恢復軍。聞萍鄉黨軍倉卒起事。遂率衆萬餘人進攻瀏陽縣城。進至南門。亦因缺乏洋鎗爲清軍擊潰。鄧廷保馮乃古均殉於此役。

淮揚革命軍實行部

江蘇揚州

楊卓林廖子良李發根

是歲秋冬間同盟會員楊卓林廖子良李發根奉命由東返國。擬運動江浙兩省軍隊及會黨起事。作林自稱南洋淮揚等處革命軍都督。偕廖李二人赴揚州設立機關。冬十二月被清江督端方密探劉炎蕭亮設阱誘擒。并搜獲炸彈多件。楊判死刑。廖李判監禁五年。

遼瀋聯莊會

滿洲奉天

趙中鵠顧人宜徐鏡心

聯莊會爲東三省反清義民所組織。成立於庚子辛丑間（民前十一年）。乙巳後革命志士顧人宜趙中鵠劉雍甯武楊大實等時往聯絡。始與革命黨發生關係。是歲宋教仁白逾桓吳崑徐鏡心張榕先後抵大連設立同盟會遼東支部。由是東三省各地均有革命黨足跡。辛亥秋武昌起義後。關外各地民軍紛起響應。多屬聯莊會所發動。

長沙同盟會

湖南長沙

禹之謨

湘鄉人禹之謨歷年在湘開辦紡織工廠及創設貧民學校。素負工商學各界重望。是歲春受黃克強委託辦理湖南同盟會。假湘鄉會館內惟一學堂爲會所。各界人士由其介紹入會者頗衆。并代推銷東京民報。是夏因主張公葬陳天華姚宏業兩烈士於嶽麓事。招忌於當局。六月被清吏捕送靖州。十一月二十一日就義。

樂清明強女學校

浙江樂清

陳夢熊敖嘉熊

此校係浙江志士陳夢熊所創辦。是年四月因在校演說革命。且散佈其友敖嘉熊所著新山歌。被劣紳胡倬章向知縣何某指控。以新山歌爲證。夢熊聞風逃避。後得著紳陶葆廉孫貽讓向浙撫張曾敫爲二人力保。卒坐胡倬章以誣告之罪。何某亦撤任。此案至翌年丁未三月始結。

# 革命運動第二十二年丁未

民國紀元前五年  
清光緒三十三年  
陽曆一九〇六年

機關名稱

所在地

主要人姓名

香港普慶坊招待所

香港普慶坊

胡漢民汪兆銘廖平子

是春二月胡漢民汪兆銘黃野長知等隨孫總理過港。馮自由特租普慶坊某號四樓爲同志招待所。胡漢民汪兆銘黃耀廷劉思復廖平子許雪秋黃野長知等均在此下榻。

汕頭鐵路公司

潮州汕頭

許雪秋謝逸橋王爵廷

是春許雪秋奉孫總理命由南洋回粵。與謝逸橋王爵廷等辦理潮梅軍務。因謝王二人均在潮汕鐵路公司供職。故假汕頭至安街鐵路公司爲通信處。鐵路工人多受部勒。

澳門樂羣書室

澳門

劉樾杭周芷沅劉思復

是春馮自由派同志劉樾杭周芷沅等設同盟會通信處於澳門荷蘭園和隆街二十一號。劉思復因試驗炸藥。炸傷面部。卽在此處。

虎門陸軍講武堂

廣東虎門

曾傳範譚馥馮坤

虎門陸軍講武學堂爲清提督李準所創辦。曾傳範譚馥奉香港同盟會命運動學生入黨。學生馮坤爲馮自由之弟。擔任聯絡事務。越年戊申（民前四年）十一月廣州白布會與水提親軍營之策動。與有力焉。

南寧法文書院

廣西南寧

王和順林百中

廣西黨首王和順是春奉孫總理命由安南西貢回桂聯絡會黨起事。其通信地址由香港馮自由轉寄廣西南寧城內中街法文書院林伯中轉。和順在南寧常往來近城七十里之揚美墟老友梁植堂家。植堂係有名之三合會首。

梧州文明閣

廣西梧州

韋立權譚劍英

文明閣書店設於廣西梧州大南門外。由香港同盟會派同志韋立權譚劍英等主持。并料理招攬同志事務。

潮州第二次革命軍

潮州潮安

許雪秋黃偉齋余丑

丙午春間。孫總理委任許雪秋爲中華民國軍東軍都督。使在潮嘉等處相機發難。是年冬。許自南洋歸汕頭。遂約各路主任在宏安鄉許宅大會。決議定期丁未年正月初七日大舉發難。派定蔡乾初擔任籌款。薛金福偕喬義生李思唐張煊郭公接往饒平浮山埠布置一切。屆期率衆於夜間進攻潮州府城。黃偉齋率潮城內十八館各同志爲內應。余丑余通陳湧波蔡德吳煥章偕方漢城赴黃岡。羅飛雁赴揭陽。黃得勝赴惠來。謝良牧謝逸橋吳東昇李子偉等暗率同志多人藏匿於潮汕車站蔡家祠敵山台潮安內城各處。均預備分頭響應。陳芸生蕭竹荷擔任運動揭陽礮臺兵弁反正。一切籌劃均已就緒。及期。許與謝良牧方瑞麟李次溫等策馬馳往潮城。在湘子橋下之小舟守候。將馬拴於東門外之鋪欄。專候各地同志來會。以便率領進攻。詎是夜春雨淋漓。黃偉齋先引同志數百人自浮山行至澄福鋪。忽然風雨大作。不利行軍。各鄉同志來會者。亦以集合不便。旋聚旋散。黃偉齋薛金福等恐首尾隔闕。往來傳達消息者數次。至東方發白。尙無動作。許知事已中變。始囑黃偉齋通知各地同志暫行分散。自赴香港訪胡漢民馮自由等謀再舉。是爲許雪秋經營之第二次。

## 潮州第三次革命軍

潮州饒平縣黃岡

余丑陳宏生陳湧波

許雪秋自於是年正月失敗後。卽命潮州饒平縣黃岡鎮黨首余丑（旣成）陳湧波余通等預備發難。俟惠州方面鄧子瑜布置就緒。卽由香港返汕頭分頭起事。詎黃岡黨軍久欲乘間起事。因械缺遲遲未發。迨聞有同志二人被清兵拘捕。余丑陳湧波等卽集合同志於城外連厝墓。商議營救二人之策。僉謂非速攻擊清吏。二人必不能生還。於是不候雪秋消息。聚衆千餘。於十一晚九時往撲黃岡協署。與清軍劇戰。由戌至寅。勝負未分。陳湧波主張分兵攻城內各衙署。以孤虜勢。於是一面與清軍相持。一面往攻各署。須臾各署清吏或逃或死或被執。而黨軍亦將協署頭門焚燬。清軍失其屏障。遂降。黨軍復入拓林司署。擒其司官巡檢王繩武及城守把總許登科。均以抗命行誅。都司隆啓被擒。是役黨軍陣亡二人。傷者十餘人。黃岡旣克。黨軍遂依革命方略所規定布告安民。令各行店照常交易。剷除一切苛捐。人民悅服。同時收各衙署之械。計得土鎗千餘。多殘缺不可用。衆以火器不利。且香港汕頭方面許雪秋等未來。遂未進攻。時有人主張速攻潮郡及分攻詔安二策。因部署未定。卒不見用。時清兵備道沈傳義逃至汕頭。數電粵督周馥告急。周督乃令統帶胡令宣



率第十二營。水師提督李準率親軍三營續備隊一營。迅往救援。并電商閩督請派漳州鎮馬某督帶福毅常備軍赴詔安堵截會攻。另電痛責總兵黃金福立功自贖。黃鎮不得已率其部下往扼洪洲要道。十四日同志方漢城陳宏生從汕頭趕至。衆以陳爲許之助手。暫推爲臨時司令長。而以孫文名義布告一切。合邑翕然。是日蔡德在外孚山市捕獲潮郡巡警總局督帶邱焯及偵探林清等數人。械而誅之。香港同盟會至十三日始知黃岡事已發動。是早各報電報略有登載。方次石因在廈布鄉製炸彈失慎受傷。由汕頭至港。卽偕許雪秋謁馮自由胡漢民等報告各事。十四日許率同志十餘人赴汕。李思唐自攜炸彈七枚登岸。其餘同志則分赴各地催促響應。十四晚黨軍探報黃金福駐兵洪洲。衆議往攻。推陳湧波率隊往。黎明始至。爲邏卒所覺。遂接戰。陳湧波卽分黨軍爲二。猛勇進攻。然地形險峻。而土礮不敵洋鎗。至午遂北。傷數十人。死十餘人。陳湧波旣敗。卽命蔡德赴黃岡求援。黨衆聞耗幾潰。余丑乃披髮誓衆。衆感動。誓以死戰。聲勢復壯。蔡德復率衆往救。以清軍武器精。能及遠。黨軍不能支。乃羣負濕水棉胎藉以避彈。易鎗爲刀。與敵撲戰。清軍陣勢大亂。將次潰退。忽喇叭聲大震。清軍遊擊趙祖澤在堅灶率兵由水路至。將敗之清兵得此生力軍爲助。勢復

振。黨軍前後受清軍夾攻。所發土鎗不能及遠。死傷數十人。漸失其戰鬥力。遂下令退却。而麻峽頭旋亦被佔。清兵離黃岡僅十里。十七日黨軍開會討論進止。僉謂械劣彈乏。不堪再戰。宣布解散。一部退入烏山嶺。徐圖再舉。是爲許雪秋經營之第三次。

### 七女湖革命軍

惠州歸善

鄧子瑜林旺陳純

是年春鄧子瑜派惠州黨首陳純林旺孫穩等分三路起事。四月間陳純等乃在歸善縣屬距惠州府城二十里之七女湖。集合少數會黨。於是月二十二日起事。一舉而刦奪清軍防營鎗械。斃巡勇及水軍巡船哨弁多人。二十五日進攻泰尾。守兵聞風而逃。於是連克楊村三達等墟。二十七日至柏塘。清營勇拒戰。黨軍殺其哨弁一名。盡繳其械。隨分攻八子爺公莊等處。各鄉會黨紛紛來會。聲勢大振。惠州府縣兩城紛電廣州營務處告急。粵督迭接惠州府陳兆棠請兵電。乃檄調駐惠各路營勇東路巡防各營管帶洪兆麟李聲振吳鰲等率所部會勦。縱恐兵力不敷。復調新會右營守備中路巡防第十營管帶鍾子才趕速赴援。時黨軍有衆二百餘人。橫行於水口橫瀝三徑蕉浦等處。所向披靡。初二日洪兆麟率兵到八子爺。爲林旺率黨軍五十人從山上邀擊。洪中鎗墜馬。所部死

傷極衆。李聲振鍾子才各部亦連戰俱北。省城爲之震動。粵督復電飭水師提督李準。移攻黃岡之師。從汕頭往援惠州。順道由澳頭登陸。黨軍與清軍混戰十餘日。來去飄忽。使清軍防營爲之疲於奔命。嗣得鄧子瑜自香港派人來報。知黃岡事敗。他處亦未響應。且彈藥缺乏。勢難持久。遂拔隊至梁化墟附近村落。將鎗械埋於地下。然後宣佈解散。

汕頭幸阪旅館

潮州汕頭

許雪秋荳野長知喬義生

許雪秋在潮汕運動革命時。租賃汕頭幸阪旅館以招待各方同志。喬義生方漢城日人荳野長知等即寓館中。後因時有偵探窺伺。乃移於角石醫院。

香港蘭桂坊許宅

香港

許雪秋方瑞麟吳金標

是年許雪秋受任東軍都督。經營潮梅各屬軍務。即在香港蘭桂坊設立機關。招聚同志。并派方瑞麟吳金標等在灣仔組織招待所多處。潮州黃岡及惠州汕尾二役均在此機關部策動。

廣州鳳翔書院

廣州舊倉巷

張谷山劉思復陳敏孫

鳳翔書院在廣州城內舊倉巷。五華縣人張谷山租得院內第三棟爲長樂縣學生留學公所。實爲

運動軍隊學生之革命機關。是年五月初一日劉思復偕谷山在此製造炸藥。謀炸清提督李準夫。案發。思復被逮。谷山逃香港。

廣州張大夫第

廣州制台前

張樹椿

是爲同志張樹椿之祖居。在總督署前。樹椿於日本法政畢業後。內午冬偕朱執信同返粵。任法政學堂教員。專擔任傳達廣州香港間革命消息。劉思復謀炸李準之役。與有力焉。

廣州豪賢街朱宅

廣州城內

朱執信

朱執信寓城內豪賢街四號。劉思復謀炸李準一役。亦預其謀。張谷山於劉思復炸傷之晨。即逃至朱宅剃鬚易服。逃香港乃免。

歸善廣榮商號

廣東惠州

周毅軍

滇人周毅軍乃番禺知縣周汝敦之弟。時任惠州歸善縣稅捐委員。有心革命。時與馮自由鄧子瑜李濟民等通聲氣。以歸善水東街廣榮商號爲通信處。黨人頗得其力。

連州三江番攤公司

廣東連州

黃旭昇莫偉軍

興中會員黃旭昇牧師自檀香山歸國。願偕同志莫偉軍在連州擴張黨務。馮自由從之。通信由連州三江番攤公司王神父轉。另一地址在三江城兩等小學堂。

番禺大塘鄉萬馨茶樓

廣州河南

李福林黎廣譚義

是年李福林譚義黎廣李菱等自越南海防返粵。孫總理介之往見中國日報馮自由。使互通消息。約定以廣州市南關海勞街泉馨茶樓及菲菜欄新和號。又番禺河南大塘萬馨茶樓爲通信機關。其後胡毅生朱執信與福林聯絡。即在萬馨茶樓。

上海通運公司

上海福建路

張靜江周伯年

巴黎新世紀報主人張靜江是夏由法歸國。所開買賣古董之通運公司設於上海福建路四百〇八號。十月廣西鎮南關之役。靜江曾匯交香港中國日報馮自由收五千元。卽由通運公司匯出。是年靜江偕周伯年遊港二次。

漳州廣亨商號

廣西漳州

黃和順劉培欽

孫總理於是春山越南堤岸密派黃和順回廣西經營軍事。其通信處爲廣西漳州大皇江埠。廣亨

商號劉培嶽轉張德卿。卽和順改名。

東京河南月刊

日本東京

劉積學張鍾端朱炳麟

留日豫省學生於丙午歲創辦豫報雜誌爲宣導文化機關。後以有人主張君憲。同盟會員曾昭文朱炳麟劉積學張鍾端等乃將豫報停刊。改名河南。鴻文偉論。足與浙江潮江蘇媲美。出版十期而止。

東京中國新女界

日本東京

燕斌劉青霞

此月刊爲留日河南女學生燕斌劉青霞所發刊。朱炳麟任發行人。實爲留東女學界組織女報之先河。出版至第六期。以論文有「婦女實行革命應以暗殺爲手段」等標題。被日警廳禁止出版。

上海神州日報

上海

于右任楊守仁汪德淵

是報乃于右任楊守仁汪德淵葉德裕金懷秋王光生等所發刊。於是年二月出版。自警鐘日報停刊後。革命黨人所刊日報。此爲第一家。主張較蘇報國民日日報爲和平。刊行未及一載卽燬於火。事後于右任辭退。仍由楊守仁葉仲裕汪德淵等續辦。

東京晉聲雜誌

日本東京

景定成谷思慎景耀月

是雜誌爲留日山西學生景定成榮福桐榮炳谷思慎景耀月等發刊。亦宣導民族主義。僅出版數期而止。

東京漢幟社

日本東京

陳家鼎杜義寧調元

洞庭波停刊後。未編入陳家鼎寧調元等旋聯絡同志景定成杜義仇亮等創辦漢幟月刊。言論淺顯激烈。僅出兩期。

東京醒獅雜誌

日本東京

高旭寧調元柳亞廬

是雜誌亦宣傳革命排滿。撰述人有高旭陳去病甯調元柳亞廬等。規模略同江蘇月刊。亦以短期停刊。

新加坡中興日報

英屬馬來亞

田桐居正胡漢民

南洋總匯報被保皇黨佔據後。南洋革命黨人之喉舌暗啞。將及二年。是年七月始重建中興日報。與康徒徐勤區渠甲伍憲子等。大開筆戰。先後執筆者有田桐王斧居正胡漢民陶成章汪兆銘張

紹軒方瑞麟林時塽林希俠何德如周杜鵑等。是爲南洋革命黨言論之總樞紐。至庚戌（民前二年）夏間。因資金不繼停刊。

### 開封大河書社

河南開封

李炯齋羅殿卿劉醒吾

是年留日豫省志士派李炯齋羅殿卿劉醒吾三人回豫任宣傳工作。李等在開封開一大河書社。專代售各種革命書報。并招待往來同志。後被清吏查封。李炯齋被通緝。

### 香港堅道招待所

香港堅道

胡漢民林時塽田桐

是爲香港同盟會招待所之一。地在堅道七十號。胡漢民夫婦在此主持。林時塽田桐譚劍英莫偉斌等均在此下榻。是年九月惠州汕尾連械失敗之役失敗後。乘幸運丸押運軍械之日人荳野長知定平伍一等多人到港後皆寓此屋。張人傑到港卽在此入同盟會。

### 九龍青山農場

香港九龍

李紀堂陳純林旺

李紀堂自壬寅（民前十年）廣州洪全福一役失敗後。卽斥資在九龍青山島開設農場。兼營畜牧。凡各地失敗而被通緝之同志多收容之。是年惠潮兩屬事敗。黨人逃港後多被清吏派員跟蹤。



搜捕。并誣以強盜罪名。事前馮自由均遁至青山農場暫避。如七女湖黨首陳純林、旺孫穩及汕尾黨首許佛童等是也。

香港馬禮遜山道招待所

香港灣仔

胡漢民譚人鳳田桐

是年秋冬間堅道同志招待所移於灣仔馬禮遜山道二十七號。時胡漢民已赴越南河內。其夫人駐此。同志胡毅生、李文範、田桐、譚人鳳、何克夫、譚劍英、柳聘儂、林時埭、何天炯、莫偉斌來往各地。均在此下榻。

廉州中學堂新軍營

廣東廉州

趙聲巴澤憲

廣州新軍總統趙聲是年春夏間統兵駐廉州。與孫總理及黃興相約相機反正。并與馮自由約定通信。由駐該處營部新軍前隊隊官巴澤憲（字也民）轉。

廉州小學堂新軍營

廣東廉州

趙聲毛執官胡毅生

同盟會派胡毅生、何克夫、譚劍英、莫偉斌四人分駐清將欽州郭人漳及廉州趙聲軍部。以資聯絡。毅生易名張焜。通信由廉州小學堂新軍糧臺毛執官轉。

黃埔陸軍小學

廣東黃埔

趙聲方紫桢葛謙

是春趙聲任黃埔陸軍小學提調。同志胡毅生王秋淵方紫桢等均任教員。故黨人在校極爲活動。及趙聲調駐廉州後。香港同盟會特派湘人葛謙爲此校學生聯絡員。

佛山黃照普書館

廣東佛山

陸蘭清陸蘭培黃照普

廣州附城著名劇盜陸蘭清蘭培兄弟是冬派員至香港願加入同盟會革命工作。馮自由允之。陸之祕密通信地址爲南海佛山北勝橫街黃照普書館。

安慶光復軍

安慶巡警學堂

徐錫麟陳伯平馬宗漢

光復會首領徐錫麟久欲利用政權以實行革命。乙巳年冬到安徽得清皖撫恩銘信任。謀得安慶巡警學堂會辦一職。至丁未春夏間。遂與秋瑾相約皖浙二省同時起義。原定五月廿八大舉。詎聞祕密外洩。乃提前二十六日。乘恩銘赴巡警學堂行畢業禮時。率同志陳伯平馬宗漢等突然發難。伯平首向恩銘擲一炸彈。未爆發。錫麟乃連放手鎗。伯平宗漢隨之。恩銘連中七鎗。重傷後移時乃死。屬吏陸永頤車德文顧松等伏誅。隨從各司官皆鳥獸散。錫麟於是率學生多人攻佔軍械局。

而清兵大至。錫麟抗戰四小時。伯平陣亡。錫麟宗漢被擒不屈。死之。是役清吏死傷數人。學生亦死數人。清兵死者百餘人。清吏搜獲光復軍大元帥印及告示多件。遂藉此大興黨獄。

紹興光復軍

浙江紹興

秋瑾

浙江光復軍首領秋瑾於丁未正月就紹興大通學堂校長之聘。受任未幾。即召集金華處州各屬會黨吳琳謙徐買兒周華昌王金發等入紹興商討起義方略。并設體育會訓練有志者學習兵操。各地會黨來受訓者百餘人。隱然執全浙會黨之牛耳。至五月間籌備成熟。遂與安慶徐錫麟相約同時大舉。詎錫麟因風聲外露。提前於二十六日起事。鎗殺皖撫恩銘後。以援絕失敗。與陳伯平馬宗漢同殉於此役。瑾原約各地會黨王金發等於六月十日同時發難。及六月初一日閱報始悉安慶敗訊。異常悲悼。時浙撫張曾敫已派標統李益智率兵赴紹興圍捕。衆學生事前咸勸瑾出走。瑾不應。學生乃紛紛散去。初四日清兵圍搜學校。殺學生數人。瑾束手就捕。初六日紹興府貴福殺之於軒亭口下。

金華光復軍

浙江馬陵山

蔣英飛高達

金華會黨徐順達徐買兒等原與秋瑾約期舉事。事前被清吏逮捕下獄。及七月以後。其友蔣彙飛高達高達等率衆起義於馬陵山。欲救徐等出獄。浙撫派參將沈棋山自東陽往攻。彙飛攻擊破之。未幾杭城復派大兵增援。彙飛等以械竭力盡。相將死焉。

### 台州光復軍

浙江台州

裘文高

浙江會黨首領竺紹康王金發等原與秋瑾相約於是年六月初十日入紹興大舉。未及期而案破。乃避往台州。裘文高因假其名率衆數百人於十月十六日起事。與清將劉慶林所部大戰於白竹村。獲慶林斬之。杭城大震。浙撫派一標三營管帶張某一標二營馬志助督軍赴援。文高拒戰不利。遂由嵊縣撤退至東陽。入仙居而散。

### 安慶岳王會

安徽安慶

范傳甲吳春陽張勁夫

皖省革命志士是年有岳王會之組織。入會者多武備練軍學堂學生。范傳甲吳春陽鄭贊丞等任幹事。倪映典熊成基柏文蔚張匯滔龔鎮鵬管鵬揚希說等均有關係。

### 雙溪烈啓智學堂

荷屬文島

李柱中陳方度

湘省同盟會員李柱中（燮和）陳方度等是冬就荷屬文島雙溪烈啓智學堂教員之聘。是爲革命黨勢力及於荷屬文島之始。

檳港中華學堂

荷屬文島

李天鄰曾連慶李柱中

是校爲僑商李天鄰曾連慶等所創。以宣導民族主義爲教材。延留日學生李柱中易本義等爲教員。

東京漢風雜誌

東京本鄉區

但燾

漢風雜誌專刊載我國歷朝關於宣導民族主義發揚國民精神之文字。編輯人爲湖北學生但燾。社址在東京本鄉區東竹町九番日之出館。

澳門優天影劇團

澳門

黃魯逸黃軒冑歐博明

自廣州采南歌劇團解散後。粵港兩地志士黃魯逸盧梭魂歐博明黃世仲李孟哲姜雲俠等更組織優天影新劇團於澳門。諸志士多粉墨登場。現身說法。對於暴露官僚罪惡及排斥專制虐政。不遺餘力。粵人頗歡迎之。號之曰志士班。開辦年餘。以經費不支中輟。

廣州美華書局

廣州沙面

梁筱瑤

美華書局乃基督教聖經之經售所。耶教徒梁筱瑤主持之。地在廣州沙面一百四十四號。馮自由特託其祕密經售香港中國日報及東京民報。筱瑤即今全國基督教青年會總幹事。

雲南體操學校

雲南昆明

楊振鴻董鴻勛何畏

雲南留日陸軍學生同盟會員楊振鴻。是年畢業軍校回滇。創立體操學校。提倡軍國民教育。又倡設公學。開演說會。抨擊清政甚力。何畏董鴻勛潘煒章徐進輩皆出其門。以爲滇當局所忌。欲逮之。仍走日本。

長崎寶屋旅館

日本長崎

萱野長知三上豐夷鄧慕韓

日人萱野長知於是年夏奉孫總理命回日購運軍械。即以長崎寶屋旅館爲辦事機關。助之者有三上豐夷前田九二四郎定平五一金子克己諸人。是歲九月由三上代租得日船幸連九載械赴廣東惠州汕尾。供許雪秋舉事之用。事前馮自由由香港派鄧慕韓陳二九二人至日偕行。初六日船抵汕尾海面。因許雪秋無船接應卸械。爲清吏覺察。幸連丸不得已轉往香港。是役以是完全失

敗。

### 防城革命軍

#### 欽州防城

#### 王和順梁建葵梁少廷

丁未春夏間。孫總理委派王和順爲中華民國軍南軍都督。使赴欽廉與清軍將領郭人漳趙聲相機大舉。王易名張德馨先後居郭趙營中多日。乃赴三那各鄉組織民軍。黨首梁建葵梁少廷劉顯明等咸率衆來會。在王光山候機三月。迄難發動。至七月始運動成熟。卽於是月下旬率衆二百餘人。從三那之王光山襲取防城。二十七日開始攻擊。二十八日清軍駐防衡字營連長劉輝廷及團長唐浦珠率先響應。駐對河之連長李輝堂繼之。黨軍入城。殺清知縣宋鼎元及其幕賓家屬等十九人。四處張貼中華民國軍南軍大都督王告示。卽日率部衆五百人向欽州府城進攻。欲襲取府城爲根據地。適連日大雨連綿。道路泥濘。有礙行軍。行一日夜始達城外。遙見城上燈火密佈。知已有備。乃下令退卻。駐兵於距府城二十里之地。黃克強在城內聞訊。商諸郭人漳。以出巡爲名。帶兵一連出與和順商議進行方法。克強述人漳意。謂城中有欽廉道王瑚及其所部多營爲梗。欲使和順督所部先進攻廣西。佔南寧後。人漳卽設計除王瑚以反正。並允助和順彈藥。以備進攻。和順不

贊成此策。仍主攻城之議。克強不得已乃私約以夜間暗襲。屆時由克強帶兵開城接應。詎王瑚早聞郭部有通敵之報。是夜自領親軍巡城。嚴密設備。克強於夜半開城之計遂以不成。初三晚和順引兵至城外。見無接應。知事有中變。仍退駐原處。旋得克強密報。告以城中有備。不易下手。仍勸令進取南寧。和順以南寧向駐重兵。且乏內應。亦不易制勝。聞靈山縣城守衛空虛。大可乘隙而襲。於是改議進攻靈山。取道入桂。行三日而至南勞墟。沿途民團多攜械來投。有衆千餘人。惟槍械則不滿千。再行半日抵檀墟。距縣城約半里。和順預使該處同志陳發初製竹梯三十具。備登城用。詎陳僅製備二具。殊不敷用。乃派精銳二百人先登。登者僅劉梅卿等數十人。後到者因梯折而退。劉等在城內與防軍苦戰一日。傷亡頗衆。城外黨軍因城不易下。乃退至小山。次日有清兵千餘人從南鄉來援。黨軍一面攻城。一面分兵拒敵。劇戰三日。以彈藥告乏。始拔隊退卻。遂由滑石岡、鳳凰山、武厘、北通等處取道回三那。和順以一時無力進取。卽下令解散。並令梁建葵率一部精銳退入十萬大山。以備後圖。已則折回河內。向孫總理報告是役失敗之經過。

汕尾革命軍

惠州汕尾

許雪秋許佛童陳二九



是年九月日人萱野長知奉孫總理命在日本購得大批鎗械子彈。乘日輪幸運丸由長崎駛赴惠州汕尾。預派許雪秋接應起事。許派汕尾黨首許佛童籌備。屆時佛童聚眾數千人在海岸守候。萱野偕香港機關所派領港人陳二九及日同志十餘人於是月初六日船抵汕尾洋面。久未見有帆船接應。停泊三小時。始見許雪秋駕一小舟來探消息。萱野責其籌備不善。令速以大船至。雪秋匆匆去。謂數小時後大船必來。詎是時汕尾捷勝沿岸連日因雪秋招集會黨預備大舉。風聲四起。及見日輪停泊近海。沿岸聚觀者萬數千人。清總兵吳祥達先有所聞。曾飭屬戒備。駐守碣石附近之小兵輪忽見日輪在此停留半日。深滋疑惑。乃駛近日輪前偵查行動。日輪船員頗爲恐慌。萱野欲將船駛往外海。伺晚間再來。惟船主以該船原屬三井洋行租用。主張逕駛赴香港卸去存煤。再圖別法。萱野不能阻。船遂南行。雪秋時方設法租用帆船出海。見日輪一去不返。大爲懊喪。是役因此完全失敗。事後許佛童居宅被吳祥達焚燬。

平海革命軍

廣東平海

曾儀卿溫子純

是歲八月汕尾連械之役既失敗。幸運丸乃將原械運往香港。馮自由乃商請萱野長知將該械運

至惠州平海。即派同志曾捷夫曾儀卿叔姪率當地會黨接械起事。事前忽被香港日領事令該輪立開駛返日。以避港吏搜查。事又失敗。

### 神戶三上會社

日本神戶

萱野長知三上豐夷宮崎寅藏

是秋汕尾運械之役。萱野長知事前數月預返神戶偕宮崎寅藏向舊友船業商三上會社主人三上豐夷洽商僱船運械事。三上爲代僱三井洋行運煤船幸運丸順道運械至汕尾。即以三上會社爲辦事機關。是役失敗。三上損失極鉅。

### 上海世界社

江蘇上海

張人傑周伯年

此社係巴黎新世紀報出版圖書之機關。經理人爲張人傑周伯年等。出版物有世界大事及世界六十名人夜未央說部鳴不平說部各種。印刷精良。皆由巴黎付梓。戊申年二月上海民呼報出版。該社爲推銷該報起見聲明定閱該報全年者。特送六十名人一冊及送書券一紙。

### 柳洲富貴陸旅館

廣西柳州

劉古香張鐵臣李德山

是年桂省同志劉古香張鐵臣李德山奉香港同盟會命。赴柳州擴大黨務。設機關於府城弓箭街。

富貴陞旅館。軍人及學生入會者頗衆。

柳州樟腦公司

廣西柳州

張鐵臣李德山

此公司爲張鐵臣（名冶義）所創。鐵臣與李德山等常藉採辦樟腦爲名。往來柳州潯州各地聯絡會黨。頗爲得力。

東京天義報

日本東京

劉光漢何殷振汪公權

此雜誌專提倡社會主義。爲我國社會主義刊物之鼻祖。創刊人爲劉光漢何殷振夫婦。次年因其戚汪公權私向清江督端方投降。并介紹何氏夫婦投降。由是停刊。

鎮南關革命軍

廣西龍州

黃明堂關仁甫李祐卿

丁未十月。孫總理初派王和順經營廣西邊防一帶軍事。和順與桂邊那模村憑祥土司李祐卿早有聯絡。惟該處遊勇與和順感情不協。總理乃改派黃明堂關仁甫二人代之。明堂事前已遣李祐卿何伍等向鎮南關礮臺守兵聯絡成熟。遂於是月廿七日黎明。率那模村鄉勇八十人。快鎗四十二桿。循山背間道突然向關上右輔山礮臺攻擊。守兵百餘人略事抵抗。即相率納降。於是鎮南鎮

中鎮北三臺皆陸續入革命軍之手。青天白日之革命旗隨風招展。附近遊勇來投軍者。不絕於道。次日駐憑祥清軍防營統領派兵來戰。被革命軍施放大礮擊退之。總理於廿七日上午在河內得電。翌早偕黃克強胡漢民胡毅生盧仲琳張翼樞日人池亨吉法國退職礮兵上尉男爵狄氏諸人。乘越西鐵路前赴戰地。在同登站下車。直向那模村進發。下午到達。卽於是夜燃炬登山。約九時抵關。明堂等奏樂歡迎。全軍鼓舞。時清將陸榮廷尙堅守鎮南關本營。專候龍州大兵到援。日中僅派小隊向三礮臺轟擊。故明堂等亦專候總理親到指揮。然後向龍州大舉進攻。時革命軍所佔據者爲右輔山礮臺。非鎮南關全部。山上分鎮南鎮中鎮北三臺。鎮南何五守之。鎮中李祐卿守之。鎮北爲三臺之最堅固者。明堂守之。總理克強諸人皆在鎮北調度一切。廿九日清晨清軍援兵已到。齊向革命軍攻擊。總理乃先檢閱礮臺內部。查得臺上大礮及鎗彈雖多。而鎗枝彈藥極少。不能供作戰及攻取之用。非由越南設法供給不可。時由法將指揮發礮向龍州清軍營盤轟擊。遙見火烟蓬蓬四起。成效頗著。總理以鎗枝缺乏。無法進軍。遂偕克強諸人下山。擬從河內法國洋行購運鎗彈接濟山上。十一月初一日下午行抵河內。卽從事於籌餉購械二事。時有法國銀行家前來接洽。頗

向本國代募革命軍債二十萬元。惟第一批若干萬元須於佔領龍州之日始能過付。雙方正在協商條件。而十一月初五晚已得鎮南關礮臺失守電。於是借款事遂亦停頓。蓋總理下山後。革命軍堅守三臺數日。清將丁槐龍濟光各路援師大集。數逾四千人。取包圍式。向山上環攻。明堂等悉力拒戰。迭傷清軍哨弁古景邦黃瑞興馬朝輔等多人。卒以槍彈告罄。糧食不繼。不得已於初四夜棄礮臺而退。時滿山皆敵軍。明堂等率衆衝圍而出。清兵紛紛退卻。革命軍中有一小童。見礮臺上青天白日旗未撤。慮爲清軍所得。竟以一人冒險重登山巔。取回該旗。無恙而回。其勇氣有足多者。明堂等下山後。即令所部退入越南境之燕子大山。待時而動。計是役前後歷時九日。革命軍祇陣亡一人。死傷四人。清軍陣亡二百餘人。傷者無算。

東京大江報

日本東京

黃增耆夏重民盧信

此月刊爲留日粵學生黃增耆夏重民盧信龍裔禧等所創辦。專鼓吹三民主義。并以灌輸海外華僑新知識爲宗旨。出版僅數期。未幾盧信赴檀香山。旋停刊。

貴陽自治學社

貴州貴陽

張百麟陳永錫黃澤霖

是冬黔省志士張百麟黃澤霖鍾昌祚陳永錫譚西庚諸人組織一愛國團體。名自治學社。旋通款於留東學生平剛于德坤等。得同盟會本部許可。認爲黔省通信處。自是黨務逐漸發達。用成辛亥革命黔省響應之大功。

### 東京共進會

日本東京

張伯祥劉仲文鄧文輝

留東京同盟會員一部蜀人張伯祥余晉城吳祥慈鄂人劉仲文劉英居正湘人焦達峯粵人熊越山贛人鄧文輝等另改組一小團體。名共進會。初期先後入會者有黃毓英張大義孫武方漢城彭素文劉鐵鍾劍秋諸人。爲易於聯絡內地會黨起見。特將同盟會誓辭平均『地權』一語。改爲平均『人權』。自後此會勢力分布鄂蜀湘贛各省。是爲辛亥武昌起義主要革命團體之一。

### 怡保同盟會

英屬馬來亞

區慎剛李源水李孝章

新加坡同盟會成立後。英荷兩屬陸續設置分會。及通信處。吡叻怡保會員有區慎剛李源水李孝章湯伯令鄭螺生黃怡益諸人。

### 芙蓉同盟會

英屬吡叻芙蓉

黃心持朱赤寬伍熹石

芙蓉爲英屬吡叻島中之大埠。同盟會擔任會務者。有黃心持譚容蔡熾三朱赤寬伍熹石等。

瓜勝卑那同盟會

英屬瓜勝卑那

鄧澤如

瓜勝卑那爲英屬吡叻羣島一小埠同盟會在此設通信處卽以富商陸祐之代理人鄧澤如擔任會務

金寶同盟會

英屬金寶

楊朝棟

林明同盟會

英屬林明

馮子芸

太平同盟會

英屬太平

陸文輝陳志安

式叻同盟會

英屬式叻

鄧清泉

麻坡同盟會

英屬麻坡

湯壽山劉靜山

砂勝越同盟會

英屬砂勝越

羅從諫蕭春生李振殿

麻六甲同盟會

英屬麻六甲

李月池沈鴻柏

關丹同盟會

英屬關丹

陸秋露

以上所述九埠均稱同盟會通信處。同於是年秋冬間由新加坡同盟會派員前往開設。凡會員不多者暫稱通信處。

### 瀘州革命軍

四川瀘州

黎靖瀛謝偉頤

是歲秋冬間有革命黨人黎靖瀛謝偉頤等聯絡四川各府縣孝義會在瀘州敘安等處舉義。宣言以推倒滿清爲宗旨。成都江安隆昌重慶各地會黨紛紛響應。聲勢浩大。清廷派大兵圍剿。卒以缺乏新式鎗械。爲清軍所擊潰。偉頤陣亡。靖瀛被捕。

### 上海慈溪趙公館

上海三家園

張人傑趙菊橋

張人傑爲通信秘密起見。與香港馮自由約。凡關於軍事秘密。通信由上海三家園平橋路慈溪趙公館趙菊橋轉致。

### 東京政聞社搗亂會

東京神田區

張繼平剛夏重民

是年六月初八日君憲黨人梁啓超楊度陳景仁等開政聞社成立大會於東京神田區錦輝館。革命黨員張繼平剛陶成章夏重民等號召同志多人。謀到場破壞其事。是日會衆約千二百人。政聞



社員約百人。中立派約百人。革命黨員逾千人。大有反客爲主之勢。日本名士犬養毅等十餘人亦被邀赴會。梁啓超預僱日本力士保護。登臺演說。一語未畢。張繼厲聲斥之曰。馬鹿馬鹿。於是平剛陶成章夏重民馬伯援等四百餘人齊聲喝打。嗾擁向前。梁啓超跳自樓曲旋轉而墮。或以木屐擲之。中賴張繼平剛等遂跳上演壇。衆大歡呼。政聞社員皆去。亦帶徽章以自明。陸續引去。張繼於是大演說革命。場中形勢一變。鼓掌而散。

## 革命運動第二十三年戊申

民國紀元前四年  
清光緒三十四年  
陽曆一九〇八年

機關名稱

所在地

主要人姓名

開封同盟會

河南開封南關

楊源懋杜潛楊曾慰

是年同盟會本部派杜潛楊曾慰劉醒吾程克等回豫擴張黨務。杜等召集學界同志楊源懋等開會於開封南關中州公學。衆議決卽假此校爲河南同盟會總會所。并繼續設分會於各縣。

新蔡劉芬佛私塾

河南新蔡縣

劉芬倬劉積學

豫省各縣同盟會以新蔡縣爲最發達。其黨部卽附設於劉芬佛所設私塾。主持者有劉芬佛劉積學閻鐵生諸人。

法國輪船于愛

越南海防

黎量餘

同盟會員黎量餘任法國輪船于愛號買辦。此船專往來香港與越南海防間。馮自由專託其祕密輸運軍械至海防。交付海防分會長劉歧山供給欽廉各地革命軍之用。

法國輪船河內

越南海防

彭俊生

彭俊生亦同盟會員。任法國輪船河內號買辦。與海防同盟會長劉岐山友誼最篤。馮自由由香港密運軍械至海防。再轉運至欽州邊界。卽彭與黎量餘二人奔走之力。丁未七月王和順攻佔防城。及戊申二月黃克強轉戰欽廉上思。黎彭與有力焉。

新加坡孫總理寓

英屬馬來亞

孫總理胡漢民

鎮南關一役既敗。越南法總督徇清政府請。諷令孫總理離越。總理遂於是春二月赴新加坡。設機關部於該埠東明律一一一號。往來各地重要黨員多下榻是間。同盟會南洋支部卽附設於此。

新加坡開明閱書報社

英屬馬來亞

何心田何德如胡兆鵬

同盟會員何心田何德如胡亭川胡兆鵬郭淵谷等開設一開明演說閱報社。專經售革命書報。及派員在街外宣講革命排命。另按期敦請民黨名流到社演講。收效甚宏。

欽廉上思革命軍

欽州東興

黃興黎仲實

戊申二月二十五日黃克強親率同志黎仲實詹岐山梁建葵梁瑞廷劉梅卿及越南華僑等二百

餘人。從越南入欽州東興。二十七日。至小峯。遇清兵楊部三營。一戰敗之。二十九日。追至大橋。清軍復敗退。三月初二日。革軍列陣於馬篤山。清軍督帶龍某率兵三營來攻。克強親發鎗擊之。龍管帶中鎗墮馬。清兵潰退。降者四十餘人。革軍得鎗四百餘桿。聲勢日盛。方擬取道那樓大永等處。向桂邊上思前進。時清將郭人漳王有宏等。已率所部三千餘人分途尾追。取包圍式。於革軍形勢頗不利。克強乃募勇士。黑夜至清軍所駐民房。四擲炸彈。清軍大駭。不戰而逃。革軍乘勢追擊。擄獲無算。經此役後。革軍遂得縱橫出沒於欽廉屬陸雁陳塘那。悞馬路墟柳綠鳳岡一帶。使清軍疲於奔命。惟革軍轉戰數十鄉鎮。費時四十餘日。而郭人漳前允供應之彈藥。竟未如約送至。克強以彈藥告竭。遂不得不下令解散。克強仲實岐山等分途迴返越南。餘衆多退入十萬大山。是爲革命軍最有名的欽廉上思之役。

### 老街革命軍機關

#### 越南老街

黎仲實 饒章甫 高德亮

是春三月中旬。革命軍經營滇省軍務事。先由河內機關部派黎仲實高德亮饒章甫麥香泉梁恩陳二華等八人。設機關於越南河口附近之越南老街。預備起義後辦理民政及因糧事宜。老街法

國警吏疑爲盜竊。盡拘捕之於警署。後乃詢知爲革命黨。及河口革命軍起。始遣送黎等至香港。

## 河口革命軍

雲南河口

黃興黃明堂王和順

戊申三月孫總理派黃明堂經營滇省軍務。王和順關仁甫二人佐之。是月二十九日晚。明堂等率所部二百餘人在河口起事。初從越南邊界渡河。清軍防營一部先與聯絡。至是合併爲一。數約五百人。遂向城中進攻。是晚四時佔據河口城。城內警兵聞號。相率反正。警察局長蔡某伏誅。河口向有清軍四營。一營守城內。一營守山上及礮臺。管帶黃元楨守山。上南營。防務處督辦官王鎮邦自率兩營駐半山之礮臺。河口既破。管帶岑得貴及張印堂率敗軍逃入礮臺。與（鎮邦）合力死守。四月初一日兩軍繼續開戰。極形劇烈。黃元楨部下二哨先降。餘二哨隨黃駐山頂。猶相攻擊。王督辦密遣使赴老街求救於法國防營統領。乞借兵兩哨平亂。法軍統領答以此次起事乃革命黨。並非盜賊。不能如命。時革命軍仍奮力攻山。王督辦親督隊力戰不却。黃元楨以無援。自率衆降。皆返戈助戰。至午後四時王督辦亦使人約降。革命軍乃派老將黃華廷登山說降。既至。王督辦不應。黃起身告行。王督辦暗命親兵乘黃不備。猝然開鎗擊之。黃傷仆死。革命軍聞報大憤。遂下令進攻。清弁

張印堂等陣亡。守備熊通先已通誠於革命軍。至是乃舉鎗擬王督辦。其所部俱反正。王督辦隨即伏誅。岑德貴潛匿民舍。亦被擒。旋加恩放免。於是清軍盡降。河口四礮臺皆爲革命軍所奪。計得十響毛瑟鎗千餘桿。彈二十萬發。王鎮邦首級則懸諸河口橋頭示衆。一面用南軍都督黃明堂名義佈告安民。並派兵保護領事稅關洋人。送往老街。秋毫無犯。居民悅服。遠近歸附者。數日內增加至千餘人。聲勢大振。惟進取遲緩。實犯兵家大忌。和順於初五日始督兵沿鐵路進攻。先是黃元楨降後。卽致書勸鐵路。上李蘭亭及黃茂蘭兩營反正。李蘭亭於初二晚已親率全營來降。繳鎗二百餘桿。子彈三萬發。穀一百擔。及和順督師上攻。有黃茂蘭所部二哨迎降於道。革命軍至南溪。駐其地之清將胡華甫王玉珠各率所部一哨降。遂佔領南溪。而設司令部於黃茂蘭住宅。初七日大軍進至鐵路七十八基羅。黃茂蘭之子率兵來戰。擊退之。時開廣鎮總兵白金柱奉滇督錫良命。帶兵四營到八寨。其地離開化城八十里。和順聞報。乃分兵襲取古林箐。以牽制白金柱之軍。白軍降者百餘人。另一路關人甫於初三日引衆四百人左趨蠻耗。欲上個舊。合臨安周文祥之兵。以攻蒙自。初四日與清軍管帶柯樹勛所部二百餘人相遇。柯登山自守。革軍攻之。時已入夜。清軍不戰而走。

清兵降者數十人。駐霸洒管帶李開美率衆來降。遂佔新街。是役革命軍以未得智勇雙全之主將調度一切。所預定進兵方略多未克實施。孫總理深以爲憂。適黃克強自欽州返越南。初四至先安。總理在新加坡得電大喜。卽電委黃爲雲南國民軍總司令。節制各軍。克強初六晚入河內。初八早車上老街。赴前敵督師。既至河口。見軍事進行多疲玩不振。而屯兵不進。尤誤戎機。乃力催明堂趕速添兵。沿鐵路進攻昆明。明堂和順等均以糧缺爲慮。克強遂欲親率一軍襲取蒙自。而將士多不聽號令。乃知非本身有基本軍隊。不能指揮他軍。遂決計回河內。擬徵集前在欽州共事之同志一二百人。佐以盒子礮。組織基本隊。然後再赴前敵。詎入越境時。法國兵警疑爲日人。竟扣留之。後詢悉爲革命軍首領。乃照國際法例撥送出境。因此革命軍失此主將。大受影響。時清廷已派劉春霖督辦雲南軍務。并調桂軍龍濟光率所部七營及川軍二營黔軍二營赴援。四月下旬清軍各路援師大集。遂向王和順鐵路大營進攻。和順與清軍在泥巴黑沿線相持二十餘日。以彈藥漸缺。乃親至河口與明堂商議合兵趨襲普洱府。進取思茅爲根據地之策。明堂猶豫不決。適越南同志僑商黃隆生甄吉廷等所解送米糧。忽被法官禁止通過。遂有絕糧之虞。明堂等因是決定移師一部取

道鎮邊八角山等處以入桂邊。再作後圖，自率諸將士六百餘人退入越南。旋被法人遣送至新加坡。

香港皇后大道招待所

香港

高德亮麥香泉關人甫

河口革命軍敗後。敗將先後逃香港者有高德亮麥香泉饒章甫陳二華陳發初關人甫諸人。馮自由特租皇后大道馬伯良藥店四樓爲招待所。同盟會常在此開會。

新加坡振南街招待所

英屬馬來亞

孫總理陳楚楠

河口之役既敗。越南法政府乃將敗軍將士關人甫軍六百餘人遣送至新加坡。孫總理及僑商陳楚楠張永福等設招待所多處於該埠鎮南各街以收容之。另在附近各埠創辦礦山工廠農場以安置各人。

蔡厝中興石山

南洋蔡厝港

孫總理林義順周華

此石山設於南洋英屬馬來亞蔡厝港。係孫總理命林義順林受之等特意開闢。以收容河口敗兵。使各安生業。



武昌羣治學社

武昌小東門外

任重遠李長齡黃申薌

是夏六月二十八日日知社員任重遠李長齡李亞東（尚在獄）等邀約同志黃申薌郭撫宸覃炳堃鍾時秦炳鈞王守愚蔡大輔等四百餘人。開湖北軍隊同盟會成立大會於武昌洪山羅公祠。自日知會被解散後。革命聲勢爲之一振。至十一月二十日復改組爲羣治學社。開成立大會於武昌小東門外三里許之金臺茶館。軍士入社者極形踴躍。庚戌（民國二年）三月黃申薌杜邦俊李六如謀乘湘亂起事。事洩。黃申薌奔滬。餘主事人多逃。

武昌白話報

武昌

李亞東陳少武

此報爲通俗白話報。乃羣治學社之宣傳品。撰述人爲李亞東陳少武等。文字多由亞東在漢陽獄中寫作。傳遞於軍學兩界。收效甚宏。旋爲漢陽清吏所疑。禁止亞東一切行動。遂無形停刊。

墨爾砵警東新報

澳洲墨爾砵

不詳

澳洲全境自辛丑（民國十一年）梁啓超來遊後。均爲保皇黨勢力範圍。是年有墨爾砵埠僑商爲革命思潮感化。自動發刊日報曰警東新報。專鼓吹革命。與香港中國日報互通聲氣。社址設在

該埠羅索爾街一百八十九號。

東京雲南獨立會

日本東京

楊振鴻趙仲呂志伊

是歲春夏間滇省河口革命軍起。留東雲南學生楊振鴻呂志伊趙仲李根源等乃號召同志數千人。開雲南獨立會以應之。衆舉振鴻及黃毓英王九齡杜鍾琦何偉伯何漢李光鼎段寬等爲歸滇代表。振鴻中道開敗。轉道入緬甸。

廣州國民日報

廣州西關

鄧悲觀黃軒霄馮百礪

粵省志士發刊日報以抨擊時政提倡國民精神者。以國民日報爲最早。是報總編輯爲鄧悲觀。撰述員有黃軒霄李孟哲馮百礪諸人。至辛亥三月以後。言論尤爲激烈。與香港中國日報世界公益報等同聲呼應。社址在西關第九甫。

廣州市南越報

廣州西關

盧博郎蘇稜諷

此報設於廣州市下九甫。乃前香港日新報記者盧博郎蘇稜諷等所創辦。以排擊官僚譏諷清政爲宗旨。常與香港中國日報互通聲氣。博郎於是冬入同盟會。

泗水同盟會

荷屬爪哇

劉亞泗賴文齋

吧城同盟會

荷屬爪哇

梁墨庵李天鄰

甲太同盟會

荷屬吧城甲太

許金璋

濱港同盟會

荷屬文島

溫慶武李柱中曾連慶

雙溪烈同盟會

荷屬文島

黃慶元李柱中

勿里洋同盟會

荷屬勿里洋

伍連忠

嗎吃同盟會

荷屬勿里洞

歐陽福成

武陵同盟會

荷屬武陵

徐雲興

流石同盟會

荷屬流石

藍瑞元

棉蘭同盟會

日裏棉蘭

梁瑞祥歐水應李增輝

坤甸同盟會

荷屬坤甸

沈復權

三寶壟同盟會

荷屬三寶壟

李載霖

以上所述荷屬各埠同盟會。亦由新加坡同盟會或東京本部派員前往開設。內有因會員不衆。暫稱通信處者。亦有在丁未秋冬間已成立者。

### 文島光復會

#### 荷屬文島

#### 陶成章許雪秋李柱中

陶成章於丁未年冬由日赴南洋。欲籌款在浙江發難。同盟會幹部以時方經營粵桂滇三省軍務。無法應其需求。成章不懌。乃在荷屬各島倡議恢復舊光復會。遙戴章炳麟爲首領。並發售江浙閩皖贛五省革命債券向各埠推銷。潮州黃崗敗將許雪秋陳芸生等亦以向幹部索款不得。相率而之。更得文島教員湘人李柱中及舊光復會員王文慶沈鈞業之助。頗爲得勢。是年四月汪兆銘鄧子瑜等同遊文島籌餉接濟雲南河口革命軍。被光復會員強烈反對。無功而回。及庚戌（民國二年）冬黃克強趙聲等親赴南洋。爲辛亥三月廿九一役籌餉。並解除一切誤會。荷屬同盟會勢力始漸回復。

### 泗水光復會

#### 荷屬泗水

#### 陶成章王文慶蔣報和

陶成章是年遊爪哇泗水吧城諸島。得舊光復會員浙人王文慶之助。成立光復會於泗水。該埠富

商閩人蔣報和報禮昆仲皆入其會。

廣州守真書閣

廣州市河南

高劍父徐宗漢潘達微

是歲秋冬間。香港同盟會派員到廣州河南鰲州設立分機關。以擴張黨務。榜其名曰守真書閣。表面以裱裝書畫爲營業。主其事者有潘達微高劍父徐宗漢梁煥真何輯民朱述唐胡少翰諸人。

香港振天聲劇團

香港

陳鐵君黃軒冑黃詠台

優天影劇團解散後。陳鐵君黃軒冑黃詠台陳鐵五衛滄海何侶俠諸志士復組織振天聲劇團。分赴粵港澳各地排演。所編劇本多宣揚民族主義。較以前志士班尤爲激烈。有「張良擊秦」「熊飛起義」及有「剃頭痛」等等。尤招清吏之忌。是年藉賑濟粵災爲名赴南洋各埠募款。過新加坡時。向孫總理請益。總理大爲嘉獎。並由林航葦介紹未加入同盟會者一律入會。南洋保皇黨機關咸指該劇團運動革命以此。

紐絲侖同盟會

澳洲紐絲侖

呂傑黃國民黃樹

澳洲紐絲侖島華僑向不屬任何黨派。是年該島都城威靈頓埠僑商呂傑以香港中國日報閱報

人之關係。向中國日報請求加入革命黨。馮自由特許其通信加盟。並使組織該埠分會。呂傑後介紹黃樹黃國民等數人。成立同盟會通信處。地在該埠陀利街一六四號。

### 東京勤學社

東京小石川

黃興林時埭何天炯

河口革命軍敗後。是歲秋冬間黃克強自南洋赴日整理黨務。僑居於東京小石川區小日向本道端町五十二番地。榜其名曰勤學社。宋教仁林時埭何天炯等曾與同居。熊成基自安慶失敗逃日。亦寄寓於此。

### 緬甸同盟會

緬甸仰光

莊銀安徐贊周陳仲赫

是年三月孫總理派王羣至仰光開設同盟會。加盟者有莊銀安徐贊周陳仲赫陳守禮張源陳國章沈繼昌林金源等三十餘人。會址初附設於益商學校。衆舉莊銀安任會長。旋開第一次大會於大賀胥園。集股創設光華報以廣宣傳。自是會務日漸發達。

### 仰光光華日報

緬甸仰光

楊振鴻居正呂志伊

是秋八月旅緬同盟會機關光華日報出版。主筆政者先後有楊振鴻居正呂志伊等。均同盟會本

部介紹。助理編輯有黃大袞何榮祿蘇鐵石諸人。社址在該埠河濱街與百尺路轉角之舊門牌六十二號三樓。出版後入會者日衆。

仰光覺民書報社

緬甸仰光

莊銀安盧喜福陳棧春

是社爲同盟會幹事部所設。初名演說社。後改稱覺民書報社。莊銀安盧喜福陳棧春沈繼昌陳振川林鐵漢等分任各部幹事。

新加坡振武善社

英屬馬來亞

孫壽屏田桐鄧子瑜

振武善社爲勸導戒煙之團體。會員不分黨派。一慈善性質之公共機關也。戊申夏五月保皇會員徐勒伍憲子等假座該社開設星洲政聞分社成立會。革命黨員知之。遂有孫眉田桐鄧子瑜等數十人先到會場。謀破壞其事。開會時。徐勒首先報告清廷預備立憲。及該社設立理由。發言未畢。孫田鄧等即大聲喝打。一擁而登講壇。向徐勒亂毆。徐略受傷。狼狽逃下。會場遂一洶而散。經此役後。保皇會遂不敢再有公然開會情事。

新加坡南洋支部

英屬馬來亞

孫總理胡漢民

河口革命軍敗後。胡漢民亦由越南河內移居新加坡。是秋孫總理爲擴張英荷兩屬黨務。特設南洋支部以管理之。另訂分會總章十六條及通信辦法三條。派胡漢民爲支部長。越年己酉（民前三年）春總理赴歐洲。漢民亦歸香港。支部乃移於檳榔嶼。

#### 香港民生書報社

香港德輔道

馮自由陳少白

香港同盟會向附設於中國日報社長室。自戊申河口革命軍敗後。西南各省軍務完全停頓。遂主張開放門戶以擴張黨務。另設收攬會員機關於上環德輔道先施公司對門三樓。榜其名曰民生書報社。是冬安慶熊成基舉兵反正。其部將洪承點亡命香港。卽在此下榻。

#### 東京尙志學社

日本東京

黎仲實胡靈媛陳璧君

黎仲實自河口革命軍敗後。仍至東京。與胡靈媛僦屋於淀橋柏木四三三番地。榜其名曰尙志學社。是冬陳璧君汪兆銘先後抵東。亦居社中。越年己酉（民前三年）春偕黃復生方君瑛喻雲紀等同組織北上暗殺團。卽以學社爲機關。夏秋間移於香港。

#### 青島振旦公學

山東青島

陳幹商震劉冠三



此校爲魯省同盟會員陳幹商震劉冠三等創辦。並邀景定成陳家鼎等至青島協助。擬聯絡青島船廠工人發起同盟罷工。抵抗強權。事爲德人偵知。遂下逐客令。陳商劉等逃豫省免禍。

檀香山自由新報

夏威夷島

盧信會長福孫科

民生日報主筆盧信因言論不自由辭職。同志會長福黃堃等另集資開設自由新報。於是秋八月出版。先後執筆人有盧信孫科溫雄飛謝英伯吳榮新諸人。是爲隔日報式。仍抨擊保皇邪說不遺餘力。其通信郵箱爲一千〇二十號。

檀香山大聲報

夏威夷島

盧信孫科許案

此報爲盧信等輔導自由新報而設。刊行時期極短。

貴陽黔報

貴州貴陽

周培藝

此報爲黔省志士周培藝向戚友集資創辦。爲貴州新派報紙之先河。因抨擊時政爲守舊派股東所反對。以致停刊。翌年自治學社成立。培藝乃與張百麟等另創西南日報。

日裏蘇門答臘報

荷屬日里

不詳

此報係旅荷屬日里棉蘭埠我國志士所創。姓名不詳。

泗水民鐸報

荷屬泗水

不詳

泗水泗濱日報

荷屬泗水

田桐

以上兩報均爲荷屬爪哇泗水我國熱心僑商創辦。泗濱日報設於泗水望加蘭街八號。田桐任該報編輯。因著「南國篇」揭露荷人虐待華僑歷史。被逐出境。

東京日華新報

東京京橋區

夏重民

此報爲日本同志資本。延夏重民爲主筆。提倡三民主義甚力。對於同盟會員投降清吏端方之劉光漢何殷振汪公權等。尤痛加抨擊。無微不至。編輯所附設東京京橋區明石町五十四番志成學校。

廣州梁煥真醫院

廣州河南

梁煥真黎德榮

女黨員梁煥真醫生向在廣州河南開設醫院。是歲秋間香港黨部派徐宗漢李自平陳淑子諸女士常祕密輸運炸藥鎗彈至廣州。梁煥真醫院亦爲貯藏庫之一。庚戌夏梁之學生黎德榮曾加入

黎仲實汪兆銘所組織之暗殺團。故該團所製炸彈亦有貯藏該醫院者。

柳州蓮花橋機關

廣西柳州

柯漢資梁雲甫許仲山

桂人柯漢資奉香港同盟會命。返柳州聯絡四十八第會黨起義。是冬在柳州城內蓮花橋設立機關。有同志梁雲甫許仲山陳曉峯王幹庭劉福卿邱光庭鄭雲龍梁雲甫等相助。預定於明年己酉年元旦日起事。是冬十二月中旬事洩。衆紛逃鄉間。獨梁雲甫一人遇害。

仰光第二光華報

緬甸仰光

居正呂志伊陳仲赫

仰光光華報既出版。因攻擊清領事蕭永熙藉爲喪家點主事向僑商敲詐。多數股東被蕭威嚇。退股停辦。同盟會乃另集資再創第二之光華報。於是冬十一月初一日出版。主持者仍爲陳仲赫居正呂志伊黃永田陳漢平諸人。館址移五十尺地二號。

汕頭長春堂

廣東汕頭

謝明星吳金彪

丁未許雪秋失敗後。其部將謝明星吳金彪於是年秋謀在潮州汕頭兩地發難。設機關於謝明星所設藥店長春堂。密向香港購運鎗械。以事洩被逮。明星殉義。

永安革命軍

雲南永安

楊振鴻何偉伯楊毓鈺

是冬清帝后暴亡。楊振鴻偕何偉伯楊毓鈺自緬甸入滇邊。號召騰越千崖各土司起事。設大營於永昌馬嶺寨。期於十二月九日夜率衆襲取騰越城。以守吏戒備嚴密。復返馬嶺寨圖再舉。振鴻途中積勞得病。死於蒲縹。

香港現身說法社

香港

陳俊朋謝沃波黃子覺

是爲維新劇團之一。社址設於香港。發起人有陳俊朋黃子覺黃子蘊黃自立謝沃波駱鐵蒼蔡忠信諸志士。成立未久即與振南天合併。

香港振南天劇團

香港

陳鐵君黃詠台陳鐵五

振天聲劇團自南洋返粵。以保皇黨迭向清吏告密。謂該團蓄意運動革命。故行動均受清吏監視。不得已宣布解散。一部團員陳鐵君黃詠台陳鐵五衛滄海等乃與現身說法社合併。改名振南天劇團。宗旨如前不變。數月後以財力不支。亦解散。

貴陽貧民工廠

貴州貴陽

鍾昌祚

是廠爲黔省自治學社首領鍾昌祚所創辦。以收集流民。訓練以國家種族思想。備起義時應用爲宗旨。內設苦工隊。每日輪集一小時。辛亥九月貴陽光復時昌祚雖不在黔。周培藝陳文錫卽以昌祚名義使苦工隊加入義軍。苦工隊咸受部勒。卽昌祚早年訓練之力。

### 西安健本學堂

陝西西安

鄒子良井勿幕焦子靜

是歲春同盟會本部派鄒子良回陝擴張黨務。時井勿幕亦偕景定成自晉歸。卽介紹定成爲西安高等學堂教習。以聯絡軍政士紳各界。復與師子敬焦子靜曹寅侯等創辦健本學堂於富平會館爲黨務機關。自是黨勢逐漸發達。分會遍設各縣。

### 西安馬安臣學塾

陝西西安

井勿幕李仲特馬開臣

陝西同盟會員於是冬常假開元寺內同志馬開臣學塾開秘密會議。羣推李仲特爲陝省分會長。井推定各會員分擔各項任務。井勿幕張奎光鄒子良曹寅侯王曙山等任軍事方面。陳慧亭常銘卿茹卓亭郭希仁劉允臣李元鼎等任文字宣傳及教育事業。寇遐李仲山等任運動綠林會黨。景定成杜義焦子靜師子敬張翊初等任聯絡其他各部分。有時亦在雁塔上開會。計劃秦晉合同大

## 舉方略。

### 廣州保亞票會

#### 廣州桂香街

#### 葛謙譚馥曾傳範

是冬湘鄂籍在粵同盟會員葛謙譚馥曾傳範等聯絡同志軍人嚴國豐羅樹滄錢占榮黎萼諸人運動駐粵水師提督親軍營及附城各防營反正。設總機關於廣州城內桂香街師古巷大同旅館。其方法係倣庚子唐才常富有票方法。散放一種票布名保亞票。以聯絡軍隊中哥老會員。勢漸得手。適逢十月清帝后逝世。葛謙認為機不可失。遂赴香港託分會長馮自由函電孫總理請求接濟。正進行間。至十一月十四日以散票不慎。事洩。葛謙嚴國豐譚馥三人先後被逮。死之。曾傳範羅樹滄錢占榮黎萼等被判監禁。或遣回原籍。是役葛謙等曾設置分機關於馬鞍街惠愛七約觀音山姚家祠古家祠雙門底太平沙等多處。事敗後各營兵士牽涉被捕者二三百人。因株連太衆。概從寬免究。事後香港同盟會特開會追悼。并醵款恤助葛等遺族。

### 騰越自治同志會

#### 雲南騰越

#### 張文光張鑑安李治

騰越人張文光向經商緬甸。由楊振鴻黃毓英介紹。加入同盟會。張在滇西各屬會黨及土司間密

有潛勢力。是歲夏秋間藉保護國權名目。發起騰越自治同志會陰謀革命。騰越永昌等處人士入會者極衆。辛亥廣州三月廿九之役以前預得黃克強約。令屆時響應。遂與同志張鑑安李治等準備在騰越同時發難。事洩爲清吏通緝。文光聞警跳城。得免於難。

### 安慶革命軍

#### 安徽安慶

#### 熊成基范傳甲程芝萱

是年秋清廷令南洋各鎮新軍舉行秋操。蘇皖兩省革命黨員熊成基范傳甲薛子祥張勁夫等擬於會操動員後。同時在操場發難。并欲於蘇督端方抵皖時狙擊之於省垣。及期端方不來。事遂不成。適滿清帝后同時殞。成基時任礮營隊官。遂約各營同志傳甲子祥勁夫廖盤貞程芝萱田激揚李朝棟等多人。於十月二十六日下午聚會於十祖寺後鄰楊氏試館。決定卽晚九時率馬礮各營起義。并約隊官薛哲開城接應。屆時成基首在礮營發令反正。各士兵欣然從之。管帶陳鏞昌反對。爲兵弁張鴻堯黃節等擊斃。遂焚礮營整隊而出。至步標。標統蔣與權跪接於道上。步兵多平時贊成者。馬營早有聯絡。其排長田激昂周正鋒張烈等圍攻管帶李玉春於樓上。李負傷逃去。至是亦焚兵房。出與他營聯合。各營得千餘人。聲勢大振。隨往攻北城菱湖嘴子彈庫。守庫正目爲范傳

甲之胞弟。迎而納之。得彈後還攻北門。并焚北門外測繪學堂之步兵營。於是合各路併力攻安慶城。成基初不欲傷害城中居民。故先遣多人入城內應。且以隊官薛哲預謀其事。滿擬薛必開城接應。詎當義師攻城時。薛哲初率百餘人向北門衝突。本欲開城相迎。及見城上有少數巡防營守衛。不敢發動。適是時皖撫朱家寶赴秋操地。接清帝后凶耗。江督端方促之遄返省垣爲備。朱歸。卽於此時以重利誘城內將士。勿爲義師所動。對於薛哲尤爲籠絡。薛爲所脅。竟不能爲成基之助。范傳甲在輜重隊。張勁夫在講武堂。均因官長監視綦嚴。不克發動。因是反正軍於倉猝中不能入城。而彈藥存貯城內。義師槍彈無多。礮彈又無彈火引頭。致無戰鬪力。圍攻一日夜。迄未得手。皖城瀕江。江面原駐兵艦數艘。初已表示降順。至是受朱家寶命。由江中發礮擊義師。毀營壘。反正軍漸不能支。相持至二十七日。下午十時。兵卒稍稍散去。成基乃率衆向集賢關退却。改變戰略。欲取廬州爲根據地。然後號召鳳陽、潁州等處會黨。進而馳驅中原。於是取道桐城。直趨合淝。所經過地。秋毫無犯。清提督姜桂題時在河南一帶。聞訊。乃率所部窮追。成基力戰敗之。然抵廬州時。所餘止有八九十人。乃脫身避匿同志常恆芳家者數十日。後亡走日本。成基去後。程芝萱尙率其殘部。沿途與姜



部之江防營混戰。至合淝東鄉時。僅剩三四十人。始宣告解散。范傳甲失敗後尙在城內。因謀刺清協統余大鴻被獲。田激揚李朝棟張勁夫鄧養源周正鋒張志功張星五胡文斌薛哲等先後被逮。均殉義。

新加坡同文書報社

英屬馬來亞

黃義華

庇能益智書報社

同上

李漢生

吡叻蒲蘆江秀覺民書報社

同上

李竹溪

吡叻安順培智書報社

同上

黃少行

吡叻端洛中興書報社

同上

陳炳初

吡叻布先益智書報社

同上

呂順安張錫銘

吡叻美羅萃羣書報社

同上

黃星如

六條石埠書報社

同上

朱赤寬

柔佛公民書報社

同上

郭新

雪蘭峨士我月埠書報社

英屬馬來亞

李漢衡

巴東色海東華書報社

同上

黎樂文

檳榔嶼大山脚華僑書報社

同上

林世安

蔴楮巴轄益羣書報社

同上

王及時

新加坡公益書報社

同上

胡伯驥何德如

新加坡同德書報社

同上

張永福

吡叻華僑書報社

同上

李孝章

吡叻沙叻培文書報會

同上

陳遠繩

吡叻拿吃興華書報社

同上

梁棟英曾國樑

吡叻萬里望民興書報社

同上

楊雲生葉飛龍

吡叻金寶開智書報社

同上

李田秀楊朝棟

宋溪詩佛文學書報社

同上

簡世彬

芙蓉書報社

英屬馬來亞

陳耀三黃心持

麻六甲中華書報社

同上

鄧澤如李月池

實兆遠益智書報社

同上

陳克朗

魯乃坡益民書報社

同上

不詳

布知埠益智書報社

同上

不詳

甲板埠同德書報社

同上

謝八堯

吉礁雙溪丹年新漢書報社

同上

宋伯聯

文丁埠華商書報社

同上

柯武炎

古毛埠競明書報社

同上

吳鼎渠

北般烏山打根中華書報社

同上

李錫齡

新馬儘新華書報社

同上

黃在田

喃巴哇覺羣書報社

同上

不詳

巴生港中國青年益賽會

英屬馬來亞

巴楮巴哈益羣書報社

同上

不詳

林梅端

雪蘭峨巴雙中華書報社

同上

譚長進

巴雙埠華商公所

同上

李金泉

萬撓籲智書報社

同上

不詳

隆邦書報社

同上

張碧天

知知埠華商書報社

同上

李漢生

高淵埠書報社

同上

不詳

紅毛丹達材書報社

同上

利雁秋

嘮哼文東書報社

同上

鄧少民

萬撓育智書報社

同上

不詳

雪蘭峨介文書報社

同上

陳占梅阮德三

嘒嘒北千光漢書報社 英屬馬來亞

方少峯

甲洞開明書報社 同上

不詳

安邦埠書報社 同上

李耀南葉競爭

加蕉埠啓明書報社 同上

戴水

加影文華書報社 同上

古仲熙

納閩坡啓文書報社 同上

不詳

巴里文礁新華書報社 同上

張升

砂勝越啓明書報社 同上

楊朗初

朱毛埠啓智書報社 同上

陳克薩

打吧埠益羣書報社 同上

林金福

吡叻古樓南華書報社 同上

夏柳如

巴生羣智書報社 同上

陳堯階

金寶中國青年益賽會

英屬馬來亞

張志昇楊朝棟

吉隆坡中國青年益賽會

同上

彭澤民

麻坡啓智書報社

同上

林弼英劉靜山

素哩哩開智書報社

同上

彭瑞麟

叻思埠公益書報社

同上

不詳

雙文丹埠斯文書報社

同上

不詳

都儘啓蒙書報社

同上

陳旭初

關丹中華書報社

同上

不詳

武來岸策羣書報社

同上

不詳

雪蘭峨新街場埠光漢書報社

同上

孫林

太平書報社

同上

陸文輝陳志安

波賴進步書報社

同上

王月洲曾榮祥

以上所列南洋英屬各埠書報社。均屬當地愛國華僑所設立。多附設於華僑學校之內。因避免地方當局干涉其言論自由。故以書報社名之。各社大都成立於戊申己酉（民國前三四年）之間。革命黨人每次在南洋募餉。各埠僑胞多踴躍捐助。書報社提倡之力也。

巴達維亞華僑書報社

荷屬爪哇羣島

溫文鍾幼珊

三寶壟樂羣書報社

同上

李載霖

巨港中華書報社

同上

古質山

井帝汶同文書報社

同上

李璧珊

西都文羅書報社

同上

不詳

文島雙溝烈中華書報社

同上

陳方度溫啓順

巴眼亞比亞民德書報社

同上

宋萃仁

毛燕埠日新書報社

同上

不詳

美崙埠公益書報社

同上

謝碧田

東婆羅洲古達馬路中華書報社 荷屬爪哇羣島

黃成其

亞齊瓜勝新邦啓文書報社 同上

不詳

泗水明新書報社 同上

賴文齋劉泗

大亞齊書報社 同上

陳玉如

巴城老巴寨書報社 同上

陳柏鵬

南榜書報社 同上

陳玉如

文島檳港中華書報社 同上

李天鄰曾連慶

萬隆埠民儀書報社 同上

劉德初

其沙蘭中華書報社 同上

李順階

龍目安班瀾漢光書報社 同上

不詳

浮盧甘罷中華書報社 同上

陳覺民

山口洋民生書報社 同上

鄧克辛



坤甸圖存書報社

荷屬爪哇羣島

鄧宛熙

松柏港民羣書報社

同上

謝樹勛

坤甸白樹脚羣生書報社

同上

不詳

文島如勿士中華書報社

同上

不詳

蘇門答臘巴東書報社

同上

古亮初

文島雙溝烈明德書報社

同上

李柱中溫啓順

潘汶叻利覺羣書報社

同上

不詳

日里民禮書報社

同上

不詳

日里直名丁宜開智書報社

同上

古漢光

日里巴株巴勞中華書報社

同上

蘇英會

日里武麗安中華書報社

同上

馮少強

日里火水山中華書報社

同上

盧培漢

日里籠葛中華書報社

荷屬爪哇羣島

孫文韶

日里棉蘭華崇書報社

同上

李增輝歐水應

日里瓜勝中華書報社

同上

楊琴生

萬里望智羣書報社

同上

不詳

勿里洞華僑書報社

同上

不詳

盤光登宜開智書報社

同上

不詳

哥踏丁疑覺羣書報社

同上

不詳

覺厘洞岸黨書報社

同上

吳冠夫

日里瓜勝新邦中華書報社

同上

不詳

日里頓挽中華書報社

同上

不詳

日里大棉中華書報社

同上

黃丕安

日里勿叻灣中華書報社

同上

趙玉珊

日里瓦冷中華書報社

荷屬爪哇羣島

梁如九

日里新邦知甲中華書報社

同上

不詳

日里頌牙埠華僑書報社

同上

李益明

日里仙遠中華書報社

同上

李元亮

上列荷屬爪哇羣島書報社五十餘埠。實數尙不止此。亦多附設於各埠華僑學校之內。荷屬自辛丑壬寅間（民前十一年）已由日本延聘留學生前往辦學。先後應聘者有董鴻樟王文慶易本義王嘉渠張繼田桐李柱中陳方度時功璧沈鈞業胡國樑柳聘儂等百數十人。故各埠僑胞之革命空氣頗爲濃厚。辛亥三月廿九廣州之役。荷屬同志助餉之功。殊不可沒。

惹申亞沙漢維華書報社

緬甸

陳紹平

丹老埠新民書報社

同上

李德成

摩洛棉漢聲書報社

同上

黃子端丘伯鐘

瓦城振漢書報社

同上

陳太高揚名

勃生埠漢興書報社

緬甸

陳子卿李慶標

勃臥埠培民書報社

同上

李宜琳周希堯

洞遇益華書報社

同上

陳國珍杜子乾

木各具愛羣書報社

同上

陳虞卿鄭耀蒸

密沙興漢書報社

同上

陳鍾靈

杰柳巾演進書報社

同上

林金源

望瀨啓智書報社

同上

楊秋毫

仁蘭姜協漢書報社

同上

鄭庇

繞彬九振華書報社

同上

陳振玉

知模漢羣書報社

同上

盧省三

秉禮光智民書報社

同上

黃秀

士瓦務民書報社

同上

曹煥翔林一葉

吉桃義民書報社

緬甸

陳文造

貓宇振民書報社

同上

蔡壽民李景興

是年緬甸同盟會成立後。特派居正陳仲赫等赴各地組織分會。因避英官干涉及清探偵查之故。統稱書報社以利黨務進行。除上述二十書報社外。黨員不多者暫稱通信處。

## 革命運動第二十四年己酉

民國紀元前三年  
清宣統元年  
陽曆一九〇九年

機關名稱

所在地

主要人姓名

上海民吁日報

上海山東路

于右任范光啓王无生

于右任自退出神州日報。乃另集資發刊民吁日報。館址設在山東路一百五十六號。於是年三月二十六日出版。出資人有龐青城柏小魚張人傑等。撰述人除右任自任社長外。尚有范光啓王无生吳宗慈戴天仇等。出版甫四月。因抨擊時政。爲陝甘二省當局控告。卒被滬租界當局封閉停業。

上海民吁日報

上海山東路

于右任朱少屏范光啓

民呼報被封後。于右任復於同年八月中旬在同一館址另發刊民吁日報。宣言以提倡國民精神痛陳民生利病爲宗旨。名義上以朱少屏爲發行人。范光啓爲社長。撰述人有景耀月王无生周錫三等。出版不過四十餘日。因攻擊日本侵掠政策。爲駐滬日領事所控。是歲十月初七日上海蔡道銓日領要求。下令封禁。

上海中國公報

上海

陳其美陳去病陳毓川

浙江同盟會員陳其美自日本歸滬。即與同志陳去病陳毓川等創辦是報爲宣傳革命機關。以目的在聯絡秘密會黨。不暇兼顧。故出版未久即停刊。

貴陽西南日報

貴州貴陽

張百麟鍾昌祚黃澤霖

是爲黔省自治學社之惟一機關報。創辦人爲張百麟黃澤霖鍾昌祚張澤鈞周培藝陳永錫等。自治學社即貴州同盟分會之別稱。黔省各縣自治分社林立。辛亥革命響應鄂軍至速。此報與有力焉。

南寧恆益水客店

廣西南寧

施正甫雷在漢杜右臣

香港同盟會是年派施正甫回桂擴張黨務。施至南寧。與同志雷在漢杜右臣梁植堂開設恆益號水客店於倉西門碼頭。以雷在漢主其事。表面以招待水客往來爲營業。實則以聯絡軍隊及會黨爲目的。梁植堂爲桂省著名三合會首領。各地秘密會黨與同盟會發生關係。多由其介紹。

上海德福里機關

上海馬霍路

陳其美周淡游

陳其美由日返滬。是年在上海馬霍路德福里設立機關。經營江浙兩省軍務。江浙兩省同志常在此秘密開會。時同志劉光漢汪公權已投降端方。密充間諜。清吏遂得按址查封德福里黨人機關。在寓者有張恭周淡游褚輔成三人。張被捕。周褚喬裝工人走脫。其美所謀江浙大舉計畫以是擱淺。

#### 檳榔嶼南洋支部

英屬馬來亞

孫總理鄧澤如吳世榮

是年三四月間。孫總理以事赴歐洲。胡漢民亦歸香港。遂將南洋支部由新加坡移至檳榔嶼。黨務交鄧澤如吳世榮主持之。然自總理離後。南洋黨務等於停頓。至翌年秋。總理由歐美再至南洋籌措廣州起義軍餉。始復舊觀。

#### 九龍城孫壽屏宅

香港九龍城

孫壽屏楊德初

孫壽屏卽總理長兄。自丁未年由檀香山返香港。卽奉母與同志楊德初卜居於九龍城牛油灣。經營農業。是歲冬南方支部策動廣州新軍反正。壽屏擔任縫製革命軍旗。庚戌（民前二年）秋以運動勞工入黨事。被港政府驅逐出境。壽屏遂赴南洋。旋轉赴廣州灣。



新加坡星洲晨報

英屬馬來亞

謝心準周之貞

香港中國報記者謝心準是歲赴新加坡。旋與同志周之貞發刊此報。與中興日報相呼應。以資本不足。於次年庚戌秋冬間停刊。辛亥三月二十九廣州一役殉義者七十餘人中。有名勞培及周華二人。卽此報辦事員也。

檳角華益學堂

暹羅檳角

蕭佛成胡毅生盧仲琳

是歲華暹日報主人蕭佛成聯絡同志僑商沈符思王杏洲朱廣利等創辦中華會所於檳角京城。并附設華益學堂。以教授華僑子弟。延華暹日報記者胡毅生盧仲琳兼任教員。

汕頭中華新報

廣東汕頭

謝逸橋林百舉陳去病

此報由謝逸橋向南洋華僑邱燮亭梁映堂廖煜堂等措資創辦。延梁千仞林百舉陳去病陳迪子葉楚僉諸人分任經理主筆等職。隱爲嶺南同盟會之喉舌。邱逢甲所著詩文。時寄此報登載。

長春長春日報

吉林長春

蔣大同徐竹平徐于

河北人蔣大同於是年與熊成基（易名張建勳）商震徐于徐竹平諸志士密會於吉林長春。商

定革命進行方略。旋在長春與徐竹平創辦長春日報。極力主張保持國權及排斥虛偽君憲。東北人心多爲喚醒。未幾熊成基被逮殉義。徐竹平亦就逮。此報因之停刊。

香港少年書報社

香港德輔道

馮自由謝英伯陳少白

香港同盟會附設之民生書報社是年夏擴大黨務。更將會所移至德輔道中環街市對門之捷發號四樓。易名少年書報社。常駐會所者有馮自由陳少白李紀堂謝英伯陳景華劉思復洪承點陳自覺諸人。會務日形發達。

維多利擊楫學社

加拿大諸省

黃希純吳子垣吳俠一

加拿大全境向無革命關機之組織。是年始有我國學生教員數人黃希純吳子垣吳俠一黃蔚生李翰屏司徒施等組織一文化團體。號曰擊楫學社。專以推銷革命書報爲宗旨。未及一年而解散。金門少年學社

美國舊金山

李是男黃芸蘇黃伯耀

香港同盟會員李是男奉命赴美國擴張黨務。是歲集合同志黃芸蘇黃伯耀溫雄飛許炯黎黃傑庭等組織「少年學社」爲初步機關。社址在舊金山堅利街六二九號。并用油印發刊一種刊物。

名曰「少年」。頗多宣傳革命文字。是爲翌年冬出版的「少年中國晨報」之前奏。庚戌十月有華僑鄭林謀刺清海軍大臣載洵貝勒於屋命埠鐵路車站。被判監禁十四年。鄭卽少年學社社員之一。

香港時事畫報復刊

香港

謝英伯林直勉潘達微

是報原於乙巳年在廣州出版。停刊已三載。是歲由林直勉斥資恢復。設於香港威靈頓街。仍用石版印刷。圖畫及文字均屬抨擊清政之作。刊至十餘期而止。

北京帝國日報

北京

白逾桓程家樞景定成

鄂籍同盟會員白逾桓由日赴北京。得皖同志程家樞之助。發刊帝國日報。專排斥僞立憲及主張中央革命。是年景定成杜羲以事北上。亦預其事。

香港黃泥涌黎宅

香港鵝頸橋

黎仲實汪兆銘黃復生

黎仲實汪兆銘黃復生喻培倫陳璧君方君瑛等在東京組織之暗殺團。於是秋移至香港黃泥涌道。榜其名曰黎寓。黎等時往青山屯門等處祕密試驗爆炸品。以備實行之用。

香港同盟會南方支部

香港鵝頸橋

胡漢民汪兆銘林直勉

己酉以前同盟會西南各省黨務軍務。概由香港分會經理。是年夏秋間胡漢民自南洋回港。遂於是冬組織南方支部。與香港分會劃分權限。西南各省黨務軍務改由支部管轄。衆推胡漢民爲支部長。汪兆銘書記。林直勉會計。會所設於灣仔鵝頸橋。黃克強趙聲譚人鳳倪映典等到港。均在此下榻。

香港東海旁馮宅

香港灣仔

馮自由胡漢民

己酉年秋以前。馮自由胡漢民二人眷屬向寓中國日報四樓。是年秋因中國報時有清探窺伺。乃遷寓灣仔東海旁七十六號三樓。豫人程克漸人王金發等避難至港。均在此下榻。是歲十二月南方支部決定使廣州新軍同志尅期反正。所備用之青天白日滿地紅旗百餘面。卽由孫壽屏（總理之兄）楊德初及李自平陳淑子盧桂屏三女士在此縫製。

香港中國日報第十一年

香港荷理活道

馮自由盧信

是冬中國日報因減縮財政起見。由德輔道三百〇一號遷至荷理活道二百卅一號。明春庚戌馮

自由因改就加拿大大漢日報之聘。辭退社長一職。南方支部乃派李以衡張西林謝英伯盧信李其等先後充任經理編輯各職。至辛亥九月廣東光復。盧信乃移報社於廣州。

漢口大成印刷公司

漢口新馬路

孫武丁笏堂

是秋黃復生汪兆銘喻培倫由香港至漢口謀刺清吏端方於京漢車站。不成。乃將爆炸留置於同志孫武寓所。時孫假漢口新馬路大成印刷公司爲貯物所。改名金相。號泉山。通信由丁笏堂轉。冬十一月孫至香港訪馮自由商談合作。始加入同盟會。相約通信地點爲武昌黃土坡街五號李寓轉孫治安。號夢飛。

東莞醒天夢劇團

廣東東莞

黃俠毅莫紀彭李文甫

醒天夢劇團爲粵省東莞志士黃俠劇莫紀彭李文甫林直勉等所組織。團址設於東莞石龍。專排演愛國新劇并宣揚民族主義。有熊飛戰死榴花塔及袁崇煥督師各劇本。是歲三四月赴香港排演。中國日報大爲贊賞。黃莫李林等卽於是時加入同盟會。

貴陽國民捐會

貴州貴陽

張百麟蔡嶽鍾昌祚

是冬風傳列強監督我國財政之說。自治學社張百麟鍾昌祚等乃假貴陽諮議局名義。倡設國民捐會。選蔡嶽樂嘉銓周培藝爲會長。謀集款購械編練鄉團。伺隙起事。爲君憲派任可澄向清吏百計破壞。卒被解散。

#### 貴陽公立法政學堂

貴州貴陽

黃澤霖張百麟鍾昌祚

此校乃貴州自治學社黃澤霖張百麟張澤鈞鍾昌祚等所創辦。昌祚自任校長兼教員。常以民族主義書報爲課材。附律師專修科。有學生六七百名。辛亥黔省光復青年多出其門。

#### 漢口商務報

湖北漢口

宛思演劉堯澂詹大悲

羣治學社成立後。由社員宛思演斥資創刊商務報於漢口爲宣傳機關。劉堯澂詹大悲查光佛何海鳴等爲編輯。次年庚戌三月。羣治學社因謀舉義事洩。被解散。是報旋亦被封禁。

#### 漢口共進會

湖北漢口

焦達峯孫武

是歲三月焦達峯孫武至鄂。設共進會總部於漢口法租界長清里。并設分部於吳肖韓私宅。焦孫等日與羣治學社黃申薌等商談合作。會勢日形發達。

北京守眞照相館

北京琉璃廠

黃復生汪兆銘黎仲實

己酉秋九月黃復生偕但懋辛赴北京經營暗殺機關。十二月汪兆銘黎仲實喻雲紀陳璧君等亦到。遂開設照相館於城外琉璃廠。名曰守眞。以掩人耳目。是月杪適清貝勒載洵載濤等由歐洲歸國。黃等攜皮包內置炸彈。在東車站相候。擬於下車時炸之。以戒備嚴密不果。守眞至翌年庚戌始正式營業。二月甘水橋下炸彈發覺。始被清吏封禁。

哈爾濱賓如棧

哈爾濱秦家崗

熊成基

熊成基於戊申冬在安慶起義失敗後。越年到吉林長春有所活動。是冬隻身至哈爾濱。寓道外秦家崗賓如棧。探悉清貝勒載濤將於十二月十八晚車到哈站。欲刺之不成。二十一日在俄國飯店被捕。越年庚戌正月十八日就義於吉林。

香港金利源藥材行

香港文咸東街

李煜堂李文啓李海雲

此店爲李煜堂文啓昆仲開設五十餘年之老藥材行。專經營香港美國間之國產藥材生意。煜堂卽馮自由之外舅。中國日報歷年經費多賴其供給。自馮自由是春赴加拿大後。革命軍統籌部與

海外同志來往函電。均假此店傳達。同志李海雲所設遠同源外匯莊即附設此店二樓。庚戌辛亥二年黨人購運軍械。亦假此店爲貯藏所。

#### 紐約同盟會

美國紐約

孫總理黃佩泉趙公璧

是歲九月杪。孫總理自歐洲抵美國紐約。暫寓該埠巴也街七十二號洪門老友黃溪記所設商店。即號召同志黃佩泉（即溪記）趙公璧陳永惠吳朝晉唐麟經吳贊等組織同盟會。是爲旅美華僑成立同盟會之第一次。未幾得香港黃克強等電稱廣州新軍運動成熟。請籌餉接濟。結果紐約及波士頓兩埠同志共助香港幣五千元。

#### 芝城同盟會

美國芝加哥

孫總理蕭雨滋梅培

己酉十月。孫總理得香港南方支部電。報告廣州新軍運動成熟。請即匯款接濟。遂向紐約波士頓同志開始募餉。收效甚微。繼赴美東芝加哥繼續籌餉。同志蕭汝滋蕭漢衛梅壽梅培曹湯三羅泮輝程天斗梅賜璧李雄梅天宇等開歡迎會於聚英樓。即成立同盟會。并以梅壽所開之泰和店爲通信處。居芝城月餘。僅募得香港幣三千元。遂於十二月邁赴舊金山。



廣州新軍聯絡部

廣州城內豪賢街

倪映典巴澤憲方紫桷

是夕倪映典受同盟會命策動廣州新軍反正。即與巴澤憲方紫桷譚瀛易培之等向駐粵新軍大肆活動。遍設機關於城內豪賢街天官里寄園巷五號雅荷塘六十七號木排頭宜安里清水濠同餘慶坊各處。大官里寄園巷五號即倪映典巴澤憲方紫桷常駐之所。爲聯絡新軍之總機關。

廣州雅荷塘機關

廣州雅荷塘

倪映典黃洪昆譚瀛

雅荷塘六十七號爲倪映典陳哲梅譚瀛張立壁黃洪昆王占魁江連春趙珊林等聯絡新軍兵士之分機關。兵士來此受盟者。踵趾相接。譚瀛夫婦居此。

廣州濠泉寺機關

廣州城外白雲山

倪映典方紫桷甘永宣

倪映典運動新軍方法。初由香港中國日報代印同盟會小盟單萬張。每逢假日。即邀各兵士齊集白雲山濠泉寺。由巴澤憲王占魁甘永宣黃洪昆梁耀宗等演講革命真理。兵士聽講後。紛紛取盟單填寫宣誓。故進行不滿一月。三標兵士入黨者佔大多數。

廣州宜安里黃寓

廣州市高第街

黃俠毅徐宗漢胡靈媛

高第街宜安里東莞黃寓爲倪映典活動機關之一。以東莞同志黃俠毅寓所名之。居此者有女同志徐宗漢胡靈媛（漢民之妹）等。內藏鎗械旗幟等物。當新軍舉義時。徐等即放火爲號。火息後。被警察搜獲革命軍旗多面。警吏明知爲黨人機關。不予查究。亦異事也。

番禺大塘村機關

廣東番禺河南

李福林李海雲胡毅生

己酉十二月南方支部既決定派倪映典策動廣州新軍尅日反正。同時復派朱執信胡毅生等聯絡南海番禺順德三水等處民軍首領李福林陸領陸蘭清譚義李雍黎廣等籌備響應。其調動總機關設於番禺河南大塘村。因民軍多有鎗而無彈。另派李海雲攜巨款駐大塘機關。專任購彈事宜。李爲香港遠同源商號司事。所攜款即取自遠同源商號公款。

## 革命運動第二十五年庚戌

民國紀元前二年  
清宣統二年  
陽曆一九一〇年

機關名稱

所在地

主要人姓名

廣州新軍革命軍

廣州東郊燕塘

倪映典方紫樺王占魁

倪映典運動廣州新軍三標兵士將次成熟。遂在東郊燕塘礮工輻營內設新軍聯絡部。預定於庚戌年正月初旬大舉反正。詎於先一年己酉十二月三十夜。有兵士因購名片小故與警察發生爭執。遽釀成軍警衝突之大風潮。由是雙方互鬥。勢同敵國。映典即赴香港謁黃興趙聲。請提前發動。以應事變。議決於正月初六日大舉。是歲正月初二早映典由港歸抵廣州燕塘。見各兵士紛紛備戰。勢同騎虎。已無法勸阻。遂毅然入礮工輻營。全軍歡呼。於是連誅反抗革命之管帶齊汝漢隊長胡恩深等。隨率隊進攻清軍於牛王廟。因新軍子彈早爲清吏扣發。缺乏戰鬥力。卒爲清將李準吳宗禹所敗。映典受創不屈。死之。被捕隊官多人。黃洪昆王占魁江連春三人遭害。餘監禁。

溫高華大漢日報

加拿大卑詩省

馮自由張澤黎黃希純

此報爲英屬北美加拿大洪門致公堂總機關。設於溫高華埠片打街五號。專提倡反清復漢之宗旨。出版於是年春夏間。延馮自由爲總編輯。張澤黎黃希純吳俠一黃偉生等爲撰述員。馮主筆政數月。全加華僑多傾心革命。各地保皇會員因而迷途知返登報脫黨者。絡繹不絕。該埠保皇會原有機關報名日新報。開設多年。其主筆梁文興。康徒湯覺頓之小舅也。以彼黨勢力日漸衰退。遂向大漢報挑戰洩憤。馮乃揭發歷年康梁棍騙罪狀。向之迎頭痛擊。彼此駁論至二百餘續。爲海外兩黨最持久之文戰。而僑胞知識亦緣是具長足之開發。至是年冬。馮以籌餉大舉之時機已告成熟。乃電告孫總理。請其尅日來加發動募款。時總理正與黃克強趙聲等規畫廣州大舉。需款至急。得馮電大喜。遂由南洋兼程渡美。結果辛亥三月廣州之役。加拿大華僑助餉居第一位。大漢報之力也。

### 維多利致公總堂

加拿大卑詩省

馬延遠容家珖

維多利致公堂爲加拿大各埠致公堂之總堂。職員有大佬馬延遠。先鋒謝超。書記容家珖張輝等。會址在該埠菲士格街六一九號。爲自置公產。該堂於大漢報之創刊。贊助最力。辛亥廣州三月廿

九之役。衆議將公產向銀行抵押充革命軍餉。得香港幣三萬元。是爲洪門人士變產助餉之嚆矢。

溫高華致公堂

加拿大卑詩省

陳文錫黃璧峯許昌平

加拿大各埠洪門會員以溫高華埠爲最衆。該埠致公堂在片打街五號二樓。大漢報即該埠致公堂所發起。辛亥正月孫總理遊加拿大籌餉。即以此爲總樞紐。職員有大佬陳文錫先鋒李壽書記黃璧峯許昌平董事林德渠岑發琛黃紀傑諸人。

舊金山同盟會

美國加省

李是男黃魂蘇黃伯耀

是歲正月初旬。孫總理由美東抵舊金山。即命李是男黃魂蘇黃伯耀黃超五張鑑蘊許炯裴等將少年學社改組爲美洲同盟會。并將同盟會舊誓辭「驅除韃虜恢復中華創立民國平均地權」十六字改爲「驅除韃虜清朝創立中華民國實行三民主義」十八字。是爲同盟會誓辭添入三民主義之始。自是黨勢日盛。陸續開設分會數十處。

北京東北園黎寓

北京琉璃廠

黃復生汪兆銘黎仲實

是爲黃復生黎仲實汪兆銘喻雲紀等所設暗殺團之祕密住宅。地在琉璃廠東北園。榜其名曰黎

寓。是歲二月二十一日晚復生雲紀兆銘等埋置炸彈於十利海附近甘水橋下。謀轟炸清攝政王於歸途。事洩逃散。復生兆銘被逮入獄。辛亥八月武昌革命軍起始釋。

#### 檀香山同盟會

夏威夷島

盧信曾長福梁長海

同盟會本部成立五年。檀香山興中會尚未改組爲同盟會。至庚戌三月孫總理自美蒞檀。邀集會長福盧信梁海黃亮黃堃雷官進許直臣溫雄飛諸人於自由新報樓上。說明改組之必要。遂於卽日宣佈成立。衆推梁海爲會長。會長福盧信等分任幹事。

#### 茂宜同盟會

夏威夷島

鄧明三陸進

茂宜島向有興中分會。因檀香山正埠已改組爲同盟會。遂亦踵之。主持者有鄧明三陸進譚進譚貴福劉聘諸人。

#### 希爐同盟會

夏威夷島

黎協林弼南劉安

希爐埠乃夏威夷羣島中之第二大島。興中會事務向由農業家黎協主持。至是各會員亦分別宣誓。改稱同盟會。林弼南李成功劉安李社銀譚惠金等分任幹事。其通信處設於黎協所開永萬春

商店郵箱七號。

檀島同盟會秘密團

夏威夷島

楊廣達鍾宇譚達

檀埠同志僑商因時遭保皇會構陷。大有戒心。故孫總理特設同盟會秘密團以收容之。同時假鍾宇住宅。邀集楊廣達李烈譚亮黃亮譚達雷官進等決議成立秘密團。派楊廣達爲團長。鍾宇雷官進黃亮盧信等分任值理。

檳榔嶼光華報

英屬馬來亞

莊銀安陳新政雷鐵崖

庚戌夏。駐仰光清領事蕭永熙向緬甸英官誣稱光華報鼓吹無政府主義。英官遽下令逐是報當事人出境。報中職員人人自危。經理莊銀安避往檳榔嶼。卽與該埠同志陳新政黃金慶等另發刊第三光華報。延雷鐵崖周杜鵑等爲編輯。言論激烈如前。

仰光進化報

緬甸仰光

呂志伊徐贊周陳鍾靈

仰光光華報僅停版月餘。呂志伊徐贊周陳鍾靈李海國魏聲畝陳震川丘思道諸人卽籌辦第三次之黨報。改光華曰進化。於庚戌年二月出版。發刊僅八閱月。復被保皇黨勾結英官。假查賬爲名

任意摧殘。迫而停版。志伊以是離緬歸國。

### 上海民聲叢報

上海福州路

陳其美陳匡陳去病

是報爲陳其美所創辦。撰述人有陳匡陳去病等。論調與神州民立兩報略同。癸卯後上海出版各雜誌。以此報爲最富有革命色彩。

### 雪梨民國報

澳洲新金山

劉滌寰伍洪培黃右公

雪梨新金山係澳洲首府。全澳洲自梁啓超於辛丑年（民國十一年）來遊後。已成保皇黨勢力圈。祇有該黨所創東華報一家。是年雪梨埠洪門致公堂始開設民國報。社址在海馬格街郵箱第八十九號。先後延劉滌寰伍洪培黃右公等任編輯。宣傳反清復漢主義。保皇黨大受打擊。

### 武昌振武學社

武昌蛇山蘄春學社

黃申薌李抱良楊王鵬

羣治學社解散後。經社員黃申薌李抱良楊王鵬查光佛祝制六章裕昆等努力奔走。於是年七月假武昌新軍四十一標一營左隊隊部召集各營同志開會。決議改組爲振武學社。衆推楊王鵬爲社長。辦事處設於蛇山蘄春學社。成立後三月。事爲協統黎元洪所知。將楊王鵬李抱良鄭士杰等



撤職。社務以是擱淺。

上海民立日報

上海三茅閣橋

于右任宋教仁景耀月

于右任自民吁日報被封後。復著手組織民立日報。經營一載。得龐青城沈澂雲孫性廉張人傑等贊助。於庚戌九月初九日始行出版。館址設在三茅閣橋。先後主筆政者。有于右任宋教仁景耀月呂志伊談善吾范光啓王无生徐血兒諸人。辛亥九月上海光復。民立報亦爲策動機關之一。此報繼續維持至民國二年秋各省討袁軍失敗。民黨勢力崩潰。始自行停版。

檳榔嶼孫公館

檳榔嶼柑仔園

孫總理

是歲七月。孫總理自日本抵檳榔嶼。即挈眷移居該埠柑仔園。南洋支部黨務爲之一振。同時通告南洋各埠分會。令做美洲黨員新例。將盟書內中國同盟會會員字樣改爲中華革命黨員。未幾孫眉黃興趙聲胡漢民謝逸橋謝良牧何克夫等及各埠代表應邀來會。十月十二日決議募集巨款在廣州大舉。總理擔任赴美洲籌餉。卽於是冬首途。總理離檳後。其眷屬家費由檳榔嶼吡叻芙蓉吉隆坡四處黨員分擔之。

## 九龍城黎寓

香港九龍城

黎仲實喻雲紀

汪兆銘黃復生在北京被逮後。暗殺團員黎仲實喻雲紀陳璧君黎德榮等設機關於香港九龍城。專事籌款以營救汪黃二人出獄。所費不貲。結果派員北上。僅由獄吏間接取得汪在獄中所詠詩數首而已。

## 香港支那暗殺團

香港油麻地

劉思復朱述堂李熙斌

是團由劉思復謝英伯朱述堂高劍父李熙斌陳自覺陳炯明程克等十人所組織。專以暗殺滿清權要爲宗旨。是年春先後設機關於油麻地及般咸道等處。六月復遷往摩士忌街二十三號。最初派程克北上謀刺滿大臣。毫無消息。次年辛亥閏六月十九日復派林冠慈陳敬岳潘賦西劉鏡源謀炸清提督李準於廣州倉前街。李準被炸重傷。冠慈卽死。敬岳被逮殉義。是歲九月初三日清將軍鳳山被炸死。該團員朱述堂李熙斌梁倚神等均與有力。

## 利馬埠民醒報

南美洲祕魯國

李碩夫許籀香

南美洲各國華僑贊成革命者。以祕魯國利馬埠爲最早。是歲該埠華僑初與香港中國日報及加革命運動第二十五年庚戌

拿大大漢日報互通消息。旋創辦民醒報旬刊。社址在利馬埠卑令格斯街三三七號。主持人有李碩夫許籀香張達初等。

舊金山少年中國晨報

美國加省

李是男黃芸蘇黃超五

同盟會在美洲開設言論機關。以此報爲最早。出版於庚戌年冬。社址設於舊金山克利街八八一號。先後延李是男黃超五黃芸蘇張謫蘊黃伯耀等爲編輯。陳樹萃司徒介臣等爲經理。於辛亥革命之宣傳。厥功至偉。此報至今尙存。爲革命黨機關報之壽命最長者。

溫高華同盟會

加拿大卑詩省

馮自由周盛黃希純

庚戌以前。加拿大向無同盟會員足跡。是冬馮自由始組織同盟會於溫高華埠。會址初設於麗安紡織公司。衆舉馮任會長。周盛爲副會長。黃希純爲書記。通信郵箱爲八百三十五號。在辛亥武昌起義前。只有會員吳俠一葉求茂高雲山朱文伯劉儒堃楊芳盤棠黃元仕黃龍傑黃蔚生等百數十人。

委也基國漢族自由社

南美洲委也基國

不詳

委也基 GUAYAOUL 國爲南美洲小國之一。是有心革命之華僑創設漢族自由社。初與香港中國日報通信。通信郵箱爲第五號。

漢口大江報

湖北漢口

詹大悲何海鳴查光佛

商務報被封後。是年十一月詹大悲查光佛等復措資創辦大江報於漢口。以繼其後。何海鳴胡瑛黃侃等任撰述。次年辛亥文學社成立。遂爲該社之宣傳機關。反對清廷僞立憲及鐵路國有政策最力。以持論激烈。詹何二人同被清吏拘禁。至八月義軍勃起始出獄。

葛崙埠同盟會

美國加省

鄭占南

屋崙埠同盟會

美國加省

陳樹萃陳披荆譚南

沙加緬都同盟會

美國加省

黃竹三鄺灼

士篤頓同盟會

美國加省

葉殖蘭陳耀垣

斐市那同盟會

美國加省

朱曾三周敍五

北架斐爾同盟會

美國加省

鄭廣池周文培

洛山磯同盟會

美國加省

何利

馬些埠同盟會

美國加省

周瑞厚

滑慎威利同盟會

美國加省

高廷槐梁樹熊

山柯些同盟會

美國加省

譚銳言

西雅圖同盟會

美國華省

伍宏漢陳文宗

砵命埠同盟會

美國柯省

陳萱李錦源

的彩埠同盟會

美國中部

伍頌唐梅光培

委林麥同盟會

美國中部

朱卓文劉希碧

亨佛埠同盟會

美國

不詳

波士頓同盟會

美國東部

阮倫李綺菴余夔

埃崙頓同盟會

美國加省

陳民興歐漢英

費城同盟會

美國東部

梅毅南

美利賀同盟會

美國加省

方富續張紹廉

汪古魯同盟會

美國加省

簡振興歐陽可惠

紐柯連同盟會

美國南部

鄧銳州

山爹古同盟會

美國加省

譚世彰

山達巴巴同盟會

美國加省

林卓峯

上列同盟會分部二十餘埠。均於是春舊金山支部開幕後先後成立。其中半數是於辛亥年始成立者。

夏灣拿同盟會

古巴國京城

黃鼎之蔣道日

介華連同盟會

古巴國介華連埠

蘇怡章

雲丹拿同盟會

古巴國雲丹拿埠

蔣道日林植庭

上列古巴國三埠同盟會。是由檀香山同盟會接洽成立。

東京左仲遠寓

日本東京

陳猶龍宋教仁譚人鳳

左仲遠卽庚子漢口富有票案之陳猶龍（字桃癡）改名。時寓東京小石川區。是年六月譚人鳳趙聲宋教仁林時埭等均集東京。遂邀集旅日十一省區同盟會分會長開會於左仲遠寓所。決定發動長江革命及組織東部同盟會計畫。

漢口雄風報

湖北漢口

楊玉如

是報爲湖北共進會員楊玉如主持。論調與大江報略同。但比較穩健。故不爲清吏所忌。

廣州灣三泰利號

廣東廣州灣

孫壽屏楊德初

孫壽屏於是冬被香港政府驅逐後。卽偕楊德初赴廣州灣赤坎設立機關。聯絡高雷各屬會黨。以備廣州義師之響應。并易名黃振東。以廣州灣赤坎三泰利號爲通信處。

仰光緬甸公報

緬甸仰光

徐贊周張永福

仰光進化報被摧殘後。是冬徐贊周聯絡同志張永福楊子貞會上苑陳鍾靈諸人。以學務總會名義。措資承購進化報機器鉛字。另發刊緬甸公報。仍以宣傳革命爲務。至次年民國成立猶屹立弗衰。

柳州革命軍

廣西柳州

柯漢資許仲山張鐵臣

庚戌六月同盟會員柯漢資許仲山甘乃綱張鐵臣陳曉峯劉震寰楊景廷錢權諸人運動民軍二千餘人。定期八月初旬祭丁日襲取柳州爲根據地。并約桂林新軍響應。其辦事處設於柳州蓮花橋一樂也俱樂部。事前被清吏偵悉。許仲山被捕。柯等仍使民軍陸續集中附城十里之屯倫村準備發難。被該處團紳劉揚輝向清吏告密。清總兵李國治派兵圍捕。衆早得訊。乃於事前散去。

舊金山金門學堂

美國加省

黃超五黃芸蘇張鶴縑

金門學堂爲舊金山有志僑商所創辦。黃芸蘇黃超五張鶴縑程祖彝等任教員。初假帝國憲政會樓宇爲校址。因黃等時對學生等提倡革命。爲保皇派校董所不滿。決議停辦。黃等乃另稅屋續辦。師生皆先後加入同盟會。



# 革命運動第二十六年辛亥

民國紀元前一年  
清宣統三年  
陽曆一九一一年

機關名稱

所在地

主要人姓名

武昌文學社

武昌黃鶴樓

蔣翊武劉堯激詹大悲

振武學社於庚戌冬解散後。社員蔣翊武劉堯激王守愚蔡大輔詹大悲章裕昆諸人決議改組爲文學社。召集軍界同志於辛亥元日。假新軍團拜名義開成立大會於黃鶴樓之風度樓。衆舉蔣翊武爲社長。王憲章副之。并派定各會員聯絡各標各營任務。四月更賃小朝街八十一號張廷輔寓樓上作總機關。漢口鄭兆蘭寓及漢陽陳德元寓作分機關。旋派劉堯激王守愚等與共進會洽商聯合行動。是歲八月十八晚蔣翊武彭楚藩牟鴻勛劉復基等即在此被捕。翊武走脫。彭牟龔等被逮。彭劉旋就義。

香港振天聲白話劇社

香港

陳少白黃詠台何侶俠

香港振天聲劇團解散後二年。陳少白黃詠台等至辛亥春復措資改組爲振天聲白話劇社。社員

仍由舊團員黃詠台衛滄海何侶俠歐壽山梁少偉盧我讓劉漢在何少俠諸人充之。所演話劇如自由花、父之過、愚也、直夜未央、賭世界、鳴不平等等。均屬喚醒國魂解放專制之作。是爲粵人創造白話劇之先河。

### 北京國風日報

北京琉璃廠

程家槐白逾桓杜義

此報亦由程家槐等募款創立。編輯人有白逾桓杜義陳家鼎趙世鈺等。專以反對僞立憲及鼓動中央革命爲宗旨。

### 北京國光新聞

北京西草廠胡同

田桐景定成井勿幕

辛亥春各省革命志士羣集北京。謀實行中央革命。田桐亦由南洋抵北京。卽與景定成續西峯井勿幕等同發刊此報。以爲宣傳機關。

### 香港革命軍統籌部

香港跑馬地

黃興趙聲胡漢民

庚戌冬檳榔嶼大會之後。黃興趙聲胡漢民等奉孫總理命先後歸香港。籌備在粵大舉。至辛亥正月。中旬始成立革命軍統籌部於該埠跑馬地三十五號。衆舉黃興爲統籌部部长。趙聲副之。內分

出納秘書儲備調度交通編制調查總務八課。另設分機關多處。并於中環擺花街設實行部。專製造炸彈以備發難及暗殺之用。至二三月間華僑捐款陸續匯到。遂在廣州進行大舉。是為轟動全國的三月二十九之役。

溫高華洪門籌餉局

加拿大卑詩省

馮自由劉儒堃岑發琛

孫總理應馮自由電邀。於是年正月初二日由美東抵溫高華埠。即與致公堂大佬陳文錫書記許昌平各職員發起洪門籌餉局。別名國民救濟會。事務所附設大漢報內。衆推劉儒堃爲會長。岑發琛爲副會長兼司庫。馬延遠陳文錫馮自由爲監督。陳榛如爲中文書記。黃希純爲英文書記。維多利埠致公總堂首將其公產抵押香港幣三萬元。電匯香港統籌部以爲衆倡。辛亥三月廿九廣州之役。加拿大共募款港幣七萬餘元。居各地華僑義捐之第一位。

紐威明士達致公堂

加拿大卑詩省

林鑑吳俠一

紐威明士達又稱二埠。距溫高華約行汽車一小時。孫總理馮自由曾到該埠致公堂募捐。會員頗形踴躍。

多倫多致公堂

加拿大東部

許一鶚 李佛池 黃蔚生

孫總理滿自由會親到該埠籌餉。各埠致公堂會員以此埠爲最熱心。一致通過變賣其自置樓宇充革命軍餉。即匯香港港幣一萬元。

金巴倫埠致公堂

加拿大卑詩省

容家珣

奶磨埠致公堂

加拿大卑詩省

林德渠

滿地可埠致公堂

加拿大圭碧省

林華生

魁北克埠致公堂

加拿大魁北克省

馬傑三

渥太華致公堂

加拿大首都

吳謙民

坎文頓致公堂

加拿大西部

陳竹平

卡忌利致公堂

加拿大西部

雷卓平

溫利辟致公堂

加拿大中部

盧慶文

笠巴士篇致公堂

加拿大西部

馬達

列必珠致公堂

加拿大中部

關平

雷振打致公堂

加拿大西部

黃元仕李公達

京士頓致公堂

加拿大東部

李一平

山打允致公堂

加拿大東部

關策吾

把利佛致公堂

加拿大東部

胡三

沙士加寸致公堂

加拿大中部

黃壁峯

那士比致公堂

加拿大中部

司徒漢民

蘭頓埠致公堂

加拿大卑詩省

李壽

加屬各埠有洪門致公堂者凡五六十處。上列各埠乃孫總理獨自自由會遊歷募餉之地。其他未到之地。以爲期迫促及路程遼遠。未能遍遊。其捐款多匯溫高華洪門籌餉局。由籌餉局按照金額。發給孫總理及李公俠署名之金幣債券。

漢口廣惠公司

湖北漢口

宋教仁張斗樞劉紹襄

此公司設於漢口俄租界寶善里。係宋教仁派張斗樞劉紹襄等組織之祕密通信機關。表面經營礦務。實則計畫兩湖之革命運動。楊舒武居正譚人鳳等抵鄂常在此出入。

### 漢口長清里機關

湖北漢口

譚人鳳居正孫武

辛亥正月黃克強派譚人鳳攜款赴鄂組織機關。運動軍隊。以響應三月廣州之役。譚於是月下旬抵鄂。乃與孫武居正楊玉如楊時傑李春萱鄧玉麟等策動工作。設立機關三處。總機關設於漢口法租界長清里九十八號。

### 武昌胭脂山機關

湖北武昌

孫武胡祖舜楊時傑

武昌山後胭脂巷後十號爲孫武等聯絡軍隊機關之一。各兵士傾心革命者多在此處受盟。楊時傑胡祖舜等主其事。

### 武昌同興酒店

武昌黃土坡

鄧玉麟孫武

黃土坡地在武昌山前陸軍工程營與武建營之間。爲兵士出入必經之小街。孫武鄧玉麟特在此開設小酒店。以聯絡軍人入黨。新軍趨之若鶩。是爲一最得力之機關。鄧玉麟僅領到開辦費一百

元維持四閱月。以資金耗盡歇業。

武昌同興學社

武昌山後

鄧玉麟趙師梅陳磊

黃土坡同興酒店歇業後。孫武鄧玉麟等乃另設機關於武昌山後巡道嶺九號，改名同興學社。由工業學堂學生趙師梅陳磊費孟謙趙患生往來照料。

長沙天星閣機關

湖南長沙

譚人鳳鄒永成劉文錦

辛亥二月譚人鳳邀鄒永成曾傑劉文錦彭莊仲吳任等洽商聯絡軍隊策應廣州事。各派定分途運動職務。并設機關於長沙天星閣下晏家塘。三月初二日召集各營同志軍官在天星閣三樓協商進行。爲清探偵知。報告當局。湘撫余誠格因聞到會人衆。不敢從嚴究辦。

寶慶河街機關

湖南寶慶

鄒永成謝介僧陳自新

是歲三月長沙會議後。鄒永成謝介僧陳自新赴寶慶。設機關於寶慶河街正順成商號。以聯絡軍隊及會黨。岳堯明黃堂成譚二式等助之。因爲清吏搜查。衆多逃省。

廣州人權報

廣州市西關

陳耿夫陳霄九李孟哲

是春陳耿夫李孟哲黃霄九等創設人權報於廣州西關洞第八甫。目的在喚起民族思想。陳黃李三人均老同盟會員。廣州各報中記者全屬同盟會籍者。以此報爲最早。

廣州平民報

廣州市西關

潘達微陳樹人鄧慕韓

此報與國民報人權報同一宗旨。編輯人潘達微廖平子鄧慕韓陳樹人等皆同盟會員。另附設平民畫報以吸收觀衆。爲報界中開一新生面。

廣州軍國民報

廣州市西關

盧岳生

廣州齊民報

廣州市西關

王秋涓鄧警亞

廣州中原報

廣州市西關

盧岳生楊計白

上列三報編輯人多屬同盟會員。是時各報排斥滿清僞立憲及官僚政治。如同一轍。大受觀衆歡迎。清吏畏憚民氣。多視若無覩。

廣州可報

廣州第七甫

陳炯明馬育航鄒魯

此報乃粵諮議局投可票反對開賭案。一派議員陳炯明等所創設。故名可報。開辦時。炯明曾向胡



漢民等求助。故革命軍統籌部撥款千元助之。編輯人有馬育航葉夏聲鄒魯及反對開賭之議員諸人。因載溫生才刺清將軍李崎事。辭涉激烈。被清吏勒令停版。

香港實行部機關

香港中環

喻雲紀李應生

革命軍統籌部於正月成立後。即組織實行部於中環擺花街。并派實行員喻雲紀李應生多人分設機關多處。專任製造炸彈及準備暗殺之用。三月初旬移廣州甘家巷。

廣州革命軍司令部

廣州小東營

黃興譚人鳳林時壘

香港革命軍統籌部於是歲二三月間陸續接到華僑義捐。先後派男女黨員多人赴廣州市內外城租賃房屋三十餘所。供各省同志住宿及貯藏軍械接洽兵隊之用。又開設二米店。以利便擔保租屋。總機關司令部設於城內小東營五號朝議第。總司令黃興及林時壘譚人鳳等居此節制一切。三月二十九之役。黃興率衆進攻督署。即由此出發。所屬城內外各機關街名列後。

廣州蓮塘街吳公館

蓮塘街十三號

何克夫劉梅卿何少卿

廣州蓮塘街頭髮店

蓮塘街

陳鏡波等

廣州二牌樓機關

二牌樓

宋玉琳石經武

廣州嘉屬會館

長堤

姚雨平所部

廣州芙蓉里第四號

舊倉巷

柯漢資錢權李德山

廣州海旁西街寶豐米店

小東門海旁街

黃中理

廣州育賢坊米店

城內育賢坊

梁起黃俠毅

廣州始平書院機關

仙湖街

鍾秀南張六村

廣州粵成頭髮公司

小北門仁安里

郭漢圖呂氏馬祺

廣州甘家巷機關

西湖街八號

李應生李佩書黃鶴鳴

廣州萬福里羅宅

萬福里一七八號

羅錚及其眷屬

廣州廠後街李宅

廠後街十一號

朱應生李沛基

廣州同福堂機關

大東門二十二號

招待華僑同志

廣州大石街機關

大石街

徐維揚莊漢翹朱銘黃

廣州司後街陳公館

司後街

陳炯明

廣州粵秀里機關

粵秀里

胡靈媛梁綺川

廣州瓷器店

高第街

郭冠雄郭典三

廣州容福里劉宅

容福里五號

廣西同志劉古香等

廣州聯勝里機關

高第街

莫紀彭等

廣州天香街機關

天香街

周增輝等

廣州麗真照相館

西關十六甫

楊光漢等

廣州祥龍里陳宅

仙羊街

陳逸生等

廣州謝恩里機關

城內謝恩里

饒輔廷吳雨蒼等

廣州大塘街機關

大塘街

姚友軍等

廣州小南門機關

小南門二十四號

姚雨平所部

廣州觀音山脚機關

觀音山六十四號

不詳

廣州炸粉街機關

城內炸粉街

羅俊等

廣州江家祠機關

府學東街長興里

陸維平等

廣州司後街機關

城內司後街

邱錦芳等

廣州牛巷機關

城內牛巷

陳鐵崖等

廣州泰泉里機關

泰泉舊里

林樹巍梁衛平等

廣州河南但公館

省河南

福建同志方聲洞等

廣州九眼井機關

城內九眼井

王興中葉挺芬等

廣州大馬站機關

大馬站六十四號

不詳

廣州溪峽徐公館

省河南

徐宗漢莊六李晚據

是爲貯藏軍械機關之一。徐宗漢莊六李晚據黃悲漢等居此。外飾胡宅娶親。以掩外人耳目。是役黃興血戰脫險後。卽僱小艇渡河逃至此宅。四月初一日改裝由徐宗漢陪伴搭輪赴港。

廣州省河水上機關

省河大沙頭

李海雲李其陸覺生

是役黃興派李海雲偕李其陸覺生袁玉雲等於發難時設計攻取軍艦。事成。卽由軍艦發砲轟擊水師公所。海雲所設機關卽設於大沙頭紫洞艇。

廣州巡警教練所

省城內

夏壽華陳方度黃一歐

巡警教練所所長湘人夏壽華與革命黨素有關係。湘省同志黃一歐（黃興之子）陳方度李柱中胡國樑柳聘儂等到省。多由壽華照料。所中學生二百餘人大部受盟。準備響應。舉義之日。因與小東營總機關失去聯絡。未克參加。事後黃一歐等各喬裝警察出險逃港。

香港革命軍統籌部出納課 香港跑馬地

李海雲

廣州三月廿九之役。所用軍餉爲歷次革命諸役之最鉅者。香港革命軍統籌部特設出納課以處理之。課長爲香港前遠同源商號司事李海雲。所募軍餉均出諸美國加拿大檀香山南洋英荷諸島安南暹羅各地華僑。美國籌募員爲李是男等計得香港幣一萬二千元。加拿大籌募員爲馮自由計得港幣六萬四千元。英屬馬來亞籌募員爲鄧澤如等計得港幣四萬七千六百餘元。荷屬爪哇等處籌募員爲謝良牧等計得港幣三萬二千五百餘元。檀香山籌募員爲盧信計得港幣二千

元。暹羅安南兩地捐款實數未詳。據事後黃興胡漢民致海外同志報告書所列此役支出表。共數一十萬七千六百三十六元。除十五萬七千二百十三元有數可稽外。其餘當出諸安南曾錫周暹羅蕭佛成等經手募捐者。

#### 廣州革命軍出發隊

廣州小東營

黃興林時壘朱執信

革命軍統籌部原定分十路向城內各機關進攻。定期三月二十九日下午五時半同時發動。嗣以情勢變更。乃改作五路。(一)黃興攻總督。(二)姚雨平攻小北門。佔飛來廟。並迎防營及新軍進城。(三)胡毅生守大南門。(四)陳炯明攻巡警教練所。相約各用白巾纏臂。吹螺角爲號。是日黃興所部預定分二部出發。一部在蓮塘街吳公館。約三十餘人。四川同志及華僑各半。一部在小東營總部。共一百三十餘人。閩人花縣人華僑等屬之。內復分二隊。一攻督署衛隊。林時壘爲首。一攻督署正門。何克夫爲首。均已於上午集合。準備前進。詎屆時各路負責人或以發生誤會。或以交通梗阻。均未依期集合。總司令黃興遂對衆慷慨陳辭。毅然率隊出發。時壘克夫劉梅卿等首攻入督署。殺其管帶金振邦及衛兵多人。興及朱執信搜查粵督張鳴岐不獲。乃縱火而出。至東轅門。

遇清將李準所部來援。時壕劉元棟林尹文等死之。興亦傷右手。猶能指揮所部。分三路往攻督練公所。及出小北門大南門以接應各軍反正。各路同志均與清軍沿途苦戰。殺傷無算。卒以衆寡懸殊。陣亡及被俘者七十餘人。興及餘衆多逃入同志及戚友住宅得免。趙聲胡漢民等率同志三百餘人三十日早由港抵省。知事敗。即分別折回。事後經善堂檢收遺骸。共得七十二人。同志潘達微爲葬於紅花崗。後改名黃花崗。

柳州華熙客棧

柳州四碼頭

陳曉峯黃岱

同盟會員陳曉峯向設華熙客棧於柳州城內四碼頭爲黨人機關。是歲三月與同志黃岱王冠三等籌備響應廣州義師。因聞桂林新軍事洩失敗。憤而自殺。

惠州別動隊

惠州惠陽

羅熾揚陳甫仁

惠州軍務預定與廣州同時發難。香港統籌部預派羅熾揚陳甫仁主其事。因熾揚浪費公款。毫無成績。統籌部乃續派嚴德關及鍾某繼續進行。令於三十日舉事。屆期竟無舉動。

樂從墟別動隊

廣州順德縣

陸領陸常黎廣

黃興定期三月廿九舉義後。即令惠州及附省各隊伍於二十日同時響應。惟屆期祇有順德民軍陸領陸常黎廣譚義等一路發難。是日陸領率數百人首佔槩從團練分局。四月初一日續佔鰲溪公局。初二日進至南海佛山鎮。陣斃清軍防營管帶馬忠中。初三日清提督李準率大兵赴援。民軍以敵衆援絕。遂分路解散。

#### 番禺別動隊

番禺大塘鄉

李福林李雍

番禺民軍首領李福林李雍林駒李湛等受黃興命接濟城內義師。初以舊根據地河南大塘鄉爲集合點。後乃改在大水墟附近。預備依期攻入穗垣。因誤聞二十九日之期已改。屆時遂未發動。

#### 上海同盟會中部總會

上海湖州會館

宋教仁陳其美譚人鳳

庚戌年夏秋間宋教仁譚人鳳陳其美等已提議組織同盟會中部總會。以策動長江革命。衆多贊成。至是年閏六月初六日始假座上海湖州會館開成立會。各省蒞會同志有呂志伊章梓譚人鳳陳其美宋教仁范光啓曾傑鄭螺生楊譜笙陳勒生李源水林斯琛李洽潘鳳華等三十三人。決議派員分發江浙皖贛鄂湘川陝各省同時大舉。



上海楊譜笙宅

上海老垃圾橋

陳其美楊譜笙

陳其美於是年廣州三月廿九之役失敗後。由香港返滬。即極力進行江浙軍事。其辦事機關密設於老垃圾橋北八百二十一號楊譜笙公館。

舊金山新舞台

美國加省

李是男許弁生

是年夏秋間旅美同盟會員李是男等組織新舞台粵劇團。以籌備革命軍餉爲目的。劇員有李是男許弁生等。大受華僑士女歡迎。

榮縣革命軍

四川榮縣

王子襄等

是歲夏清政府決將四川鐵路收回國有。鐵路股東開保路大會力爭。清廷不恤。且派趙爾豐督兵入川勦辦爭路人民。同盟會員王子襄於六月在本縣起事。清兵攻之。以衆寡不敵。退入山中。

小呂宋同盟會

菲律賓馬尼刺

李其鄭漢洪黃三記

菲律賓小呂宋埠華僑志士楊豪侶等於乙巳丙午間（民國六七年）已有聚衆反對滿清立憲及毆傷保皇黨首徐勤之事。時與香港中國日報互通消息。是年春夏間香港南方支部特派李其

赴小呂宋創設同盟分會。孫總理舊同硯閩人鄭漢淇醫生首贊成之。先後加盟者有黃三記王忠誠黃漢傑歐陽鴻鈞林日安鄧寶廷吳宗明諸人。衆舉鄭漢淇爲會長。

小呂宋公理報

菲律濱馬尼刺

鄭漢淇王忠誠吳宗明

小呂宋同盟會既成立。旋措資發刊公理報爲宣傳機關。社址在該埠加里康打拿街四百〇九號。郵箱爲一百四十八號。衆舉鄭漢淇爲經理。吳宗明時編輯。是爲菲島華僑辦報之始。

新加坡南僑日報

英屬馬來亞

盧耀堂黃吉辰

自中興星洲兩報先後停刊。南洋革命黨人之喉舌爲之啞啞者兩載。是年夏始有同志僑商盧耀堂黃吉辰等措資發刊南僑日報。以宣傳三民主義。開辦數月而武昌革命軍起。

舊金山洪門籌餉局

美國加省

孫總理黃三德李是男

是歲五月孫總理重遊舊金山。有鑒於三月二十九廣州一役同盟會與致公堂不能聯合致妨礙籌餉之弊。特令同盟會員一律加入致公堂。以便共同籌餉救國。致公堂大佬黃三德同盟會幹事李是男等均贊成之。決議設立洪門籌餉局。因對外關係。命名曰國民救濟局。局中職員由兩派選

用。以黃三德爲監督。朱三進羅敦怡爲總辦。李是男黃傑廷爲會計。唐瑋昌劉鞠可黃伯耀爲中西文書記。黃芸蘇張鶴蘊趙煜黃富許炯黎等爲遊埠籌餉員。辦事處附設於士波福街三十八號致公堂二樓。於六月二十六日宣告成立。總理復命籌餉局印刷一種中華民國金幣券。凡助餉美金五元以上者。給予金幣雙倍之數。計自開始籌餉之日。至九月廣東光復之日止。共得捐款總數爲美金十四萬四千一百三十元四角一分。至十月初旬。復由駐美洪門籌餉局與致公堂同盟會三團體合舉馮自由爲美洲革命黨歸國參預組織共和政府總代表。并將籌餉局一切帳簿由馮攜歸繳呈革命政府銷號。時全美南北各埠設有致公分堂者百數十處。均一律奉總堂命分任籌餉事宜。茲開列洪門籌餉員遊埠路程所經地名及英文對照如下。

|     |            |     |            |         |                 |
|-----|------------|-----|------------|---------|-----------------|
| 休倫  | Portland   | 西雅圖 | Seattle    | 華利華爾    | Walla Walla     |
| 北加城 | Baker City | 亨定頓 | Huntington | 南巴      | Nampa           |
| 貝士  | Boise      | 卜提  | Butte      | 都喇士     | Douglas         |
| 柯頓  | Ogden      | 梳力城 | Salt city  | 哥那納都士披令 | Colorado Spring |

登佛 Denver

堪薩斯城 Kansas City

士卜頓 Spokane

聖路易 St. Louis

芝加哥 Chicago

先先拿地 Cincinnati

必珠卜 Pittsburg

波地摩 Baltimore

華盛頓 Washington

費利爹化 Philadelphia

紐約 New York

哈佛 Hartford

士丙非而 Springfield

波士頓 Boston

以上從舊金山出發。經美國北部各省由西而東。係孫總理及黃芸蘇擔任。惟孫總理遊至登佛城。即接到武昌起義消息。即與黃芸蘇分途而行。直趨紐約。取道歐洲回國。

冰亨頓 Binghamton

巴夫廬 Buffalo

克利芙蘭 Cleveland

的彩 Detroit

密地遜 Madison

聖保羅 St. Paul

緬梨坡利斯 Minneapolis

柯美賀 Omaha

達歌打 Dakota

爹活 Deadwood

比利 Pierre

納碧城 Rapid City

些尼丹 Sheridan

亞爾高 Elko

委林麥加 Winnemucca

密爾城 Mill City

李糯 Reno

卡臣城雪 Carson city

以上係美國北部及中部路程。原定孫總理黃芸蘇二人抵美東紐約後。即循此路東返。因未抵紐約而鄂省革命軍起。遂爾停頓。

馬些 Merced

馬地拉 Medera

斐市那 Fresno

維沙尼亞 Visalia

些路馬 Selma

亨佛 Hanford

祖拿尼 Tulare

北加斐爾 Bakersfield

歷路士 Needles

傾文 Kingman

埃士霍 Ash Fork

巴士杰 Prescott

知隆 Jerome

威林士 Williams

夫勒士塔 Flagstaff

雲士盧 Winslow

雅柏查 Apache

巴梳 El Paso

火活 Ft. Worth

華方 Waco

柯卡豪馬 Oklahoma

烟顛拿坡尼 Indianapolis 哥倫布 Columbu

尼摩爾 Lemoore

以上一路係由舊金山出發。經美國南部各省。自西而東。乃籌餉員張萬繼趙煜二人擔任。

|                       |                     |                  |
|-----------------------|---------------------|------------------|
| 羅利 Raleigh            | 哥林比亞 Columbia       | 沙灣拿 Savannah     |
| 吳臣威利 Jacksonville     | 麥桿 Macon            | 亞蘭達 Atlanta      |
| 孟金馬利 Montgomery       | 莫比利 Mobile          | 紐柯連 New Orleans  |
| 波蒙 Beaumont           | 家威士頓 Galveston      | 山鴛吞禮 San Antonio |
| 西路佛雪地 Silver City     | 洛堡 Lordburg         | 克禮頓 Clayton      |
| 康勒 Conrad             | 片順 Benson           | 祖慎 Tucson        |
| 斐力斯 Phoenix           | 天馬 Yuma             | 李花西 Riverside    |
| 歷蘭 Redlands           | 山班典奴 San Bernardino | 洛山磯 Los Angeles  |
| 山的古 San Diego         | 柯市勒 Oxnard          | 山達吧吧 Santa Paula |
| 山達坡拿 Santa Barbara    | 林卜 Lompoc           | 戈達露披 Guadalupe   |
| 山曼比市蒲 San Luis Obispo | 沙尼拿 Salinas         | 滑慎威利 Watsonville |
| 山達克樂斯 Santa Cruz      | 吉來 Gilroy           | 日柯些 San Jose     |

山馬桃 San Mateo

以上一路亦屬美國南部。原定由南路籌餉員行抵紐約折回。自東而西。仍返舊金山。旋因武昌義軍已起中止。惟各埠致公堂接到洪門籌餉局捐冊。均於限期內繳回註銷。

孖士打冷埠致公堂

墨西哥國

不詳

萊苑埠致公堂

墨西哥

不詳

加蘭姐埠致公堂

墨國順柯拿省

不詳

威麻埠致公堂

墨西哥國

不詳

扶朗姐致公堂

墨西哥國

不詳

益美利致公堂

墨西哥國

不詳

哥路拿致公堂

墨西哥國

不詳

墨西哥國各埠凡有華僑之地均設有致公堂。與美國及加拿大相同。是役亦響應舊金山洪門籌餉局之義學。捐款均匯交舊金山籌餉局收。

廣州支那暗殺團

廣州韜美醫院

陳敬岳林冠慈李熙斌

香港支那暗殺團劉思復等於是年夏間派團員朱述堂李熙斌陳敬岳林冠慈潘賦西劉鏡源高劍父梁綺神趙灼文諸人赴廣州暗殺清提督李準。得五仙門韜美醫院醫生張清漳學生施正甫李少華之助。假韜美醫院爲進行機關。閏六月十五日林冠慈陳敬岳潘賦西受命分途邀擊李準於道上。林冠慈遇李於雙門底。卽出兩炸彈連擲之。李重傷。衛兵死傷二十餘人。冠慈亦殉義於亂鎗之下。陳敬岳在育賢坊被警兵逮捕。被清吏刑訊不屈。死之。經此役後。李準漸有輸誠革命黨之意。是歲九月遂輾轉託香港議政局議員韋玉向黨人胡漢民李紀堂謝良牧等表示降意。願先獻虎門要塞及所轄艦隊爲進見禮。故辛亥九月粵省得以不流血而光復者。暗殺團一彈之力爲多焉。

廣州順和隆機器廠

廣州河南

何報鴻張佐基何桂棠

此廠設於穗城長勝里。爲張佐基何報鴻何桂棠等開設之老店。張何等於是歲訂盟同盟會後。卽任製造炸彈鐵壳之責。林冠慈陳敬岳等轟炸李準及李沛基周之貞等轟炸鳳山之炸彈。均由此



廠承做。

上海天鐸報

上海望平街

陳止瀾李懷霜夏重民

此報爲漢治萍股東粵人陳止瀾所開設。初屬營業性質。是歲三月二十九廣州革命一役後。報上言論日趨激烈。執筆人有李懷霜戴天仇夏重民等。

桂林南風報

廣西桂林

廖璋

此爲桂省志士廖璋所設之雜誌。論調與廣州國民南越平民人權各報略同。

開封國是日報

河南開封

劉積學劉芬佛楊源懋

是歲廣州三月一役失敗後。豫省同盟會決議大舉進行。并措資創辦國是日報於開封爲宣傳機關。任事者有劉芬佛楊源懋閻子固張鍾端劉積學等。同時復派劉積學赴北京發刊國維日報以資聯絡。

檀香山華文學校

夏威夷島

曾長福楊廣達謝英伯

此校爲檀香山同盟會員會長福楊廣達盧信鍾宇黃亮譚達等聯合該埠殷商趙錦余楫楊年等

集資創辦。聘謝英伯吳榮新爲教員。專以民族主義的教材訓導華僑子弟。

### 維多利同盟會

加拿大卑詩省

高雲山朱文伯方幹謙

是歲春夏間溫高華同盟會會長馮自由派維多利埠同志高雲山組織該埠分會。先後加盟者有朱文伯李翰屏方幹謙黃伯度曾暖司徒衍衢諸人。會址在維多利埠科摩倫街五五四號。

### 福州建言日報

福建福州

林琛黃光弼

此報設於閩省福州南州。爲閩籍同盟會林琛黃光弼等所辦。

### 湖北文學社共進會聯合會 湖北武昌

蔣翊武孫武王憲章

是年七月鄂省革命黨人以聯絡軍隊已臻成熟。遂由文學社之疏翊武王憲章共進會之孫武劉公（仲文）等開聯合會議於武昌山後李宅。即孫武岳家。一致贊成尅日大舉。推翊武爲革命軍總指揮。憲章爲副指揮。孫武爲參謀長。張廷輔蔡濟民劉復基彭楚藩等爲軍事籌備員。并設政治籌備處。推劉公爲總理。胡瑛楊玉如楊時傑詹大悲查光佛何海鳴等爲籌備員。推居正楊玉如赴滬迎黃興宋教仁譚人鳳等來鄂主持大計。

漢口寶善里機關

湖北漢口

孫武鄧玉麟丁笏堂

是爲鄂省革命軍總機關附設之政治籌備處。地址在漢口俄租界寶善里十四號。八月十七日孫武鄧玉麟丁笏堂等在此裝配炸彈。玉麟適以事外出。未久炸彈突然爆發。炸傷孫之頭部。由丁匆遽送往日人醫院療治。案發。巡捕大集。遍搜武昌漢口各機關。逮捕黨人多名。武漢全城大爲戒嚴。各標兵士恐被株連。猝然大舉。因有十九日之反正。

武昌孫堯卿住宅

湖北武昌

孫武

孫武寓武昌工程營後面分水嶺。同志常在此聚集。

鄂省革命軍總機關

湖北漢口

孫武蔣翊武劉公

文學社與其進會聯合進行後。卽設總機關於前所租賃之漢口法租界長清里九十八號。蔣翊武孫武劉公王憲章劉復基李春萱鄧玉麟等常在此會議進行。是歲正月譚人鳳奉黃興命攜款到鄂組織機關三處。此卽其一。

漢口漢興里機關

漢口漢口

牟鴻勛邢白謙

漢口法租界漢興里三十三號亦爲黨人機關之一。革命軍旗及所預備文書佈告多在此籌備。八月十六日探悉清吏有查搜消息。駐守同志弁鴻勛邢白謙梅寶礪謝石欽等乃將各機關文件移至此屋保全。

### 武昌雄楚樓

湖北武昌

劉公楊玉如

武昌雄楚樓第十號爲劉公楊玉如夫婦之住宅。是歲七月卽在此卜居。亦爲衆同志集會機關。時黨中經費拮据。適劉公家中匯來銀五千兩。命劉到北京捐官。劉乃撥充五千元交孫武彭楚藩李春萱等作革命軍費。因之黨人進行大形活躍。及八月初旬。劉公玉如遷居漢口寶善里。同志仍在此住宿。彭楚藩李鴻勛陳達五等卽於十八日在此被捕。

### 武昌中和門雜貨店

湖北武昌

楊鴻勝劉復基

楊洪勝爲憲兵同志。時在武昌中和門開設雜貨店。專供軍隊同志往來。并藏貯旗幟文件。八月十八日宏勝因運送炸彈被捕。旋與劉復基彭楚藩同時就義。

### 漢口寶善里劉宅

湖北漢口

劉公

是歲八月初劉公因起義期近。遂挈眷由武昌雄楚樓遷居漢口俄租界寶善里十一號。與寶善里十四號相距僅數家。十七晚孫武被炸彈爆傷。巡捕搜查鄰舍十一號。捕獲襄陽人劉宗耀及其眷屬龍韻蘭。宗耀韻蘭即劉公夫婦改名也。

### 武昌工程第八營

湖北武昌

熊秉坤金兆龍程定國

武昌新軍第八營工程隊後隊正目熊秉坤預受革命軍總部派駐該隊總代表任務。八月十九日接到是晚八時發難命令。即將子彈分發同志金兆龍任振綱程定國林振邦饒春棠陳連魁等應用。是晚兆龍首開鎗擊平日反對革命之排長陶啓勝。啓勝逃。定國再擊之。洞其胸部倒地。於是秉坤率同志四十餘人俱出。連斃管帶阮洪發司務長張文濤數人。立啓本營子彈庫。齊向日標軍械總庫之楚望台集中。與各路義軍會合。是爲辛亥八月鄂軍首義之第一聲。

### 武昌塘角混成協輜重隊

湖北武昌

李鵬昇李樹芬

八月十九晚武昌革命軍之發難。預令駐草湖門外塘角之混成協輜重隊縱火爲號。該隊總代表李鵬昇接到總機關代表李春萱傳達命令後。卽於是晚七時左右率同志李樹芬攜洋油燈往馬

號燃燒。各營同志見火大起。遂先後發動。鵬昇乃兼領工程隊同志百餘人齊趨南湖集合。

### 武昌南湖第八標礮隊

湖北武昌

徐萬年 蔡漢卿

革命黨駐武昌南湖第八標總代表徐萬年於八月十九日接到鄧玉麟李春實傳達命令。即與同志蔡漢卿孟華臣王鶴年守候發難。是晚八時遙見塘角輜重營火起。漢卿立呼噓而起。遂偕華臣鶴年劉天元陳天寅閔少斌金明山史定邦謝荻南鄒國勳丁敬敬范鴻江等數十人拖礮實彈。向未發動之各營開礮。時各營有響應來歸者。有開拔他移者。漢卿萬年玉麟春實等於是率隊三百餘人礮十二尊。與熊秉坤金兆龍李鵬昇各隊會合。由中和門進至楚望台。各將礮位向總督署放列。

### 武昌革命軍總指揮

湖北武昌

吳兆麟 熊秉坤 蔡濟民

八月十九晚第八營工程隊熊秉坤金兆龍等。混成協輜重隊李鵬昇等。南湖第八標礮隊徐萬年蔡漢卿等。各率隊齊集楚望台。時第三十標同志方維謝湧泉馬明熙等。二十九標同志蔡濟民等。陸軍測繪學堂李翊東方興向訐謨王經武甘績熙等。各率一部先後來會。人數漸衆。聲勢大振。衆

以各人資格較淺。羣推老日知會員左隊隊官吳兆麟爲臨時總指揮官。兆麟既就職。遂令蔡濟民伍正林曠漢卿熊秉坤黃楚楠馬明熙徐達明姚金鋪陳國楨曹飛龍方興李鵬昇徐少斌闕龍岳少武李宗義蔡漢卿諸人各率隊分路進攻督署藩署及保安門城樓。衝突多次。久未得手。蔡濟民蔡漢卿乃主張用火攻。由周定原黃楚楠楊金龍等分三路放火。熊秉坤伍正林復挑選敢死隊向保安門衝鋒。時火勢燃及督署大堂。鄂督瑞澂提督張彪知無可爲。乃由督署西偏穴牆逃出。登楚瑞軍艦。是役革命軍陣亡者有紀鴻鈞等十餘人。受傷者闕龍等二十餘人。於是全城大定。奠定中華民國基礎之第一幕。

漢口混成協部隊

湖北漢口

林翼支宋錫全胡玉珍

八月二十日晨。駐漢口漢陽之混成協部隊第四十二標同志林翼支宋錫全胡玉珍周拓疆等得武昌革命軍勝利訊。亦即舉兵反正。不血刃而佔領之。於是武漢三鎮大定。

湖北革命軍政府

湖北武昌

黎元洪蔡濟民李翊東

革命軍佔領武昌後。衆以蔣翊武劉公孫武諸首領均不在城。諸事乏人主持。因協統黎元洪頗得

士心。吳兆麟等乃迎至楚望台。欲推戴爲軍政府都督。元洪力辭。二十日午衆擁元洪至諮議局仍申前請。元洪仍弗允。蔡濟民高尚志陳磊張振武李翊東等十餘人力與爭辯。請元洪暫維現狀。元洪執不可。翊東乃威之以鎗。元洪始唯唯。但仍不肯署名於公文。僅由翊東代書一黎字於安民布告後。轉瞬黎都督之安民布告已遍貼全城。元洪亦無可如何。衆見元洪態度如此。濟民乃提議組織謀略處。以爲處理急要機關。當推蔡濟民吳醒漢張廷輔高尚志徐達民王憲章王文錦陳鴻誥謝石欽十五人分任各職。下設祕書參議兩廳。以張景良爲參謀長。楊開甲吳兆麟副之。馮禹弼長文書。向訐謨長會計。方定國爲司令官。並推李翊東爲敍賞長。司賞罰。張振武副之。二十一日即用黎元洪名義通電全國。并照會駐漢口各國領事。以上爲鄂軍政府最初期之佈置。其後數經變化。另有專載。可不贅述。

### 天門鄂軍副都督

湖北天門

劉英劉鐵

同盟會員劉英劉鐵早由日本歸國。擔任鄂省襄河一帶革命運動。英曾被推爲革命軍副都督。及聞八月十九日武昌發難。即在豐樂河起義。號召京潛天河各屬所部數千人進據天門。號稱鄂軍



副都督。後以鄂局漸定。乃將所部交劉鐵宋鎮東等遵令改編。

荆宜革命軍總司令

湖北荊州

唐犧支

駐荊州宜昌軍隊原爲黎元洪所部第四十一標之一部。其司務長爲文學社員唐犧支。早與革命黨聯絡。及聞八月十九武昌反正。唐乃率衆響應。即圍攻荊州。清將軍聯魁及各官吏全部投降。唐號稱荆宜總司令官。後改編爲第七鎮。

長沙革命黨總機關

湖南長沙

曾杰焦達峯鄧永成

辛亥三月廿九廣州一役失敗後。焦達峯楊任劉文錦劉承烈等在漢口與孫武等決議繼續進行。先後返湘。以曾傑所辦之文明繡業女學堂爲總機關。定分三路發動。西路楊炎王公炎。南路焦達峯。中路鄧永成謝介僧。并設立分機關多處。派定各同志負責聯絡各方面起義事宜。述列如次。

賈公祠體育學堂

袁劍非袁天錫文斐文經緯易宗義吳作霖成邦傑等

優級師範學堂

伍任鈞等

實業學堂

周岐唐鎔等

明德學堂

楊毅等

高等學堂

李隆建 李正鏢 劉觀海等

中路師範學堂

劉謙等

邵陽中學

賀宣午等

陸軍小學

王大楨 陳圖南 黃承笏 劉敦榮 潘培敏等

警察局

汪性恂等

長沙作民譯社

湖南長沙

焦達峯 鄒永成 安定超

是歲七月間四川鐵路風潮益加擴大。鄂湘兩省軍界有一觸即動之勢。焦達峯鄒永成時約軍界同志安定超曾楚章吳瑞卿彭友勝丁惠黎楊玉生丁炳堯鄧超劉安邦熊光岳湯致中譚心休謝楚生等。日在府東街作民譯社計劃加緊發難方法。及八月十九日武昌反正。湘撫余誠格知新軍勢呈搖動。遂與巡防營統領黃忠浩商調各縣防軍來省彈壓。湘紳龍璋數勸忠浩乘時反正。忠浩弗從。二十七日達峯召集軍政學各界同志安定超等百數十人於賈公祠體育學堂。決定於三十

日晚舉兵。由礮兵營李金山舉火爲號。屆時金山因戒備森嚴。未能舉火。故改期初一日。

### 湖南革命軍政府

湖南長沙

焦達峯陳作新安定超

九月初一日晨安定超臨時約集同志劉光瑩等。決由四十九標立時發動。卽放信礮動員。各營聞聲紛紛齊集。定超及彭友勝李金山等遂各率所部分佔軍裝局諮議局等機關。隨由焦達峯陳作新等領導合攻撫署。巡撫余誠格已逃。統領黃忠浩伏誅。長沙大定。翌日各界集諮議局。公推達峯爲都督。陳作新副之。未幾漢陽失守。鄂省乞援之電數至。達峯乃派王隆中率起義部隊先後赴援。君憲黨以城內空虛。遂於初十日煽惑黃忠浩舊部爲亂。達峯作新相繼被害。舊諮議局長譚延闓繼任都督。

### 陝西復漢軍大統領

陝西西安

李仲特張鳳翽錢鼎

陝西革命運動向由同盟會員李仲特井勿幕景定成等主持。軍隊締盟者頗衆。是歲八月間已紛傳革命黨將大殺滿人之說。清巡撫錢能訓及將軍文瑞已分給鎗械於旗滿人。加意防備。及九月十九日武昌警報至。文瑞迭逮捕軍界有嫌疑者數百人。人心洶洶。第一標第三隊將校同志錢鼎

遂傳告各營同志。謂非從速舉義。無以自存。僉定九月一日爲期。屆時各同志大會於森林間。卽以第一隊長張鳳翽率所部佔軍械局。第三隊隊長張益謙佔城門。錢鼎率陸軍中學堂學生佔布政使銀庫及重要局所。文瑞率旗人力戰敗退。投井死。各界人士及同盟會員乃在軍械局開會。公推鳳翽爲全陝復漢軍大統領。錢鼎副之。後倣各省例改稱都督副都督。

#### 廣州成記暗殺機關

廣州倉前街

李沛基梁綺神周之貞

辛亥三月廿九事敗後。黃克強得美洲籌餉局接濟港幣一萬元。專用爲轟炸駐粵滿清大員之用。卽派李應生周之貞等主其事。李周等遂與支那暗殺團員梁綺朱述堂等合作。至是歲八月間清將軍鳳山將蒞粵。遂由綺神賃一店於南關倉前街。榜其名曰成記號。預製大炸彈三具備用。以應生之弟沛基司之。九月初四晨朱述堂探悉鳳山已到天字碼頭。急馳往報信。未幾。鳳山率衛隊過店前。沛基卽自樓上扳木機。將炸彈擲下。鳳立斃。卽死衛隊多人。同志皆無恙。

#### 太原革命軍政府

山西太原

閻錫山姚維藩溫壽泉

晉省革命運動。早年已由留東晉籍學生景定成溫壽泉榮福桐谷思愼景耀月趙戴文閻錫山何

澄王蔭藩榮炳李鳴鳳王用賓劉鹽訓諸人歸國後分途向各方面進行。是歲武昌反正消息傳至。清巡撫陸鍾嶠擬派兵出守潼關。新軍參謀姚維藩對閻錫山溫壽泉各將領主張乘時反正。衆然之。遂定期是月八日舉兵。派定進攻撫署及旗城等任務。黎明維藩等率新軍攻入撫署。鎗斃鍾嶠及其子光熙。協統譚振德管帶熊國斌等。衆開會推錫山爲都督。壽泉爲副都督。

九江革命軍政府

江西九江

丁人傑馬毓寶徐世法

鄂軍起義後。長江震動。南京原派五十三標標統馬毓寶在九江駐防。惟馬部兵士早受湖北革命機關代表丁人傑之運動。九月初二日羣起要求毓寶反正。毓寶從之。即日通電附義。稱九江都督。翌日湖口武當各礮臺臺官徐世法亦舉義旗反正。因之由武昌東退之各清艦進退失據。不得不降。

九江海關署機關

江西九江

林森黃鍾英

武漢既反正。駐鄂清海軍海容海琛海籌江貞湖應湖鶚各艦遂東駛至九江停泊。時林森在九江海關署供職。以海軍兵士多閩籍同鄉。遂密與聯絡使之反正。即以九江海關署爲接洽機關。各艦

長黃鍾英劉冠雄等咸表同情。於是月二十六日易幟附義。

### 江西革命軍政府

江西南昌

馬毓寶吳介璋彭程萬

九江光復後數日。駐南昌新軍亦於是月初九日宣佈反正。推十七協協統吳介璋爲都督。贛撫馮汝驥自殺。至二十二日彭程萬突稱奉海外孫黃命接任都督。介璋因之力辭。各界遂舉程萬代之。未幾程萬亦辭。各界乃舉漳軍都督馬毓寶承乏。毓寶延至十月十九日始抵南昌就職。

### 滇西革命軍都督

雲南騰越

張文光陳雲龍

同盟會員張文光早年與楊振鴻謀在滇西騰越永安等處舉義不成。及聞武昌革命軍起。遂由緬甸潛歸騰越。召集會員於寶峯山之寶峯寺。糾合駐騰陸軍第七十六標第三營及西防防軍第四五兩營。尅期九月六日舉兵。是日午後七時發動。文光首擊殺第四營管帶曹福祥。第三營排長陳雲龍亦斃其管帶張桐。合兵入城。圍攻鎮署及軍械局。清總兵張嘉錕拒戰不支。吞金自殺。衆開會舉文光爲滇西都督。其起義實早於昆明三日。旋派兵收復永昌永平龍陵永康順甯緬甯雲州雲龍等十餘府縣。聲勢大振。雲南軍政府成立後。任文光爲協都督兼大理提督。後文光以爲宵小所

忌。遂於民二年五月自請解職。赴日留學。卽返騰省親。復爲仇者殺害於城南浴池中。

雲南革命軍政府

雲南昆明

蔡鐸李根源羅佩金

是歲六七月蜀路風潮起。滇中軍界早受同盟會策動。躍然欲試。嗣先後聞武昌及騰越舉義。陸軍各將領日在羅佩金唐繼堯等私宅開會。定議重陽日分兩路發難。一路由陸軍第三十七協統領蔡鐸率羅佩金唐繼堯劉存厚雷騰建鐸謝汝翼庾恩賜劉雲峯李鳳樓等各部進攻總督署及各局所。一路由雲南講武堂總辦李根源率李鴻祥劉祖武張開儒等各部進攻軍械局及各衙署。約定是夜三時發難。屆時各路火起。李部首攻軍械局。苦戰數時陷之。清統制鍾麟同負傷逃。佩金率衆圍攻督署。至初十日午後一時始破。滇督李經羲逃。鐸根源等遂設大漢軍政府於兩級師範學堂。衆開會推鐸爲正統領。根源爲副統領。又以經羲治績圓通。特許其輩金離滇。後數日復改推鐸爲都督。

資州卅一標反正

四川資州

陳鎮藩楊毓林黃以霖

是歲六月清廷派端方率湖北陸軍第卅一標赴川平定鐵路風潮。該標兵士多隸革命黨籍。七月

廿九日到達四川資州。及八月十九武昌起義消息傳至。端方諱莫如深。自改漢人「陶」姓。以期免禍。終爲各營所悉。第一營管帶陳鎮藩卽於九月十二日約集同志楊毓林趙振民李紹白胡浩然黃以霖陳國幹等二十餘人舉兵反正。獲端方及其弟錦於天上宮廟前而手刃之。衆開會舉陳鎮藩爲總代表。黃以霖爲第一營代表。楊毓林爲第三營代表。卽開拔回鄂參加北伐。十一月六日返抵武昌。

### 湖北戰時總司令官

湖北漢陽

黃興李書城

鄂軍政府成立後。八月廿五日黎元洪親出誓師。以何錫蕃爲臨時總指揮。率兵渡江。迎清軍於劉家廟。一戰勝之。相持三日。九月初一日清軍以軍艦測擊。我軍失利。錫蕃受傷離職。元洪乃改派張景良爲總指揮。數戰敗退。孟華臣徐少斌等陣亡。旋發覺景良有漢奸嫌疑。漢口軍政分府詹大悲奉令殺之以懲。元洪復先後改派姜明經林翼支爲總指揮。均不得力。我軍退至劉家花園與六渡橋一帶。死傷疊疊。初七日黃興自上海來。軍心爲之振奮。元洪徇衆意。乃於十三日特設將臺於軍政府前。拜興爲戰時總司令官。親授以印。興卽設總司令部於漢陽城北之伯牙臺。以李書城王孝



續吳兆麟楊應章吳醒漢高尙志胡祖舜等分任各職。是月二十七日夜大舉進攻漢口。迭佔水電廠及玉帶門一帶。敵將馮國璋登車欲逃。天明敵援大集。湘軍廿與典部多新兵。不支潰退。全軍受其影響。亦退。渡河時傷亡頗衆。十月初四日清軍以強大兵力強渡漢水。黃總司令逐日親臨前線。我軍敢死隊長金兆龍受傷。各山陣地相繼不守。是夜黃總司令選派敢死隊百餘人冒險搶奪磨子山敵營。縱火焚之。各軍亦續佔扁擔山。旋以湘軍統領劉玉堂中敵陣亡。我軍孫宏斌甘緝熙諸將各負創傷。磨子扁擔兩山得而復失。初六日十里舖陣地迭受敵軍攻擊。因而不守。翌日初七日漢陽遂告淪陷。黃總司令於敗後退至武昌。軍政府即召開軍事會議。延黃報告漢陽戰役經過。黃報告既畢。自願親往上海攻取南京。以爲鄂軍聲援。遂於當晚偕李書城搭江輪赴滬。衆推蔣翊武繼任總司令。

順德樂從墟革命軍

廣東順德

朱執信陸領陸常

湖北義師既起。粵省號稱革命策源地。遲遲未能響應。大爲各省同志所不滿。時胡漢民任南方支部長。朱執信胡毅生佐之。執信等專注重附城之南番順等縣綠林會黨方面。是月初旬順德黨首

陸領陸常等在該縣樂從墟起義。粵督張鳴岐派鄉紳江孔殷率防軍攻之。黨軍敗退潰散。

### 惠州博羅歸善革命軍

廣東惠州

陳炯明王和順

武漢起義後。粵省同盟會員多恥落人後。紛紛赴省城外各縣活動。陳炯明王和順二人各謀在惠州大舉。一稱明軍。一稱順軍。是月十一日分途在歸善博羅二縣起義。清提督秦秉直率兵拒之。與兩軍大戰於城外之飛鵝嶺。清兵敗績。旋於十五六等日獻城出降。

### 上海革命軍敢死隊

江蘇上海

張承樞劉福標田鑫山

九月十三日上海光復之前。先有革命軍敢死隊之組織。隊長爲中國公學學生湖北人張承樞。初在北火車站旁一張義興裁縫店樓上組織一招兵機關。由其友田鑫山劉福標孫紹武王老九等代招幫友千餘人往武昌投效。將行往告其師于右任於民立報。于介紹陳其美相識。謂既有多人。即可在滬舉事。何必往鄂。由是逐日在民立報或馬霍路陳宅。與其美楊譜笙高爾登沈縵雲葉惠鈞等協商進行。十三日率領敢死隊進攻江南製造局。而最先受傷者即承樞鑫山福標等。此外尚有河南留日學生劉基炎張國威潘印佛李愷田璧臣等亦加入敢死隊。

上海革命軍政府

江蘇上海

陳其美高爾登張承樞

九月十三日陳其美召集各有關同志在上海斜橋某園開最後會議。決定是日下午四時全體在九畝地集合後。卽向高昌廟江南製造局進攻。由高爾登任總指揮。屆時會於九畝地者數千人。其美爾登楊譜笙張承樞劉基炎張國威李平書吳懷九沈縵雲徐寄塵葉惠鈞俱在。軍械及服裝整齊者只有商團數百人。承樞所領敢死隊及學生等最先前進。惟人衆械少。僅憑一鼓勇氣而已。敢死隊首向製造局鐵門衝鋒。投擲炸彈十餘枚。防軍機鎗齊發。黨軍仆地五十餘人。承樞劉福標田鑫山均負傷。敢死隊以無後援。乃向上海城內撤退。時城內清吏已逃走一空。毫無抵抗。黨軍遂在警察學堂設置司令部。并宣布上海縣城光復。卽由民立報遍發號外。租界各店戶均懸旗慶祝。先是其美於黨軍前進時。已偕巨紳李平書從間道徒手入謁製造局總辦張楚寶。勸其歸降。楚寶不聽。令所部用鐵索鎖其美於柱上。至半夜。黨軍李燮和張承樞陳漢欽張國威等各路復聯合進攻。製造局聲勢更盛。有廣東機器工人一隊與局內工人裏應外合。尤爲得力。楚寶聞上海城已失守。知大勢已去。遂亦逃入租界自保。至十七日。各界在小東門內海防廳開會討論組織政府事宜。黃

郭提議舉其美爲滬軍都督。衆多贊成。卽日成立上海軍政府。

吳淞光復軍政府

江蘇吳淞

李燮和黎天才

湘人李燮和於辛亥廣州三月廿九一役敗後。卽奉黃克強命至滬運動革命。嗣鄂軍舉義。遂聯絡駐淞滬粵軍濟字營黎天才部相機反正。九月十三日陳其美先入江南製造局。勸總辦張楚寶投降。爲楚寶鎖禁一夜。燮和乃令防營管帶陳漢欽馳援。與敢死隊同出其美於險。事後燮和以受防軍一部擁戴。欲得滬軍都督一席。而紳商界多屬意其美。黃宗仰力勸燮和勿爭。并任代向猶太人哈同募捐所部餉糈。燮和乃號召黎天才一軍在吳淞組織軍政府。亦稱都督。號光復軍。旋派天才率所部參加會攻南京之役。

香山前山反正軍

廣東香山

劉思復何振任鶴年

粵省香山縣前山地與澳門隣接。是歲粵督張鳴岐因葡人侵佔界地事件。特調新軍一團在此駐紮。該團將士在庚戌（民前二年）正月倪映典領導反正時。多與同盟會發生關係。及武昌革命軍興。同盟會員劉思復莫紀彭林君復鄭岸父等遂在澳門組織機關。策動該軍反正。該軍官長何

振任鶴年陳可珏等毅然應之。遂於九月十七日宣告獨立。號稱香軍。卽旋師向省城進發。全軍未抵石龍。而粵督張鳴岐已出走。省城不流血而大定矣。

貴陽革命軍政府

貴州貴陽

張百麟黃澤霖楊盡誠

黔省革命運動。早由自治黨諸首領張百麟鍾昌祚黃澤霖等計畫成熟。以屢遭君憲派任可澄劉顯世等之破壞。未能如期進行。是年鄂軍起義訊至。九月十日張百麟約軍政學各界同志在自宅開會。決定十五日大舉。事爲任可澄偵悉。遽向黔撫沈瑜慶告密。瑜慶乃召劉顯世胡景翼郭重光等。各率所部欲盡捕自治黨人而殲之。百麟澤霖等聞訊。卽通告各同志提前十三日發難。是日夜九時陸軍學堂學生率先發難。夜半新軍司務長楊樹青首發鎗擊標統袁義保於本營。義保及衛兵駭逃。隊官趙德全葉占標等遂率全標反正。十四日衆舉教練官楊盡誠爲正司令。趙德全副之。黎明整隊入城。澤霖亦自城內率法政警察各校學生開城門迎之。沈瑜慶令撫署衛隊反抗。無應之者。知大勢已去。乃派勸業道王玉麟赴諮議局議降。大局既定。自治會遂領導各界。推舉盡誠爲都督。德全爲副都督。盡誠不久領軍北伐。德全代其職。

## 江蘇革命軍政府

江蘇蘇州

程德全劉之潔

上海光復後。駐蘇軍清軍標營躍然欲動。九月十四夜滬軍都督府派民軍五十餘人專車赴蘇。先赴楓林橋新軍營伍宣告反正宗旨。軍官劉之潔等均表同情。遂於翌日十五日晨全軍陸續進城。請見蘇撫程德全要求宣告獨立。德全從之。即日成立江蘇軍政府。由各界推德全爲都督。下設四部。一民政部部長張謇。一財政部部長應德閔。一交涉部部長伍廷芳。一司法部部長鄭言。

## 浙江革命軍政府

湯壽潛朱瑞夏超

浙江軍隊早與革命黨人陳其美龔寶銓陶成章等發生關係。武昌起義後。其美嘗親至杭州策動。以浙撫增韞戒備嚴密。一時不易進行。九月十三日諮議局副議長沈鈞儒謁韞。請將滿人編入漢籍。以免戰爭。韞拒之。翌日紳商各界羣請韞宣告獨立。仍不允。時黨人余煒夏超朱瑞陶成章龔寶銓蔣介石葛敬恩姚勇忱周承弼葉頌清童保暄馮熾中諸人均齊集杭城。日與駐軍將士在吳山湖干諸地會議發難。已臻成熟。遂於是晚二時由城南北之新軍同時舉事。先以炸彈焚燬撫署頭二門而佔領之。次據軍械局。擒獲增韞。釋之。將軍福濟出降。衆乃戮其協佐領貴林存炳哈楚章量

海四人。以爲反抗者戒。旗人悉編入民籍。各界開會舉浙路總理湯壽潛爲都督。

石家莊吳祿貞司令部

直隸石家莊

吳祿貞張世膺

清廷聞山西反正訊。卽派陸軍第六鎮統制吳祿貞爲晉撫。率兵收復。祿貞素具革命思想。早年與唐才常秦力山等關係密切。至是乃駐兵石家莊。與第二十鎮統制張紹曾相約。以第六鎮與第二十鎮。一由石家莊。一由灤州。上火車。假清君側爲名。光復北京。其司令部卽設於正太鐵路車站。清員勒載濤探悉其計畫。特派奸徒馬薰田周符麟等赴石家莊伺機行刺。九月十六日夜。祿貞正候閻錫山所派代表景定成仇亮姚太素等由娘子關來會。忽有刺客多人衝門入室。衆鎗齊發。祿貞及其部屬張世膺周維楨等均殉之。祿貞一死。實令黨人之中央革命計畫盡成泡影。於日後中華民國前途之安危。關係絕鉅。

廣西右江國民軍司令部

廣西柳州

柯漢資胡岱銘

桂省同盟會員柯漢資奉香港南方支部命回桂運動起義。是歲九月初六日歸抵柳州。卽在城內華熙客棧內設立機關。召集同志王冠三劉震寰錢權胡岱銘諸人。初定議由柳州桂林南甯三處

同時大舉。後以迫不及待。決就近在柳州先行發難。佔銘原任水師管帶兼巡防營管帶。即以所部舉旗反正。漢資權震寰冠三等各率民軍響應。一舉而佔柳州城。清右江鎮陳仲賓兵備道沈炳炎等同時納降。解職離境。衆乃組織廣西右江國民軍司令部。通電桂林南甯等處長官促令參加義舉。并派員請劉古香到柳主持。

#### 鎮江革命軍政府

江蘇鎮江

林述慶許崇灝柏文蔚

鎮江原駐有清軍兩團。在武昌起義前已由中部同盟會宋教仁派代表歐陽振聲蒞鎮。與該團官長同志林述慶許崇灝柏文蔚等聯絡成熟。及上海光復。述慶等即於九月中旬號召全軍反正。即成立鎮江軍政府。衆舉述慶爲都督。述慶旋率所部會攻南京。世稱鎮軍。

#### 廣西革命軍政府

廣西南寧

沈秉堃陸榮廷譚浩明

桂省民黨劉古香王獅靈周毅軍柯漢資劉震寰諸人於武昌首義後。各就地方舉義。巡撫沈秉堃知大勢已去。於九月十六日與布政使王芝祥諮議局議長秦步衢議決宣告獨立。士紳欣然。公推秉堃爲都督。王芝祥陸榮廷爲副都督。二十日夜陸榮廷忽以防營暴動。先劫藩庫。次佔諮議局及



電報局。秉堃於是萌退意。藉口北伐離桂。榮廷繼任都督。至十月初九日。榮廷以各地民軍勢盛。許其編入北伐軍及接濟餉糧。不久榮廷赴桂林。譚浩明攝其事。即取消原議。各路民軍大憤。推周毅軍入謁浩明。重伸榮廷所允前約。浩明乃令所部黃大培商聚金等將毅軍殺害以示威。且陸續以武力消滅各路民軍。厲行專制。自是桂省軍政大權全入榮廷系手。

### 廣東革命軍政府

#### 廣東廣州

#### 胡漢民陳炯明

是歲八九月間粵省各路民軍紛紛起事。以策應鄂軍義舉。清提督李準自被林冠慈炸傷後。漸有輸誠革命黨之意。及武昌事起。益知清運告終。遂於九月初旬密託香港議政局員韋玉向民黨表示好感。同盟會南方支部長胡漢民乃親函致準。許以保全生命財產名譽。準得書。遂先獻虎門要塞爲信。並云已令省河各兵艦定期十九晨反正。是時紳商各界適於十八日集議文瀾書院。羣請粵督張鳴岐宣佈獨立。擬翌日推鳴岐爲都督。龍濟光爲副都督。鳴岐初尙猶疑。嗣得準濟光二人電話。均贊成反正。知事無可爲。卽於當晚走香港。十九日各界再開會舉胡漢民爲都督。未到任前。以陸軍協統蔣尊簋暫代。二十日漢民偕港商李煜堂等十餘人由港抵粵就都督職。粵局遂定。

江浙聯軍總司令

江蘇南京

徐紹楨

清江督張人駿自鄂軍起義。卽慮駐寧新軍第九鎮乘時反正。特飭張勳及趙曾鵬率各防營嚴密防範。并令統制徐紹楨移所部於秣陵關。張勳復派人行刺紹楨於軍營。紹楨大憤。乃於九月十七日宣告獨立。十九日晨率所部進駐雨花臺。爲張勳騎兵所阻。不得進。乃退據高資龍潭一帶。張勳聞有內應。閉城搜獲可疑軍民不下千人。盡戮之。黃興宋教仁等乃號召上海吳淞蘇州鎮江浙江各路軍隊合攻南京。共推紹楨爲江浙聯軍總司令。十月初四日以後。聯軍連續佔領烏龍山幕府山獅子山孝陵衛雨花臺北極閣清涼山浦口各陣地。十二日清將曹榮華胡令宣等出降。人駿及將軍鐵良走匿日本領事署。乘日艦逃脫。勳率殘部二千人走徐州。南京遂定。衆請江蘇都督程德全移駐南京。

福建革命軍政府

福建福州

孫道仁彭壽松許崇智

閩省革命運動。早由東京同盟會先後派鄭祖蔭林斯琛李恢等回國設法進行。是歲湖北舉義後。湘人彭壽松以素與福建第十鎮新軍內哥老會員有密切關係。特由長江回閩組織軍警特別同

盟會策動反正。成效大著。清將軍樸壽對新軍久懷疑忌。至是更遍發槍枝於所有旗民。并派捷勝營堅守各城門。如臨大敵。壽松乃約請鎮統孫道仁於江上舟中逼其反正。道仁從之。九月十八夜四時新軍推第二十協協統許崇智爲總指揮。入城圍攻旗界。以學生三十人爲炸彈隊。充前導。同時在于山架礮向旗界射擊。旗兵死傷無算。清總督松督遂於十九日吞金自盡。旗兵仍頑強抵抗。二十日午後民軍派炸彈隊攻入將軍署。擒將軍樸壽而殺之。都統勝恩亦降。被俘旗兵概遣送回籍。同盟會與各界同舉道仁爲都督。軍政府下設參事十人。以壽松任參事會長。祖蔭斯琛恢黃光弼劉通王孝績陳景松陳承澤等任參事。參事會後改稱政院務。

新加坡閩粵保安籌餉局

英屬馬來亞

羅卓甫陳嘉庚沈聯芳

鄂軍起義後。閩粵二省先後響應。旅新加坡閩粵僑商各界乃發起籌助本省軍餉。名之曰籌辦某省救濟保安捐。粵僑假中華總商會爲辦事所。舉羅卓甫爲總理。廖正興副之。閩僑以天福宮畫一軒爲辦事所。舉陳嘉庚爲總理。陳順善副之。雙方幹事爲沈聯芳陳楚楠張永福陳武烈陳新政潘兆鵬趙克庵陳先進留鴻石沈子琴劉七輝張順善洪福彰黃甫田等百數十人。各募得義捐二十

餘萬元電匯本省革命政府。

汕頭南路光復軍

廣東潮州

許雪秋陳宏生陳湧波

丁未四月潮州黃岡起義一役之敗將許雪秋陳宏生余丑陳湧波等避往南洋多年。是歲聞武昌起義。即於九月初旬返香港。時陳炯明鄧鏗林淑真等方有事於惠州。許等遂撥款二萬元助之。旋結伴回汕頭。即號召舊部起事。稱廣東南路光復軍。先後光復汕頭饒平潮安惠來大埔諸縣。設司令部於汕頭舊道署。并倡議組織北伐隊參加北伐。民元後正積極編練。降將清總兵吳祥達挾丁未汕尾舊恨。突於民元三月二十六日。以降卒圍攻舊道署。擒雪秋宏生湧波等殺之。事後電告都督陳炯明。誣以縱兵殃民罪名。炯明竟置不問。潮人莫不冤之。

美國華僑革命飛機隊

美國舊金山

馮自由李綺庵威爾霍斯

武昌起義後半月。馮自由梅培二人向舊金山洪門籌餉局提議撥款由美國購買飛機。組織華僑革命飛機隊回國參加革命。即由籌餉局委託梅培在芝城辦理購機及延聘機師事務。先後購得寇締司式機六架。并聘定美人修機師威爾霍士與同志助手李綺菴余夔二人。於十一月下旬攜

機抵滬。時南京政府成立未久。卽由孫大總統令撥南京後湖空地爲飛機場。民元二月中旬飛機第一次試飛。因所聘同志飛行家譚根在美候領萬國飛行執照。尙未歸國。乃由朱卓文駕駛試飛。僅飛高數丈。卽降落損壞。事後上海各報均載有飛行家馮某駕機騰空五千餘尺。北京各報亦載此電。袁世凱卽據以爲威嚇清帝后退位之資料。其後飛機隊以缺乏駕駛員。始終未能參加作戰。威爾霍斯於南北統一後返美。

長江海軍各艦敢死隊

江蘇鎮江

陳復劉樾

停泊長江上游海軍各艦於上海光復後，因各艦官長多首鼠兩端。延未反正。有鏡清軍艦幫帶同盟會員粵人陳復特聯絡各艦學生劉樾劉勳名楊砥中常光球等三十餘人。組織敢死隊。突然於九月二十一日夜起事。強逼官長反正。各艦同時響應。願爲民國効力。於是一律開往鎮江。歸於鎮江軍都督林述慶治下。計該艦隊爲鏡清保民楚觀江元江亨建成通濟楚同楚泰飛鷹楚濂虎威江平及張字號魚雷艇共十四艘。民軍得此生力軍。聲勢益振。

安徽革命軍政府

安徽安慶

吳春陽李烈鈞孫毓筠

皖省革命黨人於武昌起義後。即謀在各地發難。阜陽程穉周壽縣張匯滔先後起兵。同盟會員吳春陽等亦聯絡安慶新軍六十一標反正。將次得手。事爲清總統胡永奎偵知。乃於九月初五日預將新軍所用子彈全數收回。初九夜新軍相約舉事。以缺乏子彈。爲永奎所制。不得前進。是標旋被皖督朱家寶解散。諮議局以大義責之。家寶乃允宣告獨立。改稱軍政府都督。十九日有王天培者。自稱爲黎元洪委派之都督。向家寶索取印信。皖垣秩序一亂。二十一日潯軍政府參謀長李烈鈞派黃煥章爲總司令官來皖。二十四日所部以索餉不得。遂焚燬都督府。奪軍械局。劫庫款。家寶聞警。絕城逸。是夜潯軍復大掠城中紳富及商店。蹂躪一空。吳春陽乃向煥章責問。煥章慘殺之。未幾。烈鈞復率軍至。勦除亂兵。士民因請烈鈞暫攝都督。十月八日烈鈞去皖。各界乃公舉孫毓筠爲都督。時大通軍政分府黎宗嶽覬覦都督一席。遂於毓筠過大通時劫之以兵。毓筠退蕪湖。各界乃派員向宗嶽調解。各省都督亦有去電責備者。宗嶽始不敢逞。十一月二日毓筠抵皖。以師範學堂爲都督府。初三日就職。皖局至是粗定。

## 京津同盟會

直隸天津

黃復生彭家珍趙鐵橋

清政府因鄂省反正。遂於九月初旬大開黨禁。釋汪兆銘黃復生羅世助於獄。復生被釋後。卽赴天津。與同志彭家珍李石曾張煊趙鐵橋杜黃裳陳憲民黃子賓羅偉章譚熙鴻等二十餘人組織京津同盟會。以爲中央革命之樞紐。并賃俄租界一洋房爲機關。衆推復生家珍鐵橋偉章等往滬聯絡南方黨人。請求接濟。復生等遂留滬製造各種爆裂品。以供軍用。家珍更被推爲北方暗殺部長。擔任由秦皇島密運軍械炸彈入京相機進行。

天津民意日報

直隸天津

趙鐵橋張煊甄亮甫

此爲京津同盟會所發刊之言論機關。社址設於天津法租界。以鼓吹實行中央革命爲宗旨。主持者有李石曾趙鐵橋張煊羅世助甄亮甫諸人。民國元年尙繼續出版。

北方共和會

直隸天津

凌鉞白雅雨王葆珍

湖北義師既起。京津一帶同盟會員凌鉞白逾桓白雅雨王法勤王葆真張良坤董震凌亮何英于樹德熊飛張星華崔劍華黃瑾汪雲馮某女士等數十人開秘密會議。決定應從北方各省推動中央革命等計畫。卽時組織北方共和會以資號召。設機關於天津法租界梨棧生昌酒店樓上。另在

日租界榮華里租一屋爲同志初步接洽之所。又於俄租界大王廟租房三間。由凌亮偕各女會員在內製造炸彈。製成後。則藏貯於法租界生昌木器行朱竹君家備用。籌備既竣。乃由王葆真運動陸軍第二十鎮統制張紹曾反正。紹曾因此允與吳祿貞合作。尅日各率所部直搗北京。詎祿貞甫到石家莊。卽被清廷派奸徒暗殺。紹曾聞之大懼。竟棄第六鎮而匿居天津日租界。衆以此舉雖已失敗。第六鎮內多同志。事仍可爲。乃再組織北伐炸彈敢死隊。推凌鉞爲隊長。使往灤州策動同志將領乘時反正。各隊員皆化裝步行前進。此九月二十五日事也。

## 灤州革命軍政府

直隸灤州

王金銘施從雲凌鉞

十月初二日夜。北方共和會所派敢死隊長凌鉞及隊員行抵灤州。卽往北門外師範學堂第二十鎮第一營第二營駐所求見營長王金銘施從雲。將前製北軍大都督王金銘副都督張建功北軍總司令施從雲印信遞呈。并說明推舉理由。王施欣然接受。初三日卽開軍事會議宣布獨立。成立軍政府。同時派員赴開平邀請淮軍統領王懷慶到灤會商要公。十二日懷慶抵灤。凌鉞請王都督將其軟禁。并乘該軍不備。立卽進兵佔據開平。王都督謂同是漢人。決可參加義舉。是晚王施等在



火柴公司與懷慶談判多時。懷慶陽奉陰違。天明乘間逃走。追之不及。王施等遂於十五日督全軍向天津出發。詎離城未久。而奉命留守之副都督張建功卽已據城叛變。王施等聞變。不爲少動。仍揮全軍急進。師次雷莊。而王懷慶已率淮軍及第三鎮曹錕所部一旅嚴陣以待。革命軍猛取攻勢。初獲小勝。至十七夜清軍大集。義師以寡不敵衆。王施及參謀長白雅雨等多人相繼陣亡。凌鉞乃率殘部退守距灤州西北九十里之太平莊。繼以彈竭援絕。不得已解散所部。變裝從間道回抵天津。未幾北方各同志復謀攻襲天津直隸總督署。期前凌鉞忽被清探勾結法租界巡捕拘禁於捕房。乃由白逾桓改任指揮。事未成。死同志二十餘人。旋法國領事甘世東得當地革命黨公函。證明凌鉞爲真正革命黨。乃令捕房將其開釋。

上海各省都督代表聯合會 江蘇上海

陳其美程德全湯壽潛

九月滬蘇浙光復後。陳其美程德全湯壽潛三都督於二十一日倡議各省派遣代表。設立臨時會議機關於上海。商榷組織臨時政府事宜。至二十五日各省代表先後到滬。遂開第一次會議。決定會名爲各省都督府代表聯合會。

## 漢口各省代表聯合會

### 湖北漢口

### 譚人鳳馬君武雷奮

九月三十日各省代表會在上海開會。決議承認武昌爲民國中央軍政府。以鄂軍都督執行中央政務。十月三日開會。以湖北都督府會通電各省。謂派全權代表赴武昌組織臨時政府。復決議各省代表均赴武昌開會。適漢陽失守。武昌全城陷於清軍礮線之下。乃假漢口英租界順昌洋行爲各省代表會議所。初十日開第一次會議。推譚人鳳爲議長。十二日決議先規定臨時政府組織大綱。推雷奮馬君武王正廷爲起草員。十三日宣佈組織大綱二十一條。各省代表簽名者爲湖北時象晉胡瑛孫發緒王正廷。湖南譚人鳳鄒代藩。廣西張其煌。江蘇馬君武雷奮陳陶怡。浙江陳毅湯爾和陳時夏黃羣。福建潘祖彝。山東謝鴻燾雷光宇。安徽趙斌王竹懷許冠堯。直隸谷鍾秀。河南黃可權等。及十四日聞南京已光復。遂決議南京爲臨時政府所在地。各省代表於七日內齊集南京。重慶革命軍政府

### 四川重慶

### 夏之時張培爵朱之洪

是歲川省發生爭路風潮後。革命黨人遂乘機鼓盪。倡設保路同志會。與民衆合作。嗣武昌舉義。九月間某軍排長夏之時在重慶近縣率兵兩連起事。與清兵力戰。以衆寡不敵退入山中。至十月十

二日同盟會員張培爵朱之洪楊庶堪石青陽謝持等復在重慶起事。成立蜀軍軍政府。舉培爵爲都督。夏之時爲副都督。前在資州擒殺端方之鄂軍一部。至是亦由廣安州來渝。而合於蜀軍政府。此外尙有清永寧道尹劉朝望獨立於瀘州。巡防統領劉俊卿獨立於萬縣。均向重慶軍政府表示合作。

### 成都革命軍政府

四川成都

蒲殿俊尹昌衡

成都黨人聞武昌舉義。卽極力聯絡軍隊反正。及重慶獨立訊至。風聲愈緊。省中士紳乃請滿將軍玉崑勸諭旗人繳械。歸民軍保護。以免戰事。玉崑從之。遂於十月初十日宣告獨立。推諮議局議長蒲殿俊爲都督。新軍統制朱慶瀾副之。及十八日。先鋒隊三千餘人譁餉。突起戕官劫庫。焚掠市肆。殿俊慶瀾皆避去。陸軍小學總辦尹昌衡急入鳳凰山營。激勵將士。率之入城。以掃除亂兵爲己任。各界羣推昌衡爲都督。羅倫副之。大局由是安定。十一月初三日昌衡以清前督趙爾豐猶蟠據總督署不退。乃派兵圍攻該署。擒爾豐。殺之於明遠樓側。

### 東革命軍政府

山東濟南

孫寶琦

魯省革命運動。歷年由同盟會員徐銳心劉冠三丁維汾謝鴻壽商震陳幹于洪起等多方進行。頗著成效。是歲鄂軍起義。濟南士民聞清廷議向德國借款三百萬以濟軍用。并以山東全省土地作抵。大憤。遂在諮議局開會議決八條。要求魯撫電向清廷宣言反對商借德款。嗣聞江浙閩粵滇黔等省相繼獨立。乃於九月二十一日召集大會。羣請寶琦贊成共和。寶琦許之。遂舉寶琦爲臨時都督。第五鎮統制賈德懋副之。寶琦旋接清慶王奕劻及袁世凱來電嚴責。因而大恚。繼詢知黨人在軍隊中原乏實力。乃於十月十日電奏請罪。取消獨立名義。世凱更遣張廣建吳炳湘至濟南。以巨資買收第五鎮統制吳鼎元等。取消獨立。即以廣建代寶琦爲巡撫。山東仍入舊軍閥掌握。

#### 烟台革命軍政府

山東烟台

王傳炯盧和生胡瑛

山東烟台商埠與青島同爲南北黨人往來之孔道。武昌舉義後。黨人徐銳心盧和生鄭天楚等遂組織敢死隊。并聯絡停泊港口之軍艦士兵。突然於九月二十二日圍攻該地文武官署。清吏皆驚走。徐銳心遂集合各界組織山東軍政府。推舉某艦艦長皖人王傳炯爲臨時都督。盧和生爲交涉使。向各國領事聲明負責保護外僑。嗣十月十日孫寶琦忽宣佈取消山東獨立。清廷且派張廣建

代之。烟台大受清軍威脅。傳炯乃向滬軍都督求援。未幾南京政府成立。孫總統徇黃陸軍部長所請。任命胡瑛爲山東都督。先派劉基炎率滬軍三千人。杜潛率閩軍三千人。各乘軍艦赴烟台接防。迄南北統一。胡瑛辭都督職。烟台仍入北方惡軍閥手。

### 東三省保安會

遼寧奉天

藍天蔚吳景濂趙爾巽

湖北舉義後。東三省革命黨人欣喜若狂。卽密謀以保安會名義推戴奉天總督趙爾巽爲正會長。然後設法使其自動下台。另舉藍天蔚爲關外都督。吳景濂爲奉天民政長。九月二十一日遂用各界名義成立保安會。推爾巽爲正會長。二十六日吉林各界效之。亦舉巡撫陳昭常爲保安會會長。二十七日黑龍江亦成立保安會。以巡撫周樹模爲會長。至是黨人更謀以保安會名義宣布共和。實行第二步計畫。詎事機洩露。竟爲爾巽所破壞。藍吳二人以是不能在東省立足。相繼南下。黨人大憤。乃於十月六日宣布公推天蔚爲關東都督。紛紛赴各地起兵。趙中鵠王憲章起兵海城。顧人宜楊大實起兵復縣。商震郭斗生起兵遼陽。劉雍甯武起兵鳳城。祁耿寰徐景清起兵遼中。孫祥夫馬玉祥起兵鐵嶺。朱霽青段文祥起兵開原昌圖。均以力量單薄。旋起旋仆。僅顧人宜楊大實一路

賴有大連上海兩地黨人之接濟。與清軍相持較久。及南京共和政府成立。孫總統復任命藍天蔚爲關東都督。并節制北上海軍。黨人聲勢爲之一振。不久南北宣告統一。遵令解散。東三省又復淪於軍閥鐵蹄之下。

### 河南革命總司令部

河南開封

張鍾端王庚先王天傑

豫省同盟會員張鍾端楊漢光劉積學王庚先楊源懋劉榮棠諸人於鄂軍舉義後。即聯絡軍學各界及諮議局議員企圖響應。其機關分設於開封北土街和合堂及優級師範學堂中州公學公立法政學堂諮議局等處。陸軍協統應龍翔亦表同情。願率所部反正。清豫撫寶芬聞之大驚。乃詭言決意退休。即挈眷離汴。將以事權交龍翔署理。請龍翔往撫署辦理交代。龍翔信之。及至撫署。竟爲寶芬禁錮。而另派人統領河南陸軍。且向清廷告變。清廷乃派齊耀琳代之。於是黨人計畫全盤失敗。乃不得不變更策略。改由各縣同志召集會黨綠林分途發動。公推張鍾端爲河南革命總司令。王庚先副之。劃分全省爲五路。鍾端與庚先王天傑李幹公張兆發劉榮棠王月波李古民方貞張嘉謀等擔任中路。詎張兆發誤信舊同事巡防營統領柴得貴爲可恃。介紹與鍾端接洽反正條件。

訂期十一月初三日發難。得貴竟向齊耀琳告密。并領兵突然包圍革命軍總部之師範學堂。捕獲鍾端等二十一人。僅劉榮棠數人踰牆逃脫。就中鍾端等十一人被置極刑。王子傑等十人由當地巨紳保釋。自鍾端等殉義後。豫省黨人之元氣殆呈一蹶不振之象。

### 河南西路革命軍

#### 河南嵩縣

#### 楊漢光王天縱劉純仁

豫省革命軍劃分五路起事後。擔任西路者爲楊漢光王天縱楊源懋劉純仁等。此路發難最早。而聲勢亦較大。初由俠盜王天縱集合所部由嵩縣進攻洛陽。劉鎮華再效張仲琴等亦率一部會黨應之。洛陽知府啓綏棄城而逃。清廷以洛陽勢在必爭。乃派趙倜周黼麟統大兵來攻。楊漢光派劉純仁紀宗義往說趙倜納降。竟爲趙所捕殺。天縱等大憤與戰。相持月餘。以衆寡不敵。始棄洛陽而退入陝西邊境。時陝西都督張鳳翽知清軍佔洛陽後將乘勢西進。遂派張鈞領兵出潼關拒之。天縱得陝軍供給。聲勢復振。因與張鈞合兵同拒清軍。趙倜數次進犯潼關。均不得逞。卒爲革命軍掩襲敗退。固守繩洛。不敢西侵。然天縱等亦無力再攻洛陽也。又北路軍原由暴式彬等擔任。其任務在破壞黃河鐵橋。以阻清軍南下。因戒備嚴密無從下手。乃全部渡河而南。併入西路。

## 河南南路革命軍

河南葉縣

劉積學孫豪趙伯階

豫省南路革命軍係由劉積學焦文齋魏士駿孫豪海廷璧趙伯階等負責進行。設機關於葉縣城北焦文齋宅。初由文齋士駿用辦民團名義。往開封購取洋鎗子彈運回南陽。預定卽以此械在南陽起義。事爲南陽縣令偵悉。預派兵警在葉縣城下截奪而去。積學以所謀失敗。遂赴開封另圖進行。其任務由孫豪處理。豪與廷璧伯階等往來魯鄭寶等縣。招聚豪傑。月餘得同志千數百人。遂進攻魯山縣城。縣令派某縣紳多人謁豪等乞降。毫信之。偕縣紳入城。竟爲縣令慘殺。伯階等率衆攻城。而駐南陽總兵謝寶勝已得訊來援。民軍內外受攻。伯階陣亡。南路軍以是全部崩潰。

## 河南東路革命軍

河南商邱

劉榮棠等

豫省東路革命軍係由劉榮棠等擔任。其進行計畫在聯絡商邱睢州等縣之仁義會。附和者號稱萬數千人。惟均無鎗枝。榮棠乃挑選若干人爲敢死隊。使乘隙突入開封城內縱火爲號。而以大隊自外應之。某日乘天未曉時。有一隊會衝進開封曹門內。被城兵覺察驅散。城外大隊以所圖不成。亦逐漸散去。此總司令張鍾端等被害前事也。中路軍時間各路相繼失敗。乃派劉積學赴上海向



各省義軍乞援。

華僑革命黨歸國代表

江蘇上海

馮自由吳世榮

湖北起義後一月。海外華僑革命黨開祖國將組織中央共和統一政府。乃各推代表回國參加組織及選舉事宜。計美洲同盟會及致公堂洪門籌餉局三團體所派遣者爲馮自由。南洋英屬馬來亞各埠同盟會所派遣者爲吳世榮。馮吳二人均於十一月初一二日先後到達上海。同設海外代表辦事處於西華德路萬歲館。并向滬軍都督府及黃元帥府報到。數日後孫總理抵滬。亦代電通知南京各省代表聯合會。及是月十日各省代表開總統選舉會。馮吳二人屆時赴會。以代表會尙未制定華僑代表選舉權條例。僅列於旁聽席而已。

南京各省代表聯合會

江蘇南京

居正王寵惠馬君武林森

十月十四日。各省軍政府留滬代表選舉黃興爲大元帥。黎元洪爲副元帥。由大元帥主持組織中華民國臨時政府。嗣以黃興力辭。復於十一月一日改選元洪爲大元帥。與爲副元帥。並決定大元帥不能在臨時政府所在地時。以副元帥代行職權。與仍力辭。因是各省代表進退維谷。適孫總理

於是月初六日回國抵滬。衆乃於十日在江寧舊諮議局開臨時大總統選舉會。各省代表出席者。有湖北居正馬伯援楊時傑王正廷。湖南譚人鳳鄒代藩廖名楷。陝西張蔚森馬步雲。山西景耀月。李素劉懋賞。江西林森趙士北王有蘭俞應麓湯漪。雲南呂志伊張一鵬段宇清。江蘇袁希洛陳陶怡。浙江湯爾和黃羣陳時夏陳毅屈映光。廣西馬君武章勤士。廣東王寵惠鄧憲甫。福建潘祖彜。安徽許冠堯王竹懷趙斌。四川蕭湘周代本。河南李鑿。奉天吳景濂。直隸谷鍾秀張銘勳等。計十七省。每省限投一票。孫文得十六票。當選爲臨時大總統。元年一月十六日復選舉黎元洪爲副總統。

## 中華民國臨時政府

### 江蘇南京

### 孫文黎元洪黃興

孫大總統當選後。卽於十一月十三日赴南京宣誓就職。同時宣布改用陽曆。以是日爲民國元年元旦。元年三日向各省代表提出各部總長九人及次長九人。徵求同意。計陸軍總長黃興。次長蔣作賓。海軍總長黃鍾瑛。次長湯壽潛。司法總長伍廷芳。次長呂志伊。財政總長陳錦濤。次長王鴻猷。外交總長王寵惠。次長魏宸組。內務總長程德全。次長居正。教育總長蔡元培。次長景耀月。實業總長張謇。次長馬君武。交通總長湯壽潛。次長于右任。代表會一致通過。

伊犁革命軍政府

伊犁

楊繼緒馮特民廣福

丙午（民前六年）秋湖北同盟會員馮特民因張之洞大興黨獄。適同志陸軍四十二標統楊繼緒調任伊犁陸軍協統。遂相隨出關。乘機與同志馮大樹李輔黃郝可權黃立中等聯絡哥老會首領蜀人徐開陽等及回部首領馬騰霄等。伺隙起義。辛亥十月伊犁清將軍志銳懼楊軍反正。謀解散之。時繼緒特民已商定於十一月十九日（即元年一月七日）舉兵反正。是日特民與黃立中佔領南庫。郝可權領礮隊攻將軍府。李輔據東門。迎反正軍隊入城。馮大樹攻副都統署。志銳逃入烏都統衙門。特民乃偕馬步雲捕志銳至鼓樓東。鎗決之。繼緒乃請卸任都統廣福合組五族共和會。衆舉繼緒爲會長。廣福爲臨時都督。成立革命軍政府。特民專任外交事務。以處理得宜。俄領事甚敬禮之。

北京炸袁暗殺隊

直隸北京

楊禹昌黃之萌張光培

旅北京同盟會員楊禹昌黃之萌張光培等以袁世凱主謀派兵南下。爲革命軍大害。遂於九十月間組織暗殺隊謀除去之。是月十六日（舊曆十一月三十）世凱往朝清帝。行至王府井大街。禹

昌等三人即從茶樓上擲下炸彈。世凱車先行。竟不中。斃衛隊長袁金標及排長二人。隊兵三人均被逮殉義。

### 北京北方暗殺部

直隸北京

彭家珍

是歲十一月北方暗殺部部长彭家珍由滬返津。即偕同志呂紹劉應移杜黃裳趙鐵橋陳憲民等進行暗殺工作。以北京西河沿中西旅社爲辦事機關。時清軍諮處長良弼方組織宗社黨。以阻撓共和。家珍謂此獠不去。必爲革命大患。遂決計除之以免害。因素悉奉天講武堂監督崇恭與弼交好。乃於一月二十六日（舊曆十二月初七日）冒崇恭名詣紅羅廠良弼宅訪之。遇弼於門次。乃向之連擲二彈。弼被炸斷左股。暈絕仆地。衛兵死者九人。家珍被彈觸石反射。重傷頭部而殞。弼蘇後。以流血過多亦逝。弼既死。清室震慄。退位之局乃定。

### 河南革命威武軍

河南光山

張國威劉積學閻子固

豫省五路革命軍張鎮端等相繼失敗。劉積學乃持河南同盟會公函赴滬向黃興陳其美求援。時南京政府已告成立。遂由旅滬豫省同盟會員組織北伐威武軍。以張國威爲總司令。由南京陸軍

部及滬軍都督府撥給鎗械。適劉芬佛園子固陳伯英馮甲嶺諸人陸續抵滬。威武軍乃於短期內編成。張國威遂率之北上。擬經由皖境側攻河南。師次蕪湖。乃改道黃州陽羅。進抵河南光山縣境。更聯絡淮上軍張隨滔部及鄂省奮勇軍齊向豫省中部進攻。同時閻子固率偏師由三河尖攻新蔡縣。佔領縣東南三岔口。以清將倪嗣冲從潁州出兵。恐被抄襲後路。乃回軍自保。旋復出師佔領固嶺商城等縣。開封洛陽均爲震動。

### 河南革命奮勇軍

#### 河南新野

#### 馬雲卿查光復

革命奮勇軍爲留鄂豫籍各級軍人所組織。自河南五路革命軍相繼失敗。豫人乃舉馬雲卿查光復魯鴻賓等爲代表。晉謁鄂都督黎元洪請援。黎許之。卽任雲卿爲奮勇軍標統。而使荆襄招討使季雨霖相機助之。雲卿於是召集同鄉在中州會館開會。豫人參加者二千餘人。卽率之進攻新野縣城。一鼓佔之。繼又攻克鄧州南陽等縣。擒清南陽總兵謝寶勝殺之。卽梟其首以爲孫豪趙伯階諸同志復仇。時三路軍連戰俱勝。擬向河南中部會師。適南北和議告成。南京陸軍部電令制止各軍一切行動。三路軍遂不得不遵令撤退。河南全省仍落於惡軍閥手。

## 南京臨時參議院

江蘇南京

林森谷鍾秀李肇甫

南京臨時政府行政各部成立後。各省代表會復於一月十六日制定臨時政府組織大綱。并選舉黎元洪爲副總統。二十八日由各省省議會選出代表組織之臨時參議院宣告成立。衆舉林森爲議長。是爲中華民國人民代議機關正式成立之嚆矢。二月十四日孫大總統向參議院辭臨時大總統職。薦袁世凱自代。參議院遂先後選袁世凱爲臨時大總統。黎元洪爲副總統。三月十一日公佈中華民國臨時約法。南北和議以成。全國統一。

## 民國前國內外黨人之革命組織補遺

前文脫稿後。復接到各地同盟老友來函多件。均分別錄示民國成立前國內外革命黨人所組織之機關。及其年代。所與關係人頗詳。以前稿不便添入。特爲補述如後。

年期

機關名稱

地所

關係人

甲辰（民前八年） 安慶武毅會

安徽安慶

程家樺 吳春暘 萬福華

此乃程家樺與萬福華 吳春暘 范傳甲 盧鏡寰 潘贊化等在皖組織之最初革命機關。

同上

東京寓廬

日本東京

程家樺 潘贊化

地。在日本東京牛込區北辰社。乃皖人程家樺 潘贊化等所居。留學界志士多假之爲談話所。乙巳六月。孫總理歸自歐洲。即召集有志者黃興 陳天華 吳春暘等組織革命團體。開會前嘗假寓廬商討進行方略。

乙巳（民前七年） 東京轟天隱

東京

程家樺 張昉

地在東京江戶川側。程家樞於同盟會成立後。與同志張昉遷居於此。榜其名曰轟天隱。皖鄂湘三省多出入其間。

丙午（民前六年）

同盟會十四支部

東京

林時壘李恢

地在東京郊外大久保。乃福建黨員集合機關。閩人林時壘李恢黃士恆等居之。復遷於本鄉區柳町屋。外觀曰田野方。

同上

南京機關部

江蘇南京

趙聲林述慶柏文蔚

丙午春同盟會派皖人盧鏡寰到江寧組織機關部。專以運動軍學兩界入黨爲目的。得陸軍將弁孫銘趙聲林述慶柏文蔚林之夏伍崇仁倪映典學界伍崇學封得三辛漢濮仲厚陶駿保等數十人。是冬萍鄉醴陵革命軍起。衆謀分路響應。事稍洩。爲清江督端方所疑。衆乃分赴各省活動。機關以是解散。

丁未（民前五年）

北洋振武社

直隸寧河縣

丁開璋丁東第

同盟會員丁開璋是年自日返國。與同志丁東第楊兆林王斌王治增等在直隸寧河城北之南青



蛇莊開設北洋振武社爲同盟會分會。同志入會者日衆。丁開璋爲會長。

丁未（民前五年）

烟台東牟公學

山東烟台

徐鏡心胡瑛

山東同盟會員徐鏡心自日本返魯。約湘同志胡瑛在烟台開辦東牟公學。內設同盟會魯省分會。得魯省會員多人。

戊申（民前四年）

奉天督練處

奉天

吳祿貞馮玉祥

是歲革命黨員吳祿貞由清東三省總督調充奉天督練處總辦。祿貞調查北洋第一混成協多革命同志。請調隨行。名單內有馮玉祥張之江王金銘施從雲石敬亭鄭金聲鹿鍾麟韓復榘張樹聲李圻張輔廷諸人。擬將混成協及一二兩標編爲一鎮。適間島事發。祿貞調充邊防督辦。未果。時督練處內部諸將弁有藍天蔚邵保張華飛劉一清程守箴石星川夏占奎任本昭唐克明陳鏞辜天保陳錦章夏得祥等。皆熱心革命者。

同上

新加坡陽明日報

英屬馬來亞

鄭提摩太

同志鄭提摩太精通羅馬文馬來音。特刊一羅馬文馬來土話之日報。以開通華僑土生子弟之不

諸漢文者。孫總理爲定報名曰陽明日報。(Haya Matti Harl) (馬來音)

庚戌(民前二年) 新民武學研究會

奉天新民府

馮玉祥商震李圻

己酉庚戌間。清二十鎮革命同志馮玉祥等爲擴張黨勢起見。特在奉天新民府組織武學研究會。以爲機關。會員有戴純齡孫諫聲商震王金銘施從雲張之江張樹聲張振揚李鳴鐘鹿鍾麟韓復渠石敬亭王謁臣葛盛臣鄭金聲汪人傑劉驥郭鳳山高振龍張紹棠李圻高振龍等。衆舉玉祥爲會長。高震龍副之。并推商震負聯絡七十七七十八兩標專責。李圻負聯絡七十九八十兩標專責。韓復渠且自剪辮髮。以爲衆倡。

同上

錦州武學研究會

奉天錦州

龔柏齡商震程起陸

駐奉天錦州新軍亦有武學研究會之設。主其事者有龔柏齡商震程起陸張子卿魏榮暢馮慕琦李儀吉吳春霖王德全李樹森張鳳池孫思周胡祥麟李孝通諸人。與新民幹部互相犄角。勢力益張。

同上

錦州隨營學堂

奉天錦州

石星川夏占奎林德軒

清軍二十鎮成立後。分駐錦州。有心革命之將校。標統石星川。管帶夏占奎。林德軒。隊官龔柏齡。劉劍秋。特組織隨營學堂。親任教授。以宣傳革命。學員有商震。朱霽青。程起陸。張鳳池。孫思周。王德權。李樹森。顧蔭棠。劉紹文。修玉。崑葉。永韶。關守山。諸人。就中震及霽青曾留學日本。爲革命故投入軍中。實行下層工作。

庚戌（民前二年）新民山東同鄉會

奉天新民府

馮玉祥王金銘施從雲

王金銘等在新民府組織武術研究會後。聲勢日盛。是歲乃另組山東同鄉會。以掩其迹。魯籍軍人一律入會。而事權由金銘操之。他省同志如施從雲。馮玉祥。張之江等。概推爲名譽會員。由是藉同鄉會名義。派員分赴各地活動。不致起疑。

辛亥

錫金軍政分府

江蘇無錫

秦毓璠華承德

辛亥九月十三日上海光復後。無錫人秦毓璠。即在小婁巷私宅密招同志。錢鼎奎。吳千里。華承德等。計畫起事。各防營隊官劉秀寬等咸表示服從。遂於十六日光復無錫。金匱兩縣。衆舉毓璠爲錫金軍政分府司令。隨派員策動江陰。礮臺反正。

辛亥

龍山會盟

直隸雷莊

辛亥清廷舉行秋操。革命志士白毓崑、凌鉞、孫諫、聲劉士俊、董寶華、邱子九、何英等欲乘時活動。各喬裝商販至灤州附近之雷莊。與塾師李億珍、客棧主人李棠等密商進行。旋在距坨子頭里許之龍山訂盟大舉。是爲灤州革命軍之先聲。

同上

天津造胰公司

天津日租界

劉孟揚、嚴智怡

武昌起義後。北洋各鎮將領吳祿貞、張紹曾、藍天蔚等欲假要求清廷宣佈立憲之名。行革命之實。黨人劉孟揚、嚴智怡、華石父租得天津日租界造胰公司爲策動機關。分謀響應。

同上

鎮江第一樓

江蘇鎮江江邊

林述慶

辛亥九月上。海光復前後。清卅六標營長林述慶企圖反正。以江邊第一樓爲聯絡機關。一切計畫皆先後與滬寧及軍隊同志柏文蔚、林之夏、林之淵、陳子範、江道祺、陶遜孫、銘伍、崇仁、劉成端、木瑣、生、梁維嶽等在此協商進行。十七日誓師辭卽在此擬發。

同上

鎮江軍政府海軍處

江蘇鎮江

吳光亞、盧鏡寰

清海軍鏡清等十六艦原泊南京。經海軍員弁陳復吳光亞等聯絡士兵成熟。九月二十一日鎮江都督府復派盧鎮寰率炸彈隊赴下關登輪威逼各艦長開往鎮江。始宣告反正。軍政府特爲設置海軍處。以經理艦艇設施。

辛亥

溧州軍事會議

直隸溧州

吳祿貞張紹曾藍天蔚

清廷因張紹曾等截扣軍械。威逼頒憲。乃派第六鎮統制吳祿貞赴溧州宣撫。祿貞偕陳其采蔣作賓黃愷元吳之來等抵溧。遂與紹曾藍天蔚召開軍事會議。議定直搗北京計畫。以溧州張部爲第一軍。奉天藍部爲第二軍。保定吳部爲第三軍。第一軍由溧州趨豐臺。第二軍作後援隊。第三軍由保定趨長辛店。事洩。清廷派奸人刺殺祿貞於石家莊。且免紹曾職。天蔚亦被逼離奉。搗京計畫遂成泡影。

同上

海陽革命機關

山東海陽鎮

張之江張樹聲張振揚

駐海陽鎮第二十鎮馬隊隊官張之江張樹聲張振揚及步隊第八十標二三營管帶鄭金聲馮玉祥等預定響應溧州大舉。爲清鎮統潘矩楹監視。之江張樹聲張振揚知不可爲。先後出走。

辛亥

任邱雄縣革命軍

直隸順德府

靳廣隆靳洛平

吳祿貞在石家莊殉義後。直隸順德府任邱雄縣志士靳隆廣靳洛平王子德王汝曾張永韓復生馮重德齊子岡田寶納張海等在十月下旬。起義於任邱縣屬之娘子營村。清廷迅派淮軍兩營往攻。以寡不敵衆。靳等大部陣亡。齊子岡率餘人奔晉。是爲灤州起義之前奏。

同上

通州革命軍

直隸通州

王治增

灤州舉義後。北洋振武社長王治增偕王斌楊兆林丁東第等聯絡協和學堂學生蔡德辰北通州武衛左軍醫官雷茂林毅軍隨營學生張文炳設機關於通州張家灣王宅。預備大舉直搗北京。毅軍受盟者不少。十一月二十三日開會。決定卅九日攻佔通州。事洩。二十七日深夜突有毅軍馬隊二百餘騎。圍搜總機關。治增等七人被逮。均被處死刑。

同上

吉林獨立會議

吉林省城

范治煥連成基彭漢懷

武昌起義後。駐吉林軍警政學各界革命同志有連成基范治煥李莘齋仇鰲邱特亭彭漢懷趙繆范秉寬范新帆王楨幹羅炳蔚李劼夫傅壹王凱章周志誠繆笠仁任紹林張樹助等多人。羣請清

撫陳昭常宣布獨立。即推爲都督。以巡防統領孟恩遠強烈反對。議不果行。商震乃提議先圖奉天。謂吉黑可傳檄而定。衆然之。於是漢懷劾夫辛齋等先後赴奉。

辛亥

奉天革命機關

奉天西門外

藍天蔚商震朱霽青

奉天革命運動原由藍天蔚負責進行。嗣以灤州事變嫌疑。天蔚爲清撫趙爾巽逼走。乃改由商震朱霽青等負責。旋在奉天西門外車站附近十間房設立機關。程起陸朱霽青駐此。迭派徐于王克仁高子培房懷遠方剛宋少俠石巨符王國棟劉純一尹錫五齊續堂分向遼陽開原昌圖鐵嶺法庫本溪等縣活動。未幾以遼陽起義失敗。此機關遂亦解散。

同上

遼陽革命軍

奉天遼陽郭家店

商震程起陸祈耿寰

商震決在遼陽發難。以爲各地之倡。設機關於郭家店。由程起陸祈耿寰等主持之。店主人郭儀廷亦屬同志。尤爲得力。事稍洩。趙爾巽派兵圍捕商震。震乘間逸。時劉二堡巡官徐鏡清率巡警數十名先發難。耿寰起陸等亦率敢死隊二百餘人共同作戰。以寡不敵衆。殉難者百數十人。耿寰起陸僅以身免。

辛亥

大連同學會

大連浪速町

商震藍天蔚連成基

遼陽革命軍敗後。商震率同志走大連。租浪速町二十八番地爲機關。定名同學會。於是正式組織關外軍。孫大總統任藍天蔚爲關外都督。商震爲關外民軍總司令。中央撥給餉械。另派海陸軍北上援應。由是民軍得以轉戰於貔子窩莊河一帶及山東登黃各縣。聲勢大振。至南北統一。始奉令解散。











